

《續修四庫全書》編纂委員會編

續修四庫全書



上海古籍出版社

四九六・史部・詔令奏議類

那文毅公奏議八十卷（卷二十七至卷五十四）

〔清〕那彥成撰

2650/06

那文毅公二任陝甘總督奏議卷二十七目錄

卷二十七

糾彈庸劣

那文毅公二任陝甘總督奏議

目錄

那文毅公二任陝甘總督奏議卷二十七

上海市歷史文獻圖書館藏

男容安恭輯

糾彈庸劣

嘉慶十六年閏三月十九日

奏為特參敗檢濫刑卑鄙無恥之遊擊及隨同挾妓飲

酒之遊擊都司知縣請

旨革職嚴審事竊臣上年辦理災賑務期掃除積弊有派

出查賑之文武委員亦恐其與地方官串通舞弊

臣時刻留心專差密訪茲有署督標參將鎮夷營

遊擊鳳威經臣委赴隴西縣彈壓饑民就近稽查

那文毅公二任陝甘總督奏議

卷二十七

監散嗣經訪聞鳳威在彼有挾妓飲酒之事並據

帶往之兵丁張明蔣柱雒成祿盛得福張國漢雷

崇得等同省赴臣衙門喊稟該遊擊曾在署鞏昌

營遊擊程永泰衙門喚進娼妓雷富貴子唱曲侍

飲隴西縣知縣樊玉軸亦會同席是夜鳳威將雷

富貴子帶回公館留宿又兼虐使兵丁曾令兵丁

張明做飯該遊擊與娼妓同食因其不好即將該

兵丁用鞋掌責並供出該遊擊曾得過樊玉軸銀

三百兩車騾一頭不知是借是送等供臣隨飛提

鳳威程永泰樊玉軸及案內人証一併解省督同

藩臬兩司嚴加審訊據程永泰供上年十一月二十四日在本衙門邀請鳳威款待酒飯並邀樊玉軸相陪鳳威酒後央其喚進娼妓雷富貴子唱曲侍飲等情質之雷富貴子亦已承認並供出是夜鳳威即帶回公館歇宿其因做飯賣打兵丁馬寶而鳳威尚在混賴又鳳威與樊玉軸同供伊等曾在陝西軍營熟識相好此次鳳威到隴會因天寒向樊玉軸借銀製衣並借盤費共銀三百兩有券可驗臨行又借用車騾並無別故 查鳳威以遊擊大員奉委災賑重務膽敢挾妓宿娼卑鄙無恥

那文毅公一任陝甘總督奏議

卷二十七

二

甚至濫責兵丁尤屬任性狂蕩殊堪痛恨程永泰邀請宴會與樊玉軸一同挾妓飲酒均屬有玷官箴且當地方荒歉辦理賑務之時文武官員尙復不恤民事蕩檢踰閑其罪更難輕縱至鳳威向樊玉軸借貸銀兩車騾一節更關緊要雖借銀有券是否實係借貸抑係藉端需索及樊玉軸有無交結委員於賑務中串通滋弊之處必須徹底根究嚴懲示儆 已飭委蘭州道嚴煇馳往隴西弔查該縣散過賑冊親赴四鄉按照戶口逐一核對有無浮冒歸案審辦外茲據藩臬兩司轉據該管道

府揭報前來相應恭摺奏

奏請

旨將鎮夷營遊擊鳳威署鞏昌營遊擊臨洮營都司程永

泰隴西縣知縣樊玉軸一併革職收禁以便提同

案內人証嚴加刑訊定擬具奏並委員前赴隴西

縣摘印署理並將樊玉軸經手倉庫錢糧有無未

清查明另辦謹

奏

嘉慶十六年四月初八日奉

上諭據那彥成奏遊擊鳳威委查賑務在署鞏昌營遊擊

那文毅公一任陝甘總督奏議

卷二十七

三

都司程永泰署內挾妓飲酒並向隴西縣知縣樊玉軸

借用銀兩車騾卑鄙無恥請旨革審一摺遊擊鳳威都

司程永泰知縣樊玉軸著一併革職交該督提集人証

嚴審定擬具奏

嘉慶十六年五月十五日

奏為遵

旨審明定擬恭摺覆

奏事竊 臣 奏鎮夷營遊擊鳳威委查賑務在署鞏昌

營遊擊程永泰署內挾妓飲酒並向隴西縣知縣

樊玉軸借用銀兩車騾一案奉

旨鳳威樊玉軸程永泰著一併革職交臣提集人証嚴審定擬具奏欽此當卽行司傷委署蘭州府知府稽承裕逐欵嚴訊由藩司陳祁臬司積朗阿蘭州道嚴煇審擬解勘前來臣親提覆鞫緣已革鎮夷營遊擊鳳威與署鞏昌營遊擊臨洮營都司程永泰同官熟識並與隴西縣知縣樊玉軸前在漢中軍營素稱交好嘉慶十五年十月內隴西地方放賑鳳威奉委前往監查彈壓十一月二十日至各鄉監散賑銀事竣回縣二十四日程永泰邀請鳳威至署欸待酒飯并邀樊玉軸作陪鳳威赴飲時見有在街賣唱之娼妓雷富貴子卽先至樊玉軸署內商同於赴席時喚至取樂旋至程永泰署中同樊玉軸商之程永泰程永泰答以此地並無唱曲女子用言阻止旋因有文書簽押避席進內鳳威樊玉軸隨令巡兵王源將雷富貴子徑行喚進在席唱曲程永泰見而生怒卽將巡兵王源當場責革樊玉軸含愧辭回鳳威氣忿聲言不須睬我自帶回寓中自行取樂隨將雷富貴子帶回伴宿賞給錢文次日令跟隨兵丁張明做飯與雷富貴子同食因不適口遂將張明賞責此鳳威在隴宿

那文毅公二任陝甘總督奏議

卷二十七

四

娼虐責兵丁及樊玉軸隨同挾妓飲酒之原委也迨十一月杪鳳威因天氣寒冷需製皮衣隨從弁兵亦需衣履盤費向鳳威公同求借鳳威隨向樊玉軸商借銀三百兩寫立借券約定回省寄還樊玉軸因平日交好情不可却當卽收券照數借給鳳威將銀轉借隨帶之本營兵丁張明等六名每名銀八兩又借與隨往之把總張仁外委薛漣兵丁紀棟裴順等四名每名銀一十五兩餘銀一百九十二兩留爲自用嗣緣騎馬倒斃又向樊玉軸借用騾頭旋因買馬將騾送還此又鳳威借銀借騾之實在情節也迨後事竣回省兵丁張明等旋回鎮夷鳳威因慮路遠難扣餉銀勒令將所借銀兩就省繳還張明等一時無措鳳威加以責罵張明等心懷不甘赴臣衙門喊稟當經叅奏革審所有鳳威挾妓宿娼虐使兵丁各欵已據供認確鑿惟於奉委查賑事務輒向知縣借貸該縣又卽照數借應情節可疑恐有串通侵蝕賑銀及挾制需索之事復將該革員等撥刑嚇訊據供隴西縣賑銀係照戶口數册由縣攤募兌封資呈本管道府按封查驗另行委員押運赴鄉會同散放並

那文毅公二任陝甘總督奏議

卷二十七

五

非知縣一人經手無從侵蝕鳳威隨同監散目覩
清真亦斷不能起意需索質之弁兵僉供實因天
寒衣薄再三求借是以鳳威始向樊玉軸通挪並
無別故等情查此案臣前經

奏明飭委蘭州道嚴煥馳赴隴西弔查散過賑册按戶
核對刷據該道稟覆帶同委員親赴該縣各鄉按
戶抽查所放銀數均屬相符詢之該管道府俱稱
此項賑銀由縣攤剪兌封呈驗明白由道府委員
散放該縣並未經手實屬無從侵冒等語復經該
道嚴煥傳集攤剪之銀錢舖戶說明是實查隴西

那文毅公二任陝甘總督奏議

卷二十七

六

縣實放賑銀二萬四千一百一十一兩零其餘逃
荒未回及臨點不到各戶餘剩銀兩已於二月二
十九日批解司庫有藩司庫收批迥可據復查無
異又提到鳳威所給樊玉軸借券查驗屬實是樊
玉軸所借鳳威銀兩止係交好通融與賑務並無
干涉似屬可信查律載官吏宿娼杖六十挾妓飲
酒亦同此律此案已革鎮夷營遊擊鳳威私役在
營兵丁令其充當厨役做飯已屬違例甚至飲酒
宿娼虐賣兵丁尤屬卑鄙無恥任性狂蕩已革隴
西縣知縣樊玉軸辦理賑務不恤民事既不驅逐

流娼復借同鳳威挾妓飲酒實屬有玷官箴鳳威
樊玉軸若僅照官吏宿娼挾妓飲酒律定擬實覺
情重法輕業經革職應請

旨一併發往伊犁充當苦差以示懲儆署鞏昌營遊擊臨
洮營都司程永泰因鳳威係屬過客款待酒飯尙
與無故宴會者不同當鳳威等欲喚雷富貴子之
時用言阻止旋因公事避席不及攔阻當將傳喚
之兵丁責革致鳳威等無顏終席各自散去是程
永泰尙知守正惟僅將兵丁責革並不據實揭報
究屬應申不申程永泰業經革職應請

那文毅公二任陝甘總督奏議

卷二十七

七

皇上施恩准予開復仍交部照例議處兵丁王源聽從傳
喚妓女帶進衙署實屬不合業經責革應免重科
兵丁張明等六名俱係鳳威私役因被本官責罵
勒還借項以致情急喊稟且所稟得實尙無不合
應與無干之把總張仁外委薛漣兵丁紀棟裴順
等俱免置議張仁薛漣所借銀兩業經歸還張明
等被官私役其與紀棟等所借銀兩俱屬無多概
免若追仍於鳳威名下照數罰追給還樊玉軸收
領掣銷借券娼妓雷富貴子應照犯姦例杖一百
枷號一個月杖決枷贖遞回原籍查傳親屬收領

所得鳳威錢文照迫入官帶領雷富貴子沿途賣唱之張升獲日另結容留娼妓之房主及失察牌甲人等照例責處無干省釋謹

奏

嘉慶十六年六月初六日奉

上諭那彥成奏審出已革遊擊鳳威等飲酒宿娼並索借銀兩各實情定擬罪名請勅部核覆一摺鳳威係遊擊大員奉委查賑因都司程永泰邀請赴席輒敢傳喚娼妓唱曲侑酒隨又帶同伴宿並向知縣樊玉軸索借銀三百兩種種卑鄙不堪無恥已極鳳威著即發往伊犁

那文毅公二任陝甘總督奏議

卷二十七

八

充當苦差到戍後加枷號半年以示懲儆樊玉軸協同挾妓飲酒亦屬無恥著一併發往伊犁充當苦差程永泰與鳳威係屬舊交其查賑到彼款待酒飯鳳威商令喚妓會用言阻止迫兵丁聽從鳳威喚入娼妓伊先因公事避席進內並不知情及至見面根究即將該兵丁當場責革雖未經揭報例有應申不申之咎但該員能知持正畏法自當格外施恩程永泰者即予開復所有該督擬請交部議處之處著加恩寬免餘俱照所議完結毋庸再交部議

嘉慶十六年閏三月十九日

奏為查出散賑滋弊之委員及刑賄捏冒復行主謀奪犯之才生分別嚴審定擬事竊照甘省上年辦理災賑臣屢遵

諭旨督率司道酌派委員協同地方文武認真散放猶恐積弊難除節經諄囑各道府隨時嚴密查報去後嗣據署平慶涇道德克精阿固原州知州李堯詢稟稱上年九月十二日該州散賑至萬新營地方訪得鄉約白玉文生白淑通有賄囑委員未入流王維翰冒領賑票之事當將白玉拘到派差在店鎖押候訊詎白淑通糾眾將白玉奪去隨經會營

那文毅公二任陝甘總督奏議

卷二十七

九

追獲并奪犯之高蘭任占時白子高崔科劉添發白輝宗馬生儉等七名訊出前情白淑通現在逃避無獲業已飭學詳革等語臣隨飛飭嚴拏解省審辦於本年三月初二日始將白淑通拏獲同全案犯証解到行據藩司陳祁臬司積昉阿督同委員蘭州府知府楊祖淳撫發通判延桂等審擬解勘前來臣親提覆鞫緣試用未入流王維翰於嘉慶十五年八月經平慶涇道委赴固原東鄉查放初賑照票該員逐莊點放尙無他弊九月間查至萬安監地方有文生白淑通鄉約白玉馬生儉民

人高蘭任占時白子高崔科劉添發白輝宗等在彼等候點查白淑通起意捏造戶口底冊冒領賑銀當與白玉等商允隨迎接王維翰告以該處地方遼濶若挨戶細查災民不得早領銀兩求照鄉約原造底冊給發賑票鄉約亦免守候賠累情愿奏送盤費等語王維翰因該處荒歉夫馬食料昂貴所領公費不敷當即應允白淑通隨令白玉等照依保甲開明戶口將逃戶一併列入捏就底冊共奏辦市平紋銀八十兩餽送王維翰市平紋銀五十兩折實庫平銀四十七兩九錢又給戶書龔

那文毅公二任陝甘總督奏議 卷二十七 十

治江程坦市平銀各十兩每人折實銀九兩五錢八分跟役楊明庫劉升市平銀各五兩每人折實銀四兩七錢王維翰即照所呈底冊發給賑票計該犯等捏票六百四十張共應銀二百五十二兩二錢零白淑通議定俟領銀後除去使費餘銀九股均分九月十二日該州李堯詢赴萬新營放賑途次訪出前項情弊立即追回賑票將鄉約白玉拘獲派役張升李德在店鎖押候訊白淑通聞知破案恐白玉供出問罪起意奪犯令其逃走滅口當與高蘭等商允十三日早主使高蘭等七人擁

至店房將白玉及伴役李德一併搶出隨將白玉項上鎖練繩斷令其逃匿該犯等均即跑散經州役張升李德報州會營隨將該犯等一併拏獲提省審訊不諱查白淑通等既經捏造災戶恐不止六百四十戶之數王維翰從中是否扶同捏造串弊分肥不可不徹底根究其得受盤費亦恐不止四十七兩有零且白淑通既已主謀奪犯難保無聚眾毆差之事嚴加刑訊矢口不移似無遁飾此案白淑通身列膠庠膽敢起意捏造戶口冒領賑銀商同白玉等賄求委員照冊發票已屬不法

那文毅公二任陝甘總督奏議 卷二十七 十一

乃因白玉被拏復主使高蘭等奪回更屬目無法紀未便因其並未毆差稍為寬縱白淑通除以財行求罪止杖徒輕罪不議外合依官司差人捕獲罪人但經聚眾奪犯雖未傷人首犯亦照因而傷人律從重擬絞例擬絞監候秋後處決王維翰以候補人員奉委查辦賑務照例支給公費乃聽信白淑通惡惡並不點查戶口濫給賑票幾被冒領賑銀雖說無商同扶捏分肥情事而受賄發票實屬枉法應照有祿人科斷除從書役得受銀兩說不知情各科各罪不議外王維翰得受賊銀四

十七兩九錢應照受枉法贓四十五兩杖一百流
二千里律擬杖一百流二千里革職發配但該員
係災賑得贓且因其得贓給票幾至刁民聚衆生
事應請

旨發往伊犁充當苦差以示懲戒高蘭任占時白子高崔
科劉添發白輝宗馬生儉均聽從白淑通主使奪
犯係屬爲從應仍照律坐罪高蘭等七犯均合依
官司差人捕獲罪人聚衆中途打奪首犯杖一百
流三千里爲從減一等律各杖一百徒三年白玉
猝被該犯搶奪訛不知情且因未及投首卽被擊

那文毅公二任陝甘總督奏議

卷二十七

三

獲應仍照行求爲從無祿人減二等例於王維翰
杖一百流二千里上減二等擬杖九十徒二年半
以上擬徒各犯均到配折責安置書吏龔治江程
坦各得銀九兩五錢八分跟役楊明庫劉升各得
銀四兩七錢均應照受枉法贓一兩至五兩杖八
十律杖八十俱係無祿人應減一等楊明庫劉升
應各杖七十龔治江程坦係書吏知法犯法應加
一等仍各杖八十以上擬杖各犯均照例折責分
別革役發落伴役張升李德畏衆未敢攔阻犯已
全獲請免置議王維翰等所得贓銀俱照追入官

跟役劉升緝獲另結劉添發白輝宗是否親老子
單應否留養查明另辦無干省釋再此案因首犯
白淑通甫經緝獲是以辦理稍遲謹

奏奉

硃批刑部速議具奏

嘉慶十六年閏三月十九日

奏上年辦理賑務各屬災民均皆安靜無事惟固原鹽
茶安定會寧一帶間有饑民聚衆搶奪及阻擋委
員查戶散票必欲照其虛報戶口領賑而後止因
念究係饑民且人數無多隨各嚴拏懲治辦理惟

那文毅公二任陝甘總督奏議

卷二十七

三

其中固原鹽茶二屬漢回雜處民情刁悍倍常此
風尤甚復查上年賑務仰蒙
恩旨發帑施仁矜全無算臣稟遵
訓諭痛除積弊各文武少知自愛者亦無不盡心襄辦小
弊雖未能盡除自問亦稍可以對此災民乃固原
州屬尙有刁生白淑通賄囑委員捏領賑票之事
竊思鄉民捏報戶口不過希圖多領銀糧尙屬常
情至於聚衆奪犯口無法紀實爲地方之大害况
白淑通身係文生膽敢起意冒賑又復主謀糾衆
奪犯情罪較重又兼在固原鹽茶積悍難治之區

尤不可不嚴示懲現在問擬絞候係照本律定
罪秋審入於情實自必奉

旨予勾惟距行刑尙早該處民人未能即時觸目儆心於
地方仍為無益白淑通一犯應請

旨卽行辦理以儆刁惡而靖地方其聽從奪犯之高蘭任

占時白丁高崔科馬生儉劉添發白耀宗等七名

究係從犯仍各照本律治罪以示區別之處出自

聖恩 為整頓地方起見謹

奏奉

硃批所奏是

那文毅公二任陝甘總督奏議

卷二十七

酉

嘉慶十六年十二月初三日

奏為遵

旨審明定擬恭摺覆

奏事准署督 董教增移交准步軍統領衙門咨稱盤

獲欲行告狀之秦州民人馮登旺訛係欲控李州

判折價淨收糧石一案奏明奉

旨此案著交該督那彥成親提嚴審定擬具奏并將該州

判李姓查明解任質訊原告馮登旺該部解往備質欽

此旋准刑部於本年八月初六日將馮登旺解到

查明秦州州判李姓係李世青當經董教增飭令

解任并提案內人証解省質訊案証于八月十五

日到齊隨卽督同兩司審訊茲據海司積朗阿署

臬司嚴煇委員蘭州府知府楊祖淳鞏昌府知府

孫鵬儀臬蘭縣知縣丁蘭洲等審擬解勘前來 臣

親提覆鞫緣馮登旺籍隸秦州三岔居住馮家川

地方該處分防州判李世青因嘉慶十四年秋收

歉薄於十五年正月詳准出借籽種豌豆六百三

十石零按畝散放計馮家川農民二十三戶共應

借糧二石二斗馮登旺名下應領糧一斗該州判

以向來花戶借糧多有拖欠當卽傳諭責成鄉約

那文毅公二任陝甘總督奏議

卷二十七

五

經手總領總完如完不足數卽向鄉約追比各花

戶俱各允從嗣鄉約郭世德領出糧二石二斗其

時月報豌豆一石值銀一兩五錢七分每兩易錢

九百三十文共合錢一千四百六十文郭世德以

現在糧貴秋收後價必遞減起意按照例價放給

折色秋後收價買糧代納出入可得盈餘遂將領

出糧石糶賣惟因倉糧較陳每石僅糶錢一千三

百文共錢二千八百六十文除歸例價二兩二錢

合錢二千四十六文外餘剩錢八百十四文留為

盤費使用及至到鄉聲言本年籽種係放折色每

斗放錢九十三文戶民馮有才等俱各照數收領
因郭世德進城代勞每斗又攤出錢十文共奏給
錢二百二十文以為飯食雜時馮登旺外出其名
下應領糧一斗郭世德亦僅給伊子馮狗娃錢八
十三文是年秋間三岔毗連災地糧價日昂豌豆
每石值銀一兩六錢每兩易錢一千文共合錢一
千六百文而各戶民因春間借糧係領折色是以
卽照例價每斗出錢一百共錢二千二百文仍交
郭世德代納郭世德無可置辯適州判差役何順
前赴催領郭世德將前後情節告知商同何順捏

那文毅公三任陝甘總督奏議

卷二十七

去

稱奉有官諭現因豌豆缺乏兵糧緊要令將借糧
仍完本色各戶民因照市價每斗添出錢六十文
央其代買代完郭世德等旋即掣出糧申赴鄉分
給並開出盤費腳價錢一千六百五十文令眾人
攤還彼此嚷鬧各戶又每斗攤出錢七十五文交
與郭世德何順收受分用馮狗娃亦隨眾找付前
後共給過一斗糧錢二百三十五文屬實嗣馮登
旺回家聞知心疑該州判有折色淨收情事又值
該處搭蓋橋梁向係每戶交草二十觔與鄉約經
管修理馮登旺彼時無草郭世德折算錢一百文

馮登旺嫌多口角郭世德以不怕稟官之語回荅
馮登旺又疑折收草價係由本官授意旋經眾戶
核算並無多收馮登旺亦卽照數交錢而散迨本
年春間該州判詳准出借農民口糧折色銀六百
三十八兩馮家川戶民聞知又恐完納多費俱不
願領經鄉約稟官卽行扣除未散並無差役捕拏
花戶勒令領糧之事適上年九月馮登旺有赴陝
西鳳翔府呈控劉萬年爭種伊姪馮義山地一案
該府批行隴州審訊馮登旺臨審脫逃關提原籍
本年三月經該州判差役張士安協同鄉約查傳

那文毅公三任陝甘總督奏議

卷二十七

七

該役等攜帶鎖練下鄉馮登旺詢知關傳情由慮
恐到案受累旋即逃至徽縣傭工有山西脚戶曹
姓僱令趕驟至京在街游蕩經步軍校盤詰馮登
旺不敢說出畏審潛逃緣由隨以欲告李州判之
事向荅經步軍統領衙門訊供請
旨解甘質訊提案審認不諱臣誠恐鄉約人等此外尙有
收放侵漁及該州判通同染指事後串捏卸罪情
弊復行司飭提該衙門上年流水串根冊籍逐一
核對委係以本色實放實收其責成各鄉約總領
總完亦屬實情是李世青尙無勒折淨收之弊惟

飭據署秦州知州延桂查報三畝此外各莊鄉約王典王有成張子學等亦有將總領糧石糶賣俱照例價散錢侵用盈餘之事迨秋徵糧貴慮恐告發除收回各戶例價外隨各自措錢文湊買本色完倉不但不得侵吞反多賠累又鄉約劉盈科趙大倫奈付成等代領糧石轉放花戶每石扣糧五升作為盤費自一石餘至五石餘不等此外各鄉約收放別無滋弊復提王典等訊供無異自應併案定擬以成信讞查律載攬納稅糧律註侵費正數及多科費用以誑騙論又誑騙人財物計贓准

那文毅公二任陝甘總督奏議 卷二十七 六

竊盜論又竊盜贓一兩以上至一十兩杖七十又律載竊役索詐貧民計贓一兩以下杖一百一兩至五兩杖一百加枷號一個月又律載告人二罪以上重事告實輕事招虛免罪又律載不應為而為之事理重者杖八十又例載告言人罪一經批准原告不即赴審輒行脫逃兩月不到案者將所告之事不與審理拏獲原告專治以誑吉之罪各等語此案鄉約郭世德因本官令將借放籽種總領總完輒敢從中舞弊捏稱散放折色既侵正數復受飯錢嗣因完糧價貴復又商同糧差何順捏

傳官諭仍令各戶完交本色糧價并科費用實屬玩法郭世德一犯除搭橋折草尙無侵漁以及收受花戶飯錢各輕罪不議外其先侵糧價八百十四文并同何順分用所斂費錢八百二十五文共折銀一兩六錢四分若以誑騙定擬尙屬情浮於法應照竊役詐贓一兩至五兩例杖一百加枷號一個月革役滿日折責發落糧差何順聽從郭世德捏傳官諭復又商同斂費分用贓錢八百二十五文計銀在一兩以下應照例杖一百革役折責發落馮登旺誤控州判折價淨收究由該鄉約郭

那文毅公二任陝甘總督奏議 卷二十七 五

世德等舞弊所致是所控重事既已得實其餘控虛各款應照律免罪惟在京被獲時不將畏審潛逃實情供吐實屬狡詐但並未投遞呈詞詰無包攬告狀情事亦非越訴可比應照不應重律杖八十至該犯先在鳳翔府呈控劉萬年一案若非情虛何以臨審脫逃應將該犯解往隴州質訊如係虛誣或坐誣之罪較重即從其重者辦理又鄉約王典等亦有捏放折色侵漁情事雖已照數交出究係先侵後吐仍應與侵扣糧石之鄉約劉盈科等計贓定罪查王典王有成張子學劉盈科趙大

倫奈付成各名下所得贓銀自一兩至八兩餘不
等均照竊盜贓一兩至十兩律各杖七十革役折
責發落各該犯侵扣糧價及所欠費錢等項照數
追出分別入官給主承領馮家川花戶馮有才等
因奉官諭將糧交給鄉約領納即奏送飯錢亦因
其代勞所致情尚可原應與此外被鄉約折扣之
各莊花戶均免置議衙役張士安奉票傳人訊無
持械捕擊之事亦毋庸議州判李世青散放借糧
因恐花戶拖欠輒違例假手鄉約總領總完致郭
世德等藉端滋弊以便民之政轉為累民之舉雖

那文毅公二任陝甘總督奏議

卷二十七

三

訛無通同染指情事實屬辦理錯謬不恤民瘼相
應附奏請

旨將秦州直隸州三岔州判李世青照溺職例革職以示
懲儆嗣後散放借糧飭令各花戶自行領納毋須
假手官役及該處橋工亦令官為捐修不准鄉約
涉手累及間閭謹

奏奉

硃批該部議奏

嘉慶十七年十月初八日

奏為查明借差包攬騷擾驛站司員請

那文毅公奏議 卷二十七

旨扣留甘省查審辦理以清驛站事據署甘肅臬司蘇成
額稟稱准鞫秦階道暨永昌協會同咨稱本年後
藏班禪額爾德呢

貢使堪布巴爾丹策淋隨帶皮包並跟役二十九名到
西寧地方公同查驗所帶正餘各包共一千一百
一個蒙青海大臣福克精阿驗明准令該堪布將
例外餘包帶往蘭州西安一帶銷售使用等情於
九月二十八日到蘭隨派署臬蘭縣知縣李醇和
前往點查除喇嘛正餘包一千一百零一個外又
查出包一百零九個詢據通事供稱係員外郎奇

那文毅公二任陝甘總督奏議

卷二十七

三

福主事岱清阿所帶是否包攬奸商夾帶抑係該
員等私帶之物均不可不徹底根究稟請參辦前
來^臣覆查堪布所帶包物向有一定章程前准福
克精阿札稱此次堪布喇嘛到寧正餘包數過多
即欲截留奏辦嗣因該堪布畏懼叩懇將正餘各
包遵照定數進京其多帶之包情愿出具甘結在
蘭州西安等處銷售開作沿途使用因此從權催
令起行前進^臣以前後藏喇嘛每年入

觀其意甚誠其名甚正仰蒙

聖恩優加體恤厚往薄來該堪布等初入內地或順帶土

一一

宜分送京中各喇嘛以作人情或隨置貨物藉圖微利為沿途使用亦屬若輩見小之常態若違因例外多帶餘包即事截留礙難辦理似無以示

聖朝寬大之恩是以臣一面分飭西路地方官暫為通融應付俟到蘭再為辦理今據署臬司查明正餘各包一千一百一個之外復有一百零九個詢係護送之司員所帶實堪駭異向來西藏喇嘛與同子伯克等年班有多帶包物俱係例准自行僱運即有時通融捐辦報部時仍按例報銷悉皆仰體

皇上柔遠綏來之意從權辦理至護送之委員乘勢違例

那文毅公二任陝甘總督奏議 卷二十七 三

私帶非外夷無知可比實難姑容查奇福係理藩院原派委員岱清阿係福克精阿因奇福患病派之員乃敢恣意多帶包物疲勞驛站若不嚴察究辦將來新疆往來之員人人效尤成何政體相應據實奏請

旨將員外郎奇福委署主事岱清阿扣留甘省以便嚴審定擬以示懲儆臣一面將該司員等參奏截留將所帶之行李物件盡行抄錄俟審明再行照例辦理一面即派委新任甘涼道容海押送喇嘛進京至理藩院交替後即可回任將來該堪布自京回

藏仍由理藩院照例派員押送至於該堪布例外多帶之包所稱沿途銷售實所難行臣仍嚴飭查照向例餘包准帶聽其自行僱運惟其人地生疎難免遲滯臣密告容海一路加意察看該堪布如實不能僱運只好設法量為接濟總令知天朝法度森嚴仍於體恤之中示之節制應並行知駐藏及西寧辦事大臣下次堪布進京時務須嚴查飭禁不可多帶餘包致滋騷擾謹

奏

嘉慶十七年十月二十五日奉

那文毅公二任陝甘總督奏議 卷二十七 三

上諭那彥成奏借差包攬騷擾驛站之司員請旨革審一摺向來喇嘛入貢其堪布等進京隨帶貨物均有一定制額倘不惟例外多帶至護送官員尤應奉公守法以為倡率今員外郎奇福主事岱清阿私帶貨物一百餘包非自置牟利即係包攬夾帶均應確實根究奇福岱清阿著革職交那彥成嚴審治罪其所帶貨物均變價入官

嘉慶十七年十二月初五日

奏為遵

旨審明定擬恭摺覆奏事竊臣參奏護送喇嘛之員外郎

奇福等藉差包攬騷擾驛站一案欽奉

上諭向來喇嘛入貢其堪布等進京隨帶貨物均有一定例額不准例外多帶至護送官員尤應奉公守法以爲倡率今員外郎奇福主事岱清阿私帶貨物一百餘包非自置牟利卽係包攬夾帶均應確實根究奇福岱清阿革職交_臣嚴審治罪其所帶貨物均著變價入官欽此_臣等卽督同署藩臬兩司親提研鞫緣本年後藏堪布巴爾丹策淋隨帶皮包並跟役通事黑人等行至西寧地方經西寧辦事大臣福克精阿派員秤驗該堪布於例准正餘包六百零一個之外

那文毅公二任陝甘總督奏議

卷二十七

二

多帶包五百個卽飭令西寧縣照數備車拉送維時福克精阿因理藩院派出護送之員外郎奇福患病頗重隨添派委署主事岱清阿幫同押送照料岱清阿遂將自己行李皮包大小六個搭入堪布包車通事隆珠丹怎帶有藏香六包亦混入車內正在起行而跟隨堪布之黑人等又將私帶貨物行李共包九十七個因人地生疎難以僱覓車輛隨奏出脚價銀一百八十兩交給通事懇求員外郎奇福代爲僱車拉運經奇福應允代僱乃該員將車價一百八十兩乾沒入己並未代僱車輛

私將黑人之包九十七個混入包內搭運又奇福家人沈五兒傅升董升乘勢刁勒黑人等奏銀十七兩送給沈五兒等將銀均分此跟隨堪布之通事黑人並岱清阿自西寧夾帶包物以及員外郎奇福乾沒脚價夾帶行走之實在情形也迨至蘭城署臬司蘇成額委員查出堪布所帶包物一千一百零一個之外尙多一百零九個備由具稟前來經_臣一面參奏請

那文毅公二任陝甘總督奏議

卷二十七

三

旨將該員等扣留審辦一面飭令該署臬司會同署藩司德克精阿將多帶包物當衆折驗內奇福私攬之包均係藏香氈毯及喇嘛衣服食用等件而岱清阿所帶大小包六個內係行李衣服並無貨物並傳奇福岱清阿及家人沈五兒等與通事黑人一質訊始據各供前情不諱詰無包攬奸商貨物私帶情事_臣查向來堪布多帶包物例准其自行僱馱裝運此次黑人等多帶之包已自出已資懇求奇福代僱與例尙無不合自應將所帶包物全數給還並於奇福名下追出車價給領飭令自行僱運車輛前進訖嗣據臬蘭縣報稱員外郎奇福於十一月初一日在店調治不愈因病身故旋於

十一月十四日欽奉

諭旨交 臣 審辦遵卽復提岱清阿再行研訊確情據供實
只帶行李包六個其多餘之一百零三個實是通
事黑人交給奇福夾帶伊怎樣收受脚價我並不
知情奇福寫有供詞只求查問伊家人等就知道
了惟我知奇福替黑人包帶並不稟出實是我的
不是等供又據沈五兒傅升董升同供通事央懇
本官奇福夾帶黑人包物並收受車價及小的們
得受銀十七兩都是實情並無包攬奸商夾帶貨
物情事反覆究詰案無遁飾查律載凡官吏受財

那文毅公二任陝甘總督奏議

卷二十七

三

者計賊科斷枉法贓有祿人八十兩絞監候等語
此案員外郎奇福以派出京員私將喇嘛車價乾
沒入己已屬卑鄙不堪冒用官車擾累驛站尤為
玩法自應照枉法贓有祿人八十兩以上絞監候
律擬絞監候該員業於取供後病故應毋庸議所
得銀兩已追出給領該員行李一併抄沒入官家
人沈五兒傅升董升等因奇福受贓夾帶藉勢索
取黑人等銀共十七兩若照坐贓論罪止笞三十
似覺情浮於法甘省係通衢大道似此扶同擾累
驛站不可不嚴行懲辦應照不應重律杖八十再

加柳號半年在蘭州城門往來大路以示懲儆滿
日折責遞籍所得銀兩照追入官通事陸珠丹怎
亦夾帶包六個亦屬不合現在堪布進京俟回至
甘省之日一併柳號半年示眾至主事岱清阿奉
派幫同護送逐站本有例給馬匹乃任意將其行
李包大小六個裝入堪布車內雖驗係行李尚非
違例夾帶貨物可比惟既知奇福為黑人夾帶包
物並不據實申報究有不合應請

旨交部議處謹

奏奉

那文毅公二任陝甘總督奏議

卷二十七

三

硃批該部議奏

嘉慶十八年正月十八日

奏為遵

旨覆奏事嘉慶十七年十二月二十六日接奉廷寄十二
月十三日奉

上諭理藩院奏查明西藏堪布喇嘛多帶餘包請交那彥
成再行究審等語此案前經那彥成奏護送堪布之
司員奇福岱清阿私帶貨物一百餘包當經降旨交那
彥成嚴審其所帶貨物著變價入官茲堪布喇嘛等到
京經理藩院查點正餘皮包共一千二百零三個較該

督所奏一千一百零一個原數之外多包一百零二個
內餘正項皮包一千一百零一個均係貢件等項照例
辦理外其餘皮包詢據喇嘛等供稱係屬跟役徒眾及
在藏學經之蒙古班第等物件從前未告知堪布自行
央求司員奇福等代為僱送等語與該督原察情節亦
復互異此項多帶餘包如果係革員奇福等私帶之物
自應變價入官若實係該喇嘛徒眾等所帶之物未便
一例充公著那彥成即向奇福等嚴訊所有多係皮包
該革員等或係自行私帶或係包攬商貨自有確數底
簿該督查訊明晰開具清單據實具奏俟奏到時再交
那文毅公二任陝甘總督奏議

卷二十七

三

理藩院分別核辦欽此 臣遵查堪布所帶正餘皮包共
計一千一百零一個之外復多一百零九個詢係
革員奇福等夾帶是以前經參奏審辦嗣即查明
該革員所帶之包除借清阿行李包六個外實有
一百零三個均係黑人徒眾及通事等之物從前
未告知堪布自行央求奇福代為夾帶除查訊明
確將各包物全數給還該黑人等并於奇福名下
追出車價給領令其自行僱運前進並將奇福等
分別定擬於十二月初五日繕摺拜發現在欽奉
硃批該部議奏欽此欽遵在案是 臣覆奏定擬緣由與理

藩院查訊情節並無互異該黑人多帶之包業經
全數給還亦並未變價入官所有 奉到
諭旨理合恭摺覆

奏奉

硃批知道了

嘉慶十七年十一月十四日

奏為特參酷刑致斃民命並失察家人書役藉端勒索

庸劣不職之知縣請

旨革職嚴審以肅

功令事竊照知縣一官身膺民社聽訟當以理察不容

那文毅公二任陝甘總督奏議

卷二十七

五

任意酷刑而於家人書役尤宜嚴加約束毋使藉
端勒索方為無忝厥職詎秦安縣知縣牟尙仁人
本平庸性復躁虐茲據秦州直隸州知州李受曾
稟稱緣該縣民人馬得河於嘉慶二年置買地畝
遺糧九合本年里長馬奉瀧等查出稟經該縣於
八月十九日票差壯役高廷貴傳訊適馬得河因
事進城被該役尋獲令其看票彼此揪扭到官該
役自行失手扯損印票恐自己受責隨捏以馬得
河逞刁扯票向該縣管門家人李四告知馬得河
不服爭辯該縣聽聞出訊馬得河以並未欠糧亦

未批稟稟該縣輒將其掌責三十馬得河恃老不服又將其打問板小竹籠五十馬得河始認味精屬實該縣以其隱昧丁糧又杖責二十押追是晚皂役馮祿等見馬得河年邁受責回明該縣領出在崔喜才店內過宿每日早間仍提至署鎖押追糧至二十二日早間馬得河之子馬保才見伊父被責傷重央託客民王近士轉求門丁李四向縣稟懇保出調養隨宰羊隻挽王近士與里長算欠糧賬及款待戶書里役人等又向王廷章借得大錢十五千文給王近士一千六百文託與里長

那文毅公二任陝甘總督奏議

卷二十七

三

清算糧賬被里長馬報均勒要大錢四千文再託王近士轉送門丁李四大錢六千四百李四因馬得河傷重未敢收用又寄存李本寬處大錢三千文為閱發戶書馮閱基差役高廷高貴等費用尙未過付馬得河卽於是晚在店因傷身死該縣捏報等情 披閱之下不勝駭異查馬得河因遺漏丁糧被里差查出稟經該令率尙仁票差傳訊該役高廷貴既將馬得河尋獲自應稟官查訊彼此揪扭容或有之馬得河又何敢將票批損顯係該役故為批票圖詐復捏以馬得河逞刁批票向管

門家人李四告知尤屬有心誣賴無怪馬得河不服爭辯迨該令聽聞出訊自應查究虛實乃置差役批票誣賴情節於不究直以隱昧丁糧酷刑濫責及至被責傷重皂役尙有不忍之心稟求領出赴店調息而該令仍連次提署鎖押致斃其命實出情理之外似此酷虐之員斷難姑容至里長馬報均勒索固干法紀而所稱托送門丁李四賊錢未收亦必係已經入手因馬得河傷斃始行吐出將來亦不能聽其狡賴至寄存李本寬處之賊既為開發戶書差役之用何以又稱尙未過付以上

那文毅公二任陝甘總督奏議

卷二十七

三

情節均屬不確尤難保無該令知情故縱情事或賊斃竟不止此必須一一研究方可水落石出茲據藩臬兩司及該管道州揭報前來相應據實奏請

旨將秦安縣知縣率尙仁革職以便委員檢驗提同案內人証逐一嚴審定擬以儆官邪並委員前往摘印署理查明該員倉庫錢糧有無虧短另辦謹

奏

嘉慶十七年十一月二十二日奉

旨這所奏酷刑斃命並失察家人書役藉端勒索之秦安

縣知縣李向仁著革職交那彥成提集案內人証並委員檢驗明確嚴審定擬具奏

嘉慶十八年正月二十七日

奏為遵

旨審明定擬恭摺奏事竊 臣 奏秦安縣知縣李向仁

酷刑致斃人命並失察家人書役藉端勒索一案

奉

旨李向仁著革職交 臣 提集案內人証並委員檢驗明確

嚴審定擬具奏欽此除馬得河屍軀業經委員清水縣

知縣程際韶檢驗實係受杖身死填格稟報在卷

那文毅公二任陝甘總督奏議

卷二十七

三

當即嚴提李向仁及全案人証解省審辦茲據署

藩司德克精阿署臬司嚴煊督同委員蘭州府知

府黃方階州直隸州知州普寶審擬招解前來 臣

親提覆鞫緣馬得河籍隸秦安縣嘉慶二年馬得

河用價錢五千五百文買獲王正祥地六垧額糧

九合隨於次年將糧過與伊三子馬興財名下迨

至嘉慶五年馬興財亡故馬得河即將此糧隱漏

未納經隴五甲里長馬奉瀧等查知向馬得河催

納馬得河不認馬奉瀧即以馬得河隱匿額糧九

合歷係里長賠納等情稟經該縣令李向仁批令

糧差高廷貴查稟屬實即票差該役傳訊八月十

九日高廷貴持票傳馬得河投訊馬得河接看差

票聲言並未遺糧不肯投審高廷貴因其不服喚

訊即扭住胸衣奪取差票不期將票扯破高廷貴

慮及自己受責即將馬得河拉至縣署向管門家

人李四即李通捏說馬得河抗不赴案扯破硃票

李通令其具稟候示高廷貴正欲寫稟馬得河以

高廷貴自行扯損不應誣賴互相爭吵經該縣令

李向仁聽聞吵嚷查詢李通即將前情回明該縣

令傳審訊之馬得河不認隱糧扯票該縣令隨弔

那文毅公二任陝甘總督奏議

卷二十七

三

紅簿質訊馬得河不肯承認該縣令因即掌責三

十馬得河不服恃老撒蠻堅不承認該縣令又用

竹篦小板責問板五十馬得河始行承認隱糧屬

實該縣令因其欺隱田糧例應問罪又令杖責二

十時已天晚諭令原差押令同里長算賬交還糧

錢聽候追田入官其扯票之事另行審訊馬得河

隨央求壯役安花皂役馮祿稟求保領該役等即

以馬得河年老受刑署內無處住宿當向李通告

知懇求該縣令保領在店歇息李通回明該縣令

准保至二十二兩日該縣令仍將馬得河連

次提案與高廷貴質訊互相抵賴尙未審結二十一日馬得河之子馬保財因父刑傷頗重連日拖累不能養傷隨託素識之縣民王近士轉囑該縣管門家人李通稟懇本官保令調治又央壯役李本寬託該管書役從中照應均許酬謝迨二十二日早該叅令仍提馬得河到案候審經門丁李通以馬得河刑傷頗重伊子馬保財懇求保領調治俟傷痊送案候訊等語向該叅令稟知該令查驗傷重准令保領是日午間馬保財在店宰羊備席邀里長馬報均書役馮開基高廷貴並王近士李

那文毅公三任陝甘總督奏議

卷二十七

三

本寬等至店酬謝並清算賠糧數目馬保財隨向王廷章當舖借制錢十五千文與馬報均大錢四千文當即收受又與李本寬錢三千文託其轉給戶書馮開基差役高廷貴分用又與王近士大錢八千文內與李通送大錢六千四百文餘錢一千六百文令王近士收用李本寬因馮開基高連貴俱已回家未經交給王近士持錢六千四百文與李通致送酬謝李通因聞馬得河刑傷甚重慮有干係未敢接收王近士亦不收受二十二日下午當將其錢還交不期馬得河已於是晚因傷殞命

馬保財不肯收回王近士將錢送至王廷章當舖謊稱馬保財令其送還王姓將錢收受馬報均李本寬因馬得河已死亦各將已收錢文先後送還馬有財查收時有馬有財堂弟馬成倫聞知馬得河身故赴店看視詢明情由當同馬保財稟縣經該叅令斥其逞刁馬有財即寫呈稿令馬成倫赴省呈控其時該叅令因馬得河杖後身死例應迴避當即稟請委員驗訊經秦州直隸州李受曾查知先行稟揭旋據馬成倫具控到轅臣據情奏

那文毅公三任陝甘總督奏議

卷二十七

三

旨親提研訊各供前情不諱恐有故勘及得贓不實不盡知情故縱情弊反覆究詰各供如一案無遁飾查律載官司決人不如法因而致死者杖一百追埋葬銀一十兩刑杖之人各減一等又文武官犯罪杖一百降四絳調用又凡有事先不許財事過之後而受財事不枉斷者准不枉法論又例載凡有以財行求及說事過錢者審實皆計所與之贓與受財人同科無祿人各減一等又例載不枉法贓一兩至一十兩杖七十又例載竊役索詐計贓一兩至五兩杖一百加枷號一個月又例載將自己

田地應納錢糧灑派別戶者計贓以枉法論田地入官又律載誣告人杖罪者加所誣罪三等又律載斷罪無正條者援引比附定擬各等語此案叅革泰安縣知縣牟尙仁因馬得河隱漏口糧輒行拷訊責至嘴掌三十杖板七十以致馬得河因傷身死合依官司決人不如法因而致死律杖一百追埋葬銀十兩給付屍親收領惟該叅員只因九合之糧將六十餘歲之人重責至九十之多且皂役稟求保領尙有不忍之心該員仍復連次提審鎖押因傷拖斃致屍子許與該縣家丁書役酬謝

那文毅公二任陝甘總督奏議 卷二十七 三

保領養傷因而以財行求雖訊無故勘故縱通同受賄等事其情已屬酷暴若僅照例調降不足以儆懲虐吏應請

旨發往伊犁効力贖罪以昭炯戒行杖之皂役王天祿汪自法各依本例減一等杖九十折責革役門丁李通因聽王近士說合許以酬謝稟官准保而於事後經王近士給與制錢六千四百文雖因馬得河傷重畏累退還已貪其謝資允情稟保未便因其贓未入手稍滋輕縱李通一犯仍應照不枉法贓一兩至十兩杖七十律杖七十折責遞籍馬保財

以財行求王近士說事過錢均應計贓與受財人同科馬保財除與書役等錢文均在一兩以上不計外應與說事過付之王近士均照不枉法律杖七十係無祿人應減一等各杖六十折責發落王近士年逾七十照律收贖戶書馮開基雖不知馬保財以錢酬謝但已允為照應貪其哺啜應與囑託該書役並未過錢之壯役李本寬均照不應輕律笞四十折責革役糧差高廷貴因馬得河看票不認遺糧即恃役逞忿撕扭奪損硃票捏稱馬得河抗傳批票始終誣執以致馬得河於杖後屢因

那文毅公二任陝甘總督奏議 卷二十七 三

提審拖累由伊起與尋常誣告不同查撕破信牌應比依毀官文書律杖一百高廷貴應於杖罪上加所誣罪三等律再加二等擬以杖一百徒三年到配折責安置里長馬報均藉口於賠納遺糧任意勒索制錢四千文除應得糧錢一百六十九文外其餘計贓三兩有奇應照蠹役索詐一兩至五兩例杖一百加枷號一個月滿日折責革役照例刺字馬得河將應完錢糧隱匿致令里長代完多年即與灑派別戶無異應計贓以枉法論田地入官該犯業已身故應請免議且伊子馬有財等

均不知有隱糧情弊其田業經分授並免入官馬報均馬奉灌應得歷年賠納糧錢一百六十餘文應令馬有財照數給還所有馬保財給過家丁書役里長等制錢十五千內除應給糧錢一百六十九文外應向馬報均追出制錢三千八百八十一文入官其餘制錢一十一千文雖據李通等均經退還馬有財亦即交還借主第係彼此俱罪之賊例應入官仍應飭縣在於馬保財名下照數追出入官馬有才令馬成倫控詞失實雖有不合但係痛父情切且伊父已死非命應請從寬免議馬保

那文毅公二任陝甘總督奏議

卷二十七

三

財現在患病應俟病痊飭縣提案照擬發落遺糧九合更正過割完納安花馮祿聽從馬得河央求轉稟本官保領到店歇宿詎無受賄情事尙無不合應免置議無干省釋謹

奏奉

硃批該部議奏

嘉慶十八年五月初四日

奏為特參昏庸殘酷擅用非刑之知縣請

旨革審以肅

功令事竊照知縣一官身膺民牧凡遇審理案件不得

任性濫刑至於治家尤宜嚴肅慈祥方為無忝厥職詎玉門縣知縣陳周書人雖少有才具惟性情躁妄遇事多疑茲據署安西直隸州事伏羌縣知縣楊毓錦稟稱訪聞得嘉慶十七年六月間玉門縣知縣陳周書因伊妾韓氏私令僱工謝高氏打卦問病書旛禳災該縣聞知疑有咒詛情事當將牽連之民人石璞等妄行責打管押又將謝高氏押責追究以致伊妾韓氏畏懼於六月二十六日自縊身死又因家人宋高偷竊署內布衫等物查獲於九月十五十八等日將宋高迭次堂訊掌嘴

那文毅公二任陝甘總督奏議

卷二十七

三

擊背杖責跪練並用木棒敲打脚踝宋高受刑不過情急自用小刀扎傷肚腹殞命等情前來臣披閱之下不勝駭異當經飭司委員前往驗訊屬實查該縣陳周書之妾韓氏書旛禳病是該令平素無家教又復遷怒於無辜之石璞史尙志謝功蘭妄加責打並混行管押實屬昏憤勒索家人宋高既經犯竊自應治以應得之罪乃該令輒復迭次責打並跪練擊背敲踝是因家事而動用官法且係非刑以致宋高情迫自戕更屬殘酷關係二命其中或不無別故自應革審以期無枉無縱現據

藩臬兩司及該管道州揭報前來相應據實奏請

旨將玉門縣知縣陳周書革職以便提同案內人証嚴審有無起衅別故按律定擬以儆官邪茲已委員前往摘印署理查明該員倉庫錢糧有無虧短另辦

謹

奏奉 旨這所參陪刑斃命之玉門縣知縣陳周書著革職交那彥成提同案內人証嚴審確情按律定擬具奏

嘉慶十八年七月十六日

那文毅公二任陝甘總督奏議

卷二十七

四

奏為遵

旨審擬覆

奏事竊 臣 參奏玉門縣知縣陳周書因妾韓氏書齋釀

病刑及無辜韓氏自縊又責打行竊之家人宋高

致令自戕一案奉

旨革職嚴審隨飭司移行安肅道同福督同署安西州知

州楊毓錦親往驗訊一面提齊人証解省委員蘭

州府知府黃方臬蘭縣知縣李醇和環縣知縣孫

錢等審擬招解由署臬司嚴煇勸轉前來 臣 親提

覆鞫緣該革員陳周書之妾韓氏於上年三月內

在署患病遣令僱工婦人謝高氏向星士閻貴占

卜問貴圖得錢文聲稱須在神前獻燔並用黃紙

書寫男婦年庚方可愈病謝高氏告知韓氏應允

給子制錢九百五十九文買備一切謝高氏隨央

隣人石璞買就香燭燔布黃紙鷄酒等項用錢四

百文又浼王惟漢史尙志代書燔紙各給錢十五

文將供獻等物送交閻貴并酬謝錢五百文韓氏

之病漸愈六月二十日韓氏與謝高氏在房閒談

共稱祈禳有靈被該革員聽聞盤問究出前情心

疑釀病書燔即係師巫邪術治家不嚴何以禁止

那文毅公二任陝甘總督奏議

卷二十七

四

百姓且擅書本官年庚必有咒詛情事當傳石璞

等問明將石璞史尙志各責五板王維漢責打十

板閻貴責打二十板謝高氏掌嘴二十仍恐咒詛

情實又傳謝高氏之夫謝功蘭訊不知情當即一

併管押聽候覆訊詎韓氏聞知愧懼即於二十六

日午間自縊身死至家人宋高係該革員同鄉在

署跟班年久十七年七月內縣署失去洗曬布衫

一件五月內又失銀三十八兩燕窩二兩十五日

該革員搜檢至宋高房內查出零星燕窩一包提

訊宋高不認隨令皂役王孝掌嘴二十鞭責脊背

十下因其頂撞又責十六板取出零星燕窩質訊
朱高始行承認並供止竊用銀二兩十八日又復
翻供該革員生氣令茶房邵進才用戒方責打手
掌三十並令跪練宋高始認燕窩已經喫用餘剩
無多並竊用銀三十八兩花銷無存又供出七月
間曾竊內省洗曬布衫一件向典舖質錢二百五
十文查起實係原贓該革員以朱高係同鄉親近
之人服役年久輒敢偷竊主人財物一時氣忿又
令皂役王孝掌責嘴四十并用木棍敲打脚蹠五
下聲言遞解回籍詎宋高心生愧懼突然立起順

那文毅公二任陝甘總督奏議 卷二十七 聖

取書架小刀揭衣自扎肚腹倒地聲喚縣役等救
阻不及該革員飭令拍出門移時殞命由州訪
聞詳報經飭該道州驗明韓氏實係自縊宋高質
係自戕并驗得宋高右腮朕右手掌左右膝蓋脊
背左右臂下左脚外踝等處生前鞭打杖責棒傷
及跪練各傷痕均不致命案經奉

旨革審 嚴加鞠訊各供前情不諱似無遁飾查律載夫
毆罵妻妾因而自盡身死者勿論又官司決人不
如法者笞四十行杖之人各減一等又竊盜已行
但得財者以一主為重并賊論罪四十兩杖一百

又制書有違杖一百又名例載文武官犯私罪該
杖一百革職離任各等語此案參革知縣陳周書
因妾韓氏禳病獻幡書寫男婦年庚疑其咒詛輒
將石璞史尙志王維漢閻貴等訊責管押又將謝
高氏掌責以致韓氏畏懼自縊身死在韓氏死由
自盡律得勿論卽石璞等被責亦屬咎由自取惟
將謝高氏掌嘴實屬決不如法依律應笞四十至
家丁宋高以同鄉久隨跟役雖非契買家奴實與
僱工無異及因其犯竊並不用家法處治輒用官
法杖臂掌嘴兼之跪練擊背敲蹠復聲言遞解回

那文毅公二任陝甘總督奏議 卷二十七 聖

籍以致宋高情急自戕實屬任性妄為查宋高究
係自戕身死並非由於該革員之刑斃第擊背敲
蹠等項均干例禁且以家事而動用官法尤屬違
制已革知縣陳周書除決不如法輕罪不議外自應照
違

制律杖一百係私罪業經革職應毋庸議閻貴以星士
卜卦訛無不法別情其同騙婦女供獻錢物殊屬
不合謝高氏聽從已死韓氏妾為禳病石璞等代
買供獻物件王維漢等代書幡紙均經該革員分
別責處應免重科皂役王孝茶房邵進才均照律

答三十折賣十板係本官指使免其革役宋高倫
竊銀兩燕窩布衫共計贓四十兩應杖一百業已
身死應免置議著追王維漢閩貴史尙志所得錢
文均經該革員追入仍令入官無干省釋謹

奏奉

硃批刑部知道

嘉慶十七年正月初三日

奏為現任水利同知才不勝任請

旨撤回改用京職事竊照寧夏府水利同知一缺專管渠

工事務每年春濬督民夫修理渠道及查勘工程

那文毅公二任陝甘總督奏議

卷二十七

四

按期放水事關全郡民田所係自重且該處渠工
年久淤墊業經臣具奏請

旨借項大修同知專司水利若不得其人卽恐辦理貽悞

茲查現任同知茹式係屬短視辦事遲鈍本非開

展之才於督率稽查俱不能得力卽使將來學習

未必有望臣與署藩臬兩司商酌不敢拘泥謹據

實奏明請

旨將現任寧夏府水利同知茹式撤回改用京職所遺員

缺應歸部另行銓選但該處渠工今歲正值大修

之時錢糧既多關係緊要必得熟悉地方情形才

守可信之員方可勝任部選人員恐初任究未諳
練合無仰懇

聖恩俯准臣

另行遴員請補務期才可稱職於水利農田

庶有裨益臣為渠工緊要起見不揣冒昧理合謹

奏

嘉慶十七年正月二十三日奉

上諭那彥成奏寧夏府水利同知一缺專管渠工為全郡

民田水利所繫現任同知茹式辦事遲鈍請改用京職

等語著撤回京職改補至所遺同知一缺該督奏稱恐

初任之員未能諳練懇請在外遴員奏補殊屬非是寧

那文毅公二任陝甘總督奏議

卷二十七

四

夏府同知本係選缺若由外省揀補殊於銓政有礙所
奏不進行仍著吏部照例銓選

嘉慶十七年三月初十日

奏為坐補原缺之道員精力就衰據實

奏明請

旨事竊查鎮迪道寶陞年六十四歲正白旗滿洲阿彌爾

達佐領下人由官學生考取內閣中書補授太僕

寺主事海陞大通橋監督

京察一等記名嘉慶十年奉

旨補授甘肅鞏秦階道十三年奏調鎮迪道未經赴任旋

以染患目疾兼之腿受風濕行走不便呈准回旗
調理病痊由部引

見奉

旨照例用於本年二月到省例應坐補原缺該員到甘之

後 接見司道時該員日日與之同見因節次留

心驗看該員人尚樸實惟目係短視步履維艱詢

以地方公事應對多不明晰其才具實屬庸庸伏

查道員職任監司非精明幹練之員難以勝任况

鎮迤道一缺地處新疆係衝繁難三項相兼為邊

疆最要之缺該道衙門總理刑名錢穀案件政務

那文毅公三任陝甘總督奏議 卷二十七 畢

殷繁實兼內地藩臬兩司之事責成甚重若令該

員屆期坐補必致闕章廢事於新疆地方殊有關

係 驗看既真斷不敢因係奉

旨坐補之員拘泥補用若俟其到任後再行撤回則口外

距省迢遙迨至遴員吏調彼時業已貽悞不得不

預行籌維據實具

奏查寶陞履歷册開現年雖僅止六十四歲其精力業

已就衰難期振作相應請

旨或勒令休致或該員不甘廢棄仍歸吏部帶領引

見之處出自

聖裁 臣仰體

聖主用人行政至意為邊疆要地斷不敢稍事姑容謹繕

摺奏

聞謹

奏

嘉慶十七年三月二十五日奉

上諭那彥成奏稱病痊坐補原缺道員寶陞精力就衰難

期振作將來坐補鎮迤道時於邊疆要務恐致貽悞等

語寶陞查來京交吏部帶領引見再降諭旨

嘉慶十七年五月二十九日

那文毅公三任陝甘總督奏議 卷二十七 畢

奏為知府才不勝任請

旨降用同知事竊查現任甘州府知府閻學涑年六十歲

山東舉人由捐納主事游陞郎中

京察一等俸滿保送引

見奉

旨交部記名以繁缺知府用嘉慶八年奏補今職上年因

七年俸滿由部調取引

見奉

旨留任於本年正月到省 查得該員年力尚健惟平日

識見短淺辦事遲鈍才具並不開展甘州為西路

衝途從前民情樸實尙屬易治近則獄訟漸繁刀
風漸長知府爲方面大員若非表率屬員振作有
爲不足以資整飭今閩學涑雖無別項劣蹟似此
庸才於衝途知府斷難勝任臣不敢因給咨引
見於前稍存遷就貽悞地方現與藩臬兩司商酌相同理
合據實奏明請

旨將現任甘州府知府閩學涑降用同知留甘另補所遺
甘州府知府員缺係衝繁難三項要缺相應請
旨簡放以重地方謹

奏奉

那文毅公二任陝甘總督奏議

卷二十七

吳

殊批照所請行吏部知道

那文毅公二任陝甘總督奏議卷二十七

那文毅公總統河南山東直隸軍務奏議目錄

卷二十八

徵調布置附恭謝

天恩

卷二十九

新鎮丁樂集之捷

中市所之捷

聶渡墨子村之捷

道口之捷附恭謝

天恩

圍滑之捷

截勦桃源賊援

那文毅公山東直隸軍務奏議

目錄

十一

籌策攻城附收撫倭酋

卷三十

司寨之捷附兼顧陝賊

籌策攻城

卷三十一

克復消城附兼顧陝賊

恭謝

天恩 酌量

卷三十二

飭緝逆黨

卷三十三

飭緝逆黨附緝捕土匪

卷三十四

推薦文武 附糾彈

卷三十五

籌定善後 附牙籌凱撤 籌供軍需 凱旋入

那文毅公總統河南山東直隸軍務奏議

目錄

二

那文毅公總統河南山東直隸軍務奏議卷二十八目錄

卷二十八

徵調布置 附恭謝 天恩

那文毅公總統河南山東直隸軍務奏議

目錄

三

那文毅公總統河南山東直隸軍務議卷二十八

男容安恭輯

徵調布置

附恭謝

天恩

嘉慶十八年九月二十二日

奏為提

旨馳驛赴豫會剿教匪請酌帶本營馬隊兵丁恭摺代

奏事本年九月二十一日戌刻臣接准固原提督臣楊

遇春來信內稱由六百里欽奉

諭旨令其馳赴大名一帶會同

欽差大臣溫承惠協同剿辦滑縣教匪黃興宰等並令選

那文毅公總統河南山東直隸軍務議

卷二十八

二

帶得力將弁星夜前往欽此因查教匪現已竄入河南

考城及山東曹縣等處查該處地方均係平原曠

野打仗得力全在馬隊楊遇春近年訓練提標馬

隊兵丁鎗箭較嫻熟者有三百名若帶往軍營必

得其力惟

上諭內祇令選帶得力將弁並未令其帶兵不敢冒昧陳

奏懇請臣代為具

奏臣伏思豫東二省密邇

畿輔雖不過么磨饑匪總以迅速撲滅為至要該提臣

既稱訓練馬隊三百名鎗箭嫻熟用之平原尤合

機宜似應准其帶往以期迅速集事且三百名馬

兵為數不多臣不敢少分畛域一面飛覆該提督

允其代為陳奏一面即派令署陽營遊擊楊連仲

鞏昌營遊擊丁永安帶領兵丁趕赴前途聽提臣

楊遇春帶往謹

奏奉

硃批知道了

嘉慶十八年九月二十四日

奏為遵

旨馳驛來京恭報起程日期事本月二十四日辰刻接軍

那文毅公總統河南山東直隸軍務議

卷二十八

二

機處六百里字寄九月十六日奉

上諭那彥成前奏請陛見有旨令其明春前來現在直隸

長垣山東曹縣河南滑縣等處有教匪滋事已派溫承

恩等帶兵前往剿捕著那彥成接奉此旨將總督印信

攜帶迎交董教增署理即日馳驛兼程來京陛見彼時

邪匪若已辦完該督陛見後仍回本任若尚未辦竣候

旨簡用該省所屬將備內有勇幹得力者酌帶數員一

同來京預備差委將此由六百里諭令知之欽此臣起

緊料理經手事件定於九月二十六日巳刻自甘

起程隨帶陝甘總督印信至陝交董教增署理遵

旨選帶涼州鎮總兵馬元西並鎮總兵符依順保及勇幹
得力將備千把共一百員名陸續前進臣輕騎滅

從先行赴京

陛見至臣平日訓練督標精兵二千名四年以來兵丁之

親切熟練力如左右之手內中擇其極精壯可靠

者可得五百名河州鎮亦可得有好兵五百名共

兵一千名臣不敢自專先分飭該總兵等勤加操

練預備如蒙

皇上准其調用臣再飛行令其趨程前來以期辦得力

謹

別文綴公總督南東邊疆奏議 卷二十八 三

奏

嘉慶十八年九月二十四日

奏查教匪黃興宰等不據滑縣旋即東竄意在襄魯竟

係教匪舉動此等烏合之眾無難立即掃除此時

全在厚集兵力四路圍截一經得手即可撲滅臣

糊塗之見仰懇

皇上天恩簡派在京巴圖魯侍衛等二三百人交溫承惠

等訓遣仰托

聖主洪福集事必速至陝省南山今年雨水過多地方雖

極安謐究不放心臣於十九日聞信時即擬假巡

閱為名前赴西安駐劄歷歷董教增既署督篆
所有巡撫印請

旨交朱勳署理查該司熟悉情形尋常最為留心仰懇

皇上特降

恩諭將一切稽查撫輯事宜專責於該司似更有益謹

奏

嘉慶十八年九月十七日

命以陝甘總督為

欽差大臣總統軍務

嘉慶十八年九月十八日軍機大臣字寄奉

別文綴公總督南東邊疆奏議 卷二十八 四

上諭現因河南滑縣及山東定陶曹縣有教匪滋事昨經

降旨令那彥成前赴軍營督辦現在軍務緊急著董教

增接奉此旨即將陝西巡撫印務交朱勳護理董教增

迎赴前途接印即至蘭州署理陝甘總督並著傳諭晉

昌俟松筠行抵伊犁交卸後迅速前赴蘭州接署陝甘

總督印務董教增俟晉昌到省交卸仍回陝西本任可

也

嘉慶十八年九月二十五日

奏為續奉

諭旨互行覆

奏 本月二十四日辰刻欽奉

上諭令 來京

陛見即於午刻將起程日期由驛馳奏未刻又接軍機處

六百里字寄九月十七日奉

上諭昨經降旨令那彥成來京陛見並酌帶勇幹將備前

來聽候派委此旨係由六百里發往那彥成接奉後自

必迅即起程今思軍務緊要著那彥成即由陝西取道

探明溫承惠現在何處徑赴軍營接受欽差大臣關防

傳旨令溫承惠專辦後路糧餉本日已降旨令穆克登

布富僧德等於西安駐防滿兵內預先挑備馬隊一千

如蒙 總辦南東軍務 卷二十八 五

名俟那彥成路過西安令富僧德帶領隨那彥成前進

該督接奉此旨即迅速料理毋稍稽遲其未到軍營以

前此旨毋庸早為宣露也將此由六百里諭令知之欽

此惟 年輕才細於軍務未多經歷今奉

恩旨賞給

欽差大臣關防總辦軍務 跪讀之下不勝感悚惶懼之

至 即於日內星夜兼程即由陝西取道徑赴軍

營至

上諭內令穆克登布富僧德等於西安駐防滿兵內預先

挑備馬隊一千名隨 前赴平原曠野打仗查平

原曠野打仗全在馬隊員見

聖明洞燭機宜 實深欽佩感切之至惟西安滿兵前於

巡閱時留心察看精壯勇健者不過可得五百名

不但調撥滿兵需費浩繁陝西亦須多留滿兵彈

壓方可放心 前准楊遇春來信奏請酌帶提標

馬隊三百名若再挑選尙可得二百名不若減帶

滿兵加以提標馬隊足符

旨一千之數再 前摺奏挑備督標暨河州鎮兵一千

名派勇幹將備帶領陸續前進目下軍機緊要

不揣冒昧一面奏

如蒙 總辦南東軍務 卷二十八 六

聞一面即令起身加緊趕赴軍營以備剿捕並移知穆克

登布富僧德等挑備兵丁五百名必須不動聲色

勿得張皇 蒙

恩祝領馬隊滿漢兵丁尙須帶領之人仍求

皇上恩施准照前奏

賞派巴圖魯侍衛一二百員迅速來營會勦以冀克期集

事 拜摺後即趕緊料理起程總求

皇上隨時隨事指示周詳俾 得以稍盡犬馬之力庶幾

仰答

委任 謹

奏

硃批勉益加勉安民除逆佇待喜音何日可抵軍營先期

具奏

嘉慶十八年九月二十五日

奏 臣 欽奉

諭旨令由陝西取道徑赴軍營 兼程趨行一出潼關即

由孟津渡河徑往衛輝府探迎溫承惠接印任事

謹

奏奉

硃批覽

刑部奏請將南東兩縣 卷三十八

七

嘉慶十八年九月二十八日

奏為遵

旨由驛覆奏事本月二十八日寅刻 臣於會孟途次接到

九月二十一日軍機大臣字寄奉

上諭據溫承惠奏途次接據各處探報直隸長垣開州東

明俱有賊匪在邊境滋擾焚掠河南滑縣賊匪偷渡衛

河濬縣城甚危急山東城武縣亦被賊攻陷竄入金鄉

濮州一帶等語現在該三省交界處所賊匪連陷城池

勢頗猖獗軍務緊急著那彥成迅速星夜馳抵軍營即

接 欽差大臣關防籌辦堵剿該督行抵何處接奉此

旨先行由驛覆奏將此由六百里諭令知之欽此 臣接

閱之下不勝駭異該賊匪係一時烏合之眾何至

毗連三省疊陷城池實堪切齒 臣於二十七日接

楊遇春來信內稱伊於起身之前曾挑備固原精

兵一千名咨請 臣路過固原時務須將此一千兵

丁帶至軍營方為得力今軍務緊急 臣一面星夜

兼程馳抵軍營一面飛催陝甘滿漢各兵趨程前

進均限於十月初十日前後一同到齊便可剿辦

謹

奏

刑部奏請將南東兩縣 卷三十八

八

嘉慶十八年十月初二日軍機大臣字寄奉

上諭據那彥成奏接奉諭旨選帶將備由甘起程並請將

督標及河州鎮精兵各五百名備調應用等語豫東二

省賊匪連日雖據高杞同與奏報俱有殲獲但賊勢尚

眾仍恐未足深恃正在降旨飭令那彥成迅速行走前

赴軍營接印任事又接據那彥成續奏二摺其所稱西

安駐防滿兵不能多挑一節昨已降旨令富倫德帶領

一千名先赴河北此時不可撤回其穆克登布續備之

一千名著即停止那彥成請帶之甘肅督標河州鎮標

兵共一千名既稱健勇可靠著即帶往又有提標兵五

百名兵威已形壯盛至所請巴圖魯侍衛二百員刻下京畿不甚安靜不能多派慶祥富蘭格布舍等先後共已帶有二十餘員軍營亦不慮帶兵乏人那彥成惟當遵照諭旨速由潼關徑赴河北勉力除逆安民以副委任接奉此次諭旨約計何日可抵軍營先由五百里覆奏俟行抵溫承惠軍營接受欽差大臣關防即傳諭溫承惠令其專辦此一路大兵糧餉那彥成接印任事之期由五百里奏聞另候諭旨其所請選帶之總兵馬元特依順保等俱准其帶往楊遇春請帶之訓練馬隊三百名亦即令遊擊楊連仲等趕往前途交楊遇春帶

聖鑒事 卷二十八

九

往其該督所請以藩司朱勳護理陝西巡撫之處早已明降諭旨矣將此由六百里諭令知之

嘉慶十八年九月二十八日軍機大臣字寄奉

上諭豫省賊匪現在衛輝滑縣一帶屯聚衛輝迤西係懷慶洛陽接連陝州其迤北由彰德近接太行界連山西澤潞恐賊匪狡計百出乘間四竄那彥成接奉連次諭旨自己由蘭州起程著迅速行走帶領西安馬隊官兵探明賊踪迎頭截勦前來毋稍稽遲將此由六百里諭令知之

嘉慶十八年九月二十九日

欽加都統銜

嘉慶十八年十月初四日

奏為恭謝

天恩事竊臣於十月初二日在西安拜摺後隨即兼程行走於初三日行抵潼關途次接軍機大臣字寄奉

上諭本日據高杞奏稱滑潞一帶屯聚賊匪約有二萬人其附近村莊尙多潛匿豫省兵力單弱不敷勦辦現已有旨傳諭那彥成先帶西安馬隊官兵一千名馳赴高杞軍營幫同勦捕並諭穆克登布等另派西安兵一千名預備軍裝等項那彥成行抵西安即自行統領續派

聖鑒事 卷二十八

十

官兵或添調五百一千綠營兵亦可徑赴河南滑潞一帶相機進勦彼時溫承惠軍營亦近在該處那彥成即接受欽差大臣關防總統辦理以期迅速掃賊氛本日並有旨簡放長齡為陝甘總督俾那彥成得以專心辦賊用副委任功成之日另候擢用再降恩旨將此由六百里諭令知之欽此 臣年幼才疎仰蒙

聖主擢任封疆已愧毫無報稱今因豫省致匪滋擾復蒙聖主授為都統銜總統辦理軍務聞

命之下益深感激恐懼 現接河南撫臣高杞來信賊匪經官兵勦殺之餘皆竄回道口滑縣等處已如釜

底遊魂尚易勦辦又稱近聞東省漸次廓清是賊匪自歸一處正可聚而殲旃事機宜速利計

期初七八日可抵衛輝與督臣溫承恩撫臣高杞會面後即可厚集兵力相機兜勦仰仗

皇上天威一戰成功以期迅速廓清庶仰報

鴻慈於萬一謹

奏 嘉慶十八年十月初四日

奏前奉

諭旨令臣於西安滿兵挑選一千名臣先於固原已挑綠

聖鑒 聖鑒嗣奉

營隊兵五百名步兵一千名於西安滿兵亦挑五

百名曾經

奏蒙

諭旨穆克登布等另派西安兵一千名那彥成行抵西安

即自行統率續派官兵或添調五百一千綠營兵亦可

欽此仰見

容慮周詳洞悉軍情實深欽佩臣謹遵

諭旨於西安滿兵內挑選五百名西安鎮標兵挑選一千

名令其隨後趕緊赴豫並計期於十五日以前務

須齊集臣兼程先行馳抵衛輝府將應用馬匹器械妥為料理一俟各兵到齊即刻進剿再楊遇春已抵衛輝臣已寄信令其少俟兵丁到有一二隊再行帶領前往謹

奏奉

硃批知道了

嘉慶十八年十月初五日軍機大臣字寄奉

上諭連日據各處奏報賊匪尚屯聚潞滑地方現在各路

官兵漸次逼近恐賊匪被勦情急向太行山一帶奔竄

若賊匪竄入山內則搜捕又需時日已降旨令大同鎮

聖鑒 聖鑒嗣奉

總兵張績帶兵在澤潞山外堵截那彥成由潼關一路

進發途次探有賊匪西竄之信即迎頭勦擊毋任蔓延

其富僧德所帶官兵亦著飭令迅速馳赴河北揚言大

兵西來使賊不敢西竄

嘉慶十八年十月初七日軍機大臣字寄奉

上諭那彥成奏接奉諭旨星夜馳赴軍營一面飛催潞滑

各兵趨程前進等語前據台斐音奏報九月十六日督

率官兵將潞縣賊匪殲擒一千餘名嗣高杞於九月二

十二日二十六日兩次又殲擒賊匪一千餘名據同興

奏報九月二十七三十等日派運使劉清泰將馬建紀

兩次殲擒曹定賊匪八九百名搜捕藏匿賊匪一百八十餘名本日據溫承惠奏由開州進兵於滑縣留因村及北湖南湖一帶剿殺賊匪八百餘名生擒一百餘名官兵已連獲勝仗各處賊匪俱已披靡現在溫承惠在北高杞在南同興在東三面夾攻以漸逼近期為一鼓殲除之計惟西面無重兵堵遏恐賊被殲情急亡命西竄太行山搜剿致需時日那彥成帶兵由潼關而來沿途差探賊踪如有西竄之信即擇路迎頭截擊不可令其四散蔓延高杞軍營近在西南一面如高杞軍營緊要那彥成即先與高杞會合再吞照溫承惠接受欽差

聖鑒事

卷二十八

三

大臣關防面傳諭旨令溫承惠專辦軍火糧餉及撫卹難民事宜屆時朕仍另降諭旨那彥成接印後督率將士將河南山東直隸三省交界之處所有滋事賊匪全數殄平各路大兵凱撤再行來京聽候擢用

嘉慶十八年十月初八日軍機大臣字寄奉

上諭據那彥成奏兼程行走計期初七八日可抵衛輝等語那彥成行走迅速刻下自己馳抵衛輝溫承惠現已帶兵前赴滑滑計日內即可會而此次勦辦逆匪由京揀發健銳火器兩營滿洲官兵一千名帶兵之人多係滿洲大員及侍衛章京等溫承惠係直隸總督恐調遣

殊

吉林黑龍江

但下

滿洲大員及侍衛章京等溫承惠係直隸總督恐調遣

約束不能得力那彥成現賞加都統銜本屬京職且係滿洲大員諳習清語著接受欽差大臣關防總統軍務溫承惠昨由滑縣進兵業已得有勝仗辦理尙好著溫承惠馬瑜楊遇春俱同在那彥成軍營會同商辦軍務那彥成分屬總統溫承惠馬瑜楊遇春俱職同叅贊所有奏報之摺著那彥成溫承惠馬瑜楊遇春四人一同列銜溫承惠等及高杞同興並受那彥成節制現在賊匪屢經敗衄大兵雲集趕緊再接再一二仗諒賊勢必已窮蹙若賊亡命奔逃那彥成等即率兵從其所向其開州東明長垣在大兵後路恐餘匪不能淨盡溫承惠係

聖鑒事

卷二十八

四

直隸總督不必隨那彥成深入著於富蘭等員內酌帶一人並帶領直隸兵一二千名專在開州一帶嚴防後路就近搜捕零匪並督辦軍火糧餉及撫卹難民事宜那彥成等督兵前進亦可無後顧之患也再接再仗之時賊匪必係將裹脅難民驅迫在前而真賊尾隨其後我兵若先用鎗礮轟擊則所傷者皆係難民轉不能得真賊痛加殲戮該大臣等當嚴諭帶兵將領先將難民解散專戮頭裹白巾手持器械之真賊則剿捕不致妄戮無辜而賊勢亦易於摧敗此為至要再前降諭旨調派吉林黑龍江官兵各一千名此時由該處起程到京

拳淨盡矣我大清國一百七十年以來定鼎燕京

列祖

列宗深仁厚澤愛民如子

聖德

仁心奚能縷述朕雖未能仰紹愛民之實政亦無害民之

虐事突遭此變實不可解總緣涼德愆積唯自責耳然

變起一時禍積有日當今大弊在因循怠玩四字實中

外之所同朕雖再三誥誡舌敝唇焦奈諸臣未能領會

悠忽為政以致釀成漢唐宋明未有之事較之明季挺

擊一案何啻倍蓰思及此實不忍再言矣予惟返躬修

聖德

卷二十八

七

省改過正心上答

天慈下釋民怨諸臣若願為大清國之忠良則當赤心為

國竭力盡心匡朕之咎移民之俗若自甘卑鄙則當挂

冠致仕了此一身切勿口祿保位益增朕罪筆隨淚灑

通諭知之

嘉慶十八年十月初五日

奏為恭讀

諭旨謹具摺覆奏事竊

前奉 廷寄知有賊匪突入禁城情事聞信之餘實深憤恨方謂

該匪等逞其愚妄不過在

紫禁外門擅入滋事事非常有即法所必誅本月初二日

接奉

廷寄駭知該匪等膽敢於

禁禦清嚴之地糾眾多人竟入

大內妄行滋擾殊出人意想之外凡屬食毛踐土之倫莫

不同深髮指伏念我

國家深仁厚澤涵濡數百餘年

皇上惠愛羣黎無微不至在我

朝百姓少有不法之心實天理人情之所不容無不立取

敗亡茲該匪等自外

聖德

卷二十八

六

生成恣行悖逆故亦即時殲滅靡有孑遺既足以彰

國憲而快人心卽有未經蠢動之儔其心亦戢

皇上下遇變罪已之詔

宣示臣民 敬謹誦讀之下感悚涕零不能自已凡在

臣僚敢不仰誦

訓詞勉盡厥職 現在督師赴豫遵將奉到

諭旨恭宣將弁兵丁等一體聞知無不人人切齒共矢同

仇咸願踴躍從戎滅此朝食兵心極為奮勵可期

指日蒞功謹

奏奉

殊批大清國不應有之事朕適逢其會皆予不德所致不忍責及臣民矣人各有天良捫心自問可也

嘉慶十八年十月初一日

奏為敬陳管見馳摺奏

聞事竊臣 欽奉

恩旨督辦軍務自維年輕才陋又兼未多閱歷奉

命之後日夜惶悚不安即日輕騎馳赴衛輝會同楊遇春

商辦一切臣於途次探聽賊匪情形傳聞既難憑

信又不得軍營確耗不敢昌昧懸揣惟探訪輿情

並臣管窺所及擇其尤緊要者六條開單恭請

聖鑒恭摺仰祈 聖鑒

卷二十八

九

訓示是否有當伏乞

皇上睿鑒詳細指示俾臣事事有所遵循少得把握實為

感激

鴻慈之至以上六條臣途次匆匆不能繕寫今於初一日

卯刻馳抵西安即將稿底面交朱勳代為書寫拜

發臣即於是日趕緊前進合併聲明謹

奏

一等辦三省大概情形仰懇

皇上指示以便遵辦也竊查此次賊匪滋擾之處在平原

漫衍之區南有黃河北有滹沱漳河即將兩岸

渡船嚴飭不許傍岸則賊匪必不能飛渡即便

力窮奔竄亦不過總在東西奔匿查河南之衛

輝彰德為九省通衢商賈絡繹文報往來似應

留大員帶兵駐守以安民心而山東濟寧運河

一帶為糧艘經行之地關係尤重臣行抵西安

見四川提督多隆武據稱現已奏請隨營山東

兵丁素稱勇往多隆武曾任兗州鎮五年於東

省情形甚為熟悉又西安鎮閻俊烈係山東人

打仗勇往人情地勢俱極熟悉俟臣到營即派

該二員前往帶領山東兵丁盡力截勦仍請

聖鑒恭摺仰祈 聖鑒

卷二十八

十

飭下河督帶領河標之兵在正東徐州鎮帶本標兵在南

面兗州鎮及德州滿漢營各帶本營兵在北面

均於運河附近各處防堵

一進兵道路宜由衛輝一路自西向東兜勦也查

直督溫承惠帶同提督馬瑜在大名一帶勦捕

賊匪日內自獲勝仗賊匪勢窮必奔竄東境臣

適聞高杞連獲勝仗因兵力少單未能痛勦此

時臣所帶之兵加緊催趨因天雨泥濘計月半

以前總可到齊臣自應先往西路掃清後再會

溫承惠等會勦至北面附近

神京實為緊要溫承惠等自應駐劄未便窮追至山東

則數路進兵一切糧草應請

飭同興轉飭各屬上緊接濟以期無悞

一已經起事之教匪必當盡數殲除不留餘孽其

雖曾習教而未被脅從者懇

恩寬宥以杜煽惑也查此次教匪膽敢偷入

禁城而三省各屬勾連先後起事復敢豎幟招兵實堪

髮指凡現經從賊者即素日並未習教但既經

從賊即為賊黨萬不可輕道其習教而不從謀

反者原情仍皆係良民今賊匪地處平原非川

聖鑒總督南中東直隸督務奏議

卷二十八

三

楚深山可容藏匿臣奉

命督辦必須悉數殲除斷不敢稍存姑息之見但恐習教

愚民因辦理過嚴致生疑懼首逆藉此搖惑轉

致蔓延伏乞

皇上明降

訓旨凡習教而未經從賊者地方官不得以教匪滋事概

與株連遍貼賸黃則該愚民等具有天良必更

感激

皇仁不至為其煽惑厥功自速

一地方義勇宜急為團練也現在有賊處所祇有

村落而無墻堡是以賊匪得肆行擾害居民斷

無不切齒痛恨者至附近賊匪之區亦必各思

保衛川楚用兵之際因鄉勇難於遣散已奉

諭旨飭禁但從前係招集無業游民是以較難遣散若勸

諭各鄉鎮農民自為團練到處聯絡官兵跟踪

勦捕團勇即可堵禦民氣日盛則賊膽愈寒且

事後仍即歸農無需遣散

一請暫緩修築河岸決口以防賊匪攪混渡河也

查八卦教匪如河南之歸德陳州等處難保必

無起事後黃河渡口自必處處戒嚴該匪徒應

聖鑒總督南中東直隸督務奏議

卷二十八

三

不能偷渡臣近聞睢寧一帶河隄沖決自應趕

緊修築以衛民廬惟一經興工即需僱募多夫

難保無賊匪混雜渡河煽惑南岸應請已前整緩築

堵河督帶兵防護運道以期無悞糧艘回空自

為至要

一請設粥廠普濟饑民以杜賊匪裹脅也查直隸

山東河南今歲收成歉薄乏食貧民裹脅較易

若處處設廠煮賑饑民有所依歸自各安生業

查辦理粥廠事易而費省較之散賑更得實惠

惟該三省歉收之區伏讀

上諭捐賑緩徵州縣不下五六十處若一概設廠煮賑需費未免浩繁或

飭各督撫查明有糧州縣先為辦理其餘或輓運或勸捐

均須實力辦理

嘉慶十八年十月初九日軍機大臣字寄奉

上諭本日據那彥成奏陳管見一摺朕詳加披閱其言有甚是者有不可行者如第一條內所稱賊匪滋擾之處南有黃河北有滹沱漳河將兩岸船隻不許傍岸則賊匪不能飛渡等語那彥成未至軍營於現在賊匪情形尙未能深悉豫東兩省賊匪屯聚之所總在濬滑曹定

聖鑒事

卷二十八

三

一帶毗連直隸之開州東明長垣三處南距黃河尙近已令將船隻停泊南岸嚴查渡口至漳河則距賊已遠滹沱河則更在正定地方隔越順德廣平大名三府相距數百里之遙豈能將船隻盡行停渡其所請將多隆武閣俊烈二員帶往派令管帶山東之兵截剿則所辦甚是此次剿捕賊匪山東一路帶兵將領不能得力朕甚為慮念今多隆武閣俊烈二人朕素知其勇往令其馳赴山東幫同同興帶兵由東奮力截剿則東面可免疎虞其東南一面有沈洪帶領徐州鎮兵在彼堵截並有旨諭令百齡派兵在彼策應該大臣飭知多隆武等

聖鑒事

卷二十八

三

探明賊踪迎頭截堵勿令四散奔竄即可逼歸一處痛加殲戮其所稱請河督帶河標兵在東德州滿漢營兵在北於運河附近防堵均可不必河標官兵素本軟弱德州兵自有本汛地面均毋庸紛紛調遣轉令各處居民徒增驚擾其二條所請由衛輝一路進兵自西向東兜剿探聞高杞一路兵單先將西路掃清再與溫承惠合剿所辦甚合機宜至所稱北面緊要應留溫承惠駐劄不便窮追所見亦甚是昨已有旨令溫承惠酌量情形帶領富蘭等統兵在長垣東明開州一帶嚴防後路並搜剿餘匪即令欽遵辦理可也其第三條請明降諭旨將習教而未經從賊者不必因教匪滋事概與株連等語愚民習教甚多豈能概行誅戮此時大兵剿捕原係專辦起事亂民並未指稱查拏邪教其平素未經習教而此時從賊抗拒者即在應誅之列若此時並未附賊至於平素習教原不在誅夷之內但此事區別甚難朕聞賊匪詭詐百出有日間貌為良民而夜間隨賊搶掠者此時不能明降諭旨顯為剖判全在伊等飭知將領官兵接仗之時留心區別凡被脅良民散出投誠者賞其一死至持械抗拒者則盡殺無赦總不許揚言邪教二字則百姓自不生疑懼地方官亦不敢株連矣第

四條請辦理團練一事地方百姓自行團聚義勇衛護鄉閭此正堅壁清野之義非若招募鄉勇隨征致有流弊前已降旨飭令直隸豫東三省一體妥辦矣其第五條請暫緩修築河工一節目下賊氛未靖雖工距河北甚近恐人夫混雜致有疎虞昨已降旨停工那彥成能見及於此所慮甚是其第六條請設粥廠普濟饑民以杜賊匪褻脅則所見未免迂濶三省歉收之處業經分別蠲緩賑濟至現在糧餉緊急若再於五六十州縣概添粥廠非徒力有不能且事尤有所不可試思賊匪正當滋事之際隨處裹脅若將粥廠設於遠處則近賊地

加之穀論流河南東直隸奏議 卷二十八 三

方其乏食貧民依然被其裹脅若設於近賊之處則賊匪皆來涸跡廠中愈可飽颺豈非藉寇兵而資盜糧乎此事斷不可行總之此時辦賊之法以勦捕迅速為主近年國家經費不足那彥成豈不深知若日久遲延恐有河工加以賑濟無如匪徒結集形支細且賊匪到處焚掠戕害生靈若不及早剪除則良民受其荼毒者益多目下天氣漸寒斷不可再有遷延以現在賊情而論雖據各處奏報及往來官吏皆言賊匪不過烏合之衆毫無伎倆但前此高杞同興所得勝仗或係於附近村莊殲戮零匪數百人或係賊來攻撲官兵奮勇擊退均未能進攻賊營即昨溫承惠於滑

縣途次所勦賊匪亦係沿途勦殺尚未及大股賊巢那彥成身為總統大兵現已四路雲集當擇賊衆屯聚緊要之區併力進勦能一兩仗大獲全勝先將渠魁殲滅其餘散竄匪徒再以次搜拏則辦理迅速可計日以待成功那彥成受朕厚恩今付以統兵重任惟當一意除賊安民凡軍營應行調遣布置各事宜果計出萬全即迅速辦理正不必一一條陳請朕指示兵貴神速機宜朝夕不同往返遷延於事無益朕惟竚待捷音那彥成不可不勉之又勉也再前據同興奏報東省兩次勦賊皆係運使劉清恭將馬建紀二員帶兵前往獲有勝仗

聖製諭流河南東直隸奏議 卷二十八 三

總兵陳廣宣係帶兵大員總未親身臨敵殊為可詫伊現在何處著那彥成據實查明如該總兵畏賊遷延即嚴行叅奏其克州鎮總兵員缺現有候補總兵徐銀在軍營効力即奏請補授
嘉慶十八年十月十三日
奏 正在拜摺間接奉
批 迴十月初五日途次拜發奏摺一件
諭 旨一道十月初五日又奉到
諭 旨一道 跪讀之下所有各條應行與不應行者經
聖明指示令 愚昧頓開增長識見不勝欽佩欽服之至

查山東現在帶兵將領不能得力即運使劉清泰將馬建紀亦究不可靠臣當即傳

旨令多隆武閣俊烈趕赴山東帶兵截勦至總兵陳廣

身體肥胖難以帶兵此刻不知現在何處臣飛咨

撫臣同興查明再行具奏該省現有候補總兵徐

錕請即以之補授兗州鎮可期得力衛輝正當賊

匪西竄之路十一日報有賊匪在離城七十里之

范村焚掠趕緊派兵前往賊匪業已遠遁賊匪自

知大兵西來必不敢西竄臣仰邀

皇上格外殊恩

聖教諭 卷二十八 三

界以總統重任三省即屬一體籌辦固不敢躁進以邀功

亦不敢怠緩以僭事虛衷商榷總期計出萬全只

冀速掃賊氛撫安良善其被脅者若敢出投誠自

可賞其一死倘亦持械抗拒即斷不可姑容致留

兇燼仍時時留心分別不敢少有大意以仰體

主上好生慈德謹

奏奉

硃批覽

嘉慶十八年十月初九日軍機大臣字寄奉

上諭早間接據那彥成條陳軍務各款正在降旨飭諭間

未刻接到百齡奏報據稱探聞東省匪徒俱在城武定

陶曹州一帶村莊屯聚經該督密行委員改裝潛入賊

營探知匪徒所聚之村莊接連橫亘約有四五十里分

為八寨以八卦編列字號周圍用小車圍護晝出夜伏

裹脅年壯有力者食以符藥逼充頭陣又分遣匪徒赴

各處探路勾結等語看來東省賊匪尚多未見窮蹙現

在豫省賊匪有那彥成自西面帶兵前來溫承惠由北

面轉戰而前並又有高杞在彼夾擊兵威壯盛賊匪一

經接仗諒必潰散但揆度賊情潰敗之後斷不敢竄向

西北惟東省守備空虛同興一路兵力尚單沈洪亦祇

一旅之師未足深恃江南豐沛一帶雖有百齡在彼防

堵江省兵力軟弱亦恐堵禦不周若濬滑賊匪竄向東

南則與定陶之賊合勢南趨恐山東江南完善之區又

被其蹂躪辦理需時那彥成當通籌全局四面兼顧現

在那彥成所統帶兵將領甚多各處所調之兵亦尅期

雲集當分派勇幹得力大員帶領勁兵繞道山東南一

帶先過其去路約會同興由東向西逼勦使賊與西北

兩路大兵相值則三面夾擊可期一鼓殲除該大臣等

萬不可稍存畛域之見使賊趨向東南致令滋蔓難圖

務審度機宜計出萬全此為至要

聖教諭 卷二十八 天

嘉慶十八年十月十三日

擢授直隸總督仍為

欽差大臣總統軍務

嘉慶十八年十月十三日奉

上諭逆賊林清滋事一案溫承惠係直隸總督順天府所屬地方皆其所轄且在任年久乃於該逆傳習邪教煽惑多人八年之久並不及早查拏以致奸匪糾眾謀逆昨九月十五日竟敢潛布黨與直犯禁門并欲於蹕途伺劫雖其謀因兵衛森嚴而止而禁城內則已有匪徒闖入幸荷

刑部奏請河南山東直隸軍務奏議

卷二十八

无

天恩垂佑首惡伏法餘黨悉除而河南山東濬滑曹定滋事亂民悉由該逆至今餘孽未淨從前山東逆匪王倫滋事之案亦因倡興白蓮邪教而起巡撫徐績因此獲咎然王倫於三十九年秋間滋事而其倡興邪教即在是年春間為日尚淺林清則於嘉慶十一年業已傳教至今有八年之久溫承惠不能訪聞破案其咎本重適前月先聞河南滑縣及直隸長垣賊匪滋事之信朕因溫承惠同興俱係本省督撫因各派其帶兵勦賊俾令自贖旬日以來同興連次奏捷是以恕其失察之咎並加恩給予議敘溫承惠帶兵由保定前赴大名行走已

覺濡滯本月初三日在滑縣劉固村等處勦賊一次初

八日又在濬縣道口一帶得有勝仗然兩次勦賊千有餘名賊勢尚未窮蹙且直隸本境內如開州長垣東明等處亦尚未搜捕淨盡其籌畫不周之咎更無可辭溫承惠著革去總督拔去花翎賞給五品職銜責令辦理那彥成一路軍營糧餉以示薄懲如不知懼知感再有貽誤著那彥成嚴叅拏問治罪如辦理奮勉將來軍務告歲時著那彥成奏明再行酌量錄用其直隸總督員缺著那彥成補授那彥成未到任以前仍著章煦署理

刑部奏請河南山東直隸軍務奏議

卷二十八

三

上諭本日據溫承惠等奏勦辦豫省賊匪一摺該處大股賊匪現在屯聚滑縣城內及桃源集道口三處為數甚眾官兵進攻亦未能大加勦戮此時那彥成已接受欽差大臣關防當統籌全局迅速勦辦現因溫承惠帶兵未將後路肅清辦理遲延並失察逆首林清蓄謀滋事其咎甚重已明降諭旨革去總督以五品銜辦理糧餉其直隸總督現當諸務應行整飭之時甚為緊要溯查從前亦曾有以滿洲大員補放者已降旨以那彥成補授其軍務未竣以前仍著章煦署理那彥成此時當會同高杞楊遇春先勦豫省賊匪該匪現在分屯三處聲

氣聯絡勢如犄角若一路進兵賊必兩路來援我兵轉
其牽制那彥成務審度機宜如先勦道口桃源之賊
亦必將滑縣來援之路斷絕並當分兵守禦不可令其
由城內突圍而遁俟道口桃源之賊勦盡則滑縣正如
釜魚阱獸可以聚而殲旃現據章煦奏稱直隸開州長
垣東明一帶村莊時有賊匪出沒焚劫並有屯聚一二
千餘人之處該處係滑縣軍營後路賊匪未就肅清我
軍前進恐有腹背受敵之虞且該匪等若被豫東二省
勦殺情急向北奔竄大名一帶並無重兵堵禦更為可
慮已降旨諭知馬瑜富蘭令其帶領直隸兵二千名繞

河南軍機處奏 卷二十八 三

道赴開州長垣東明一帶將該處匪徒就地搜捕由北
向南逼勦著那彥成酌派巴圖魯侍衛數人隨同馬瑜
等前往協助其健銳火器營官兵於路過直隸亦令其
先與馬瑜等會合先由直境進勦該督所調陝甘各路
官兵此時會否到齊現在豫省賊勢尚未少挫當先將
其大股屯聚之賊殲洗一二處使賊衆喪膽則迅風掃
殘成功可計日而待也勉之望之將此由六百里諭令
知之

嘉慶十八年十月十三日
奏為恭報接印任事日期叩謝

云恩事竊 臣九月二十六日自蘭州起程星馳前進初二
日抵西安初四日出潼關均經具摺奏

聞在案途次陝州一帶趕上西安滿兵當即帶領前行滿
兵乘騎俱係長行馬匹不能加緊催趨每日行走
一百三四十里及一百四五十里不等初八日戌
刻已抵衛輝籌備一切軍裝馬匹初十日未刻准
直隸總督 臣 溫承惠派令侍衛格布舍富蘭護送
欽差大臣關防前來 臣 恭設香案望

闕叩頭祇領任事訖同日接軍機處五百里字寄欽奉
上諭著 臣 接受關防總統軍務飭令溫承惠馬瑜楊遇春
同在 臣 軍營會同商辦列銜奏報奉

卷二十八 三

命之下實深惶悚伏念 臣 年輕才短軍務實未諳練今蒙
皇上施以至優之恩

委以極重之任涓埃之報寤寐難忘 臣 惟有虛衷集益
與溫承惠馬瑜楊遇春等悉心籌酌並與高杞同
與會商通盤籌畫將大概情形另行專摺具奏謹
奏

嘉慶十八年十月十三日會同恭贊大臣熱河都
統高公杞恭贊大臣固原提督楊公遇春
奏為探明賊匪現在情形通籌全局恭摺具

奏事竊臣於陝豫途次疊奉

諭旨屢蒙

皇上指示機宜謹防賊匪西竄仰見

睿慮周詳曷勝欽服臣遵

旨沿途查察並無西竄之信及馳抵衛輝據提臣楊遇春

備述連日在新鎮道口一帶躡勘賊踪小有斬獲

賊匪情形已經洞悉刻下賊匪大股仍在大垵山

道口滑城一帶盤踞約計三萬餘人惟不知山東

曹縣一帶及各處零星賊數若干此等烏合之衆

我兵原可日獲勝仗臣心甚焦急隨營將弁多願

卽行接仗急於報効惟此時兵力不厚雖日見勝

仗不能痛剿轉俾賊匪學會打仗愈長賊智或得

勝後我兵力量不能追殺到底轉致賊勢蔓延是

欲速見功轉不能急切成功前此川楚教匪流毒

數年前鑒具在臣深以爲恨現在通盤籌算務期

計出萬全臣未曾久歷戎行深恐所見未洽虛衷

共商而提臣楊遇春亦料及此惟恐臣年輕性急

不能堅持再三諄囑茲已意見相同諒可以集事

計臣所調兵丁及高杞溫承惠所帶兵丁並火器

健銳營官兵共一萬四千餘名合之一隊實爲充

裕至將來臣追賊而東則高杞應留本省亦須分

兵溫承惠現奉

旨往開州駐劄亦須帶兵則臣所餘之兵又見其少臣等

再四熟商現在高杞之兵計前後調有五千餘名

將來大兵東向不過留爲彈壓搜捕可以毋庸再

調溫承惠既奉

旨前赴北路應將馬瑜留此同商進剿將溫承惠所帶之

宣化正定二千名應留與該提督帶領協剿開州

一帶溫承惠所帶二千名尙覺其單應於就近地

方酌調二千名或堵或剿臨時必可得力山東一

面現已遵

旨令多隆武閭俊烈馳赴同興處帶兵應請將現在山東

調出兵丁內挑選勇往者各予二千名帶領用以

出剿餘剩若干令同興與多隆武等就近酌量情

形布置防堵臣處兵丁現在有五千五百名尙覺

不敷分剿請再調山西兵一千名防堵澤潞山口

將前調大同鎮兵一千名令其前來聽用計甘肅

靜寧靖遠等處尙可得得力兵丁二千亦請調至

統計臣一路必得一萬餘兵賊合則合賊分則分

方敷剿辦否則臨時周章又延時日至吉林索倫

兵丁實為平原得力之兵仍請

皇上賞發痛快剿辦一二仗即期掃蕩使不靖邪氛知

王畿之重

天威之大愈多殺愈可久安再計所調各處馬隊共四千

五百名所需更換馬匹亦應豫為籌辦免致臨時

掣肘茲已會商於附近之山西陝西直隸等處酌

調數千匹以備各營更換可無貽誤臣等通籌如

此意見相同一俟前調各兵陸續到來足以剿辦

不能再候到齊即與高杞馬瑜楊遇春商酌分派

將備兵丁約會同時分投進剿務期一舉掃除迅

速肅事仰答

鴻慈謹

奏

嘉慶十八年十月十六日軍機大臣字寄奉

上諭那彥成等奏探明賊匪現在情形通籌全局並接受

欽差關防各摺覽奏實深憤懣豫省匪徒屯聚滑縣道

口桃源集三處前溫承惠於初八日在滑縣道口得有

勝仗因其未能大加勦戮辦理遲延是以降旨褫革示

懲乃那彥成於初八日已抵衛輝初十日接受欽差大

臣關防十三日發摺時仍在衛輝駐劄並未至滑縣軍

營茲據奏報情形乃云現有之兵不敷分剿請調大同

鎮及甘肅靜寧靖遠等處之兵並欲俟吉林索倫兵陸

續到齊方敷剿辦其言實屬畏葸遷延之至吉林黑龍

江官兵到齊約計總在十二月間甘肅距豫省遙遠其

兵亦非尅期可至屆期冰雪在地天氣沍寒無論進剿

不能得力且此兩月中任賊匪盤踞蹂躪養精蓄銳該

督等束手坐觀朕况目下最好機會乃賊匪安踞滑縣雖

分佔村莊其巢穴總在數十里之內正如魚游釜中自

守絕地若官兵日久不戰賊匪停留長智伊豈毫無偵

探聞官兵日漸增多斷無延頸待戮之理或賊匪屯聚

滑城日久食盡彼時悉其精銳乘狼奔縱西面有兵

堵禦而東北南三面何處不可遁逃官兵再尾隨其後

四散窮追其勢又似三省教匪辦理需時那彥成係屢

經獲咎之人此次受朕厚恩授為欽差大臣昇以軍旅

重任若老師糜餉使逆首李文成等遁出滑城日久稽

誅該督自問當得何罪那彥成著先傳旨嚴行申飭楊

遇春係久歷戎行之人亦不應如此隨聲附和本屬非

是那彥成接奉此旨著即尅期進剿該處賊匪現分三

處屯聚勢如犄角意圖牽制該督等或先剿道口桃源

之賊則當將道口桃源二處分兵堵截其調遣機宜聽

該督等自為籌畫總期鼓勵將士奮勇進剿不得先示怯懦益長賊鋒經此次嚴諭之後那彥成若再心存延玩貽誤事機必立將那彥成拏問治罪另派大員前往接辦仰不得其人朕當親統六師自往平賊彼時那彥成尙何顏立於人世耶凜之慎之至所奏宣化正定兵二千名交馬瑜帶回直隸邊界勦辦開州一帶賊匪此一節所奏甚是前已有旨諭知馬瑜富蘭令其迅速統道前往其請調大同鎮兵一千名道路尙近准其檄調甘肅靖遠等處之兵遠不濟急不准調取日內京兵及直隸續調之兵均已到齊那彥成等務儘現在兵力相

機進取速奏捷音朕惟計日以待也將此由六百里諭令知之

嘉慶十八年十月十七日軍機大臣字寄奉
上諭昨因那彥成辦賊遷延已降旨嚴行申飭責令迅速進兵本日同興奏報訊據現獲賊目曹光輝一犯供稱該犯於九月二十三日往滑縣見徐安悃二十七日復回山東所有豫省賊匪係李文成爲首滑縣城中是徐安悃掌管連裏約有三千多人將西北南三門堵閉只開東門出入門內安大礮一座其李家莊在城北五里卽李文成之家李文成屯聚亦有二三千人徐安悃

亦聽其號令李文成於九月初四日被滑縣強知縣拏去兩腿受了重刑初七日造反之後劫出現在李家莊養病等語又據賊目扈二胖子供稱伊在李家莊住了四五日李文成實在卧病不能動移並稱滑縣賊衆因官兵火器利害逃散甚多等語滑縣城中賊匪徐安悃手下只有三千多人李文成在李家莊屯聚亦止二三千人計兩處之賊通共不過五六千人卽道口桃源二處再有屯聚者總亦不過萬人何以那彥成摺內云賊匪共有三萬人與同興所奏顯有不符現在那彥成所調及溫承惠高杞原帶之兵計已萬餘以之進剿何至棘手况官兵勦賊本不能兵數與賊數一一相當從前三省邪匪多至數十萬人官兵不過數萬將賊股全行掃蕩豈必兵多於賊方能制勝乎本日又據章煦奏稱東省曹定等處賊匪被勦逃竄路過東明縣經該縣丁役截住擒捕扎死七十餘人奪獲車輛旗幟等語可見賊衆不過烏合該縣丁役無多尙能殺賊多名豈有帶兵大員轉送巡不進任聽賊匪屯聚蹂躪之理著傳諭那彥成遵照昨降諭旨鼓勵將領弁兵相度機宜剋期進剿勿稍延緩其李文成一犯係極惡首逆賊黨悉聽其指使現既因兩腿刑傷在李家莊養病正可乘其不

能動移設法擒獲徐安輜亦係緊要賊目現在滑城若
速將該二逆擒獲則賊心無不渙散定可一鼓殲除該
二逆就獲之後若受傷已重即在該處醫治示眾若可
以解京仍著派委巴圖魯侍衛等嚴密管押解京以便
盡法處治用昭國憲將此由六百里諭令知之

嘉慶十八年十月二十日軍機大臣字寄奉

上諭那彥成自本月十六日奏報後今又數日並未續有
奏報打仗之摺朕心日增煩懣前日據章煦奏稱山西
澤州府知府王延瑛檢獲首呈有逆匪牛亮臣所寄陵
川人王銀廣王永年二人原信一封約同謀逆本日復

據方受疇奏省城北關地方盤獲偽元師李志茂供稱
拜從東明縣人王進道習教王進道係大頭目糾集二
千餘人焚掠滋擾因在蘭陽北岸王林集先被陳州官
兵擊敗逃回東明又被直隸官兵擊敗現退回開里集
屯劄令該犯帶領三十九人潛來省城及杞縣太康鄆
陵一帶分投探聽糾人入夥希圖渡河焚掠等語豫省
賊匪言者皆以為烏合之眾不難立時撲滅而官兵總
未上緊痛剿以致賊匪裹脅日多且賊匪蜂屯滑潯已
踰一月並未旁竄正其無能之明驗大兵如奮勇攻擊
何難聚而殲旃乃官兵遷延不進使賊停留長智今山

西澤州一帶已有賊匪潛往勾結而河南開封以南復
有賊匪探聽窺伺是其奸計詭謀已有遁而四竄之意
那彥成猶復憤憤坐待遠調客兵縱賊殃民是何肺腑
現計直隸河南原調之兵並那彥成自調之兵以及京
兵已不下萬餘豈有擁兵萬餘尚不能戰之理那彥成
前於勦辦三省邪匪派為叅贊即大負委任從寬薄懲
嗣經屢次棄瑕錄用今復委以軍旅重寄猶不感激奮
勉冀圖自贖安坐衛輝玩視軍務尙得謂之稍有人心
乎那彥成接奉前旨自已迅速進兵此時惟當加倍奮
勇將滑縣及道口桃源三處之賊迅速掃除早奏捷音

其王進道一股現在何處是否仍在開里集屯聚著一
併派兵殲洗淨盡勿令四出勾結滋事再本日方受疇
奏河南省城一帶兵力單弱請於北岸封邱考城兩處
分駐兵五六百名以遏賊匪去路並請於南岸蘭陽添
兵一千名駐守防範據稱已查明那彥成派撥等語賊
匪窺伺無定南岸省城一帶關係甚重那彥成務須通
盤計畫派兵防守毋稍疎虞將此由六百里諭令知之

嘉慶十八年十月十八日

奏為恭謝

天恩事本月十六日接奉

上諭直隸總督員缺著臣補授臣未到任之前仍著章煦

署理欽此當卽望

關叩頭恭謝

聖恩伏念臣自幼儻值

內廷於外省地方事宜多未歷練自嘉慶十四年

簡放陝甘勉盡駑駘事事留心整頓四年以來時深慙懼

未克稱職今復蒙

恩補授直隸總督直隸地近

畿輔幅員遼濶土瘠民頑卽如林清一案實屬罕聞臣

奉

命之下十分悚懼臣現蒙

皇上畀以總統重任極知豫省賊情日勞

宸衷厯念臣受

恩深重心急如焚不在接仗遲早總期兵力齊集一經

見仗便可蕪事

皇上明燭萬里洞悉軍情萬不能少有支飾臣斷不敢遲

延亦不敢輕率臣愚見如此詢之久歷戎行如楊

遇春等衆謀僉同現在陝甘各路兵丁二十日以

前已可到齊其餘續調之兵約須月底方能到齊

惟此時高杞甫經卸事遠在軍營方受疇亦甫經

接印各地方承辦之員均屬生手所有諸事現俱

係臣與楊遇春親身指令辦理是以料理不無少

需時日臣現札致方受疇令台斐音前來衛輝辦

理後路一切臣仍趕緊籌備日內如有可乘之機

亦不俟兵齊卽行進剿所冀一舉集事殲戮無遺

以上慰

宵旰臣現在帶兵籌辦進剿事務所有軍火糧餉不能兼

顧已飛咨署督臣章煦及面令温承惠遵奉

諭旨辦理至直隸地方應辦事宜臣此時不能分心照料

俟臣到任後逐一整飭再查馬瑜富蘭現已遵

旨令赴開州一帶防堵所有直隸之兵一時統領乏人温

承惠亦再三懇留軍營効力並不敢藉口在營少

悞糧餉事務是以仍令其暫帶直隸兵丁隨營出

力臣世受

國恩茲又渥膺

寵遇疊荷

榮施若不竭盡血誠力圖報稱自問天良不惟辜負

皇恩抑且貽辱宗祖臣年輕才短日夜兢懼惟有仰懇

聖恩嚴切教訓俾臣得免貽悞少効犬馬庶期仰答

高厚鴻慈於萬一謹

奏

嘉慶十八年十月十一日軍機大臣字寄奉

上諭國家近數十年來辦理莠民滋事之案如王倫蘇四十三田五以及三省邪匪皆潛謀不軌抗拒王師然皆未有如林清之罪大惡極者王倫蘇四十三田五等糾眾叛逆各在鄉邑滋擾即三省邪匪肆惡蔓延竄擾數十州郡然祇在遠境跳梁間被官兵追竄亦不過至豫省南界而止今林清潛匿輦下圖謀叛逆膽敢糾結黨羽直犯禁闕訊取賊供並有潛派黨惡伺劫踴路行營之謀因聞兵衛環集而止其河南山東各處滋事首逆

刑部奏請將林清等處斬

十八

聖

硃

欽此

如李文成徐安悃等聽林清指令同日起事狀官劫庫荼毒生靈似此元惡巨憝實自來叛案所未有幸仰荷天恩立將林清擒獲明正典刑其在京滋事黨羽亦次第殲捕略盡惟河南山東各處叛賊尚未殲滅此等稔惡亂民乃覆載所不容神人所共憤豈容稍留餘孽現在官兵厚集四面遮圍該逆等不過苟延殘喘那彥成受朕厚恩身為總統即各路帶兵將領以及滿漢官兵共知大義咸奮同仇當知此次用兵尤當殫竭謀勇期於除惡務盡若稍或遷延觀望姑息縱容甘與逆賊並生天壤則非我大清國之臣子矣至於除賊所以安良戢

硃

亦非阿比之徒

硃

暴必先禁暴賊匪真正首夥謀逆人數諒不甚多其號以萬數大抵由於襄裔若不區分良莠概予誅夷因賊匪而誅良民朕心實有不忍該逆匪狡計百出當抗拒大兵之時必係將老弱難民驅迫在前而真賊尾隨於後若官兵不加辨察一經望見賊眾遽將鎗礮轟擊則難民悉被傷夷而真賊近前官軍等火藥鉛彈皆已告罄轉令得乘間遁逃殊失除暴安民之意著那彥成傳知各路領兵大員等凡大兵所至皆當多方曉諭並於接仗時大聲揚播其有被賊裹脅勉強隨行者如果悔罪投誠先期解散逃避或手無器械自投者皆當免其

刑部奏請將林清等處斬

十八

聖

硃

欽此

一死官兵等不得妄加誅戮如再能殺賊自効殲擒首惡及著名頭目投至大營更當奏聞加以恩獎惟有持械抗拒者則無論其是否真賊是否被脅必當盡殺無赦該大臣總統師干惟當遵奉此諭迅速成功不可遲延亦不可草率勉副委任將此諭知那彥成並著轉傳各路帶兵大員知之

嘉慶十八年十月十八日

奏為欽奉

諭旨恭摺覆

奏事竊 臣於本月十六日接奉

諭旨以賊匪滋擾三省蒙

恩令督兵勦捕並恐不分良莠概予誅夷飭令留心辨

察臣跪讀之下不勝感悚欽服之至此賊匪滋

擾膽敢攻城傷官且擾及

宮禁實屬罪大惡極天地莫容不特臣恨深切齒即合營

將士兵丁亦無不志切同仇急思殲滅臣業已先

期出示曉諭令被脅者及早解散俾免誅夷近日

見有告示從賊中逃出紛紛不少若仍隨同執械

抗拒即律以尋常賊盜亦當明正典刑倘稍事姑

容必遺後患愈多殺愈可期久安臣受

聖恩刻下馬瑜富蘭已遵

恩至重曷敢存陰瞞之私貽悞國家之至計然亦不敢不

分良莠枉殺無辜惟當仰體

聖懷留心辨察頃獲探信賊匪二人一名張德係山東曹

縣人一名花萬鍾係濬縣人訊據供稱現在道口

賊有七千山東董姓又帶來數千滑縣不知實數

賊目牛亮臣等聞得大兵將到又看見告示眾心

已散俱皆痛哭後悔不及已將外屯家眷及要緊

什物搬入城內並因糧食不充將城內居民逐出

各皆逃散等語足見賊匪智窮勢蹙全仗道口滑

城為犄角之勢此時進攻道口賊匪必盡竄滑城

若兵力不敷圍勦轉致分竄蔓延臣行抵衛輝已

經數日心急如焚屢欲分兵勦捕商之久歷戎行

之楊遇春等僉謂賊匪數萬我兵數千攻之則有

餘圍之則不足合之則可顧一路分之則未免單

弱不在接仗之遲早總期一鼓而奏功臣不敢過

於急遽轉稽時日亦不敢故為怠緩致負

聖恩刻下馬瑜富蘭已遵

旨帶領直隸兵丁二千名前赴開州一帶並飭令將後路

掃清以免牽制臣所調各路兵丁惟西安滿營兵

一千名蘭州督標兵五百名西安鎮標兵一千名

固原馬隊兵五百名京營官兵一千名陸續到來

尚有蘭州河州兵一千名靜寧靖遠兵一千名均

未到來至吉林索倫兵二千名尤屬急需至今尙

無到來的期臣不勝懸盼之至此刻現在嚴催各

路未到兵丁酌量可敷分撥即行進勦亦不必盡

俟到齊始行接仗總期一舉集事仰慰

宸衷先此恭摺覆奏俟日內接仗後即行由驛馳

聞謹

奏奉

硃批看汝造化無可訓示

嘉慶十八年十月十八日

奏豫省情形惟南陽府甚不放心臣現將高杞所調之

南陽鎮標兵丁一千一百名全數撤回各歸本營

溫承惠前曾札囑兩湖督臣馬慧裕預備兵丁三

千名茲已飛調令其來營可補已撤南陽兵丁之

數合併奏

聞謹

奏奉

硃批覽

嘉慶十八年十月十八日

聖鑒

奏蒙

卷二十八

聖

皇上賞派吉林索倫兵二千名至今尙無到營的期臣不

勝懸盼之至現已令長慶趕赴前途催趨所需軍

火等項亦即令長慶沿途催辦庶可期迅速前來

藉壯軍勢合併奏

聞謹

奏奉

硃批可恨可鄙

嘉慶十八年十月二十一日軍機大臣字寄奉

上諭那彥成覆奏各摺片均已覽悉那彥成於初八日抵

衛輝業已旬日總稱兵力未齊不行進剿並令長慶迎

催吉林黑龍江官兵該二處官兵雖已奏報起程尙未

到京即到京之後朕派人犒賞再令按程行走計到軍

營亦為期尙遠朕亦不降旨飭催那彥成無庸懸盼現

在那彥成所調之兵據奏陸續到營者已有數千又有

直隸河南之兵已不為少那彥成惟應就現有兵力奮

勉進剿滑縣道口桃源三處之賊無論先剿何處那彥

成自酌機宜朕亦不為遙制進兵後能否大獲勝仗看

伊造化如何若伊必欲按兵不動靜待吉林黑龍江之

兵以致坐失事機則是伊自不欲生亦祇好聽其自取

聖鑒

奏蒙

卷二十八

聖

訓示矣

嘉慶十八年十月十六日奉

硃筆諭那彥成本日接汝摺奏憤恨極矣大逆林清勾結

滑縣李文成謀危社稷現在李逆株守滑縣機不可失

朕日夜焦急寢食俱廢望汝速剿大逆奠安民社不想

汝到衛輝遲疑不進遲遲觀望以等兵為詞大失朕望

具何肺腸忍心病狂天良何在非阿桂之孫非朕之臣

任汝為之可也近因溫承惠遲迴貽誤所以用汝孰意

汝之因循疲玩更甚於彼汝以世家滿洲不及一山西

人有何顏而立於天地之間乎賊匪一日不滅良民一日不安汝一日不進兵賊匪多裹脅一日若等兵齊進
勦須至臘月彼時賊匪又增數萬矣况汝安坐衛輝有何良策不令賊匪裹脅又有何策不令賊匪竄逸將此
二策明白具奏直入大內之逆黨為覆載所不容稍有
人心者孰不思滅此朝食而汝漫不關心可恨之極可
恨朕屢用庸臣敗壞國事今日之旨是汝生死關頭信
與不信憑汝自議擲筆付汝好自為之三路進兵攻打
桃源道口以重兵圍住滑縣勿令一賊潛逃此為上策
勉力辦理稍贖重咎朕計日以待捷音汝若再有遲疑
即棄絕汝南東直隸軍務奏議

卷二十八

完

朕永不見汝之面矣

嘉慶十八年十月二十一日

奏臣昨於新鎮接奉

上諭並

硃諭申飭臣畏葸無能臣跪讀之下昏暈戰懼幾於不省
人事臣實在罪無可逭自悔自艾無地自容並不
敢再求

皇上治罪惟有努力向前萬不敢少有遲疑並求

皇上施恩准將

硃筆暫緩恭繳臣焚香供奉朝夕捧讀益加勵警惟求

皇上

恩宥謹

奏奉

硃批汝若能成大功朕若仍治汝罪朕何以上對

天

祖汝能知悔懼奮勉自當大施漏澤勉之

容安謹按此奏入

告時已奏獲勝

那文毅公總統河南山東直隸軍務奏議

卷二十八

完

那文毅公總統河南山東直隸軍務奏議卷二十八

那文毅公總統河南山東直隸軍務奏議卷二十九目錄

卷二十九

新鎮丁樂集之捷

中市所之捷

聶渡墨子村之捷

道口之捷

附恭謝

天恩

圍滑之捷

截助桃源賊援

籌策攻城

附收撫被脅

那文毅公總統河南山東直隸軍務奏議

目錄

一

那文毅公總統河南山東直隸軍務奏議卷二十九

上海市歷史文獻圖書館藏

男容安恭輯

新鎮丁樂集之捷

嘉慶十八年十月十九日會同叅贊大臣固原提

督楊公遇春

奏為連次殲擒分屯附近道口各寨賊匪緣由恭摺具

奏事竊臣昨將暫駐衛輝杜賊西竄並催趨兵丁

軍火續經

奏明在案臣查大股賊匪屯聚滑縣道口等處滑縣在

道口西北高杞現在帶兵在滑縣堵截道口係賊

那文毅公總統河南山東直隸軍務奏議

卷二十九

一

之正面現已分兵駐守惟衛輝在其西北在在與

太行山通路並無重兵恐其西竄是以臣即由衛

輝進至新鎮現將道路探明日內即行會剿若一

得道口便可進圍滑縣臣已札囑高杞將滑縣城

外雲溪橋下流關住使水勢增高賊匪不能西渡

並將連日探明地方道路草圖附呈

御覽臣連日心急如焚勢不能等候兵齊先將已到之固

原西安兵丁二千名交楊遇春於十七日星夜帶

赴附近道口之新鎮駐紮以當賊要且可就近探

勦分屯賊匪楊遇春行抵新鎮鄉民等呈報附近

道口之曹起營地方有賊分屯時出搶掠於十八日派撥遊擊呂天俸馬光宇守備俞振海帶領兵丁並嚮道鄉勇前往該處賊匪約千餘人一見官兵即行分竄我兵奮力追捕殺賊二百餘人奪獲大刀一把鳥鎗十五桿三眼鎗六桿餘匪竄歸道口旋又探得附近道口之周譚村遇莊羅家寨三處賊匪合夥一處約有二千餘人鄉勇等得兵助勢人人奮勇攻撲賊匪亦即分竄帶領鄉勇之孟大有孟大炫分投追捕殺賊二百餘人生擒張會元等十四名餘匪已竄歸道口十九日臣那彥成

那文毅公奏議 卷二十九 二

開道字樣餘匪亦竄歸道口訊據活賊供稱頭目馬魁曹治欄持械當先已被鎗傷斃此次嚮導鄉勇被傷數名兵丁亦有帶傷者容俟查明照例辦理所有生擒各匪現即分別辦理此番連次勦捕實未能痛快臣愈加憤悶而此時人心已安進兵後路亦即以次肅清臣亦不候兵丁軍火齊備一面飛催未到兵丁速來以為後應一面嚴催藩司台斐音親到衛輝辦理後路一切一面即帶已到現存之兵丁並札會高杞日內即可進勦一得道口即攻勦滑城四路兜圍無難即克總期一二仗即掃除淨盡上慰

那文毅公奏議 卷二十九 三

已到營訊知賊匪畏懼官兵不怕鄉勇旋探知附近道口之丁樂集屯聚賊匪三千餘人勢甚凶悍遂令兵丁假扮鄉勇仍帶領嚮導鄉勇數百人於十九日黎明直逼賊巢賊匪誤認我兵為鄉勇搖旗吶喊蜂擁前來楊遇春率領衝擊殺賊六百餘人活捉滑縣生員周鼎新等三人奪獲大旗二桿上寫巽宮伯劉伏榮離宮伯李存信奉天開道字樣又八卦大白布旗一桿小旗一桿上寫巽宮伯尚大典字樣又小尖令字旗七桿上寫師存智尚大榮陳長嶺字樣又小白旗二十六面上寫奉天

聖懷再京營兵於十四日到來臣已將健銳營之五百名分撥在高杞營中謹

嘉慶十八年十月二十二日軍機大臣字寄奉

上諭那彥成等奏殲擒分屯附近道口各寨賊匪一摺覽奏俱悉那彥成在衛輝遷延時日因奉嚴旨飭催始由新鎮進兵攻勦一經接仗即斃賊一千餘人並稱賊見官兵即行分竄可見此等烏合之眾毫無伎倆有何可畏而遲延不進耶該督等當趁此兵威速將道口屯聚

之賊悉數殲除賊匪犄角之勢已破即合兵將滑城之賊併力圍攻該逆匪屯門浚濠為負隅死守之計該督於進攻時用礮轟擊更為得力開封省城存貯礮位甚多着該督即調取來營以備攻具現在滑城為首之賊係徐安憫當通飭將弁留心擒捕毋令遁逸其逆首李文成因腿受刑傷在滑城附近之李家莊養病該督即分派將領設法掩擒就獲後仍遵前旨如傷不甚重派委侍衛官員嚴行鎖押解京盡法懲治該督等能於日內將道口滑城各處賊匪悉數剷平並將李文成徐安憫著名逆首全行擒獲即由六百里加緊馳奏若有

聖毅公總統河南東直隸奏議

卷二十九

四

大勝仗仍用六百里馳奏此次那彥成等督兵勦賊得有勝仗因前此辦理遲延是以不加獎勵若能奮勉勦辦迅速成功再行降旨施恩

中市所之捷

嘉慶十八年十月二十一日會同叅贊大臣固原提督楊公遇春

奏為迎頭截殺賊匪痛加勦捕情形恭摺奏

聞事竊前將鼓勵鄉勇殺賊情形業已恭摺於十九日具

奏二十一日正在探明路徑擬即與高杞通信三路進

攻分投布置旋於是日已刻探報道口屯聚之賊

傾巢而出約有三四千人分東西兩路而來在中

市所一帶村莊焚掠因思此等匪徒一經官兵接

聖毅公總統河南東直隸奏議

卷二十九

五

仗勢必敗退逃竄先須截其歸路且道口距滑縣

城僅止八里恐城內之賊潛出接應尤須防範

楊遇春帶領馬步官兵抄往賊後截住退回之路

設有後股接應之賊並可堵勦並派格布舍富僧

德特依順保馬元等各領弁兵分路迎頭截勦慶

祥帶領京營勁旅在南策應那彥成帶領副將

張大振在正西策應賊匪一見官兵公然抗拒蜂

擁而前格布舍馬元等率領官兵先用馬隊衝突

鎗箭齊發前隊賊匪應手而倒後隊之賊仍復向

前抵死抗拒官兵步隊繼進鎗矛並舉富僧德特

依順保等復率馬隊橫衝其中賊匪不能抵禦紛
紛敗竄臣揚遇春又復迎頭截住痛加截殺自己
至酉閱五時之久將弁兵丁勇氣百倍殺賊一千
四百二十名生擒一百四十餘名逃出良民約有
千餘人人人感激

併天恩各歸安業其實係逆匪訊明後即全行正法併獲大

白旗十餘桿大礮二尊烏機礮三尊三眼鎗一桿
刀矛器械不計其數時已昏暮未便窮追察探敗
殘賊匪仍歸道口滑城兩處賊匪狡猾多端此次
雖分東西兩路而出接聯俱有埋伏若非三分分

聖毅總統河南東直隸奏議 卷二十九 六

投迎截幾中其埋伏之計此番雖經勝仗期殺多
名仍未痛快臣仍現商同布置擬仍分數路進攻
仰仗

錄聖主天威可期尅期蕝事除將員弁兵丁分別獎賞記功
其官兵內有陣亡三人錄把總楊秀廷一名外委兵
丁二名容俟查明咨部請卹外臣等仍一面探聽
賊匪一有動作信息即行趕剿以張兵威而寒賊
膽謹

奏

嘉慶十八年十月二十七日

奏臣前次

奏明將高杞所調之南陽兵丁撤歸原伍即將溫承惠
前囑湖北預備之兵丁三千名調來以補已撤南
陽兵丁之數茲查內有鄖陽兵八百名臣伏思鄖
陽地關緊要仍飛咨馬慧裕令其就近飭回本營
以資彈壓謹

奏奉

硃批甚是

嘉慶十八年十月二十七日

奏臣昨奉

聖毅總統河南東直隸奏議 卷二十九 七

諭旨指示以李文成被刑後在滑縣城北李家莊養病臣
前於十二日即風聞該犯在滑縣附近村莊居住
因密差訪探知該犯行踪詭秘或在李家莊或在
蘇家莊不肯有一定住處昨又密探據稱業已入
城查該犯受刑既重滑縣一克必可就俘至徐安
愾一犯亦據活賊供稱現在道口仍各設法務即
生擒以備解京謹

奏奉

硃批此二犯最要必得生擒

嘉慶十八年十月二十四日軍機大臣字寄奉

上諭那彥成等奏剿殺道口賊匪一摺覽奏俱悉此次道口之賊出巢迎拒者約有三四千人經該督等奮力勦殺共斃賊一千四百餘名生擒一百四十餘名並逃出良民一千餘人核計道口屯聚之賊除殲擒及投出畏脅者其餘敗殘賊匪為數諒亦無多該督自趁此兵威進攻道口將賊匪殲滅淨盡即可併力圍攻滑城該匪等外無救援正如釜魚阱獸不難一鼓剷平前因該督辦理遲延是以降旨嚴飭該督此時若能將滑城屯聚之賊迅速剪除並能將逆首李文成徐安惻按名擒獲自應寬其既往之咎仍予施恩該督當勉之又勉至該

聖毅公總統河南山東直隸奏議

卷二十九

八

督所獲賊犯務須嚴切根究該匪等同謀逆黨除林清外其潛匿京城及附近者尚有若干著名為首者倘有何人如有確供即迅速由六百里具奏以便飭拏究辦現已降旨令廣厚暫留衛輝所有該督生擒賊犯並著就近分解郡城交廣厚一併研審具奏若逆首李文成徐安惻一經擒獲驗明傷不甚重即傳旨派廣厚長慶二人迅速押解來京以備廷訊再摺內稱奪獲賊匪大礮二尊烏機礮三尊賊營中安得收有礮位並著於獲犯內嚴究來歷據實覆奏現在該督連得勝仗因前此進兵遲緩不即加恩除打仗陣亡之把總楊秀廷着照

千總例賜卹外委兵丁二名著咨部議卹外其餘出力將領兵丁統俟收復滑城擒獲首逆大功告竣時秉公保奏再行渥沛恩施

聖毅公總統河南山東直隸奏議

卷二十九

九

聶渡墨子村之捷

嘉慶十八年十月二十五日會同叅贊大臣熱河都統高公杞叅贊大臣固原提督楊公遇春

奏為連日分路剿殺賊匪情形恭摺奏

聞事竊臣那彥成於二十一日將道口分出賊匪剿敗後

連日察探該匪在道口地方挑挖深濠堅閉不出

不時遣其夥黨潛赴各村掠糧均經兵勇隨處剿

捕屢據獲賊供稱道口之賊意圖西竄其滑縣城

內之賊現由道口搬運糧石欲為負嵎死守之計

適高杞正欲與臣那彥成面商計期夾擊旋據探

那文毅公總領河南山東直隸軍務奏議

卷二十九

十一

報道口賊匪有渡河西竄之勢高杞即率領叅

將張拱辰都司陳天壽等分帶馬步兵丁於二十

五日黎明趕緊前進其時臣那彥成亦已得信即

分派將備帶領官兵馳往夾擊楊遇春由河東

帶兵直趨道口東面以防滑城接應之賊高杞

行抵聶渡見賊匪二千餘人正在搬運木板搭橋

欲渡一見官兵公然抗拒維時臣那彥成之兵趕

到兩面夾攻馬步齊進將賊衝為兩截四散奔逃

副將張大振叅將張拱辰遊擊祁祥署都司賈德

等用馬隊兜圍痛剿殺共計殺賊七百餘名落

水淹斃者三百餘名生擒三十四名奪獲大旗二

桿烏鎗器械無數餘賊仍退歸道口臣等親赴查

看節節挑挖深溝官兵未便深入當將浮橋砍斷

木板燒燬以絕其西竄之路查賊匪詭計多端現

在附近滑縣道口一帶村莊皆有埋伏賊黨以圖

牽制官兵後路臣那彥成先經派令遊擊馬光宇

呂天俸協同河南試用知縣孟肥瞻所練壯勇防

護各村本日接據馬光宇等稟報二十四日有八

里營留固等處賊匪千餘人至墨子村一帶滋擾

伊等即帶領丁壯并將官兵亦假扮鄉勇分投截

那文毅公總領河南山東直隸軍務奏議

卷二十九

十二

剿殺賊五百餘名生擒十二名奪獲大礮二尊大

旗一桿稟送前來除將出力弁兵壯勇分別獎賞

并獲賊訊無要供立即正法外臣那彥成高杞現

在面同熟商必須將附近各村屯伏之賊先行剿

除以免牽制即可分路進攻道口然後併力收復

滑城刻下馬瑜帶領富蘭圖俊烈在北路開州一

帶堵截昨於二十三日殲擒潘章一帶賊匪九百

餘名同興帶領多隆武等在東路一帶防堵嚴密

賊勢已蹙無處逃奔不過踞守道口滑城苟延殘

喘臣等悉心布置仰仗

天威定可一鼓蕺事上慰

聖懷謹

奏

嘉慶十八年十月二十八日軍機大臣字寄奉

上諭那彥成等奏連日分路剿殺賊匪一摺此次道口賊匪意圖西竄那彥成高杞楊遇春等於二十五日分率官兵馳往夾擊賊賊一千餘名生擒三十四名並將浮橋砍斷木板燒燬以絕其西竄之路所辦尚好賊匪聚集一處則我軍兵力易施現在滑縣城內之賊聚而不散並由道口搬運糧石以為負隅死守之計此正如釜

聖毅總統河南山東總督奏議

卷二十九

十三

魚阱獸不難一鼓殄除惟此時道口賊巢尚未攻破賊匪已有西竄之意一切剿堵機宜最關緊要由道口而西即漸近太行山麓徑路紛歧若賊匪一經竄入官兵剿辦又致費手那彥成等務須緊顧西面先攻道口將賊巢剿除則滑縣孤城無援即可全力圍攻計日收取至其餘附近埋伏之賊欲圖牽制官兵後路自應分兵掃除遊擊馬光宇等在墨子村一帶剿殺五百餘名生擒十二名奪獲大礮二尊尚為出力但賊營俱各帶有大礮何以官兵剿賊轉不用礮轟擊所有奪獲礮位正可用以擊賊倘礮位不敷昨曾降旨諭知開封府內存

貯礮位甚多該督等即就近調取運送來營以備攻城之用

聖毅總統河南山東總督奏議

卷二十九

十三

道口之捷

附恭謝

天恩

嘉慶十八年十月二十八日會同參贊大臣熱河都統高公杞參贊大臣固原提督楊公邁春

奏為督兵會剿攻克道口賊巢恭摺馳奏事竊臣那彥

成前因道口賊匪欲渡衛河西竄值高杞赴營

盤會商訂期夾擊當同楊邁春等三路截殺緣由

於本月二十五日恭摺會

奏在案查賊匪退回道口之後悉力拒守并於附近村

莊處處埋伏以圖牽制官兵臣那彥成先行分派

將弁分投偵探因賊匪詭譎多端若仍前三路進

那文毅總督南東直隸奏議

卷二十九

十四

兵惟恐被其牽制是以臣那彥成與高杞楊邁春

等各分一路高杞由北而南楊邁春楊芳由南而

北先飭總兵音登額遵

旨運送河南省城大礮於道口對岸之小河所預備轟擊

并派慶祥格布舍抄截右路富僧德特依順保桑

吉斯塔爾抄截左路馬元徐銀張大振等直撲中

路接殺遊擊馬光宇呂天俸等徑撲滑縣各帶馬

步官兵於二十七日卯刻分七路進發臣親自督

率直抵道口沿途遇有埋伏賊匪俱經官兵追逐

紛紛竄回道口臣立即催兵前進詎賊眾一萬四

五千人蜂擁抗拒先經音登額用礮轟擊其西南

賊眾并力向前高杞帶領參將張拱辰等奮力攻

擊楊邁春楊芳迎頭勦殺慶祥格布舍等各帶京

兵馬隊三面衝突臣指揮特依順保張大振等四

路截殺鎗箭并發復用大礮轟擊賊始驚惶奔竄

官兵儘力追殺於賊人挖掘濠溝處所飛越徑進

乘勢突入道口痛加勦戮正當攻擊之時滑縣賊

匪率眾一二十人前來救應經桑吉斯塔爾格布

舍張大振等帶兵截回馬光宇呂天俸並候補知

縣孟祀瞻率領鄉勇乘勢將滑縣南關焚燒賊匪

那文毅總督南東直隸奏議

卷二十九

十五

不敢復出道口官兵將賊巢全行燒燬自辰至酉

共殺斃賊匪五六千人燒斃四五千人生擒三百

八十餘名訊據均係從賊日久打仗一二次不

等皆曾殺傷兵勇并稱道口之賊良卦的人就有

萬數別卦之人很多良卦首先起事大頭目黃興

相李世玉坤卦大頭目馮相林呂國泰離卦大頭

目徐玉坎卦大頭目孔傳今日打散之後多在道

口民房內藏着後房屋被燒不知生死等語并鎗

斃手執大白旗騎馬賊首十餘人內有身穿藍蟒

袍者一名奪獲馬匹器械旗幟無數其餘逃匿民

房餘匪除燒斃外俱經嚴查搜獲臣欽遵前奉

諭旨不敢妄殺無辜先經豎立良民旗幟招呼難民現在

老弱男婦紛紛投出共計八九千人委員審訊內

有賊匪冒充良民者三十餘人當同生擒回營訊

係真賊之犯一并正法其餘飭交地方官妥為安

置至此次殺斃燒死賊匪多名內著名賊首諒必

不少實因專意剿殺天色已晚不及細查現在餘

匪俱皆竄歸滑縣城內查賊匪屯聚滑縣全恃道

口為負隅之計抗拒官兵且為直隸開州長垣東

明山東曹縣定陶零匪遁逃之藪今仰仗

聖鑒總河南山東直隸奏議 卷三十九 去

皇上天威將士用命已將賊巢全行攻燬餘匪退據滑城

賊膽已寒不過苟延殘喘臣惟當鼓勵鎮將倍加

奮勉即日統兵直抵滑城務期一鼓蕩事仰慰

聖懷至在事出力員弁兵丁等另容查明請

旨獎勵

乾清門侍衛額勒精額手腿均被鎗傷巴圖魯侍衛哈

那阿眉稍帶有鎗傷俱不甚重陣亡曷陽營遊擊

楊連仲并滿漢弁兵傷亡者統俟逐細查明照例

咨部辦理謹會同繕摺由六百里加緊馳

奏

嘉慶十八年十月二十八日

奏臣於本月二十一日與楊遇春勦殺道口分竄賊匪

情形一摺茲於二十七日奉到

廷寄

諭旨飭令臣趁此兵威進攻道口若能將滑城屯聚之賊

迅速肅除並將逆首李文成徐安欄擒獲自應仍予施

恩欽此臣詭譎之下曷勝感悚現在道口賊巢已經攻

燬臣惟當鼓勵官兵即日克復滑城掃除邪匪安

撫良民仰副我

皇上諄諄訓誡之至意其逆首李文成徐安欄二名臣刻

聖鑒總河南山東直隸奏議 卷三十九 去

刻留心設法密加偵捕如擒獲時傷不甚重即交

廣厚長慶押解赴京恭候

廷訊又奉

旨飭令嚴究賊匪礮位來歷一節伏查節次獲犯供稱所

有礮位俱係攻奪滑縣及山東曹縣定陶等處得

來並非私鑄等供嗣後獲犯仍當嚴加訊究來歷

斷不使稍有捏飾謹

奏

嘉慶十八年十一月初一日奉

上諭那彥成等奏督兵會勦攻克道口賊匪一摺道口賊

巢逆匪等盤踞日久負隅拒守與滑縣匪徒互相援應並在附近村莊各處埋伏以圖牽制官兵那彥成高杞楊遇春督率將領分兵七路於十月二十七日卯刻同時進剿沿途將埋伏之賊先行剿散賊眾蜂屯抗拒總兵音登額先用礮轟其西面高杞帶領參將張拱辰乘勢攻擊楊遇春楊芳迎頭勦殺慶祥格布舍各帶京兵馬隊三面衝突那彥成督率特依順保張大振等四處截殺鎗箭並發復用大礮轟擊賊匪驚惶奔竄官兵等飛越溝濠直入道口正在勦戮之際滑縣賊匪率眾一

聖製繪河南東嶽廟壽議

卷二十九

六

並焚燒滑縣南關賊匪不敢復出官兵遂將道口賊巢全行燒燬自辰至酉共殲斃賊匪一萬餘人生擒三百八十餘名並鎗斃執旗賊目十餘名奪獲馬匹器械旗幟無數現在投出難民有八九千人內有賊匪冒充良民者三十餘人俱經審明正法所辦可嘉之至那彥成高杞楊遇春親應行間督率調度俱屬奮勉着加恩先行交部議敘并賞給那彥成四喜玉搬指一箇四喜牌一件玉鼻烟壺一箇黃瓣大荷包一對小荷包二箇賞給高杞四喜玉牌一件玉鼻烟壺一箇黃瓣大荷包一對小荷包二箇賞給楊遇春四喜玉牌一件黃瓣大荷

包一對小荷包二箇其各路帶兵大員著那彥成等秉公查明擇其實在出力者奏明賞給議敘其餘將領員弁著查明開列清單將應行升擢及賞戴翎枝者分別保奏候朕降旨施恩但必須超眾奮勇如飛越溝濠不避矢石者方准列入如侍衛額勒精額哈耶阿二人現俱受傷者歸入保奏之列毋得冒濫再發去鑲鑽翎管十箇玉柄小刀十把玻璃鼻烟壺五箇花磁鼻烟壺五箇分賞出力官弁一兩重銀牌五百面五錢重銀牌五百面分賞出力兵丁以示獎勵

嘉慶十八年十一月初一日軍機大臣字寄奉

聖製繪河南東嶽廟壽議

卷二十九

九

上諭那彥成等奏督兵攻克道口賊巢一摺所辦甚為可嘉已特降諭旨分別加恩矣摺內聲敘此次慶祥等率領京兵馬隊三面衝突從前健銳火器營官兵調赴川楚協剿時朕聞其頗不得力此次臨陣衝突其中自必有勇往出力者著那彥成等據實查明保奏數人候朕施恩令京營官兵聞知亦共知鼓勵但必須擇其奮勇向前者不可徇情冒濫此時該督已將道口賊巢掃蕩賊匪犄角之勢已破滑縣孤城無援該匪不過如釜魚阱獸即當趁此兵威奮力進攻早淨巨寇以靖民生朕惟計日以待捷音之至也勉之望之

嘉慶十八年十一月初八日會同參贊大臣熱河

都統高公杞參贊大臣固原提督楊公遇春

奏為恭謝

天恩事竊臣等具奏督兵會剿攻克道口賊巢一摺本月

初四日欽奉

上諭蒙

恩交部議敘並荷

賞賜四喜撥指玉牌黃辨大小荷包等項臣等望

闕叩頭敬謹祇領並蒙

頒賞翎管銀牌等項分給出力官弁兵丁當即傳宣

聖恩總統河南東原參贊

卷二十九

二十

恩旨分別賞給合營將士歡聲雷動無不感頌

皇恩踴躍百倍伏念臣等督師剿賊咸皆秉承

廟算仰仗

天威未建寸功正深惶悚茲道口雖已攻摧滑城尙未克

復臣等心急如焚恨不卽刻力擒巨寇掃盡邪氛

迺蒙

聖主懋賞有加

恩綸特賞沐

寵榮之逾格益感悚以難名臣等惟有督同鎮將鼓勵官

兵尅日收復滑城生緝渠魁殲除醜類務期早晚

藏功仰報

高厚鴻慈於萬一謹

奏奉

硃批覽

聖恩總統河南東原參贊

卷二十九

三十

圍滑之捷

嘉慶十八年十月三十日會同恭贊大臣熱河都

統高公杞恭贊大臣固原提督楊公遇春

奏為官兵攻克道口勦殺賊匪直抵滑城現在布置圍

攻情形恭摺奏

聞事竊臣等於本月二十七日督率官兵攻克道口賊巢

即於二十八日由六百里加緊馳

奏在案查道口長有八九里街道曲折敗殘餘匪逃匿

民房者雖被官兵用火燒斃一時未能淨盡臣等

於二十八日黎明又復嚴加搜捕尚有餘匪四五

那文毅公總領河南東邊疆務奏議 卷二十九 三

百人當即撥兵勦殺餘匪拚命逃回滑縣縣城之

賊閉門不准其進城官兵正在追擊未及二三里

復有縣城東偏之桃源賊匪三千餘人前來接應

當經高杞率領官兵自東而西兩路夾攻賊仍

抵死抗拒桑吉斯塔爾格布舍楊遇春楊芳等各

帶馬步官兵縱橫衝突鎗箭齊發賊始紛紛敗竄

計那彥成一路殺斃賊匪三百餘名高杞一路

殺斃賊匪二百數十名餘匪竄回桃源其道口餘

賊等儘力追逐直抵滑城詎城內之賊復出五

六千人公然抗敵官兵乘勝直前先用馬隊衝突

該匪前隊折回官兵趁勢追擊復斃賊匪七八十

人賊眾退回城內維時官兵前後各隊均已直逼

城下正在劄營賊匪復由西北二門突出每門約

有二三千人分投直撲官兵不能劄營等一面

督兵截殺一面安劄營盤隨將賊匪趕退入城立

將東西南三門嚴密堵住惟正北及西北兩門現

在尙未能堵住查滑縣周圍數里城郭堅固統計

現在兵數攻賊則有餘圍城則不足等正在焦

急計前調山西兵一千名陸續到齊擬即分別派

撥上緊攻取等既已直抵滑縣恨不得滅此朝

那文毅公總領河南東邊疆務奏議 卷二十九 三

食即另行設法趕緊克復斷不敢圍而不攻稍延

時日仰屋

聖懷滑城一破賊膽已碎即使有零星逃竄之賊盡力追

殺亦無難淨盡再那彥成與高杞於二十八日

親赴道口查驗已斃賊匪該處屍骸枕藉盈街滿

屋實因官兵進攻道口之時注意勦殺莫辨賊首

賊夥屍身均已糜爛實無從查驗現在等惟當

加緊圍攻務擒首逆容後有續到之兵即再分撥

剋期撲滅諒此釜底遊魂亦斷不能再稽顯戮謹

奏

嘉慶十八年十月三十日

奏臣那彥成前經奏撥湖北兵三千名赴豫協助嗣接

馬慧裕覆稱以臣未經抄錄奏稿移知未即發兵

旋因剿捕緊急臣核計若俟湖北兵到恐致遲悞

業經飛咨馬慧裕吉林泰將兵停止無庸赴豫至

前次續調陝甘官兵未蒙

恩允惟臣一面奏明一面先經檄調約計前項官兵已出

潼關不日即可到營此二千官兵即可抵補停止

湖北三千之數現在圍攻滑城正當萬分喫緊之

際一得前項官兵協助更可期迅速肅事謹

聖毅公總督河南軍機處奏議 卷二十九 五

奏奉

硃批甚好

嘉慶十八年十一月初三日軍機大臣字寄奉

上諭那彥成等奏官兵攻克道口後勦殺賊匪直抵滑城

現在布置圍攻一摺所辦甚好道口攻克後餘匪尚有

四五百人復經官兵搜戮零星竄回滑縣官兵乘勝追

擊先將桃源接應之賊截回追抵滑城城內賊匪兩次

出城衝撲俱經官兵擊退現已將東西南三門嚴密堵

住惟正北西北兩門尚未堵合看來賊匪勢已窮蹙此

時緊要機宜必須四面圍定方可併力進攻切不可於

西北正北兩門未經堵合之先率行攻打致留賊匪奔

竄之路若賊匪突圍而遁必係緊要頭目悉其精悍乘

間奔逃其老弱無用者始棄之城中設官軍圍堵不嚴

致有名賊目戰手悉行免脫克城之後僅捕戮餘匪甚

或多殺難民充數則收復空城於勦捕大局何益本日

同興奏沈洪一路官兵經那彥成調赴大營東省兵備

空虛現在訊據賊供有河南官兵甚多賊目朱成貴等

仍欲撲回山東之語此時同興處防守之兵祇有二千

四五百名甚為單薄若那彥成等不將滑縣賊匪就地

殲滅倘賊匪乘虛竄往東省豈那彥成等又提數萬大

聖毅公總督河南軍機處奏議 卷二十九 五

兵移營東省另行籌辦乎此時陝甘官兵據奏已出潼

關日內即可到營正可補北面圍兵之不足那彥成等

惟當督率將士合圍嚴密使賊匪無路遁逃先用大礮

毀其垣壁我兵奮勇先登即可將逆賊首夥或殲或擒

一鼓全行掃蕩即若遲數日朕亦不降旨飭催若使滑

城之賊再有散竄則惟那彥成等是問至現在緊要賊

目俱已聚集滑城著那彥成等通諭將士於克城之日

如李文成徐安福馮克善牛亮臣四犯必須按名擒獲

擇其傷輕者二犯解京預備廷訊其傷重者即在彼處

訊明正法錄供具奏

截剿桃源賊援

嘉慶十八年十一月初四日會同參贊大臣熱河

都統高公祀泰贊大臣固原提督楊公邁春

奏為督兵堵截滑城及剿殺桃源一股賊匪淨盡情形

恭摺馳

奏事竊臣等督兵攻克道口賊巢直抵滑城及布道圍

攻情形已於十月三十日會同具

奏在案查滑城共有五門其東西南三門已經派兵堵

截惟正北及西北兩門尚未堵住臣等正在趕緊

設法間先於二十九日酉刻桃源之賊二百餘人

那文毅公總統河南東直隸軍務奏議 卷二十九

三

欲圖入城接應城內亦出賊千餘人兩相接應時

已昏黑經官兵從中奮力堵截賊匪始各退回官

兵乘勢攻城詎城上賊匪鎗礮亂發未能得手迨

三十日黎明桃源賊匪一千數百人復圍進城拚

命冲突滑城北門又出賊二千餘人接應外賊官

兵兩面截擊十分喫緊當經臣楊邁春同

乾清門侍衛額勒精額侍衛哈朗阿並格布舍富僧德

帶同各侍衛等直前衝殺賊匪抵死不好退官兵鎗

箭齊發自辰至申殺斃賊匪一千餘人生擒二百

餘名餘剩數十零匪竄回桃源其出北門接應之

賊經臣高祀同特依順保馬元楊芳副將張大振

遊擊祁祥等各帶馬步兵丁迎頭堵剿殺賊匪一

百四五十人生擒十九名餘匪退入城內官兵進

至北門復被城上鎗石抵住官兵乘勢屯劄北門

并將北郭縱火焚燒查此次桃源一股賊匪已經

官兵痛加剿戮無餘滑縣賊匪其膽已寒現在西

北一門續經官兵堵住惟餘北門一門賊匪專力

拒守鎗礮亦多現計兵力實尙不敷布置臣等晝

夜籌維萬分焦急惟有盡心竭力設法圍攻一經

得手無論賊首賊夥悉數殲除斷不使一名漏網

那文毅公總統河南東直隸軍務奏議 卷二十九

三

大功便可告竣所有生擒賊匪訊無要供當即分

別正法此次攻城打仗官兵實屬奮勇陣亡前鋒

營前鋒校岳王保一名其餘兵勇因攻城甚近傷

亡亦有數十名容俟查明咨部辦理再臣等前奏

分路剿殺道口賊匪情形本月初一日奉到

上諭伏查道口賊巢已經攻克陸續馳

奏在案至奉

旨以官兵奪獲礮位正可用以擊賊倘礮位不敷即就近

調取開封城內存礮以備攻城等因仰蒙

皇上指示周詳曷勝欽佩臣等查官兵節次奪獲賊礮除

不堪用外餘俱挑選派撥印用以打仗擊賊前此
攻克道口時總兵音登額在小河所轟擊之礮印
係遵

旨由開封運來者現復准方受囑迎送大礮八尊不日可
到此時攻城緊要即可用以轟擊謹

奏

嘉慶十八年十一月初六日軍機大臣字寄奉

上諭那彥成等奏督兵堵截滑城及勦殺桃源賊匪淨盡
一摺所辦甚好其另摺保奏出力各員已明降諭旨分
別加恩矣此次那彥成等將桃源一股賊匪盡數殲除

如蒙恩賜南東縣署奏議

卷二十九

奏

其西北一門續經官兵堵住該匪等外援已絕正如金

魚阱獸苟延殘喘現當功屆垂成之際該督等更應計

出萬全毋稍疎懈目下緊要機宜惟在圍堵嚴密不令

該匪一名竄出即少須時日朕亦不加催促閱該督所

奏兵力尙不敷布置已降旨飭知托津將吉林黑龍江

二省勁兵令其全數赴豫併力攻勦並諭令章煦沿途

迅速催督俾令尅期至營該督等俟此項官兵到後以

大礮毀其樓櫓督率勇銳奮力先登即擒縛渠魁蕩除

餘孽一鼓成功也勉之望之

籌策攻城 附收撫被脅

嘉慶十八年十一月初八日會同叅贊大臣熱河

都統高公杞叅贊大臣固原提督楊公遇春

奏為連日圍堵滑城及酌籌攻取情形恭摺奏

聞事竊 臣等將堵截滑城及勦淨桃源一股賊匪緣由於

本月初四日會同馳

奏在案查附近滑城之東北一帶除桃源外如留固集

八里營王家道口等處均已屯聚賊匪屢圖接應

內賊牽制官兵是以西北一門續經撥兵堵住而

正北一門城內城外之賊匪兩下衝突城上矢石

如蒙恩賜南東縣署奏議

卷二十九

奏

如雨兵丁屢有傷亡急切未能堵合 臣等會同籌

議必須先將外賊殲除杜絕內賊之接應孤城無

援官兵一面堵住正北一門便可尅期攻取當即

撥派將弁帶同知縣孟吧贈所領鄉勇分投探剿

先後殲斃留固集八里營賊匪共計八九百人生

擒賊目史永固等六名夥賊二百餘人又擊獲女

賊目宋張氏一口均非著名賊目當即審明正法

其附近瀋縣之石佛鋪一帶復經長慶富僧德徐

銀等督率兵勇勦殺賊匪一百餘名生擒賊目何

派新等四名亦即訊供正法投出被脅民人趙玉

興等七名訊明安插又據留固集八里營等處投
出民人王學志等三百二十五名均經欽遵
恩旨免死釋回現在另招具

奏外連日各莊民人多有縛賊解送者又有城中居民
絕城投出者訊據供稱賊匪心疑百姓應官恐我
等投出管束甚緊今乘便絕下投生等情臣等察
看情形賊匪外援已絕內潰必生現在竭力布置
務將正北一門續行堵住并分派鎮將四面合圍
嚴加防截一面開挖壕溝遍排鹿角以杜賊匪竄
逸之路查省城前解之礮位八尊尙不甚巨茲方

那文毅公總督南東直隸奏議

卷二十九

三

受疇續解到大礮一尊臣等親驗實足以推堅致
遠現於城垣就近處所建築礮臺擬先將城垣轟
倒數處官兵即可從此突入掃穴擒渠即在早晚
所有著名賊目或擒或殲斷不使一名漏網即有
餘匪突圍而遁亦必跟踪緊勦十餘日內務期掃
淨邪氛滑城一得大功即可告竣此外各處零匪
無多不難悉數搜捕臣等惟當督令鎮將鼓勵官
兵爲一戰成功之計現在欽奉

上諭飭令合圍嚴密一鼓蕩平即若運數日亦不降旨飭
催仰蒙

睿畫周詳

恩施逾格臣等同深感悚萬不敢因奉

旨稍寬期限致有遲延再托津奉

旨赴開州東明一帶堵勦賊匪現在滑縣之賊十分窮蹙

誠恐勦散餘匪向北逃竄開州等處官兵不敷分

撥應請

旨將吉林官兵分撥五百名黑龍江官兵分撥五百名交

托津以備堵勦其餘吉林黑龍江官兵一千名如

能迅赴滑縣軍營於現在圍勦喫緊之時更爲得

力謹

那文毅公總督南東直隸奏議

卷二十九

三

奏

嘉慶十八年十一月十一日軍機大臣字寄奉

上諭那彥成等奏連日圍堵滑城及酌籌攻取情形一摺
滑城五門已堵其四其在外應援之賊又經那彥成等
撥派將弁同地方義勇分投探勦將留固集等處賊匪
先後殲斃一千餘人生擒賊目史承固何泳新女賊目
宋張氏及其餘夥匪二百餘人難民紛紛投出現在官
軍復開挖溝濠遍排鹿角於近城增築礮台以備轟擊
辦理俱各嚴密賊匪外援已絕料日內滑城定可攻克
惟那彥成等摺內稱滑城一得大功即可告竣則尙未

將大局通盤籌畫此次逆賊與三省邪匪不同三省邪匪不過在外省滋擾此次逆賊蓄謀多年敢於潛入禁城計圖內外互應其同教黨與散布各省者不少陰謀勾結甚為叵測若不剷除萌孽慮滋後患現在各處謠言雖難盡信然不可不慎密防範即使滑城收復如太康縣之趙得隴盱眙縣之周泳泰皆未定其有無蠢動馮克善前往德州糾人李文成聞向開州竄逸今日山海關擊獲逆犯邢欄安又供有離滑縣二百餘里西山之內尚有白蓮教大頭目王倫之語那彥成亦即就近派員確查看來伏而未動之賊尙實繁有徒一時不能

聖毅公總統河南山東直隸奏議

卷二十九

三

輕議撤兵設使大兵既撤之後逆黨再有滋擾彼時徵兵調將不特糜費既多且恐遲悞事機那彥成等既克滑城後當遵照前旨先將火器健銳二營官兵交原帶將領凱撤其餘各省官兵暫緩撤歸吉林黑龍江官兵更須後撤彼時確探太康盱眙德州開州西山等處如有成股賊夥應行勦捕者那彥成即與高峴楊遇春公同商酌各分一路前往勦辦將所統領將巴圖魯侍衛及滿漢馬步官兵三路均分各自統率伊三人皆可獨當一面總俟查明各處實無蠢動情形再議班師設克城之後竟圖草率完結將來遺燼復燃不但不錄伊等

之功俱尙不能逃罪也誼切同仇豈可草率勉之

嘉慶十八年十一月初八日

奏 臣等前奉

諭旨以賊首李文成在滑縣被刑後於城北李家莊養傷

等因當經差訪該犯行踪詭秘或在李家莊或在

蘇家莊等處嗣又探聞業已入城並無一定踪蹟

經附片覆

奏在案 臣仍時時留心又復派差密探及於生擒賊匪

內逐一研訊僉供滑城卦主是李姓不知其實在

的名有稱李文成者有稱李四木匠者并有稱李

聖毅公總統河南山東直隸奏議

卷二十九

三

文成即係李四木匠者詰問該犯家口止有一妻

一子一女其逆首聞係劉姓李文成過繼為子并

稱十五歲十八歲及十一歲不等亦均未見面等

供現又訪聞李文成於十月二十左右曾在四間

房藏匿迨官兵攻克道口時帶同賊夥數十人并

家口打仗之日該犯震懾兵威先期逃竄似亦事

所必至但該犯詭譎異常行踪無定或竄往他處

或仍匿城中均難料定 臣惟當嚴飭領兵大員於

克復滑城時務將該犯生致以備解京正法倘或

殲斃亦必詳細辨認據實奏

聞一面仍於滑濬各村莊嚴密偵捕又密派幹員跟踪查

拏以期必獲該犯既有潛竄開州一帶之信並飛

咨托津章煦同興等一體密速查拏斷不使有漏

網謹

奏奉

硃批嚴緝務獲勉之

嘉慶十八年十一月初八日

奏_臣等前奏圍攻滑城布置情形一摺於本月初六日

奉到

上諭此時緊要機宜必四面圍定方可進攻切不可於西

那文毅公總統河南東直隸籌辦奏議

卷二十九

奏

北正北兩門未經堵合之先率行攻打致留賊奔竄之

路一節_臣等遵稟

聖訓所有撥兵嚴堵北門之處已於現在摺內奏明又奉

上諭若賊匪突圍而遁必係緊要頭目設圍堵不嚴收復

空城於勦捕大局何益_臣等惟當督兵嚴加圍堵克城

之日務擒賊目戰手萬不敢僅復空城虛冒首功

至陝甘官兵不日到營即可補圍兵之不足布置

一經周密先用省城續解大礮轟擊城垣即令官

兵奮勇先登即可期一鼓而下至李文成徐安悃

及祝現等八犯務在生擒解京正法如臨陣殲斃

亦必詳細辨認始行具奏不敢稍有含混又奉

上諭同興奏沈洪一路官兵經_臣那彥成調赴大營同興

處防兵二千四百名甚為單薄一節_臣已飭沈洪將

原帶官兵一千名儘數帶回并囑其向東明一帶

沿途搜捕仍回東防堵是該省守禦正可不致空

虛謹

奏

謹按嘉慶十八年十一月十一日廷寄內奉

上諭那彥成奏稱飭令沈洪帶兵回山東防堵一節甚合

機宜封邱逼近黃河已有旨諭知方受疇加意防堵矣

那文毅公總統河南東直隸籌辦奏議

卷二十九

奏

嘉慶十八年十一月初八日

奏為被賊畏脅入夥現在棄械投出之民人奏明遵

旨辦理事竊_臣督兵勦賊前奉

上諭有被賊畏脅勉強隨行者如果悔罪投誠先期解散

逃匪或手無器械自投者皆當免其一死不得妄加誅

戮欽此仰見

聖主宥罪施仁網開一面至意_臣欽遵宣布並諄囑帶兵

將領傳諭官兵義勇等一體遵照自大兵攻克道

口賊巢已破嗣後勦淨桃源股匪圍攻滑城軍威

壯盛早晚肅功連日以來村民多有縛賊投送者

茲據留固集八里營等處投出滑滑二縣民人王起志于學能等三百二十五名即飭委員隔別研訊據供均係滑滑所屬鄉民自賊匪滋事即被賊目謝玉泰先後擄去分給旗幟器械派撥在前打仗名為馬前到有不從者立即殺害無奈隨行屢欲投奔大營因賊人管束嚴緊不能得便昨因官兵打破道口賊目聞知害怕初三日賊夥四百人散去剩下謝玉泰同賊夥四十餘人在八里營王家道口保護家口初四日謝玉泰不知去向我等憤恨已久乘便將賊人家口十三四人放火

聖毅公總辦河南直隸總督奏 卷二十九 美

燒斃各帶家口及餘存糧食衣服等項裝載車輛逃出赴營并將賊給旗幟刀矛一百三十餘件呈繳只求免罪等情反覆究詰僉供如一查驗三百二十五人中內有八九十人均係老弱該民人隨帶家口一同投出其非詐降可知臣復親提訊問實係被賊裹脅勉強隨行現在棄械投出悔罪願求自應欽遵

上諭免其一死先令委員執持良民黃旗押帶該民人等繞城數匝大聲傳播令城上賊匪見之解散黨羽一面發交地方官查明造冊釋令各回本處俾安

生業該民人等仰荷天恩無不叩頭零涕同聲感激其中另有精壯二十餘名情願隨營出力臣已分撥各將弁嚴行管帶許其殺賊自効查附賊之人紛紛投出實係震懾兵威事機極為順利日內如有被賊裹脅棄械投出者惟更當留心察看一律查辦謹

奏

謹按嘉慶十八年十一月十一日廷寄內奉

上諭又據那彥成等另摺奏被脅民人棄械出投一節此次投出滑滑難民三百餘人既將刀矛等一百三十餘

聖毅公總辦河南直隸總督奏 卷二十九 美

件呈繳其為良民自屬可信但賊匪詭譎伎倆安知不於難民中混入數人甚至有名賊目亦在其內不可不防著那彥成於賊營投出民人務派員逐一詳細盤詰不可憚勞致有疎虞其所請稱隨營出力之難民二十餘名撥令將弁管帶殊可不必此等民人與本地義勇不同即不疑其為匪亦何必置之肘腋仍飭令各自散歸為安

嘉慶十八年十一月初八日

奏現接副都統色爾袞來信帶領頭起吉林官兵已抵宜溝查宜溝距滑縣甚近查北津一路兵力尙單

現已專弁前迎囑令色爾袞將現到官兵先行帶
交托津以資堵剿並咨明托津謹

奏

嘉慶十八年十一月初八日

奏現接百齡來信據稱曹縣大寨集須兵防守查沈洪
原帶來兵一千名臣現已

奏明飭令儘數帶回山東以資防堵并囑沈洪向東明
一帶沿途剿捕容匪仍回東省在案頃據封邱縣
稟報本月初六日有長垣賊匪二千餘人竄入封
邱之劉光集一帶臣當即派令富僧德特依順保

聖鑒總河南軍機處奏議

卷二十九

奏

及遊擊馬光宇帶兵馳赴剿捕并令沈洪順途協
剿此等賊匪奔竄無常不過遙應滑城之賊以圖
牽制大兵臣已囑富僧德等痛加剿殺務盡餘氛
斷不致令滋蔓又附近濬縣之白茅莊一帶賊匪
據徐銀稟報會同富僧德兩面夾擊殺斃一百數
十名生擒賊目張法宗及賊夥四十七名另行解
審餘匪退入莊內官兵縱火焚燒斃賊無算臣復
飭嚴加搜捕是白茅莊一路賊匪可期盡數撲滅
謹

奏

嘉慶十八年十一月初十日軍機大臣字寄奉

上諭自初六日接據那彥成等奏報之後又已數日未據
續報軍務情形聞該督等已督率官兵於滑城外設立
架木城挑挖溝濠併力合圍此時朕並不降旨飭催該
督等務布置周密俟吉林黑龍江官兵到營攻克滑城
亦不為遲總須將賊匪悉數殲擒一舉竣事斷不可致
令旁竄追奔逐北又延時日此為最要攻破滑城後擒
獲賊犯先究首逆李文成徐安懌馮克善牛亮臣四犯
下落按名捕獲擇其傷輕者二名解京傷重者在彼正
法其在京滋事之要犯祝現劉第五劉呈祥董博望等

聖鑒總河南軍機處奏議

卷二十九

奏

滋事潛逃已經兩月諒必投往人夥著於克城後向活
賊嚴追一經就獲全數解京並著於擒獲該首逆時嚴
究此外夥匪尙有何人如太康縣之趙得隴等盱眙縣
之周泳太等是否同夥詳切根究以憑勦辦所有飭拏
各犯設有臨陣殲斃者亦必訊有切實的証毫無疑義
一面戮屍梟示據實奏聞不可率據稟報稍有含混至
收復滑城大功告竣應行撤兵時著先將健銳火器營
京兵令原帶之員分起撤回彼時托津亦即督同回京
其吉林黑龍江官兵儘可暫緩現在尙有飭拏之太康
縣匪徒趙得隴等及盱眙縣之周泳太等該督此時先

派人前往確探若該匪等不過伏匿賊犯地方官能迅
即弋獲固屬甚善倘有蠢動情事正當趁此兵力速為
勦辦著該督於滑城克復後確探消息若有一處滋事
該督等即統率全師前往勦除毋令滋蔓倘太康盱眙
二處皆有糾眾抗拒情事那彥成高杞二人分投勦捕
其提鎮大員侍衛巴圖魯及吉林黑龍江並各省綠營
官兵着各分一半迅速帶往尅期勦滅毋致大兵全行
凱撤又勞征調如該二處悉就寧謐那彥成於功成後
來京復命就近再赴直督之任

那文毅公總統河南山東直隸軍務奏議

卷二十九

甲

那文毅公總統河南山東直隸軍務奏議卷二十九

那文毅公總統河南山東直隸軍務奏議卷三十目錄

卷三十

司寨之捷

附兼顧陝賊 籌策攻城

那文毅公總統河南山東直隸軍務奏議

目錄

一

那文毅公總統河南山東直隸軍務奏議卷三十

男容安恭輯

司寨之捷 附兼顧陝賊
籌策攻城

嘉慶十八年十一月十一日會同叅贊大臣熱河

都統高公杞叅贊大臣固原提督楊公遇春

奏為遵

旨恭摺復

奏及分派鎮將勦殺長垣一股竄匪現在圍堵滑城亟

圖進取事竊 臣等將圍堵滑城布置攻取情形於

本月初八日繕摺馳奏後是日亥刻奉到前奏勦

那文毅總統河南山東直隸軍務奏議

卷三十

一

淨桃源股匪一招

批回並奉

上諭此時惟在圍堵嚴密不令一名竄出即少須時日亦

不加催促欽此仰荷

皇上指示機宜且蒙

垂念兵力不敷布置寬以時日並令將吉林黑龍江勁兵

全數赴豫併力攻勦 臣等接奉之下曷勝欣佩感

悚伏查滑城五門先經撥兵圍堵惟正北一門賊

匪併力死守中隔葦塘難於得手連日亦未十分

急攻或間日攻其一門使賊入視以為常以便攻

其不備一面將城之周圍刨挖溝濠分布鹿角晝

夜加緊巡防雖已辦齊 臣等尙未能十分放心緣

縣城計有九里三分周圍寬濶城大且堅統計合

營官兵一萬三千餘名除劄營守卡防護糧臺運

餉解犯外圍城只餘九千餘名 臣等正在嚴防間

據東明縣前報長垣一帶賊匪現已竄入封邱延

津陽武等處沿途搶掠驟馬晝夜狂奔有西入太

行之勢又不能不分兵勦捕而大營之兵既防且

勦且圍質屬不敷分派又不可不悉心兼顧先其

所急 臣等當即派令富僧德特依順保等帶兵馳

那文毅總統河南山東直隸軍務奏議

卷三十

二

殊

勦頃據稟報在陽武之延州集殺賊一百餘名鎗

斃坐車賊首一犯又斃賊目劉姓一犯餘匪俱向

陽武之西南奔竄等情 臣等以迤西一帶與太行

毗連凜遵前奉

諭旨亟須遏賊西竄除飛催特依順保等仍迎頭截勦一

面另派總兵楊芳由衛輝馳往 臣一帶向北抄

截兩面圍擊并飛劄大同鎮張績在懷慶一帶督

兵防堵以絕賊竄太行之路其吉林二起官兵於

初十日戌刻到來隨派德寧阿即於十一日五鼓

山衛輝新鄉等處帶兵前往截勦所有特依順保

楊芳之兵臣均係黑夜分撥徐徐出營蓋恐城上賊匪瞭見益覺官兵勢單至德寧阿之兵亦令由道口以西密速行走俾賊匪無從窺見臣并嚴飭該員等務將此股盜匪無論向東向西總期日內剿盡况得此吉林生力勁兵一得此音先行馳奏一經接仗可剿戮無遺至大局情形臣等會同商酌原可即日併力攻城今又為外賊牽制分我兵力實為可恨臣等稟遵

聖訓固當計出萬全不敢輕率舉動惟軍務情形早晚不同即如此股賊匪已分兵力倘再有零星似此者

聖訓固當計出萬全不敢輕率舉動惟軍務情形早晚不同即如此股賊匪已分兵力倘再有零星似此者

卷三十

三

更覺難於措手顧此失彼亦非至計臣等惟有相機斟酌即擬儘現在之兵奮力攻城尅期收復此大股一淨尚水可告成功至克復滑城之後所有著名賊首自當欽遵

諭旨或殲或擒斷不使漏網惟恐賊匪被勦緊急豕突狼奔倉猝之間或有逸出一二犯彼時惟有懇求皇上格外施恩宥其倉猝疏忽之罪仍當加緊搜捕務盡根株臣等因圍城未下心急如焚又屢為外賊牽綴是以急圖進攻謹

奏

嘉慶十八年十一月十一日會同參贊大臣熱河都統高公杞參贊大臣固原提督楊公遇春奏為總兵徐銀與富僧德昨在潛縣之白茅莊生擒賊

目張法宗等四十七名業已解到訊明張法宗係小賊目並無要供內有破裔難民六名業經釋放外其餘概行正法又據徐銀稟報初八日由白茅莊前赴後寨村搜剿詎賊匪於密林中伏賊二三百人突出衝擊兵勇直前攻打殺賊六七十名追至平城村內賊匪避入樓房磚石如雨官兵竭力仰攻拋擲火彈燒燬樓房將賊匪二百餘人全行燒斃生擒單應乾等五十二名解營審辦兵勇受傷者臣已優加犒賞另容擇其出力者彙案辦理謹

奏奉

硃批覽

嘉慶十八年十一月十四日軍機大臣字寄奉

上諭那彥成等奏分派鎮將勦殺長垣一股竄匪並圍堵滑城亟圖進取一摺覽奏俱悉長垣竄匪由封邱延津陽武一帶沿途搶掠有西入太行之勢亟應兩面追截不可令其入山滋蔓該督等前派富僧德特依順保帶

兵追勦派楊芳由北抄截續又派德寧阿帶領吉林馬隊由衛輝遠往截勦並令張績在懷慶山外防堵吉林兵馬力強勁一經追及並有各路官兵兜圍當可勦戮無遺此一股竄匪必有緊要賊目在內一經勦淨先行由六百里飛速馳奏其富僧德鎗斃劉姓賊目及坐車賊首確查是何名字並此股內更有賊首何人一併奏聞至滑縣業已合圍自可計日攻克但該督等所奏滑城收復即可告成功一語則大屬非是此次勦辦內地亂民不可侈言成功指日滑城克復渠魁俘戮祇可云大局已定用六百里加緊馳奏不得馳遞紅旗及用黃

那文毅總督前東嶽奏議

卷三十

五

面紅裏奏摺稍事鋪張益增朕咎况克城後應辦事宜尙多朕將各處潛伏賊匪開明事由清單發給那彥成托津各一張俟滑城克復直境邊界肅清之後著托津前赴滑縣軍營與那彥成等會晤面商單內所指各處匪徒如稍有蠢動情形著托津與那彥成高杞楊遇春四人自行酌量分往辦理將帶兵將領侍衛巴圖魯以及各項官兵俱均勻分撥一切機宜朕亦不爲遙制此時該督等先派人分投偵探必逆情顯露卽星夜帶兵前往如無蠢動情形忽帶大隊官兵馳赴該處致使人心驚擾激生事端則所關非細一切機宜惟在該督等

詳慎斟酌不可畏蕙遲疑亦不可輕率孟浪也至撤兵事宜仍遵前旨將健銳火器營兵一千名先行撤回徐銀補放總兵外仍令原帶大員慶祥等分起帶回托津暫緩同來此項京兵一經凱撤不特都城足增守衛且使沿途經過地方知軍務告戢王師凱撤人心震懾安定一切浮言俱息其吉林黑龍江二處官兵最稱勇健此次數千里征調不易勞費孔繁最當後撤以資鎮撫著那彥成等審度如單內各處賊匪俱無應帶兵往勦之處伊等各帶領將弁兵於大名衛輝曹州等適中扼要處所分紮大營各營俱分吉林黑龍江官兵數百

那文毅總督前東嶽奏議

卷三十

六

名屯劄派令安幹員弁前往附近傳習邪教村莊明白曉諭宣布威德令該良民等將習教從逆匪徒悉行舉出或按名縛獻其悔過自新者准其自行呈首將所藏經卷器械悉數呈繳免其治罪有大兵在彼彈壓良民藉此聲威不懼匪徒報復必能指拏擒獻卽或小有抗拒立時帶兵勦戮易如摧枯拉朽總期剷斷萌芽除莠安良勿留餘孽俟察看情形實可放心再將全師凱撤方稱一勞永逸也

嘉慶十八年十一月十六日軍機大臣字寄奉

上諭托津奏接據那彥成來信以封邱竄匪現又奔至輝

縣恐由淇縣一帶奔入彰德札致托津撥兵赴彰德迎
勦以顧北路等語此股竄匪若由輝縣竄往彰德必由
衛輝經過距那彥成等軍營不遠托津所帶之兵僅止
三千餘名開州一帶尚有未淨零匪指日滑城攻克倘
有竄出匪夥直隸邊界全恃托津一路兵力遏其北竄
之路竄未便令其分兵再赴彰德彰德近接衛輝該處
既有賊匪北竄那彥成即當就近派兵迎勦前此那彥
成等以兵力足敷攻勦滑城將吉林黑龍江官兵分撥
托津軍營嗣托津遵旨飭令全數赴豫此項勁兵計此
旨到日已可全抵滑縣軍營正可令其乘銳追勦竄匪

聖製公總濟南東嶽軍務奏議

卷三十

七

著特派高杞帶領色爾滾等統率吉林黑龍江官兵繞
道前赴輝縣一帶確探賊踪迎頭由北向南截勦此一
股竄匪不過千餘人有特依順保楊芳等跟踪緊躡再
有高杞一路勁兵攔截諒不難一戰殲除高杞接奉此
旨卽星速進行勿稍延悞一將竄賊勦淨先由六百里
馳奏

嘉慶十八年十一月十八日軍機大臣字寄奉

上諭據方受疇奏盤獲賊匪司建魁訊據供稱首逆李文
成於十月內逃至宋姓賊營欲竄往山東因長垣一帶
有官兵堵截卽往迤西封邱陽武一路欲奔太行山並

供稱李文成左眼有病因腿受刑傷不能行走現係坐
車等語現在此股賊匪復由封邱折回向輝縣等處奔
竄該逆李文成仍在其內亦未可定高杞現帶兵迎勦
著飭知將領等於進勦時留心緝拏該逆左眼有病腿
受刑傷行走不便易於識認毋令漏網本日又據托津
奏稱獲犯魏得中供稱賊目劉幗明等十月三十日將
李文成接出滑城回至南湖暫住於初二日夜帶領多
人要往山東曹縣扈家集朱成貴家養病等語已降旨
諭令同興迅速查拏但該犯等行踪詭詐是否逃赴曹
縣抑或仍在豫省賊夥之內尙難憑信那彥成等當詳

聖製公總濟南東嶽軍務奏議

卷三十

八

細查探務期弋獲該逆李文成與劉幗明同在一處劉
幗明亦係緊要賊目一併嚴飭緝拏若將該二犯同時
緝獲將劉幗明一犯訊明錄供具奏卽於該處正法其
李文成一犯仍遵前旨派員解京盡法處治

嘉慶十八年十一月二十日會同泰贊大臣熱河

都統高公杞奏贊大臣固原提督楊公遇春

奏爲連日圍攻滑城及分兵截勦長垣竄匪情形恭摺

奏

聞事竊臣等圍攻滑城亟籌攻取各緣由業於本月十一

日奏蒙

聖鑒十二日派出官兵攻打北門十六日又攻南門使賊人習以為常以便攻其不備至十九日臣與高杞楊遇春親督鎮將齊攻五門並於城外礮臺用大礮轟擊城垣及令趨捷兵丁各用攜牌遮蔽矢石又派兵丁藏身木斗之內下用輪盤推至城牆根下刨挖城磚一面官兵齊發鎗礮吶喊直前城上百姓見之驚慌紛紛縋城投出詎賊匪鳴鑼呼號賊眾悉力抗拒鎗礮矢石紛下如雨我兵奮勇攻打鎗箭所及約斃城上賊匪二百人所用攜牌木斗間被賊匪用大石擊碎及拋擲草把焚燒連日

那文毅公總督南東直隸奏議

卷三十

九

以來弁兵多有傷亡臣等萬分憤恨同深切齒現復於各門外添挖濠溝一道加排鹿角一層嚴密合圍總不使賊竄越至長垣一股竄匪前由封邱延津陽武一帶滋擾臣等恐其西竄太行當即分派富僧德特依順保楊芳同德寧阿等先後帶兵馳往截剿並令大同鎮張績在懷慶嚴行防堵具奏在案嗣後探報該匪因迤西一帶兵勇防禦嚴密復由獲嘉新鄉北竄輝縣十七日竄至林縣之臨淇鎮燕河焚掠前已派楊芳特依順保等帶兵前往又派色爾滾德寧阿帶領吉林黑龍江官兵一千

名又蘭州靜靈續到官兵一千名均飭令由彰德一帶顧住北面會同迎頭抄截今據楊芳等稟報已於十八日由淇縣一帶入山截剿可以顧住北面等情日內一經接仗必可得手臣等再行馳奏外至此時圍城帶兵之人臣等仍將富僧德調回大營此次攻城時絕下難民除被賊截回傷斃外其赴營投到者尚有五千餘人已飭委員訊明發縣安插富僧德左臂帶鎗傷僅傷肉皮不重此外傷亡弁兵另容查明咨部辦理再接待津來信已由開州帶兵三千一百名移駐德州並令總兵徐錕赴開州防堵等語臣已飛飭徐錕前往開州實力防守謹

那文毅公總督南東直隸奏議

卷三十

十

嘉慶十八年十一月二十日會同參贊大臣熱河都統高公杞參贊大臣固原提督楊公遇春硃奏為凱捷時當先將健銳火器營官兵遣令回京其餘察看情形徐徐議撤斷不敢以滑城一克稍存草率彼時萬一有蠢動之處臣等三人當與托津分帶官兵馳往剿捕總當趁此兵威剷除萌孽不致再有蔓延倘彼時無須剿捕亦即分兵於扼要之

大名衛輝曹州等處註分別駐劄傳令各村民舉出
匪徒或按名緝獻查官兵自攻克道口後村民擒
賊送營者陸續正法已不下千餘若滑城一克宣
布

皇上恩威自更易於辦理又富僧德特依順保前此截剿

長垣一股竄匪所有槍斃劉姓賊目及坐車賊首

據獲犯供稱劉姓是劉二當家不知名字此股賊

首聞係劉愷明又有賊首三四人同竄實不知姓

名等供又前次投出之難民三百餘人先已逐細

盤查發交衛輝府督縣造冊妥為安插其隨營之

聖製總覽河南東直隸奏議 卷三十 十一

二十餘人現亦一併遣散不致奸宄混迹又奉

頒賞出力義民碑碣頂金頂隨時賞給記檔統俟事竣報

部查核謹

奏奉

硃批覽

嘉慶十八年十一月二十日

奏為遵

旨覆奏事本月十九日奉到

上諭以封邱竄匪奔至輝縣恐由淇縣一帶奔入彰德著

特派高杞色爾滾等統率吉林黑龍江官兵繞道前赴

輝縣一帶確探賊踪迎頭由北向南截剿此一股竄匪
不過千餘人有特依順保楊芳等跟踪緊躡再有高杞
一路勁兵攔截諒不難一戰殲除欽此高杞等與臣面

商即欲欽遵

諭旨分兵馳往堵剿臣再三斟酌此時賊匪已竄林縣距

滑縣軍營已二百餘里之遙現計特依順保楊芳

等已由彰德一路入山顧住北面相距賊匪不遠

色爾滾等臣業已派去諒早晚即可接仗此等奔

竄賊匪不難一鼓殲除至刻下圍攻滑城正當萬

分喫緊之際軍營兵力不敷布置久在

聖製總覽河南東直隸奏議 卷三十 十二

聖明洞鑒之中今如令高杞馳赴輝縣林縣一帶必須帶

兵而此間之兵分則見單實屬難以撥派臣愚昧

之見事有權宜礙難顧此失彼所有林縣竄匪臣

已責成特依順保德寧阿楊芳色爾滾等併力截

剿一經剿散務即追踪緊躡以盡根株斷不稍留

餘孽所有高杞應請仍留滑縣軍營臣及楊遇春

無分晷夜稽查防範再會商復城事宜趕緊籌辦

似與軍務有裨此摺臣已面交高杞閱看並與楊

遇春商酌意見相同理合繕摺謹

奏

嘉慶十八年十一月二十一日軍機大臣字寄奉
 上諭朕聞滑城屯踞之賊經那彥成等設立長圍挑浚深
 濠防守嚴密以杜賊匪旁竄長圍已合想乘勢進攻且
 晚即可克復惟日來所最慮者係由封邱西竄一股
 賊匪節據托津同興奏訊取賊供係賊劉燭明於十一
 月初一日將李文成由滑城北門接出坐車逃走先至
 南湖次日帶領夥賊西竄劉燭明沿途護送並有呂均
 台王學義羅欄旺王金斗宋克俊等同行本日又據章
 煦奏接據磁州稟報該逆等在封邱搶掠後竄至輝縣
 林縣交界之十八盤賊眾萬數直趨林縣等語李文成
 係為首賊目前從滑城逃出尙在大兵未經合圍之先
 朕亦不以此咎責那彥成等惟該逆夥同劉燭明等狼
 奔西竄已至林縣林縣在太行山麓賊夥竄至其地不
 西奔潞安即北竄磁州武安該一帶路徑紛歧賊匪一
 入其中蕞林越澗追剿又費時日那彥成前派去之富
 僧德特依順保等打仗雖屬勇往不能相機攔截昨特
 降諭旨派高杞帶領吉林黑龍江官兵前往專辦此股
 賊匪此旨到時如高杞業已分兵前往那彥成即將此
 次飭催諭旨飛行寄交閱看若高杞尙未起程著立刻
 兼程馳往不得片刻遲延違悞朕旨决不輕恕此時賊

隊已至林縣入山甚易高杞能設法繞在賊前遏其去
 路方稱得手否則追及賊匪併力剿殺李文成腿受刑
 傷現坐四套大車不能騎馬行走諒不能十分迅速吉
 林黑龍江馬隊馳逐猛迅斷無不能追及之理此事專
 責成高杞辦理伊若能將此股賊匪剿淨並將賊首李
 文成賊目劉燭明等按數擒獲則高杞之功甚大朕必
 渥施厚恩若行走遲緩在後尾追縱賊入山亦惟高杞
 是問至林縣迤北即係直隸磁州廣平順德地界本日
 已由六百里加緊降旨諭令托津帶兵由北堵剿高杞
 探知賊匪向何路奔逸就近飛速知會托津迎頭攔截
 以收兩面夾擊之效

嘉慶十八年十一月二十三日軍機大臣字寄奉
 上諭那彥成等奏連日圍攻滑縣情形一摺覽奏俱悉那
 彥成等於十九日親督將士進攻因滑城賊眾抵死拒
 守尙未克復添撥清涼力老見尙生賊眾該逆等困
 獸雖闕諒亦不能多延時日惟由封邱竄往之賊現在
 輝縣之十八盤擾及林縣該逆不西竄太行即恐北竄
 磁州一帶關係甚鉅前兩降諭旨令高杞迅即前往督
 辦乃本日摺內那彥成以現有特依順保德寧阿楊芳
 色爾滾等併力截剿請留高杞在滑縣軍營清辦攻城

事宜所辦非是特依順保等四人分屬將領彼此不相
統轄其於帶兵打仗雖尙勇往至於調度機宜恐未能
悉協現在此股賊內有首逆李文成最關緊要務須確
實殲擒助惡之劉愾明等亦必應按名捕戮伊等於接

仗之外查犯訊供皆非所能且俱不准奏事一切軍情
賊勢必俟轉報那彥成再行奏聞豈不道路紆折是以
特派高杞前往統率辦理以便隨時酌量機宜迅速具
奏若謂高杞馳赴輝縣必須挑帶官兵正當圍城喫緊
之時恐分兵力則現在特依順保等所帶之兵皆係勁
旅為數已多高杞不過酌帶弁兵數十名跟隨前往到

那文毅總督河南山東直隸奏議 卷三十 五

彼後就該處兵力足敷調遣又何必分滑營之兵乎朕
因此股竄匪日深屢念特將高杞指名派往伊等不卽
遵辦遲悞事機此旨到後如西竄之賊業經特依順保
德寧阿楊芳色爾滾等兜剿完竣或已攔回滑濬一帶
則已如尙未得手著高杞遵旨起程馳往林縣一帶督
率辦理一切軍務及查訊逆犯下落均由高杞奏報若
再遷延違旨不卽起程必將那彥成高杞二人一併革
職拏問凜之其另片所奏滑城收復之後先將健銳火
器營官兵凱撤回京伊三人仍復率官兵在扼要之大
名衛輝曹州等處分別駐劄督搜餘匪皆遵前旨妥辦

其覆奏查拏各要犯於牛亮臣一犯未據提及該逆或
現隨李文成劉愾明西竄或仍與徐安愾朱成貴同在
滑城並著於克城後查明實在下落擒拏務獲毋任漏
網

嘉慶十八年十一月二十一日會同參贊大臣熱

河都統高杞參贊大臣固原提督楊公遇春

奏為分兵輝縣截剿長垣竄匪殲擒殆盡大獲勝仗緣

由恭摺馳

奏竊 臣將圍攻滑城及截剿長垣竄匪情形於本月二

十日馳奏後隨據楊芳特依順保等稟報該鎮等

那文毅總督河南山東直隸奏議 卷三十 六

會同德寧阿色爾滾合兵一處自北而南於十八

日由淇縣之大廟口迎頭截剿沿途拏獲賊探訊

知賊衆四千餘人在輝縣山內之司寨地方屯聚

內有戰手三四百人極為強壯騎馬甚多該匪將

司寨攻破佔踞青山臨川濠深牆固以為負隅之

計是日有賊二千餘人赴林縣之臨淇鎮滋擾聞

前有官兵攔截仍折回司寨拒守該鎮等會同商

議挑選奮勇步隊六百名先於白土岡前山坳之

中各分兩翼埋伏十九日黎明先派侍衛蘇倫保

游擊齊慎都司趙起貴守備張作功等帶兵四百



硃

硃

那文毅總統河南軍機處奏議

卷三十

七

名前赴司寨誘敵見我兵甚少寨內仰有賊匪
 三千餘人蜂擁前來內騎馬者三百餘人有賊首
 四五人各執大白旗當先冲突勢甚凶悍蘇倫保
 等帶兵回馬誘賊詎賊匪恃眾直前至白土岡已
 入伏中楊芳特依順保各帶步隊伏兵兩翼齊出
 鎗箭並發蘇倫保等回身併力攻擊賊匪抵死不
 退德寧阿色爾滾吉林黑龍江馬隊突出冲殺鎗
 箭所及人馬無不立斃約計殺賊五六百名賊始
 驚慌奔竄官兵大隊追殺數里該匪退至南首山
 梁拋擲石塊仍復向下力撲我兵奮勇仰攻不避
 矢石登時搶上山梁侍衛伊爾通阿札蘭保蘇清
 阿吉勒彰阿副將曾受遊擊安惠熊敏謙都司馬
 鳴謙守備杜雋童順等分帶馬步兵丁從山嶺抄
 出山前平地截住去路上下夾攻殺賊一千三四
 百人蘭州督標及固原提標官兵沿山趕殺尤為
 趨捷餘匪僅存八九百人竄出平地我兵前後兜
 圍又殺斃四五百人其餘滾崖落澗者無數約計
 逃回賊寨者僅止一百數十人官兵乘勝直抵司
 寨四面圍攻計此次打仗自辰至酉共殺賊二千
 四五百人生擒二百餘人奪獲鎗矛旗幟馬匹無

硃

硃

那文毅總統河南軍機處奏議

卷三十

六

算現在訊據活賊供稱寨內尚存賊匪五六百人
 鎗礮齊全有首逆李文成並大頭目在內等情
 等查此股竄匪由長垣延津陽武新鄉獲嘉等處
 沿途滋擾所裹脅者諒係各處伏而未起從教之
 人今官兵一經接仗即將賊匪殲擒殆盡該匪困
 守司寨自可即日掃除軍威所懾由此至彰德順
 德西北一帶伏莽望風潛消更可少息謠言至前
 奉
 諭旨以此股竄匪必有著名賊目在內今訊知首逆李文
 成果在其內仰見
 聖主洞燭指示機先亟應設法生擒解京正法臣等於該
 逆左眼有病腿受刑傷行走不便之處先已飛飭
 楊芳等留心辨認本日奉到
 上諭以方受疇獲犯刁建魁供出李文成形狀踪跡飭令
 詳悉查探務期弋獲欽此核與軍營獲犯所供無異復
 飛飭楊芳等務將該逆李文成同劉幗明一犯趕
 緊擒獲斷不令其漏網至此次報斃賊匪戰手其
 中著名賊目諒必不少緣楊芳等軍行緊急據稟
 尚須查驗明白再行稟報其生擒賊匪二百餘人
 已飭令解營嚴訊供詞另咨具



殊

狀之子弟精兵也

奏此次打仗吉林黑龍江官兵馬隊極為驍勇鎗箭無一虛發蘭州督標固原提標官兵亦甚奮勇出力且有一人而殺十數名賊匪者是以殲戮所加賊之精銳已盡此股竄匪一淨則滑縣之外再無成股賊匪賊人勢孤我兵毫無牽綴更可併力攻城旦晚可期集事日內如果生擒李文成及著名大頭目等再行由六百里加緊具

奏至此次官兵受傷者纔有六七八人仰托

皇上洪福亦均不重俟查明咨部辦理謹摺摺出六百里

馳

聖教諭南山東直隸奏議

卷三十

九

奏奉

硃批叩感

天恩不盡即有旨

嘉慶十八年十一月二十四日奉

上諭那彥成等奏分兵輝縣截剿竄匪大獲勝仗一摺豫省滑城以外各村賊匪經官兵屢次痛剿殲戮殆盡惟餘竄匪一股由封邱折竄輝縣擾及林縣訊據賊供賊首李文成印在其內經那彥成等分派特依順保楊芳續派德寧阿色爾滾帶領吉林黑龍江馬隊並蘭州固原兵丁馳往勦辦茲據該將領等合併一處自北而

聖教諭南山東直隸奏議

卷三十

十

南山淇縣之大廟口迎頭截剿賊眾四千餘人在輝縣山內之司寨地方屯聚該將領等挑選官兵分為兩翼先於山坳埋伏侍衛蘇倫保等前往誘敵賊匪三千餘人蜂擁前來賊首四五人各執大白旗當先衝突經特依順保楊芳各帶步隊伏兵兩翼齊出鎗箭並發蘇倫保等回身併力攻擊德寧阿色爾滾各帶吉林黑龍江馬隊突前冲殺立斃賊五六百名官兵奮勇搶據山梁侍衛伊爾通阿等又分帶馬步兵丁從山巔抄出山前截住去路上下夾攻又殺賊一千三四百名蘭州固原官兵沿山趕殺復斃賊四五百人其餘滾巖落澗者無數約計逃回賊寨者僅止一百數十人官兵乘勝直抵司寨併力圍攻計此次打仗共殺賊二千四百五十五名生擒二百餘名奪獲鎗矛旗幟馬匹無算訊據獲賊供稱寨內尚存賊匪五六百人首逆李文成並各賊目俱潛伏在內此股竄匪經該將領等奮勇剿殺殲擒殆盡甚屬可嘉德寧阿色爾滾特依順保楊芳四人著加恩各賞給四喜玉搬指一箇花大荷包一對小荷包二箇仍俱交部議敘侍衛伊爾通阿札蘭保蘇清阿吉勒彰阿副將曾受遊擊安惠熊敏謙都司馬鳴謙守備杜傳童順打仗出力俱著交部議敘官兵受傷者七人照頭等

傷給賞現在逆首李文成已因司寨官兵奮力圍攻即日成擒著那彥成等於破寨擒渠後將奮勇出力各弁兵一併查明據實開單保奏候朕施恩

嘉慶十八年十一月二十四日軍機大臣字寄奉

上諭那彥成等奏分兵輝縣截勦竄匪殲擒殆盡大獲勝仗一招覽奏欣慰已明降諭旨加恩矣此股竄匪經官兵勦擒二千數百名餘匪無多困城守寨自可即日悉數殲除該逆李文成現在此股賊內該督等當嚴飭楊芳等於攻破賊寨時留心擒捕毋令漏網就獲後即遵照前旨嚴密鎖鑰解京其賊目劉愾明一犯亦係著名

那文毅總督河南東直隸奏議

卷三十

三

首逆前據獲賊供稱該逆亦在此股賊內並著於擒獲後一併解京計此旨到時楊芳等自己攻克賊寨掃數辦竣高杞自可無庸前往司寨賊巢既破則滑城外援已絕毫無牽制之虞事機順利那彥成等當鼓勵將領兵丁併力圍攻滑城以期一鼓克復將賊匪聚而殲旃其逆首徐安幟等於城破之後務須留心擒捕毋任一名漏網應解京者遵前旨嚴密解京軍務大局平定托津前赴滑縣軍營彼時那彥成等會同熟商先將健銳火器二營京兵凱撤回京再將如何各帶將領弁兵分投駐劄之處遵旨悉心妥酌辦理以靖餘氛

嘉慶十八年十一月二十二日會同參贊大臣熱河都統高公杞參贊大臣固原提督楊公遇春奏為官兵截勦長垣竄匪全數殲滅殲斃逆首李文成及賊首劉愾明恭摺由六百里加緊馳

奏仰慰

聖懷事竊臣等派出之總兵楊芳特依順保等昨在輝縣司寨地方將長垣竄匪殲擒殆盡大獲勝仗緣由業於本月二十一日馳

奏在案茲據稟報該鎮等於十九日將司寨村莊嚴密圍攻後賊匪拒守不出二十日黎明督率官兵奮

那文毅總督河南東直隸奏議

卷三十

三

勇攻打屢次越濠攀牆皆被鎗石所阻直至巳刻復於司寨之後面督令健勇兵丁齊力挖牆詎賊匪鎗石如雨

殊 殊

乾清門侍衛伊爾通阿面帶鎗傷五處胸傷一處吉林

委參領富林德越牆被賊綠營官兵受傷居多我

兵勇氣益奮不避鎗石至未刻始挖毀寨牆一段該匪復用門板磚木抵塞滿漢官兵併力衝入一

擁而登鎗箭並發將賊匪壓下寨牆寨門街道逼窄短兵相接賊勢不支紛紛避匿民房悉力抵拒查司寨共有民房二百數十間縱橫高聳皆係磚

石砌就又有礮樓七八處堅不可破賊匪據險擲石鎗礮亂發我兵復受傷數十名時已酉末該鎮等誠恐逆首黑夜竄逃萬不得已始行四圍舉火且焚且攻賊匪有冒烟突火及焦頭爛額而出者共生擒二百餘名詰訊逆首李文成同大頭目等果避房內樓上尚未被焚楊芳特依順保色爾滾德寧阿等率眾直入首先登樓樓上突有一賊自稱劉幗明持刀躍出連傷兵丁二名官兵始行開鎗將劉幗明擊斃並喝令李文成如果投出餘賊均皆免死該逆首自出指稱李文成在此只管用

那毅總統河南東直隸奏議

卷三十

三

鎗來打我斷不出來等語兵丁等聞聲俱各持刀撲進詎該逆首自己舉火焚燒賊眾四五十人羣相擁抱致將該逆首壓斃計寨內賊匪約共七八百人並無一名得脫者屍骸枕藉隨於積屍中逐加查檢次日黎明令擒獲活賊詳細辨認內檢出李文成屍身一軀年貌相符頭繫網巾屍身係屬完全兩足夾爛傷痕顯然尚用膏藥敷貼綿布包裹左目有傷而帶鎗箭傷據活賊僉供的係李文成屍身眾口同聲指認是實又檢出賊首劉幗明屍身一軀亦令活賊辨認無誤並據供稱此股著

名賊首除李文成劉幗明外餘係王修治宋老秀韓得眾劉幗泰衛揚名下各管戰手千餘人等語復於積屍內檢出王修治宋老秀屍身亦令活賊認明是實又於擒獲活賊中認出韓得眾劉幗泰衛揚三名不惟眾供確鑿且自認不諱餘賊概已燒斃實屬無從辨認奪獲鎗礮刀矛旗幟無數併獲大白旗一面偽書大明天順李真主字樣現將活賊韓得眾劉幗泰衛揚三犯同挑出正賊二十餘名及李文成劉幗明等屍身解送大營聽候驗訊等情 等查此股竄匪滋擾封邱陽武延津獲

那毅總統河南東直隸奏議

卷三十

三

嘉新鄉輝縣等處并及林縣之臨淇鎮意圖北竄相距直隸邊界不遠勢甚嗚張關係非小 等實深焦急且因此分我兵力以致滑城尚未即下實為可恨今此將三四千賊眾三次接仗剿滅無遺事機極為順利惟 等疊奉 上諭嚴飭該鎮將等務將首逆設法生擒以便解京恭候 廷訊今未能生擒恐難辦理究未妥協惟思賊匪初由長垣奔竄不過千餘嗣後聚眾愈多聚至三四千之眾除難民外多係封邱延津陽武等處習教樂從之賊今此股既已淨盡兵威大震則西北一帶

人心可以鎮定伏莽之心潛消臣等現復飛飭楊芳等在於輝縣就近嚴捕零匪務盡根株即日撤兵回至大營仍可併力攻城尅期收復至此次擒獲活賊自應欽遵

諭旨於訊供後解交廣厚審奏惟衛輝距營九十里臣已札致廣厚卽囑其前來軍營俟賊犯解到會同嚴切審訊并將李文成屍身會同廣厚親自查驗令其再行具奏此次陣亡吉林兵丁三名及綠營弁兵多有受傷者另容查明各部辦理合併陳明謹繕摺由六百里加緊馳

聖鑒總河南東直隸奏議

卷三十

三

奏奉

硃批卽有恩旨

嘉慶十八年十一月二十五日奉

上諭那彥成等奏官兵截剿輝縣竄匪全數殄滅殲逆首李文成及賊首劉幗明一摺所辦可嘉之至本年九月十五日之事逆首林清與李文成二人內外勾結約定同日起事適李文成在原籍滑縣被知縣強克捷訪拏刑訊其黨羽見事已敗露不能待至九月十五日之期卽劫獄戕官揭竿倡亂林清在京謀逆外援不至迅就捕誅而李文成在豫省指揮逆黨四出焚劫直隸長

垣東明山東定陶曹縣等處同時蜂起戕害生靈經朕飭派領兵大員調集數萬官兵會同剿捕該逆李文成潛伏滑城見官兵連獲勝仗於未經合圍之先賊黨劉幗明等乘夜將該逆擁護出城另糾夥衆數千人由封邱延津修武竄至輝縣希圖入山奔逸若使遂其奸謀則滋蔓難圖朕之良民受其荼毒者又不知幾千萬人正在厘念適朕前派之吉林黑龍江馬隊官兵星馳到豫那彥成等派令德寧阿色爾滾帶領逆追又有楊芳特依順保二人管帶蘭州固原勁兵前往合剿迨至輝縣司寨山中殲戮賊匪二千餘人首逆李文成率同賊

聖鑒總河南東直隸奏議

卷三十

三

目劉幗明等數百人負嵎死守本日接那彥成六百里加緊奏報德寧阿楊芳等統率滿漢官兵奮力攻擊不避鎗石拆毀寨牆一擁而登生擒賊匪二百餘名李文成避入樓房楊芳特依順保色爾滾德寧阿率衆直入該逆等無可逃避劉幗明自稱其名持刀躍出被官兵用鎗擊斃李文成亦對衆稱名舉火自焚經官兵搶出業已壓斃查驗屍身刑傷痕跡顯然其餘賊目及從逆夥黨五六百人全行殲戮並無一名漏網實足以彰國憲而快人心該將領及滿漢官兵等倍常奮勇宜加優獎色爾滾德寧阿着加恩各賞加都統銜楊芳特依順

保著加恩賞加提督銜印先換一品頂戴該四員仍俱賞給雲騎尉世職其中有世職者准其再兼一雲騎尉乾清門三等侍衛伊爾通阿身受六傷賈勇力戰著加恩超陞為乾清門頭等侍衛仍賞給勁勇巴圖魯名號再加賞四喜玉搬指一箇花大荷包一對小荷包二箇又發去玉柄小刀十把磁瑯翎管十箇磁翎管十箇磁搬指套十箇分賞出力官弁二兩重銀鏤二百箇五錢重銀鏤二百箇一兩重銀牌一百面五錢重銀牌一百面分賞出力兵丁仍著那彥成等秉公查明官弁兵丁內奮勇出力應獎擢者據實保奏候朕施恩陣亡之吉

聖鑒分總督用軍機處奏議

卷三十

七

林委參領富林德著加等照參領例賜卹逆首李文成著於劉屍後傳首河南直隸山東滋事地方示眾劉幟明亦著劉屍梟示其餘擒獲賊目韓得眾等審明即於該處正法此股竄匪洗蕩淨盡殲厥渠魁滑城長圍已合餘賊聞風喪膽著那彥成等迅速進攻并俟捷音再加懋賞將此通諭中外知之

嘉慶十八年十一月二十五日軍機大臣字寄奉

上諭據那彥成等奏官兵截剿竄匪全數殄滅無遺並殲斃逆首李文成及賊目劉幟明二犯一摺覽奏可嘉之至已明降諭旨將德寧阿等分別施恩以示懋獎矣此

股西竄賊匪經那彥成派令楊芳特依順保德寧阿色爾滾率領官兵奮勇追剿數日之間即將首夥賊匪悉數殲除辦理安速事機極為順利此時首逆已除滑城賊匪自必聞風膽落楊芳等搜捕事竣想已帶領勝兵回營那彥成等當乘此軍威合力進剿指日摧堅盪寇一舉克復朕惟佇盼捷音之至此次殲獲賊匪除首逆李文成等在軍營劉屍傳首梟示外其餘無名賊目不值解京着那彥成等於審明後即在軍營正法其應訊獲犯據那彥成奏稱札致廣厚前來軍營審訊廣厚到後計滑城亦即攻破所有應訊要犯廣厚幫同訊明即

聖鑒分總督用軍機處奏議

卷三十

天

令來京陛見速回湖南本任可也

謹按嘉慶十八年十一月二十七日廷寄內奉

上諭滑城克復後善後章程即有搜捕零匪等事有那彥成高杞楊遇春三人在彼足敷分營督辦現在京城辦事人少托津即可先行回京供職彼時著遵照前旨先將京兵一千名凱撤交托津與原派領隊慶祥等四人

殊

仍分四隊

回京再陝西西鄉城固等縣現有交朱勳查拏教匪陝西地方緊急各處官兵調出者不少富僧德昨因打仗受傷滑城既克後西安滿洲官兵亦可先撤著即令富僧德管帶回營藉可彈壓地方鎮靜人心又直隸各營

官兵出征者共有六七千名各處城守亦覺空虛那彥成係直隸總督並著將不甚得力之兵先撤回一二千名交直隸鎮將帶回各歸本汛以資鎮撫其吉林黑龍江馬隊並甘肅蘭州固原得力之兵留為分營駐紮搜捕零匪之用統俟餘匪淨盡地方實可放心再全行凱撤可也

嘉慶十八年十一月三十日會同參贊大臣熱河都統高公祀參贊大臣固原提督楊公遇春

奏為逆首就殲遵

旨驗明辦理恭摺覆

聖毅公總統河南東直隸事務奏議

卷三十

五

奏事竊臣等將勦滅長垣竄匪殲斃逆首賊首各緣由繕摺馳奏後據特依順保楊芳等將逆首李文成并賊首劉惲明宋老秀王修治等屍身及活賊韓得中等二十八名解到時廣厚已由衛輝來營當即會同查驗并詳加辨認逆首李文成屍身確鑿無疑劉惲明等屍身亦經驗明是實所有驗訊情形現由廣厚具

奏外二十八日奉到前摺

批迴

諭旨當將該逆李文成梟首到屍仍傳首三省被擾地方

以紓眾憤而彰

國法并將已斃賊首劉惲明到屍梟示一面刊刻告示曉諭三省民人俾知逆首已就殲除人心亦從此鎮定所有白土岡司寨兩次擒獲活賊四百餘名內受傷甚重及無關要供者均已就地正法外現據解到之韓得眾等二十八名亦已審明辦理又據司寨附近村民擒獻零匪七八十名同各營卡拏獲五十餘名均經楊芳等先後正法又輝縣獲解十六名亦經飭令地方官就近於衛輝郡城一併正法至原派防山之山西兵三百名已飭令參

那文毅公總統河南東直隸事務奏議

卷三十

三

將雙福管帶暫留司寨彈壓稽查再加搜捕其楊芳等原帶之兵均已撤回大營臣等惟當遵旨迅速進攻尅期收復再總兵徐錕前於後寨續獲賊目單應乾等五十二名業已解營審訊正法至牛亮臣一犯現在城中又王倫一犯除飭衛輝府訪拏外仍遵

旨添派幹員分投嚴緝謹

奏

嘉慶十八年十二月初五日會同參贊大臣熱河都統高公祀參贊大臣固原提督楊公遇春

奏為連日圍攻滑城情形竊臣等勦滅司寨賊眾殲斃

首逆後即將官兵撤回滑縣併力攻城業經具

奏在案連日以來各門礮臺每有擊斃賊匪及轟落城

磚者緣城郭甚堅僅礮外層磚皮急切不能摧破

經臣等派吉林官兵伏於礮臺之後及濠溝內一

見賊匪在城露面即行放鎗無不應手立倒賊匪

不敢露面僅藏於礮眼內放鎗亦多被吉林兵鎗

斃十餘日來每日所斃約計三五十人不等又於

各門派撥兵夫暗挖地道中置地雷火藥以備轟

城其東門一處係派格布舍及遊擊萬彪督辦又

城之西南角一處係派楊芳桑吉斯塔爾督辦楊

芳桑營之處逼近西南城角不過數丈復又堆積

沙土布袋初二日正令官兵攀躋而登詎賊匪情

急鎗礮亂發復拋下斷碑巨石等項致將地道打

塌現仍從旁道紆迴挖掘一路明挖一路暗進使

賊匪不及窺測又東門地道一處已經挖進外城

賊匪未經知覺因恐官兵爬城於夜間擲炬瞭望

草把適墜空穴之中地雷猝發內外俱焚礮斃城

內賊匪無數官兵正在地道之中亦被焚燒千總

任起鳳把總朱祥李登高及兵丁人夫等十餘名

殊

彼時方安火藥於穴內未能堵口是以其力不大

僅轟破外皮城牆二三丈臣等親督官兵仰攻直

上詎賊匪復趕緊將城牆裂處挖斷未能得手至

初三日三更月黑之時復有賊數百人潛出北門

時遊擊呂天俸所管礮臺在西北角去城最近該

匪拋擲火彈欲焚燒礮臺臣等傳令各營不許燃

火分投督率各門官兵嚴行堵截馬元特依順保

防守北門先行帶兵截住正在相持呂天俸即於

礮臺開礮擲石轟擊賊匪直前抗拒參將札勒杭

阿都司彭啟貴相近呂天俸礮臺亦即帶兵接應

衝殺斃賊約數十人賊向城東奔竄德寧阿復率

吉林黑龍江官兵鎗箭齊施又斃賊匪無數眾兵

併力競進賊始倉皇竄回北門官兵因在黑夜不

便追趕入城次早查知自北門營卡以至城根血

跡遍地尚有傷重倒地賊匪十三名隨即正法官

兵亦因黑夜殺賊間有傷亡統容查明咨部外查

東西各門官兵劄營均已切近城根惟南門北門

以外皆係葦蕩泥濘之地不能近城僅於葦蕩中

間擇其地上稍燥者劄營堵截又北門外地勢寬

濶一望無垠是以賊匪屢出北門希圖滋擾而不

聖鑒總督河南東憲奏議

卷三十

三

聖鑒總督河南東憲奏議

卷三十

三

敢逆撲營盤者亦因地土泥濘難以駐足之故經
此次各營官兵併力截殺之後諒不能再出滋擾
至_臣等察看大局情形現在城中賊匪明知逆首
已殲外援已絕大兵四面圍攻別無生路是以負
隅抗拒其守益堅查賊匪佔據道口之時已先將
該處糧食運貯城內其口食自尙有餘惟賊匪之
馬草乏絕即使出城逃竄馬匹已疲諒步行奔走
者多以官兵馬隊及吉林黑龍江馬隊追擊斷無
免脫况_臣等於各門外先已挖掘濠溝二道遍排
鹿角二層逐段分派官兵節節防堵於附近各村

那文毅總河南東直隸務奏議

卷三十

三

莊先伏羲勇諭以破城之日如有零匪逃出立即
細縛獻出加以重賞能得賊首者保奏官職村民
志切同仇俱皆踴躍聽命是彼時即有逆匪亦難
一名漏網總之此時賊匪如果出城拒敵則官兵
雲集轉可聚而殲旃迅速賊事惟其狡詐異常悉
力死守實爲可恨此時事在垂成_臣等益當慎之
又慎不敢稍有草率現在晝夜籌維實深焦急惟
有另行設法竭力進攻早日破城即可早日
竣事以期仰慰

聖懷謹

奏奉

硃批頓兵堅城之下已月餘矣况新年已近外藩俱集必
得旬日之內殲除淨盡不可再遲所有指名嚴緝各逆
犯不可令其漏網汝三人合力同心奮勉迅速辦理朕
惟計日以待捷音實深焦急汝三人不可稍有耽延慎
重妥速爲要

嘉慶十八年十二月初九日軍機大臣字寄奉

上諭官兵自前月初三日圍攻滑城將及四旬尙未攻克
現在年節已近蒙古外藩均陸續到京朕已面諭伊等
以那彥成等圍困滑城指日克復軍務即可告成伊等

那文毅總河南東直隸務奏議

卷三十

四

同深欣盼豈可再有遲延且近日京外謠言甚多往往
詭稱伏匿之賊糾約訂期起事其言固不可信而究其
所以造爲此言者皆係滑城久未攻克逆黨一日稽誅
則人心一日不定如將滑城賊匪剋期掃除淨盡則伏
莽全消訛言不禁而自息本日據章煦奏到首逆馮克
善一犯已於本月初四日在獻縣擊獲因章煦辦事認
眞已降旨賞給官銜仍從優議敘並將獲犯官弁加等
獎擢那彥成等身膺重寄尙欲效從前陋習於軍營
度歲宴樂不思早奏成功仰慰朕懷乎該督等接奉此
旨務即鼓勵將士上緊進攻至遲亦不得過本月二十

日候捷報到時竹騰懋賞至馮克善雖已就獲其師傳
唐勗子尚在解黎該犯有保朱應霜即朱大樞於臘月
十九日在彼起事之說現在臣十九日不過一句那彦
成等前已差人前往偵探此旨到後查高杞酌量或先
帶山西及西安馬隊之兵向晉省緩程行走昨已降旨
衝齡令其隨時知會萬一唐勗子有蠢動信息即迅速
馳赴前途奮力勦辦目下圍攻滑城緊要之時正資兵
力高杞處自不能分兵太多若滑城已克那彦成等量
加添撥高杞行至山西如唐勗子業已就獲地方宜靜
即將所帶山西官兵就近飭令歸伍其西安馬隊亦令

聖教公總河兩東軍機處奏議

卷三十

五

原帶之員就近凱撤高杞即由晉省取道回京復命至
直隸邊界地方現在有馬瑜富蘭閩俊烈徐銀劉榮慶
五人在彼分管駐紮足資防堵京城年節事繁辦事需
人托津接奉此旨著輕騎減從即日赴滑縣軍營與
那彥成會商善後事宜無論城克與否但探明他處別
無煽亂之事即起程回京其健銳火器營官兵那彥成
等俟攻克滑城後仍交原派管帶之慶祥等帶領先行
凱撤還京可也

謹按嘉慶十八年十二月初五日癸卯

奏所有圍攻滑城情形現已另摺具

奏至賊匪死守孤城斷無竄逸之路臣等惟當百計攻
取不敢稽延此時賊匪被圍即使將來少有零星
竄逸亦不能西入太行所有大同鎮防守山旺莊
之兵似可

飭令撤回本省以資彈壓設使有事亦可就近備調可否
之處仍祈

聖明指示伏乞

睿鑒謹

奏奉

硃批總俟賊匪淨盡方可撤回此時尚早

聖教公總河兩東軍機處奏議

卷三十

五

嘉慶十八年十二月初九日會同參贊大臣熱河
都統高公杞參贊大臣固原提督楊公遇春
奏為圍攻滑城擒獲著名賊首黃興宰恭摺奏
聞事竊照官兵圍攻滑城情形業於本月初五日具

奏在案初七日夜間賊匪先在東門城上鳴鑼旋有數

十人直撲遊擊李建勳營盤經官兵鎗箭打退而

東南楊芳桑吉斯塔爾營外又有賊數百人前來

滋擾官兵開礮轟擊臣等即派特依順保慶祥張

大振祁祥等出營截剿德靈阿色爾滾亦至我兵

越過濠溝奮勇勦殺賊匪始猶抗拒各門官兵及

知縣孟貽瞻所帶鄉勇齊聲接應賊始退回官兵乘勢追趕殺斃賊匪約五六十名生擒九名次早於查點鄉勇隊內復又查獲黃興宰一犯臣等查黃興宰黃興相均係滑城首先起事要犯奉

旨嚴飭查拏內黃興相一犯已於道口燒斃先經奏報有

案茲提黃興宰逐一嚴訊據供滑縣黃家莊人胞弟黃興相均從牛亮臣入教九月初七日宋元成即宋老占同徐老四徐老八等欲到縣監劫出李文成約會我等共有八九百人一齊動手就佔了滑城李文成封我弟兄俱爲兌官伯屢次打仗共

那文毅總統河南東直隸奏議

卷三十

三

拒傷兵勇六人黃興相把守道口十月二十七日聽說被官兵燒死我從道口退回滑城官兵將我圍困日日攻打又聞李文成已被殺死衆人心慌因搬來道口糧食甚多不怕受餓牛亮臣徐安憫宋老占三人商量既無出路只有死守因官兵礮臺利害要想焚燒初三夜間徐安憫同夥六百餘人暗出北門被官兵截殺一百三四十人昨夜宋元成又令我帶四百人出南門來燒礮臺不料又被官兵截住各門吶喊我敵不住鎗礮率衆跑回官兵從後追殺我左臂著了兩箭右腿又著一鎗

滾落濠溝不能隨衆進城官兵收隊我就混在鄉勇隊理藏著原想天明逃生復被查出等供詰以城內賊首尙有何人據供牛亮臣徐安憫宋元成三人是大頭目管事尙有小頭目二十餘人亦有知姓不知名者其奉

旨飭拏之朱成貴趙得一二犯據供城內並無其人平素亦不知曉查驗該犯鎗傷甚重審明後同獲犯均即正法現在賊勢日熾而拒守益堅臣等仍當竭力進攻一得捷音即當加緊馳

奏仰慰

那文毅總統河南東直隸奏議

卷三十

三

聖懷謹

奏

嘉慶十八年十二月十二日軍機大臣字寄奉

上諭那彥成等圍攻滑縣頓兵堅城之下已越四旬仍未攻克盼望捷音日深焦急正在降旨飭問間適接那彥成等初九日奏報據稱賊匪於初七日出城撲營欲圖焚燒礮臺經官兵截斃五六十名生擒九名擒獲著名賊首黃興宰一犯審明正法並稱現在賊勢日熾拒守益堅官兵竭力進攻等語黃興宰與伊弟黃興相係滑城首先起事之賊黃興相前已殲斃今又將黃興

宰拏獲正法所辦甚好惟官兵自圍攻滑城以來業已月餘雖時有殲獲賊匪而孤城未下曠日持久老師糜餉滑城一日不克人心一日不定賊匪黨與伏莽未淨豈無觀望生心者那彥成等何慮不及此本日據朱勳奏報前月二十九日陝西岐山縣三才峽地方有匪徒四五百人持械掠食旋經竄至蓋屋縣山內獨獨河一帶裹脅民人東竄計有八九百人又小王潤亦有賊匪三百餘人搶掠糧食並有旗幟刀矛現今該撫派兵與總兵吳廷剛兩面堵剿等語陝省地方又有匪徒滋事雖據奏係餓民掠食但已有千人之眾現已有旨諭令

聖毅公總統河南山東直隸奏議

卷三十

三

長齡帶兵來陝督辦若能一鼓撲滅固屬甚善倘稍緩時日豫陝連境豈不又增牽制昨已降旨令那彥成等務於本月二十前奏報蕪功該督等接奉此旨當倍加奮勉設法攻取慰朕宵旰殷懷毋稍延玩至滑城攻克之後大局雖定而搜剿餘匪頭緒尙多滑城本賊匪起事之處其附近一帶藏垢納污仍復不少那彥成於克城後著於各路征兵內挑取精銳得力者同吉林黑龍江馬隊共數千名在滑縣紮營駐守彈壓曉諭村莊市集居民各將有名匪徒自行縛首或訊出賊目派委文武員弁前往緝拏以大兵為之聲援若小有抗拒則派

一二將備帶兵數百名立時擒捕若匪徒勢眾則那彥成等即親督勁兵一舉剿除其勢亦如以湯沃雪無難立辦滑縣一帶殲捕淨盡再督兵移營大名一帶亦如駐兵滑縣時一律辦理俟直隸交界之處零匪搜捕淨盡實可放心該督再奏聞候旨伊雖係直隸總督本任現有章煦署理朕已明降諭旨明年暫緩謁

陵大典直隸別無緊要事件那彥成不必分心懸厪惟當專意軍務迅奏捷音妥辦善後此為至要至陝省饑民搶掠之事長齡先行遵旨帶兵前往督辦一俟滑城攻克著高杞即帶領西安滿兵并酌帶陝甘兵一二千名

聖毅公總統河南山東直隸奏議

卷三十

四

即速由潼關取道速赴南山幫同長齡剿辦如到彼以該省業已辦竣即將所帶之兵分別撤歸原伍高杞自行來京復命高杞於滑城克後迅速起程不可遷延觀望致干重譴彼時如陝省緊急那彥成舊任陝甘總督或即派該督前往屆時再降諭旨

那文毅公總統河南山東直隸軍務奏議卷三十

那文毅公總統河南山東直隸軍務奏議卷三十一目錄

卷三十一

克復滑城

附兼顧陝賊

恭謝

天恩

酌籌

那文毅公總統河南山東直隸軍務奏議

目錄

一

那文毅公總統河南山東直隸軍務奏議卷三十一

克復滑城

附兼顧陝賊

恭謝

天恩

酌籌

嘉慶十八年十二月初十日會同叅贊大臣熱河

都統高公杞叅贊大臣固原提督楊公遇春

奏為督兵攻克滑城先將大概情形由六百里加緊馳

奏仰慰

硃聖懷事竊

臣等圖攻滑城生擒賊首黃興宰於本月初九

日奏明在案查前次各門挖掘地道先被賊匪火

焚石砸二處未能得手臣等憤恨已極復親身督

那文毅公總統河南山東直隸軍務奏議

卷三十一

一

率楊芳桑吉斯塔爾等催令兵夫仍於城西南角

挖掘明暗三道使賊匪不能知覺初九日晚間工

竣其暗處已越城根又西門地道亦經楊遇春親

自督辦同副將何占齋遊擊朱保等晝夜催趨亦

已刨挖近城臣等誠恐稍緩時刻或被賊匪窺測

隨於初九日戌刻密傳號令先於西南角一處將

地雷火藥安置穴內嚴密堵口預備引線發火一

面撥派官兵鄉勇分路進攻臣那彥成自帶親隨

弁兵督同慶祥楊芳桑吉斯塔爾副將張大振巴

圖魯德海劉泰永海等攻打城西南角並派叅將

硃

祁祥都司賈德趙啓貴等隨後接應臣高杞同格

布舍富僧德及音登額侍衛阿勒罕保額勒精額

色楞保等攻打東門並派遊擊富克精阿都司沙

武德等隨後接應臣楊遇春同特依順保德宜阿

色爾滾長慶諾木齊蘇清阿達斯呼勒岱等攻打

大小西門並派副將舒靈阿章京富明額勒登遊

擊廣瑞等隨後接應馬元同蘇爾慎協領七克唐

阿遊擊馬光宇知縣孟岷瞻等攻打北門並派參

將薛陞遊擊李建勳等隨後接應各路俱備雲梯

沙袋以便登城一面令礮臺將弁用礮轟擊另派

吉林黑龍江及蘭州固原官兵馬隊伏於近城處

所四面兜圍以杜賊匪竄逸並號令官兵如有能

先上城及擒獲賊首者加以重賞諄囑將領令其

辨認賊首務在生擒布置已定卽於初十日卯刻

進兵齊攻五門賊衆在城抵拒鎗石如雨官兵奮

勇撲近城根三次均爲鎗石所阻正在相持臣等

一面令發地雷一面催兵四面直進詎賊匪施放

鎗礮益加抗拒官兵鄉勇多有傷亡時城西南角

地雷轟發南門裂開城牆二十餘丈磚石亂飛轟

斃賊匪無數賊始驚慌臣那彥成督同楊芳桑吉

斯塔爾等督突烟火攻上左首率衆冲入剗住缺

口楊遇春等攻上右首直接大小西門時西北地

雷亦發官兵雲梯齊上城堞高杞同馬元等分途

奮勇進攻各門官兵俱用雲梯沙袋躍上城

匪復在壕口拚命抵敵官兵無不勇氣百倍飛越

城堞將賊匪痛加勦戮共殺斃及跌斃者三四千

人先將南門大小西門攻破東門北門亦卽立破

其有跳城逃竄者悉被城外所伏官兵擒獲無一

得脫大兵齊入城中分投勦殺賊衆突圍欲逃向

前直撲數次俱被官兵鎗箭攻打又約斃四五千

人其餘退回民房閉門抗拒現經官兵舉火焚燒

卽可盡數殲獲惟城內房屋既固四圍均係磚墻

火攻急切難克且官兵自卯至酉打仗克城已閱

七時之久亦須少予休息現在五門嚴密堵住再

行進勦以便生擒賊首斷不使一名漏網此次共

斃賊匪九千餘人臣生擒二千餘人奪獲旗幟鎗礮

刀矛等項無算投出難民男婦老幼臣二萬餘人尙

須查訊辦理其在城著名賊首同節次奉

旨飭掣各犯現在生擒之賊甚多是否擒獲抑已殲斃一

時倉猝實不能詳細辨認統俟將城內伏匿賊衆

聖諭 卷三十一

聖諭 卷三十一

擊獲爭盡再行切實究訊一面飛札廣厚囑其來
營會同提審具奏仍飭府縣及委員等先行安撫
難民勿令驚懼其出力員弁兵丁及傷亡弁兵鄉
勇等容再分別查辦謹由六百里加緊馳奏仰慰
聖懷謹

奏

嘉慶十八年十二月十三日

旨太子少保銜

錫封三等子爵世職

賞雙眼花翎

那文毅公總統河南山東肅務奏議

卷三十一

四

命在紫禁城騎馬奉

上諭那彥成等由六百里加緊馳奏督率官兵攻克滑城

一溜覽奏欣慰此次逆匪勾結起事始於滑縣戕官劫

佔踞縣城其夥黨在直隸山東邊境者亦同日竊發

頃害城鎮鄉村居民被其荼毒節經派調官兵分路進

剿山東曹定等處賊匪早經撲滅直隸開州長垣一帶

亦就地掃除其豫省大股賊匪經那彥成等先將道口

桃源屯踞之賊次第攻克其時逆首李文成率領匪眾

竄至輝縣司寨地方經楊芳等帶兵殲斃克渠蕩除餘

孽惟佔踞滑城賊匪負隅抗拒圍攻已越四旬現經那

彥成等周環布置於本月初十日親督兵勇奮力進攻
城南門地雷轟發震裂牆垣數十丈那彥成同楊芳
桑吉斯塔爾冒烟攻上左首楊遇春等攻上右首城西
地雷繼發官兵雲梯齊上城堦高杞同馬元等帶兵進
攻各門分投繼進殲斃賊匪三四千人賊眾突圍逃竄
又被官兵擊斃四五千人生擒賊匪二千餘人投出難
民老幼男婦二萬餘人全城克復此皆仰賴

上天

祖

考垂佑深恩得以掃除逆惡迅奏成功朕與天下臣民同

那文毅公總統河南山東肅務奏議

卷三十一

五

深慶幸那彥成高杞楊遇春統領師干不辭艱瘁其在

事將領官兵等亦俱奮勇出力允宜渥沛恩施以照懋

獎那彥成著加太子少保銜賞給三等子爵換戴雙眼花

翎在紫禁城內騎馬並賞給御用荷包一個陞授伊

子容照為乾清門二等侍衛所賞荷囊翎枝即著容照

駟驛資往又賞給黃面黑狐皮馬褂一件四喜玉搬指

一個吉祥白玉牌一個鑲寶石帶扣一付黃辦大荷包

一對小荷包二個高杞著賞給頭等輕車都尉紫禁城

內騎馬並賞給黃面烏雲豹皮馬褂一件四喜玉搬指

一個鑲寶石帶扣一付黃辦大荷包一對小荷包二個

楊遇春著賞給二等男爵紫禁城內騎馬並賞給黃面天馬皮馬褂一件四喜玉搬指一個鑲寶石帶扣一副黃繡大荷包一對小荷包二個桑吉斯塔爾隨那彥成率先登城著加恩在御前侍衛上行走其摺內圈出各員除那彥成高杞楊遇春外凡攻城出力者俱著交部從優議敘兵丁賞給一月錢糧圍城各官弁俱著交部議敘兵丁賞給半月錢糧並發去四喜玉搬指十個玉柄小刀十把花磁翎管十個玻璃鼻烟壺五個磁鼻烟壺五個分賞出力官弁一兩重銀鏢二百個五錢重銀鏢二百個一兩重銀牌二百面五錢重銀牌二百面分

那彥成總辦南軍機事務奏議 卷三十一 六

賞出力兵丁自九月十二日以後直隸豫東等省軍報絡繹並有突入禁門逆案軍機大臣等晝夜宣勞除勒保病假在家近甫銷假入直外董誥盧蔭溥著交部從優議敘桂芳自托津出差派令入直奉職克勤著即在軍機大臣上行走仍交部議敘松筠曹振鏞職任綸扉俱著加恩晉加太子少保銜劉鏞之英和督緝認真俱著加恩賞加太子少保銜百齡同興辦理防勦事宜奮勉出力俱著加恩賞加太子少保銜軍機章京通政使司參議姚祖同著交部從優議敘此外各章京著軍機大臣查明尤為出力者保奏數員交部從優議敘其餘

各員並著交部議敘所有此次議敘各員均照軍功例議給

嘉慶十八年十二月十三日軍機大臣字寄奉

上諭本月十二日亥刻那彥成等由六百里加緊奏到攻克滑城大概情形一摺覽奏欣慰之至已明降諭旨將那彥成等各施厚恩其餘將領官弁俱優加獎賞矣滑城攻克以後大局已定此時緊要節目必須將著名逆賊以及外來附逆要犯悉數查拏淨盡以絕亂萌那彥成等摺內稱官兵克城之日殲斃賊匪九千餘人生擒二千餘人又城內尚有伏匿之賊再行查拏此數日內

那彥成總辦南軍機事務奏議 卷三十一 七

自己搜捕無遺茲特交軍機處將一切應拏賊目開寫清單發往著那彥成等查明此內業經殲斃者若干名生擒者若干名查緝未獲者若干名分別註明據實具奏其殲斃者必須指認確鑿以杜詐偽生擒各犯擇其稔惡為首傷不甚重者二三名解京其餘均在彼處正法至於未獲各犯尤當乘此時上緊嚴查務期必獲以淨根株現在豫省軍務底定兵力有餘陝省岐山饑民聚眾一事頗關緊要昨已有旨令長齡赴陝勸辦並令高杞於克城之日帶兵前往此時滑城已 高杞即速起程其西安滿兵一千名交富僧德 領再查陝甘

所調征兵共有若干卽挑取十分之四五派本省將官帶領俱隨同高杞由潼關一路速赴南山如到彼賊匪尙未辦淨高杞卽將所帶兵丁全數交與長齡俾資勦辦高杞卽回京覆命如行至中途陝省業已竣事著將所帶官兵交富僧德等分別管帶歸伍高杞亦卽由彼進京托津接奉前旨自已馳赴滑縣軍營與那彥成等會面今滑城已克伊等會商後托津卽遵旨先行回京其京兵一千名卽交原帶之慶祥等四人仍分四起音帶由正定保定一路凱撤還京此外直隸官兵著那彥成酌度擇其不甚得力者先撤回二千名交馬瑜富蘭

那文毅公總辦河南直隸軍務奏議

卷三十一

八

二人管帶亦由正定保定一路各歸原伍其吉林黑龍江馬隊及得力勁兵著那彥成楊遇春均留於本營遵照昨旨先在滑城一帶駐劄將附近賊匪搜捕淨盡再移營至大名一帶駐劄照前搜查直隸境內均無零匪然後統率官兵取道山東鄆城東昌至德州景州故城一帶一律查緝訪明地方宜謐實可放心該督等奏明撤兵那彥成楊遇春二人一同來京復命再令各回本任可也將此由六百里傳諭那彥成等並諭托津知之

嘉慶十八年十二月十二日會同參贊大臣熱河都統高公杞參贊大臣固原提督楊公遇春

奏爲勦捕滑城賊衆盡數殄滅生擒賊首牛亮臣徐安峒王道澐殲斃宋元成卽宋老占劉宗順馮相林等大局已定軍務告竣恭摺馳奏仰慰

聖懷事竊

臣等於本月初十日攻克滑城已將大概情形先行奏

聞在案查賊衆據守城內民房因磚牆堅固火攻急切難克臣等當令官兵嚴密圍堵一面將馬隊兵丁暫予休息至二更時仍令將領督率滿漢官兵分投進勦且焚且攻賊衆不能抵敵官兵益加奮勇有攀牆而登者有破門而入者賊猶拚命抗拒均被

那文毅公總辦河南直隸軍務奏議

卷三十一

九

官兵奮力殺斃其奪門奔出者亦被門外官兵盡數殲擒躲避樓房者悉皆搜戮維時四圍皆火被焚者均無出路至十一日辰刻查得據守民房之賊尙有五六十處未經殲滅臣等復將在營得力官兵添派入城併力攻勦直至十二日午刻始將五六十處賊據之房盡行攻破官兵鼓勇齊進被賊衆鎗箭亂發多有傷亡賊衆藏匿之處周圍起火烟燄直衝官兵雷烟突火趕入查擊時牛亮臣徐安峒二犯藏匿地窖之內副都統裕有舍侍衛阿勒罕保率同吉林曉騎校龍柱健銳營前鋒盛

魁火器營藍翎長富通西安營千總朱效先把總張福榮等將徐安綱擊獲其牛亮臣一犯經固原遊擊李士林劉發恒率同把總李廷傑外委馬騰蛟兵丁李朝貴葛成金何永清馬傑等居伏劉廷清等擊獲該一犯帶傷俱不甚重又生擒賊首王道瀝一犯並殲斃賊首宋元成即宋老占劉宗順馮相林等其餘各處賊眾駢首就誅並無一名得脫統共約計殺斃賊匪一萬七八千人燔斃七千八千人生擒二千餘人並擒賊首牛亮臣徐安綱王道瀝三犯殲斃宋元成劉宗順馮相林三犯其牛亮臣徐安綱宋元成等犯屬男婦亦已獲獲二十餘名口隨將宋元成首級令該犯屬同現獲各犯分別辨認確鑿無疑等伏查逆首林清李文成傳習邪教潛蓄異謀內外勾結以致突犯禁門滋擾三省為從來逆氛之所未有天下臣民同深切齒仰仗

皇上天威旋將林清李文成二犯先後殲戮渠魁已斃賊膽始寒詎牛亮臣徐安綱宋元成等尚敢攖城死守屢抗大兵極為兇橫且牛亮臣偽封丞相旗上書寫林門大弟子字樣徐安綱偽封大將軍宋元

聖教公總河南山東軍務奏議 卷三十一 十一

成偽封大元帥王道瀝偽封長官王劉宗順偽封震宮王馮相林偽封聖宮王該犯等為賊首惡罪不容誅今一旦生擒斃屍無遺被不靖之魄殄邪匪之心統計軍興以來為期不滿百日仰賴

皇上威福眾軍用命得以迭掃無餘實足以彰國法而快人心等一面知會廣厚親白驗訖後即將宋元成劉宗順馮相林等劉屍王道瀝身首對屍其牛亮臣徐安綱二犯裝入木籠即交廣厚慶祥等帶領京營勁旅押解進京恭候

廷訊其前後生擒各犯有無著名賊首在內實因人數眾多必須數日方可訊究得實統俟審明後另再具奏此次投出難民男婦老幼又有二萬餘人亦恐有賊犯混跡其中尚須逐一訊辨其城內民居及菴觀寺院偏僻處所並地窖枯井之中恐尚有零匪藏匿現已多派文武員弁嚴加搜捕務盡根株斷不稍留餘孽其餘應辦善後撫輯事宜已札致方受囑囑其赴營商酌辦理出力之員弁兵丁及傷亡兵勇統容逐一查辦再牛亮臣徐安綱二犯帶傷之處已飭醫加緊調治立即解京斷不使

聖教公總河南山東軍務奏議 卷三十一 十一

倖逃顯戮謹

奏奉

硃批卽有恩旨

嘉慶十八年十二月十二日

奏現在高杞遵

旨前赴山西查拏唐鬍子等犯現於十三日起程臣查獻

縣獲犯馮克善係賊中大頭日既經就獲則餘匪

定不敢蠢動惟查章煦審奏該犯尙未供認潛赴

解梁糾約唐鬍子之事該犯既由德州前往晉省

因何尙在直隸境內日久逗遛其勾結情節似難

那文毅公總辦直隸軍務奏議 卷三十一 三

盡信茲高杞赴晉查拏臣現將山西官兵一千名

交其管帶緩程前往所有大同鎮張績駐防山旺

莊之兵昨經奏奉

硃批自應暫緩撤回今滑城賊眾既已勦盡此項防兵亦

一面飭令撤回原營以資彈壓至京營健銳火器

二營官兵應卽遵

旨仍交原帶之慶祥長慶桑吉斯塔爾積德等管帶回京

分作四起隨同廣厚押解牛亮臣徐安嗣進京令

問一目前後行走又臣風聞陝西之郿縣等處有

饑民搶掠糧食之事查漢中鎮兵甚為強勁總兵

吳廷剛帶兵亦能得力計此時長齡朱勳諒已馳

往督辦此等匪徒尅日定可捕獲原無須多兵往

勦現將西安滿營官兵先令富僧德管帶其合備直同高

杞一路行走至潼關時高杞如探聞唐鬍子等或

有蠢動情事卽令富僧德一同赴晉協力勦拏又

西安鎮標之兵亦令閻俊烈帶領凱旋俾不靖之

徒知此間軍務業已告竣人心益安至南山情形

楊遇春最為熟悉所有蘭州固原各營官兵卽於

前項兵丁撤動之後亦卽分起行走俾免擁擠臣

并密囑楊遇春押後行走彼時如郿縣匪徒業已

那文毅公總辦直隸軍務奏議 卷三十一 三

捕獲各飭歸營倘稍需時日卽令楊遇春迅速回

陝督率捕拏以期得力臣并於現在陝甘將弁中

擇其打仗勇往熟悉南山路徑者挑出五六十員

卽日令其先行一面札致長齡朱勳收用派撥至

托津奉

旨回京所有直隸各處臣酌派馬瑜帶領提標官兵仍駐

開州並令富蘭徐錕音登額等分帶官兵由正定

磁州彰德順德等處凱撤每處駐劄一二日以彰

聲威震懾邪黨臣本擬俟軍務告竣托津方受疇

來營商辦一切後酌留高杞駐劄滑縣搜捕稽查

臣與楊遇春分帶官兵由山東之曹縣定陶直隸之長垣東明等處沿途宣播

皇上德威以禡奸宄之魄而慰良民今高杞既赴山西楊

遇春亦將回陝察看大局情形現在各處並無伏未必仍須細查密訪不可大意匪蠢動聞閩亦臻安帖此時若帶領多兵沿途行

走恐鄉民震懾兵威轉懷疑懼是以臣仍擬劄營

滑縣派出文武員弁分赴各村莊傳諭耆老鄉保

人等如有逃竄餘匪伏而未動之賊飭令自行網

獻或指引官兵協同搜捕毋許窩留干罪嚴禁兵

勇不得藉端滋擾貽害良民其江南山東防兵亦

聖鑒事 卷三十一

飛咨百齡同興等令其各自斟酌分別撤回至河

南撫標等處官兵數日內亦即撤回臣將吉林索

倫甘肅各營兵丁暫留容再斟酌凱撤至臣何時

進京復

命應候

諭旨遵行謹

奏

嘉慶十八年十二月十五日奉

上諭那彥成等奏勦捕滑城賊眾盡數殄滅生擒逆首牛

亮臣徐安惻王道濇殲逆首宋元成劉宗順馮相林

等犯軍務告竣一摺覽奏欣慰滑城經官兵攻破後首逆等潛伏民房抵死抗拒經那彥成等督率官兵冒突烟火各處搜擒逆首牛亮臣徐安惻等俱按名俘獲共約殺賊一萬七八千人燒斃七八千人生擒二千餘人投出難民老少男婦二萬餘人此皆仰蒙

吳蒼

祖

考恩祐自簡師申討以來未及十旬克城之日稟渠全度

餘孽蕩除辦理實屬完善所有此次擊獲首逆徐安惻

之副都統格布舍著加恩在御前侍衛上行走並賞給

聖鑒事 卷三十一

騎都尉世職頭等侍衛阿勒罕保著賞給副都統銜吉

林驍騎校龍柱著陞補防禦健銳營前鋒盛魁著陞補

前鋒校火器營藍翎長富通著陞補護軍校千總朱效

先著陞補守備把總張福榮著陞補千總其擊獲牛亮

臣之遊擊李士訥劉發恒俱著陞補參將把總李廷棟

著陞補千總外委馬騰蛟著拔補把總兵丁李朝貴葛

成金何永清馬雙薛居伏劉延清俱著拔補外委其前

此攻城時首先登城超眾出力之官兵等並著那彥成

查明保奏再降恩旨

嘉慶十八年十二月十五日軍機大臣字寄奉

上諭那彥成等奏勦捕滑城賊眾盡數殄滅生擒賊首牛亮臣徐安暢王道濼殲斃宋元成劉宗順馮相林等一摺覽奏欣慰已於摺內批示並明降諭旨將格布舍等優加恩獎矣那彥成等此次克復滑城首逆榜名生擒餘黨無一竄出辦理實屬完善現交廣厚慶祥管帶京營官兵先行扣解牛亮臣徐安暢二犯來京所辦甚是至陝省饑民滋事一節昨正降旨令高杞率同富僧德等帶領西安滿兵並酌帶陝甘官兵前往南山交長齡勦辦今那彥成得信之後適已先派富僧德隨同高杞至潼關探聽消息並將西安鎮標及蘭州固原各官兵次第撤動密囑楊遇春押後行走甚合機宜至山西大同官兵本非勁旅此時著毋庸派往陝西著卽令張績等帶領歸伍又據稱直隸邊界除馬瑜提標官兵仍與開州外其餘官兵令富蘭等俱分帶凱撤此事畧早滑城破後直隸山東一帶雖無竄逆之匪但附近各處人心未定尙須重兵彈壓那彥成等稱各處並無伏匿竄動猶恐未必盡然仍當細查密訪慎重辦理所有直隸官兵祇可擇其不甚得力者先行撤回原營此外仍當暫留在於邊境防守東省防兵亦不可全撤並知會同典先酌撤一半俟搜捕淨盡再行全撤毋據額勒金布

那文毅公奏議 卷三十一 六十一

奏稱拳獲私越冷口之葛洪才一犯供稱伊教中人王見思令伊往船廠送信糾人從海道至東昌高唐會齊進京謀反等語該犯既有此供亦不能信其必無者那彥成卽派人前赴東昌高唐密行偵探設有此事卽帶兵前往查辦並知會同興隨時知照不可大意至於查訊賊匪必須詳實克城之際民賊混淆殲斃賊匪一萬七八千人燒斃賊匪七八千人豈無難民在內則投出難民二萬餘人亦豈無賊匪在內此時不可濫殺一民亦不可倖免一賊况賊匪詭譎異常現在著名未獲者尙屬不少若不認真辨查縱令免脫如祇係寒脅餘犯不過幸免伏法尙竟係著名兇悍之賊一經漏網將來遺孽復萌關係實非淺鮮著那彥成先將生擒賊匪二千名逐一審出名姓住址並將殲斃賊屍詳加驗認查點飭擊著名賊目何人在內何人未獲其難民二萬餘眾該督多派精細之員逐名查訊實無賊匪漏迹其中再行釋放盜家其滑縣城內菴觀寺院偏僻處所並地窖枯井均逐細搜查此內賊匪藏匿者固多恐良民亦所不免惟當詳細分別勿令玉石混淆前令軍機處將查拏人犯發去清單茲又續由犯供內查出應行緝拏各犯開單寄往著那彥成一併按名核對分晰註明開

那文毅公奏議 卷三十一 六十二

單覆奏其馮克善家屬續據供出現在滑城係例應緣
 坐之犯緝獲按律辦理唐鬻子一犯已否竅獲訊明後
 錄供具奏即在彼正法並知照衡齡令其停緝此外如
 侯兆川一帶山內速派人前往搜查淨盡勿令藏奸那
 彥成此次承辦軍務厥功捷速諸凡妥善此後善後事
 宜最關緊要不可稍有草率該督總遵照前旨由彼駐
 劄彈壓俟滑城附近地方悉臻寧謐再移營大名以次
 順赴山東鄆城東昌德州景州故城一帶查看各處情
 形均可放心再奏明候旨回京復命切勿以年節已近
 亟思來京瞻仰也將此由六百里諭令知之

那毅、河南東直隸軍務奏議 卷三十一 六

嘉慶十八年十二月十四日會同固原提督楊公
 遇春

奏為奏

聞事竊 臣等剿滅滑城賊眾並殲擒各賊首緣由續經馳
 奏在案茲提出牛亮臣徐安悃二犯逐加嚴訊據
 各供認助逆謀反各情節不諱查牛亮臣帶傷之
 處尙不甚重現在加緊醫治即可就痊徐安悃受
 傷較重言語模糊所供不能詳細且均係解京要
 犯未便久留推鞠茲派委候補知府鍾祿周光緒
 總兵海麟等隨同廣厚慶祥帶領兵役於本月十

四日起程將該二犯小心押解前赴刑部投收候
 審並繕簡明供單恭呈

御覽至初十一十二等日生擒賊匪因人數過多急切
 向難審辦完結連日督飭文武員弁又於城內偏
 僻處所及地窖之內搜出五百數十人現在一併
 審辦其死於著各賊首約畧殆盡統俟查明另開
 名單進

呈謹

奏奉

硃批詳細查明不可草率

那毅、河南東直隸軍務奏議 卷三十一 九

據牛亮臣供滑縣本城人年五十三歲父母已故
 兄弟三人弟牛相臣牛剛臣兩子長牛文成次
 牛林成一女尙未字人女人王氏我原亦本縣
 庫書嘉慶十一年因虧用官項逃往保定在唐
 家胡同馬家店內當夥計到十二月有自京解
 來那教象內陳茂林同子陳九成住歇店內原
 告陳茂恭供出林清是那教行提到省也在店
 內住歇我與林清談及教道林清說是京南人
 顧文升傳授從山東單縣劉林是先天祖師林
 清是劉林轉世後天祖師這教本名三陽教分

青紅白三色名目又名龍華會因分八卦又名八卦會後又改名天理會每日朝拜太陽念誦經語可免刀兵水火之厄如遇荒亂時候並可乘時圖謀大事我聽信了拜林清爲師十三年正月林清案結我就隨到他家住了幾日荐我與宋村附近蘇光成家教書住了二年十五年二月回家探望仍幫辦庫書十七年七月林清到道口孔繼太店內有同教李文成馮學禮于克敬卽于第七馮克善來見林清對衆指名李文成爲天王馮學禮爲地王于克敬爲人王均

那文毅：河南東直隸軍務奏議

卷三十一

二十

各信服林清去後李文成于克敬宋元成劉成章秦學會們都到京中與林清送過銀兩本年八月林清又來道口向李文成說該明道了約定九月十五日起手鬧事他在京中同日接應林清去後李文成傳去同教衆人打造刀鎗被老岸司劉巡檢查出告知強縣主就將李文成史泳山並我兄弟父子全行拏訊並將李文成兩腿夾打監禁宋元成于克敬馮學禮問恐李文成性命不保就改期於九月初十日嚴官估城十月二十八日官兵破了道口殺傷甚多李

文成害怕叫劉綱明宋克俊們保護奔逃我同徐安綱宋元成拒守縣城原指望劉綱明們救應後來纔知他們俱被官兵剿滅所有教內大頭目宋元成徐安綱壽光德馮相林王道澄尹振劉宗順趙得一朱成貴並小頭目們均已淨盡此外再無別人所供是實

據徐安綱供長垣縣邢寨人家有母親弟兄三人兄徐占綱弟徐定綱我習的教是同縣人兌卦韓義書傳授卦主先是山東定陶縣人崔世俊後被山東拏去纔是滑縣人劉綱明爲兌卦主

那文毅：河南東直隸軍務奏議

卷三十一

二十一

我是兌卦伯常在山東曹縣一帶傳教九月初頭聽得劉綱明們已在滑縣起手我就從曹縣糾人來滑縣投李文成入夥先在道口屯扎拒敵官兵道口破後纔進滑城拒守該犯帶傷較重言語模糊餘供不能細問

嘉慶十八年十二月十五日

奏現在軍務告竣不過勦辦內地匪徒並非別項軍務可比且前奉

諭旨垂訓諄諄臣敬謹祇遵不敢以紅旗報捷才不敢用黃面紅裏之摺今謹遵照例於奏竣之日先令

乾清門侍衛格布舍敬捧恭請

聖安之摺於十五日回京所有一切軍務及地方靖謐情

形格布舍係始終其事之人可以用備

顧問謹

奏奉

硃批覽

嘉慶十八年十二月十五日

奏為敬陳彈壓滑縣及兼顧陝省情形仰祈

聖訓事竊臣前經風聞陝西郿縣等處有饑民搶奪糧食

之事當經奏明令富僧德管帶西安滿兵聞俊烈

那毅奏請河南東嶽軍務奏議 卷三十一 三

管帶西安鎮標官兵先後凱撤回陝以資堵剿並

於陝甘將弁中擇其打仗勇往熟悉南山路徑者

挑選數十員移交長齡朱勳收用派撥在案連日

飛差密探聞得該匪等約有一千餘人分作兩路

搶奪滋擾此等備作饑民忽有不逞長齡平日帶

兵勇往朱勳熟悉南山情形計先後馳往督辦自

必迅速掃除惟南山路徑崎嶇又當冰雪沍寒之

候該匪若遁入老林官兵追蹤搜捕未免費力

前奏本擬將蘭州回原官兵隨後陸續撤今滑

城賊衆盡殲軍務業已告竣察看大局情形無須

多兵留駐是以不敢拘泥前奏先將陝甘帶兵得

力之西嶽鎮特依順保涼州鎮馬元令管帶固

原河州各營官兵先行撤回密囑該鎮等沿途揚

言大兵凱撤一面趕緊行走仍先知會長齡如該

處需兵協助即可順路令特依順保馬元等帶領

原兵馳往聽候長齡調遣應用至

仰督師仰仗

皇上福威數旬之內此間軍務已竣自應親赴陝西與長

齡等會同勦捕楊遇春久歷戎行威聲素著於南

山情形更為熟悉現在亦應旋赴陝西督兵勦捕

那毅奏請河南東嶽軍務奏議 卷三十一 三

並刻下河北地方人心未盡安定正須彈壓地方

之際與楊遇春急切均未便離營他往等密

商再四彼此均屬受

恩深重地方軍務必須兼顧兩全萬不敢稍分畛域特因

賊匪初平人心未定不敢不暫留滑縣藉壯聲威

今復加商酌如特依順保馬元等到陝之後萬一

尚未得手仍須添兵再令楊考帶兵前往並酌派

吉林黑龍江馬隊數百名馳往勦辦得此勁旅即

使賊匪竄入老林無難掃除淨盡

偵探斷不少涉張皇倘賊匪裹脅較多勦捕尚須

時日彼時已過新年再行察看情形如果豫省地方安靜或楊遇春或臣再行統帶官兵往勦辦總期迅速肅事仰慰

聖懷再隨營之陝甘將弁臣已挑出四十員令其兼程馳赴長齡等軍營以備委用謹

奏奉

硃批汝二人暫住滑縣查辦一切不可草率陝西一事有長齡朱勳二人足敷辦理汝二人或往幫辦或同來京復命候旨而行不必張皇

謹按嘉慶十八年十二月十六日廷寄內奉

那文毅公總統河南東直隸軍務奏議

卷三十一

一

上諭至陝省山內匪徒如一時未能解散尙需兵力若即派富僧德管帶西安馬隊一千名並著那彥成將之陝甘官兵數目酌分一半交該省將領管帶迅速起程赴陝該督一面飛咨長齡朱勳如山內匪徒尙須多兵勦辦即徑調富僧德等帶兵直赴軍營如匪徒業已解散即令富僧德等各帶原兵歸伍現在豫省應辦善後事宜尙多楊遇春應暫緩回陝且在豫多住旬日幫同那彥成諸凡經理完善彼時如陝省山內匪徒長齡等未經辦竣自降旨令其赴陝會同長齡等辦如山內業已安靜楊遇春仍遵前旨回那彥成到京俟復命

後再回本任至另摺奏十一十二等日生擒賊匪急切尙難審結連日又搜出五百餘人亦一併在彼審辦等語審辦賊匪最須詳慎寧多費時日不可草率

謹按嘉慶十八年十二月十二日廷寄內奉

上諭又本日據御史黃中傑奏輝縣地界有闕者侯趙川在縣西北七十里險要天成間有賊匪竄入該處者悉其在內盤踞等語侯趙川係輝縣險要之區豈可使賊匪潛入盤踞並著那彥成查明搜緝淨盡毋留餘孽

嘉慶十八年十二月十七日會同參贊大臣固原

提督楊公遇春

那文毅公總統河南東直隸軍務奏議

卷三十一

一

奏為遵

旨覆奏事本月十五十六等日欽奉

上諭臣等遵查搜捕餘匪一節與楊遇春現在仍駐滑縣軍營派出文武員弁曉諭莊民將匪徒自行縛首或派一二將備帶兵擒捕務盡根株至健銳火器營官兵同西安滿兵西安鎮標及固原河州直隸各處官兵均已飭令原帶將領分別凱撤其滑縣軍營臣等僅留蘭州督標及吉林黑龍江得力勁兵數千名彈壓搜捕業經逐一奏

聞在案至高祀先已起程並候特賞領保馬元亦已陸續

起行臣現在遵

旨飛札高杞如到潼關時探明岐山賊匪尚未辦淨即將

所帶兵丁交與長齡勦辦如已竣事即令富僧德

等帶兵歸伍高杞即由彼回京復

命臣那彥成與楊遇春俟將滑縣附近餘匪搜捕淨盡即

移營至大名一帶照前搜查再赴鄆城東昌暨德

州景州故城等處宣播

皇上德威務使伏莽全消閭閻永臻安謐臣等二人再行

回京復

命恭覲

聖毅公總統河南軍務奏議 卷三十一 三

天顏再御史黃中傑所奏輝縣地界有侯趙川險要天成

聞有賊匪竄入恐其盤踞等語臣等查侯趙川係

侯兆川並非侯趙川其地在輝縣之西由該縣十

八盤山進口考之誌書係趙南相如食邑之地土

人以其有封侯之兆因名侯兆川其後宋岳飛曾

經駐兵於此土人稱侯兆川為東川淇縣之臨淇

鎮為西川其司寨地方距侯兆川僅十里許即係

楊芳等帶兵截勦竄匪殲斃首逆李文成之所被

時賊眾四千餘人俱被官兵勦洗無餘後飭輝縣

查檢賊屍據稟共計檢出屍身三千三百八十七

軀其餘燒斃及生擒並搜獲者在外是該處竄入

匪徒實已不留餘孽惟侯兆川在太行山之麓外

險中平內有平原沃壤四五十里山口皆屬險要

之區臣仍移咨方受疇一體嚴飭地方文武實力

稽查毋使匪徒潛匿以杜後患謹

奏奉

硃批知道了

嘉慶十八年十二月十七日

奏陝西岐山一帶饑民搶奪糧食滋事經臣將撤回西

安滿漢官兵同固原河州各營官兵令富僧德特

聖鑒茲於本月十六日接據漢中鎮吳廷剛稟稱該匪等

裹脅日多器械不少其別處木廂備作多有入夥

等語臣竊思此等饑民原非教匪可比但南山地

關緊要天氣嚴寒之際賊匪若竄入老林則官兵

窮追未免費手臣雖經派撥陝甘滿漢官兵前往

協勦惟恐稍延時日賊匪愈聚愈多勢必延蔓臣

與楊遇春再四密商同深焦灼此時臣等二人尚

有留辦搜捕彈壓等事自不便遽行前往致民間

又起謠言因思賊匪所裹脅者固係傭工饑民其中必有舊充鄉勇及革除名糧新兵在內此時要在二面勦捕一面解散設法辦理庶易集事查河北鎮楊芳熟悉南山情形該處舊日兵勇素所信服若令楊芳前往勦辦一切可期得力臣已與楊遇春面囑其相機妥辦又恐緩不及待現已飭令楊芳於十七日輕裝馳驛起程前往陝西交與長齡派遣所有河北鎮總兵篆務請留閩俊烈暫行署理謹

奏

那文毅公總辦南嶺軍務奏議

卷三十一

奏

嘉慶十八年十二月二十日軍機大臣字寄奉

上諭那彥成等奏接據陝省稟報南山滋事匪徒裹脅日久器械不少已商令楊芳前往相機勦辦等語陝省南山匪徒滋事情形未據長齡朱勳續有奏報正深垂厯除本日又降旨飭令該督撫迅速勦辦外楊芳熟悉南山情形彼處兵勇皆其素悉此時派令前往必能得力現卽降旨將該鎮補授西安鎮總兵與閩俊烈對調呼應自更較靈也

嘉慶十八年十二月二十一日

奏查西安滿營西安鎮標及固原河州各營官兵已經

先後凱撤起程臣續派楊芳星馳赴陝交與長齡撥派辦理業經奏

聞在案現在欽遵

諭旨臣與楊遇春仍暫駐滑縣會辦一切俟探明岐山匪徒或勦滅尙需時日再令楊遇春馳往幫辦又高

杞處臣已恭錄

上諭令其回京恭覆

恩命謹

奏奉

硃批覽

那文毅公總辦南嶺軍務奏議

卷三十一

奏

嘉慶十八年十二月二十日軍機大臣字寄奉

上諭本日朱勳等奏勦殺南山匪徒並會商勦辦緣由一摺據稱三才峽等處匪徒由佛爺灘竄至太平河將木廂兩號盡行焚燒沿途裹脅攻破伍家堡殺傷民人二十餘人經吳廷剛派兵勦殺現往原畛子一帶奔竄旋接吳廷剛來信稱古子溝有新起賊匪一百餘人向藥舖一帶奔竄經官兵殲獲三十餘名並將首犯拏獲而大股匪徒約有三千餘人矛子八九百桿鳥鎗五六十桿業已東竄吳廷剛裹帶兵糧跟踪追勦又查陝黎將張起鰲稟報小王澗一起匪徒裹脅已有五百餘人經

官兵勦殺後餘匪百餘人現由峪口折竄與大股合夥
該參將趕往吳廷剛軍營會勦又鄂縣紫閣峪地方有
匪徒二百餘人搶掠糧食竄往西士溝一帶總兵達凌
阿及協領成瑞已帶滿漢兵七百名由滂峪一帶堵截
等語三才峽小王淵兩處匪徒前據朱勳奏報台計不
過一千餘人今數日之間已裹脅至三千餘人且鳥鎗
器械甚多沿途放火傷人勢漸鴟張此外各處並有新
起之賊分投竄擾雖經官兵勦殺回均未淨盡若不
迅速撲滅恐夷酋愈多辦理又致費手除已飛催長齡
帶甘肅兵一千名前往督辦並令朱勳先行相機勦捕
要毅公總辦河南軍務奏議 卷三十一

外楊遇春熟悉該處情形聲威素著又係所管地方此
旨到後著該提督卽日挑帶吉林黑龍江兩處馬隊或
每處二百名共四百名或每處三百名共六百名令色
爾滾達斯呼爾岱二人管帶隨同迅速前赴南山迎頭
協勦此外若蘭州固原等處勁兵如尙可酌分令那彥
成酌量分撥帶往如滑縣軍營存兵業已無多卽不必
分派楊遇春到陝後如長齡業已先到卽與長齡商同
會勦如長齡仍尙未到著先與朱勳會商勦辦其應如
何分別勦撫解散並兩面堵截之處一切相機辦理至
陝省既有此事恐他處不靖之徒聞而生心潛匿前經

克復人心未定更當加意鎮撫楊遇春已離豫省那彥
成尤當慎重彈壓著在滑縣紫閣多住時日察看地方
實可放心再遵照前旨移營大名一帶以次順赴山東
鄆城東昌德州故城等處查看情形回京復命將此由
六百里加緊諭令知之

嘉慶十八年十二月十八日

奏為敬陳感激下忱恭謝

天恩事竊 臣具奏攻克滑城一摺於本月十六日欽奉

恩旨那彥成著加太子少保銜賞給三等子爵換戴雙眼

花翎在紫禁城內騎馬並賞給御用荷囊一個陞授伊

那毅公總辦河南軍務奏議 卷三十一

子容照為乾清門二等侍衛所賞荷囊翎枝卽著容照

馳驛賞往又賞給黃面黑狐皮馬褂一件四喜玉搬指

一個吉祥白玉牌一個鑲寶石帶扣一副黃辦大荷包

一對小荷包二個欽此 臣當卽望

闕叩頭敬謹祇領伏查首逆林清李文成傳教惑民以

致潛蓄異謀內外勾結實屬大逆不道為從來亂

賊未有之事中外臣民同深憤恨 臣奉

命督師與高杞楊遇春雖連次勦殺而賊首牛亮臣徐安

綱宋元成等猶復搜城死守屢抗大兵 臣等五門

嚴堵百道進攻四旬以來實屬萬分焦急仰煩

聖主宵旰憂勤且復

恩施格外並未

嚴加督飭兼荷頻頒

訓示俾臣等得以秉承

廟畧計出萬全幸得措穴擒渠辦理淨盡不致少留餘孽

此皆仰仗

皇上洪福

天威將士用命故得剋期蕺事臣自愧身肩重任調度無

方慶幸之餘倍深惶悚乃蒙

聖主恩施優渥

那文毅公總辦南東直隸軍務奏議

賞資駢蕃特晉官銜並蒙

封爵加冠則翠羽聯輝攬轡則

天衢翔步簪纓有耀條革增光並荷

欽賜荷囊

加賞黃面狐皮馬褂等項又復

推恩下逮陞授臣次子容照為

乾清門二等侍衛令其恭齎

賞賜荷囊翎枝馳驛來營仰蒙

皇上天高地厚之恩有加無已臣父子均皆泣沐

鴻慈不但臣感激涕零即臣祖阿桂有知亦當啣結現在

臣母已由甘肅回京過陝臣即恭錄

恩旨差人就近稟知以慰母心臣母聞之亦必叩感

天恩舉家頂戴臣嗣後惟有愈加謹飭盡心辦事一切欽

遵

聖訓勉奉行斷不敢稍有自滿以冀勉圖報効於萬一

除高杞楊遇春自行專差遞摺外再

欽賞黃面褂與賞穿黃馬褂之例不同謹照例將黃面回

繳謹

奏奉

硃批此次係特命汝來督辦幸成偉績仰荷

那文毅公總辦南東直隸軍務奏議

天恩垂佑內外淨盡汝實不負汝祖顏面深堪嘉許善後

事宜益須加勉毋忽

嘉慶十八年十二月二十二日

奏為恭謝

天恩事臣前奉

恩旨業經差弁齎摺敬陳感激下忱茲於本月二十日蒙

欽派乾清門二等侍衛臣子容照齎奉

恩賞御用荷包雙眼翎枝馳驛抵營臣當即迎赴前途跪

請

聖躬萬安隨望

關叩頭恭捧

欽賜荷包敬謹懸帶暨將雙眼花翎加冠換戴恭謝

天恩旋據容照告知而奉

上諭此次汝父辦理軍務甚為安速朕心甚喜京城前有

九月十五日之事未免煩勞旋即大加整頓諸事吉祥

精神甚好可告知汝父亦必歡喜欽此臣敬聽之下不

禁以手加額伏思臣越在西陲自聞九月十五日

之事憤恨戰兢寢食俱廢嗣知逆首旋即殲獲

輦輿業已肅清我

皇上整飭紀綱百度具舉數月來

聖毅公總督河南直隸軍務奏議

肝食宵衣憂勤倍切今仰仗

聖主洪福得將渠魁駢戮中外又安

宸衷稍慰焦勞

乾體益徵行健天下臣民同深慶幸臣受

恩深重歡忭尤倍尋常至臣秉承

睿畀蕩掃邪氛仰

聖武之惟揚愧微勞之未効猶荷

恩綸特賚

懋賞有加竊念臣祖阿桂從前帶兵平定大小金川轉戰

數年得奉雙眼花翎之

賜今臣所勦捕者不過內地亂民戡事之期亦不過百日

以內幸而底定皆賴

皇上天威三軍用命茲乃得膺

異數踴躍難安且屈指在

廷臣工戴用雙眼花翎者較少臣自問勞輕

賞重幸遇非常之

曠典循省私衷感悚不能言喻兼以荷囊

寵錫垂佩承

恩不惟光耀簪纓亦且輝增禱祐又獲見容照渥沐

推恩仰邀

超擢是臣一門祖孫父子俱受

天高地厚之恩敢不勉竭駑駘力圖報効臣嗣後惟有事

事倍益慎持不敢稍存自滿稍有大意至容照傳

宣

諭旨仰荷

皇上訓示諄諄無微不至臣惟當敬謹祇遵將豫省善後

事宜與楊遇春悉心妥辦此時軍務既已告竣尤

應計出萬全臣斷不肯憚勞草率亦斷不敢遷就

完結仰屋

聖懷俟豫省辦畢再由直隸山東邊境一帶巡查彈壓總

聖毅公總督河南直隸軍務奏議

卷三十一

期地方一律安謐實可放心於來年二三月間另

再請

旨進京覆

命恭觀

天顏現在容照起程回京臣並勗其小心當差務須倍加

奮勉無負

聖主格外施恩至意謹專差繕摺隨容照進京叩謝

天恩謹

奏奉

殊批卿係朕特旨簡用克奏膚功實深欣慰益當竭力奮

那文毅公總領河南東直隸軍務奏議

卷三十一

三

勉承恩眷

嘉慶十八年十二月二十一日會同參贊大臣固

原提督楊公遇春

奏為遵

旨覆奏事本月十八十九等日欽奉

上諭滑城破後直隸山東一帶雖無竄逸之匪尙須重兵

彈壓仰見

睿畫周詳矧勝欽佩伏查臣等前奏請將馬瑜管帶提標

官兵留駐開州令富蘭等分兵凱撤於彰德順德

等處駐兵數日以資彈壓原因滑城賊聚盡數剿

滅昔名賊首俱已殲擒昨托津來營面晤亦稱開

州長垣東明一帶搜捕已盡又接同興來信東省

邊界早已肅清等語臣等察看大局斷無再有意

外之事成功既速且完則善後應應慎重現今直

隸邊境稍虛是以令富蘭等先行分駐彰德順德

仍未即議凱撤又留馬瑜駐劄開州已不虞兵力

之單至各處習教者實繁有徒然賊匪初起之時

既未隨從即九十月間賊匪鳴張之際亦未滋事

迨李文成竄出滑城所到之處皆習教之區隨同

行者業已同行其未隨去者是雖習教而尙知畏

那文毅公總領河南東直隸軍務奏議

卷三十一

三

法况滑城一破斬馘幾至三萬餘人是此番大加

懲創甚於從前王倫等案以臣管見總可保其不

敢再有蠢動茲謹遵

聖諭已飛飭富蘭等各將所帶官兵在於彰德順德等處

多留旬日再行斟酌情形總於正月望後緩程歸

伍其山東防兵亦飛移同興酌裁一半以重邊防

謹

奏

嘉慶十八年十二月二十四日

奏二十三日申刻欽奉

上諭楊芳著補陝西西安鎮總兵其河南河北鎮總兵員缺著閻俊烈補授欽此臣當即分別行知並奉

諭旨令楊遇春逃赴南山協勦臣等查原調陝甘官兵六

千五百名內固原河州兵共二千名先已凱撤又

西安滿兵一千名西安鎮標兵一千名亦已隨後

撤回外尙存固原兵五百名今即交楊遇春帶赴

陝西並挑出吉林馬隊三百名黑龍江馬隊三百

名令色爾滾達斯呼爾岱管領並帶巴圖魯侍衛

八員即於二十四日辰刻起程趕緊行走約計十

日即可趕至南山臣那彥成適於昨日已專人持

那彥成懇請河南東岳縣署奏議卷三十一

令督催前撤之兵速行赴陝不致稍有延悞臣楊

遇春抵陝時計長齡定可先到當商同會勦列衛

奏報否則先與朱勳會商趕辦至如勦撫解散之

處自當稟遵

聖訓相機辦理臣那彥成仍駐兵滑縣加意鎮撫俟明正

初十以外移營再向開州辦理直隸善後事件亦

不為遲總期安定人心一勞永逸斷不敢稍有犬

意仰厯

宸衷至現在派往南山之吉林索倫馬隊俱係挑選驍勇

屢次打仗得勝者其前此撤回之西安滿兵應請

擇其得力者二三百名派往南山勦勦其餘似應

飭令就近歸伍即可彈壓省垣且節糜費臣已面

告楊遇春趕往前途辦理並咨明長齡朱勳查照

外再臣那彥成現在軍營止存甘肅督標兵一千

名靜寧靖遠兵一千名吉林索倫兵共一千四百

名臣明正移營之前擬先將甘肅督標及靜寧靖

遠之兵二千名陸續撤回只帶直隸官兵及現存

之吉林索倫馬兵前赴開州一帶巡查彈壓至山

東奏報之宋玉林陳美玉二犯現於存單內查照

開除餘仍上緊嚴緝謹

那彥成懇請河南東岳縣署奏議卷三十一

奏奉

硃批所辦俱屬妥協

嘉慶十九年正月初九日

奏為敬陳感激下忱恭謝

天恩事竊臣前蒙

恩賞當經繕摺叩謝茲本月初二日差弁回營奉到

硃批此次特命汝來督辦幸成偉績仰荷

天恩垂佑內外淨盡汝實不負汝祖顏而深堪嘉許善後

事宜益須加勉毋忽欽此臣跪讀之下感激悚惶莫可

言狀伏念臣世受

國恩自幼卽蒙

參養年輕識淺未曾閱歷此次逆匪詭謀猖獗凡為臣

子者無不切齒痛心竊以我

朝

聖

聖相承愛民勤政宵旰憂勞實為從古所未有而百姓之

受

恩被德在我

朝尤為獨厚乃有此等梟獍亂民敢於潛謀敢於悖逆

天理天心亦必速其亡滅惟臣以庸愚未練之才

那文毅公總統河南書院事務奏議 卷三十一

適逢

聖明在上

睿謀獨斷

特命督師

天地成全之德已寓教誨之中是此次仰仗

天威內外諸臣倘得欽承

指授無不可以成事而臣適蒙

恩命實為幸而又幸况受

命以來兢兢業業無事不秉承

廟算無時不上履

聖懷每蒙

指示機宜均在臣等見及十餘日之前臣自問無能萬不

敢及臣祖阿桂惟此一點血誠誓圖殺賊自効幸

而蕪事皆仗

皇上福威將士用命仰荷

恩施逾格

懋賞頒頒臣受

寵若鶩已不勝感悚之至猶蒙我

皇上垂念臣祖以臣無負顏面雖

恩諭獎勵臣自問多慚愈不敢稍有自滿現將善後事宜

那文毅公總統河南書院事務奏議 卷三十一

小心籌辦務期長治久安慎之又慎斷不敢草率

完結致廢前功辜負

恩命嗣後辦理公事益當加謹加勉凜遵

聖訓殫竭愚忱刻刻以臣祖居心行事為勛或無忝所生

庶幾少報涓埃藉以仰對

君父再同日差弁贊捧

恩賜福字鹿肉到營臣望

闕叩頭敬謹祇頌

錫福自

天施祿及下凡此

賞賚之類仍尤屬吉祥之盛事惟祝

泰階昌運綏萬邦而履豐年寰宇臣民同聲歡慶謹

奏奉

硃批覽

那文毅公總統河南山東直隸軍務奏議

卷三十一

聖

那文毅公總統河南山東直隸軍務奏議卷三十一

那文毅公總統河南山東直隸軍務奏議卷三十二目錄

卷三十二

飭緝逆黨

那文毅公總統河南山東直隸軍務奏議

目錄

那文毅公總統河南山東直隸軍務奏議卷三十二

男 容安恭輯

飭緝逆黨

嘉慶十八年九月十九日軍機大臣字寄奉

上諭現在拏獲突入禁城滋事之犯究訊教首林清係八卦舊教今改名天理教散布各處有兌卦教頭目王忠順現在潼關等語除已降旨令朱勳查拏外那彥成過陝時路經潼關彼時如該犯尙未就獲並著在彼督拏務獲毋任他竄勾結如業已就獲卽迅速前赴河南軍營接辦勦捕可也

那文毅公總統河南山東直隸軍務奏議

卷三十二

嘉慶十八年九月二十八日

奏二十七日未刻 於安定途次接奉

上諭現在禁城拏獲匪犯究出兌卦教頭目王忠順現在

潼關

令 路經該處在彼督拏務獲欽此 復奉

諭旨因三省軍務緊急

令卽星夜馳抵軍營 已一面密差躡緝約三四日內卽

可過陝當面告知護撫 朱勳嚴密查拏 仍兼程

前進不敢少有遲緩謹

奏奉

硃批覽

謹按嘉慶十八年十月十三日

奏查河南之紅鬍子卽是地方匪類尋常爭鬪凶頑實係有之亦並無不法之心但此輩附近賊匪自必入夥今相隔尙遠似不能獨起滋事 仍一面飭諭地方嚴查隨時留心辦理一面仍專人密訪稽查總之大兵全到一二仗內可以集事則各項匪徒不敢自靖謹

奏

謹按嘉慶十八年十一月初八日會同參贊大

那文毅公總統河南山東直隸軍務奏議

卷三十二

臣熱河都統高公杞固原提督楊公遇春奏內

奏 臣 奉

上諭收復滑城之後大兵須次第分撤查明該處有無成

股賊夥慎密辦理一節仰見

睿畫周詳無微不至 等查近滑城之桃源留固集八里

營等處賊匪夥黨已經官兵鄉勇次第殲除惟探

聞附近濬縣之白茅莊等處尙有餘匪業已分撥

兵勇馳往勦拏仍探明此外如有成股及零星賊

夥亦卽派撥兵勇趕緊圍捕務期掃盡邪氛不留

遺孽指日克復滑城大功告竣更當次第撤兵以

昭慎密仰副我

皇上諄諄誥誡至意所有遵

旨查辦各緣由謹會同恭摺覆

奏

謹按嘉慶十八年十一月初三日廷寄內奉

上諭其在京滋事之要犯祝現劉第五劉呈祥董博望克
城時亦於活賊內嚴追如有捕獲者全行解京以便歸
案訊辦盡法懲治彼時押解大員仍遵旨酌派長慶積
德廣厚及慶祥等率領侍衛將領等嚴密押送勿稍疎
虞倘此等著名賊目經官兵臨陣殲斃亦必須詳細辨

那文毅公總統河南直隸軍務奏議

卷三十一

認毫無疑義一面戮屍梟示據實奏聞此四犯關係緊
要若爾等率據將士等稟報含混入奏將來該逆犯又
於他處拏獲則那彥成高杞楊遇春三人均不能逃罪
勉之慎之

謹按嘉慶十八年十一月十一日廷寄內奉

上諭節次指名查拏賊目現在劉第五一犯昨已據章煦
奏報在變城縣拏獲此外未獲各犯那彥成等務當於
克城之日飭令將弁等按名拏獲詳悉辨認一切遵照
前旨分別辦理并當於獲犯內詳加研訊究竟各處有
無伏匿之賊及京城附近地方有無奸徒約會滋事

謹按嘉慶十八年十一月二十一日廷寄內奉
上諭前此飭拏之在京滋事要犯內劉第五一名據章煦
奏報拏獲是以降旨飭令停緝今審訊年貌不符並非
正犯所有劉第五一名仍著那彥成於克城之日認真
查拏

謹按嘉慶十九年正月初四日廷寄內奉

上諭所有單內未獲各賊斷不可任其一名漏網即如祝
現劉呈祥劉第五董博旺支進財五犯日久未獲昨訊
據牛亮臣等犯供詞當大兵圍攻滑城之時該逆等原
未敢逃往今大兵已撤該一帶本係伊等往來勾結之

那文毅公總統河南直隸軍務奏議

卷三十一

所安知不又潛跡伏匿務須嚴飭地方文武各官加意
躡緝勿稍疎懈

謹按嘉慶十八年十二月二十五日廷寄內奉

上諭另單內簽出董博旺一犯已經徐錕報獲之處本日
據托津奏稱在彼時曾將此犯審訊尚不確實那彥成
仍當一體飭緝為要

謹按嘉慶十九年正月初五日奏內

奏查董博旺即董博望一犯正定鎮徐錕所護既非正
賊另再查明嚴緝

謹按嘉慶十八年十一月初一日廷寄內奉

上諭再本日據衡齡奏稱代州地方官盤獲賣字人孫國柱一名在該犯身邊搜獲大順通寶錢一枚訊係聽從教頭周泳泰入天理教令其赴山西口外探聽路徑並據供稱本年九月初三日該犯在正定遇見周泳泰並同教之大名府人高泳魁杜文禮張如九歸德府人王喜增吳士魁杜起恒同在一處周泳泰告知要到彰德府東門外約會聚人令該犯於十月二十邊趕到彰德府回話該犯身穿兜肚內所帶大順通寶錢一枚係周泳泰給為記號將來偽號大順等語彰德地方距滑縣甚近該犯周泳泰既有在彼約人之事此時或投入夥

那文毅總統河南軍務奏議

卷三十一

黨或尚在彰德等處潛匿均未可定已有旨諭知方受疇派員密拏著那彥成亦留心訪查於獲犯內嚴訊有無周泳泰在內或有知其下落者即密速擒捕就獲後訊供迅速奏聞再彰德一帶既有賊匪黨與指日收復滑城大兵須次第分撤查明該處有無成股賊夥慎密辦理

謹按嘉慶十八年十一月初八日奏內

奏奉

上諭代州盤獲孫國柱一名據稱教頭周泳泰要到彰德府東門外聚人彰德距滑縣甚近著留心查訪於獲犯

內嚴訊下落一節臣等亦即一併查訪根由另行具奏

謹按嘉慶十八年十一月二十日奏內

奏查周泳泰一犯已密劄原籍之安徽泗州嚴行查緝一面另行派員由彰德至正定一帶確查具報奉
硃批覽

嘉慶十八年十一月初二日奉

上諭昨據山海關副都統額勒金布奏稱盤獲長垣縣人李得水解京審訊現據該犯供稱年五十歲在長垣縣李家寨居住離城三十五里本年四月初十日有河南

那文毅總統河南軍務奏議

卷三十一

太康縣賊目趙得隴趙得鳳徐茂恭率領二百多人來村搶掠聚至三千餘人九月初七日大頭目趙得隴二頭目趙得鳳三頭目徐茂恭帶領入長垣縣城搶庫劫獄把囚都放走又把知縣家屬殺害彼時知縣在東門外東關堂兒也被趙得隴殺死初十日官兵同趙得隴們打了一仗殺傷了有一千餘人官兵傷了二三百人當日趙得隴趙得鳳徐茂恭帶着他們的人還有裏習的二三十個人先後逃至黃河邊見水過去到太康縣陳家莊趙得隴趙得鳳家中住了三天別人都四散逃了趙得隴等因相聚五六個月因我老實差我並張大

小子張二小子劉榮翟海狗王魁元王二元分往各處
送信糾人於臘月初二日進京造反我由鐵嶺縣送信
回來走到冷口就被盤獲趙得隴外號白大將軍河南
太康縣陳家莊人年三十五歲病黃色臉無麻八字鬚
趙得鳳亦係陳家莊人年三十歲身中白麻面無鬚徐
茂恭亦係太康縣城內人約年三十多歲黑圓臉八字
鬚無麻等語直隸長垣地方自四月間即有河南太康
縣匪徒趙得隴等糾眾三千餘人肆行焚掠半年之久
何以未據直隸奏報著托津那彥成將此事詳細確查
如果屬實該縣諱匿不報查明係何員任內之事若係

那文毅公總督河南山東蘇省奏議

卷三十一

知縣趙綸任內之事即將該故員應得卹典概予停止
如係別員任內即將知縣查明革職鎖拏訊明嚴辦該
管總督藩臬毫無知覺亦據實嚴參如知縣業經稟報
而上司匿不查辦著查明該縣申報係何衙門即將原
稟批詞呈覽若上司係溫承惠素納慶格即傳旨革職
拏問無稍徇隱自罹欺君重罪再該犯趙得隴等在長
垣滋事之後現在或仍潛匿太康或已投入滑縣賊夥
均未可定著托津那彥成於勘賊時向俘獲活賊嚴切
訊究無令漏網如於賊營拏獲即訊錄確供由五百里
具奏

謹按嘉慶十八年十一月初六日廷寄內奉

上諭再據山海關盤獲匪犯李得水供出河南太康縣有
賊目趙得隴趙得鳳徐茂恭三名由太康縣陳家莊原
籍遣人四出糾約該犯等現往遂平縣小鐵梁地方等
候回信遂平在太康縣之西相距二三百里趙得隴等
三人於山坡築屋數間常在彼密商謀逆情事已降旨
飭令方受疇遴派委員前往密拏該督此時攻圍滑城
計日可克著先揀派精細明幹員弁改裝易服前往太
康遂平密行偵探趙得隴等三人踪跡如向在本地潛
伏則方受疇即能設法掩捕倘該匪等糾約黨夥已多
竟有蠢動情形著該督於收復滑城後彼時河北賊匪
業已辦竣即帶領勁兵前赴河南就近勦辦毋稍遲疑
致令蔓延又滋後患

嘉慶十八年十一月十一日

奏 臣 那彥成前奉

上諭以山海關副都統額勒金布具奏盤獲長垣縣人李
得水供稱本年四月有河南太康縣賊目趙得隴趙得
鳳徐茂恭率領多人來村搶掠聚至三千餘人九月初
七日入城搶庫劫獄把知縣殺死家屬殺害官兵打仗
殺賊一千餘人趙得隴等逃到太康陳家莊等語長垣

那文毅公總督河南山東蘇省奏議

卷三十一

地方自四月間卽有河南太康縣匪徒糾眾焚掠半年之久何以未據直隸奏報著托津那彥成詳細確查欽此查溫承惠現在軍營臣當卽詳細面詢據稱本年四月間實無趙得隴等在長垣糾眾焚掠之事亦無地方官稟報臣誠恐溫承惠飾詞迴護而臣行營並無隨帶直隸總督衙門檔案無從檢對當卽飛移章煦覆稱細查本年四月以後並無長垣縣稟報太康匪徒聚眾焚掠之案面詢臬司道府咸稱毫無影響至長垣縣知縣趙綸於九月初六日出城赴葦園村查拏教匪被戕並非在署被殺

那文毅公總辦河南直隸軍務奏議 卷三十一

縣城及倉庫監獄同知縣家屬現在並未賊劫取殺害等語是李得水所供全屬子虛毫不足信臣惟當遵旨於俘獲活賊內留心訊究該犯趙得隴等現在踪跡嚴拏究辦謹

奏奉

硃批長垣一節全係謠言趙得隴三犯必須嚴緝

嘉慶十八年十一月十一日

奏奉

上諭以山海關獲犯李得水供出太康賊目趙得隴等道

人四出糾約在遂平縣小鐵梁候信已飭方受疇派員密拏著臣那彥成先派員弁前赴太康遂平偵探踪跡欽此臣現已密派精明幹之員弁改裝易服馳往偵探俟得有確信卽行

奏

聞謹

奏

謹按嘉慶十八年十一月十一日廷寄內奉上諭前山海關獲犯李得水供稱曾赴盛京開原鐵嶺一帶糾人本日又有獲犯邢幅安供稱前赴關東水泉子三家子送信或係滑縣逆匪間有調發東三省官兵之信心懷畏懼故遣人四出播散謠言以爲關東現有賊夥約日起事希冀將東三省官兵停止前往亦未可定著那彥成等於獲犯時並研訊賊目中有無分道夥黨赴京造言緩兵之計如訊有確供亦迅速奏聞提質李得水以辨虛實

謹按嘉慶十八年十一月二十日奏內

奏奉

飭發各處潛匿賊目名單查趙得隴趙得鳳徐茂恭等三犯先經密委幹員於太康之陳家莊一帶細加確

訪茲據委員查覆並無踪跡又據陳州府稟稱該府周歷四鄉弔查戶口影響全無等情惟派往遂平之委員尙未稟覆 臣仍密飭確查一面飛催衡齡於山西之潞城小鐵梁趕緊查拏飛報謹

奏

嘉慶十八年十一月二十一日

奏奉

旨飭查各處潛匿賊目內趙得隴趙得鳳徐茂恭三犯據委赴遂平縣之守備黨德用覆稱在於遂平四境之渣呀山玉山土山鳳凰山等處週歷查訪並無

那毅公總統河南軍務奏議

卷三十二

七

小鐵梁地名亦無該犯等姓名踪跡實屬影響全無等情是山海關獲犯所供似不足信查衡齡已經奏明惟山西潞城縣有小鐵梁地名 臣先已飛移查拏具報現復移催趕緊偵緝務獲究辦謹

奏奉

硃批甚是

謹按嘉慶十八年十一月三十日奏內

奏二十四日先奉

上諭劉桐明帶領夥賊西竄有呂均台王學義羅桐旺王金斗朱克俊等同行欽此 臣等查朱克俊即係朱老秀

營中節次獲賊僉供無異今已在司寨殲斃外又據現獲賊目中文顯供稱呂均台羅桐旺二犯均係劉桐明手下兌卦頭目各管四五百人俱於十九日在白土崗中鎗身死王金斗一犯係王修治手下巽卦頭目管三百人於十九日中箭身死并據現獲賊首秦理供稱王學義亦於司寨燒斃等情所有奉

旨飭獲各犯現據賊供查核確實共已殲斃八名同此外

未著名而殲獲及未經殲獲者一併開單恭呈

御覽並繕賊首秦理供單另封進

那毅公總統河南軍務奏議

卷三十二

七

呈

據秦理即秦學曾供年三十三歲潞縣人並無父母兄弟妻子曾充本縣皂役我自祖父以來就習

白蓮教後改名八卦教嘉慶七年滑縣庫書牛亮

縣城內 臣因欠公項逃走出外到十四年就帶林清來滑

縣傳教林清說他前身是劉奉天為先天教主今

世為後天教主是八卦總教頭又是陰卦主并說

滑縣人馮克善是陽卦主山東濟寧州人王祥是

武卦主又說滑縣人李文成即李四木匠是真主

係明朝李自成轉世又是文卦主偽天王子克敬

硃

硃

為地王馮學禮為人王他三人都管着八卦卦

又另有一王離卦王是王道濬民卦王是劉宗順

震卦王是宋克俊即宋老秀乾卦王是壽光德坤

卦王是為相林巽卦王是王修治兌卦王是劉幅

明坎卦王先是尹老德死後是他兒尹振眾人都

稱林清為聖人每年斂有銀錢交李文成收取或

着李文成義子劉成章或着宋元成即宋老占或

着我陸續送交林清家內也有林清親自來取的

今年七月間李文成着我同劉成章送銀五百兩

到京南宋家莊林清家內林清住的是劉呈祥的

房子林清外甥董桐泰還有鑲藍旗人陳第老的

兒子陳文魁都是林清義子我在林清家曾經見

過又有太監劉金劉得才王福祿高貴都與林清

來磕過頭並送過林清車輛銀兩還聽說劉成章

要到刑部監內找監犯焦成方因刑部門上阻擋

未曾進去的話林清約定九月十五日大家起手

鬧事叫我同劉成章於七月裡先回來告知李文

成林清也隨後來到滑縣見過李文成就同馮克

善往山東繞道回京去了不料我們教內人因打

造軍器被滑縣老岸司劉巡檢查出告知強知縣

知縣九月初三日將李文成拏去審問用過夾棍

又打了六七百棒李文成供認白蓮教造反屬實

劉成章那時就先逃走了至今不知下落同教宋

元成即宋老占商同李文成外甥徐老四徐老五

徐老八等於初七日早入城殺官劫獄救出李文

成就佔了滑縣並道口兩處尊李文成為王封牛

亮臣為宰相宋元成為總元帥我為提調兵馬總

先鋒八卦主都為官王每官又有卦伯記不清名

字各在桃源四間房東湖南湖留固集八里營王

家道口潘章等村莊裏人充頭陣陸續聚會記不

清多少人數滑縣鬧事後有山東人朱黃即朱娃

同兄朱成方帶了多少人來投李文成入夥李文

成得了滑縣後原想攻破濬縣因官兵把守嚴緊

不能打破後被官兵破了道口來圍滑縣李文成

帶同眾人往桃源宋克俊窩屯商議救護滑縣城

不料又被官兵把桃源留固一帶窩屯盡行打散

宋克俊劉幅明們又陸續收聚一千數百人保着

李文成往長垣封邱延津陽武一帶擄掠奔跑李

文成兩腿俱受刑傷不能騎馬係坐大車沿路有

同教的人就跟着走又裏脅百姓連同教共有三

四千人原想直奔太行山屯聚再來接應滑縣不料前有官兵攔住就折向輝縣到了山口李文成就棄了車輛用鐵籠抬著進十八盤山到林縣臨淇鎮焚搶聞得前有官兵退回司寨把守又被官兵從北面追至山內十九日在白土岡打仗死了二千多人頭目戰手殺死甚多止剩八百多人保着李文成躲入司寨堡內被官兵圍住攻打二十日寨子破了四面火起李文成躲入民房樓上官兵擁入李文成見無生路就叫眾人一同放火眾頭目王學義王學成宋克俊李相韓義書徐老四

那文毅公總統河南山東直隸軍務奏議 卷三十一 五

徐老五徐老八楊文治同牛亮臣之子牛文成王修治馮學禮朱成方們連朱英卽朱娃一併燒殺在內我同頭目申文顯劉桐太韓得衆衛陽們從內逃出被官兵擒住頭目呂均台羅旺王金斗都在外殺斃武卦主王祥是四月間早病死在滑縣城內地王子克敬早在濬縣山上打仗被官兵殺斃現在滑縣城內只有牛亮臣徐安桐宋元成三個大頭目其餘的都不能管事李文成並無兒子只有一妻不知何氏有一女年約十四五歲一個姪兒年僅十一二歲都在城內並未帶出同逃至

御覽
現在京城內外尚有何人伏着我實不知道其餘蒙查問各處的人我也不知他們踪跡不敢混供我們這教內的人信林清並李文成的話如今為頭的二人已死這教也就散了所供是實
謹將節次殲斃及擒獲賊首姓名開具清單恭呈

李文成

逆首偽稱天王已在輝縣司寨殲斃

于克敬

偽稱地王早在濬縣浮邱山上殲斃

馮學禮

偽稱人王已在輝縣司寨焚斃

王祥

偽稱武卦主已於四月間在滑縣城內病斃

劉桐明

偽封兌宮王已在輝縣司寨殲斃

宋克俊卽宋老秀

偽封震宮王已在輝縣司寨焚斃

王修治

偽封巽宮王已在輝縣司寨殲斃

那文毅公總統河南山東直隸軍務奏議 卷三十一 六

呂均台

偽封坤宮伯已在輝縣白土岡殲斃

王學義

偽封兌宮伯已在輝縣司寨焚斃

王金斗

偽封巽宮伯已在輝縣白土岡殲斃

羅囑旺

偽封乾宮伯已在輝縣白土岡殲斃

劉二當家

偽封坤宮伯不知名字託係劉囑明之弟已

那文毅公總統河南東嶽籌辦

卷三十一

十七

在陽武縣延州集殲斃

魏合中

偽封坎宮伯已在道口擒獲正法

韓義書

偽封離宮伯已在輝縣司寨焚斃

張法宗

偽封震宮伯已在濬縣白茅莊擒獲正法

史泳回

偽封乾宮伯已在滑縣八里營擒獲正法

楊文治

偽封離宮伯已在輝縣司寨殲斃

申文顯

偽封兌宮伯已在輝縣司寨擒獲正法

余士林

偽封元帥已在滑縣桃源擒獲正法

單應乾

偽封元帥已在濬縣後寨擒獲正法

王法祥

偽封先鋒已在滑縣南湖擒獲正法

韓得眾

偽封總兵已在輝縣司寨擒獲正法

李相

係頭目已在輝縣司寨殲斃

朱成方

係頭目已在輝縣司寨焚斃

張有德

係頭目已在滑縣南門外擒獲正法

周鼎新

係頭目已在滑縣丁樂集擒獲正法

馬魁

那文毅公總統河南東嶽籌辦

卷三十二

十八

係頭目已在滑縣丁樂集殲斃

周三年

係頭目已在滑縣道口擒獲正法

史國賢

係頭目已在滑縣道口擒獲正法

魏升文

係頭目已在滑縣道口殲斃

魏惲亮

係頭目已在滑縣道口殲斃

單六

那文毅公總統河南山東直隸義勇軍

卷三十一

五

係頭目已在滑縣道口焚斃

郭應魁

係頭目已在滑縣中市所殲斃

王宗湯

係頭目已在滑縣中市所擒獲正法

張循志

係頭目已在滑縣中市所擒獲正法

張二奇

係頭目已在滑縣墨子村擒獲正法

焦向中

係頭目已在滑縣墨子村殲斃

宋張氏

係頭目已在滑縣留固集擒獲正法

陳咬金即陳大嘴

係頭目已在滑縣八里營擒獲正法

張文

係頭目已在滑縣八里營擒獲正法

張裴書

係頭目已在滑縣道口焚斃

劉珍

那文毅公總統河南山東直隸義勇軍

卷三十一

五

係頭目已在陽武縣延州集殲斃

趙美林

係頭目已在滑縣桃源擒獲正法

謝繼有

係頭目已在滑縣中市所殲斃

牛添柱

係頭目已在滑縣道口擒獲正法

翟布停

係頭目已在滑縣新渡殲斃

朱子貴

係頭目已在滑縣北門外殲斃

張會元

係頭目已在滑縣曹起營擒獲正法

劉成

係頭目已在滑縣道口擒獲正法

謝玉太

係頭目已在滑縣道口擒獲正法

衛揚

係頭目已在輝縣司寨擒獲正法

劉致公

那文毅公總統河南軍機事務奏議

卷三十二

三

係頭目已在滑縣道口擒獲正法

余長松

係頭目已在滑縣留固集擒獲正法

范二毛

係頭目已在滑縣八里營擒獲正法

崔熊文

係頭目已在滑縣桃源擒獲正法

曲朝牛

係頭目已在滑縣道口焚斃

景習誠

係頭目已在滑縣中市所擒獲正法

劉計唐

係頭目已在滑縣道口殲斃

史壽妮

係頭目已在滑縣聶渡淹斃

劉二馬羣

係頭目已在滑縣聶渡淹斃

單喜妮

係頭目已在滑縣道口殲斃

于桐青

那文毅公總統河南軍機事務奏議

卷三十二

三

係頭目已在滑縣道口殲斃

靳有得

係頭目已在滑縣道口焚斃

黃桐保

係頭目已在滑縣道口焚斃

何五云

係頭目已在滑縣北門外殲斃

左桐山

係頭目已在滑縣道口擒獲正法

丁兆奉

係頭目已在濬縣道口擒獲正法

盧春妮

係頭目已在濬縣白茅莊擒獲正法

王小眼

係頭目已在滑縣中市所殲斃

朱基祿

係頭目已在滑縣中市所擒獲正法

史作柱

係頭目已在濬縣壽渡擒獲正法

劉欄太

那文毅公總統河南軍務奏議

卷三十一

五

係頭目已在輝縣司寨擒獲正法

王學成

係頭目即王學義之弟已在輝縣司寨焚斃

黃興相

係頭目已在濬縣道口焚斃

徐老四

徐老五

徐老八

俱係李文成之甥已在輝縣司寨焚斃

牛文成

係牛亮臣之子已在輝縣司寨焚斃

朱英即朱娃

係朱成方之弟已在輝縣司寨焚斃

宋林梅

係宋元成之子已在輝縣司寨擒獲正法

秦理即秦學曾

偽封總先鋒已在輝縣司寨擒獲候訊

未經擒獲著名各犯

牛亮臣

徐安欄

宋元成即朱老占

壽光德

那文毅公總統河南軍務奏議

卷三十一

五

馮相林

劉宗順

王道濬

尹振

以上八名訊據犯供現在滑縣城內

祝顯即祝現

劉第五

劉呈祥

董博望

劉成章

王忠順

王進道

黃興宰

余 七卽余第七

趙得隴

趙得鳳

徐茂恭

王倫

趙得一

以上十四名現在緝拏

那文毅公總統河南軍務奏議

卷三十二

五

嘉慶十八年十二月初五日

奏前據山海關獲犯李得水供出之趙得隴趙得鳳徐

茂恭等三犯奉

旨查拏當經臣委員密訪太康遂平二處並無小鐵梁地

名亦無該犯等踪跡惟查衡齡前奏山西潞城縣

有小鐵梁地方臣已移催衡齡飛速查拏一面覆

奏奉

硃批甚是欽此茲於司寨拏獲賊首秦理所供教匪傳教

及起事情節較爲詳細因思秦理熟悉賊中情形

或趙得隴等犯踪跡亦所知悉現復訊據供稱趙

得隴卽趙福趙得鳳卽趙祿實是直隸長垣縣人

並非河南太康縣人手下有張大小子張二小子

於九月初十前帶人來投李文成入夥曾說在長

垣縣鄉莊戍害知縣之事後來趙得隴在滑縣北

門打仗被官兵殺死趙得鳳張大小子張二小子

三人同李文成逃到輝縣司寨趙得鳳在寨內燒

死張大小子張二小子都在寨外殺死却不知徐

茂恭又是何人現在何處等供臣查奉

旨飭拏之趙得隴前據李得水在京供出係河南太康縣

陳家莊人今秦理供稱該犯等係直隸長垣縣人

那文毅公總統河南軍務奏議

卷三十二

五

已屬不符且稱趙得隴趙得鳳另有趙福趙祿之

名亦難憑信現在司寨賊屍枕藉相距十餘日之

久亦難檢出屍身令秦理再行辨認惟所供之張

大小子張二小子係趙得隴等手下賊夥則與李

得水在京供指無異似又可信臣仍當留心訪查

不敢疎懈謹

奏奉

硃批刑部知道

嘉慶十八年十二月初五日軍機大臣字寄奉

上諭衡齡奏於陵川地方捕獲司寨竄匪牛世旺據供於

十一月間在封邱途遇馮克善之兄馮老六當經派同李文成妻弟趙得隴偽號白大將軍竄至司寨趙得隴白巾白袍在寨外被官兵放鎗擊斃請以趙得鳳徐茂恭下落據供頭目內有徐姓不記名字另有小徐當家年十八九是徐安囑之子至趙得鳳並未見過等語李文成之妻係屬何氏是否實係趙姓有弟名賴得隴者那彥成於獲犯內詳查具奏趙得隴一犯既有其人則趙得鳳徐茂恭二犯諒亦必有著於攻克滑城時留心查驗

謹按嘉慶十八年十二月初五日廷寄內奉

那彥成總辦南東糧務奏議 卷三十一 一 主

上諭再據董囑太供出有安懷普一犯係滑縣人郭名如一犯係濬縣人皆李文成手下頭目去年秋間曾至林清家中那彥成所開賊目單內查無其人並著一體留心查緝毋任漏網

嘉慶十八年十二月初九日

奏為遵

旨覆奏事本月初八日欽奉

上諭以衛齡獲犯牛世旺供出趙得隴在司寨被官兵鎗斃等情 查前據獲犯秦理供稱趙得隴在滑縣北門外打仗被官兵殺斃趙得鳳在司寨燒斃張大小

子張二小子在司寨殺斃並不知有徐茂恭其人等供業經奏

聞在案今牛世旺所供趙得隴係在司寨鎗斃地有不同似該犯兄弟二人均已斃斃又查趙得隴並無偽號白大將軍之說若以該犯白巾白袍而言則教匪中之穿戴白色者不知凡幾自係牛世旺附會游供又徐茂恭一犯及在城之徐安囑有無幼子號小徐當家者查訪均無踪跡其李文成之妻係屬張氏 早經查明是趙得隴趙得鳳並非李文成之妻弟所有徐茂恭一犯同滑縣人安懷普濬

那彥成總辦南東糧務奏議 卷三十一 一 主

縣人郭名如均即遵

旨嚴行查緝不敢疎懈謹

奏奉

硃批覽

嘉慶十八年十二月十七日

奏 臣 等欽奉

上諭飭拏董囑太在京供出之安懷普郭名如二犯查該二犯已於克城之日均經官兵斃斃謹

奏

謹按嘉慶十八年十二月二十一日奏內

奏查額勒金布具奏拏獲葛洪才供出王見思送信糾

人從海道至東昌高唐會齊進京滋事一節臣思

山海關前此盤獲之李得亦邢欄安二犯在京節

次供詞多有不實已蒙

聖明燭鑒今所供由船廠而至山東航海謀逆船隻破火

平民製辦豈易能為且所供東昌等處去海道亦

太遠遠揆其情事殊不可深信然無論其有無總

亦斷不敢稍存大意除委員馳往東昌一帶密探

外并飛札同興囑其於沿海口岸加謹巡防隨時

知會又查訊賊匪一節臣等先因投出難民婦女

那文毅公總督密奏軍務奏議 卷三十一 表

居多間有二三千男子恐有正賊及賊犯家屬混

迹是以選派幹員三十餘人晝夜審訊逐加辨認

內究出正賊實有四百餘人并賊犯家屬亦有七

八十人在內業已分別辦理惟難民人數太多或

有裹脅餘犯假冒脫逃誠如

聖訓亦不過幸免伏法至著名兇悍之賊盡人共知實無

一名漏網業經開具已獲未獲名單恭呈

御覽此外再無緊要頭目至難民投出之時及續行出城

者鋒鏑所加實難免不分玉石臣等旋即分別男

女設廠安頓派委員弁看守逐一查訊如有家屬

親友認識者准子保回是以被難民人無不感激

皇恩涕零如雨其城內搜捕餘匪除奏明擒獲五百餘人

外連日又搜出三百三十一名均係無名賊匪多

在地窖之中搜出亦即審明正法並無難民在內

足以仰慰

聖主痾瘵在抱區別良莠至意臣等兩奉

諭旨嗣後於獲犯訊供惟有慎之又慎不敢縱脫要犯尤

不敢戮及平民總當凜遵

指示倍加詳細推鞠臣蒙

恩總統軍務兩月以來秉承

那文毅公總督密奏軍務奏議 卷三十二 幸

聖訓殫竭愚忱幸而集事一切更不敢憚煩草率仰負

聖主委任之重至賊首除偽稱三王八卦王外其餘偽卦

伯者不一而足即如馮克善在京所供八卦伯僅

止六十四人而臣等節次殲獲及直隸山東殲獲

所稱某宮伯者不止三百名情節又不相同且滑

城內外賊屍狼籍焦爛似此無從辨認者亦復不

可勝數臣前此開單所奏如已殲擒之李冬狗張

大小子張二小子邢二瞎子之類皆不列入單內

亦以此等無名賊夥開不勝開之故八宮伯亦係

小賊並非著名應請無庸再行開單以免重複臣

等現仍駐兵滑縣嚴行彈壓一面將善後事宜悉心妥辦以圖久安長治之計萬不敢稍有率急其大名鄆城東昌德州景州故城一帶另再次第巡查一律辦理謹

奏

謹按嘉慶十八年十二月二十五日廷寄內奉

上諭又據那彥成覆奏查拏逸犯一摺山海關節次盤獲各犯初供甚為驚駭及研訊大半子虛所有前此李得水邢桐安及葛洪才等供出應拏之犯殊難信其必有那彥成等惟當飭令地方官通行訪緝無俾株連至所

那彥成等惟當飭令地方官通行訪緝無俾株連至所

卷三十二

三

奏滅除賊目甚多如八官伯之類素非著名無庸再行開單等語賊匪既有偽封自係有名賊目若不逐一詳查目前既恐漏網日久有慮滋蔓那彥成仍當遵照前旨確實查明分別已獲未獲已殲未殲據實查奏以憑核對其已獲已殲者即可諭令各省停緝其未獲未殲者亦可指名嚴拏

謹按嘉慶十八年十一月二十日奏內

奏王倫一犯據獲犯邢桐安所供住居離滑縣二百餘

里西山內查滑縣西界並無管轄至二百餘里之

寬濶所供西山或即指太行山而言已令衛輝府

知府郎錦騏委員確訪并於獲犯內研訊此外各處有無伏匿之賊京城附近有無奸徒約會滋事及賊目中有無遣夥赴京造言緩兵之計另行分別具

奏

謹按嘉慶十八年十一月二十四日廷寄內奉

上諭至前經降旨飭拏之王倫一犯前據那彥成等奏稱已派衛輝府郎錦騏就近訪拏著那彥成再添派幹員前往躡緝如有聚眾抗拒情形再行派兵勦捕毋稍疎忽

那彥成等惟當飭令地方官通行訪緝無俾株連至所

卷三十二

三

嘉慶十八年十二月初九日

奏奉

旨飭拏王倫一犯經先後將飭令衛輝府及另派委員等嚴密訪查覆奏在案嗣准方受疇恭錄

上諭移咨內稱山海關獲犯邢桐安供出滑縣人邢二瞎

子邢不賢邢三黑子邢歪脖子及程進水李冬狗

牛老安等各犯均係王倫夥黨等情當即一併

委員查拏茲查出程進水一名係滑縣小梧莊人

因伊父程百祥聽信同莊于鳳山傳習真空家鄉

無生父母八字歌訣程進水知為邪教不肯依從

九月間于鳳山帶賊到莊將程百祥同程進水及伊弟程進德程進秀裹脅入夥同李冬狗一處並未打仗伊父程百祥旋即病斃程進水不甘從賊暗與伊弟及被脅之蔣倍川胡太會及族弟程進嶺等商議殺賊投官十月十九日知縣孟卮瞻帶領鄉勇至丁樂集劄營剿賊程進水乘夜投出求作內應孟卮瞻許以如能殺賊不但免死且可立功程進水回至莊內將賊衆烏鎗二十餘桿先行藏匿一面放火一面將于鳳山用刀砍斃李冬狗上前救護亦被程進嶺殺斃孟卮瞻率領鄉勇進

那文毅公總統河南軍機事務奏議

卷三十二

三

莊攻打將賊勦散遂留程進水隨營充當鄉勇後於留固集八里營等處勦賊俱充頭陣孟卮瞻具稟 欽遵前奉

諭旨棄械投出者應免死罪該犯程進水被裹入夥不甘從逆且能殺賊應官隨同鄉勇屢次充當頭陣尙屬向義出力且並非頭目緊要之人此時隨營鄉勇卽有數千若將出力之人再究前罪與前奉諭旨相違而人數衆多亦有關係可否將該犯程進水免其究辦之處伏懇

皇上施恩 仍時時留心不敢少有疎忽至案內李冬狗

一名已經殺斃其餘邢二瞎子邢不賢邢三黑子邢歪脖子牛老安等據程進水供稱均不認識卽邢幗安亦不相認詰以首犯王倫姓名踪跡更屬茫然查現據揮縣稟報緝獲王倫一犯訊係原名王倫後因山東賊匪王倫作亂改名王成查身材年歲相符住址互異係一樸實農民等情已經方受疇提省審辦恐有不實 仍當督飭衛輝府縣及委員等另再切實訪查務期首夥盡獲俾無縱漏又山東之朱成貴一犯前准同興移咨係逃往滑縣惟遍訊獲犯並無知者是以 前呈奏理供

那文毅公總統河南軍機事務奏議

卷三十二

三

奏

單內未經開入謹

謹按嘉慶十八年十二月十二日廷寄內奉

上諭那彥成另片覆奏查緝各犯內程進水一名被裹陷入賊巢既經殺賊投出復屢次充當頭陣應免其究辦如再有殺賊立功之處卽拔補營弁均無不可

謹按嘉慶十八年十二月十一日廷寄內奉

上諭其邢二瞎子一犯係王倫傳教徒弟並著飭緝務獲該督等於獲犯後隔別研訊確供速奏以便將現獲各案犯次第問擬完結以靖訛言

謹按嘉慶十八年十二月十七日奏內

奏查刑二瞎子一犯現亦擊獲據供名邢紀元有邢歪

脖子名邢單貴同邢不賢邢三黑子俱是族人一

同習異卦教卦頭是王修治曾到過我家念經與

王倫並不認識並無來京念經之事族中亦無邢

咽安名字我在城時聽說邢歪脖子邢不賢邢三

黑子三人都被官兵殺死十三日我被官兵查獲

因憐我瞽目饒了性命帶領出城此外別人我並

不認識等情臣查前獲王倫一犯已經方受疇提

省審訊今邢二瞎子供稱與王倫並不認識恐有

刑 刑二殺公總統河南東嶽縣署奏議 卷三十二

狡展現已將邢二瞎子解交方受疇質訊辦理謹

奏奉

硃批刑部知道

謹按嘉慶十八年十一月二十一日廷寄內奉

上諭據章煦奏磁州賊目趙得一現在獲伊子趙全供稱

伊父現在滑縣從逆併著一體查拏務獲勿任漏網

謹按嘉慶十八年十二月初九日奏內

奏趙得一疑一犯是否實在滑縣城中亦未確實是以單

內列入緝拏未列牛亮臣等之次統俟克復滑城

後逐加搜捕務獲究辦謹

奏

謹按嘉慶十八年十二月十二日廷寄內奉

上諭其朱成貴趙得一二犯據直隸山東訊明確在滑縣

城中那彥成等仍當留心查緝毋令漏網

謹按嘉慶十八年十二月十五日奏內

奏查奉

旨飭拏之磁州趙得一犯已在滑城殲斃又朱成貴一

犯亦經生擒訊係在定陶戕官劫獄在逃要犯已

將該犯凌遲梟示其餘殲斃各小頭目不可勝數

屍骸枕籍實亦無從辨認其生擒者均已遵

刑 刑二殺公總統河南東嶽縣署奏議 卷三十二

旨就地正法謹

奏

嘉慶十八年十二月初二日軍機大臣字寄奉

上諭同興奏訊據獲犯朱躍濼供稱賊目馮克善於十月

間自滑縣逃出十一月間由該犯家起身赴山西蒲州

解梁找伊師傅唐鬍子會言唐鬍子要保朱鹽霜又名

朱大桃約定於十二月十九日從解梁起手等語現已

降旨諭令衡齡密委幹員前往解梁密拏唐鬍子及馮

克善各犯如有拒捕情形該省一面帶兵擒捕一面知

會那彥成派兵協勦該督接奉此旨著先行派人前赴

晉省密行偵探倘衡齡派員往捕該犯等竟有蠢動情形無論滑城會否攻克即令高杞分帶得力將領抽撥吉林黑龍江各處勁兵迅速前往剿辦勿稍稽遲若稍因循重治高杞違旨之罪斷不姑恕

嘉慶十八年十二月初五日

奏本月初五日奉

上諭飭令迅速差人前往山西解梁密探馮克善唐鬍子各犯踪跡倘有蠢動即令高杞帶兵速往剿辦欽此

那彥成於接得同興咨文時已派人前往今奉

諭旨即刻又遣派幹員熟悉晉省情形者飭令改裝易服

那文毅公總辦山東直隸事務奏議

卷三十二

七

星夜趕赴解梁一帶密速偵探倘有蠢動

即當分帶官兵星馳剿辦斷不敢稍有因循上煩

睿慮謹

奏

嘉慶十八年十二月十二日會同熱河都統高公

杞固原提督楊公遇春

奏為遵

旨覆奏事本月十二日欽奉

上諭馮克善雖已就獲唐鬍子尚在解梁著高杞酌量帶兵向晉省緩程行走萬一有蠢動信息迅速馳赴剿辦

欽此 高杞隨與那彥成商酌即將山西官兵一千名帶領赴晉於十三日起身緩程前進俟衡齡知會如唐鬍子果有蠢動情形立即星夜馳往督率剿辦不敢稍有稽延如唐鬍子業已就獲地方無事 高杞即由山西回京復

命至托津即日可抵滑縣所有善後事宜 那彥成另容

妥議謹

奏

嘉慶十八年十二月十一日軍機大臣字寄奉

上諭昨日直隸省將馮克善解京當即交刑部訊問伊師

那文毅公總辦山東直隸事務奏議

卷三十二

七

唐鬍子下落據供唐鬍子即唐恒喜係滑縣朱兆村人

年五十餘歲身中黃鬍子素開藥店生理曾經教伊鎗

法此時現在朱兆村該犯於八月九月見過兩次並未

出門並稱前在德州見宋躍濼時因欲宋躍濼多幫盤

費故捏稱前往山西解梁找尋伊師約期起事其朱鹽

霜即朱大桃亦並無其人皆伊隨口編造等語唐鬍子

一犯既在滑縣著那彥成即派委委員前赴朱兆村嚴

密擒捕就獲後訊取確供飛速奏聞如已入滑城從賊

並著於克城後留心查緝務得真實下落那彥成等於

新獲該犯時知照衡齡停緝高杞亦毋庸前往

嘉慶十八年十二月十四日會同參贊大臣固原提督楊公遇春

奏為拏獲要犯唐鬍子恭摺馳奏事竊查欽奉

上諭飭拏馮克善之師唐鬍子一犯臣那彥成專差密訪

知該犯現在離城十八里之朱兆村居住隨密派

遊擊馬光宇帶領兵勇前往拏獲唐鬍子即唐恒

樂到營臣當即提訊據供滑縣朱兆村人年六十

二歲未經入教平日學過拳棒馮克善係我徒弟

亦會拳棒牛亮臣曾經認識却未往來九月初七

日牛亮臣聞事時我躲避本村並未從賊向來從

那彥成總辦南黃縣軍務奏議 卷三十二 五

未到過山西不知朱鹽霜朱大桃係何等人也無

知會馮克善向解梁地方找我之事等供詰以馮

克善從賊謀逆情節堅稱不知該犯既係馮克善

之師又與牛亮臣同縣認識明係賊匪一黨惟牛

亮臣甫經起解該犯拏獲在後未便追同對質該

犯顯因無人質証以致供吐不實查馮克善現已

解京不難質訊虛實茲將唐鬍子一犯嚴加鎖鑰

裝入木籠派委候補知府周光緒總兵海麟督同

兵役押解前途即交與廣厚慶祥等隨同一併解

京交刑部收審恭摺馳奏再高杞甫於十三日起

程赴晉係遵

旨緩程行走臣等當將已獲唐鬍子緣由飛札知會查朱

鹽霜雖無苦落而唐鬍子已經拏獲則山西解梁

一帶必無煽惑情事所有高杞帶領山西官兵似

可即由原路歸營免致地方百姓驚擾臣原擬將

西安滿兵令其於十五日接續起行一面知會高

杞遵

旨緩程前進於到潼關之前飛差密探如山西地方或有

蠢動情事即可帶領勦捕如無其事則就近飭令

歸營高杞仍遵

那彥成總辦南黃縣軍務奏議 卷三十二 四

諭旨由山西大路回京復

命可否之處應請

聖訓遵行謹

奏

嘉慶十八年十二月十六日軍機大臣字寄奉

上諭那彥成等奏拏獲要犯唐鬍子派員解赴前途交廣

厚慶祥一併解京一摺所辦甚好唐鬍子一犯既經拏

獲則山西解梁一帶自可保無煽惑情事此時高杞可

以毋庸帶兵前往高杞著即來京復命再唐鬍子已獲

其朱鹽霜即朱大桃一犯此間訊據馮克善供稱並無

其人因李文成號鹽霜故爾附會借造等語此時解梁已無可查拏並著那彥成移知衡齡令其停緝

嘉慶十八年十二月十四日

奏教匪中偽稱天地人三王及八卦宮王之大頭目內

天王首逆李文成地王于克敬人王馮學禮均已

殲斃又兌宮王劉幗明震宮王宋克俊即宋老秀

巽宮王王修治均經殲斃外茲查良宮王劉宗順

坤宮王馮相林坎宮王尹振乾宮王壽光德亦已

殲斃又生擒離宮王王道濬已經正法是偽稱三

王八宮王之類均已盡數剿滅不漏一名又偽丞

那文毅公總督河南督軍奏議

卷三十一

四

相牛亮臣偽大將軍徐安幗現在生擒解京偽大

元帥宋元成即宋老占等亦已殲戮無遺其餘小

頭目如某宮伯之類實繁有徒除殲斃燒斃外所

有生擒各犯審明正法實在不可勝數軍營現在

號令首級已有一萬五六千顆統俟彙齊辦理謹

奏奉

硃批刑部知道

謹按嘉慶十八年十二月十六日廷寄內奉

上諭那彥成奏將賊匪中偽稱天地人三王八卦宮王之

大頭目均已盡數剿滅等語賊匪中偽號天地人三王

者係林清李文成馮克善三犯實在均已殲獲毫無疑

意其牛亮臣徐安幗宋元成三犯偽稱丞相大將軍大

元帥亦俱切實查明至於偽稱八宮王及八宮伯之類

人數繁多且往往獲犯訊問時彼此互異不可盡信那

彥成等仍當訊明本犯名姓並質之他人詳加核對或

擒或殲於辦畢時詳細開單具奏毋令其狡混再留餘

孽

謹按嘉慶十八年十二月二十六日廷寄內奉

上諭那彥成奏訊據唐鬍子即唐恒樂供稱伊係馮克善

教拳棒師傅並非傳教師傅本年白蓮教造反到伊村

那文毅公總督河南督軍奏議

卷三十一

四

莊伊因年老不能抵禦縣往附近地方伊孫被賊傷斃

迨知縣孟吧瞻招集鄉勇伊與徒弟全全丁元重等先

後赴營盤聽差孟吧瞻給過腰牌伊與徒弟並同充鄉

勇之陳之秀等節經在酸棗林李家村周村等處先後

擊過賊匪多名初十日破城後伊隨孟吧瞻又擊獲賊

犯各等語據所供情節如果確實則唐恒樂竟係無罪

之人應行省釋著那彥成傳到孟吧瞻向其訊問唐恒

樂是否隨伊充當鄉勇唐恒樂呈出腰牌發去令孟吧

瞻辨認是否由伊給發其隨同擊賊之處是否確實遇

便覆奏以憑核辦

謹按嘉慶十九年正月初五日奏內

奏查唐鬍子即唐恒樂所供曾充鄉勇之處現在面

訊知縣孟祀瞻據稱唐恒樂曾充鄉勇與全全等

隨伊打仗殺賊是實查驗奉發腰牌實係官給並

非捏造從前奉

旨查拏祇知有唐鬍子不知有唐恒樂之名後因奉發名

單指明唐鬍子即唐恒喜以喜與樂字義相同始

經遊擊馬光字盤查獲解等情合併附片覆奏謹

奏奉

硃批刑部知道

聖毅公總辦河南山東直隸軍務奏議

卷三十二

聖

嘉慶十八年十一月二十七日軍機大臣寄奉

上諭方受疇奏訪聞歸德府永城縣地方有匪徒多人夜

聚晝散形迹可疑又寶豐縣與襄城交界地方亦有聚

匪拒捕旋經竄散之事現已派委地方文武各員分投

查辦等語永城寶豐二處聚有匪徒現在尚無蠢動形

跡經該撫委員查拏如人數無多即可查拏淨盡自無

須派兵前往轉致激成事端倘該匪等竟有抗拒戍官

情事則不可不迅速剿除永城一路與江省接壤已

諭知百齡就近籌備外其寶豐一帶介處山谷之間著

那彥成先行差人確探設匪徒糾集滋事本處防兵不

敷圍捕彼時滑城已經克復著即派高杞帶兵馳往勦

辦務就地迅速剪除毋令竄入山中致有滋蔓已諭知

方受疇隨時知會那彥成等相機妥辦不可大意

謹按嘉慶十八年十二月初五日奏內

奏欽奉

上諭以方受疇具奏寶豐縣地方有聚匪拒捕旋經竄散

之事飭令先行差探欽此臣那彥成亦已派員馳往確

探近日風聞業已竄散地方無事各得確情臣即

奏

聞

聖毅公總辦河南山東直隸軍務奏議

卷三十二

聖

謹按嘉慶十八年十二月初九日奏內

奏方受疇前奏寶豐縣地方有聚匪拒捕旋經竄散之

事臣奉

旨飭查當將委員偵探緣由先行覆奏嗣委員守備臣得

用稟覆查得寶豐地方係武生謝金榜窩藏匪徒

三十餘人向隣村搶劫糧食知縣帶役往拏該犯

等拒捕竄散現在首犯已獲并獲夥犯十數名解

省審辦地方無事至查探永城一帶亦屬安靜等

語頃接方受疇來信大略相同該撫現在緝拏餘

犯審擬稟辦寶豐永城二處並無蠢動之事可以

仰慰

呈懷

奏奉

硃批覽

謹按嘉慶十八年十二月初九日廷寄內奉

上諭前據李得水供出之馬依潮邢分二人亦稱籍隸滑

縣前此那彥成所奏賊目名單內均未列入並著一

查緝務獲勿任漏網

謹按嘉慶十八年十二月初九日奏內

奏所有李得水供出之馬依潮邢分等犯掌於內

那文毅公總統河南山東直隸軍務奏議

卷三十三

呈

加搜捕務獲究辦謹繕摺覆

奏奉

硃批知道了

那文毅公總統河南山東直隸軍務奏議卷三十三

那文毅公總統河南山東直隸軍務奏議卷三十三目錄

卷三十三

飭緝逆黨 附緝捕土匪

那文毅公總統河南山東直隸軍務奏議

目錄

一

那文毅公總統河南山東直隸軍務奏議卷二十三

飭緝逆黨 附緝捕土匪

男容安恭輯

謹按嘉慶十八年十二月十一日廷寄內奉

上諭前據百齡奏拏獲賊自榮興太一犯據供徐安幗一

大支餘趙姓係宋朝後人今改稱何姓年十一歲居滑

縣西關是教中真主本年十月間曾被滑縣鄉民

徐安幗邀人救出現與徐安幗同住等語徐安幗推稱

趙姓為宋朝後人惑眾謀逆此時趙姓是否與徐安幗

同在滑城必須查拏辦理方足以息邪說而淨根株著

那文毅總統河南山東直隸軍務奏議 卷二十三

那彥成等切實訪查嚴拏究辦不可疎漏

謹按嘉慶十八年十二月十五日奏內

奏百齡所奏獲賊榮興太供出徐安幗保一趙姓改稱

何姓在滑城西關與徐安幗同住等語徐安幗現

已起解臣仍查拏趙姓根究辦理又王老得邢二

賸子二犯亦在賊尸內細查確認另再奏

聞奉

硃批刑部知道

謹按嘉慶十八年十二月十七日奏內

奏百齡具奏徐安幗所保趙姓幼孩經臣督飭委員按

硃 硃

滑縣西關住址嚴密緝拏並無踪跡復於獲犯內
逐加根究均供不知其人亦未聞前有趙姓被鄉
民搶去徐安幗奪回保護之事趙姓如果年僅十
一係屬童穉勢難遠颺現在徐安幗先已解京應
請

勅交刑部嚴究下落以便查照緝拏謹

奏奉

硃批刑部知道

謹按嘉慶十八年十二月十一日廷寄內奉

上諭再現據馮克善供出賊中大頭目八人除劉幗明王

嬰毅總統河南山東直隸軍務奏議 卷二十三

修治宋克俊三犯均已殲斃外其劉宗順王道濼壽光

德陰成德馮相林五犯均未弋獲此外又據供有小頭

目六十四人惟徐安幗崔士俊王士香胡成德王聚霍

雲壁六犯記得名姓其餘不能全記等語崔士俊業已

伏法徐安幗現與牛亮臣同在滑城拒守此外各犯曾

否緝獲捕並著於克城之日留心查對將著名大頭

目酌留二三人解京訊辦其餘小頭目審明後均在彼

按律正法可也

嘉慶十八年十二月十五日會同參贊大臣固原

提督楊公遇春

奏為遵

旨覆奏事本月十四日欽奉

上諭馮克善供出賊中大頭目八人均已先後殲斃至小

頭目六人除徐安綱現在解京崔士俊早已殲斃

外所有王士香一犯現在拏獲伊子王進忠究出

王士香已在滑城燒斃又王聚霍雲璧二犯俱被

官兵殲斃惟胡成德一犯不知生死現復起竄查

拏謹

奏奉

硃批刑部知道

那文毅公總辦山東直隸務奏

卷三十三

三

謹按嘉慶十八年十二月十七日奏內

奏節次奉

旨查拏各犯臣等均卽分別嚴緝惟生擒首夥均已遵

旨分別正法其留備辨認獲犯者僅止老教之秦理等數

人不能遍知餘犯踪跡其大頭目牛亮臣徐安綱

二犯現已解京仍懇

勅交刑部逐加訊究移咨臣等查照分緝以盡根株謹

奏奉

硃批刑部知道

嘉慶十八年十二月十七日

奏查匪徒習教多由婦女傳及夫男者婦人陰險邪教

又屬陰謀漸積濡染以致釀成逆案實堪痛恨計

軍營節次所戮婦女不止宋張氏一口臣未便逐

一奏

聞茲查出首逆李文成被戮後卽係其妻張氏與牛亮臣

徐安綱宋元成等主事負城固守各賊無不聽信

該犯婦於官兵破城時經徐安綱等全商欲令隨

同被難婦女混跡出城張氏聲言惟願同死不願

逃走而是夜徐安綱卽令該犯婦騎馬賊人數千

擁護出城撲卡數次俱被官兵擊退該犯婦始行

那文毅公總辦山東直隸務奏

卷三十三

四

自縊斃命經官兵割取首級呈驗其一女亦經殺

斃查該逆等邪心固結不解雖存其二一婦女亦

恐萌芽未盡所有拏獲之牛亮臣徐安綱犯屬本

應照緣坐例辦理惟該犯等助逆謀叛流毒生靈

人人切齒寸磔不足蔽罪臣不敢拘泥定例除宋

元成犯屬已經傷斃外現將牛亮臣徐安綱二賊

犯屬一併辦訖又李文成牛亮臣等之祖父墳墓

於圍攻滑城時先已飭令地方官查明掘毀戮屍

以消戾氣而禳奸魄至林清為首事之犯其妻女

眷屬亦應請

皇上飭部嚴辦以期掃蕩根株謹

奏奉

硃批飭部嚴辦

嘉慶十八年十二月二十六日軍機大臣字寄奉

上諭昨日牛亮臣徐安綱兩犯解到當經軍機大臣會同刑部嚴訊據牛亮臣供本年林清到彼謀逆時定於九月十五日舉事直奔京城各處有人接應其饒陽縣係劉道澹接應等語前此曾據林清供出饒陽縣等處有劉玉澹一犯係馬頭目嗣董綱太亦供有饒陽同教劉玉澹之名屢經飭拏未獲今該逆供出饒陽縣係劉道澹

那彥成節次所奏賊目單內未經列入著那彥成詳查該犯實在下落如未經殲除迅即飭拏務獲勿任漏網再據徐安綱供出伊親屬除已斃外尚有伊弟安幅安明伊子小五年九歲共三犯均在滑縣城內是否確已殲斃切須查明不可稍留遺孽

謹按嘉慶十八年十二月二十七日廷寄內奉

上諭再昨又訊據牛亮臣供稱伊徒弟李懷林一家又連三中劉遵錫俱是異宮伯孫有和是坤宮伯申綱正是兌宮伯又徐安綱供稱伊徒弟內還有牛建聞王卓立

聖毅公續河南東嶽集奏議

卷三十三

五

蕭觀義張發捷朱大明陳百約俱經跟到滑城等語所有該二逆供出徒黨各犯除那彥成開呈原單內有名者俱已扣除外茲將原單未載者逐一飭知著那彥成詳細查明曾否殲斃如尚未殲斃即飭令嚴拏務獲勿任漏網

嘉慶十九年正月初五日

奏本月初二日奉到

上諭以牛亮臣徐安綱供出饒陽縣劉道澹接應林清劉道澹是否即係劉玉澹抑另有劉道澹其人著詳查飭拏欽此查軍營節次獲犯並未供有劉道澹及劉玉澹之名是以前次開呈單內未經列入查饒陽係直隸深州屬縣或該犯仍匿原籍抑已遠竄現在分飭嚴拏務獲究辦至徐安綱之家屬內伊胞叔徐亨棟業已焚斃又伊胞兄徐占綱即徐安邦胞弟徐定綱即徐安民均已殲斃開單進呈在案惟止單開徐占綱徐定綱之名未經聲明其即係徐安邦徐安民今應請將徐安民一名仍行開除至徐安幅名字及徐安綱之九歲子小五訊問獲犯

聖毅公續河南東嶽集奏議

卷三十三

六

奏理等均供不知查該犯係山東人滑縣城鄉並無該犯親戚無從查訊或如馮克善之捏供伊子

坤牛亦未可定應請

飭部再向該犯嚴究俾得下落謹

奏奉

硃批刑部知道

嘉慶十九年正月初十日軍機大臣字寄奉

上諭昨據那彥成奏查覆徐安綱親屬內除伊胞叔徐亭

棟伊兄徐安邦伊弟徐安民均已殲斃外其餘均無下

落等語當經降旨交刑部提訊徐安綱據供伊由長垣

搬至滑城時共有家屬七口除伊兄弟徐安邦徐安民

外尚有後母趙氏胞叔徐秉成弟徐安幅並九歲之子

那文毅公總辦南垣稟霧奏議 卷三十三 七

小五及姪徐賢俱住滑城大街路北襍貨舖內後院樓

上因家眷到滑未久所以人都不知道等情著那彥

成再行確查趙氏等五名口是否業經焚斃如查無確

據再行嚴切根究勿留遺孽

嘉慶十九年正月十六日

奏本月十五日曹州營次接奉

諭旨刑部審訊據徐安綱供稱伊家屬內尚有後母趙氏

胞叔徐秉成弟徐安幅並九歲之子小五及姪徐賢俱

住滑縣城內大街路北襍貨舖內後院樓上因到滑未

久人都不知等情著臣確查趙氏等五名口是否業經

焚斃如查無確據再行嚴切根究勿留餘孽欽此 臣伏

查逆犯徐安綱家屬除伊胞叔徐亭棟胞兄徐安

邦胞弟徐安民等業經殲斃外尚有九歲幼子徐

小五等前經嚴訊獲犯秦理等均不能供指確實

下落經臣 奏請

勅部向該犯嚴切根究以憑查緝茲奉

諭旨據刑部訊據該犯供稱徐小五等五名口俱住滑城

大街路北襍貨舖內後院樓上 臣伏思滑城攻克

之時大隊官兵一擁進城賊匪俱各藏匿磚樓抗

拒先經臣 當下向生獲賊匪訊明首逆各犯住處

那文毅公總辦南垣稟霧奏議 卷三十三 八

飭令官兵分投攻勦擒捕其徐安綱家屬係副將

張大振於十二日帶兵圍捕現在 臣向該副將詳

細詢問據稱因知大街路北舖房係徐安綱住居

遂督率官兵奮力仰攻詎各犯不肯下樓拋擲磚

瓦抵死抗拒官兵原想徐安綱卽在其內後知徐

安綱在東門經格布舍擒獲餘犯仍敢抗拒並打

傷官兵我兵一時忿激舉火焚燒所有該犯家屬

婦女幼孩全行燒斃實無一名漏網 臣復查該副

將所稱焚燒磚樓情形與徐安綱在部所供徐小

五等居住樓上方向實屬相符是徐小五等五名

口已於是日全行燒斃似無可疑謹

奏奉

硃批刑部知道

謹按嘉慶十八年十二月十一日廷寄內奉

上諭又本日通奏到審據趙隴趙鳳供稱滑縣東北八十里甘露地方有王老得一犯祖傳白蓮教家中甚富有徒弟千餘衆多係陳州歸德府人李得水邢安暢皆其徒弟現在王老得要造反凡願去者均約於十月十幾到伊家中聽其指揮等語昨據豫省拿獲王倫覆訊邢安暢據供伊前在族姪邢二瞎子家望見王倫念經

聖毅公總河南山東縣署奏

卷三十三

九

邢二瞎子現年四十餘歲在滑縣城東七十里之尚村後街居住等語王老得係白蓮教首現在訊出李得水邢安暢皆由伊指使勾結亟須拿獲審訊嚴追各犯根底俾得確情

謹按嘉慶十八年十二月十二日廷寄內奉

上諭又昨日飭拿之王老得一犯訊之馮克善據供滑縣共有四人名王老得其甘露居住之王老得家貧甚富平日喫素並不與伊同教等語王老得是否止於習教喫齋有無從逆情事或此外另有習教謀逆之王老得著那彥成訪查明確查拿勿悞

謹按嘉慶十八年十二月十七日奏內

奏查住居滑縣之王老得既有四人同名其僅止喫齋者與習教謀逆者迥別自當分別查拿不致枉縱

謹

奏

嘉慶十八年十二月二十一日會同奏贊大臣固

原提督楊公遇春

奏為查明覆奏事竊查奉

旨緝拿逆犯

發下最要次要名單等業經督飭委員逐一查明謹照

聖毅公總河南山東縣署奏

卷三十三

十

開原單二件分晰錄註恭呈

御覽至最要犯名單內王老得一名業已拿獲訊係縱令婦人喫齋作會核與馮克善在京所供並非同教之說似相脗合但等斷不敢遽信為實現在飛提王老得家屬確切訊明另再具奏謹

奏

謹按嘉慶十九年正月十三日奏內

奏查馮克善在京供出之王老得一犯先經獲訊係伊家婦女傳習齋公會並非白蓮教與馮克善供相脗合曾經奏明因該犯家屬婦女多人現前提

齊已飭發衛輝府審訊俟審定後由該府具詳撫
臣核辦已咨明方受時辦理謹

奏奉

硃批刑部知道

謹按嘉慶十八年十二月十二日廷寄內奉

上諭再同日據長齡奏稱於鞏昌府城外盤獲邪僧吉仰
花一名搜出天平大王偽號木戳一箇內有三卦字樣
據供偽大王名劉天貴在陝西五郎廳苟家山本年正
月間劉天貴曾言及衛輝府坎卦號順天王劉成玉王
福玉即王大頭牛邦廷李天成曾差劉呈祥相邀起事

那文毅公總辦南東嶽霧奏議

卷三十三

十一

劉天貴因人少未行合關孝先杜孔先李茂並該犯等
四人分投勾結該督已分飭查拏等語劉成玉王福玉
牛邦廷李天成遣劉呈祥赴五郎廳勾結劉天貴一節
係本年正月間之事其李天成是否即係李文成劉成
玉三人滑城獲犯內曾否供有其名著那彥成等詳悉
查明覆奏

謹按嘉慶十八年十二月十七日奏內

奏長齡奏拏獲賊僧吉仰花供出衛輝府坎卦王劉成
玉王福玉即王大頭牛邦廷等曾遣劉呈祥赴陝
西五郎廳勾結劉天貴一節李天成是否即係李

文成及獲犯內有無劉成玉三人名亦咨確查
另奏謹

奏奉

硃批覽

謹按嘉慶十八年十二月十二日廷寄內奉

上諭現在訊據馮克善供有掌九卦之老卦頭梁姓係李
文成之師傅住居彰德府城正東十五里梁灣地方正
在降旨查拏未到接據托津奏到搜捕零匪摺內拏獲
劉第五即劉宗林認出聽從安陽縣人梁健忠習教傳
徒當將梁健忠拏獲梁健忠住居安陽安陽係彰德附

那文毅公總辦南東嶽霧奏議

卷三十三

十二

郭首縣其人是否即係李文成之師在梁灣居住者並
著查明覆奏

謹按嘉慶十八年十二月十七日奏內

奏十五日奉到

上諭馮克善供出老教頭梁姓住彰德府梁灣地方據托
津具

奏拏獲梁健忠其人是否即係李文成之師等因臣等

當即遍加訪查另再覆奏謹

奏

嘉慶十八年十二月二十一日

奏前奉

旨飭查托津奏獲教首梁健忠是否係李文成之師欽此

因提訊獲犯秦理供稱梁健忠本係八卦會內九

宮卦首平日喫齋坐靜同教人都信服幫給銀錢

使用李文成從前也敬奉他自與林清結識後因

林清常說梁健忠所傳教道不真李文成曾同眾

人到梁健忠家講論爭作卦主梁健忠因勢力不

敵始將家存教內經卷底簿交給李文成掌管後

來李文成就斂取眾人銀錢送給林清使用等情

是梁健忠亦係卦首而並非李文成之師秦理恐

刑文毅總辦南東嶽事奏議 卷三十三 吉

悉教內及賊中情形所供似非捏飾謹

奏奉

硃批刑部知道

嘉慶十八年十二月二十三日軍機大臣字寄奉

上諭本日刑部奏訊據獲犯劉宗林供稱該犯係滑縣人

與李文成劉嗣明同拜梁健忠為師招人入教不論男

女老幼凡在左近村莊者誘令各出糧食錢文先係該

犯與梁健忠收用至十六年間牛亮臣引林清到彼該

犯又從林清入教林清約令謀反許以事成之日封為

一品大宗師凡教內之人俱加封官職給與地畝共計

男婦大小三千八百餘名口皆曾送過錢文糧食設有

號簿該犯將糧食賣錢同所收錢文交劉嗣明經手送

林清收用至另單所開者因係耳目是以於號簿內提

出存記等語劉宗林聽從林清入教謀逆預受偽封並

煽惑鄉愚斂收財物輾轉接濟林清罪惡貫盈難逃誅

殛除將該犯訊明辦理外其軍內所開各項目核之那

彥成兩次奏到賊目清單大半俱已殲斃惟張鳳祥劉

成章翟林清劉趙林張綱士張綱祥孫敬義趙幅八犯

尚未拏獲此等同惡相等之徒斷不可任其漏網務即

趕緊飭拏務獲其送給該犯糧食錢文之男婦大小三

刑文毅總辦南東嶽事奏議 卷三十三 吉

千八百餘名除婦女不論外其餘是否僅止受騙出財

抑有隨同叛逆者並著交那彥成查明具奏分別核辦

嘉慶十八年十二月二十九日

奏為遵

旨覆奏事前奉

上諭並蒙

發下獲犯劉宗林斂收錢文糧食號簿三本頭目名單一

件臣查單內所開實已大半殲斃至未獲之八犯

內趙幅一名前經籤單入奏聲請開除其翟林清

張鳳祥劉趙林張綱士張綱祥孫敬義等六名查

明均已殲斃現在另開名單恭呈

御覽惟劉成章一犯在逃未獲前於秦理供單內業已登

明現仍趕緊緝拏務獲究辦外至劉宗林欽收各

戶糧食錢文男婦大小數至三千八百餘名之多

欽奉

諭旨婦女不論仰見我

皇上矜恤愚蒙網開一面至意惟是教匪蠱惑愚民由來

已久愚民之受騙者婦女居多抵入教者男女

不分祇圖便其奸淫之私可以獲利不過賣奸之

別途而所謂捨財祈福猶是遮飾之詞其實不知

那文毅公總統河南山東直隸奏議

卷三十三

五

有叛逆情事迨林清李文成相繼滋事其平日施

財而被裹脅者據獲犯內供吐真情亦復不少即

如王起志等之率眾投營程進水等之內應殺賊

皆其明証况自道口破後滑城旋克賊眾盡殲此

等鄉愚無知從前原未知曉利害經此番軍威震

懾實已聞風喪膽斷無死灰復燃之事今簿內所

開人名臣細加查核滑縣濬縣之人居多臣先已

分派文武員弁將各村莊嚴密查訪並將各處器

械一律收繳察其奔走恐後實無敢少有違抗之

人似此大局情形不但豫省業已安靜即直隸山

東邊界實可保其無事至教匪傳徒斂財之事直

東豫三省幾於遍地皆然其為首之斂收財物者

實不止劉宗林一人若辦理一處則處處疑懼人

心轉致不安關係非小現在奉發號簿內並無著

名賊匪均是施捨財物之人誠如

聖諭僅止受騙出財自應欽遵現奉

恩旨概免追究以期鎮定人心謹

奏

謹將查明已未殲獲賊犯開具名單恭呈

御覽

那文毅公總統河南山東直隸奏議

卷三十三

六

張鳳祥

查奉發單內註明羊起屯人質之秦理據供羊起

屯有該犯弟兄四人長張奉鳴次張奉柱次張奉

祥次張奉臨均係王道濼徒弟從前是張奉祥充

卦伯管事因隱昧銀錢經王道濼斥退令張奉柱

接管頂充卦伯張奉臨偽封先鋒張奉鳴於亂後

始充頭目此四犯均於克城時一併殲擒并將卦

伯張奉柱先鋒張奉臨頭目張奉鳴三犯列入進

呈單內奏明在案奉祥一犯因非頭目是以未經

列入今已查明應請開除至奉鳳同音並非另有

張鳳祥其人合併登明

翟清林

查該犯名下註有羊起屯字樣查羊起屯係滑縣地方復在拏獲賊匪名冊內檢查有羊起屯人翟清林訊之秦理據稱該犯隨同卦首王道瀝於九月初七日後回家行搬進滑城業已殲斃應請開除

劉起林

查奉發單內註有二郎廟字樣查滑縣二郎廟兌卦頭目劉兆臨已於克城時殲斃並列入進呈單

聖教公總統河南東隸霧臺議 卷三十三 七

內趙林與兆臨字音相同即係其人應請開除

張幗士

張幗祥

查該二犯名下註有苗心莊字樣查苗心莊係羊起屯毗連之小村該二犯亦係王道瀝手下人雖充頭目實不管事前次進呈單內聲明殲斃小頭目均已在此城殲斃該二犯似應一併開除

孫敬義

查該犯名下註有馮家村字樣查滑縣馮村訊有孫敬義原係震卦小頭目朱克俊因其有病不能

管事退作散人留在城內並未隨往司察克城時業已殲斃應請開除

劉成章

查該犯踪跡屢經委員向獲犯究訊僉供李文成九月初被獲時該犯即行逃走不知去向於進呈秦理供單內亦經登明在案現仍加緊緝拏嘉慶十九年正月初四日軍機大臣字寄奉

上諭那彥成覆奏查辦賊匪劉宗林欽收錢文糧食號簿一摺據稱教匪蠱惑愚民由來已久傳教斂財之事直東豫三省遍地皆然實不止劉宗林一人現在豫省業

聖教公總統河南東隸霧臺議 卷三十三 六

已安靜即直隸山東邊界亦可保無事若查辦一處則處處疑懼人心轉致不安關係非小應遵奉恩旨概免追究等語所見甚是教匪蠱惑良民已非一日燒香斂錢之事何處蔑有愚民無知被其煽惑雖有從教之實並無謀叛之心此次林清等造謀悖逆係借傳教為名勾結同類其平素入教者並非盡知逆謀此時但誅叛匪不誅邪教即平日素非邪教而此次知情謀逆亦在所必誅其平日雖係習教而此次並不謀逆亦不復深究但愚民習於邪僻罔識利害不可不剴切化導那彥成當刊刻簡明告示廣為曉諭俾知一經入教之後為

禍不淺其初不過財物家貲被人誑騙而其後至於身家不保令其各知猛省痛加改悔如家有經卷邪像卽行呈繳銷燬庶使習俗漸移人皆勉爲良善至滑縣一帶附近地方本係賊藪那彥成在彼駐劄仍當督率認真搜捕

謹按嘉慶十八年十二月十二日廷寄內奉

上諭又據馮克善供有掌坤卦之衛修德住居滑縣東關又小頭目內有宋崇得一犯住滑縣河西宋元武一犯住滑縣宋家灣李常更一犯住滑縣楊喜屯並著那彥成等查明各該犯曾否一同起事現在滑縣城內一併

交毅公總辦河南東嶽縣奏議 卷三十三 九

查緝務獲訊明辦理並將各該犯年貌清單一併抄寫發往

謹按嘉慶十八年十二月十七日奏內

奏查馮克善供出之衛修德宋崇宋元武李長更等當

照單開年貌一併查拏謹

奏

謹按嘉慶十八年十二月二十一日奏內

奏馮克善供出之坤卦頭目衛修德一名係滑縣東關人今訊據獲犯供稱滑縣東關並無其人惟東門內有開茶舖之韋老花伊子韋振宗係坤卦散頭

人伊父於滑縣鬧事時細縛送縣已正法訖行據滑縣稟獲相符並聲明該縣東關實無衛姓亦應開除又馮克善供出之李長更一犯係滑縣楊喜屯人今訊據獲犯供稱楊喜屯有教匪李如蘭是離卦散頭人並非頭目現已在滑城被官兵殺斃至滑縣新寨有李常春李長更弟兄二人係良卦散頭人李常春於攻滑縣時早被礮斃李長更後在滑城於本月初十日官兵攻城時自縊斃命等情是李長更一犯亦應開除現於單內分別籤註外其餘未獲各犯等仍卽嚴行查緝不致疎懈

交毅公總辦河南東嶽縣奏議 卷三十三 十

謹

奏奉

硃批刑部知道

嘉慶十八年十二月十七日軍機大臣字寄奉

上諭現據馮克善供稱李文成手下頭目張德水年四十多歲身中面長微鬚張老端年四十多歲一隻眼而麻有鬚俱是滑縣諺古小鎮人等語著那彥成等派員按照所供年貌住址查拏並於滑城擒獲活賊詳查該二犯是否在內提訊各犯時亦一併留心查辦

嘉慶十八年十二月二十九日

奏前奉

發下馮克善供出之李文成頭目張德水張老端二犯

按照年貌住址飭拏到營據張德水供平素務農並未入教本年四月隣人袁癩子與我爭取雀鳥打架在縣控告有馮克善同革役袁得中叫我出銀四十兩和息了事我因怕打官司無奈應允給銀二十兩一時無錢是馮克善袁得中作保五月二十五日袁得中將銀取去馮克善復又來取與我打架又到我族弟張老端家央其索取張老端斥說不管馮克善叫罵而散我並不認識李文成

那文毅公總河兩東真幕奏議

卷二十三

三

實是馮克善挾嫌誣害等情質之張老端供亦相同復提族隣人等僉供張德水張老端等均係樸實農民並無習教 臣密加訪查無異是此二人實係馮克善挾嫌扳累現已取保釋回亦應請

勅部將張德水張老端二名一併開除其餘各犯 臣仍當照單嚴緝如訊係正賊則盡法處治倘係虛誣亦即釋回安業總期分別良莠不致稍有枉縱謹

奏奉

硃批刑部知道

嘉慶十八年十二月十七日會同參贊大臣固原

提督楊公遇春

奏為欽奉

上諭恭摺覆奏事本月十六日奉到

恩旨以官兵攻克滑城

普頒賞賜 臣等傳宣之下自合營將領以及弁兵等無不

叩感

皇恩歡聲動地至軍營節次殲擒賊匪前已開單恭呈

御覽茲復將攻克滑城查明殲擒各賊首等姓名另開清

單進

呈其有已就殲擒者應請

那文毅公總河兩東真幕奏議

卷二十三

三

勅部查明停緝其馮克善一犯已經獻縣拏獲解京昨 臣所派之把總解廷芳由山西蒲州解梁一帶查探稟覆解州縣賞緝拏馮克善甚屬嚴緊併將該處馮姓盡行傳訊俱有產業並無別情等語 臣先已

遵

旨將馮克善移咨山西停緝謹

奏奉

硃批覽

謹將克復滑城查明殲擒賊首姓名開具清單恭

呈

御覽

牛亮臣 偽封丞相已生擒解京

宋元成即宋老占 偽封總元帥已殲斃

壽光德 偽封乾卦王已殲斃

劉宗順 偽封艮卦王已殲斃

馮相林 偽封坤卦王已殲斃

王道滌 偽封離卦王已生擒正法

尹振 偽封坎卦王已殲斃

徐安輞 偽封兌卦王大元帥已生擒解京

謝明然即謝老浩 偽封中元大將軍已殲斃

那文毅公總河南山東嶽霧奏議

卷三十三

三

劉萬倉 偽封巽卦伯已生擒正法

馮坦 偽封坎卦伯已殲斃

任連即任老魁 偽封巽卦伯已生擒正法

史泳山 偽封艮卦伯已生擒正法

王元士 偽封震卦伯已焚斃

王元相 偽封震卦伯已殲斃

王元杰 偽封艮卦伯已殲斃

王修身 係王修治之弟偽封巽卦伯已殲斃

董倉 偽封坎卦伯已生擒正法

蒯應宗 偽封艮卦伯已殲斃

霍雲壁 偽封震卦伯已殲斃

霍經揚 偽封震卦伯已殲斃

周方付 偽封艮卦伯已焚斃

張大有 偽封震卦伯已殲斃

孫可大 偽封震卦伯已殲斃

程動 偽封離卦伯已焚斃

王聚 偽封離卦伯已焚斃

呂輞太 偽封坤卦伯已殲斃

袁得建 偽封離卦伯已殲斃

周大祿 偽封離卦伯已殲斃

那文毅公總河南山東嶽霧奏議

卷三十三

三

馮見禮 偽封坤卦伯已殲斃

劉之江 偽封離卦伯已焚斃

趙得一 偽封離卦伯已殲斃

安懷普 偽封震卦伯已殲斃

張奉桂 偽封離卦伯已殲斃

李存信 偽封離卦伯已殲斃

周呈貴 偽封艮卦伯已殲斃

張思敬 偽封乾卦伯已殲斃

朱成貴 偽封兌卦伯已生擒正法

程百岳 偽封乾卦伯已焚斃

張一凝 偽封坎卦伯已殲斃

李奉岐 偽封坎卦伯已生擒正法

陳懶安 偽封震卦伯已殲斃

馮可廣 偽封艮卦伯已殲斃

蔡元忠 偽封乾卦伯已殲斃

董計文 偽封乾卦伯已殲斃

劉幅榮 偽封巽卦伯已焚斃

李大來 偽封艮卦伯已殲斃

宋元勳 係宋元成胞兄偽封艮卦伯已生擒正法

黃興宰 偽封兌卦伯已生擒正法

丁文興 偽封前部總頭領已殲斃

王新 偽封總兵已殲斃

周理 偽封總兵已殲斃

張奉臨 偽封先鋒已殲斃

張得 偽封先鋒已殲斃

任明 偽封先鋒已殲斃

王泳愛 偽封都總管已殲斃

劉振 偽封都總管已焚斃

王士香 偽封督糧官已殲斃

薄亭選 偽封副總管已焚斃

聖朝公統河南東嶽縣

卷二十三

五

賈玉 偽封烏鎗總頭領已殲斃

袁興遠 係頭目已焚斃

張奉鳴 係頭目已生擒正法

皮志葉 係頭目已殲斃

史萬成 係頭目已生擒正法

徐老三 係頭目已生擒正法

熊子信 係頭目已殲斃

楊文智 係頭目已殲斃

劉文呈 係頭目已殲斃

楊正恭 係頭目已殲斃

李成敬 係頭目已殲斃

呂學章 係頭目已生擒正法

李正先 係頭目已生擒正法

王世貞 係頭目已生擒正法

馬幅保 係頭目已生擒正法

王相青 係頭目已殲斃

劉兆林 係頭目已殲斃

劉幅發 係頭目已殲斃

李俊 係頭目已生擒正法

李正山 係頭目已生擒正法

聖朝公統河南東嶽縣

卷二十三

五

孫廣善 係頭目已生擒正法

蕭亭方 係頭目已生擒正法

侯俊保 係頭目已殲斃

馬文治 係頭目已殲斃

李道士 係頭目已殲斃

劉奉閣 係頭目已生擒正法

馬俊貴 係頭目已焚斃

王金玉 係頭目已殲斃

程學明 係頭目已殲斃

廉三仲 係頭目已殲斃

翟三仲 係頭目已焚斃

翟青林 係頭目已殲斃

劉振青 係頭目已焚斃

李培玉 係頭目已焚斃

李俊 係頭目已殲斃

孫大呈 係頭目已殲斃

孔繼太 係頭目已殲斃

段惲真 係頭目已焚斃

單惲良 係頭目已焚斃

朱文明 係頭目已殲斃

那文毅公總統河南山東糧務奏議 卷三十三

三

王選 係頭目已生擒正法

張有成 係頭目已生擒正法

宋得念 係頭目已生擒正法

廉起程 係頭目已殲斃

姜玉宗 係頭目已殲斃

宋文魁 係頭目已生擒正法

段文魁 係頭目已生擒正法

任田路 係頭目已生擒正法

李臭妮 係頭目已生擒正法

申成相 係頭目已生擒正法

鄧文呈 係頭目已殲斃

李興 係頭目已殲斃

王利 係頭目已殲斃

劉得調 係頭目已殲斃

翟桂林 係頭目已殲斃

薛三元 係頭目已殲斃

胡得水 係頭目已殲斃

張登瀛 係頭目已焚斃

王添青 係頭目已焚斃

程震 係頭目已殲斃

那文毅公總統河南山東糧務奏議 卷三十三

天

劉俊必 係頭目已殲斃

郭義 係頭目已殲斃

郭名如 係頭目已殲斃

郭得 係頭目已生擒正法

謝呈章 謝明然親侄係頭目已生擒正法

王興仁 係頭目已生擒正法

宋五程 係頭目已生擒正法

楊仲木 係頭目已殲斃

任長路 係頭目已生擒正法

董元魁 係頭目已生擒正法

聖毅公總統河南山東真霧奏議

卷三十三

五

翟存仁 係頭目已生擒正法

邢得功 係頭目已生擒正法

劉銷 係頭目已殲斃

李治光 係頭目已殲斃

劉聚水 係頭目已生擒正法

王魁 係頭目已生擒正法

于興其 係頭目已殲斃

范亭生 係頭目已生擒正法

黃添幅 係頭目已生擒正法

李問遠 係頭目已殲斃

鄭理 係頭目已殲斃

杜慎修 係頭目已殲斃

高元 係頭目已生擒正法

李彪 係頭目已生擒正法

李添四 係頭目已生擒正法

賈虎 係頭目已生擒正法

王原 係頭目已殲斃

李陸 係頭目已生擒正法

高東方 係頭目已生擒正法

王凝 係頭目已生擒正法

那文毅公總統河南山東真霧奏議

卷三十三

三

張相林 係頭目已殲斃

牛守詩 係頭目已生擒正法

張旺立 係頭目已生擒正法

韓銀妮 係頭目已生擒正法

高方相 係頭目已生擒正法

陳興旺 係頭目已生擒正法

范登魁 係頭目已殲斃

侯貴林 係頭目已殲斃

苗明兩 係頭目已生擒正法

平福 係頭目已生擒正法

林第四 係頭目已生擒正法

翟大年 係頭目已生擒正法

翟大升 係頭目已生擒正法

陳紀順 係頭目已殲斃

何大呈 係頭目已生擒正法

王如林 係頭目已生擒正法

賈環斗 係頭目已生擒正法

田文理 係頭目已殲斃

于亭義 係頭目已生擒正法

楊大興 係頭目已生擒正法

申復文 係頭目已生擒正法

郭呈玉 係頭目已生擒正法

韓泳花 係頭目已殲斃

王東林 係頭目已殲斃

尤建聞 係頭目已殲斃

王文遠 係頭目已生擒正法

趙文呈 係頭目已生擒正法

范元興 係頭目已生擒正法

劉現章 係劉成章胞弟已殲斃

宋林菊 係宋元成次子已殲斃

那文毅公總統河南東直隸軍務奏議

卷三十三

三

朱石滾 係宋元成幼子已殲斃

牛相臣 係牛亮臣胞弟已殲斃

牛剛臣 係牛亮臣胞弟已殲斃

牛林成 係牛亮臣次子已殲斃

馮克昌 係馮克善堂弟已生擒正法

馮克煥 係馮克善堂弟已焚斃

馮克文 係馮克善胞弟已生擒正法

馮克旺 係馮克善胞弟已殲斃

徐占幗 係徐安幗胞兄已殲斃

徐定幗 係徐安幗胞弟已殲斃

徐亭棟 係徐安幗胞叔已焚斃

王進忠 係王文興親子已生擒正法

此外殲斃燒斃小頭目等不可勝計現在城內賊屍填街塞巷城外濠溝等處賊屍枕藉亦實難以辨認合併登明

謹按嘉慶十八年十二月二十日廷寄內奉

上諭據那彥成奏查明已未殲獲賊目單內其未獲之宋

玉林一犯昨已據同興奏報在於東省拏獲又陳美玉

一犯據東省訊明獲犯業已身故著將此二犯開除餘

俱上緊查拏為要

那文毅公總統河南東直隸軍務奏議

卷三十三

三

謹按嘉慶十八年十二月初九日廷寄內奉

上諭本日據馮克善供出有伊胞弟馮克文及牛洛明陰成德三犯均係滑縣人

謹按嘉慶十八年十二月十二日奏內

奏馮克善供出胞弟馮克文及牛洛明陰成德三犯

等查牛洛明即牛亮臣之號稱牛老明洛即老之同音並無另有牛洛明其人陰成德即尹成德業已病斃其子尹振為坎宮王亦已殺斃謹

奏

謹按嘉慶十八年十二月十七日奏內

刑文殺公總河南山東縣署奏議

卷二十三

三

奏查馮克善在京供出之伊弟馮克文一犯亦已查明

前已殲斃謹

奏

嘉慶十八年十二月二十一日

奏奉

旨查拏馮克善供出家屬經臣提齊該犯族人武舉馮克

恭武生馮克寬馮克忠等供稱馮克善是同會祖

弟兄我等早已分居他有胞弟馮克文馮克旺堂

兄馮克換堂弟馮克昌同院居住均經先後正法

馮克善平素好賭博打架我們各有生業不能管

教是實並不知他有習教謀逆之事九月初三日

牛亮臣在縣供出他是邪教隨即逃走後來教匪

入城我們都在城內受困並無助賊馮克善前妻

焦氏早已病故並無兒女繼妻劉氏有一女名喚

梅妮纔一歲並無兒子又據馮克善之妻母劉徐

氏供稱馮克善前妻焦氏並無兒女我女兒生有

一女名梅妮纔一歲並無生子那日官兵破城我

逃出城外寄住道口親戚家女兒及梅妮在城實

不知生死等情覆加究詰供無異詞查馮克善在

京供出伊妻焦氏子坤牛女明兒均與現訊馮克

刑文殺公總河南山東縣署奏議

卷二十三

三

恭等所供不符該犯明係懼拏家屬飾詞捏混查

滑縣破時賊首所住均係大房知係賊首之房無

不焚殺其妻劉氏女梅妮既在城中現無下落諒

已被官兵殲斃仍當留心訪查務獲辦理謹

奏

謹按嘉慶十八年十二月二十五日廷寄內奉

上諭那彥成另片奏查訊馮克善家口與其在京供詞不

符一節除現在再向馮克善覆訊外該犯妻女二人一

時未能查出尚無緊要至伊既自稱有子坤牛遺孽斷

不可留那彥成仍當確查下落毋致倖脫至馮克善之

堂兒馮克恭前據馮克善供稱本年八月十三日曾將該逆及牛亮臣在滑縣首告此事是否確實若馮克恭果曾首告該逆則是深知大義此事由伊破案不可不加以獎賞並著查明覆奏

謹按嘉慶十九年正月初五日奏內

奏馮克善家口現復提訊馮克恭等堅供該犯前妻焦氏後妻劉氏實在並無生子名坤牛者其為馮克善仍前混供已無疑義又馮克恭訊無從賊情事其赴縣首告馮克善係在上年九月初三日李文成被擊以後詰以何不早告則稱教匪勢盛早告

聖文毅公總辦河南東縣縣務奏議

卷二十三

三五

恐被仇害等供事雖近情並非由伊破案業已訊明應請無庸獎勵謹

奏奉

硃批刑部知道

謹按嘉慶十八年十二月二十日奏內

奏前奉

發下次要犯名單內翟清林一犯現於另呈單內聲明開除又馮克善在京續供之王聚一犯前次具奏開單已經殲斃應同馮克善捏供之伊妻焦氏子坤牛女明兒等三名一併開除

嘉慶十八年十二月二十九日

奏為奏

聞事竊前次擊獲賊目奈士林曾據供出有西明寺賊僧顯禮係賊首宋克俊族人曾學拳棒屢次打仗甚為兇悍等情當即留心嚴緝茲於滑縣西明寺內經正定鎮徐銀擊獲解營訊據供稱僧名顯禮俗家姓宋名三妮滑縣桃源人自幼在西明寺出家師傅積福久已身故平素頗有膂力愛習拳棒十五年二月隨族人宋克俊入教本年九月初七日隨同宋克俊入城救出李文成隨後佔據道

聖文毅公總辦河南東縣縣務奏議

卷二十三

美

口攻打滑縣曾殺過兵勇十三人李文成因我勇往封我為開路先鋒後來道口被官兵打破我身受鎗箭三傷不敢回縣逃往內黃縣一帶討喫度日本月二十日回到西明寺就被擊獲等情查該犯習教助逆且被害兵勇十數名之多殊堪髮指審明後隨即凌遲梟示又連日搜捕餘匪擊獲董琉璃董輔來等二百十四名均八卦內匪夥道口逃散之賊俱經打仗殺人並非著名頭目亦即一併正法現仍嚴密緝拏斷不使逸匪漏網謹

奏奉

硃批刑部知道

謹接嘉慶十九年正月初五日奏內

奏軍機處奉

旨發下賊犯名單一件當即分別查對註明已滅未滅已

獲未獲分移山東河南山西江蘇安徽各省查照

辦理再各處孳獲賊犯自知罪大惡極往往更名

改姓不肯吐實又各處土音不同且一名另有一

號每易傳訛臣前已具奏仰懇

勅部訊明年親住址分晰開單查緝庶正賊無可倖脫而

平民亦不致誤拏謹

聖製公總統河南東臬魏翥奏謹

卷三十三

三

奏奉

硃批刑部嚴訊具奏分晰開單即速發往

嘉慶十九年正月十三日

奏為遵

旨覆奏事竊照欽奉

上諭及屢蒙

發下緝拏賊犯名單令臣查對已未滅擒者分別扣除飭

緝等因除節次開單覆奏外茲照原發名單內有

註明住址者覆加查對計現獲一名殲斃二十一

名獲解二名謹開具名單恭呈

御覽除移咨河南山東山西江蘇安徽五省停緝外應請
旨勅部查照開除其原發單內並無年貌亦無住址者臣

曾經

奏明並請

勅部查開各緝再從前大股賊匪羣聚滑城迨大兵克復

窮三晝夜之力或焚或殲實無一名漏網所有著

名頭目業已盡斃其已斃之無名賊夥實在不可

勝數委難辨認即如近日滑縣城內地窖中尚有

刨出賊屍多至二千餘名均皆糜爛所有單內未

獲各賊是否有在其內者亦實難於查辦臣仍移

聖製公總統河南東臬魏翥奏謹

卷三十三

三

東豫撫臣並嚴飭直隸地方官按名實力訪緝不

使疎懈謹

奏

謹將節次奉

旨飭拏已經殲擒賊匪開具名單恭呈

御覽

陳金聲原註據高張氏等供現在西鄉城固等

據獲犯秦理供河南臨漳縣有同教人陳金

聲當即委員前往躡緝茲據報獲已飭交衛

輝府即錦麒詳細訊究並留秦理與之對質

應請開除

宋崇得 原註係小頭目住滑縣河西

宋元武 原註係小頭目住滑縣宋家灣

以上二名查係賊首宋元成族人原住滑縣

河南蘇渡地方後同眷屬移住滑縣城內俱

已殲斃應請開除

高玉瓜 原註據馮克善供係坤卦頭目

查坤卦賊名有高玉花一名已於道口殲斃

似即係其人應請開除

袁貴 原註據獲犯劉第五即劉宋林供係小頭目

那文毅公總河南山東縣務奏議 卷三十三 五

查係滑縣北湖人年七十餘歲已在城內焚

斃應請開除

邵二 原註係馮克善供掌離卦頭目

查係滑縣軍莊人已於上年九月十二日經

該縣拏獲正法應請開除

張一得 原註係小頭目

查係滑縣中兆人已於上年十月初經該莊

義勇殲斃應請開除

翟清

林劉

趙林

以上三犯應即係前次奏明開除之翟清林

劉兆臨二犯今奉發單內平列三行開作三

名係屬錯寫應請開除

賈士元 原註林清供係長垣卦首

羅文志 原註林清供係長垣卦首

以上二犯據杜勝營都司陳夢熊稟稱賈士

元一犯已於上年九月十三日被兵勇殲斃

取有髮辨存驗羅文志一犯亦在焦家樓地

方鎗斃取有首級存驗應請開除

那文毅公總河南山東縣務奏議 卷三十三 四

又奉

廷寄內開牛亮臣徒弟五名

李懷林

查係滑縣道口人已於上年九月內經該縣

拏獲正法

劉道錫

查係劉萬倉已列入進呈單內註明生擒正

法

連三中

查即係廉三仲已列入進呈單內註明殲斃

申幘正

廷寄內指明兌卦伯申幘正查前奏司寨擒獲賊匪內兌卦伯申文顯一名是否即係其人應請

勅部查訊

孫有和

查擒獲散賊內有孫又和名字當即係其人

應請開除

又徐安幘徒弟六名

牛建聞

查擒獲賊匪冊內有牛建文一名已正法

刑文毅公總統河南山東真隸霧奏議

卷三十三

聖

王卓立

查係王修治族叔已殲斃

蕭觀義

查賊名冊內有蕭觀意一名已正法

張發捷

查係潛縣人冊內有張法捷一名已正法

朱大朋

查係開州人冊內有朱大鵬一名已正法

陳百約

查即係程百岳已列入進呈單內註明焚斃

孔老登

原註係小頭目住居長垣城內年五十餘歲

據大名協副將佛雲稟已拏獲解省

支進財

原註係林清管事頭目

據深州知州凌泰交稟已拏獲解省

白天士

原註據山海關獲犯施廣供係長垣縣龐橋兒人

龐尙有

原註據山海關獲犯施廣供係長垣縣龐橋兒人

以上二名查住家長垣縣龐橋兒地方者並

無白天士之名止有監生白天賜現已嚴訊

實無習教情事並據白天賜供稱同莊人龐

尙情已故多年係屬農民亦無習教之事實

刑文毅公總統河南山東真隸霧奏議

卷三十三

聖

訊莊隣供亦無異似係施廣捏供應請開除

嘉慶十九年正月十六日

奏

臣前於圍攻滑縣時拏獲秦學會一犯訊係賊中頭

目比因該犯語言明晰暫留訊問賊情未即誅戮

該犯畏法追悔將賊中情形全行吐露供出頭目

甚多均經即時拏獲並無一名漏網茲已全功告

竣無可備質自應仍按軍法辦理第念該犯一經

獲案不敢稍有隱飾供吐賊情指拏頭目得將各

犯迅就殲誅不致多煩兵力是該犯於萬無可宥

之中尙有一線可寬之處可否仰懇

皇上天恩免其一死仍將該犯發往新疆給披甲兵丁為奴以示懲儆謹

奏

謹按嘉慶十九年正月十九日廷寄內奉

上諭那彥成方片奏獲犯秦學曾於供吐賊情尙能詳晰得以指掌賊目不費兵力可否寬其一線等語秦學曾被獲後供吐賊情不敢隱飾尙知畏法著從寬免其一死發往新疆給額魯特為奴

嘉慶十九年正月十六日會同山東巡撫同公興

奏為緝捕土匪會商從嚴懲辦以靖閭閻恭摺奏

聖

卷三十三

聖

間事竊臣那彥成帶兵周歷大名府屬各州縣後於本月

十四日來至山東曹州與臣同興會晤面商所有

應辦善後事宜業已由臣同興節次具奏辦理在

案現在體察地方情形直東兩省交界曾被賊匪

滋擾之處已全就肅清民情均極安貼惟間有無

業土匪三五成羣夜聚以散鄉民呼為土壘子乘

難民甫經歸業藉勢搶竊糧食臣那彥成在滑縣

接據直隸藩司素納著大名道屠之申稟報當經

派撥兵弁嚴密查拏並令提督馬瑜正定鎮總兵

徐銀等協同緝捕迨來至開州已據該司道等於

清豐一帶拏獲二十餘人並據馬瑜等於東明一

帶拏獲三十餘人臣同興亦先後派員於曹縣定

陶等處拏獲一百餘人均經委員會同地方官分

起審訊據供三五成羣搶竊是實並無不法情事

亦非餘匪臣等復思賊匪習教之始傳徒原不甚

多迨日久人眾遂致滋生事端此等土匪每起不

過數名或一二十名乘夜攫取行同鼠竊並非結

夥多人執有旗號暗記肆行悖逆可比第涓涓不

塞誠恐日漸滋蔓又成巨案且當賊氛甫靖大兵

未撤之時該犯等即膽敢黑夜糾竊並或故意放

火乘機搶掠若不嚴加懲辦勢必相率效尤無所

忌憚臣等公同商酌將曾經放火搶掠在三次以

上者為首之犯即按軍法梟首示眾其為從之犯

及搶竊一二次為首者概行發往新疆永遠為奴

不致仍留地方復聚為匪若僅止隨眾偷竊並無

放火情事予以枷杖杖如分別嚴懲庶匪徒知所

畏懼共相斂跡臣等一而行知馬瑜就近仍嚴訪

查拏照辦仍令營汛及地方官員各於木管地面

嚴密搜捕並於兩省交界之處無分畛域蹤有線

索徑行嚴緝如有似此土匪即照現擬章程辦理

以期綏靖閭閻而文良善謹合詞恭摺具

奏伏乞

皇上訓示遵行再臣那彥成拜摺後於十六日起身進京

恭覆

恩命謹

奏奉

硃批自應如此嚴辦

那文毅公總統河南山東直隸軍務奏議

卷三十三

聖

那文毅公總統河南山東直隸軍務奏議卷三十三

那文毅公總統河南山東直隸軍務奏議卷三十四目錄

卷三十四

推薦文武附料彈

那文毅公總統河南山東直隸軍務奏議

目錄

一

那文毅公總統河南山東直隸軍務奏議卷三十四

男容安恭輯

推薦文武 附科彙

嘉慶十八年十一月二十一日

奏為遵

旨查明覆奏事竊 臣前奉

上諭據高杞奏河南蘭陽縣童泰初將難民二千餘人渡至南岸因其奏稱黃河南岸亦有勾連蠢動之機恐奸匪潛往勾結不得不嚴辦示懲特降旨將該員革職枷號現在南岸並無蠢動看來童泰初所渡或實係難

那文毅公總統河南山東直隸軍務奏議

卷三十四

一

民現在黃河渡口稽查盤詰不能不嚴然沿河文武若因童泰初獲罪凡老弱難民一概不加撫卹全令破賊戕害殊覺於心不忍甚或迫而從賊所關猶鉅著那彥戎查明黃河以南現無勾結蠢動情事即將童泰初先行開枷飭令在河干幫同防守稽查如能認真出力再行奏聞加恩開復欽此仰見

皇上於明罰勅法之中仍寓宥罪施仁之意 臣遵卽劄飭

河南藩臬兩司確切查明具結稟覆茲據該司台斐音諸以謙稟稱查得蘭陽縣所管村莊大半俱在黃河北岸前據童泰初稟報九月二十三日賊

竄蘭陽之五里集難民逃奔河灘羣在淤泥淺水

之中哀號求救童泰初放船救渡自辰至申督同

兵役細加盤詰互相認識者始准濟渡等語由兩

司詳次覆查所渡難民均註有村莊住址姓名細

冊賊退之後又經童泰初飭傳親族尋領回家通

計難民二千三十二名又毗連之考城縣難民二

十二名住址確鑿是童泰初當日所渡實係被難

民人並無奸細在內該縣地方現在靖謐等情加

具印結稟覆前來 臣查奸宄固應查拏難民亦宜

撫卹童泰初於奉文飭將北岸船隻撤歸南岸之

那文毅公總統河南山東直隸軍務奏議

卷三十四

二

後擅行放船濟渡大屬昌昧今既查明所渡實係難民當日曾細加盤詰有冊可稽並無奸匪混跡嗣後難民均已回家現在地方尚屬安靜童泰初所辦尚無不合自應欽遵

恩旨將已革蘭陽縣知縣童泰初卽日先行開枷仍飭令

在河干一帶幫同委員嚴密查防可否准其開復

之處出自

聖恩謹繕摺覆

奏再黃河南岸 臣仍嚴飭地方文武加謹巡防不致稍

有疎懈謹

奏

嘉慶十八年十一月二十三日奉

上諭那彥成奏已革知縣懇請開復一摺蘭陽縣知縣童泰初前據高杞奏濟渡難民中恐有賊匪潛往勾結將該員革職枷號茲據那彥成查明所渡實係難民當日均詳加盤詰有住址姓名細冊可稽並無奸匪混跡現在地方安靜該員所辦並無不合童泰初前已開枷著加恩開復原官留於河南遇有知縣缺出卽行補用
嘉慶十八年十月二十五日

聖裁總統河南東蘇奏議

卷三十四

三

力臣等公同商酌令其卽回懷慶彈壓地方其河北鎮總兵事務查有候補總兵徐銀前經臣那彥成

奏請補授山東兗州鎮總兵尙未奉有

諭旨現在帶兵一時不得其人相應請

旨卽令徐銀署理河北鎮總兵印務可否卽以徐銀補授

抑另行簡員補放之處伏候

聖裁謹

奏

嘉慶十八年十月二十五日

奏

奏原任陝西西安鎮總兵楊芳因丁憂服滿自原籍貴州起復赴京行抵豫省情願留於軍營効力謹

謹按嘉慶十八年十月二十八日廷寄內奉

上諭那彥成奏請以徐銀補授河北鎮總兵一節徐銀昨已補授正定鎮總兵所有河北鎮總兵一缺已有旨將湯芳補授矣

嘉慶十八年十月三十日

奏爲直豫兩省士民堵禦出力恭摺奏

聖裁總統河南東蘇奏議

卷三十四

四

聞事竊照此次賊匪滋事以來人人共憤各州縣士民莫不義切同仇各自團練壯勇互相扞禦遇有賊踪竄及隨處堵剿殺獲甚多並有紳士人等捐輸錢米守禦城垣養贍窮民等情由該地方官陸續稟報前來臣伏思該士民等守望相助固屬桑梓情殷而於平原曠野之區官兵布置勢難周密賊氣肆擾之際到處得資堵截實足以正人心而助兵威該士民等洵屬有勇知方深堪嘉尙除先行批飭分別獎賞並諄諄曉諭毋得妄殺無辜以安良善臣覆加查核內殺賊不及百名無庸開單外謹將殺賊過百名者繕具清單恭呈

御覽仍俟軍務告竣再行確查始終出力之人另行

奏請

恩施及造冊咨部謹

奏

謹將直豫兩省各州縣稟報紳士義勇堵擊賊匪情形開具清單恭呈

御覽

據東明縣稟報九月二十五月初二初三初八初

九等日賊匪竄至趙家集沙窩武邱集荆台集等

處經義勇梁芳武生李長春等率領鄉勇堵擊先

那文毅公總統河南山東直隸奏議

卷三十四

五

後殺賊三百餘名生擒宋中張改等十八名奪獲

布旗器械無數

又據東明縣稟報該縣被賊滋擾紳士范孝謙高我

等捐資僱夫修補城垣並各輸錢米養贍窮民共

相守禦城賴以安

據長垣縣稟報十月十五日丁樂集賊匪肆行焚掠

經范相集武生成晚蘭生員韓宗元等帶領鄉勇

奮力攻擊殺賊匪于方平等五百餘名生擒賊匪

三名奪獲器械無數

據大名副將佛雲稟報十月十三十八等日把總職

衛王成棟廩生呂原諱率同義勇許恒敬等攻擊

張卜寨黃村等處賊匪殺死二百七十餘名生擒

程射斗等五名奪獲器械無數義勇張成穿王相

廷張奉先被賊鎗斃

謹按嘉慶十八年十一月初三日廷奇內奉

上諭那彥成另摺奏直豫兩省堵禦出力士民名單該士

民義切同仇各自團練鄉勇並捐輸錢米守衛城垣勦

殺賊匪多名具屬急公尚義可嘉奏到清單交軍機處

存記俟軍務全竣時那彥成再將出力之人分別保奏

候旨施恩

那文毅公總統河南山東直隸奏議

卷三十四

六

嘉慶十八年十月三十日

奏為滑縣地方亟需幹員料理恭摺奏懇

聖恩事竊照河南滑縣被賊滋事猝致失守現尙懸缺無

人一切地方公事急需幹員經理因查有大挑試

用知縣孟吧瞻係山東人前曾委署滑縣印務早

經卸事聞其得民心人亦勇往此次賊匪滋擾經

衛輝府知府郎錦騏委令該員團勇緝拏所有該

縣被難書役居民人等皆逃赴孟吧瞻處隨同在

牛市屯一帶團練防堵該處係衛輝西南要路一

面通太行一面通省屢被賊踪竄及孟吧瞻率領

丁勇堵剿先後殺賊二千餘名甚為出力現當大兵進剿一面正須安輯良民不日地方肅清一應撫綏善後事宜均須得人經理查滑縣印信業經搜獲存貯衛輝府庫將來收復縣城總須委員任事孟吧瞻既係熟手能得民心辦事亦屬勇幹合無仰懇

皇上天恩即將滑縣知縣印信發給孟吧瞻令其署理飭將一應公事先為料理庶現在書役義勇居民人等均有歸屬善後事宜亦可早得妥為辦理實有裨益臣為地方起見與河南撫臣方受疇往返札

加毅公總統河南東嶽奏議 卷三十四 七

商意見相同謹

奏

嘉慶十八年十一月初三日奉

上諭那彥成等奏滑縣地方亟須幹員經理一摺滑縣被賊滋擾大兵進剿即日收復一應安輯撫綏事宜均須得人經理試用知縣孟吧瞻前署該縣能得民心此次剿捕賊匪勇幹出力所有滑縣知縣一缺即以孟吧瞻補授其部選之員著發往河南交與方受疇遇有簡缺知縣即行奏補

謹按嘉慶十八年十一月初四日奏內

奏連次打仗官員兵勇實屬奮勇出力臣謹擇其殺賊受傷而有功者先儘兵丁同官弁遵旨秉公保舉伏乞

皇上施恩謹奏奉

硃批即有恩旨

嘉慶十八年十一月初六日奉

上諭那彥成奏遵旨將攻克道口及連次打仗出力官弁兵丁等開單呈覽懇請施恩鼓勵等語此次攻克道口官兵等飛越溝濠攻剿竟日將賊巢掃除淨盡又連獲

聖毅公總統河南東嶽奏議 卷三十四 八

勝仗實屬奮勇可嘉著加恩將乾清門頭等侍衛額勒精額賞給健勇巴圖魯名號頭等侍衛哈朗阿賞給健勇巴圖魯名號仍著在乾清門行走遊擊齊慎著賞給健勇巴圖魯名號照例各賞銀一百兩二等侍衛阿勒罕保札蘭保陞授頭等侍衛阿勒罕保著在乾清門行走三等侍衛蘇倫保陞授二等侍衛空花翎霍隆武賞給藍翎侍衛仍帶空花翎護軍營前鋒蘇清阿遊擊祁祥守備蔣光奎千總張作功吳現俱著遇有應陞缺出先行陞用並著先換頂戴遊擊馬光宇賞戴花翎都司劉印景守備寶德俞振海千總段永福俱著賞換花

翎火器營護軍三音布吉格德里武常清常勝保健銳
營前鋒校海明阿西朗阿明福驍騎校西林保遊擊楊
印花都司劉夢龍陳天壽守備劉鳳翥雲騎尉署守備
陳善干總候補守備鄧殿魁干總劉攀桂楊立振把總
劉鳳翥蕭貴張化鵬馬全升外委李伏殿向榮額外外
委游貴張寧西安滿營前鋒興安保海平和楞額馬甲
奇車布陝西馬兵祝廷元蕭捷陞劉天華陳誥俱著賞
戴藍翎原任都司胡超准其開復原官該部知道摺單
併發

嘉慶十八年十一月初四日

那文毅總督南東... 奏議 卷三十四 九

奏為軍營打仗出力人員仰懇
聖恩分別陞補各缺以示鼓勵事竊照軍營遇有員缺自
應擇其隨營打仗奮勇出力人員儘先拔補茲准
固原提督楊遇春咨稱陝西漢中鎮略陽營遊擊
楊連仲陣亡遺缺查有陝安鎮屬紫陽營都司周
貴堪以陞補所遺都司一缺查有漢中鎮屬瓦石
坪守備趙啓貴堪以陞補所遺守備一缺查有固
原提屬西鳳陽千總唐俸堪以陞補等情轉請具
奏前來 臣覆查周貴趙啓貴唐俸等三員均係節次打
仗在前敵殺賊多名實屬奮勇出力合無仰懇

聖主天恩俯准分別陞補並請先行
賞換頂戴以示鼓勵謹

奏

嘉慶十八年十一月初六日奉

上諭那彥成奏請將軍營打仗出力人員分別陞補一摺
著照所請陝西略陽營遊擊員缺著周貴陞補所遺紫
陽營都司員缺著趙啓貴陞補瓦石坪守備員缺著唐
俸陞補俱著先換頂戴

嘉慶十八年十一月初八日

奏各路領兵大員現在會同遵

那文毅總督南東... 奏議 卷三十四 十

旨保奏外查楊遇春久歷行間打仗勇往久在
聖明明鑒之中至高杞極知感激
聖恩督兵打仗均在前敵不避艱險二人均係受
恩深重固屬分所當為均毋庸 臣保奏今既奉
旨飭查 臣不敢壅於上
聞謹
奏
嘉慶十八年十一月初八日
奏欽奉
恩旨各路領兵大員著秉公查明擇其實在出力者奏明

賞給議敘其餘將領弁員開列清單將應行陞擢及賞戴翎枝者分別保奏降旨施恩但必須超眾奮勇如飛越溝濠不避矢石者方准列入無得冒濫欽此查侍衛額勒精額哈朗阿二員已經等保奏其餘則先儘微末兵丁同官弁分別開單奏請陞擢及賞戴翎枝在案今奉

恩旨令將各路領兵大員據實保奏茲查帶領馬隊格布舍富僧德慶祥帶領步隊特依順保馬元及副將張大振均在前敵認真出力請

旨施恩臣未敢擅便又總兵楊芳一員現係三品頂戴可

否

賞換二品頂戴之處出自

皇上天恩所有奉

旨查明帶兵出力大員謹

奏

嘉慶十八年十一月奉

上諭前次官兵攻克道口賊巢各路帶兵大員奮勇出力當經降旨令那彥成秉公保奏茲據查明覆奏格布舍富僧德慶祥特依順保馬元及副將張大振均著加恩交部議敘其三品頂戴總兵楊芳著加恩賞還二品頂

戴以示獎勵

嘉慶十八年十一月初八日

奏為滑縣義民助官剿賊實屬奮勇出力恭摺奏懇

聖恩量加獎勵事竊查官兵剿賊以來有豫省候補知縣

孟吧瞻團練義民在滑縣之牛市屯一帶勦官堵

勦節次殲擒賊匪二千餘人臣奏明並會同撫

臣方受疇以孟吧瞻請署滑縣知縣專摺具

奏在案查官兵攻克道口之日該義民等積經隨軍打

仗燒毀滑縣南關追官兵勦殺桃源賊匪堵截滑

城臣并派令孟吧瞻分撥義民將接應內賊之桃

源及留固集八里營等處賊匪分枝勦捕連日斃

賊八九百人生擒二百餘人現據嚴審分別辦理

奪獲賊旗鎗矛甚多該義民共有三千餘人俱經

臣犒賞銀牌米麵猪羊等項面加獎勵查現在賊

匪之外援既絕則孤城困守勢必尅日攻摧且夥

黨陸續剪除將來搜捕餘匪更可不致多費兵力

於軍務實屬有裨惟前項牛市屯義民在直隸兩

省中尤為奮勇出力即日大兵克復滑城原無藉

此義民協助聲勢而其志切同仇節次殺賊不可

不加之鼓勵伏查賞號惟求頂戴可以榮身臣又

如毅公總統河南東豫義民

卷三十四

七

不敢蹈軍營積習私自擅給理合專摺奏明仰懇
聖主天恩俯准頒賞金頂數十個種礮頂數十個以憑擇
其出力最著者隨地隨時分別賞給記檔統俟事
竣彙冊咨部查核原有頂戴之義民將來或可補
用官職者仍當核實秉公保舉斷不敢稍有冒濫
謹

奏

據河南試用知縣在牛市屯團練義勇之孟呖瞻稟
報十月初二初六初八初十等日賊匪在葛村鳳
亭樵邱康家莊大河村上官屯傅家集等處焚掠

那文毅公總督山東直隸事務奏議

卷三十四

三

經六品銜劉金常生員郭青山義勇孟大有等帶
領鄉勇攻擊先後殺死賊匪五百餘名生擒楊連
玉等六名奪獲器械無數義勇李文瑞之父李兆
祿及申克勤都進國栗白玉被傷身死

又據孟呖瞻稟報十月五十七等日賊匪千餘人
糾合丁樂集賊匪在岳杜家莊許莊瓦屋寺等處
焚掠經武生謝金標義勇秦百福等率眾攻擊先
後殺賊匪八百餘名生擒二十九名奪獲器械無
數義勇魏玉山胡廷生劉萬春魏道福胡錫魁胡
道見謝金都等被傷身死

又據孟呖瞻稟報十月二十四二十七等日義勇內
有福建原任都司何毓龍等跟隨官兵助勦八里
營留固五里舖及滑縣南關等處賊匪先後殺賊
二百餘名生擒曹三友等七名奪獲布旗器械無
數

謹按嘉慶十八年十一月十一日廷寄內奉

上諭據那彥成等另摺奏滑縣義民勦賊奮勇請頒賞頂
戴一節義勇幫同官兵殺賊數千名自應加之獎勵准
其頒賞種礮頂三十個金頂三十個那彥成擇其尤為
出力者賞給種礮頂出力稍次者賞給金頂此項頂戴

那文毅公總督山東直隸事務奏議

卷三十四

四

亦毋庸自京發往即由軍營就近發給分別記檔事竣
造冊咨部毋得逾額冒濫

嘉慶十八年十一月初八日

奏本月初四日奉

上諭以官兵攻克道口健銳火器營官兵此次臨陣衝突
其中自必有勇往出力者著據實查明保奏數人候朕
施恩伏查攻道口之日所有派出健銳火器營官兵實
屬勇往出力臣那彥成先經查明將獲軍常勝保
三音布吉格德里武常青等開單恭請
恩賞監翎謹

奏

嘉慶十八年十一月三十日

奏為查明隨征怠玩之備弁兵丁嚴行懲辦以肅戎行

事據色爾滾德寧阿特依順保楊芳等同營百員

此次官兵於十九日在白土崗剿賊已經得手嗣

賊匪佔據山梁向下力撲二次經鎮將等督率弁

兵奮力仰攻詎河南官兵同西安滿營健銳營弁

兵竟有不肯向前者經特依順保楊芳等將河南

兵二名立用腰刀砍倒眾兵始皆畏懼一齊沖上

山梁將賊匪追逐下山盡數剿戮查帶兵打仗全

在領兵之備弁旗手等督率前敵今查出河南盧

氏營守備左傳文西安營驍騎校穆蘭健銳營前

鋒校查當阿副前鋒校倭希布明福等五員帶兵

實屬畏葸稟請查辦等情臣等查官兵剿賊正當

接仗緊要之際乃該備弁並不率眾向前以致眾

兵遷延不進若非特依順保楊芳等激勵將士鼓

行而前幾被賊匪壓下山梁似此怠玩之備弁本

應即照軍法從事查官兵此仗大獲全勝次日即

剿滅全股賊匪並破首逆雖係勝仗而畏葸者仍

應從重懲辦等已將左傳文等拔去翎頂理合

奏

據實奏請

旨將左傳文穆蘭查當阿倭希布明福等發往伊犁充當

苦差仍在戍柳號一年以示薄懲其餘旗手兵丁

等臣等已經分別懲辦仍嚴飭帶兵鎮將鼓勵官

兵俾令共知畏懼以肅戎行謹

奏

嘉慶十八年十二月初三日奉

上諭那彥成等奏查明隨征怠玩之備弁兵丁嚴行懲辦

一摺所辦甚是軍營賞罰嚴明方足以示勸懲此次官

兵攻克司寨殲除首逆所有在事出力奮勉之將弁兵

丁均經立沛恩施俾知鼓勵乃白土崗進剿之時健銳

營及河南西安弁兵中竟有一二退縮不前者經特依

順保楊芳等立時砍斃二人率眾鼓勇直前始獲全勝

前查出河南盧氏營守備左傳文西安營驍騎校穆蘭

健銳營前鋒校查當阿副前鋒校倭希布明福俱臨陣

畏葸本應即按軍法從事但念此次全師告捷始從寬

懲辦左傳文等五員俱著革職即在軍營柳號示眾俟

軍務全竣發往伊犁到戍再柳號三年後充當苦差永

遠不准釋回俾眾知警畏以肅戎行

嘉慶十八年十一月二十二日

奏

奏色爾滾德寧阿楊芳特依順保四員久歷戎行帶兵

甚為勇往此次勦滅大股賊匪兼斃首逆李文成
等多名且能剪除直境大患實屬奮勇出力可否

仰懇

皇上天恩

賞加陞銜以示獎勵其餘在事出力文武兵丁等另咨查

明奏懇

聖恩謹

奏奉

硃批卽有恩旨

那文毅公總辦河南軍務奏

卷三十四

七

謹按嘉慶十八年十一月二十五日廷寄內奉

旨色爾滾德寧阿著加恩各賞加都統銜楊芳特依順保

著加恩賞加提督銜卽先換一品頂戴該四員仍俱賞

給雲騎尉世職其中有世職者准其再兼一雲騎尉

嘉慶十八年十一月三十日

奏吉林委叅領富林德隨軍攻破司寨後有賊匪七八

十人逃入民房悉力抗拒富林德奮門撲進舉刀

連砍二賊詎賊衆擁出致被鎗傷陣亡時富林德

之弟甲兵伊常德見兄倒地奮不顧身直前殺賊

同時中鎗陣亡隨經伊弟領催哲明德伊姪甲兵

硃

靈星德二人同衆兵將房屋圍住搬運柴草舉火

焚燒始將賊衆七八十人一併燒斃查富林德

伊常德以弟兄二人同時殺賊捐軀能知大義實

為可嘉其被害亦最慘烈哲明德靈星德旋將賊

衆全行燒斃其義勇之氣更可嘉獎所有陣亡委

叅領富林德甲兵伊常德應作何

賞卹業蒙

皇上恩施飭部查辦至領催哲明德甲兵靈星德已面

加獎勵伊二人伏地流涕實堪憫惻已諭以奏

明請

那文毅公總辦河南軍務奏

卷三十四

六

旨賞給藍翎可否之處出自

聖主天恩謹

奏

嘉慶十八年十一月三十日

奏陝甘督標中軍副將張大振平日整頓營伍操練兵

丁極為認真每於三六九日親赴箭道閱視另

有公事則皆該副將日操演寒暑從無間斷是

以督標與固原提標官兵咸皆驍勇倍常此次調

赴軍營較別營猶為奮勇出力竟成勁旅滿漢各

官無不人人稱道查張大振前在道口及滑縣節

次勦賊亦能奮勇而平日訓練有方俾五營咸成勁旅其四年之勞尤不可泯該副將係保舉堪勝總兵引

見奉

旨記名之員臣謹據實奏明俟有總兵缺出可否仰懇

皇上天恩簡放之處出自

聖裁謹

奏奉

旨記名

嘉慶十八年十一月三十日

刑文毅公總辦河南東糧軍務奏議

卷三十四

九

奏為查明出力之文武員弁兵丁遵

旨據實保奏仰懇

聖恩事竊查官兵勦滅大股竄匪殲斃首逆臣等欽奉

上諭飭令秉公查明官弁兵丁內應行獎勵者據實保奏

施恩仰見

聖主獎勵微勞論功行賞之至意伏查隨營文武員弁兵

丁節次奮勇出力臣等業已會同查明詳加確核

今擇其尤為出力者據實保奏查吉林黑龍江各

官兵一戰滅賊實堪嘉獎欽奉

殊諭朕之子弟精兵也臣傳宣之下該兵丁等感激奮興

出於至誠是以將此二項官兵多保數員至緣營武職謹保遊擊三員都司二員守備四員其餘均係弁兵又隨帶差委文職各員均分別繕具清單

恭呈

御覽仰懇

皇上天恩加以鼓勵謹

奏

嘉慶十八年十二月初三日奉

上諭那彥成等奏查明出力文武員弁兵丁據實保奏一摺前經官兵將分鎮輝縣司寨大股賊匪全數勦滅並

刑文毅公總辦河南東糧軍務奏議

卷三十四

辛

將逆首李文成賊目劉愾明等殲斃當降旨交那彥成

等詳查出力弁兵奏請鼓勵茲據查明保奏其滿營出

力弁兵內營總和福巴圖魯舒爾哈善著加恩賞加副

都統銜佐領永海賞給幹勇巴圖魯名號特里善賞給

堅勇巴圖魯名號營總阿爾遜賞給奮勇巴圖魯名號

委叅領巴圖魯賞給健勇巴圖魯名號德海賞給藝勇

巴圖魯名號德林保賞給勁勇巴圖魯名號二等侍衛

蘇倫保賞給迅勇巴圖魯名號叅領巴揚阿德清佐領

安出拉額布臣曉騎校貴當阿富色訥領催永謙岱親

保富里善俱著賞換花翎叅領柯仁阿巴爾精阿俱著

賞戴花翎營總巴圖魯富住著以協領補用副參領諾木齊著賞給頭等侍衛委章京伊勒東阿達明善委參領額勒謹花良阿驍騎校德陞額領催柯敏阿俱著以驍騎校陞用藍翎長朱勒格訥額勒登布藍翎領催伊林善慶德領催綽哈納伊靈阿富清阿領催委官英陞額甲兵額勒精額俱著賞給額外驍騎校三等侍衛金齊仙保著賞給二等侍衛藍翎侍衛吉爾章阿著賞給三等侍衛前鋒訥清阿綽鸞泰博爾洪武全祿烏爾滾布委章京倭仁保德仲委官興德常喜保和善錢德色普正額領催烏勒登額富倫泰佛爾洪阿札拉棗圖明

那文毅公總統河南東嶽縣奏議

卷三十四

三

阿噶勒明阿西朗阿董保山清安布丹泰保富諸胡六十五三官保烏靈額伊克唐阿烏爾恭保卜算保倭德倭興額低勒罕保舒爾德訥古胡蒼玉祿委驍騎校長壽委領催阿寧阿馬甲和綳額烏爾滾保伍崇額清海伊成額色布青額福勒通保披甲伊勒賡保穆克登保鄂克敦保伊克精額甲兵噶興阿額勒謹穆騰額伊興德薩隆阿多拉岱額勒德慎穆騰策薩尼布記名驍騎校圖木魯營總武爾卿阿馬兵達沖阿護軍色卜星額前鋒校德會俱著賞戴藍翎其綠營出力弁兵內都司趙啟貴著賞給驍騎巴圖魯名號遊擊馬正元都司馬

鳴謙守備唐俸千總張作功王萬德饒成富俱著賞換花翎遊擊安惠著賞戴花翎守備郭鵬起千總李步月許福顏生貴把總米兆元褚天喜羅永忠張朝玉王貴蕭福祥馬呈堯外委馬士祿朱啟鯤郭玉蒙世恒張武唐占魁杜佐清馬騰蛟楊烈王一鳳武舉楊兆麟武生馬兵朱連陞額外外委廖再富王貴李國彥王萬慶閻登第馬兵馬廷俊萬代興單萬邦王寶元牛化麟李元魁林懷玉柴得元譚國輝馬魁張鳳鳴徐梅王殿卿白朋甘貴許正英俱著賞戴藍翎遊擊熊敏謙守備杜縉童順千總魯福山陳貴馬連陞俱著以應陞之缺陞用

那文毅公總統河南東嶽縣奏議

卷三十四

三

先換頂戴草職千總徐國禎李朝陽俱著開復原官其隨營差委出力之河南試用知縣曹貽澤著加知州銜候補未入流姚璣著以應陞之缺陞用甘肅武威縣知縣宋炳著以同知直隸州即補先換頂戴陝西丁憂候補知縣徐潤俟服闋到陝補缺後著以同知直隸州補用先換頂戴甘肅丁憂西寧縣知縣李耀服闋後即著留於河南以知縣即補陝西候補州同王金華著以應陞之缺陞用甘肅隆德縣典史沈在光著以應陞之缺儘先陞用山東候補縣丞捐陞通判陳建著留於直隸儘先補用捐納縣丞沈玉墀著留於河南儘先補用直

硃
硃
硃
流看守會給過糧食數石我因受餓不過無奈收
食並不敢得受偽封我已老邁何能代賊巡城鑄
礮惟我既做教官貪生隱忍實屬糊塗該死只求
治罪等供臣復查傳城內生監耆民逐加訊問趙
心戒在城實無受賊封職之事惟身任訓導名節
攸關遇變不能盡節且收受賊人糧食覲顏苟活
實屬喪盡天良毫無廉恥應將趙心戒一犯擬斬
立決訊明後此是即行正法仍查明家口緣坐再滑縣
教諭印信現已搜獲

奏

聖毅公總辦南直隸事務奏議

卷三十四

五

嘉慶十八年十二月十六日奉

上諭據那彥成等奏滑縣教諭呂秉鈞等於滑縣被陷時
均被賊匪將全家殺害等語教諭呂秉鈞勵節捐軀一
門殉難深堪憫惻巡檢劉斌於逆首李文成未經起事
之先訪聞稟縣迅就擒獲刑訊受傷旋被官兵殲斃厥
功甚鉅且捐軀殉難全家被戕猶為可嘉可憫呂秉鈞
劉斌均著加恩照知縣例賜卹典史陳寶勳把總戚明
彰亦全家被害均為慘烈著加恩照原官給予卹典以
勵臣節而慰忠魂該部知道

嘉慶十八年十二月二十四日

奏為查明出力之員弁兵丁據實保奏仰懇
聖恩量加鼓勵事竊查官兵攻克滑城剿滅賊眾經臣等
奏奉

恩旨首先登城超眾出力之官兵等著查明保奏再降恩
旨等因臣伏查官兵自圍攻滑城以及克復之日無不
奮勇爭先踴躍用命緣臣等於克城後即趕緊安
撫難民審訊獲賊及籌議善後事宜諸務紛紜一
時未暇查明官員勞績且論功行賞
鉅典攸關尤當秉公確查無濫無遺方可請
恩施而示鼓勵茲查明滿漢各營官兵擇其尤為出力者

聖毅公總辦南直隸事務奏議

卷三十四

五

將首先登城及入城打仗殺賊同創掘地道者分
為三項開具員名清單恭呈
御覽其初十一二三四等日擊獲賊首賊目者另容查
明具奏此次合營官兵統計一萬五六千名為數
既多且人人奮勇殺賊立功其勞實不可泯又隨
營差委及承辦糧臺之文員等或辦理文檄晝夜
勤勞或審訊賊犯多至五六千人分別良莠費盡
推求或堵擊逸匪撫卹難民或運送前敵及大營
軍火糧餉辦理木城礮臺地道濠溝鹿角並攻城
器具等項均屬始終奮勉不辭勞瘁今擇其尤為

出力者先行開單保舉其餘仍再確查具奏仰懇
皇上天恩加之鼓勵俾在營文武員弁兵丁等均得渥沐
鴻慈同深感激謹

奏奉

硃批卽有恩旨

嘉慶十八年十二月二十四日

奏河南藩司台斐音駐劄衛輝督率屬員辦理軍火糧
餉甚爲妥速不惟軍行無悞且於攻城一切器具
晝夜督飭糧臺加緊製備得以尅期蒞事該司身
係大員受

聖裁謹

卷三十四

三

恩深重 臣不敢保奏而其勞績亦不敢壅於上

聞又祥河同知方傳秩係方公疇之子因迴避改掣東河
尚未前往適教匪滋事方受疇令其來營聽候差
委以圖報効該員隨營以來差務奮勉經派委創
掘南門地道置放地雷該員督同兵夫連夜趨辦
不避艱險實屬勞苦出力在方受疇世受
國恩分應勉力報効 臣亦不敢因方傳秩係屬大員子弟
泯其微勞查方傳秩係迴避實缺同知到東河卽
應補缺可否量加鼓勵之處應候

奏

容安謹按二員均蒙

恩獎交部議敘

嘉慶十八年十二月二十七日奉

上諭那彥成等奏查明出力員弁兵丁據實保奏一摺此
次攻克滑城剿滅賊衆實屬辦理完善茲據那彥成等
先將尤爲出力者查明開單奏請量加鼓勵著照所請
加恩將首先登城之總兵馬元賞加提督銜副將張大
振賞加強勇巴圖魯名號並擊周貴賞給迅勇巴圖魯
名號將那祥遊擊齊慎以副將陞用先換頂戴遊擊

聖裁謹

卷三十四

天

馬光宇萬彪呂天候馬騰龍守備黨得用千總王萬得
段永福饒成富俱以應陞之缺陞用先換頂戴總兵音
登額遊擊圖勒畢善俱賞戴花翎遊擊陳天壽都司馬
起龍俱賞換花翎遊擊富克清阿廣瑞守備馬高傑雲
騎尉趙世芳千總仇懷瑾丁順白玉把總姜得智張賢
音大鵬武舉巫殿甲陳紹宗外委陶昇怡蘭唐如意賈
得額外外委吳元誠文國安劉兆吉馬兵白俊陳貴劉
奇李虎魏五李元許正武李正邦王大明俱賞戴藍翎
吉林領催委防禦舒隆阿委驍騎校五十九俱以額外
驍騎校陞用委官圖和保委驍騎校都凌阿俱賞戴花

翎委防禦色普清額領催安寧豐林保雙金保前鋒倭
赫訥甲兵伊精德訥年保庚音布希楞額伊靈阿英善
七十一金海巴清德俱賞戴藍翎委驍騎校富克錦甲
兵阿里福烏爾公額俱以驍騎校陞用委防禦德成賞
戴花翎驍騎校隆佳賞戴花翎索倫八品廕生車楞達
什委官吉林保俱賞戴藍翎前鋒藍翎長達布星阿達
爾奇領催敦保色爾善俱以驍騎校陞用委營總哲保
以額外總管陞用藍翎委防禦額爾格木齊委叅領齊
木多爾濟俱賞換花翎領催庫密特依以額外驍騎校
陞用委防禦哈豐阿賞戴花翎委驍騎校訥林保三音

聖毅公總統河南軍營事務奏議 卷三十四 三

齊克俱以額外驍騎校陞用委叅領愛仁保委防禦額
林薩領催德成額甲兵色必德爾巴伍倫佩俱賞戴
藍翎委營總武爾清阿賞加副都統銜副總管委營總
管富登阿准其開復降二級處分火器營護軍懷他布
賞戴藍翎親軍藍翎長札玉善阿素拜唐阿倭什布俱
以藍翎侍衛陞用護軍校烏爾棍泰以三等侍衛陞用
前鋒校蘇拉布准陞一等健銳營章京希林保以三等
侍衛陞用二等侍衛巴楞保以頭等侍衛陞用三等侍
衛蘇清阿以二等侍衛陞用副前鋒校吉勒圖堪准陞
一等西安防禦善蓋賞戴花翎驍騎校忠靈賞戴藍翎

圖英阿以額外驍騎校陞用其創掘地道安放地雷之
叅將丁永安著以副將用先換頂戴遊擊楊印花都司
唐燧俱賞換花翎都司吳亨佑余國柯守備劉允孝俱
以應陞之缺陞用先換頂戴五品軍功袁鏞武舉馬俊
千總蔣士榮把總楊光春楊生祿外委穆陞王青山額
外外委張文玉兵丁安定和張鳳鳴沈奎劉永福馬全
尚文全張順馬奎樊起元周玉福許受李篤生左顯文
謝奎俱賞戴藍翎其打仗殺賊之吉林委叅領德春札
庫奇俱賞戴花翎委防禦盛額委官格綳額委驍騎
校立柱達親保三音保前鋒多凌阿甲兵福隆阿伊才

聖毅公總統河南軍營事務奏議 卷三十四 三

保福春伍靈阿德楞保德楞額富宜阿貴林俱賞戴藍
翎索倫協領卓爾渾保營副都統銜佐領德色爾克
依札隆武俱賞戴花翎貝渾保賞給堅勇巴圖魯名號
甲兵西楞保布坤初薄雲圖前鋒巴勒呼勒岱甲兵格
通阿烏爾滾索木策楞俱以額外驍騎校陞用驍騎校
雅布延領催巴爾疆阿薩宜阿甲兵吐靈阿豐陞額富
克精額色吐渾顯孫保靈宜滿倉珍占爾札普色文諾
爾布達薩布百依胡善雅蒙阿古宜阿薩立善布希朗
阿俱賞戴藍翎火器營護軍校吉格以委叅領陞用藍
翎長雙壽吉爾明阿以護軍校陞用藍翎長薩明阿以

額外護軍校陸用藍翎長達從阿以藍翎侍衛陸用委
叅領色爾古善以副叅領陸用健銳營叅領花山保賞
給果勇巴圖魯名號前鋒巴圖隆阿賞戴藍翎藍翎長
特克什哈以額外前鋒校陸用前鋒叅領金保賞加副
都統銜前鋒校廣德以委叅領陸用委叅領托克托布
賞給二等侍衛協領穆蘭岱賞給勁勇巴圖魯名號協
領瑚松額賞戴花翎佐領德楞防禦海祿俱賞換花翎
防禦白起克圖驍騎校訥恩德布領催雙福前鋒校克
伸布德亮俱賞戴藍翎叅將薛陞札勒杭阿俱以副將
陞用先換頂戴遊擊許紹公守備聞元千總馮士魁王

聖毅公總統河南軍務奏議

卷三十四

三

兆林萬清海俱以應陞之缺陞用先換頂戴副將舒凌
阿賞戴花翎都司陳錦守備彭永吉俱賞換花翎遊擊
法克精阿守備張光奇向立功興文泰千總馬世傑李
永宣任貴邦馬奉三恩騎尉馬忠候補把總金占鰲把
總時錦章劉沛榮解廷芳武舉董占文武振邦外委陳
奉魁周才馬忠良達俊高殿甲楊萬春崔祥額外外委
張啟林職文壽軍功監生張大鵬馬兵陳起譚尙德李
洪陞袁貴汪吉受周明李懷堂韓永祿張元純楊福魁
顧忠甘長春俱賞戴藍翎降調之佐領委叅領奇成革
職之都司何毓龍雲騎尉候補守備海雲俱准開復原

官其隨營之文職各員或辦理文檄審訊賊犯或堵擊
逸匪撫卹難民或運送軍火糧餉等項均各始終奮勉
不辭勞瘁亦著照所請河南候補道范準其儘先補
用知府盛泰賞加道銜即錦麒賞戴花翎候補知府周
光緒賞戴藍翎工部員外郎克興額准其留於直隸以
知府用工部員外郎玉綬賞戴藍翎同知劉寶第賞加
知府銜候補知州吳扶曾陸有恒准其儘先補用知縣
璧昌孟吧瞻俱賞戴藍翎儘先陞用之知縣王楚堂以
同知直隸州陞用先換頂戴候補知縣沈春煦准其儘
先補用縣丞張尙棟以知縣陞用縣丞楊廷陞以知縣

聖毅公總統河南軍務奏議

卷三十四

三

儘先陞用布政使照磨唐晉錫以應陞之缺儘先陞用
投効縣丞李增壽歸部即選候補縣丞葉峻岫准其儘
先補用投効縣丞楊紹源准其留於河南儘先補用候
補吏目方傳秉准其儘先補用候選從九品張炳歸部
即選草職直隸州張學程知縣張丹桂典史沈榮俱准
其捐復原官其草職兵部郎中丁樹本請賞給六品頂
戴之處未免過優著以兵部七品小京官用該部知道
摺單併發

嘉慶十八年十二月二十四日

奏為奏明請

旨事竊照軍營所出員缺應擇其打仗出力者儘先拔補

茲查火器營空花翎霍隆武陞任藍翎侍衛遺缺

請以前鋒校德祥補授所遺之缺請以藍翎長穆

特布補授所遺之缺請以烏鎗護軍泥音柱補授

又副護軍叅領諾木齊陞任頭等侍衛遺缺請以

委章京托克托武補授所遺之缺請以前鋒校福

倫布補授所遺之缺請以副前鋒校倭仁布補授

所遺之缺請以火器營烏鎗隊長德爾色楞補授

又前鋒校察當阿草退遺缺請以副前鋒校烏隆

阿補授所遺之缺請以火器營隊長福忠阿補授

那文毅總辦河南軍營事務奏議 卷三十四 三

又副前鋒校窩什布草退遺缺請以筆帖式色勒

補授所遺之缺請以前鋒他清阿補授又副前鋒

校明福草退遺缺請以筆帖式阿隆阿補授所遺

之缺請以火器營烏鎗護軍保明補授又護軍營

前鋒校岳王保陣亡遺缺請以烏鎗藍翎長蒙古

巴圖補授所遺之缺請以蘇素勒通阿補授又西

安滿營驍騎校穆蘭草退遺缺請以領催伍忠阿

補授又防禦色克通額陞任佐領遺缺請以驍騎

校鳳靈補授所遺之缺請以前鋒校札克丹補授

又吉林驍騎校富林德陣亡遺缺請以巴圖魯領

催德林保補授以上各員均係打仗出力之人合

無仰懇

皇上天恩俯准分別陞補以示鼓勵謹

奏

嘉慶十八年十二月二十七日奉

上諭那彥成奏軍營打仗出力滿員分別陞補一摺加恩

著照所請火器營空花翎霍隆武陞任藍翎侍衛遺缺

著德祥補授所遺前鋒校員缺著穆特布補授所遺藍

翎長員缺著泥音住補授又副護軍叅領諾木齊陞任

頭等侍衛遺缺著托克托武補授所遺委章京員缺著

那文毅總辦河南軍營事務奏議 卷三十四 三

福倫布補授所遺前鋒校員缺著倭仁布補授所遺副

前鋒校員缺著德爾色楞補授又前鋒校察當阿草退

遺缺著烏隆阿補授所遺副前鋒校員缺著福忠阿補

授又副前鋒校倭什布草退遺缺著色勒補授所遺筆

帖式員缺著他清阿補授又副前鋒校明福草退遺缺

著阿隆阿補授所遺筆帖式員缺著保明補授又前鋒

護軍校岳王保陣亡遺缺著蒙古巴圖補授所遺烏鎗

營之藍翎長員缺著蘇素勒通阿補授又西安滿營驍

騎校穆蘭草退遺缺著伍忠阿補授又防禦色克通阿

陞任佐領遺缺著鳳靈補授所遺驍騎校員缺著札克

丹補授又吉林驍騎校富林德陣亡遺缺著德林保補授該部知道摺單併發

嘉慶十八年十二月二十四日

奏為軍營打仗出力人員仰懇

聖恩分別陞補各缺以示鼓勵事竊照軍營遇有員缺自

應擇其隨營打仗奮勇出力之員儘先拔補茲查

甘肅寧夏鎮屬廣武營遊擊吳得友病故遺缺查

有陝西漢中鎮標左營遊擊方一彪堪以調補所

遺員缺查有固原提屬涇州營都司李章堪以陞

補所遺員缺查有候補都司胡超堪以補授又甘

肅州鎮屬赤金營都司劉國琳推陞遺缺查有

甘肅提標後營守備周悅勝堪以陞補所遺員缺

查有陝甘督標後營千總徐士麟堪以陞補又甘

肅提標破口營都司紀祥傷亡遺缺查有固原提

屬八營守備馬天錫堪以陞補所遺員缺查有陝

西潼關協營千總朱效先堪以陞補又陝西河州

鎮屬岷州營都司徐鎮陞任遺缺查有甘肅提屬

南古城營守備溫永泰堪以陞補所遺員缺查有

肅州鎮屬沙州營千總王元堪以陞補又陝西河

州鎮屬文縣營都司顧應全陞任遺缺查有固原

提屬慶陽營守備鍾虎獅堪以陞補所遺員缺查

有甘肅寧夏鎮標左營守備馬輔相堪以調補所

遺員缺查有固原提屬利橋營千總單煙堪以陞

補又陝西延綏鎮屬柏林堡守備胡文秀陞任遺

缺查有甘肅西寧鎮標右營千總席殿魁堪以陞

補又陝西略陽營守備吳亨佑陞任遺缺查有固

原提屬西鳳營乾州汛千總魯福山堪以陞補又

陝西河州鎮標右營守備馬鳴謙陞任遺缺查有

固原城守營千總孔登元堪以陞補又陝西陝安

鎮屬鎮安營守備孫榮陞任遺缺查有漢中鎮屬

寧陝營千總劉泰堪以陞補又甘肅涼州鎮屬紅

水堡守備馬金魁陞補遺缺查有寧夏鎮標前營

千總楊德貴堪以陞補又河南盧氏營守備左傳

文泰革遺缺查有河南撫標左營千總趙六韜堪

以陞補以上各員均係節次打仗在前敵殺賊多

名實屬奮勇出力合無仰懇

皇上天恩俯准分別陞補並請先行

賞換頂戴以示鼓勵謹

奏

嘉慶十八年十二月二十七日奉

那文毅公總辦河南軍務奏議 卷三十四 三

那文毅公總辦河南軍務奏議 卷三十四 三

上諭那彥成奏綠營各缺請將打仗出力人員分別陞補一摺加恩著照所請甘肅廣寧營遊擊員缺著方一彪調補陝西漢中鎮標左營遊擊員缺著李章陞補涇州營都司員缺著胡超補授赤金營都司員缺著周悅勝陞補甘肅提標後營守備員缺著徐士麟陞補硤口營都司員缺著馬天錫陞補固原提屬八營守備員缺著朱效先陞補陝西岷州營都司員缺著温永泰陞補南古城營守備員缺著王元陞補陝西文縣營都司員缺著鍾虎狎陞補慶陽營守備員缺著馬輔相調補甘肅寧夏鎮標左營守備員缺著單煙陞補陝西柏林堡守備員缺著席殿魁陞補陝西略陽營守備員缺著魯福山陞補陝西河州鎮標右營守備員缺著孔登元陞補陝西鎮安營守備員缺著劉泰陞補甘肅紅水堡守備員缺著楊德貴陞補河南盧氏營守備員缺著趙六輯陞補所有此次陞補各員均著加恩先換頂戴該部知道摺併發

嘉慶十八年十二月二十九日

奏為查明隨營文武員弁奮勇出力之人恭摺奏懇聖恩量加鼓勵事竊臣於攻克滑城後遵旨將首先登城及入城打仗殺賊並刨挖地道置放地雷

那文毅公奏議 卷三十四 三

之員弁兵丁等分單保奏聲明拏獲賊首賊目者另行查奏在案茲查明滿漢官兵拏獲賊匪頭目等各員名又隨營文職各員承辦軍營緊要差務超眾出力各員謹據實保舉分別繕具清單恭呈御覽仰懇

皇上天恩加之鼓勵俾大小文武官兵等咸得普被恩施感激

皇仁實無涯量此外守城團勇等容臣確查另行具奏以期賞必酬勞斷不敢稍有冒濫謹

奏

嘉慶十八年十二月二十九日

奏軍功六品銜劉金常生員孟大炘隨同遊擊馬光字知縣孟貽瞻等團練義勇屢次打仗殺賊甚為奮勇劉金常應請以府經縣丞歸部選用孟大炘請以從九未入歸部選用謹附片

奏懇

聖恩謹

奏

嘉慶十九年正月初四日奉

上諭那彥成奏查明滿漢官兵拏獲賊首賊目並隨營文

那文毅公奏議 卷三十四 三

職承辦軍營差務超眾出力各員據實保舉一摺加恩
著照所請吉林委叅領舒精阿索倫藍翎委叅領達善
委叅領札坦保領催委驍騎校和成額俱賞戴花翎吉
林甲兵占泰清明富金泰貴林索倫領催札立善富阿
清阿托爾岱諾木桑山巴什坦保鄂班多依色音保甲
兵勒爾吉善雅爾西納前鋒萬盛保福保布特海哈哈
穆克登俱賞戴藍翎西安佐領達靈阿著賞換花翎吉
林領催委防禦伍隆阿委驍騎校七克坦惠金保前鋒
善西保豐盛阿甲兵德勝額德冲阿索倫前鋒德陞阿
西安領催格成俱以驍騎校陞用火器營藍翎長札拉

聖恩給總河南東嶺軍務奏議

卷三十四

五

芬著以護軍校陞用固原中營把總李廷棟西安鎮左
營把總張福榮固原右營額外委薛居福左營馬兵
苟成金何永清前營馬兵馬雙西安鎮中營馬兵李朝
貴陝西營馬兵劉廷清西安鎮標兵丁陳斌王彥龍黃
金模俱賞戴藍翎河南光州直隸州知州何光熊著以
知府陞用同知直隸州陞用甘肅武威縣知縣宋炳著
賞戴花翎同知直隸州陞用陝西候補知縣徐潤河南
候補知縣李燿俱賞戴藍翎河南候補知縣白士棟候
補吏目王家勳俱儘先補用揀選知縣金世福著留於
直隸補用投効山東試用府經歷梁行緒從九品張璧

候選從九品沈光波俱留於河南補用河南淮寧縣縣
丞溫維祺著以知縣陞用工部書吏蘇興成著免其扣
滿五年歸部選用投効革職知縣葛拱宸著准其捐復
其另片所奏團勇殺賊之軍功六品銜劉金常准其以
府經歷縣丞歸部選用生員孟大所准其以從九品未
入流歸部選用該部知道摺單併發

嘉慶十九年正月初五日

奏為各路出力義勇仰懇

聖恩賞給頂戴以示鼓勵事竊查欽奉

上諭此次直隸豫東三省被賊滋擾各州縣其城村鄉鎮

聖恩給總河南東嶺軍務奏議

卷三十四

罕

多有紳士耆民國練義勇捐給錢文白衛里閭而賊眾
被勦奔竄之時因所至有備不致肆行裹脅於官軍亦
不為無助士民等深曉大義志切同仇實堪嘉尚著直
隸山東河南各督撫查明近賊各府州縣團練防護處
所將倡首之紳士耆民據實保奏分別賞給職銜其出
資出力之居民商賈人等該督撫自行查辦或給予匾
額或量加賞資以示褒獎欽此仰見

皇上鼓勵義民

恩施普被至意除倡首之紳士耆民另容查明據實保奏

外至 前奏滑縣知縣孟岷岷瞻團練義勇殺賊出

力仰蒙

恩賞碑礮頂三十個金頂三十個經隨時賞給在案另候查明報部查核茲該義勇等連次隨軍攻城之日始終奮勇並有事故及帶傷多名除彙案咨部議卹外所有前項頂戴現在不敷分賞且此外各州縣義勇於白衛村莊之外多有打仗殺賊奮勇出力者節據各路文武稟報仰體我

皇上一視同仁之意酌賞頂戴俾令榮身即不日巡查直隸山東邊境一帶亦當擇義勇中之尤為出力者量加賞給以獎微勞合無仰懇

聖恩准再賞碑礮頂五十個金頂一百個俾得分別賞給

庶各省士民益可勵其急公向義之志感激

鴻慈實無涯涘如蒙

恩允所給頂戴統容彙冊咨部倘尚有多餘仍當照數繳還斷不敢稍有冒濫再滑縣義勇內查有生員郭

青山李榮春崔清魁韓宗元等四名又民人焦興邦王成棟韓國彥郭有成等四名皆係首先團練

殺賊立功惟臣查其人究竟武健性成且於各義勇呼應太靈若留於原籍將來恐致桀驁難馴而既已助官出力又不能不加以鼓勵臣前與楊

遇春酌擬請將生員郭青山李榮春二名發往甘肅崔清魁韓宗元二名發往陝西均以從九未入流試用其民人焦興邦王成棟韓國彥郭有成等四名請各

賞給藍翎仍令前往楊遇春營中補給千把外委隨營當差亦可以資約束謹

奏

嘉慶十九年正月初九日軍機大臣字寄奉

上諭那彥成奏各路出力義勇懇請賞給頂戴以示鼓勵等語此次豫省及直隸山東邊境一帶賊匪滋擾各路

聖恩准再賞碑礮頂五十個金頂一百個那彥成擇其尤為

出力者分別賞給毋稍冒濫其另片奏生員郭青山民

人焦興邦等首先團練殺賊立功亦當加以鼓勵惟武

健難馴未便留於原籍請分發試用隨營當差等語著照所請生員郭青山李榮春以從九品未入流發往甘

肅試用崔清魁韓宗元以從九品未入流發往陝西試用其民人焦興邦王成棟韓國彥郭有成俱賞戴藍翎

令其前往楊遇春營中効力以千把外委酌量補用俾資約束

嘉慶十九年正月初十日

奏為請補武職各缺仰懇

聖恩事竊照軍營遇有員缺例得將隨營出力之員量加

拔補茲查甘肅寧夏鎮屬花馬池營將陳弼病

休遺缺查有甘肅肅州鎮屬靖逆營遊擊熊敏謙

堪以陞補所遺遊擊一缺查有直隸天津鎮標城

守營都司寶德堪以陞補所遺都司一缺查有陝

西會寧營守備郭鵬起堪以陞補所遺守備一缺

查有甘肅寧夏鎮標右營千總張作友堪以陞補

以上各員節次殺賊實屬奮勇出力合無仰懇

聖主天恩俯准分別陞補先換頂戴以示鼓勵謹

奏奉

旨照所請行該部知道

嘉慶十九年正月初十日

奏為現在隨營例應引

見之武職各員仰懇

聖恩俯准就近給咨以示體卹事竊照此次隨營出力武

職各員經臣奏蒙

恩旨分別陞補各缺自應照例由各本省督撫給咨送部

引

見惟查陝甘各員距京較遠若由陝甘總督給咨往返有

需時日該員等現在隨同臣尚須週歷直隸山東

邊境一帶巡查彈壓合無仰懇

皇上天恩俯准俟事竣之日即由臣就近咨送兵部引

見俾該員等不致往返需時感激

鴻慈實無涯量查前項應行引

見者共十六員又溫承惠奏准隨營者五員謹一併開具

員名清單恭呈

御覽此外尚有應行引

見各員緣現在已派赴陝西南山交與長齡等差遣不日

聖主天恩俯准分別陞補先換頂戴以示鼓勵謹

奏奉

旨照所請行該部知道

嘉慶十九年正月十六日

奏為行抵直隸查明各地方官紳士等守護城池及承

辦後路軍需轉運糧餉尤為出力各員恭摺保

奏仰懇

聖恩量加鼓勵事竊查上年九月賊匪滋事直省設立局

務派委大小官員辦理後路軍需旋經大兵雲集

賊匪肅清其開州軍營管理隨營糧臺出力各員

引

業經托津分別保奏仰蒙

皇上逾格

鴻慈

恩施獎勵茲臣帶兵來直周歷開州東明長垣查勘從前

被擾情形該三州縣地方均經賊匪往來奔竄焚

掠村莊而東長兩縣屢被攻撲城池各地方官於

事起倉猝之際竭力守護並本處紳士捐貲僱募

壯勇協同捍衛得保無虞均屬踴躍急公未便沒

其勞績而總局經理後路軍火糧餉各員出入賊

中冒險轉運俱能迅速趕辦毫無貽誤茲已全師

那文毅公總統河南山東直隸軍務奏議

卷三十四

聖

凱撤軍務告竣各該員等始終奮勉亦應量予甄

敘現據總理局務之司道等開單呈送臣逐加詳

核大加刪減以期無濫謹擇其尤為出力官員紳

士伏祈

皇上施恩謹

奏

嘉慶十九年正月二十日奉

上諭那彥成奏請獎勵直隸開州東明長垣等處守城團

勇超眾出力文武各員及捐貲濟公之紳士一摺直隸

六品銜東明縣知縣朱煒著以應陞之缺儘先陞用署

長垣縣事試用通判周克家著以本班儘先補用長垣

縣典史劉世治著以縣丞陞用杜勝營都司陳夢熊東

明汎把總梁得貴著賞戴藍翎趙州營守備劉經著換

戴花翎原任守備陳萬邦著開復原官候選直隸州知

州李鐸捐職布政司經歷沈宏亮捐職布政司理問賴

夔龍候選訓導李棠捐職從九品張融有俱著發往各

省試用其在軍需局及催運糧餉超眾出力之原任遵

化直隸州知州李景梅著准其留於直隸以原官補用

蠡縣知縣俞英世著以同知陞用先換頂戴長蘆試用

鹽大使徐張煥著以本班儘先補用儘先補用縣丞顧

那文毅公總統河南山東直隸軍務奏議

卷三十四

聖

霖著免補本班以知縣陞用草職直隸試用知府趙對

輝草職原任獻縣知縣馮鈺降調原任建昌縣知縣那

斯渾降調原任正定縣候補縣丞歐聲振俱著准其就

近指復原官留於直隸補用

那文毅公總統河南山東直隸軍務奏議卷三十四

那文毅公總統河南山東直隸軍務奏議卷三十五目錄

卷三十五

籌定善後

附分籌凱撤

籌抵軍需

凱旋入

那文毅公總統河南山東直隸軍務奏議

目錄

一

那文毅公總統河南山東直隸軍務奏議卷三十五

上海古籍出版社

男容安恭輯

籌定善後

附分籌凱撤

籌抵軍需

凱旋入

嘉慶十八年十二月十五日會同協辦大學士托

公津

奏為遵

旨籌議善後事宜事竊臣托津奉

旨前赴滑縣軍營與臣那彥成會商善後事宜仰見我

皇上聖謀廣運

睿慮周詳務期長治久安至意臣托津當由開州起程於

那文毅公總統河南山東直隸軍務奏議

卷三十五

一

十三日行抵滑縣時滑城先於初十日攻克西晤

那彥成即將應議事宜會同悉心籌酌查現在圍

城以下大股賊匪業已悉數剿除並殲擒著名各

賊首不留餘孽從此風謠盡息邪慝潛消人心便

可大定至豫省之滑縣濬縣及被賊竄擾之各縣

村莊如何撫卹難民之處應由撫臣方受疇督屬

辦理其直隸之長垣東明開州山東之曹縣定陶

等州縣亦由該督撫一體查辦外至嚴禁邪說遏

絕亂萌臣等伏讀屢奉

諭旨總以正本清源為要務

聖訓煌煌惟在地方官實力奉行自可靖人心而消奸宄
惟於直隸河南山東三省察看大局情形地方營
務有必須斟酌權宜量加損益者謹擬數條恭呈
聖鑒

一直隸省會向在正定地方嗣因距京城較遠復
移保定查正定西界山西南界大名順德廣平
毗連河北最為扼要之地該處僅設總兵不足
以崇體制應請將正定鎮總兵改為提督就近
節制宣化天津及現擬另改大名之三鎮其大
名地方亦關緊要稽查宜嚴應請將大名協副

那文毅公奏議

卷三五

二

將一缺即移正定鎮總兵改為大名鎮總兵所
有正定提督於原設鎮標三營之外尙應添設
營分大名鎮亦須添設應如何與別營官兵內
裁減抽撥之處臣那彥成另再查明核議其正
定提督一缺大名鎮總兵一缺必得熟悉軍務
平日整頓營伍認真可靠者方可得力容臣那
彥成於現在軍營出力人員內開列數人以備
簡用

一直隸督標及提鎮協標營額設官兵約共三萬
八千六百餘名似可毋庸增添惟河南山東二

省向因腹地設兵無多查河南撫標及鎮協各
營共止設兵一萬三千八百八十餘名山東兵
數移查未覆大約與河南相等或遇地方有事
實屬不敷調派今請

勅下河南山東撫臣查明地方營分均關緊要者酌添官
兵若干名無關緊要者酌減若干名除以減抵
增外尙須酌添若干或於就近江南等省均勻
抽撥請

那文毅公奏議

卷三五

三

要之計
一此次被賊滋擾之直隸開州東明長垣及河南
滑縣濬縣等處現在已將潛匿匪徒嚴加搜捕
百姓避難歸來漸安生業查該州縣界在三省
應多增營汛弁兵方足以資彈壓臣等擬於開
州移駐遊擊一員添兵若干名東明移駐都司
一員長垣移駐守備一員滑縣移駐參將一員
添兵若干名濬縣移駐守備一員添兵若干名
其應於何處營汛裁撤歸併現在移查直隸河
南等省容再酌籌具奏

一吉林黑龍江官兵馬隊最為驍勇鎗箭無虛此
次剿捕賊匪更為得力惟該二處距京較遠征
調不易誠如前奉

聖諭^臣等愚昧之見應請將吉林黑龍江二處官兵共調
撥一千名駐京操防按三年一班輪流調換既
可協同八旗官兵衛護京城遇有征調亦可迅
速前往至吉林黑龍江官兵原有本身俸餉既
經調駐京營似應量為增給以示體卹其三年
輪班往返行裝等項亦應籌畫查京城健銳火
器營兵拴馬三千一百匹未免過多應請將此

聖諭^臣等愚昧之見應請將吉林黑龍江二處官兵共調

卷三十五

四

項馬匹量為核減其馬乾等項即可撥備前項
官兵增給俸餉及行裝之用至前項官兵到京
時應撥何處駐劄及俸餉馬乾應如何估支之
處應請一併

勅交兩翼八旗及戶兵二部查議辦理

一各直省編查保甲屢奉

諭旨並頒發葉佩孫簡明章程地方官均當實力遵行此
次教匪滋擾之區毗連三省現在軍務告嚴各
路嚴行搜捕自可盡絕根株但念經誦咒及學
習拳棒之風沾染已深恐一時未能盡息尤應

嚴為防範以免邪惡復萌^臣等查編查保甲與
搜捕賊匪名雖兩事實則一端今應於被賊滋
擾及近賊之處責成該管道府督率州縣委員

一面編查戶口即一面稽查匪徒如有剿敗竄
匪及伏匿未發者曉諭各莊衿耆鄉約人等自
行舉出或網縛獻官給以重賞窩留匪徒者一
併嚴辦自此次編查之後若再有滋事匪徒即
將地方官加等治罪其民間藏有不法經卷及
旗幟器械等項概令繳出銷燬藏匿者仍以悖
逆論其委員書役人等不得藉下鄉編查為名

聖諭^臣等愚昧之見應請將吉林黑龍江二處官兵共調

卷三十五

五

需索門牌戶口冊費以妄掣無辜均予重懲再
此次教匪滋事固由於傳習邪說煽惑愚民而
其中多係學習拳棒如馮克善宋躍濬唐彭子
之類不一而足好勇鬪狠不止犯上作亂河北
山東一帶風氣剛勁習俗尤易移人並請

勅下直隸河南山東三省督撫嚴飭地方官將民間教習

拳棒亦一概嚴行查禁

一鄉勇名目本奉

諭旨飭禁惟事起倉猝或防堵地方過多不能不暫為團
練以助兵力此次軍營鄉勇均非無業游民現

已事竣不難遣散歸農惟所執刀矛鎗箭一切

器械有官為散給者有自行製備者此時若一

概令其入官辦理似未平允若令其銷燬又恐

私自收存稽查又滋擾累請將鄉勇自製一切

器械按名收繳給與價值造冊報明各直省督

撫仍分貯州縣庫內以備應用

一直隸為

畿輔重地營伍操防更關緊要查現在直省帶兵

將備中 那彥成留心察看未甚得力將領不

得其人則訓練官兵既不足以資整飭遇有搜

捕事件亦難向遠省調用 愚昧之見應請就

現在軍營之陝甘將備擇其得力者酌挑十數

員與直省將備分別對調庶期直省營務口有

起色此係斟酌變通並非定例惟 臣受

恩深重為整頓營伍起見不敢稍分畛域如蒙

俞允另容將陝甘將備名單開呈

御覽

以上各條 臣等會同商酌實係目前應辦事宜

即為善後至要之計謹就管窺所及恭摺覆

奏是否可行伏乞

皇上睿鑒訓示謹

奏奉

硃批大學士軍機大臣會同該部議奏

嘉慶十八年十二月十八日軍機大臣字寄奉

上諭本年直隸順德廣平大名三府地方年歲歉收節經

加恩撫卹現在軍務已竣安撫災民最為緊要此等之

食窮黎係朕善長赤子若不妥為緩輯小民凍餒所迫

或再聚眾掠食擾害村莊其意祇圖一飽苟延旦夕初

無謀逆之心與賊匪之蓄謀勾煽者迥不相同但一經

滋事或聞拏抗拒勢不得不用兵剿捕民為邦本朕體

那文毅總督河南直隸事務奏議 卷三十五 七

天地好生之心實有所不忍藩司素納現在大名府城

該督務就近督飭素納認真經理或設廠煮賑以資餉

口其轉徙道路者或揀派誠實之員酌帶銀米俾資接

濟良民苟不至救死不遑必不肯冒法作亂能使民情

大定則兵燹之餘更可保無他患該督盡心督率妥辦

毋忽至溫承惠在直隸總督任內於逆匪林清滋事未

能覺察其所屬東明長垣地方亦多逆匪厥罪甚重本

應革職遣戍經朕格外施恩賞給五品職銜派令軍營

効力事竣來京仍以司員補用該員久任封岳係屬

厚現在直隸地方有賑撫事宜著那彥成即傳諭

惠令其激發天良量力捐輸或五六萬兩或一二萬兩
奏明措交藩司素納收貯以備賑卹之用

嘉慶十八年十二月二十四日

奏為據情代奏事據溫承惠呈稱竊溫承惠在直隸總

督任內於林清謀逆滋事毫無覺察負罪實深仰

蒙

皇上逾格

天恩不加重譴且荷

賞給五品職銜私衷感悚寢食難安現在軍務告竣因思

直隸等處尚須籌辦撫卹需用不貲溫承惠久任

那文毅總督河南直隸總督奏議

卷三十五

八

總督養廉優厚情願呈捐兩年養廉銀三萬兩以

備賑卹之用現在先措銀一萬兩解交直隸藩庫

其餘趕緊措交以冀稍贖前愆勉圖報効於萬一

等情理合據情代奏謹

奏

謹按嘉慶十八年十二月二十七日廷寄內奉

上諭那彥成另摺奏溫承惠懇繳養廉銀三萬兩著即令

其陸續措交直隸藩庫以備撫卹之用

嘉慶十八年十二月二十一日會同參贊大臣楊

公遇春河南巡撫方公受疇

奏為會籌善後事宜恭摺奏

開仰祈

聖訓事竊照滑城克復經托津與臣那彥成彙核三省情

形酌議各條奏請

訓示所有豫省軍務告竣之後一切應行事宜臣現復與

方受疇會同悉心籌畫縷晰陳明伏候

聖裁

一滑縣地方幅頓遼濶愚民習教者多地鄰開州

長垣風俗素稱強悍現當逆匪蕩平之後撫綏

化導治理尤難非初任人員所能整頓應請改

那文毅總督河南直隸總督奏議

卷三十五

九

為繁缺以符名實惟簡缺調繁例應於通省繁

缺內查明改簡抵換但豫省繁缺各州縣地方

均極緊要同知通判僅有調繁三缺俱係要地

均難改簡事關新復縣治非尋常改移可比請

將該縣增改繁缺毋庸查缺抵改以免顧此失

彼

一各處僱募鄉勇原係守城防河而設今軍務告

竣應飭各州縣著令原保之人保回安業造具

花名冊籍送查倘有不法滋事從重究辦並將

原保人治罪其所用器械無論刀矛鳥鎗均不

得留存民間其係官為製給者應於裁撤時照數收回其係該鄉勇自製之件應酌給價值並行收繳如有藏匿者查出重究此條業經臣等與臣那彥成會奏在案今滑濬二縣鄉勇器械已由臣那彥成就近查繳其餘各州縣應由方受疇查照辦理

一鐵匠舖戶只許打造農具及民用菜刀鐵剪至打造鎗刀例禁森嚴第不明定章程仍恐牟利私造嗣後各鐵舖鐵匠應互保報官方准開設充當其所造民用刀剪一體鑿鑿店號倘有棍

那文毅奏請將滑濬縣議

卷三十五

十一

徒執持凶器案犯到官究明何人打造按律問擬

一滑縣自逆匪滋事以迄蕩平已閱三月小民被賊蹂躪室廬資用悉遭焚掠濬縣逼近賊氛被賊村莊甚多前經奏准

賞給兩月口糧現又飭令地方官查明另行奏請給賑第現在甫經底定田業荒蕪情形實為困殆所有歷年積欠及本年錢糧應請

恩施豁免十九年錢糧並請緩至秋後徵俾紓民力其封邱陽武延津考城蘭陽新鄉獲嘉輝縣林縣

等處查明被賊村莊並懇將歷年舊欠錢糧豁免本年錢糧緩至來年麥後徵徵
一首逆牛亮臣等及其餘匪犯所遺田地房屋應即派委明幹公正之員會同各地方官查明實係叛產按戶清查照例辦理不得隱匿牽連致干察參

一滑縣現已議設參將濬縣議設守備因時制宜地方足資控馭惟道口一鎮相距縣城雖只十里但係米糧屯積商賈輻輳之所現當安復之初似應專員分駐以昭周密擬於該處設立縣

那文毅奏請將滑濬縣議

卷三十五

十一

丞一員把總一員稽查彈壓縣丞由藩司查缺移改把總由新設參將所管派撥文武各有專員匪徒可免匿跡

一逆匪滋事之初地方文武被賊戕害如滑縣知縣強克捷老安鎮巡檢劉斌均已仰蒙

恩卹其餘在事文武員弁或因守拒被戕或臨陣捐軀及効力人員遇賊被害均係歿於

王事應請與陣亡兵丁一體查明分別

卹賞以勵節而慰忠魂其城鄉士民以及婦女人等守節殉身情堪嘉憫應俟查明造冊咨部彙題

旌表俾昭義烈

以上各條均係現在急需辦理之事其餘未盡事宜容再隨時查明具奏謹

奏

嘉慶十八年十二月二十五日奉

上諭那彥成等奏請將滑縣知縣改為繁缺道口鎮添設縣丞把總等語滑縣地方甫經賊匪蹂躪一切撫綏安集亟資整頓道口鎮向為商賈輻輳之區亦應專員分駐以資稽查彈壓著照所請將滑縣知縣即改為繁缺毋庸於通省查缺抵換道口鎮添設縣丞把總各一員

聖敕河南直隸總督奏議

卷三十五

三

縣丞、山該省查缺移改把總即於新設滑縣添將屬派撥分駐該部知道

嘉慶十八年十二月二十五日奉

上諭那彥成等奏查明滑濬二縣被賊滋擾及附近各縣村莊懇恩分別豁免緩徵等語豫省滑縣地方甫經賊匪蹂躪小民室廬資用悉遭焚掠濬縣逼近賊氛被賊村莊甚多其封邱等縣均有被賊滋擾之處該民人等蕩析離居深堪軫卹著加恩將滑縣濬縣歷年積欠及本年錢糧概行豁免十九年錢糧緩至秋後改徵其封邱陽武延津考城蘭陽新鄉獲嘉輝縣林縣等縣查明

被賊村莊將歷年舊欠錢糧悉予豁免本年錢糧緩至來年麥後改徵以紓民力該部即遵諭行

嘉慶十八年十二月二十五日軍機大臣字寄奉

上諭那彥成等奏會籌善後事宜一摺滑縣等處被賊蹂躪民氣未復自應加恩蠲緩此外如將滑縣改繁及於道口增設官弁之處均係因時制宜已明降諭旨准行外其禁止舖戶私造刀鎗嚴定章程亦應照所奏辦理又叛匪一條前經降旨飭查方受疇應即派委廉明公正之員及時經理毋致牽連隱匿又所稱死事文武員弁投効人等以及城鄉各處士民婦女猝遭戕害殉節

聖敕河南直隸總督奏議

卷三十五

三

捐軀均堪憫惻自應分別卹賞旌表著於查明後彙冊具題以嘉義烈至請令鄉勇安業收繳器械一條僱募鄉勇本非正辦此時自應即速散遣毋令日久聚集致滋事端其各州縣收繳器械之處尤有關係著即妥為經理務須淨盡不得草率再吉林黑龍江官兵此次打仗聞間有受傷者應先令凱旋以示體卹著派蘇清阿即將此項受傷官兵及稍覺疲乏者先行管帶起程到京歇息數日後再令其各回原處

嘉慶十八年十二月二十一日會同參贊大臣楊

公遇春河南巡撫方公受疇

奏為恭懇

聖恩事竊照此次滑縣逆匪滋事各處僱募鄉勇及修城

挑濠前經

奏奉部議以士民等情殷桑梓練習技藝以衛村莊聽

其自便若支給口糧製備號衣器械悉由官為辦

理人數眾多聚散無時亦復無所稽考應毋庸議

至各處城垣飭令各州縣趕緊捐修其護城濠自

應隨時飭屬挑挖現在間有沙淤應令自行籌辦

亦毋庸議等因具奏奉

旨依議欽此咨行前來自應遵照辦理惟是此次匪徒謀

聖毅、河南軍機處奏議

卷三五

四

於三省交界地方猝然滋事先調豫省各營官

兵旋蒙

簡派各省勁旅會同進剿而近賊州縣城多地廣護守城

池及南北兩岸河口防堵並軍營守護糧臺幫同

攻剿不能不募勇分駐內如滑縣之牛屯新鎮

及商邱之劉家口等處並大小村莊俱經紳民自

行團練原不在官為經理之內至省城軍地並沿

河近賊州縣當賊氛肆擾官兵俱已調派出征城

無備禦岸之巡防荷非募勇堵守以壯聲勢恐民

心驚惶地方亦屬可慮且所募之人俱係本地土

著兼有的保方准充當何日入隊派守何處何日

裁撤悉令隨時具報造冊備查不致漫無稽考該

鄉勇等守城防口均係赴調出村斷不能令其自

備口食晝夜勞苦即如滑縣知縣孟昭瞻所帶鄉

勇屢經剿捕賊匪嗣復派令圍城衝鋒冒鎗殲獲

甚多實與兵丁無異當此歉歲勢難使其枵腹從

事合無仰懇

皇上天恩俯准每名每日給發口糧銀一錢以示體卹至

省會及近賊州縣城垣有關保障稍有殘缺已飭

該地方官自行捐修其城身版裂柴口坍塌過甚

聖毅、河南軍機處奏議

卷三五

五

者需費孔多而各處濠池皆因風颺沙積淤成平

地若不挑挖寬深難資守衛前值圍攻喫緊之時

誠恐賊眾潰圍竄擾經 臣那彥成飭令河南糧鹽

道張翹親往彰衛懷等處查勘確估督令趕辦完

竣當經委員逐一驗收實係如式修挑所需工料

夫價若令地方官自辦力有不能應請仍照軍需

例案修城工料准其動項挑濠土方夫價循照舊

案於地糧內攤徵以免賠累不揣冒昧謹合詞恭

摺具

奏

謹按嘉慶十八年十二月二十五日廷寄內奉
上諭那彥成等另摺奏請給發鄉勇口糧之處此則斷不
可行前已屢次降旨不許僱募鄉勇伊等私行僱募本
有不合念其一時權宜不加深責此時伊等何得再以
例外口糧濫請支給斷不能准所有此項口糧著該省
巡撫司道等捐廉通融辦理將來報銷時不得灑銷滋
弊其所奏近賊州縣修浚城濠一事據稱除挑濠土方
夫價循照舊案於地糧內攤徵外其修城工料請照軍
需例彙動項等語修城工料不應歸入軍需著令照例
報部應准應駁再行核辦

聖鑒 河南直隸總督奏議

卷三十五

六

嘉慶十八年十二月二十九日

奏為

聞事竊 督率官兵於本月初十日攻克滑城賊匪逃匿
民房悉力抵拒維時值日暮因將馬隊官兵撤回
暫息仍派令步兵堵住各門其地雷轟破之西南
角牆缺處所並令鎮將嚴密圍堵以防竄逸是夜
三更 等正在督兵防守詎城內突有賊匪多人
逕撲牆缺處所齊聲吶喊蜂擁而來經官兵奮勇
截殺賊匪拚命突圍甚屬凶悍時正月黑官兵施
放鎗箭未能真切適城旁有一廟宇忽然自行起

火照見賊匪約有二三千人官兵如在白晝之中
直前冲殺城內官兵亦起出兩路夾擊斃賊約有
一千餘人始將餘匪截回城內 等撥派官兵旋
卽入城上緊焚劫三晝夜始得悉數殲斃並無一
名漏網事定後詢之居民乃知城旁之廟後為三
教佛前殿卽塑

關帝神像廟雖焚燬

神像歸然獨存毫無損動是皆仰仗

皇上福威神靈翊衛自應重行修建用答

神庥 現飭藩司台斐音鳩工興造落成之日由方受

聖鑒 河南直隸總督奏議

卷三十五

七

時奏請

御書匾額敬謹懸掛以昭靈佑而做好頑伏祈

睿鑒謹

奏奉

硃批覽奏實深欽感京中九月十五日夜賊人見

關帝端坐午門上遂相率投誠自盡仰蒙

垂佑曷勝虔悚有旨諭部

嘉慶十九年正月初四日奉

上諭上年逆匪突入禁門時恍惚之中望見

關帝神像畏懼奔竄立就殲擒本日又據那彥成

滑城克復之時賊匪於黑夜拚命突圍官兵施放鎗箭未能真切忽城旁廟宇自行起火照同白晝官兵兩路夾擊始將賊匪截回悉數殄除定後乃知城旁廟宇供有

關帝神像廟雖焚燬

神像歸然獨存毫無損動等語此次逆匪滋事屢荷

關帝靈爽翊衛實深寅感著該衙門於原定封號敬擬

加封二字進呈候朕酌定通頒直省用答

神庥其滑縣廟宇俟重修落成之日該撫再行奏請御

書匾頌敬謹懸掛

聖毅公河南東嶽軍務奏議

卷三十五

六

嘉慶十九年正月初五日

奏為查明地方靖謐情形恭摺具奏仰慰

聖懷事竊官兵克復滑縣以來臣凜遵

睿訓搜捕彈壓及籌議善後章程惟有事事謹慎辦理不

敢稍涉草率查滑縣隨營義勇數千名臣先已飭

令知縣孟祀瞻遣散歸農並派委員查繳器械二

萬餘件滑縣已收繳九千餘件臣量加賞賜各義

民俱各歡忻鼓舞回莊度歲共慶綏豐其各營官

兵疊蒙

恩賞咸知感激臣嚴為約束亦甚安靜無事至滑縣道口

地方居民俱已復業修理牆屋百堵皆興雞犬桑

麻依然太平景象即滑縣城中歸來者二百數十

家歲除之日臣又親身撫視賞給銀米現在歸業

者先後接踵無不感頌

皇仁臣並派委員弁分赴直隸山東各屬查探情形俱皆

一律安帖邇來大河南北多有稟報得雪者並接

方受疇同興等來信地方皆已救安是皆我

皇上感召祥和普施

恩澤屆茲歲華復旦萬象昭融天下臣民咸受

昇平之福謹

聖毅公河南東嶽軍務奏議

卷三十五

九

奏奉

硃批覽奏稍慰迴程之便細加察訪從逆者斷不可恕習

教為首應亦拏訊即行絞決脅從勿問准其自新勉力

辦理切勿姑息

嘉慶十九年正月初五日

奏為各路官兵現擬分別凱撤留駐恭摺具奏事竊照

軍務告竣地方業已安帖臣屢奉

諭旨留心察看現在實可放心查隨營之豫省官兵其在

河以南者共計三千八百名臣於年前先已陸續

撤回綠河南南汝一帶地方緊要時當歲暮各營

汛必須重兵彈壓鎮定人心兼可節省糜費其河北鎮及彰德衛輝各營兵一千六百餘名內彰德衛輝兵五百名擬於初六日令各歸伍其餘一百名仍留總兵閻俊烈帶領駐劄滑縣俟三月初間再撤歸伍又直隸提標兵一千名提督馬瑜管帶駐劄開州正定鎮兵一千名總兵徐錕管帶在於東明長垣一帶往來巡哨宣化鎮兵一千名仍令富蘭管帶在彰德順德一帶彈壓暫行駐劄俟臣

陛見後再行酌量情形飭令歸伍其原駐東明長垣之正

聖毅公 河南東直隸奏議

卷三十五

二十一

定兵一千名原駐順德廣平之提屬兵六百名原駐大名之宣化兵五百名俱令分起撤回又甘肅督標及靜寧靖遠兵二千名亦令先後凱撤於初四日起至初十日止分作四起由衛輝府間一日行走吉林黑龍江官兵除調往陝西六百名外尙存營一千四百名查在營之

御前侍衛

乾清門侍衛亦應撤回京臣現將吉林黑龍江官兵於初四日起先撤八百名分起行走初四日第一起黑龍江兵二百名令副都統蘇清阿頭等侍衛哈

郎阿額勒精額等管帶初六日第二起黑龍江兵二百名令頭等侍衛阿勒罕保護軍參領富英阿委營總達什等管帶初八日第三起吉林兵二百名令頭等侍衛伊勒通阿札蘭保營總和福等管帶初十日第四起吉林兵二百名令

御前侍衛副都統銜蘇爾慎侍衛吉勒章阿委營總巴揚阿等管帶由保定西路行走以上各路官兵均各分起凱撤至富蘭現尙駐兵彰德順德一帶請令其將來與馬瑜一同凱撤回京臣俟初十日後帶領直隸督標兵一千名宣化兵一千名吉林黑龍

聖毅公 河南東直隸奏議

卷三十五

二十一

江兵六百名自滑縣起程赴開州一帶查辦善後事宜事後即由山東曹州府德州景州保定之東路一帶行走庶前後不致擁擠一切車馬均可無虞遲悞再此次出征官兵仰仗

皇上洪福行軍均極吉祥順利查健銳營帶傷官二員帶傷兵十名事故兵一名火器營出缺兵四名帶傷兵十二名事故兵一名護軍營出缺官一員吉林出缺官一員出缺兵三名帶傷官一員帶傷兵七十五名黑龍江出缺兵六名帶傷兵四十三名西安滿營出缺兵二名帶傷官三員帶傷兵八十八

名事故兵一名各綠營出缺官十六員出缺兵一百四十四名帶傷官兵一千五百餘員名事故兵二十五名彙冊咨部謹

奏奉

硃批知道了

嘉慶十九年正月初五日

奏為軍務業已告竣溫承惠現無可辦之事臣已囑令

回京恭候

諭旨謹

奏奉

聖恩綏綏南東直隸軍務奏議

卷三十五

三

硃批覽

嘉慶十九年正月初十日

奏為奏

聞事竊臣將各路官兵分起凱撤緣由於初五日具奏在

案臣本擬隨帶直隸督標兵一千名宣化鎮標兵

一千名吉林黑龍江兵六百名沿途巡查彈壓惟

查開州東明曹州德州景州一帶現俱有兵留駐

足壯聲威臣若復隨帶多兵一起行走未免擁擠

且滋糜費是以臣酌擬於抵開州後即將前項直

隸官兵分起撤回歸伍止帶吉林黑龍江兵六百

名一路巡查宣播

皇上德威於曾經被賊之村莊加意撫卹並曉諭紳耆如

村中有形跡可疑搜捕未盡者立即緝獻但不許

挾仇誣害致累良民其有未繳器械務令悉數交

官不使藏匿並一路察看留駐官兵嚴加整飭總

期邊境一律肅清仰副

聖主除莠安良至意至吉林索倫官兵自滑縣起程臣已

飭令豫省糧臺支給一個月鹽菜口糧裹帶行走

由豫省一併彙入造報以直隸山東省分欵開銷

臣所過州縣仍舊割營空曠地方不入城內居住

聖恩綏綏南東直隸軍務奏議

卷三十五

三

約束兵丁公平市買薪蔬等物嚴禁州縣供應亦

不准迎送差使以除陋習再豫省賊匪實已殲捕

淨盡此臣所可深信其平時習教而並非從逆者

原奉

恩旨免予重究此時震懾兵威俱已閱風情息惟濡染已

久革而未盡革心全在地方官欽遵

諭旨實力勸導庶幾默化潛移此非可期之旦夕之事刻

下賊匪盡絕惟饑民實關緊要况河北被賊之區

多係連年荒旱之地仰荷

聖恩蠲緩兼施業已歡騰葺屋惟積歉之餘饑民不少如

能於賑濟之外多為設廠施粥較之給放銀米益可安速而收實效臣現已督令藩司台斐音衛輝府知府郎錦祺及滑濟兩縣均已分設粥廠實力妥辦並移咨方受疇督率舉行伊等俱係身受重恩地方要緊事件亦斷不敢少有顛預其沿途文武紳耆義民人等守城團勇是否實在出力另咨確查辦理臣拜摺後即於十一日移營前進謹

奏
嘉慶十九年正月十三日

奏為巡歷開州等處將應辦善後事宜恭摺奏

聖鑒後於本月十一日帶領吉林黑龍江官兵六百名行抵開州接見藩司素納及署大名道屠之中等面詢地方情形籌畫善後應辦事宜所有開州東明長垣被賊滋擾村莊前奉諭旨賞給兩月口糧業經該藩司等派員按戶查明照例分別大口小口散放撫卹臣體察民情俱極安貼惟該州縣地方習俗強悍又復三省犬牙相錯匪徒易致潛藏現當凱撤官兵之際必須嚴密巡防

聞事編臣駐兵滑縣業將該處應辦善後會同托津詳細奏蒙

奏蒙

聖鑒後於本月十一日帶領吉林黑龍江官兵六百名行抵開州接見藩司素納及署大名道屠之中等面詢地方情形籌畫善後應辦事宜所有開州東明長垣被賊滋擾村莊前奉諭旨賞給兩月口糧業經該藩司等派員按戶查明照例分別大口小口散放撫卹臣體察民情俱極安貼惟該州縣地方習俗強悍又復三省犬牙相錯匪徒易致潛藏現當凱撤官兵之際必須嚴密巡防

御覽
以期閭閻安堵謹將應辦事宜酌擬數條開呈

一編查保甲以別邪正而靖地方也查保甲一法前經葉紹楨將伊父葉佩孫在河東道任內所行保甲條款具奏奉

旨飭令各直省一體照辦現在京城內外各州縣均欽奉諭旨次第編查而大名府屬各州縣與豫東兩省地界毘連頑民慣習邪教易致藏奸清查保甲更為緊要現即飭派候補道府葉紹本會同署道屠之申督率委員分往各該州縣會同地方官逐村

逐戶實力清查刊刻簿籍登記戶名設立門牌懸掛村落十戶立為一牌十牌立為一甲互相保結責成地方官按月點驗道府按季委員抽查如有書教之戶及藏匿外來匪犯立即首報嚴拏究辦容隱者照例治罪如州縣道府奉行不實日久廢弛分別參處以期綏靖地方而安良善

一開州一帶塘汛亟宜修葺添設以資緝捕也查開州東明長垣及北路之清豐南樂直達大名郡城沿途向有塘汛派兵分駐以接聲援而資

緝捕前經奉

旨令各直省整飭營汛現今賊匪甫就蕩平該五州縣沿途塘汛更關緊要應即飭令該地方官將各塘汛舊有營房墩臺坍塌朽壞之處趕緊確估修葺並於相離較遠之地酌量添設數處並交提督馬瑜由營選派精壯兵丁每塘各五名常川駐守晝夜巡防盤詰以收緝匪安民實效

一開東長交界處所應暫設堆卡以資防守也查開州東明長垣以及南樂清豐西南一帶界連河南之滑縣濬縣儀封內黃封邱等縣東南一

那文毅公總辦河南東直隸軍務奏議 卷三十五 三

帶界連山東之觀城朝城荷澤等縣現當軍務甫竣交界處所稽查稍不嚴緊匪徒易致藏匿應請暫行設立堆卡派撥千把等弁帶兵分駐巡防一俟麥秋豐稔民情大定之後即行撤退其應於何處安設堆卡均俟正定提督議准再行酌派弁兵逐一履勘趕緊安設以資巡守一逆產絕產應確實查明以歸公用也此次官兵剿滅賊匪所有逆犯田房及破難絕戶遺產欽奉

諭旨飭將前項產業確實查明以為安插無業難民之用

等因欽此查開州東明兩州縣界內原止間有賊匪逆產絕產均屬無幾現在派員前赴長垣縣屬趕緊詳細查勘尚未得有確數伏思此項產業散見各村為數本不甚多若作為安插無業難民之用人多地少不能遍及且慮派撥難勻轉滋爭競愚昧之見請俟逐細查明之後先行召佃耕種將來設立正定提標即將所收每年租息除完納正供外作為該營辦公之用庶新設之營公費得以充裕而逆產租息亦歸核實

那文毅公總辦河南東直隸軍務奏議 卷三十五 三

一前經會同托津具奏善後事宜至今尚未奉到部覆內惟正定改設提督大名改鎮一條倘蒙

允准即請將馬瑜調為正定提督查該提督人既明白辦事穩練且此次始終軍務情形亦極熟悉以之調辦是否有當伏乞

皇上訓示遵行謹

奏奉

硃批大學士等併議具奏

嘉慶十九年正月十三日

奏為善後添設官兵請

旨勅部籌撥糧餉經費以期趕辦事竊臣前與托津會商善後事宜因正定地方距京較遠西界山西南界大名順德廣平昆連河北最為扼要之地請將正定鎮總兵改為提督並將該鎮移駐大名增設營分其開州東明長垣及河南滑縣濬縣等州縣界在三省各移駐叅將遊擊都司守備等官添設兵丁以資彈壓並聲明將應添官兵於別營內裁減抽撥容俟移查各省兵丁數目再行籌酌辦理等情奏蒙

聖鑒在案茲查據各省移覆河南撫標及鎮協各營共兵

卷三十五

天

一萬三千八百八十餘名山東撫標及鎮協各營共兵一萬四千五百餘名直隸督提二標及鎮協各營共兵三萬八千三百八十餘名各營設兵數本不為多分汛守卡派撥差使既多且以後如遇踴路經由之處亦須少為添調護衛則差不能操操不能差勢難兼顧倘有事故不但技藝生疎抑且不敷調用現在臣周歷三省邊界揆度地勢情形正定大名附近京師係屬邦畿重地豫東兩省緊要接壤更為畿南門戶必須

重兵鎮守始足以壯軍威而資屏翰伏思直隸督提二標及鎮協兵丁俱地連邊塞環衛京城未敢輕議裁減豫東兩省以前屢經裁撥現在增兵增餉雖云經費攸關但

畿輔重地關係緊要於應用之正項經費似亦不可新惜惟有仰懇

皇上於額兵之外增添兵數查正定大名一帶習俗強悍歷滋事端現擬於該二處安設提鎮營分應請添兵六千名以資鎮守並可分防開州東明長垣等處其豫東兩省兵衛太單亦請各添兵三千名於

聖鑒在案

卷三十五

天

緊要處所酌量安營分駐兵數既多派撥差使之外均可認真操演軍威大壯拱衛益資整肅統計一萬二千名每歲約需餉銀二十五萬九千餘兩米四萬三千餘石如蒙

俞允請

旨勅下部臣預為籌撥款項俾得趕緊辦理其於何處應添兵丁若干統俟議准後臣會同兩省撫臣妥商安置再行具奏所有添兵之處是否有當伏乞皇上訓示遵行謹

奏奉

硃批大學士軍機大臣會同該部議奏

容安謹按經大學士軍機大臣會同該部議駁

添設正定提督准添設大名鎮總兵一員官兵

數目增減有差

嘉慶十九年正月十六日

奏為酌挑吉林索倫勁兵擬請留京以備差使恭摺具

奏事竊 臣前與托津會奏善後事宜摺內請撥吉

林索倫官兵二千名輪班駐京一欵奉

硃批此一節固為扼要之舉但有許多格礙難行之處斷

不能辦竟毋庸議欽此仰見

那文毅總領河南軍機事務奏議

卷三五

三

睿畫周詳易勝欽佩惟查奉調赴營之吉林索倫勁旅屢

次打仗殺賊實屬奮勇出力此項官兵 留心察

看若在平地接仗真可所向無敵內鎗箭精熟尤

為驍勇者節經 臣保奏俱蒙

聖恩加以超擢者二百餘員名今除調往陝西軍營外查

自初四日起至初十日止所有蘇清阿阿勒罕保

伊勒通阿蘇爾慎等四起帶回之官兵內 擇其

漢仗出色技藝精純者得有一百三十六員名現

在凱撤應回原處此項官兵請就近留於京城

飭令軍機大臣傳齊帶領引

見挑在

乾清門大門上充當差使該官兵等已荷

恩擢自必倍加感奮可資得力而人數不多於俸餉一切

亦可不致糜費 臣愚昧之見是否可行應候

聖訓飭遵謹開具清單呈

御覽謹

奏

嘉慶十九年正月十九日軍機大臣字寄奉

上諭那彥成奏酌挑吉林黑龍江官兵留京當差一摺所

奏甚屬非是吉林黑龍江官兵鎗箭精熟朕所素知但

那文毅總領河南軍機事務奏議

卷三五

三

留京當差格礙甚多那彥成全未計及該官兵各有家

室此次奉派出兵原不過暫時行役今戰勝凱旋不令

其速歸鄉土又復截留駐京是何情理况伊等原處各

有產業一旦令其委而去之獨處京師既無房屋可居

又無親戚可靠甚至邱墓亦皆不能隨時祭掃種種未

便豈可不念及乎即如副都統阿那保現在御前侍衛

上行走係該處大員其子博多歡又在乾清門侍衛上

行走久住京城而現在阿那保之子特立善過京尚且

不願留住是其的証其寒苦兵丁又奚能強以所難况

現在頭起二起官兵皆已過京此時若如那彥成所奏

紛紛迫回尤屬不成事體現已照每年學閩官兵之例
詢其情願留京者方令留京經派出王大臣等於犒賞
時逐加詢問頭起內願留者已有九人二起內又有十
四人此後第三起第四起均照此辦理其那彥成奏請
將單開一百三十餘人統行引見派差之處斷不准行

嘉慶十九年正月十六日

奏為奏

聞事竊 臣會同托津具奏善後事宜各款內請將現在軍

營之陝甘得力將備酌挑十數員與直隸營員互

調一條欽奉

聖鑒此項營員現在隨同

臣 尚須周歷開州曹州德州景

聖

硃批甚是奏到時再降諭旨欽此 臣應即開具員名清單

恭呈

御覽緣特依順保馬元與楊遇春先後前赴陝西所有陝

甘得力將備 臣先已派撥數十員隨同前往茲將

在營將備擇其平素操練精勤打仗奮勇最為出

力可靠者開列七員另單恭呈

州一帶巡查彈壓俟 臣行抵保定仍請暫留差遣

俟陝西事定後另再合陝甘將備中得力之員察

看直隸營員分別更調以期整飭營伍至各員到

嘉慶十九年正月十三日

保定後所有本員名下得項應請於直省酌量關

支一面移明陝甘督 臣查照其干把外委中有 臣

平素親自訓練勇健得力及學習長矛極為精熟

者數十員名亦請暫留直隸一半年教習各營熟

練後另再飭令回伍並咨明兵部謹

奏奉

硃批兵部知道

謹將陝甘將備請留直隸調補各員開具清單恭

呈

御覽

聖鑒此項營員現在隨同

臣 尚須周歷開州曹州德州景

聖

陝甘督標中軍副將張大振

甘肅提屬大馬營遊擊馬光宇

甘肅肅州鎮屬靖遠營遊擊熊敏謙

陝西河州鎮屬西固營都司俞振海

甘肅靈夏鎮屬花馬營守備蕭福楨

甘肅涼州鎮土門堡守備高傑

陝西提標石峯堡守備張作功

嘉慶十九年正月十三日

奏為軍需用款懇懇攤廉報効仰祈

恩准事竊照 臣前在滑縣接據直隸藩司素納詳稱此次

賊匪滋事擾及三省邊界州縣仰蒙

皇上調派官兵分投剿捕尅日蕪事地方全就肅清所有

直省地方官員平素漫無覺察因循貽誤實屬咎

無可辭乃蒙

聖恩

格外矜全未加嚴譴合省官員人等具有天良何敢復擁

厚祿不思報効稍贖前愆查軍興之始荷蒙

賞撥漕糧部欵支應軍需因省南州縣連歲歉收食物昂

貴一切兵行車馬及軍需物料俱照時價僱辦未

敢稍資民力隨時督飭承辦之員核實經理樽節

那文毅公總督河南直隸奏議

卷三五

五

又用現據各州縣及隨營糧臺陸續開報共用銀

七十餘萬兩此後尙有凱撤官兵暨留防善後事

宜並各州縣應行裁領之數連前約計將及九十

萬兩除蒙

皇上賞撥漕糧作為兵精外所有動用銀兩自應照擒捕

內地賊匪之例本省自行備辦應請在於現任大

小官員應得養廉內分作十五年按照缺分大小

廉俸多寡均勻攤捐歸欵其失察各員內如有陞

調別省除本缺不准停扣外仍在該員名下照數

咨明扣解庶用項早歸正欵而臣下平日謹懃

尤亦藉得稍贖於萬一等情具詳請

奏前來臣查直省此次失察邪教非尋常疎忽可比仰

蒙

恩宥愆尤該員等愧悚難安不敢輕糜

國帑抒誠籲請似可即照擒捕內地賊匪本省自行辦

理之例仰懇

聖恩准其捐廉報効俾贖前愆如蒙

俞允再行飭令該藩司將用項總數核算清楚秉公分別

均攤以期公允謹

奏奉

那文毅公總督河南直隸奏議

卷三五

五

硃批所奏甚是另有旨

嘉慶十九年正月十六日奉

上諭據那彥成奏直隸軍需用欵約計將及九十萬兩請

照擒捕內地賊匪本省自行辦理之例於現任大小官

員養廉內分作十五年均攤扣歸欵等語此次教匪

謀逆由林清倡首該逆復匪郊畿借傳教為名肆行勾

結以致釀成叛案延及豫東二省勞師糜餉該管官

無覺察形同木偶玩愒因循莫此為甚應照那彥成所

奏罰賠示懲惟州縣等官職分較小廉俸無多林清及

逆黨犯事地方又不皆在所轄境內無庸一律攤扣至

那彥成錢臻調任皆在事後攤捐亦未平允此事著交那彥成督率錢臻查明自嘉慶十一年起至十八年止各歷任總督順天府府尹藩臬兩司及該管道員等按其任年月秉公核算分別攤賠以清款項

嘉慶十九年正月二十六日奉

上諭本日那彥成來京覆命並陳自滑縣凱撤經過直隸山東沿途地方民情極為寧謐上年河南滑濬等處逆匪滋事特命那彥成由陝甘馳赴豫省授以欽差大臣關防總統師干經朕疊加訓飭那彥成感奮自効連奏克復兗渠授首逆黨悉除辦理迅速完善那彥成克副委辦堪嘉獎伊係阿桂之孫亦由平日習聞祖訓勉紹家聲故能宣力効猷懋膺爵賞茲追念舊勲著於本月二十九日在阿桂墓次賜祭一壇著禮恩前往奠酒用示朕眷舊酬庸恩意

那

那彥成奏

奏

那文毅公總統河南山東直隸軍務奏議卷三十五

那文毅公初任直隸總督奏議目錄

卷三十六

恭謝

天恩

卷三十七

善後餘事

卷三十八

飭緝逆黨附稽查保甲

卷三十九

飭緝逆黨

那文毅公初任直隸總督奏議

目錄

卷四十

飭緝逆黨

卷四十一

飭緝逆黨附請改發邪教從犯

卷四十二

飭緝逆黨

卷四十三

畿封扈

蹕

籌畫暎咭喇夷使入都章程

卷四十四

悲恤民瘼

調劑鼓鑄

懇准商場出租

請借運本

恭報雨雪

卷四十五

經營漕政

卷四十六

興復義倉

那文毅公初任直隸總督奏議

目錄

二

籌補常平

因時改隸

卷四十七

宣防疏濬

卷四十八

分讞諸獄

卷四十九

分讞諸獄

卷五十

訓練武備

籌議換防

議覆裁兵

勅察馬政

卷五十一

推薦賢能

議改定告病人員題咨出缺日期

卷五十二

糾彈庸劣

清釐交代

陳明度支

那文毅公初任直隸總督奏議

目錄

三

請餉充費

因事獲咎

那文毅公初任直隸總督奏議卷三十六目錄

卷三十六

恭謝

天恩

那文毅公初任直隸總督奏議

目錄

那文毅公初任直隸總督奏議卷三十六

男容安恭輯

恭謝

天恩

嘉慶十九年二月二十四日

奏為恭報接印日期叩謝

天恩事竊臣世沐

恩慈久叨

豢養近復

畀以軍旅重任仰賴

那文毅公初任直隸總督奏議

卷三十六

皇上洪福天威微倖得以歲事方愧未能報稱疊荷

溫諭褒嘉

鴻施優渥此次回京恭覆

恩命觀

天顏之溫霽聆

聖訓之周詳復蒙

推恩錫類

澤及先臣凡此

榮寵之優加實屬夢想所不到撫躬循省感悚難名

陛辭後出都於二十三日馳抵保定省城即於二十四日

准署督_臣章煦將直隸總督關防並

王命旂牌文籍等項移交前來_臣當即望

闕叩頭祇領任事伏念直隸事繁難治甲於他省况當

積歉之餘又值地方甫經安定一切整頓撫綏尤

為不易_臣識淺才微深懼弗克勝任惟有時時勉

之以勤事事行之以實仰求

皇上

俯加

教訓庶諸事得有把握藉免愆尤現將一應事宜詳細查

明次第辦理謹

那文毅公初任直隸總督奏議

卷三十六

二

奏奉

硃批清慎勤三字汝其勉之自滿自是四字汝其戒之其

餘諸務隨時訓誨為政不在多言惟至誠耳特諭

嘉慶十九年閏二月初九日

奏為恭謝

天恩事竊_臣由提塘官賈到

恩賞

御製甄別賢愚以澄吏治墨刻一分當即恭設香案望

闕叩頭祇領訖欽惟我

皇上治隆義昊

德洽垓埏官方澄秩敘之源億兆

錫奠安之福

傲於有位臣鄰益凜

訓行欽乃攸司寰寓咸臻法度以練達方資昇任無輕棄

夫老成而姑息適以養奸當慎嚴夫大蠹勿存成

見性情宜藥夫偏私通達下情策勵益神其鼓舞

教化肅則人心自靖正道著而邪慝不興

舜做

堯咨闈

心源於

那文毅公初任直隸總督奏議

卷三十六

三

寶墨春温秋肅

譜治理於元筮以茲

彌迪振新期於職思無曠_臣宣風三輔察吏六條誦

訓言而立勉服膺奉

珉刻而倍深警省

鴻詞載繹名言莫喻夫

高深蟻悃多思匪懈敢忘夫夙夜惟有認真督率實力奉

行期風氣之還淳誌官箴於無忝庶幾小廉大法

上承

撫辰凝績之庥於焉遠格邇安共覩草面洗心之化謹

奏奉

硃批常勉敬勤毋存怠玩察吏安民化民成俗勉之

嘉慶十九年三月二十五日

奏為凱撤官兵攜帶幼孩臣未能約束稽查懇

恩嚴加懲處事竊臣承准軍機大臣字寄欽奉

上諭上年那彥成攻復滑城生擒逆首其功甚偉朕已錫

爵酬庸優加恩獎惟伊於料理撤兵事宜號令不嚴辦

理殊未周密不及阿桂遠矣前因吉林黑龍江並健銳

火器各營官兵俱有攜帶幼孩降旨飭查先據富俊奏

訊出應行緣坐逆屬二名隨又覆查京營官兵則所帶

幼孩大率皆係良民并有攜帶女孩者甚至領隊大員

中竟有每員帶回七八人十餘人不等無怪乎沿途多

用車輛况有帶回逆犯家屬之事縱暴殃民莫此為甚

律載官兵擄掠人口若於已附地面擄掠者不分首從

皆斬監候內地州縣更與新附者不同此係行軍定律

並非始自今日那彥成身為大帥必應先明軍紀當克

城之日首將逆犯族屬查明拘繫核辦再將散出良民

招令親屬領回其無人收領者交地方官於普濟育嬰

等公所分別收養嚴下軍令禁止擄掠方為師出以律

追官兵分起凱撤尤當三令五申飭令沿途安靜行走

今官兵將滑城子女紛紛攜帶歸途所過如廣平順德

趙州各屬州縣無賊之區亦將良民幼孩任意帶回軍

律何在即或該官兵等途次妄為那彥成猶得以鞭長

莫及為解其滑城所帶子女及逆犯家屬那彥成在營

毫無約束尚復何所辭咎著將回兵自滑縣至出山海

關一應車馬供應俱不准報銷令那彥成賠出仍令伊

自行議罪具奏京營官兵如此則綠營不問可知那彥

成接奉此旨著即將直隸上年派兵各營自提鎮以及

兵丁逐細詳查毋許一名隱匿查出逆犯家屬以及良

民子女其原籍有無親屬可歸者均遵前日諭旨按照

那文毅公初任直隸總督奏議 卷三十六 五

京中所辦章程分別辦理毋得草率遺漏若意存迴護

所辦再不周妥別經查出惟該督是問欽此臣跪讀之

下忱惶無地伏念臣上年恭奉

恩命督師勦辦滑縣匪徒仰賴

皇上睿謨廣運

指示機先臣得有秉承軍務始能底定渥荷

恩施稠疊

異數寵頒沐

逾格之

殊榮恒抱慙於非分官兵凱撤之際理應嚴加飭禁令其

沿途安靜行走乃未能料理周密以致吉林黑龍江並健銳火器各營官兵沿途攜帶幼孩甚至有帶回逆犯家屬之事臣失察之咎實無可辭仰蒙聖主鴻慈不加嚴譴

諭令臣自行議罪具奏

聖恩高厚感極涕零惟有仰懇

皇上天恩除遵

旨自滑縣至山海關一應車馬供應罰賠外再罰臣世職

俵十年仍交部嚴加議處以爲不明軍紀漫無覺

察者戒至直隸上年派調出征官兵事竣凱撤沿

途攜帶幼孩亦在所必有臣已欽遵前奉

諭旨分別查辦斷不敢稍任遺漏隱匿致滋罪戾謹

奏

嘉慶十九年三月二十七日奉

上諭那彥成奏於官兵攜帶幼孩未能約束稽查自行議

罪一摺那彥成身為統帥於凱撤官兵約束不嚴紛紛

攜帶幼孩本有應得之咎惟念伊平素未諳軍律此次

出征之時朕亦未先行申諭昨兵部議處京營各員均

已加恩從寬辦理那彥成自請交部嚴議之處著加恩

寬免其請罰世職俸十年亦減爲五年所有官兵等自

滑縣至山海關一應車馬供應俱不准報銷罰令賠出送回各幼孩經過直隸境內所需盤費等項亦一併著賠以示薄懲

嘉慶十九年五月十五日

奏爲欽奉

訓諭敬述悚惕下忱繕摺覆奏事竊臣欽奉

上諭那彥成奏報二麥約收分數一摺單內首開大興宛

平二縣約收八分一派虛詞全不足據卽此可見悠悠

居心怠玩從事大約無福受恩矣本年畿輔一帶雨澤

稀少麥苗黃萎都城附近田畝朕出入經過留心察看

其收成不過在二三分之間今那彥成竟奏報八分其

不實孰甚以此類推其餘各屬稟報真僞亦豈盡足憑

食爲民天最爲地方重務該督於民生本計漫不經心

若此恐汝用心於無用之地俾晝作夜欲仿福康安之

行爲乎著傳旨申飭所有收成分數單著發還俟各屬

地方二麥刈穫登場後確查實在收成分數再行具奏

若再有虛飾經朕查出必將該督嚴懲不貸欽此臣跪

讀之下不勝悚惕伏查直隸奏報二麥約收分數

每年將屆成熟之時由各州縣查明全境麥收情

形開單申送藩司彙總具詳核奏本年

那文毅初任直隸總督奏議

那文毅初任直隸總督奏議

畿輔一帶雨澤未能霑足前據藩司素納轉據大興宛

平二縣稟報二麥約收八分維時臣即覺所報分

數過多接見藩司素納面詢據稱州縣所報約收

分數本係約略計算如奏報約收本係歉薄後因

疊被甘膏轉為豐稔或約收本屬豐稔後因缺雨

接濟轉成歉收情形原屬不定總應俟刈獲登場

確查收成有無增減核明實收分數另行詳請

題報臣檢查歷年案卷確係如此辦理且大興宛平二

縣未報被旱意料約收實有八分又因該二縣近

在京城自必具報順天府尹一體核奏臣一時拘

那文毅公初任直隸總督奏議 卷三十六 八

泥糊塗未經駁查即據該縣等所報分數開單具

奏今蒙

皇上指示都城附近地畝

聖駕出入經過留心察看其收成不過二三分是大興宛

平二縣前報約收八分竟係不實臣於此等地方

事件並不悉心確查率行具奏實屬咎無可辭理

合奏懇

皇上天恩將臣交部嚴加議處以示儆戒其大興宛平二

縣因何虛報約收分數臣已咨順天府尹確查俟

咨復到日再行奏奏一面仍飭查各屬二麥實在

收成分數另行奏報斷不稍任虛飾至臣仰沐

鴻慈

簡昇畿封重寄數月以來辦理地方公事正以才識短淺

事務繁劇刻刻謹守實未敢悠悠忽忽玩今蒙

聖主訓飭臣惟有殫竭血誠事事益加勉勵或可稍免愆

尤仰副

教誨成全之至意謹

奏

嘉慶十九年四月初三日

奏臣前奏

那文毅公初任直隸總督奏議 卷三十六 九

謁

陵隨扈翊衛官兵一摺欽奉

上諭摺內聲敘署提督文宣兩處皆訛寫文孚文宣文孚

與那彥成俱係多年舊識現又同官一省何至將其名

字書寫混淆豈陳奏事件那彥成竟未寓目耶即此可

見又涉因循大病矣嗣後當留心檢校毋忽欽此臣跪

誦之下實深惶悚竊臣凡遇陳奏事件均係自行

起稿前件奏摺敘稿時因文宣係屬同官是以於

稿內僅寫文字空寫宣字迨繕清之後臣偶因感

冒頭目眩暈當下未能親自檢校更正實屬疎忽

乃一經

聖明披覽錯誤立見伏思

皇上萬幾日理遇事

洞鑒無遺臣甫辦一省之事乃錯落至此茲蒙

指示悚愧交深嗣後惟當稟遵

訓諭倍加小心不敢少有廢率至直隸政務之煩甲於他

省臣才識庸下又兼人地生疎勉力趨公猶恐不

及更不敢稍涉因循上負

鴻慈自干咎戾謹

奏奉

那文毅公初任直隸總督奏議

卷三十六

十

殊批勉力務實切忌虛浮因循大病直隸為最若不痛懲

將來愈難調治矣

嘉慶十九年四月初七日

奏為叩謝

天恩恭摺奏

聞事竊臣賈捐差弁回省奉到

恩賞紫金錠一匣當即跪迎望

闕叩頭祇領伏念臣叨蒙

簡畀未報涓埃恒盡職之未能每撫時而增惕茲以天中

令序獲分

內府靈丹伏念我

皇上抱切安黎即物萬節宣之意

情殷保赤順時徵調劑之宜和菊水以延齡閣普慶借

艾符而辟疹厲潛消

典重頒冰

恩逾賜葛臣惟有勵茲蒲質益竭葵忱推廣

鴻慈俾三輔咸登

仁壽涵濡

聖澤與億兆共樂恬熙謹

奏奉

那文毅公初任直隸總督奏議

卷三十六

十一

殊批七十餘名逆賊一名不獲專務駢體鋪張可謂舍本

逐末既工文藻不如做內廷翰林何必戀此重任太不

知輕重矣

嘉慶十九年六月初三日

奏永定河石景山南北兩岸加培石土各工前經臣

奏請動項辦理茲據該道稟報完工臣擬於六月初三

日起程前往驗收臣出省後所有日行公事飭委

藩司素納代拆代行其由臬司解審之案若俟臣

回省提訊未免遲延即令該藩司代為提審

奏奉

硃批知道了

嘉慶十九年六月初三日

奏臣具奏通州等處得再欽奉

硃批祝現等逆賊總不就獲汝每次奏摺一字不提是何

居心據實回奏欽此臣跪誦之下實深惶愧伏查祝現

等犯蓄謀肆逆實為

國法所不容凡在臣民無不同深切齒急思捕獲以正

刑誅臣到任之後即飭各屬激發天良認真躡捕

一面派委文武員弁示以獎勵飭令實力查詞

屢蒙

那文毅公初任直隸總督奏議

卷三十六

七

諭旨嚴催又經添派幹員分頭偵訪歷次均經奏

聞在案數月以來差派文武大小員弁已有一百八十餘

人乃竟無一名就獲殊切焦急之至臣實因犯未

弋獲無以仰慰

聖心故不敢以飭緝虛詞頻頻瀆奏非敢稍存懈怠並再

通飭文武員弁上緊密速訪拏獲謹

奏奉

硃批賊不能獲汝何顏見朕

嘉慶十九年六月初五日軍機大臣字寄奉

上諭那彥成奏永定河石景山南北兩岸加培石土各工

完竣於六月初三日起程前往驗收等語近年直隸總

督逢到工防汛之期每就近來京請安召見後再行回

省那彥成到任半年飭拏逆案要犯等至今並無一名

弋獲伊有何顏見朕據稱數月以來派委文武大小員

弁一百八十餘人四出訪緝似屬辦理認真乃廣惠祇

係鹽政無地方之責伊所派之人亦必不如那彥成之

多昨拏獲李玉麟李玉奉二名雖非最要人犯審明實

係次要正犯且即在直隸界內拏獲那彥成更何辭以

自解耶該督現赴工次如此數日內祝現等六犯內能

拏獲一名准即來御園請安倘仍一犯不獲著查工事

那文毅公初任直隸總督奏議

卷三十六

七

竣即回省城督辦緝捕要務不准前來即來亦斷不召

見也

嘉慶十九年八月十八日奉

旨降戴單眼花翎

奏為恭謝

天恩事竊臣欽奉

上諭那彥成奏請將查拏逆犯畏葸遷延之遊擊請旨革

職一摺那彥成自抵直隸總督任後於飭拏要犯未經

緝獲一名此次訪有祝現踪跡派委遊擊圖勒畢善帶

同眼線前往查拏該遊擊遷延觀望以致逆犯聞風他

竄那彥成派委不慎咎無可辭乃僅奏圖勒畢善並

不自請議處甚屬非是圖勒畢善著革職來京俟逸犯

就獲後如訊明實係祝現再治其罪若僅係次要之犯

則革職已足蔽辜免其治罪那彥成著革去雙眼花翎

仍戴單眼花翎並交部議處將來祝現等六犯悉數拏

獲內由直隸員弁拏獲一二名尚可加恩賞還那彥成

雙眼花翎若無直隸員弁拏獲者不能邀恩賞還也欽

此臣跪讀之下不勝感悚竊念臣身任封疆緝匪

詰奸皆屬專責况祝現等犯蓄謀肆逆罪不容誅

更應嚴密查拏迅就駢戮方足以彰

那文毅公初任直隸總督奏議 卷三十六 丙

國法而絕根株乃自春間到任至今最要各犯尙無一

名弋獲捫心自問慚憤交深日前訪悉祝現在山

東境內藏匿當派遊擊圖勒畢善密赴躡捕該遊

擊訪得踪跡並不慎速掩捕致被他竄此皆臣派

委不慎之故乃臣僅將該遊擊奏請革職並不

請處分實屬疎忽咎無可寬仰蒙

皇上天恩不加重譴僅革去雙眼花翎仍

賞戴單眼花翎交部議處沐

鴻慈之逾格益悚惕以難安臣惟有諄飭地方文武各員

嚴密訪緝各要犯務期必獲稍贖前愆并仰報

高深於萬一謹

奏奉

硃批知道了

嘉慶十九年九月二十九日

賞還雙眼花翎

奏為恭謝

天恩事竊臣欽奉

上諭章煦奏研訊祖黑子並無窩藏逆犯實係李二戈信

貪利捏指一摺此案先經順天府眼目在東省認有祝

現馬匹又因李二戈信指稱祖黑子家藏有面生可疑

那文毅公初任直隸總督奏議 卷三十六 丁

之人所說情狀與祝現相似那彥成一聞此信即派遊

擊圖勒畢善前往躡拏圖勒畢善至祖家莊後遲延畏

蕙致令逃逸是以將圖勒畢善革職那彥成派委不慎

又不自請議處當經革去雙眼花翎仍戴單眼花翎並

交部議處現在順天府眼目所認之馬業經查明係灤

州民人家所產輾轉賣給郭浩並非祝現之馬茲又據

章煦奏李二戈信因貪圖日給飯錢捏造祖黑子家有

窩藏逆匪形跡那彥成聞信派員往拏並無不合所有

部議降一級調用之處著無庸議並賞還雙眼花翎圖

勒畢善派令拏賊既到祖家莊地方並不即日掩捕究

未免畏葸但尚不至草職圖勒畢善著草去花翎降為都司仍交直隸差委遇缺補用祖黑子等訊係無辜著即釋放郭浩賀應成同馬匹如尚未起解來直即無庸起解倘業已在途即著截留釋放李二戈信貪利妄指以致拖累無辜所擬柳杖尚屬輕縱李二戈信著改為杖一百流三千里先在祖家莊柳號兩個月再行發配以示懲儆欽此臣跪讀之下曷勝感激當即恭設香案望

闕叩頭謝

恩竊念臣蒙

那文毅公初任直隸總督奏議

卷三十六

六

恩調任直隸自春間到任至今節次欽奉

上諭令臣督率地方文武各官嚴拏最要次要各犯乃半

載以來不但最要各犯未能弋獲即次要各犯亦

僅獲姜道學一名此皆臣緝捕無能之故撫躬自

問實增慙愧茲蒙

皇上特頒

恩諭

賞還雙眼花翎并免議處沐茲

高厚

鴻慈實夢想所不及

恩施迥格感合全家臣惟有益勵血誠實心整頓地方實力查拏要犯以期仰報

聖恩於萬一謹

奏奉

硃批覽

嘉慶十九年十一月二十日次子容照蒙

恩擢為尚茶正頭等侍衛

奏為恭謝

天恩事竊臣接到家信知次子容照仰蒙

恩命

那文毅公初任直隸總督奏議

卷三十六

七

擢授頭等侍衛當即恭設香案望

闕叩謝

天恩伏念臣蒙

恩調補直隸總督自本年春間到任至今幾及一載不但

在逃要犯未能弋獲以致上煩

宸厪

宵旰焦勞即地方諸大政雖經實力整頓亦尚無起色臣

受

恩深重時增慙愧茲蒙

聖主不加譴責並

加恩陞授臣 次子容照為尙茶正頭等侍衛臣 聞

命之下固已歡欣感激想臣 母在京目覩次孫容照蒙

恩陞擢換戴三品頂戴更必欣喜感謝老年得此益增福

壽是臣 一門祖孫父子仰沐

聖恩實屬至優至渥臣 感激

天恩非祇一事一節亦非一言所可聲敘臣 惟有益加勉

力認真辦事嚴緝要犯以期稍酬

高厚至容照於漢文尙能靡通而清語弓箭未能精熟臣

當勸其用心學習不許少有高興勤慎當差仰副

皇上造就成全之至意謹

那文毅公初任直隸總督奏議

卷三十六

六

奏奉

硃批汝非無才奈不奮勉逆賊必應除盡汝總視為泛常

再涉因循不能安居保定矣慎之

嘉慶十九年十二月十四日

奏為呈繳罰項恭摺具奏事竊照本年三月間臣 具奏

凱撤官兵攜帶幼孩臣 未能約束稽覈請嚴加懲

處一摺欽奉

上諭京營各員均已加恩從寬辦理那彥成口請交部嚴

議之處著加恩寬免其請罰世職俸十年亦減為五年

所有官兵等自滑縣至出山海關一應車馬供應俱不

准報銷罰令賠出送回各幼孩經過直隸境內所需盤

費等項亦一併著賠以示薄懲欽此臣 遵卽轉飭總局

司道將此項官兵車馬供應及送回幼孩盤費等

項於報銷案內剔除在案茲據該司道核明前項

車馬供應盤費臣 名下共應賠銀一萬九千五百

九十三兩三錢八釐造冊申報前來伏查本年春

間凱撤官兵臣 不能約束以致攜帶幼孩實有應

得之咎乃蒙

皇上天恩不加重譴僅將車馬供應盤費等項罰令賠出

那文毅公初任直隸總督奏議

卷三十六

九

矜原於格外益感愧而難名竊念臣 自嘉慶十五年蒙

恩補授陝甘總督歲支養廉銀二萬兩臣 平日用度最為

省儉每年可以節省銀一萬兩內外四年以來共

節省銀四萬餘兩除上年帶赴軍營獎賞官兵并

接家眷盤費又本年進京修理祖墳及收拾住房

償還夙逋用去之外實尙存銀一萬五千兩此項

銀兩雖係臣 歷年節省所餘然皆係蒙

恩賞給之廉現在臣 既有罰賠之項若不卽行呈繳問心

何以自安今將前項銀一萬五千兩就近交存直

隸藩庫下短之項臣 有祖遺坐落易州地三段共

二十六頃二十八畝契價銀四千七百六十五兩
請一併入官核計多餘銀一百七十一兩六錢二
釐亦毋庸找還謹

奏奉

硃批戶部知道

嘉慶十九年十二月十九日

奏為恭謝

天恩事竊臣賫捐差弁回省捧到

欽賞

御書福字並鹿肉臣當即出郊跪迎至署恭設香案望

那文毅公初任直隸總督奏議

卷三十六

三

闕叩頭謝

恩祇領欽惟我

皇上自

天錫福與物皆春肅官常而共戴

恩施念民依而並躋仁壽臣備員畿輔近沐

光榮方懼奉職多愆迺荷

隆施下逮吉祥書字祝

宸翰之星輝珍異充庖飮

上方之仙品恭捧

御書福字敬謹製額並將

賜到鹿肉分遣司道各官莫不感頌

仁慈同聲惟臣惟有稟承

渥眷益矢冰兢既知味以銜

恩常舉頭而增恐謹

奏奉

硃批素餐尸位奚能受福縱逆養奸難免得咎慎之

嘉慶十九年十二月二十四日

奏為欽奉

諭旨叩謝

天恩事竊臣欽奉

那文毅公初任直隸總督奏議

卷三十六

三

諭旨那彥成於緝拏要犯一事全不認真亦不遵旨將緝

捕情形每次具奏經朕屢降嚴旨訓飭伊本日差人齎

遞奏摺乃以查辦保甲一事請緩時日虛詞搪塞可惡

已極那彥成著再嚴行申飭本日吏部奏上議處那彥

成降二級留任已降旨依議因那彥成此次奏摺玩泄

愈甚又改為降三級留任該督接奉此旨速激發天良

整飭捕務冀贖前愆欽此臣跪讀之下感激悚惶莫能

言狀竊念臣屢奉

諭旨飭緝要犯一載以來並無就獲實屬有負

委任又不將緝捕情形隨時具奏咎更難追仰荷

聖主逾格

鴻慈不加嚴譴仍予降級留任并蒙

俯加訓誨臣具有天良惟有痛自愧奮嚴飭文武員弁益

加嚴密訪緝務期弋獲究辦並將緝捕情形於每

次奏事之便繕摺具奏以仰副

皇上教誡曲全之至意謹

奏奉

硃批朕日夜盼雪又盼擒賊無時或釋汝忍漠不關心乎

忘其為廣庭之孫矣再不勉力西行定矣

嘉慶二十年二月初一日

那文毅公初任直隸總督奏議

卷三十六

三

命革去雙眼花翎

奏為恭謝

天恩事竊臣接閱邸抄欽奉

上諭上年那彥成賀本賫遞遲延不能按期呈進可見那

彥成一應公事漫不經心該督蒞任以來緝捕疎懈逆

案叟犯並未報獲一名昨復因朕駐蹕南苑妄行陳奏

添設燈城干預分外而於本任應辦之事種種廢弛無

庸交部議處著拔去花翎以示薄懲該督當知愧知奮

勉圖後効欽此臣跪讀之下不勝感惕伏查

元旦賀本臣於十二月十五日拜發十八日到通政司

投遞以致封印期內不能彙呈

御覽遲延之咎實無可辭且臣蒙

恩調任以來業經一載辦理地方諸務雖心力不敢稍弛

而才識實有未逮奉

旨飭緝軍開最要次要各犯並無一名拏獲以致屢屢

宸衷印子罷黜亦所應得適蒙

皇上天恩不加嚴譴僅拔去花翎示懲並荷

訓詞肫切

勸勵優加臣惟有殫竭愚忱事事認真辦理時時嚴緝要

犯以冀稍贖前愆仰報

那文毅公初任直隸總督奏議

卷三十六

三

高深於萬一謹

奏奉

硃批汝捫心自問知愧悔否京城五城各處又獲逆犯數

名緣坐家口十餘名汝再不上緊實屬無能極矣

嘉慶二十年四月十七日

奏為恭謝

天恩事竊臣承准軍機字寄嘉慶二十年四月十二日奉

上諭本日吏部將那彥成議以降一級調用又降二級留

任已有旨加恩改為降三級留任矣那彥成之意總欲

辭退直隸總督希圖降調改授京職伊既可侍奉伊母

又可卸緝捕之責朕轉不將伊降調俾得遂其苟安之心那彥成惟當振刷精神將總督任內應辦事件認真經理督率所屬上緊緝拏逆犯毋再因循疲玩自蹈重愆近日朕聞外間議論派出訪拏逆匪員弁因刑部將拏解之犯屢次審虛以致原拏之人獲罪心存畏葸皆立意不復偵緝此說一倡於捕務大有關礙前此懲辦妄拏無辜之人如廖思芳明知山東之劉第五並非直隸馬駒橋謀逆正犯仍以分金爐之語向其恐嚇必令誣認叛逆以遂其邀功之謀實屬有心鍛鍊是以將廖思芳照律治罪此外無心誤拏者並未一概懲辦即如

那文毅公初任直隸總督奏議

卷三十六

五

甘省拏解之小王二審明實非正犯其原拏之吏目王崗訊無教供逼認情事亦即未治其罪又近日拏獲之祝秋兒等實係從逆習教之犯即經刑部審明按律分別辦理亦非於拏解各犯一概審虛况如張翔之拏獲馮克善立由知縣超陞知府若果有能將在逃正犯緝獲者自必立需殊恩優加獎擢該官吏等有何疑畏而不奮勉圖効乎著那彥成亟將此旨密諭所屬文武員弁令其破除鄙見各發天良上緊設法躡緝以期早獲逋逃迅除餘孽為要欽此 跪讀之下不勝感悚當即

望

闕叩頭謝

恩竊思 臣叨蒙

恩命調任畿封年餘以來辦理地方事件以及緝拏要犯

雖不敢稍遺餘力無如竭盡愚誠於各要犯究無

弋獲捫心清夜實無以仰對

聖明前此謹將 母老私情冒昧陳奏實不敢懇辭總督

之任今蒙

皇上格外天恩不即罷黜僅

予降三級留任

聖明體恤仍是

那文毅公初任直隸總督奏議

卷三十六

五

垂念 臣母老丁單

天恩高厚於 臣烏鳥私情無微不照荷蒙

聖主嚴切訓諭 臣合家頂戴莫可言宣惟有將應辦事件

勉力經理督率屬員上緊緝拏要犯並將此

旨密諭文武員弁俾其破除鄙見各發天良設法躡緝務

期要犯就獲稍贖前愆仰報

聖慈於萬一謹

奏奉

硃批慰朕盡忠慰母盡孝在汝一心切勿錯會

嘉慶二十年七月二十日

奏為恭謝

天恩事竊臣承准軍機大臣字寄欽奉

上諭那彥成奏永定河北七工第十號隄險被水漫溢趕

緊盤做裏頭並自請嚴議一摺永定河北七工漫口距

前次漫口不遠幸仍循減河故道下注未經旁溢那彥

成現在差次趕辦橋道未能兼顧所有自請嚴議之處

著加恩寬免其漫口處所業經盤做裏頭那彥成俟瑤

亭送駕後即馳赴工次查勘情形應如何歸併堵築之

處妥為辦理可也欽此臣跪讀之下實深感愧竊念臣

兼管河務理應督飭屬員小心防護務保無虞乃

那文毅公初任直隸總督奏議

卷三十六

美

於前月二十五日北七工第二十四號漫溢之後

甫及半月該工第十號復又漫口三十餘丈雖因

水勢驟長究由防護不善所致臣未能率屬預防

以致半月之間兩次漫溢實屬咎無可追仰蒙

皇上以臣在差次趕辦橋道未能兼顧

特加矜宥

寬免處分沐

逾格之生成實感深於夢寐臣惟有益加自勉俟跪送

聖駕後馳赴工次將應如何歸併堵築之處妥為勘辦以

期仰慰

聖懷於萬一謹

奏奉

硃批知道了

嘉慶二十年七月二十二日

賞還雙眼花翎奉

上諭朕啓鑿前因大雨連日藹溝密雲等處橋座有衝塌

之處特派禧恩蘇爾慎前往會同那彥成督催支搭均

於二十日以前一律完整駐蹕南石槽後又因懷柔縣

橋座兩處被衝在石槽停蹕以待飭令那彥成親往督

辦仍派禧恩蘇爾慎協同辦理於昨日午刻工竣朕策

那文毅公初任直隸總督奏議

卷三十六

美

馬而度橋座均各完固辦理尙屬妥速那彥成著加恩

賞還雙眼花翎禧恩著賞還花翎黃馬褂並各賞給大

卷八絲緞袍料一件蘇爾慎著賞給大卷八絲緞袍褂

料各一件其禧恩帶往之嚮導處章京二員蘇爾慎帶

往之虎鎗營章京二員與那彥成派出搭橋之文職三

員將弁十六員著各賞給小卷五絲緞袍料一件其搭

橋兵丁四百八十名內有泅水工作者五十名著各賞

給一兩重銀鏢一個其餘四百三十名各賞給五錢重

銀鏢一個俱由廣儲司支給

嘉慶二十年七月二十三日

奏為恭謝

天恩事竊臣欽奉

上諭以懷柔橋座臣協同禧恩等督率趕搭完竣

賞還雙眼花翎並

賞給大卷八絲緞袍料一件拜領之下感悚無地復於

召見時面奉

聖諭因臣母年老是以

特旨加恩俾臣之母聞

命增歡更加康健延年

聖慈體恤家人父子實不同於恒泛臣現已遵

那文毅公初任直隸總督奏議

卷三十六

天

旨專差家人寄知臣母從此益壽延齡真荷

皇上天地父母之恩臣舉家頂感實無涯涘臣惟有殫竭

血誠益矢報効事事倍加實力整頓并督率文武

員弁嚴拏餘孽早淨根株以期仰報

鴻慈於萬一謹

奏奉

硃批知道了

嘉慶二十年八月初十日

奏為恭謝

天恩事竊臣賫摺并回捧到

欽賞鹿肉當即出郊跪迎至署叩頭祇領竊思此次恭逢

聖駕巡幸熱河臣既不克扈隨

豹尾稍効馳驅而古北口外橋梁道路因雨水過多復

有衝失又不能親身在彼督率搶搭實深惶悚迺

荷

鴻慈逾格不加譴咎茲又蒙

皇上將御鎗所中鹿隻

賞給臣鹿肉一盤欽惟我

皇上時巡講武

秋獮宣威從禽載獲徵即鹿之祥

那文毅公初任直隸總督奏議

卷三十六

天

大賚優頒沐

殊恩之賜臣謹將所

賜鹿肉恭捧與臣母看視並宣知係

皇上御鎗所中

行幄分羞舉家食德甘旨俱

天廚之脯百祿增長車攻協吉日之良

三驅卜獲臣惟有愈勤策勵勉竭駑駘從此愛日循陔常

戴

生成而將母飲

和食

德益殫葵藿以抒誠謹

奏奉

硃批覽

嘉慶二十年九月初八日

奏為恭謝

天恩事竊

臣於盧溝橋途次賫摺并回捧到

欽賞鹿肉一盤當即叩頭祇領欽惟我

皇上與

天合撰法

祖攸行既

那文毅公初任直隸總督奏議

卷三十六

三

行健以自強爰

習勞而肄武

調孤一發

得鹿旋占

揚盛事於周行載賡鼓瑟

錫仙厨之嘉味飽飫珍餉

臣奉職多慙素餐滋懼惟有益

勤策勵勉竭駑駘事事實心辦理并督飭文武員

弁嚴拏遺孽早盡根株以期稍酬

高厚鴻慈於萬一謹

奏奉

硃批覽

嘉慶二十年十一月初三日

奏為叩謝

天恩事竊

臣前因保奏永定河辦工出力人員內有緣案

降革官七員冒昧奏准捐復欽奉

諭旨罰令

臣賠繳銀兩交部加等議處十月二十八日奉

旨此次那彥成於保奏永定河工出力人員為溫承惠所

蒙將緣事降革官七員含混奏請捐復伊等俱曾任銓

部豈不知捐復人員向例俱由部臣摘敘緣事案由開

具清單分別准駁請旨其奉旨准其捐復者始得赴戶

那文毅公初任直隸總督奏議

卷三十六

三

部交納捐項今那彥成於未經具奏之前即先令該革

員將捐復銀兩繳庫無論此七員內如王奎聚等原犯

案情較重者斷難准其捐復即悉屬情輕之員亦從無

此政體實屬有意取巧預為邀准地步跡近專擅部議

照濫舉匪人例加等議以降三級調用本屬咎所應得

姑念一時簡用乏人那彥成著加恩改為降四級從寬

留任該督當倍加感奮勉圖後効欽此伏念

臣材識謏

庸賦性愚魯不敢稍有纖毫朦混久在

聖明洞鑒之中此次保奏緣案降革官七員未經摘敘原

案係因拘泥向來軍營河工保奏人員均不敘案

是以遺漏聲敘又於甫經派辦之時即令該革員

將捐復銀兩繳庫亦係因恐延宕工需起見惟事

何須巧辨實心改過為是類朦混跡近專擅一經

聖訓逐層指示臣夙夜疚心慄懼悚仄萬分惶恐仰荷

皇上逾格天恩不加嚴譴復將例應降調之案

寬收留任沐

鴻慈之曲逮益感愧以難名惟有事事殫竭血誠倍加奮

勉以期仰副

高厚生成於萬一謹

奏奉

那文毅公初任直隸總督奏議

卷三十六

三

殊批些須小工豈軍務可比况此等劣員實不足惜又不

諳工作祇藉家兄營幹耳

嘉慶二十年十二月十六日

奏為恭謝

天恩事竊臣賫摺弁回捧到

欽賞

御書福字並鹿肉臣當即出郊跪迎至署恭設香案望

闕叩頭謝

恩祇領欽惟我

皇上自

天錫福與物皆春肅官常而共戴

恩施念民依而並躋仁壽臣備員畿輔近沐

光榮方懼奉職多愆迺荷

隆施下逮吉祥書字觀

宸翰之星輝珍異充庖飫

上方之仙品恭捧

御書福字敬謹製額並將

賜到鹿肉分遣司道各官莫不感頌

仁慈同聲懽抃臣惟有凜承

渥眷益矢冰兢既知味以銜

那文毅公初任直隸總督奏議

卷三十六

三

恩常舉頭而增恐謹

奏奉

殊批又賜汝萱堂大福俾增福壽汝其勉旃

嘉慶二十年十二月十八日

奏為恭謝

天恩事竊臣於十二月十七日准兵部火票遞到軍機處

封寄

賞匣二件公文一角內開嘉慶二十年十二月十六日奉

上諭那彥成查拏石佛口世習邪教王姓一案辦理甚屬

認真著吏部查明那彥成被議處分共有幾案由軍機

處具奏候朕酌量施恩發去御書福字一個賞那彥成之母並發去鹿肉二盤麋肉二盤腿鹿肉二盤野鷄五隻賞那彥成之母及那彥成祇領度歲以示恩賚欽此

臣當即恭捧

恩賞傳奉

諭旨告知臣母舉家大小歡抃感戴扶同臣母恭設香案

望

闕叩頭祇領伏念臣受

恩深重節經欽奉

聖訓忠孝二字時刻毋忘臣夙夜兢惕急思勉策駑駘仰

那文毅公初任直隸總督奏議

卷三十六

三

答

天眷俯慰慈親現在查辦王姓傳教一案屢次稟承

指示督率所屬悉心訪訊祇係尋常分內應辦之事迺蒙

皇上天恩

逾格生成飭查臣處分酌量

施恩並蒙

頒賜上方多珍異品羅列度歲臣更得榮沐

賞賚佐承甘旨仰

鴻慈之曲逮家人父子備荷

體恤為臣子者實夢想所不到臣祇領之下感悚交縈惟

益殫竭血忱時刻瀆奉

勉勵忠孝之至誨事事實力實心並上緊督率員弁設法

偵緝要犯務獲以冀仰紓

慈厯稍答

高厚成全於萬一臣感激下忱謹繕摺專差臣子容安頂

誚

宮門呈遞用代合家恭謝

天恩謹

奏奉

殊批忠孝二字刻不可忘勉之毋怠

那文毅公初任直隸總督奏議

卷三十六

三

嘉慶二十一年正月初四日

奏為瀝陳下情恭乞

天恩事竊臣世受

聖主生成服官中外臣受

恩優渥臣次子容照又復由

乾清門三等侍衛不及二年蒙

恩擢至頭等侍衛前開豫東事例臣以大員應為子弟呈

捐報効是以為臣長子容安由戶部主事加捐員

外郎經部掣籤第六名是臣一門父子無不深荷

鴻慈尤應急圖報稱早令臣長子當差惟臣母年老已近

八旬臣特蒙

簡命昇任直隸總督事務殷繁甲於他省又兼每歲春秋

二差及伏汛應駐河上宣防

萬壽慶節元旦年節均應入都展

覲祝賀一年之內在省之日不及半載臣駐省每日地

方事件及緝捕各務案牘連綿不下數百件又復

接見文武各員或閱操兵弁或審斷案件每遇公

事忙迫之時幾至終日不暇問視臣受

恩深重萬不敢以私妨公致以子情之依戀遂至臣職之

怠荒查臣長子容安年二十九歲前經

那文毅公初任直隸總督奏議

卷三十六

美

奏請隨任蒙

恩允准數年來隨侍臣母凡起居一切臣不克分身之時

祇可令其代臣伺候臣母屢蒙

天語垂問疊邀

恩賞感激之下康健雖俱如前而腰足本有舊疾動履不

能自如臣長子容安隨任多年今以加捐員外郎

例應歸部銓選一經選到即應當差臣母偏愛此

孫不忍使之遠離又恐悞其差使每一言及情覺

兩難臣顧此情景五內焦急又思容安例應銓選

之人何敢妄行瀆請但臣公務紛繁不能隨時侍

奉臣母若再令容安遠離臣母益增寂寞臣亦實不能放心惟有懇求

皇上格外恩施

勅部將容安暫行停選仍令隨任容安曾經鄉試臣仍

時助其讀書射箭不許曠閒以圖入場上進臣更

可專心辦事臣不得已之下情是否可行出自

聖主恩施謹

奏

嘉慶二十一年正月初六日奉

上諭那彥成奏伊長子容安加捐員外郎懇請暫行停選

那文毅公初任直隸總督奏議

卷三十六

三

隨任奉侍伊母仍令讀書入場上進等語加恩著照所

請容安准其暫行停選留於任所侍奉祖母讀書應試

該部知道

嘉慶二十一年二月初六日次子容照蒙

恩授奉宸苑卿

嘉慶二十一年二月初九日

奏為恭謝

天恩事竊臣於本月初八日接據臣次子容照專差家人

稟稱本月初四日欽奉

恩旨以容照補授奉宸苑卿並蒙

召見訓誨

聖諭周詳臣 祇盼之下感激難名當即恭設香案望

闕叩頭伏念臣 世受

天恩至優極渥仰蒙

簡畀封畿重任公事不能辦理裕如逸犯又多未獲方懼

不克上承

恩命夙夜兢惕負疚滋深臣 次子容照由三等侍衛二年

之內

超擢尚茶正臣 因其年輕未經閱歷每諄囑其學習當差

恐多隕越茲復仰荷

那文毅公初任直隸總督奏議

卷三十六

三

皇上逾格鴻慈

簡授奉宸苑卿沐

恩施之曲逮實夢想所難期臣 一門父子渥荷

寵榮

賞及子女歡逮祖慈舉家欣抃感悚倍深惟有切囑容照

稟遵

皇上教訓臣

殊批忠孝二字時刻毋忘認真小心勤慎當差臣 益更殫

竭血誠事事實力實心不敢稍有因循懈忽以期

仰答

高厚生成於萬一謹

奏奉

殊批覽

嘉慶二十一年三月初九日奉

上諭奏摺題本乃臣下告君之言豈可以市井匪類穢語

連形章牘初八日刑部進呈直隸總督那彥成等具題

趙春穢罵邊范氏以致氣忿自盡一本將字典未有之

字極村極穢之言連敘二處刑部堂司各官俱未看出

依樣葫蘆仍照原題直書甚為因循失體非尋常錯誤

字句者可比著大學士董誥托津尚書蘇楞額吳璥將

那文毅公初任直隸總督奏議

卷三十六

三

具題之那彥成盛泰及本內列名之堂司各官分別議

罪於十二日具奏

嘉慶二十一年三月十四日

奏為恭謝

天恩事竊臣 接閱邸抄三月十二日奉

上諭前因刑部議覆直隸總督那彥成具題趙春穢罵邊

范氏以致氣忿自盡本內將極村極穢之言連敘二處

有失體制特降旨令董誥等將具題之那彥成盛泰及

本內列名之刑部堂司各官分別議罪茲據董誥等奏

請將盛泰革職那彥成及刑部堂司各官分別降調所

議甚是此案盛泰先將穢語敘入原詳本應照議黜革
姑念該臬司現在查辦逆案一時更換之人盛泰革去
花翎加恩改為草職留任盛泰既已從寬其原議降三
級調用之那彥成著加恩改為降三級留任欽此伏念
各省題本皆係恭呈

御覽之件况我

皇上

明刑矜獄於命案本章尤必細加披閱此實中外臣工之

所共知乃臣於趙春穢言邊范氏致令氣忿自縊

一本輒將鄉俚穢詞連敘二處實係昏憤糊塗心

那文毅公初任直隸總督奏議

卷三十六

聖

神昏亂一經

聖明指示臣萬分慙悚無地自容仰不可對

君父俯不可以對同寅疚悔戰慄實為臣畢生難以自問

一息不敢偶忘之咎仰荷

皇上逾格天恩將應行降調處分

特賜寬改留任沐

矜全之曲逮彌感愧以難名臣惟有洗心滌慮益加奮勉

事事殫竭血誠以期仰答

高厚生成於萬一謹

奏奉

硃批知道了

嘉慶二十一年四月初五日三子容恩蒙

恩授藍翎侍衛

嘉慶二十一年四月初八日

奏為恭謝

天恩事竊臣三子容恩蒙

恩賞給藍翎侍衛敬聞之下感激難名當即恭設香案望

闕叩頭謝

恩伏念臣滿洲世僕久沐

鴻慈自

那文毅公初任直隸總督奏議

卷三十六

聖

簡任畿封於今三載愧涓埃之未効恒悚惕而難安乃荷

皇上天恩於本年二月間

擢授臣次子容照為奉宸苑卿茲復蒙

恩賞給臣三子容恩藍翎侍衛是臣一門父子兄弟叨被

聖恩至深極厚沐

隆施之稠疊思圖報而愈難臣惟有切囑容恩勤慎當差

學習弓馬小心上進臣益勵血誠事事實心實力

認真辦理不敢稍有因循疎懈以期仰報

高厚生成於萬一謹

奏奉

殊批祝劉二逆確在山東陳預只知研審袁武魁不能拏獲大逆今已匝月二逆遠颺實深憤懣汝力加振作盡孝盡忠多差員弁各處密訪如能拏獲立沛重恩廣延墳園遣官告奠汝其勉之汝其勉之

嘉慶二十一年四月二十二日次子容照奉旨降為二等侍衛

嘉慶二十一年四月二十七日

奏為恭謝

天恩事竊臣接閱邸抄四月二十二日奉

上諭本月二十日朕由宮門臨幸圓明園路間有驚逸馬

那文毅公初任直隸總督奏議

卷三十六

聖

匹由後跑來經過朕前經綿恩查明四執事太監墜馬致逸已將該太監重責四十板彼時護從之侍衛等均未即時攔截該侍衛等隨扈行走踣路所經如有叩關之人及驚逸馬匹俱應嚴肅管轄乃是日但聞御前侍衛乾清門侍衛等一聲喊嚷並無一人將馬匹攔回本應概予懲處因念人數眾多姑從寬免孟任蘇冲阿阿勒罕保容照台保係專派後扈侍衛當經降旨交部嚴議本日兵部議奏請將孟任等俱照溺職例革職實屬咎所應得惟是日隨扈行走之侍衛等既未悉予懲處伊等亦可稍從宥減孟任等五人除俱已退出乾清門

外容照著降為二等侍衛在大門上行走等因欽此伏

查臣次子容照稚年童子鼻蒙

聖恩不數年間擢至奉宸苑卿乃值當後扈侍衛隨扈行走遇有

蹕路驚逸馬匹自後跑來理應向後驅逐立時攔拏乃並未即時攔截以致逸過

御前懈忽疎玩實非尋常溺職可比臣聞信之下深恨容照年輕無能當差怠玩亟思痛加懲責俾知警愧

仰蒙

皇上天恩僅止交部嚴議已屬

那文毅公初任直隸總督奏議

卷三十六

聖

逾格寬宥即照部議革職實係咎無可追復荷

曲賜宥減降為二等侍衛在大門上行走沐

恩施之再造益感悚以難名臣惟有諄囑容照嗣後務宜

小心學習當差加倍奮勉萬不可稍有絲毫懈惰

以期黽勉報効仰答

高厚鴻慈於萬一謹

奏奉

殊批汝子不甚有出息須當嚴行教導令彼成器緝捕不可疎懈勉之又勉朕宵旰盼信得即速奏雨暘時若深感

天慈西成有望矣

那文毅公初任直隸總督奏議

卷三十六

四

那文毅公初任直隸總督奏議卷三十六

那文毅公初任直隸總督奏議卷三十七目錄

卷三十七

善後餘事

那文毅公初任直隸總督奏議

目錄

一

那文毅公初任直隸總督奏議卷三十七

男容安恭輯

善後餘事

嘉慶十九年二月二十九日

奏為開州等處留防官兵酌量裁撤恭摺奏

聞事竊照上年滑城克復之後因直隸大名府屬之開州

東明長垣三處係被賊蹂躪之區又河南彰德府

并直隸順德府地方亦關緊要必須重兵駐劄彈

壓當將提標兵一千名飭令馬瑜管帶駐守開州

又將正定鎮標兵一千名飭令徐錕管帶分駐東

那文毅公初任直隸總督奏議

卷三十七

明長垣又將宣化鎮標兵一千名飭令富蘭管帶

分駐彰德順德二府往來巡緝並經專摺

奏明嗣接河南撫臣方受疇來信以彰德地方業已靖

謐毋庸派兵駐守以節糜費經臣札致飭令富蘭

將宣化鎮標官兵全數移駐順德府城巡防在案

茲查開州一帶地方入春以來已經靖謐即有搶

掠糧食之土獍節經拏獲究辦現已斂迹順德府

城亦安堵如常自應酌量裁撤臣現在知會馬瑜

徐錕富蘭將各帶兵一千名之內各先撤回五百

名陸續分起歸伍其餘兵一千五百名仍留各該

處駐守俟三月初間全行撤回並令富蘭先行進

京復

命其所帶之兵另派妥幹將備管帶約束不任稍滋事端

馬瑜徐錕現亦令其次第進京謹

奏奉

硃批知道了

嘉慶十九年三月二十二日

奏為開州等處所有留防官兵全數撤回歸伍恭摺具

奏仰紓

聖厘事竊查直隸開州東明長垣三州縣並順德府留防

那文毅公初任直隸總督奏議

卷三十七

官兵共三千名臣於到任之後查明各處地方口

臻靖謐酌議減撤一半兵一千五百名其餘一千

五百名仍分駐彈壓俟三月初間再行全撤奏奉

硃批知道了欽此欽遵在案茲查月餘以來開州等處實

已安靜搶掠糧食之土獍悉皆斂迹居民安堵如

常留防官兵自應全數撤回歸伍謹

奏

嘉慶十九年三月二十四日軍機大臣字寄奉

上諭那彥成奏開州等處留防官兵全數撤令歸伍一摺

開州等處地方安謐居民安堵如常防兵自應全數撤

回俾令歸伍王師除莠安良救民水火之中俾登衽席
原以禁暴非以為暴今火器健銳兩營以及黑龍江古
北口出征官兵查出攜回子女已不下數百名其直隸
派兵各營想亦大率類是所有撤伍官兵此內有路經
保定者著那彥成自行曉諭其不經由保定者轉飭該
將領曉諭以定律官兵攜掠人口若於已附地面攜掠
者不分首從皆斬監候內地州縣更與新附不同此次
爾等攜掠人口若按律辦理不獨草職退伍皆當問擬
大辟姑念此次出兵之時未經申明定律奉旨概予寬
貸速將所攜子女悉數交出聽候查辦不許隱匿一名

那文毅公初任直隸總督奏議

卷三十七

三

若再有隱匿必治以違旨之罪所有交出之幼孩等該
督卽遵派委員詳悉訊問除查有逆犯家屬照例緣坐
外其良民子女如訊有父母親屬者卽就近送交本地
方官令幼孩等認明親屬給領其不知父母親屬所在
者暫交原帶官兵等收養當視同子女毋許稍有作踐
亦不許轉賣一面將幼孩姓名年歲籍貫咨明本地方
官出示曉諭如親屬得信前來認領毋許該官兵等留
難勒指悉照軍機處所辦章程分別妥辦毋令失所該
督並當曉諭各營官兵自此次申明定律之後設將來
遇有徵調皆當恪遵軍紀倘有肆意違犯者必按律治

罪斷不寬宥俾羣知謹凜以肅戎行

嘉慶十九年閏二月二十日

奏為大名地方緊要酌擬移置弁兵以資防守恭摺具
奏事竊照大名府屬開州東明長垣等處上年匪
徒滋事甫經剿捕安定經臣會同托津籌商善後
事宜奏請於正定大名等處添設官兵彈壓嗣奉
部咨以

國家設立兵防必通籌經費不得以亂民偶爾滋事遽
議營制之疎所請增設提鎮及添設額兵之處毋
庸議至開州原設有守備東明境內之杜勝地方

那文毅公初任直隸總督奏議

卷三十七

四

原設有都司惟長垣向未設營應交該督酌看情
形如必須添置弁兵卽於本省稍簡營分內酌量
抽撥移置奏明辦理奏奉

上諭直省營伍各就地方形勢建設腹地駐兵少於邊隘
舊制本極詳明直隸原設額兵足資控馭不得因莠民
偶爾滋事遽議增添至開州等處匪徒甫靖有須移置
弁兵之處著卽由該省各營酌量抽撥欽此臣於蒞任
後詳察情形伏查大名為省南門戶民情素稱刁
悍且接壤豫東奸匪易於滲迹善後必須嚴密查
防開州營原設額兵一百三十名守備一員把總

一員額外外委一員其杜勝營及所屬之東明長垣二汛原設額兵二百九十九名都司一員千總一員把總二員經制外委二員額外外委一員分管營汛差操防守事宜實覺難於周密又大名協左右二營原設額兵八百五十七名除分撥各汛外存城兵僅止三百五十名於操防亦屬未敷臣悉心裁酌開州營應請添設兵三百七十名合之原額一百三十名共足五百名之數添設千總一員把總一員經制外委二員額外外委二員將原設守備一員改設都司一員管領其杜勝營東明

那文毅公初任直隸總督奏議 卷三十七 五

長垣二汛應請添設兵二百一名合之原額二百九十九名共足五百名之數添設把總一員經制外委三員額外外委二員又大名協左右二營應請添設兵四百二十九名合之存城原額三百五十名共兵七百七十九名統交城守營員管領毋庸另請添設臣詳釋部臣原議以增設兵額未免需項孔多國家經費有常自應通盤籌畫而地方實關緊要又不得不因時制宜量移布置方稱善後以上添設兵丁共一千名自應遵

旨於本省各營酌量抽撥擬於天津宣化二鎮所轄營分內各抽撥五百名所有千把外委等弁俟部覆准日仍由臣酌量派調其開州營改設都司一員亦於天津鎮標內酌調即以所裁開州營守備抵補似此一轉移間於防守要地足昭嚴密而一切軍裝糧餉亦可轉移辦理毋庸另議增添如蒙聖恩俞允所有改鑄鈐印及移撥官員添置弁兵衙署房屋等項事宜臣督飭藩司會營再行妥議咨部辦理謹

那文毅公初任直隸總督奏議 卷三十七 六

奏奉 嘉慶十九年三月二十五日 奏為大名一帶必須移置弁兵恭摺再懇 聖恩事竊臣前因大名協左右及開州杜勝等營額設弁兵不敷控馭奏請於宣化天津二鎮所轄營分內各抽撥兵五百名量移布置以資防守茲准兵部議奏以天津係濱海要區宣化係邊關重地是以設兵較寬至於大名一帶雖接壤豫東究係腹地以天津宣化形勢較之險易迥殊今請撥邊隘之兵移置腹地未便率行議准如大名等處如果必

須添設兵弁或另於該省各營通盤籌畫均勻酌撥奉

旨依議欽此咨會前來伏查天津宣化固係邊隘要區而大名接壤豫東地方甫經平定民心未盡安帖撤兵之後兵威毫無增益亦屬不成辦法是白下情形似較之天津宣化尤為緊要先經會同托津商辦善後事宜奏請於正定大名等處添設額兵奉部議駁行令於稍簡營分內酌量抽撥遵復再三籌酌大名左右開州杜勝等營必得添兵一千名請於天津宣化二鎮分撥移置而部臣又未議

那文毅公初任直隸總督奏議 卷三十七 七

准仍令通盤籌畫均勻酌撥查直隸一省馬蘭泰寧二鎮守護

陵寢提標近衛

京畿又係邊關重地各該標均未便輕議移撥外惟宣化鎮額兵七千餘名天津鎮額兵六千餘名較正定鎮兵為數本多雖係臨邊濱海之區現在地方安靜似可暫為量移此外惟督標有兵四千餘名茲復遵照部咨通盤籌畫擬於宣化鎮標抽撥四百名天津鎮標抽撥四百名督標抽撥二百名仍照原奏分別移置大名等營庶足以壯聲勢而

重操防於善後事宜亦不致缺略為地方緊要起見此外別無可撥之兵通融籌酌辦理如蒙

聖恩俞允所有帶兵官員即於各標均勻移撥無須增添

奏

嘉慶十九年三月二十七日奉

上諭那彥成奏請於大名一帶移置弁兵一摺大名接壤豫東上年軍務甫竣該督奏請增兵鎮撫亦屬因地制宜且均於本省抽撥並未加添兵額著照所請准其於宣化鎮標撥兵四百名天津鎮標撥兵四百名督標撥

那文毅公初任直隸總督奏議 卷三十七 八

兵二百名分別移置大名等營以資控制其帶兵員弁即於各標均勻移撥以符定額該部知道

嘉慶十九年四月十八日

奏為大名一帶移撥兵丁應請分別裁補事竊前因大名協左右及開州杜勝等營額設弁兵不敷控馭奏請於保定督標抽撥二百名宣化鎮標抽撥四百名天津鎮標抽撥四百名移置大名等營以資控制業蒙

聖恩俞允當即欽遵飭行辦理復察訪情形此時大名府屬留防兵丁業俱撤歸原伍該處係甫經平定

之區不可不亟為籌辦查省城及宣化天津等處距大名地方遠至千餘里近亦數百里該兵丁各有父母室家之戀未免安土重遷一旦移置遠處於操防未能專心得力若驟然裁去又慮該兵等猝難謀生臣再四斟酌擬就督標並宣化天津二鎮各營兵內擇其老弱及技藝未嫻者先行裁汰其餘俟陸續出有告退斥革事故之缺即抵為應裁之數毋庸募補統於奉文之日起限八個月內裁齊報部查核一面飭令大名協左右及開州杜勝等營就近召募壯健兵丁共一千名照原奏分撥充伍飭令正定鎮總兵張大振督率將備等勒限募齊認真訓練以實軍旅至督標並宣化天津二鎮應裁兵丁其未經裁除之先應食糧餉在於直隸通省各營扣存空曠銀內如數動支給領似此一轉移間糧餉不致虛糜守衛可收實效亦可俯洽輿情謹

那文毅公初任直隸總督奏議

卷三十七

九

奏

嘉慶十九年四月二十四日

奏為大名一帶應添兵丁遵照

諭旨再行籌撥恭摺具奏臣欽奉

上諭那彥成奏請將大名一帶移撥兵丁分別裁補一摺前據該督奏請將督標及宣化天津鎮標兵抽撥一千名移置大名等營特降諭旨允行茲該督以該兵丁各有父母室家遠道遷移於操防未能得力請於督標並宣化天津二鎮標各營兵內照抽撥之數陸續裁汰飭令大名等營就近招募所奏係屬實在情形自應如此辦理惟是宣化天津二鎮均係要地驟各裁去兵四百名亦未免過多著該督再於通省營伍內酌量均勻裁汰以符一千名之數其大名各營即按新增兵額招募充伍至新募之兵該處甫經綏靖上年賊黨中實難保

那文毅公初任直隸總督奏議

卷三十七

十

無漏網匪徒若朦混應募入伍所關匪細該府附近地方上年守城禦賊會充鄉勇民人甚多伊等素與賊匪為敵又曾練習技藝應先儘募令入伍既易於辨識兼可訓練得力也欽此臣跪讀之下仰見

皇上慎重地方

訓示明切實深欽佩伏查直隸原設營制僅止一提五鎮

提標原設各項兵九千二百九十三名為數最多

但提督駐古北口近衛

京畿每年恭逢

皇上謁

陵及

巡幸熱河差使繁要勢難裁減馬蘭鎮設兵二千六百七十四名泰寧鎮設兵三千零七十三名數目較少該二鎮專為護

陵不便議裁惟督標設兵四千五百八十九名宣化鎮設兵七千一百七十五名天津鎮設兵六千一百零一名為數尚多可以抽撥是以前議在於督標移撥兵二百名宣化天津二鎮各移撥兵四百名共成一千名分撥正定鎮標之大小左右及杜勝等營安設茲蒙

那文毅公初任直隸總督奏議

卷三十七

七

訓示令臣於通省營伍內均勻裁汰臣再四思維擬在於提標各路均勻裁減二百名其餘八百名在於督標裁減二百名宣化天津二鎮各裁減三百名仍符一千名之數一面即飭令正定鎮總兵張大振督率大名左右及杜勝等營欽遵

諭旨即按新增兵數在於附近地方招募居住妥實會充義勇民人令其入伍如有不足另行招募足額務令地方官確查取保方准認充以杜朦混而資控馭謹

奏奉

硃批依議辦理

嘉慶十九年六月十九日

奏為酌定大名開州等營添設官兵分撥營汛數目恭摺具奏事竊臣前奏開州杜勝及大名左右等營應添兵一千名請於督提二標宣化天津二鎮各營內照抽撥之數均勻裁減即令開州等營就近招募荷蒙

那文毅公初任直隸總督奏議

卷三十七

七

允准辦理查此次開州等營添設兵丁一千名或添於存城存營或添於各汛應視其地方何處扼要原設額兵何處單薄酌量情形分別添置方足以收實效當即調至正定鎮總兵張大振當面詳議并令其親身查辦去後茲據該鎮親歷各營按照臣所指扼要地方合之官兵數目查明情形酌擬分撥今請將杜勝營並所轄之長垣東明及東明集等汛添兵三百三十七名開州營並所轄之兩門井店等汛添兵三百七十一名大名左營存城添兵一百九十四名右營元城汛駐大名府城添兵九十八名以符一千名之數所添兵丁按馬兵二成步兵三成守兵五成合計弓箭六成烏鎗四成均係照例辦理至調撥干把外委等官悉照原奏數

目分撥惟安置營汛稍有參差臣復詳核情形該鎮所辦俱屬妥協除飭令如稟辦理一面督率各營招募附近居住妥實義勇民人依限足額以資控馭外理合恭摺具

奏並另繕清單敬呈

御覽再開州營原設守備一員臣前經奏明改設都司一

員於天津鎮標內酌調即以所裁開州營守備抵

補在案茲與提臣徐銀往返咨商應請將天津鎮

屬舊州營選缺都司劉肇元移置開州營所遺都

司裁缺改為守備即以開州營選缺守備馬成龍

那文毅公初任直隸總督奏議

撥駐其餘調撥員弁統俟兵丁募齊一併咨部謹

奏奉

硃批兵部知道

謹將大名開州等營原設并酌添官兵分撥營汛

數目開列清單恭呈

御覽

大名左營存城原設副將一員都司一員千總一

員把總一員額外委一員

應請添設經制外委一員即請以長垣汛應添

原設馬步守兵二百三十七名

應請添設馬步守兵一百九十四名連原額共兵四百三十一名

大名右營元城汛駐大名府城原設千總一員額外委一員

應請添設經制外委一員即請以東明汛應添原設馬步守兵一百零二名

應請添設馬步守兵九十八名連原額共兵二百名

杜勝營存城原設都司一員千總一員經制外委一員額外委一員

應請添設把總一員經制外委一員額外委一員

原設馬步守兵一百九十二名

應請添設馬步兵二百零八名連原額共兵四百名

長垣汛原設把總一員

應請添設額外委一員即請以杜勝營應添補一員將該汛應添經制

原設馬步守兵五十二名應請添設馬步守兵四十八名連原額共兵一

那文毅公初任直隸總督奏議

百名	東明汛原設把總一員	應請添設額外外委一員 <small>即請以開州營應添額外外委二員內撥一員將該汛應添經制外委一員添於大名右營元城汛</small>	原設馬步守兵三十名	應請添設馬步守兵七十名連原額共兵一百名	東明集汛原設經制外委一員 <small>係東明汛協防</small>	原設馬步守兵十九名	應請添設馬步守兵十一名連原額共兵三十名	那文毅公初任直隸總督奏議	卷三十七	五
名	開州營存城原設守備一員 <small>今改設都司一員將原設守備撥補都司</small>	缺把總一員	應請添設千總一員經制外委二員額外外委二員 <small>添設一員由井店集汛撥歸一員</small>	原設馬步守兵一百一十四名	應請添設馬步守兵二百八十六名連原額共兵四百名	兩門集汛原設經制外委一員	應請改設把總一員 <small>即請以該營應添把總撥補將原設經制外委改撥</small>			

井店集汛	原設馬步守兵五名	應請添設馬步守兵六十五名連原額共兵七十名	井店集汛原設額外外委一員	應請改設經制外委一員 <small>即請以兩門集汛原設經制外委撥補將該汛原設額外外委撥歸開州存城</small>	原設馬步守兵十名	應請添設馬步守兵二十名連原額共兵三十名	那文毅公初任直隸總督奏議	卷三十七	六
名	以上開州營存城外汛共計馬步守兵五百名	統計大名左右杜勝開州等四營改設都司一員添設千總一員把總二員經制外委五員額外外委四員弓箭馬兵二百名弓箭步戰兵一百五十名鳥鎗步戰兵一百五十名弓箭守兵二百五十名鳥鎗守兵二百五十名共添設兵一千名	嘉慶十九年七月十三日	奏為大名開州等營添設官兵募齊入伍日期事竊臣	前奏大名左右及開州杜勝等營應添兵一千名				

請於督提二標宣化天津二鎮各營內照抽撥之數均勻裁減卽令開州等營就近招募隨將各該營汛地方扼要情形指示正定鎮總兵張大振親往履勘按照所添兵數酌擬安置業經先後奏蒙聖鑒茲據該鎮張大振稟稱大名左營存城應添兵一百九十四名右營元城汛應添兵九十八名開州營並所轄之兩門井店等汛應添兵三百七十一名杜勝營並所轄之長垣東明及東明集等汛應添兵三百三十七名共新兵一千名已於六月十六二十二二十七等日募補足數均經該鎮親加挑

那文毅公初任直隸總督奏議 卷三十七 七

驗并經該地方官確查取保悉係年力精壯來歷明白之人均已分撥入伍此項新兵應食糧餉統於七月初一日起支以歸畫一所有各該營汛應添額外外委三員卽於本營汛舊設馬兵內秉公揀拔帶領操演等情前來飭造各兵花名清冊送部一面飭令移撥干把外委各員弁迅速前往督率操防一併咨部給劄謹

奏奉

硃批知道了

嘉慶十九年十一月二十五日

奏爲查出長垣等三州縣叛絕產業恭摺奏懇聖恩

賞給正定鎮標兵丁以資差操事竊查上年豫東教匪滋事擾及直隸大名府屬長垣東明開州等三州縣地方經

欽差大學士托津帶領官兵勦滅淨盡所有逆犯及被難絕戶產業例應入官 本年春間到任後遵奉諭旨嚴飭地方官逐細據實查報不得稍有隱匿茲據大名道府稟稱督率印委各員嚴查詳報長垣縣叛產地二十二頃一十四畝零絕產地一十一頃五

那文毅公初任直隸總督奏議 卷三十七 八

十畝零其東明開州並無叛產惟查出東明縣絕產地三頃四十四畝零開州絕產地九十二畝零統計三州縣共應入官叛產絕產地三十八頃零其瓦土房屋上年焚燒之後復遭本年夏秋雨水業經倒塌無從查報委無隱匿情事稟請核辦前來查長垣等處叛絕產業前經 於善後事宜摺內條奏俟查明之後召佃耕種卽將所收租息爲正定所屬新設各營辦公之用嗣經部臣議覆查逆產絕產兩項先經奉

旨確實查明以爲安插無業難民之用現在正定既不設

提標其所請佃種辦公之處應毋庸議仍遵前奉諭旨查明頃畝或給地或變價就所有數目均勻分給無業難民等因奏奉

俞允在案臣伏查長垣等處難民復業者十居七八似可毋庸再行分給地畝現在之地纔三十八頃餘給地則地少人多勢難均勻遍及即變價亦屬無幾其所應分甚少與其因攤派不均另起爭端何如仍歸營中公用較為有益查正定雖未設立提標但所屬開州杜勝及大名左右等營添設兵丁一千名安設堆堡及一切差操等事在在均需經費

那文毅公初任直隸總督奏議 卷三十七 九

且正定鎮標兵丁生計本屬拮据臣正思設法調劑合無仰懇

皇上格外

天恩俯准將此項叛絕產地三十八頃零

賞給正定鎮標兵丁召佃收租作為差操賞資之用每年所收租息除完納正賦外其餘悉歸該鎮公用歲底將用過銀數造具四柱清冊呈送臣衙門查考如有盈餘留為下年之用如此核實辦理既免小民紛爭而新設各兵丁有此得項一切差操事宜既得充裕自必倍加奮勉於營伍洵有裨益再此

外各州縣如有零星陸續查出叛絕地畝不值再為另辦應請一併歸營公用合併陳明謹奏

嘉慶十九年十一月二十七日奉

上諭那彥成奏請將長垣等三州縣叛絕產業賞給正定鎮標兵以資差操一摺直隸正定鎮所屬營汛有新添兵丁其安設堆堡及一切差操等事經費不無加增加恩著照所請將此次查出長垣東明開州叛絕產地三十八頃零賞給正定鎮標兵丁召佃收租作為差操賞資之用每年除完納正賦外其餘租息歸營公用仍於

那文毅公初任直隸總督奏議 卷三十七 三

年終報明總督核實查銷

嘉慶十九年四月初十日

奏為軍需用項仍請捐廉攤補恭摺再懇

聖恩事竊臣前奏直隸軍需用款約計將及九十萬兩請照擒捕內地賊匪本省自行辦理之例於現任大小官員養廉內分作十五年年均攤扣歸款欵奉硃批此奏甚是另有旨欽此又奉

上諭此次教匪謀逆由林清倡首該逆伏匿郊畿借傳教為名肆行勾結以致釀成叛案延及豫東二省勞師糜餉該管官毫無覺察形同木偶玩悞因循莫此為甚應

照那彥成所奏罰賠示懲惟州縣等官職分較小廉俸無多林清及逆黨犯事地方又不皆在所轄境內無庸一律攤扣至那彥成錢臻調任皆在事後攤捐亦未平允此事即交那彥成督率錢臻查明自嘉慶十一年起至十八年止歷任總督順天府尹潘臬兩司及該管道員等按其在任年月秉公核算分別攤賠以清款項

欽此仰見

皇上明罰勅法至公至平臣 踴誦之下實深欽服臣 伏思

直省此次邪匪滋事地方官平素漫無覺察實非尋常玩忽可比所有軍需用款九十萬兩在於歷

那文毅公初任直隸總督奏議 卷三十七 三

任各大吏名下著落攤賠實在罪所應得惟銀數過多而八年之間總督府尹司道人數甚少此時核計攤賠仍須分限追繳竊恐數年之後各該員等或別有事故或力不能完是徒有追賠之名難期歸補之實臣 受

恩深重事關

帑項不敢不從長計慮莫若仍懇

聖恩俯照原奏於現任大小官員養廉內分作十五年均勻攤扣歸款年限稍寬在各員無悞辦公墊款可以尅期補足於事較有實際如蒙

俞允再行督飭藩司將用項核算清楚分別均攤以期公允至自嘉慶十一年至十八年止歷任總督府尹潘臬兩司及該管道員平時玩悞因循未便任其置身事外除溫承惠方受疇素納慶格等業經白行議罰無庸置議外其餘歷任各員臣 查明在任年月另繕清單敬呈

御覽應如何分別示罰恭候

欽定謹

奏

嘉慶十九年四月十二日奉

那文毅公初任直隸總督奏議 卷三十七 三

上諭那彥成奏軍需用項仍請捐廉攤補一摺上年教匪滋事直隸省軍需動款約計九十萬兩前因該管各上司平素漫無覺察以致釀成叛案降旨令那彥成查明議罰示懲茲據查覆歷任各員人數無多著落分賠帑項仍屬虛懸請照前奏均攤歸款著照所請即交該督將軍需動用銀九十萬兩督飭藩司詳細核算在於現任大小官員養廉內分作十五年均勻攤扣歸款該部知道
嘉慶十九年十二月十四日
奏為直省辦理軍需用過銀數現在核造完竣恭摺具

奏事竊照上年直省辦理軍需動用銀兩前經臣
奏請照擒捕內地賊匪本省自行捐辦之例於現
任大小官員養廉內分作十五年均勻攤扣歸款
欽奉

諭旨交臣督率錢臻查明自嘉慶十一年起至十八年止
歷任總督順天府尹藩臬兩司及該管道員等按其
在任月日秉公核算攤賠欽此臣因八年之間總督府
尹司道人數甚少恐有追賠之名難期歸補之實
奏懇

聖恩仍照前奏分別攤扣其歷任失察之總督府尹司道
那文毅公初任直隸總督奏議 卷三十七 三
除溫承惠方受疇素納慶格自行議罰外其餘各
員應如何示罰開列清單恭候

欽定接奉
諭旨著照所請將軍需動用銀兩在於現任大小官員養
廉內分作十五年均勻攤扣歸款欽此遵即轉飭司道
設立報銷總局遴派誠實委員將上年辦理軍需
及本年留防凱撤官兵用過各款銀兩分飭糧臺
委員並經由州縣逐一造報嗣因各處開報款項
銀數多有外錯浮多未能畫一復經飭局列定款
項頒發冊式分飭造報茲據陸續造冊申由總局

司道督率委員逐細核明彙造總冊詳請具奏前
來查上年軍需應付車馬以及備辦軍裝各項前
因省南各屬連歲歉收百物昂貴軍行倉猝之際
需用例價實屬不敷經前署督臣章煦奏請按時
價僱辦欽奉

硃批該部知道欽此嗣經戶部議奏從前辦過成案每車
每百里給價銀一兩每騾每百里脚價銀三錢到
站守候止係運送一次者准其守候一日不給回
空如分起接運者首一起准守候一口各准回空
一日尾一起不給回空行令查照辦理又採買軍

營馬匹騾頭駝隻軍需例內均有一定價值不得
照時價開銷奏奉

硃批依議欽此在案伏查上年兵行匆促省南又值歉收
百物異常昂貴若照例價採買僱辦斷難敷用且
恐有悞軍需是以仍照時價給發辦理今軍需用
項雖奏請攤捐歸款而加價一項若不剔除另造
未免與例價牽混茲經司道酌議將例價作為正
銷加價作為附銷分別具詳前來臣覆加察核委
係實在情形並無浮冒其官兵鹽糧馬乾等項均
按定例支給亦無浮支除文武官員兵丁借支養

那文毅公初任直隸總督奏議

卷三十七

三

廉行裝等項銀共一十一萬五千八百六十八兩六錢四分現在分別各行扣解又吉林等處凱撤官兵攜帶幼孩送回原處應需車價等項銀一萬九千五百九十三兩三錢八釐應歸_臣罰賠不計外統計軍需項下實共用過銀九十六萬九千四百六十八兩一錢六分四釐內正銷銀六十一萬二千六百二十六兩八錢八分四釐附銷銀三十五萬六千八百四十一兩二錢八分應照原奏在於現任大小官員養廉內分作十五年均勻攤扣歸款請自嘉慶二十年正月初一日為始其醫事

那文毅公初任直隸總督奏議

卷三十七

五

奏奉

硃批戶部知道

嘉慶十九年九月初八日

奏為因荒賤賣地畝請照原價回贖以卹貧民請旨飭遵事竊據候補知縣陳池養稟稱該員奉委前赴東

明縣編查保甲監放展賑口糧親歷村落體察地方情形貧民因荒賤賣地畝本年雨水調勻無地可耕稟請調劑當經_臣飭據大名道唐之申大名府劉寶第查覆俱係實在情形並聲明大名順德廣平三府及趙州直隸州等三十餘州縣均屬節年荒歉大概相同_臣伏查鄉曲小民全藉耕作以資生計數歲旱乾收成歉薄凡有地數畝至數十畝之家無計營生不得不售賣地畝賣者多而買者少更不得不賤其價值以致膏腴之產每畝不過一千數百文稍涉瘠薄者不過三四百文較之

那文毅公初任直隸總督奏議

卷三十七

五

豐年所值減至十倍本處富戶及外來商賈利其價賤罄囊收買本年夏秋雨水調勻俱各廣種博收而失業之民轉無可耕之地自應准照原價贖取俾得仍耕本業免致遷徙流離惟不定章程誠恐無所限制致滋爭訟應請定自上年麥收以後本年麥收以前所賣地畝始准贖取而贖取之期定以三年如此則賣地貧民可期漸次復業不至有播遷之虞而商賈富戶賤價買地已獲本年豐收之利又得取贖原價亦皆平允仍嚴飭各州縣妥為曉諭毋許少涉爭競抑_臣更有請者查山

東河南兩省上年亦多被擾歉收州縣應

勅下各該省同時查辦以歸畫一謹

奏

嘉慶十九年九月十一日奉

上諭那彥成奏請將因荒賤賣地畝准照原價回贖以卹貧民一摺小民以耕作爲業藉資養贍直隸大名等府屬三十餘州縣前因連年荒歉民間地畝多用賤價出售較豐年所值減至十倍本處富戶及外來商賈多利其價賤廣爲收買本年雨水調勻而失業之民已無可耕之地流離遷徙情殊可憫亟宜官爲調劑以遂民生

那文毅公初任直隸總督奏議

卷三十七

三

著照該督那彥成所請明定章程自上年麥收後本年麥收以前所賣地畝准令照原價贖取定以三年爲期俾貧民漸次復業免致失所此外山東河南兩省上年被擾歉收各州縣並著各該撫飭屬查明一體辦理務令各地方官善爲經畫毋許少涉爭競以期閭閻恒產有資共安樂土摺併發

那文毅公初任直隸總督奏議卷三十七

那文毅公初任直隸總督奏議卷三十八目錄

卷三十八

飭緝逆黨附稽查保甲

那文毅公初任直隸總督奏議

目錄

一

那文毅公初任直隸總督奏議卷三十八

飭緝逆黨附稽查保甲

嘉慶十九年

男容安恭輯

容安謹按嘉慶十九年先公總制

畿封時當軍務甫竣教匪餘黨祝現諸逆尙在稽誅屢

承

嚴旨飭緝先公以教匪伏孽孔多持鎮定清源之議意

在擒除確實正犯其中京外各處妄擒無辜誣

扳善良者一一爲之開釋平反推究臚緝所獲

正犯加以嚴懲雖非種必鋤而秀良必辨上以

那文毅公初任直隸總督奏議

卷三十八

一

體

聖人好生大德下以培閭閻元氣故

畿輔重地終先公之任人心靜肅嘉慶二十三年

仁宗睿皇帝特諭疆吏弛緝諸逆具見仰契

天心維時

飭緝奏件盈箱累牘不克具載茲將諸議擇要編載如

左

嘉慶十九年二月初九日軍機大臣字寄奉

上諭那彥成奏請於叩謁

裕陵後東至山海關查閱營伍並查看地方情形再行回

京一摺山海關地當要隘那彥成藉查閱營伍查看該

一路土俗民情於事甚便其經過之灤州一帶向有賣

符傳教匪徒曾經懲辦有案現在該處仍有無傳習邪

教之事或祝現等要犯在彼潛匿亦未可定那彥成途

次並當留心飭查如能弋獲要犯更爲有益至山海關

員弁前此妄拏逼供波累多人現經逐案昭雪並將原

審各員分別懲治但山海關係屬衝途守卡各弁若因

妄拏者獲咎此時又一味疎縱亦非禁暴詰姦之道著

那彥成到彼傳諭文字令其督飭巡查留心盤詰况如

祝現等各犯狡諂性成若聞此時該關巡緝鬆懈或竟

那文毅公初任直隸總督奏議

卷三十八

二

希圖乘間竄逸出口尤當加意嚴查勿任漏網可也

嘉慶十九年二月十五日

奏爲查察京東一路年歲豐稔民情安恬並順路較閱

營伍恭摺覆奏事竊臣自初八日於密雲道中接

奉

恩旨業已恭摺具奏旋於初十日奉到

廷寄准令臣改赴山海關並

諭令經過之灤州一帶向有賣符傳教匪徒曾經懲辦有

案現在該處仍有無傳習邪教之事或祝現等要犯在

彼潛匿亦未可定那彥成途次並當留心訪查欽此遵

即緩程行走沿途留心於人烟湊密之三家店段家嶺邦均等處俱先期差人改裝查看均稱京東一路去年收成豐稔冬春雨雪沾足民情豐樂安靜之至灤州遷安前年曾經辦理習教之案彼時拏獲首犯董懷信梟示之後其餘各村原有二三家習教之人均皆畏懼改悔去冬各地方官又加訪查並即諄切開導遵奉

諭旨實力稽查保甲門牌所有喫齋習教之人均恐人不信其悔過多有請客對眾開齋具結改悔各地方官面稟如此 臣又復密委查核果屬相符至保甲

那文毅公初任直隸總督奏議

卷三十八

三

之設詰奸正俗原係法良意美但不難查之於始而難於守之以恒 臣已面諭道府大員將來辦竣之後總由各道府加結詳報每於年終務必親身周查具報不得以日久視為具文 臣仍不時委人抽查如有不實力奉行以致廢弛者即嚴行叅辦至文孚康紹鏞所審之案全屬虛誣民間業已知係捏造教供謠言頓息業經文孚等具奏在案 臣仍遵奉

諭旨傳知文孚山海關係屬衝途守卡各弁若因妄拏獲咎此時又一味疎縱亦非禁暴詰奸之道再 臣沿途見

有關內外客販詳細訪問所有關內外去年收成極稔民情均皆安謐並無謠言傳習邪教等事 臣於拜摺後即行起身回京恭復

恩命謹

奏奉

硃批知道了

嘉慶十九年閏二月二十日

奏為恭摺具奏事竊 臣接到 臣兄那彥寶專差來信恭

述面奉

上諭以逆犯祝現等尚在稽誅

那文毅公初任直隸總督奏議

卷三十八

四

飭令上緊查拏務獲欽此 臣祇聆之下實深焦切伏思祝現劉第五支進才劉呈祥董博旺劉成章等六犯罪惡貫盈為神人所共憤斷無倖逃法網之理 臣屢奉

諭旨飭拏節經通飭合省文武員弁留心設法購線躡緝並於屬員因公進謁時一一諄飭無論城鄉集鎮菴堂寺觀以及窮鄉僻壤煤窰灰厰凡可以洩跡之所到處搜尋務期必獲 臣又思該犯等自知身罹重辟本省無可逃奔或於近省潛藏以冀稍延殘喘現復密派精細員弁改裝易服前赴河南衛

硃

不可作此想總須嚴緝

輝山東曹州等處察訪踪跡倘得有端倪便可跟跡追捕此等梟獍之徒無論大小官吏莫不志切同仇卽凡在齊民亦人人思食其肉必當速就擒誅以彰

國憲况現奉

恩旨免各官失察處分但能拏獲卽從重

施恩所有各文武無不人人感奮各期罪人斯得可以渥受

聖恩卽此而知該犯等但使猶生似當必獲至編查保甲卽所以屏絕奸邪二者交相爲用實爲現在地方

那文毅公初任直隸總督奏議

卷三十八

五

要務 疊經嚴飭各屬認真查辦又恐州縣相率

因循虛應故事復經責成該管道道府督率辦理又

割令各營員教職等一體查報又遴委明幹之員

分投前往查催俟各屬辦有端緒再令臬司親往

周查務使奸匪無從藏匿地方咸就肅清以仰副

聖主諄諄訓誡之至意謹

奏奉

硃批西山一帶直接山西最易藏奸必須留意勉之

嘉慶十九年三月初九日

奏爲覆奏事竊 具奏東省首幫漕船入直一摺欽奉

硃批嚴拏逆犯刻不可緩口外八溝一帶尤易藏奸速派幹員改裝前往實力緝訪勉之朕日夜盼望汝切勿因循若能緝獲加爵錫恩慰汝老母益增福壽矣欽此臣跪踊之下悚惶感激莫能名狀當卽稟知 母叩

謝

聖慈伏念 臣世受

國恩躬叨

仁育上年剪茲小醜復蒙

皇上格外

加恩渥邀

那文毅公初任直隸總督奏議

卷三十八

六

異數 於二月二十四日抵署之日拜見 母之時卽告

以

太子少保子爵襲次冠戴雙眼花翎 母撫循顧視喜

極感泣當卽帶領合家向

闕叩頭恭謝

天恩惟有朝夕焚香誦佛頂祝天下臣民共沐

聖主萬福萬壽昇平無疆之慶 數月以來每以祝現等

六犯在逃時深焦切茲復欽奉

恩諭既

勛之以自効復

推之於所生犬馬有知益當思奮况臣具有知識備沐
生成敢不殫竭血誠力圖報稱前此已密派能事員弁分
路查拏又復嚴飭地方文武各官上緊躡緝一面
遵奉

諭旨選派幹員改裝前往八溝一帶慎密查拏但有法之
可施期於力所必盡使該犯等未就溝洫務期罪
人斯得仰副

聖懷斷不敢稍事因循致負
聖主諄諄訓誡之至意謹
奏奉

那文毅公初任直隸總督奏議

卷三十八

七

硃批實心勉力務期就獲

嘉慶十九年三月十二日

奏為遵

旨嚴審定擬具奏事竊查前任正定鎮總兵徐錕具奏拏
獲滑縣逆犯王進道一案欽奉

上諭著臣親提嚴審將前後從逆各情令其據實供吐其
過河一節一併切實嚴訊如供情確鑿一面錄供具奏
一面即將該犯在保定省城凌遲處死所有獲犯之把
總曹成武生李殿臣蘇冠軍王遇午武童蔡芳奎即於
摺內聲明奏請量予恩施欽此遵即催提到省督同臬

那文毅公初任直隸總督奏議

卷三十八

八

司錢臻署保定府知府李鑾宣宣化府知府盛泰
候補知縣陳晉提犯研審緣王進道本名王法文
籍隸河南滑縣住居緣石坡村先於乾隆五十七
年間入同縣匪犯張囑資八卦教嘉慶十一年又
拜宋克俊為師入九宮教每日燒香磕頭念真空
家鄉無生父母八字王進道曾收同縣侯莊西桃
園等村人劉文顯郭士法吳春趙幅等為徒十八
年八月間宋克俊向王進道告知李文成等見過
林清定於九月十五日進京造反令王進道為頭
目領人一千每人剃去腦後髮辮一結以為暗記
先平蘭陽長垣二縣九月初三日經該縣強克捷
訪聞將李文成等拏獲監禁宋克俊等即邀王進
道及同教之人於初六日進城初七日戕官劫獄
將李文成等放出宋克俊即在西桃園立寨時徐
安囑糾同東省匪犯亦至該處王進道糾人搶掠
八里營草坡劉家莊柴村等四處宋克俊先後偽
封王進道為衛輝府總兵及震宮伯等名號始改
名王進道用白布做旗寫奉天開道震宮伯王進
道字樣十一月初四日王進道與宋克俊之姪宋
勇林搶劫白家道口文檀當舖一次王進道旋因

患病回家其帶領匪徒歸併宋克俊股內至十二
月間王進道聞知滑城已破宋克俊等均已殲斃
心生畏懼即潛匿在家十九年正月經正定鎮總
兵徐銳派令隨營効力武童蔡芳奎等訪知稟經
徐銳飭委龍固營把總曹成帶領兵丁協同蔡芳
奎等將王進道拏獲訊供奏奉

諭旨交臣親提嚴審逐加研鞫據供前情不諱臣查豫省
獲犯李志茂供稱王進道遣人渡河勾結今該犯
並不承認誠恐庇護夥黨匿不供吐其祝現等六
犯現在何處竄匿該犯既係同教頭目應知下落

那文毅公初任直隸總督奏議 卷三十八 九

再三研究該犯堅稱實無遣人渡河勾結亦不識
李志茂其人或李志茂與該犯同教聞名因而
行供吐亦未可定至祝現等逃往何處實不知道
研詰至再矢口不移查李志茂已經正法無憑質
訊該犯習教謀逆重情既據逐一供認自應欽遵
諭旨即行正法查王進道始則聽從逆匪宋克俊等入教
傳徒繼復同謀助逆戕官劫獄得受偽封實屬罪
大惡極王進道合依謀反大逆但共謀者凌遲處
死律應凌遲處死審明後即恭請

王命飭委臬司錢臻中軍副將舒凌阿將王進道凌遲處

死訖仍傳首犯事地方示眾以伸

刑部知道 國法而快人心該犯家屬咨會河南巡撫查明照例緣
坐財產入官張帽賓一犯據王進道供稱投入滑
縣城內並未走出自已已被殺劉文顯等均因打仗
被官兵殺死是否屬實飛咨河南撫臣方受疇再
行確查以杜漏網原拏王進道之正定鎮龍固營
把總曹成賞給千總頂戴武生李殿臣蘇冠軍王
遇午外委頂戴武童蔡芳奎遵

旨聲明聽候

恩施以示鼓勵曹成等分別飭令回營回籍全案供招咨

那文毅公初任直隸總督奏議 卷三十八 十

部謹

奏

嘉慶十九年三月十四日

上諭據徐銳奏拏獲滑縣逆犯王進道一名降旨交那彥
成審辦茲據該督審明王進道實係同謀助逆要犯業
經按律辦理所有督率緝拏之徐銳著施恩賞加一級
其獲犯之把總曹成著加恩以千總卽用先換頂戴武
生李殿臣蘇冠軍王遇午均著加恩賞給武舉准其一
體會試武童蔡芳奎著加恩賞給武生准其一體鄉試
以示鼓勵

嘉慶十九年三月十九日

奏為恭摺奏

聞事竊 臣 據獻縣知縣張翔稟稱本月初六日有都察院

委員汪象仁步軍統領衙門委員王大用至署口

稱奉委訪拏逆犯行至獻縣訪有于幅祥弟兄五

人寄居獻縣孫雨莊等語該縣隨親詣該莊逐細

挨查僅有于兆麟于乘麟于顯麟于夢麟于玉麟

弟兄五人訛據供稱均係良民並不知有于幅祥

其人該縣在于兆麟等家內搜查並無違禁器械

因恐伊等狡飾復帶回署中與委員汪象仁等會

那文毅公初任直隸總督奏議 卷三十八 上

訊于兆麟等極口呼冤並有莊民李大法等八十

餘人赴縣公保該縣向委員汪象仁等詢問有伺

憑據訪拏汪象仁等惟稱得自傳聞並未奉有刑

部飭緝抄單不能指實俟赴部詳查的確再來回

覆酌辦該縣現將于兆麟等管押等情 臣 查于兆

麟等既據該縣訛係良民且經李大法等八十餘

人聯名公保其為並非逆犯可知汪象仁等既未

奉有飭緝文書而于兆麟等之名又與于幅祥不

同因何憑空指拏理合奏請

皇上勅部查明于兆麟等是否飭拏之犯有無應訊之處

即行飛咨 臣 以便查照辦理再查御史童槐奏請

將逆匪案內應拏要犯開寫清單交步軍統領等

衙門指名查拏毋使以偽亂真等語仰蒙

俞允通行飭遵在案今妄拏之事仍復不免合無仰懇

聖明再行

諭飭各衙門諄飭承緝員弁訪緝真正要犯毋再妄拏俾

無辜小民免遭拖累以仰副

聖主除逆安良之意仍飭獻縣將于兆麟等暫取的保謹

奏

嘉慶十九年三月二十一日奉

那文毅公初任直隸總督奏議 卷三十八 上

上諭那彥成奏據獻縣知縣張翔稟稱有都察院委員汪

象仁步軍統領衙門委員王大用至署口稱訪有逆犯

于幅祥弟兄五人寄居獻縣孫雨莊等情經該縣緝獲

于兆麟弟兄五人與委員等會訊于兆麟等極口呼冤

並有莊民李大法等八十餘人赴縣公保該縣訊問汪

象仁等有何憑據惟稱得自傳聞並未奉有刑部飭緝

抄單等語現在要犯祝現等六名並其餘次要逆犯數

十名日久未獲必應嚴密查拏勿使一名漏網承緝之

員訪悉該犯等潛蹤何處即應跟同眼線前往掩捕或

人少慮有疎失密行知會地方官派人協拏均無不可

若因奉委出境不能速獲正犯沿途托名風聞將尋常燒香社會查拏一二起以圖暫時搨塞且意存邀功妄拏無辜以偽亂真尤乖禁暴詰奸之意著傳諭步軍統領順天府五城各飭知所派員弁兵役訪拏要犯務憑刑部單內年貌住址確實躡緝勿得濫及平民徒滋擾累其委員汪象仁王大用著都察院步軍統領衙門傳到訊問所緝于幅祥等有何指証據實覆奏其于兆麟等五人姓名並著刑部查明是否應緝之犯迅速咨行該督以憑核辦

謹按嘉慶十九年四月十八日

那文毅公初任直隸總督奏議

卷三十八

三

奏報據大名府知府劉寶第稟據東明令淡廷芬盤獲匪犯畢谷朶一名供認曾經聽從震卦頭目畢臭於十八年九月內疊次搶劫又在滑縣焚掠曾用鎗戮倒一人後潛逃今被拏獲提省訊辦奉

硃批刑部知道

謹按嘉慶二十年四月十七日

奏報前獲聽從震卦教頭目畢臭率領八十餘人搶劫職員張桂林家後投入曹縣震卦教首朱誠貴教內疊劫何鳳至等家供出畢可等茲據該大

名府知府劉寶第關會荷澤縣將畢臭畢可等十三犯拏獲訊悉前情並究出隨同持械搶掠之畢士官等十三犯均曾豎旗在黃河灘遇見官兵抗拒殺傷多人旋即投入滑縣與逆首徐安囑合夥在道口等處搶掠打仗後畏懼逃散回家因挾張桂林控告之嫌兩次越境尋鬧經長垣縣將畢二禿拏獲旋被畢大喜等持械奪回關會獲案提省嚴審究辦奉

硃批嚴究祝逆下落劉成章尤為切近嚴究毋忽

嘉慶二十年四月十七日

那文毅公初任直隸總督奏議

卷三十八

四

奏大名府屬長垣等縣與山東曹州府屬壤地相接今畢臭等均係曹州府荷澤縣人該犯等曾經被脅從賊搶掠村莊復敢於軍務告竣之後屢次越境滋擾洵為惡不畏法看來山東接壤境內此等不法匪徒尙多未獲要犯祝現等或竟在彼依附潛藏殊未可定臣現在諄飭大名道府並正定鎮總兵督率地方文武各官復添派員弁在於各交界處所素有習教村莊嚴密訪緝如得有祝現等踪跡立即會同該管地方官密速擒捕不許稍有聲張漏洩謹

奏奉

硃批勉力辦理

謹按嘉慶二十年五月十七日

奏報前據畢吳等供出之畢玉柱畢二柱戶畢拴柱屢

經咨催山東巡撫轉飭嚴拏茲據荷澤縣續獲

申解大名府委員解省飭司歸案審辦並加意

認真嚴拏祝現等要犯奉

硃批實心查緝獲時速奏勉之

嘉慶二十年八月初六日

奏為審明被脅從逆隨眾搶掠各犯分別定擬恭摺具

那文毅公初任直隸總督奏議

卷三十八

五

奏事竊據長垣縣職員張桂林等呈控山東荷澤

縣匪徒畢吳等搶掠糧食衣物一案節經 咨會

山東撫 臣 並飭屬關緝陸續獲畢吳等各犯將

提省審辦緣由奏

聞在案茲據臬司盛泰督同保定府知府阿霖審擬招解

前來 臣 親提研鞫緣畢吳與已獲之畢大復禮畢

大喜畢大驢畢明畢玉柱畢連畢藏畢士官畢可

畢二柱戶畢二禿畢開驗畢貴畢學文畢二瞎畢

拴住均係山東荷澤縣畢家寨人向俱莊農度日

嘉慶十八年九月十三日有山東曹縣已正法之

震卦教首朱誠貴與伊弟朱三朱四率眾到村燒

燬寨門豎起白旗上寫奉天開道字樣逼令順從

畢吳等之族長畢耀如見朱誠貴人多勢眾懼難

抵敵恐遭殺害主使畢吳等跪迎朱誠貴進村朱

誠貴在村挑選八十人派畢吳為大頭目並派已

獲之畢大復禮畢明畢玉柱畢士官同未獲之畢

大鹿畢復義畢春景畢陶氣八人為小頭目每名

分管十人俱交畢吳帶領朱誠貴取出白布令畢

吳等撕做腰帶分路出外搶糧供給食用迨後不

記日期畢吳與已獲之畢大復禮畢大喜畢大驢

那文毅公初任直隸總督奏議

卷三十八

六

畢明畢玉柱畢連畢藏畢士官畢可畢二柱戶畢

二禿畢開驗畢貴畢學文畢三瞎畢拴住及未獲

之畢大鹿畢復義畢春景畢陶氣畢闖畢二長畢

李四畢士官畢三蟒畢留城等有持械徒手不等

分路跟隨朱誠貴等搶掠魏家灣黃家集當舖及

隣近長垣東明縣屬張家樓等村事主張桂林等

家糧食衣物畢吳曾在黃家集當舖用鎗扎傷一

人行抵黃河灘遇見官兵鄉勇各犯不敢前進竄

回王利集打搶糧店畢明畢玉柱畢連畢藏畢士

官畢可畢二柱戶畢二禿畢開驗畢貴畢學文畢

三瞎畢拴住均各先行逃回朱誠貴率眾赴黃河
 灘抗拒兵勇畢臭等均未敢幫同打仗朱誠貴復
 赴春亭集與徐安炯會齊同至滑縣畢臭等並未
 進城適朱誠貴之弟朱三聞知山東官兵勦捕其
 家遂帶同畢臭等同至胡家集探望家口已被官
 兵洗淨又逃至安陵集被官兵追趕畢臭等各自
 逃散至十九年二月內經事主張桂林等控縣查
 拏是年七月十三日畢大復禮畢大喜畢大驢復
 聽從在逃之畢二長夥同畢闖等偕赴東明縣夾
 隄王村王維範家地內搶奪高粱並將佃戶朱保
 住網縛王維範又赴荷澤縣呈控畢二長等挾嫌
 兩次越境尋鬧二十年二月初八日長垣縣差役
 拏獲畢大喜之弟畢二禿帶至王茂集王盤家內
 住歇畢大喜邀同在逃之畢闖等騎馬持械趕往
 奪回並未傷差經東明縣稟獲畢谷朶一犯訊認
 搶掠屬實即在監病故當經臣嚴飭長垣東明二
 縣關准山東荷澤縣陸續緝獲畢大復禮畢臭畢
 大喜畢大驢畢明畢玉柱畢連畢藏畢士官畢可
 畢二柱戶畢二禿畢開驗畢貴畢學文畢三瞎畢
 拴住等十七犯先後稟經臣奏明提省審辦內畢

大復禮一犯解至中途病故又畢三瞎畢拴住畢
 學文三犯先後在清苑縣監病斃提齊現犯研鞫
 據各供認前情不諱嚴加究詰據畢臭等堅供實
 係一時猝被教匪朱誠貴逼脅從逆隨眾搶掠均
 未幫同拒敵官兵放火殺人平日亦均未習教與
 逆匪劉成章祝現等並不認識實不知各逃逆下
 落矢口不移案無遁飾查畢臭畢大復禮訊係被
 脅從逆派為大小頭目率領畢大喜畢大驢隨從
 已正法之逆匪朱誠貴疊搶多次會同至滑縣經
 官兵追勦始行逃散畢大復禮畢大喜畢大驢於
 軍務告竣之後復聽從在逃之畢二長糾搶一次
 畢大喜聞伊弟畢二禿被獲又故糾眾奪犯均屬
 愍不畏法惟該犯等均非素係習教預知逆情亦
 無幫同打仗情事尙與逆黨有間自應酌量懲辦
 畢臭畢大復禮畢大喜畢大驢四犯均請擬斬立
 決梟首解赴各犯事地方示眾恭候
 欽定畢大復禮已解省在途病故應毋庸議畢明畢玉柱
 畢連畢藏畢士官畢可畢二柱戶畢二禿畢開驗
 畢貴畢學文畢三瞎畢拴住亦訊係被脅從逆隨
 眾分路搶掠第未同至滑縣即行逃回事後亦無

另有為匪不法別情均應量從末減以示區別畢
明畢玉柱畢連畢藏畢士官畢可畢二柱戶畢二
禿畢開驗畢貴畢學支畢三暗畢於柱十三犯均
請發遣新疆給額魯特為奴畢三暗畢於柱畢學
文均已監病故亦毋庸議進犯畢大慶等嚴飭
緝獲另結供招咨部謹

奏奉

硃批行在刑部速議具奏

謹按嘉慶二十一年五月十四日

奏報據投効緝捕已草知縣儲斗南等在豫東直三省

那文毅公初任直隸總督奏議

卷三十八

九

長垣開州交界一帶購線躡獲畢祿等八犯共
三起一起畢祿畢闖畢學燕三名一起麻星辰
王二狗袁勤余惜金四名一起王相弼一名解
省檄司發府研訊據畢祿供十八年九月在山
東荷澤原籍被教首朱誠貴逼脅從逆各處搶
掠並隨畢幅禮畢二禿等代楊大學仇殺宋學
詩一家三命該犯祇認砍傷一人因畢二禿畢
藏二犯業已發遣恃無質証狡供請
旨將畢二禿等二犯截回質對復據畢闖供亦係被朱誠
貴逼脅從逆曾隨畢大喜等在長垣奪犯據麻

星辰供認隨逆首徐安幘入教從逆抗拒官兵
受傷有據據王相弼供認從聞啟隴習教助逆
屬實惟畢學燕袁勤王二狗余惜金等堅供均
係被裏脅從旋即逃回並無搶掠打仗情事各
等語現均飭各該地方官查明咨覆另行按擬
詳辦先將大概情形具奏奉

旨此案先經發遣新疆之畢二禿即畢二小畢藏二犯著
該督即行文陝甘總督截擊押解保定歸案審訊定擬
具奏

謹按嘉慶二十一年六月二十九日

那文毅公初任直隸總督奏議

卷三十八

二十

奏未獲之畢幅禮等犯仇殺宋學詩一家三命砍傷二
人之畢幅禮等犯前經奏明仍飭原擊之已革
知縣儲斗南等速赴豫省一帶密擊並飭諭如
有弋獲要犯不可爭功將獲犯一面稟明一面
交地方官稟知本省辦理茲據該革員訪得畢
幅禮竄至河南考城縣楊橋地方該革員商同
考城縣知縣殷長福等將畢幅禮擒獲訊據供
稱嘉慶十八年九月內白蓮教首朱誠貴至畢
家寨將畢姓人等裏脅從逆伊兄畢幅義充當
頭目同畢祿等搶掠宋姓周彩文等家糧食又

代伊妻弟楊大學楊二學仇殺宋學詩一家三命砍傷二人聞擊各處躲避今被拏獲等語並解赴河南省錄供該革縣以畢幅禮妻弟楊大學楊二學亦係要犯即將該二犯緝獲交長垣縣管押聽候提訊稟報前來卽飭解省歸案辦理並移咨河南撫臣將畢幅禮解直歸案訊辦奉

硃批知道了
容安謹按此案經行文陝督截回已經發遣之畢二禿畢藏二犯來直質審未到旋卽交卸歸

那文毅公初任直隸總督奏議

卷三十八

三

後任辦理

嘉慶十九年四月二十四日

奏爲遵

旨查明覆奏事竊臣欽奉

上諭松靈奏查辦吉林官兵所帶幼孩訊據河南滑縣人劉三牛卽劉高旺供伊係教匪小頭目劉登秀之姪孫劉登秀曾拜大頭目劉高明爲師又收伊兄劉惠牛卽劉高玉爲徒上年九月滑縣滋事時劉登秀及惠牛俱隨劉高明在道口與官兵打仗劉高明騎馬執大白尖旗帶領一千人劉登秀執大白方旗帶領百人劉惠牛

執小白尖旗帶領十人各持鎗步行伊母舅薛昌牛亦在教內充當戰手伊與伊兄八牛卽劉高興均未入教謀逆等語劉高明等執旗領衆與官兵打仗均係滑縣滋事案內要犯著那彥成等檢查上年殲除各逆犯名單內有無劉高明劉登秀劉惠牛卽劉高玉及薛昌牛等四犯姓名如尙未殲除自必隱匿潛逃卽開姓名年貌飭屬嚴密查拏毋任漏網其八牛卽劉高興一名是否尙在原籍抑或直隸河南二省出征官兵攜回幼孩之內並著該督等詳細飭查查出後訊明照例紿坐所有劉高明等年貌清單著發給閱看卽速查辦不准

那文毅公初任直隸總督奏議

卷三十八

三

疲玩查明速奏欽此伏查上年賊匪先在道口屯聚經官兵殺斃賊匪五六千人燒斃四五千人生擒三百八十餘名又鎗斃手執大白旗騎馬賊首十餘名又於投出難民內委員訊出賊匪冒充良民者三十餘人與生擒逆匪一併正法檢查名單有薛二牛之名雖與薛昌牛未能盡符但呂二字音相近誠恐卽係該犯至道口餘匪經官兵殺敗退據滑城之後臣督兵四面嚴密圍攻於十二月初十日收復是日賊匪被地雷轟斃無數殺斃九千餘名生擒二千餘名又於十一十二兩日殺斃賊匪

一萬七八千名燒斃七八千名生擒二千餘名十五日以後在於各地窖內刨出賊屍不計其數直至本年正月初間尚有具報刨出屍首俱係燒焦腐爛不能辨認是城內賊匪實已悉數殲除並無一名漏網檢查活賊名單有劉得修之名與劉登秀字音相似是否當時倉猝之際供未明晰抑另有其人此時無從辦證或該犯等在道口之時經官兵痛斃未入滑城逃散一二亦未可定現仍抄錄各犯年貌籍貫單飛咨河南撫臣並通飭各屬再加留心訪查以昭慎密至八牛即劉高興一

那文毅公初任直隸總督奏議

卷三十八

三

名是否在直隸河南二省出征官兵攜回幼孩之內臣現亦分飭各鎮協暨各會河南撫臣詳查辦理謹

奏奉

硃批知道了

嘉慶十九年五月二十九日

奏為欽奉

諭旨恭摺覆奏事竊臣承准軍機大臣字寄奉

上諭前據貢楚克札布在宣化府拏獲許向榮即安黑兒

一犯解交刑部審訊據該犯供係張姓經山東曹州府

人安姓收留取名黑兒安姓與李文成及彰德府楚旺鎮人劉大內黃縣孟家莊人劉二內黃縣十里堡人劉四均時常往來上年九月初劉大等到安姓家商量滋事安姓即帶伊子安懷安春併該犯同劉大等往投李文成得受偽職曾在道口桃源司寨等處抗拒官兵經官兵勦敗同安姓劉大劉二劉四扮作買賣人逃往黃河邊一帶本年三月商量要往口外躲避安姓令該犯改名許向榮劉四改名張奎併令該犯及劉四先後行走由宣化府出張家口往喇嘛廟地方藏匿該犯行至宣化府被拏餘犯均尚未獲等情該犯等因查拏嚴緊

那文毅公初任直隸總督奏議

卷三十八

三

起意出口避匿許向榮在宣化被拏後或安姓等聞信不敢出張家口繞道逃至喇嘛廟亦未可定喇嘛廟一帶地方寬廣人烟稠密易致藏奸各該犯或沿途改易姓名此時洞跡該處裝作商賈及藝術人等掩人耳目若那彥成逃派幹員星速前赴喇嘛廟地方密訪嚴拏務獲解京審辦再祝現等六犯現未弋獲一名或因內地查拏嚴緊逃出口外著飭知派往之員一體嚴密躡捕如該處有傳習邪教之人訪明從此根究更易得其蹤跡一經報有獲犯迅速由驛奏聞痛改因循疲玩常思勤敏忠貞六犯必獲矣欽此竊思從逆各犯實為

覆載所不容該犯等明知查拏緊急法所難逃自必改易姓名潛踪偏遠之處以冀苟延殘喘所有八溝喇嘛廟等處前奉

諭旨當經遴派候補文員並都守千把等多員改裝易服前往查拏迄今視現等六犯尙無一名弋獲臣晝夜惶急寢食不安茲該犯張姓既在宣化被拏供出安姓劉姓等商同出口躲避誠如

聖諭或裝作商賈及藝術人等掩人耳目自應加緊查拏臣現復添派叅遊都守十餘員馳往喇嘛廟一帶及關津隘口沿途分投訪緝最要六犯務期速

那文毅公初任直隸總督奏議

卷三十八

三

獲解究並再嚴飭各地方官激發天良認真設法躡捕不使逆犯日久稽誅以結重案而紓

宸厪俟一有報獲立即由驛馳奏謹

奏奉

硃批看汝母子造化耳手疲力怠不必多論

嘉慶十九年六月二十六日軍機大臣字寄奉

上諭那彥成奏遵旨飭委員弁嚴拏逆犯一摺本日據劉鏞之等奏據已革知州吳士鴻等在新城縣姚起營地方拏獲李天相一犯訊據供認伊家三世習教該犯曾經首逆林清偽封自在王其胞兄李天壽亦有偽封王

號與知逆謀並在京南瓜里村拏獲支進財之胞弟李騾子即支騾子一犯現已交部審訊李天相等均係從逆要犯或籍隸新城或在京南附近村莊潛匿皆那彥成所屬地方茲經順天府委員拏獲那彥成亦知愧知懼否即順天府委員不過數人屢有緝獲要犯那彥成統轄全省其所委員弁較順天府不啻數倍乃數月以來並未拏獲要犯一名其所稱遴派文武員弁分投密訪嚴拏之語盡屬空言看來那彥成於緝捕一事仍不免因循疲玩著傳旨嚴行申飭該督接奉此旨務即嚴飭所屬將視現等要犯並次要各犯上緊偵緝務獲毋

那文毅公初任直隸總督奏議

卷三十八

三

稍疎懈仍遵前旨將緝捕情形十日具奏一次

嘉慶十九年七月初二日

奏據新城縣知縣陳景登於六月二十二日稟報六月

二十日順天府尹委員將該縣姚起營人李天相

拏去聞係林清案內逆犯尙有李天相之父李文

元即李老兄李天壽在逃未獲現在查拏等情當

經臣批飭該縣迅速嚴拏解京審辦不得稍有縱

漏茲據該縣稟稱遵即督率典史會同營員帶領

兵役躡至固安縣四里舖地方將李文元李老

獲又躡至房山縣田開村將李天壽拏獲解赴順

天府衙門收審該縣在李文元家逐細搜查並無不法字跡等情具稟前來謹

奏奉

硃批覽

嘉慶十九年七月三十日

奏為審明定擬恭摺具奏事竊據安平縣擊獲臨城縣教犯楊俊稟解來省經督同司府究出王大志等輾轉傳教並鉅鹿縣民吳洛雲因伊父吳洛興即吳二瓦罐於大乘教案內犯事發遣病故囑托路運寫信傳知會眾等情先後行提王大志等到

那文毅公初任直隸總督奏議 卷三十八 七

省訊取大概供請繕摺具奏欽奉

硃批嚴審定擬具奏欽此並於吳洛雲係教匪種類句旁欽奉

硃批此犯即應絞決斷勿姑息欽此當經轉飭審擬去後

茲據臬司錢臻督同保定府知府盛泰隆平縣知縣陳晉候補知縣何繼志審擬解勘前來臣提犯研鞫緣吳洛雲籍隸鉅鹿縣其父吳洛興即吳二瓦罐係清河縣人劉功徒弟弟向習離卦教並常以按摩治病惑人吳洛興傳徒隆平縣人高得信高得信傳徒路運路運傳徒臨城縣人王大志王大

志傳徒同縣人趙幅泳崔懷敬趙幅泳傳徒同縣人楊俊惟崔懷敬楊俊並未傳徒吳洛興之妻張氏亦在教中吳洛雲未經入教亦不知其父傳徒若干教中之人因吳洛興流傳之徒甚多輩分最大故皆呼為老當家並稱吳洛雲為少當家嘉慶十六年間吳洛興因另案徒弟孫維儉等倡立大乘教事發問擬軍罪發配廣西是年七月內起解九月內吳洛雲邀同本縣人胡洛清隆平縣人程洛顯往送伊父盤費趕至廣西全州始遇伊父同行至永福縣地方吳洛興病故吳洛雲盤費無多

那文毅公初任直隸總督奏議 卷三十八 三

不能搬柩回籍起程歸里吳洛雲因難以慰母遂將同行之胡洛清等先行遣歸獨自備空棺一口寫立伊父牌位封釘棺內用車拉回於是月二十九日抵家捏稱伊父屍棺停放家內現在尙未埋葬吳洛雲先因伊父為教案問罪不敢與同教人來往在家開設飯舖生理十七年十二月初一日路運赴鉅鹿縣趕會至吳洛雲舖內喫飯吳洛雲憶及伊父發配病故之事教中無人知悉起意傳知眾人希圖助資出殯並可往搬屍棺又恐招搖滋事欲往與伊父之師劉功相商遂將此意口授

引同類之明証必應正法

路運寫書傳知會眾王大志見信即抄錄所寫經本內追吳洛雲往找劉功未遇尙未復行通知會眾至十九年二月內楊俊因家貧難度出外賣卜謀食行至安縣白沙莊地方適值該縣汪問舟在村編查保甲被獲稟解來省究出王大志趙幅泳輾轉傳徒崔懷敬亦拜王大志為師飭令臨城縣查拏王大志等到案並在王大志家內起獲抄寫經卷一本內寫傳知吳洛興在配病改信一紙並將路運吳洛雲一併拏解來省訊供具奏茲據臬司率同保定府等審擬解勘前來 親提嚴鞫

那文毅公初任直隸總督奏議 卷三十八 三

各供前情不諱究詰平日委無勾結逆匪謀為不法該犯等與在逃逆犯祝現等俱不認識實無知情容隱亦無另有不法情事案無遁飾查律載左道集眾煽惑人民為首者絞監候又例載左道惑人為從者改發新疆給額魯特為奴各等語此案吳洛雲之父吳洛興習教傳徒甚眾其徒楊遇山等釀成謀逆重案同教人等均皆呼為老當家吳洛雲亦有少當家之稱乃於其父吳洛興擬軍發配病故之後罔知畏悔因無資撥柩回籍膽敢在途買備空棺運回停放家內起意囑令伊父第二

輩徒弟路運寫信傳知同教眾人希圖資助實屬愍不畏法該犯既係教匪種類斷難容其復滋萌孽為害地方核其此次復欲集眾煽惑即與為首無異吳洛雲應依左道集眾惑人為首絞監候律擬絞監候欽奉

諭旨即行正法吳洛興之妻張氏現既訊明亦係教中人不便容留內地致滋煽惑應請發往伊犁等處給駐防兵丁為奴以正人心而昭炯戒飭縣先行收禁俟奉到部覆發配路運既從吳洛興之徒高得信習教自收王大志為徒追吳洛興故後復聽從

那文毅公初任直隸總督奏議 卷三十八 三

吳洛雲寫信傳知會眾王大志聽從路雲入教傳徒趙幅泳崔懷敬其趙幅泳又傳徒楊俊均屬不法路運王大志趙幅泳三犯均依左道惑人為從例發新疆給額魯特為奴照例刺字路運到配加枷號三個月趙幅泳母老丁單不准留養崔懷敬楊俊僅止聽從習教並未傳徒應於路運等遣罪上減一等杖一百徒三年該二犯與罪應擬遣之王大志均於訊供後病故應毋庸議隨同吳洛雲往送盤費之胡洛清程洛顯現據吳洛雲供稱並非教中人第隨同犯屬遠送匪犯盤費亦非安分

之徒應各照不應重律杖八十飭縣傳案照擬折
責發落劉功高得信均已病故應毋庸議全案供
招咨部謹

奏奉

硃批刑部速議具奏

嘉慶十九年八月初三日

奏為遵

旨具奏事竊照前因要犯祝現等六名次要各犯五十七

名未獲欽奉

上諭自奉旨之日按十日具奏一次緝捕情形如一次不

那文毅公初任直隸總督奏議

卷三十八

三

奏即行議處欽此當經 臣 導遵

聖訓諄飭各地方官及派出文武員弁實力訪緝並節次

具奏在案茲聞即抄欽奉

上諭各處派出緝捕之人意存邀功冒賞偶遇踪跡疑似
者即行妄拏呈報迨到案嚴鞫多有刑逼教供雖亟予
昭雪而牽連波累業已身家蕩然巨惡未除而良民
已先受其害務各嚴飭所派員役當密購眼線查明踪
跡確係正身迅速掩捕一經審實必立沛恩施若捕風
捉影騷擾鄉曲必將妄拏之人照例治罪欽此又奉

上諭除各省接壤州縣犬牙交錯界在一二百里以內者

承緝之員不得互相推諉仍准其出境緝拏外其餘俱
各專責成統率之員嚴督分轄之吏分轄之吏嚴責切
近之司人人盡力期於本管境內深信不疑則遺孽盡
除可計日而待也欽此仰見

皇上於捕誅凶逆之中寓保衛善良之意且蒙

示以賞罰專其責成

天語煌煌何異面承

提命 臣 伏讀之下實深欽佩前此 臣 訪得祝現現在山東

境內因密委守備劉國興前往探訪又續派人接

續探信今於初一日據續派之外委張清平回省

那文毅公初任直隸總督奏議

卷三十八

三

稟稱訪至山東恩縣交界之祝家莊有一人姓祝

口音全是京話在該莊之祝黑子家藏匿現聞查

拏緊急於月初間又欲他竄並據眼目稱認係祝

現等語 臣 一面添派遊擊圖勒畢善帶人前往捉

拏一面知會章煦就近派人協緝是否祝現總期

拏獲到案審明辦理查各犯遁逃日久正犯尙無

一名弋獲捫心自問悚懼難安現在遵

諭仍嚴查密緝務期按名弋獲茲自前次具奏之後又屆

旬日理合繕摺具奏謹

奏奉

硃批如得拏獲實信由四百里具奏

嘉慶十九年八月十四日

奏為恭摺參奏事竊據圖勒畢善差人稟稱本月初三

日該遊擊躡至山東恩縣腰站地方與先經派往

躡之守備劉國興途遇詢問情形據劉國興告

知外委張清平所稟之祝家莊係祖家莊在平原

縣境內窩主名祖黑子並非祝黑子其家藏匿一

人經眼目劉信將祖黑子家工人李二勾出盤問

李二口稱那人黃臉黃鬚高大身量口音全是京

話李二前往送飯皆係祖黑子自行接進李二曾

那文毅公初任直隸總督奏議

卷三十八

三

在外竊聽那人因查拏嚴緊向祖黑子發愁祖黑

子答稱不必害怕我有姑母住在方家寺離祖家

莊三十里到初九日我送你到方家寺藏躲等語

並據眼目劉信口稱李二所說那人面貌不是祝

現即是祝瑞該遊擊密至該莊將李二喚出查詢

無異因聞祖黑子家人眾不敢動手欲俟初九日

那人出來掩捕詎等至十一日不見動靜該遊擊

遂赴祖黑子家查拏那人已先期他竄將祖黑子

拏住送交平原縣訊問祖黑子供稱那人是風鑑

友人並非要犯祝現該遊擊亦即回省等語

擊圖勒畢善經臣派委訪緝要犯既經得有踪跡

線索自應會同地方官密速掩捕雖實係祝現與

否未可為准然總應見真方為可信該遊擊輒因

祖黑子家人眾遷延多日致被兔脫及拏獲祖黑

子之後又不再搜其家亦不前往方家寺跟踪躡

緝下落已屬畏葸玩縱迨將祖黑子查拏時其家

並無多人所訪亦未確實至送縣審訊供稱在伊

家居住之人係風鑑友人亦不等候祖黑子交出

令眼目指認以定虛實又不會同平原縣審明遊

行回省銷差尤屬糊塗昏愎當此緝捕緊要之際

那文毅公初任直隸總督奏議

卷三十八

四

未便稍事姑容理合據實參奏請

旨將督標後營遊擊圖勒畢善革職留於直隸協緝俟拏

獲祝現到案再行奏請開復以為玩縱要犯者戒

除飛咨山東撫臣向祖黑子嚴究窩藏之人究係

何人現在送往何處藏匿務得實在踪跡臣仍又

另委員弁前往跟蹤務期緝獲究辦謹

奏

嘉慶十九年八月十六日奉

上諭那彥成奏請將查拏逆犯畏葸遷延之遊擊請旨革

職一摺那彥成自抵直隸總督任後於緝拏要犯未經

緝獲一名此次訪有祝現踪跡派員遊擊圖勦畢善帶
同眼線前往查拏該遊擊延觀望以致逆犯聞風他
竄那彥成派委不慎咎無可辭乃僅叅奏圖勦畢善並
不自請議處甚屬非是圖勦畢善著革職來京俟逸犯
獲後如查明實係祝現再治其罪若僅係次要之犯則
革職已足蔽辜免其治罪那彥成革去雙眼花翎仍戴
單眼花翎並交部議處將來祝現等六犯悉數拏獲內
由直隸員弁拏獲一二名尙可加恩賞還那彥成雙眼
花翎若無直隸員弁拏獲者不能邀恩賞還也

嘉慶十九年八月初七日

那文毅公初任直隸總督奏議

卷三十八

三

奏為拏獲要犯姜道學訊出供情先行奏

聞事竊查前據馮克善供出李文成小頭目內有姜道學

一犯住居南樂縣泗莊欽奉

諭旨令前署督臣章煦委員查緝等因當經章煦委員前

往南樂縣查明姜道學先期外出據伊父姜培基

供稱姜道學與在奉天承德縣西關開花爆舖之

開州人盛全德素識於十八年正月二十九日前

往投奔等語隨經行文咨查嗣准奉天府尹咨覆

據盛全德供稱姜道學已於十八年秋間回籍等

情業經臣恭摺奏

聞一面仍飭南樂縣並各屬嚴密查拏在案茲據大名府

知府劉寶第稟稱七月二十四日將姜道學拏獲

到案該府督同大名等縣研訊眼目質証始據供

認實係姜道學居住南樂縣泗莊父名姜培基弟

名姜道源姜道善姜道醇嘉慶十四年該犯與滑

縣人張洛奉李桐富張洛進山西澤州府人盧第

二孟董牛在濬縣西關開店諭知張洛奉係李文

成之徒封乾卦王該犯與李桐富等被其煽惑拜

張洛奉為師張洛奉各給白辨繩一條丸藥一粒

服食是年十二月內張洛奉帶領該犯與李桐富

那文毅公初任直隸總督奏議

卷三十八

三

等同到滑縣城內拜見李文成十七年十二月十

八日張洛奉令該犯赴奉天大西關紅佛菴盛全

德邊老八花爆舖內下書約定十八年閏八月十

五日糾集同教之人進京造反許俟將來封該犯

為都督該犯於十八年三月行至奉天在盛全德

等舖內居住七月二十八日盛全德病故邊老八

未能邀人起事該犯於本年六月間起身回籍行

至郡城即被拏獲該犯之父與弟並未入教亦不

知其從逆等語詰問該犯與祝現等並不認識亦

不知祝現等下落等情具稟前來臣查本年三月

間准奉天府咨開據盛全德供稱姜道學於十八年秋間回籍今該犯供稱盛全德於上年七月二十八日病故並該犯於本年六月間回歸均與原咨不符惟該犯入教從逆已據供認其為要犯似屬無疑臣一面錄供飛咨奉天府尹查拏盛全德邊石八並分咨河南山西巡撫嚴緝張洛奉等務獲謄

奏

嘉慶十九年八月初七日

奏此案臣接據稟報後因姜道學所供回籍年月及盛

那文毅公初任直隸總督奏議

卷三十八

三

全德病故之處與奉天府尹來咨不符批飭覆訊一面正在繕奏間復據大名府知府劉寶第稟稱該府於訊供具稟後亦因查對原案不符復提姜道學研訊據稱上年三月十三日到奉天承德縣西關盛全德花爆舖內維時盛全德已經患病舖夥老八恐事無濟令伊至奉天西北七十里之平安堡地方與邊老八徒弟孫富廷孫富來送信孫富廷與鄧洛三劉大眼韓三禿至盛全德舖內計議孫富廷劉大眼韓三禿赴鐵嶺給頭目傅得忠送信約定七月內在廣靈縣南關老教頭安添

殊 殊 殊 殊 殊

殊 殊 殊

殊 殊

殊 殊

那文毅公初任直隸總督奏議

卷三十八

三

豹家商議安添豹有子安福祥安二檀子安四安五安六至七月內伊與邊老八等到安添豹家會議時有二三十人在彼伊僅認識劉四巴胡麻子此外不知姓名約定前八月初十日各帶手下人至廣靈縣齊集隨同安添豹前往通州到後八月十五日起事邊老八等各散伊在安添豹家居住因下雨十餘日眾人未齊到九月內聽得大名一帶起事各處查拏教匪又聞同教之張七服毒身死仍被戮屍劉大眼劉四巴亦被拏去伊畏懼不敢回家本年正月知事已平定即從安添豹家起身回歸沿途討乞行至大名郡城即被拏獲前供盛全德病故係屬捏飾並據將各犯年貌籍貫逐一供出開單稟請飛咨查拏究辦前來查該犯所供均係奉天府屬地方之犯自應即將該犯迅速押解赴京交刑部審辦以便行文查拏臣仍將現案審辦謹

奏

嘉慶十九年八月初八日軍機大臣字寄奉

上諭那彥成奏拏獲要犯姜道學訊供據稱在廣靈縣開店

與滑縣人李嚮富山西人盧第二等拜李文成之徒張洛奉為師張洛奉令其前赴奉天約盛全德邊老八等糾集同教之人進京起事等語盛全德張洛奉盧第二等犯已有旨分飭奉天河南山西嚴密查拏其姜道學一犯著派成印派委委員將該犯嚴密鎖押解來京交刑部收審

嘉慶十九年九月十八日

奏前據大名府稟報拏獲次要逆犯姜道學一名業經奉明解部審辦臣因姜道學供出在奉天大西關紅佛菴開花爆舖之盛全德邊老八係開州人並

那文毅公初任直隸總督奏議

卷三十八

三

據供出盛全德有子盛保成盛三兒誠恐潛回原籍復經嚴飭訪緝去後茲據大名府知府劉寶第稟稱遵即委員前往開州會同查訪茲據委員查明邊老八久已挈眷在奉天居住原籍並無親屬盛全德並子盛三兒亦在奉天並未回籍搜查盛全德家內並無違悖經卷亦無違禁軍器等件將盛保成拏獲訊據供稱伊父盛全德與弟盛三兒在奉天貿易多年伊與母潘氏弟盛保成在原籍居住伊與姜道學並不認識伊父盛全德有無習教從逆並不知道等語委員押解來省臣親訊

無異查姜道學業經解部盛保成所供是否屬實自應解部與姜道學質訊方可以定臣且委候補知縣劉廷瑗將盛保成解赴刑部收審謹

奏奉

硃批刑部知道

嘉慶十九年九月初一日

奏為遵

旨嚴審定擬具奏事竊照景州武生呂占魁在儒學稟稱上年九月十三日葛錫華向伊姪呂岐告知十五日白蓮教起手鬧事囑其就近赴汪英傑家躲避

那文毅公初任直隸總督奏議

卷三十八

四

預知逆期必係匪黨呈請查拏一案當經河間府拘訊汪英傑葛錫華均不承認臣一面飭令該府嚴密訪查一面行提人犯到省審訊各等情恭摺具

奏七月初一日奉到

諭旨嚴審臣情從重定擬勿稍疎縱欽此旋據該府將汪英傑葛錫華及應訊人等押解來省當經飭委保定府率同委員等訊出葛錫華汪英傑俱拜從李會一為師習教並預知逆期之葛文台及在葛文台酒舖內傭工另案擬徒之侯添幅等一併案內

緊要犯証先後按名飭提到省臣督同司道及保定府遂加研訊緣李會一籍隸景州住在劉智廟地方向開歇店生理拜從另案正法之離卦教首李盛德為師學習拳棒念誦真空家鄉無生父母八字葛文台汪英傑常往劉智廟趕集住宿李會一店內遂俱拜從習教上年九月初九日葛文台將伊姪葛錫華領至李會一店內拜師入教習學拳棒初十日葛錫華復往演習李會一向稱伊師傅李盛德告知十五日白蓮教起手鬧事葛錫華驚懼李會一密言有李盛德給與奉天開道白布

那文毅公初任直隸總督奏議 卷三十八 聖

出示安民搜查教匪該犯等心生畏懼各將白旗燒燬至汪英傑家搜出黃布執照二均係素業道士張現給與汪英傑之母身後路引路程摺一扣係工人呂得幅在大道拾獲並非教內不法字跡各等情臣復查李會一葛文台於到案後旋即監斃無從根究而汪英傑既經得有白旗葛錫華亦預知逆期顯有一氣通同情事不但祝現等最要次要各犯踪跡應向嚴切根究並恐另有未經敗露夥黨不肯據實供吐復向逐層嚴切研審據供伊等住處距李會一家尚有數十餘里入教未久

那文毅公初任直隸總督奏議 卷三十六 聖

小旗插立門首可免殺害十一日李會一來至州城趕集即密交葛文台白旗一塊並稱路過十里舖曾給與汪英傑白旗一塊十三日葛文台慮及姪婿呂岐並其父已貫一難以遠來伊家避難欲令就近赴同村之汪英傑家躲避遂開寫呂貫一名係一個令酒舖工人侯添幅送至汪英傑家託其照應旋因未向侯添幅言明慮及汪英傑不能領會復令葛錫華親往帶同呂岐前赴汪英傑家當面囑託汪英傑以業經李會一給與白旗可以避難慨然允許迨至十五六等日官兵陸續到州

實不知李會一有無夥黨即現蒙指問之最要次要各姓名亦素未聞知無從供指至九月十五日約期係李會一向其告知伊等聞言畏懼接受白旗希圖免禍現有出首之呂岐可以訊問實無與教匪等通同謀逆情事質之呂岐供稱伊叔岳葛文台令妻弟葛錫華送伊至汪英傑家原止囑託在伊家避難伊事後向叔呂占魁告知慮及受累始行出首比時實未見汪英傑等別有謀逆形跡反覆究詰俱各堅供不移似無遁飾臣查律載謀反大逆知情不首者杖一百流三千里又例載左

道異端煽惑民人爲從發往新疆給額普特爲奴等語此案習教傳徒預悉逆謀布散白旗應以李盛德爲首該犯罪大惡極前經拏解刑部凌遲處死並代散白旗之李會一到案後隨即監斃均毋庸以外葛文台汪英傑接受白旗莫免殺害究無通同謀逆情事惟與葛錫華均與知逆期不即舉首律應擬流該三犯聽從入教應從重定擬葛文台業經監斃汪英傑葛錫華應照左道惑衆爲從例發往新疆給額普特爲奴候添幅訛無預知逆期情事惟不查問何事率爲葛文台遞送字條亦

那文毅公初任直隸總督奏議

卷三十八

聖

有不合業經另案擬軍減徒應免重科張現素以道士營生所給汪英傑黃布執照二塊係爲汪英傑之母身後路引並非邪教不法字跡應毋庸議並全案供招咨部謹

奏

嘉慶十九年九月初三日奉

旨此案汪英傑葛錫華聽從入教預知逆期原擬罪名尚輕著交刑部核議具奏

嘉慶十九年十月二十二日

奏爲酌定覆查保甲章程恭摺奏請

聖訓以便久遠遵守事竊照編查保甲爲盤詰奸匪之良法節經臣工條奏並蒙

皇上指示凡編查之法無不條分縷晰綱舉目張均經先後欽遵辦理現在已據各屬陸續具報查竣第居民遷移不定戶口增減靡常若不隨時覆查不但戶口數目未能準確兼恐日久廢弛良法仍同虛設是雖查與未查等殊非仰體

聖主綏靖閭防遏奸宄之意惟是小民各有事業若不酌定時限常年查辦恐於民間生計或有妨礙伏思一歲之中惟秋收之後居民已無事事此時

那文毅公初任直隸總督奏議

卷三十八

聖

再加查辦非特民無擾累且外出耕作及各項傭工之人均已漸次歸里其間有無匪徒混跡更可逐一稽查不致稍有遺漏愚昧之見應請飭令各州縣於秋收後曉諭各村保長人等將本村戶口自行逐細查明造具草冊呈送該管州縣親往覆查遵照奏定規條取具互保甘結將門牌照改填寫按戶懸掛不得假手書役以杜需索之弊倘有來歷不明及平日形踪詭秘無人具保者必非安分之人即時拏獲究辦不稍寬縱仍責令該管府廳直隸州親往抽查其直隸州保甲責令該管

道員抽查務須輕騎減從不得多帶員役以免擾累如有原辦不實之處指名奏奏以懲玩忽該道府廳直隸州查竣之後具稟督撫兩司核對具詳由督撫察核於歲底彙總具奏不得視為具文如此其久辦理庶免日久廢弛於編查保甲之道似覺核實臣直省現卽照此辦理謹摺具奏謹

奏
嘉慶十九年十月二十四日奉

上諭那彥成奏酌定覆查保甲章程一摺編查保甲一事詰暴安良最爲善政上年冬間朕明降諭旨通行飭辦

那文毅公初任直隸總督奏議

卷三十八

聖

自京畿以及直省次第奉行本年八月間朕恭謁

東陵蹕路經過各州縣見比戶懸設門牌開載甚晰詢問自外省來京大小官員亦僉稱遵照令式一體編查是

此次京外辦理保甲漸有成規惟居民遷移不定戶口增減靡常若不隨時查核則先後參差仍屬有名無實各省地方官因循積習大抵始勤終怠祇爲塗飾耳口之計稍以歲時又復視為具文漫不經意那彥成所奏每年秋收無事後外出耕作及各項傭工人眾歸里之時請再行稽核庶免匪徒混跡所辦甚爲核實著各直省通行照辦州縣官於秋收後先行曉諭各村莊保長

人等將本村戶口自行逐細查明造具草冊呈送該管州縣親往查核悉遵辦定規條取具互保甘結將門牌照改填寫按戶懸掛仍責令該管道道府直隸州親往抽查查竣後稟報督撫交兩司核對具詳督撫於歲底彙奏一次至祝現等各要犯縱使詭跡潛跡不能出版輿之外但恐變易姓名扶同隱混各州縣編查戶口之時遇有客籍寄居之人必須加意審察如地方素有習教之家則保長鄰佑尤當設法稽考密加訪詰如果地方官人人奮勉治一縣如一里治一府如一縣推而至於各直省則燭照數計奸徒將何所托足若陽奉陰違虛

那文毅公初任直隸總督奏議

卷三十八

聖

應故事更或藉此擾累良民一經察出必將奉行不力之督撫嚴懲不貸將此通諭知之
嘉慶十九年十二月十八日

奏爲復查保甲尙未一律報竣應俟來歲春間再行彙核具奏以昭核實事竊照直省保甲前經臣酌議於每年秋收之後普律復查一次並責成該管道道府廳州親詣各處抽查以免日久廢弛奏奉諭旨准行在案兩月以來已據各屬陸續稟報查辦亦有具報查竣者惟遷徙之戶不一而足既須逐細編查不可稍任脫漏卽從前查過之戶現在男婦人

口核對門牌所填數目莫不比前增多推原其故因上年冬間查辦之時民心疑惑少壯丁男多有未敢報出今見安靜已久此事實係緩靖間閭之善政莫不知感

聖恩此時無論紳民士庶始聽悉數開報是此次復查較之初次編查尤須認真辦理臣現飭道府分督各州縣務須實心實力詳細查辦無得再任隱漏至時日亦不妨稍緩總期實在斷不可草率了事統限來歲三月中一律報竣彙核具奏至承德府並各州縣地方寫濶流寓之戶遷徙無定編查保

那文毅公初任直隸總督奏議 卷三十八 四

甲尤為緊要雖經臣節檄催辦第相距遙遠究鞭長莫及合無仰懇

聖恩勅下熱河都統和寧隨時就近督率查辦報竣之後仰由和寧彙奏俾通省保甲均可迅速肅事謹

奏奉

硃批一派虛詞塘塞汝自告知和寧朕實無暇論及

嘉慶二十一年正月二十二日

奏為復查保甲完竣事竊照直屬保甲前經臣酌議於每年秋收之後普律復查一次並責成該管道府廳州親詣各處抽查以免日久廢弛奏奉

諭旨准行嗣因從前查過之戶男婦丁口莫不比前增多

較之初次編查尤應認真辦理復經臣檄飭道府

廳州分督各屬詳細查辦統期確實不可草率了

事奏請展限各在案上年秋收之後通省豐熟外

出歸業及備作歸里之人尤多臣嚴檄通飭遵照

奏定規條取具互保甘結按戶填註入册稍有來

歷不明及平日行踪詭秘無人具保者即時拏獲

究辦仍責令該管道府廳直隸州親往抽查其直隸

州保甲責令該管道員抽查茲據各屬並各道府

廳州陸續稟報復查完竣均與初次編查之時男

那文毅公初任直隸總督奏議 卷三十八 四

婦丁口有增無減間有各項匪徒立即究獲稟辦

間閭安堵委無奸匪漏跡各等情由兩司核對具

詳前來臣覆核無異並飭各屬務須永遠實力奉

行仍隨時稽核毋致始勤終怠別滋擾累等弊謹

奏

嘉慶二十一年正月二十四日軍機大臣字寄奉

上諭那彥成奏復查保甲完竣一摺上年直隸通省秋收

豐稔外出歸業及備作歸里之人甚多經該督通飭各

屬將保甲烟戶普行覆查具結申報但此等外來歸業

人內即難保視現等六逆及次要各逆犯改易姓名滯

迹編入保甲之中著那彥成再嚴飭所屬務於此內留心察訪其平素習教之家尤當加意密查如有來歷不明及行蹤詭秘者立即嚴拏究辦毋得稍寬疎懈

嘉慶十九年十一月二十五日軍機大臣字寄奉

上諭那彥成奏本年年班請令天津宣化二鎮總兵進京叩賀元旦等語向來直隸總督提督鹽政於年底進京叩賀元旦總兵等亦輪班進京惟現在各要犯日久未獲地方大員均應在任督辦那彥成於本年八月內甫屆蹕前往

東陵每日召對嗣伊叩祝萬壽到京赴盤山查勘工程往

那文毅公初任直隸總督奏議 卷三十八 五

返過京又經屢次召見此次封印後著毋庸來京當認真督率地方文武各員上緊緝捕並著該督傳知徐錕廣惠均當以緝拏逆犯爲要本年年底均無庸進京其總兵年班亦暫且停止各留本任辦事明歲春圍該督等應行隨扈者再照例隨扈可也至逆犯祝現等六十餘犯至今無一就獲其故殊不可解若謂各處查拏懈怠則近日東城指揮拏獲屈幅兒王三二犯訊明供認上年從逆屬實皆在指拏名單之外者卽那彥成本日奏到訪獲賀金標一犯亦係單內無名之人豈伊等於此等漏網之犯俱能訪獲轉於指拏要犯故涉疎縱現

據屈幅兒王三兩犯所供皆云在外躲避日久近因無

人指拏回家看視旋經被獲伊等所逃之處皆在直隸

境內何以該州縣未經盤獲恐指拏各犯亦有似此過

境往來地方官漫無知覺者聞直隸各州縣將發出指

拏要犯名單刊列賞格各處粘貼殆遍似此通衢各逸

賊一經到境自必見而遠颺其同教之人亦必潛通信

息令其變易姓名輾轉遠徙或於複壁地窖窩藏逾固

是非羅而捕之竟係毆而遠之矣著該督密飭地方官

將發去逆犯年貌清單存留公署或照開清摺密交緝

捕之人其境內張掛賞格除業經風雨漫漶者此外一

律毀除使逆犯等聞知外若查緝漸懈各地方官及委

員等一面密訪習教之家加倍嚴查庶不露聲色密布

網羅可期次第報獲也

嘉慶二十年二月初一日

奏爲遵

旨審擬具奏事竊查景州民人宋太平赴步軍統領衙門

密首宋幅常等係逆犯宋耀隴徒黨等情一案欽

奉

諭旨著 派委文武大員將各犯按名緝獲解省審辦

當卽飭委天津鎮總兵祥啟候補道祝慶承馳往

景州等處將劉三謝文明劉會白士得白士纓等
五名拏獲查明宋樹加即係前奉

諭旨飭拏之宋杼甲已經景州拏獲解省行至中途病故
劉二亦因病物故周小智父子即周學治周宗城
已解部審辦宋幅常謝二坯先期外出等情稟
繕摺奏

聞並據宋耀隴族長宋悅亭呈稱宋耀隴長女宋大姐及
逃後回歸之次女宋三姐經伊收養據實呈首等
情又據景州續獲謝二坯到案隨一併提解來省
飭委候補道祝慶承前任保定府知府盛泰審辦

那文毅公初任直隸總督奏議 卷三十八 至

劉三等堅供並非宋耀隴徒黨平日亦無習教情
事提同宋太平質訊自認挾嫌誣告惟劉三之兄
劉銀並劉會之弟劉元據供均被山東拏去究因
何事犯案如何審辦有無牽涉劉三等之處必須
咨查原案方可審訊定擬庶免罪名出入當據詳
請咨查嗣准山東撫 臣 咨覆劉銀被宋耀隴之子
宋玉林在刑部供扳學拳習教傳授徒弟並宋耀
隴囑令劉銀轉邀葛文智等在家等信行文查拏
被德州獲解現已訊明劉銀並無其事實係宋玉
林妄扳錄供咨部核辦劉元預知宋耀隴逆謀並

不阻首業已按律擬斬具奏等因咨覆飭該道府
等核審而宋太平旋即在押病故茲據候補道祝
慶承保定府知府阿霖提訊劉三等各供擬議由
臬司李鑾宣詳解前來 臣 親提研鞫緣宋太平原
籍山東德州寄居直隸景州焦麻莊皮匠為業與
白士德劉三謝文明謝二坯劉會均有嫌隙嘉慶
十八年十一月間宋太平族祖宋杼甲即宋樹加
被宋樹德在山東供出謀逆關會景州拏獲解至
阜城縣地方因病身死宋太平覬覦宋杼甲家產
因見族叔宋幅常向在宋杼甲家居住心疑已給

那文毅公初任直隸總督奏議 卷三十八 至

宋杼甲過繼隨將宋幅常權逐自欲繼與宋杼甲
為孫宋杼甲庶母賈氏不允而止是年十二月間
宋耀隴謀逆事發被山東德州拏獲其子宋長馨
宋玉林潛逃旋經宋太平將宋玉林獲送德州解
部審辦德州賞給宋太平銀兩並令再拏逆犯尙
有重賞十九年正月宋耀隴妻弟劉會與陳西洲
將宋長馨縛送德州時宋太平在彼欲圖分賞央
懇劉會等為其列名劉會等未允隨將宋長馨
送德州劉會等得受賞錢分用宋耀隴之妻劉氏
三子魁方幼女奎姐亦經拏獲解省審明發遣其

長女大姐因已許解姓為室免其緣坐經該族長
宋悅亭收留維時宋耀隴次女三姐逃走在外乞
食未經一併解解宋劉氏捏供病故迨後三姐回
歸亦經宋悅亭收留撫養六月間宋太平因見各
處貼有查拏逆犯告示賞格意圖得賞隨將宋幅
常並素日有嫌之白士得等指為馮克善等徒黨
夜聚明散捏稱係宋大姐向伊告知赴步軍統領
衙門首告並將業已病故之宋樹加劉三及已獲
解部審辦之周學治父子一併牽入奏奉

諭旨交 臣 派員查拏劉三等來省訊供咨查原案飭委候
那文毅公初任直隸總督奏議 卷三十八 五

補道祝慶承等訊明擬議由司詳解 臣 親提研鞫
各供並非馮克善等徒黨亦無入教謀逆情事究
詰不移案無遁飾查宋太平圖得獎賞輒敢挾嫌
將白士得等指為逆犯馮克善等徒黨捏詞首告
殊屬刁詐本應按律坐誣已於訊供後在押病故
應毋庸議白士得白士櫻劉三謝文明謝二坯劉
曾訛非馮克善等徒黨亦無習教情事應請省釋
宋幅常有無隨同宋孖甲入教應飭景州嚴緝獲
日訊明另結再查宋耀隴之女宋大姐前經訊明
已許解剛為孫媳是以照律免其緣坐今解剛因

宋大姐係逆犯之女不愿結親已經返婚自應仍
行緣坐又宋耀隴八歲次女宋三姐前因伊母劉
氏捏供病故茲已送案亦應按律問擬宋大姐宋
三姐應照刑部奏定章程改發福建廣東四川甘
肅四省駐防官兵為奴宋三姐年未及歲即令伊
姊宋大姐攜帶赴配宋悅亭明知宋三姐係逆犯
宋耀隴之女收留在家本有不合姑念一經委員
查辦即據實呈首尙知畏法應免置議並供招咨
部謹

奏奉
那文毅公初任直隸總督奏議 卷三十八 五
硃批刑部議奏

嘉慶二十年二月初一日
奏為訪獲習教匪犯現在提省研究恭摺奏
聞事竊據采育營都司稟報訪獲已經正法逆犯劉進才
之父劉大一名押解來省 臣 督同臬司李燾宣通
永道盛泰保定府知府阿霖研訊據該犯供稱東
安縣新莊人曾於十六年二月間至通州羊修店
李玉隴家傭工其義子劉進才在李玉隴堂叔祖
李老家做工李玉隴與李老同居各學均係白蓮
教經李老之婿即已獲正法之邢貴榮向其告知

李老恐該犯走漏風聲囑那貴榮勸該犯入教該犯隨拜李老為師念真空家鄉無生父母八字真言後李老等如何鬧事被獲正法該犯已經回家並不知道亦不知伊子劉進才從逆等語復向究詰該犯一味支飾並無實供臣查李老等係習教謀逆之犯該犯劉大既在李老家傭工入教謂無預知逆謀亦不知其子劉進才謀逆情事殊難憑信當再督同司府嚴切根究再祝現等犯仍飭屬嚴緝倘未報獲合併陳明謹

奏奉

那文毅公初任直隸總督奏議

卷三十八

五

硃批嚴審明確具奏

嘉慶二十年二月初七日

奏要犯祝現等節經飭緝迄無弋獲臣奉

嚴旨惶悚焦急無地自容竊思該犯等均係附近之人潛逃自不甚遠總在平日習教及素有瓜葛之家窩藏臣現抄錄各犯年貌籍貫清單飭發各該州縣添僱真正眼目密為躡捕一面諄飭派出員弁在於各要路留心偵緝一俟得有踪跡立即擊解不許稍有縱漏謹

奏奉

硃批京師各衙門又獲十餘犯現在嚴審汝知愧否

嘉慶二十年二月十八日

奏要犯祝現等日久未獲臣實深焦急前經臣劄飭各學教官傳諭生監務各在於本鄉留心訪緝如有要犯踪跡立即通報教官會同地方官迅速擒捕並許以果能訪獲要犯必當奏請

聖主加恩或賞以官職或賞以銀兩若藉端妄拏滋事亦加倍治罪現據各學稟報各處生監奮勉急公踴躍偵緝臣仍嚴催地方文武各官實力躡捕不得稍有縱漏一俟獲有要犯另行具奏謹

那文毅公初任直隸總督奏議

卷三十八

五

奏奉

硃批覽

嘉慶二十年三月初四日

奏為拏獲被脅從賊匪犯姓名核與次要逆犯相同請旨解部質訊事竊臣接據已革把總張景龍稟報在河南滑縣地方拏獲從賊匪犯趙德一田茂貴二名核與次要逆犯名姓相符當即批飭臬司委員迎屍到省訊供稟報茲據該司盛泰督同保定府知府阿霖稟稱查趙德一等於二月三十日據張景龍押解到省隨逐一研訊據趙德一供滑縣王家道

口人木名趙得元因伊堂姊夫侯誠義指引官差查拏時錯叫趙德一伊素不習教十八年九月間被族兄偽總兵趙二逼令入夥給與白布一塊白蠟桿一根伊僅止在趙二家中服役並往賊營運送乾糧並未打仗殺人又據田茂貴供滑縣南召集人素未習教伊妻父張禮係屬教匪十八年九月間張禮勸令助逆免被同教殺害給與白布一塊柳葉鎗一根伊無奈應允跟隨偽總兵趙二與官兵打仗旋即畏懼逃避並未進京滋事各等語復向各犯究追逸犯劉成章等下落僉供並不認

那文毅公初任直隸總督奏議

卷三十八

五

識等情錄供具稟前來查趙德一果名趙得元伊戚侯誠義自必諗知豈有錯呼趙德一之理當時何又並不剖辯所供本名趙得元殊不足信又次要單內有田茂貴一名係宛平縣大窪人據董帽太供稱係劉呈祥派令跟隨田起祿滋事今現獲之田茂貴據供滑縣南召集人籍貫雖不符合亦未進京然安知非該犯等來往勾通與董帽太認識一時將該犯籍貫誤供或亦情事所有查該二犯名姓既與次要相同又有從逆情事自應提同董帽太質訊理合奏明請

旨將趙德一田茂貴解交刑部提同董帽太質認明確按

例辦理如審明趙德一田茂貴等實非單開次要之犯則該犯等被脅從逆已據自認確鑿亦例有應得之罪謹

奏奉

旨交部嚴審

容安謹案此件

行在具奏向不奉

硃批已交部質訊

嘉慶二十年三月二十三日

那文毅公初任直隸總督奏議

卷三十八

五

奏為拏獲逆犯審明定擬恭摺具奏事竊據廣平府屬邯鄲縣知縣尹鴻璐稟獲趙德一名訊據供認前歲曾在河南滑縣謀逆劫獄當經_臣批令臬司提省審辦據趙德供認拜張學武為師習教聽從劫獄屬實與未獲逆犯劉成章等並不認識等情錄供稟報_臣恐所供尚多不實批飭再加熬審並於差次面奏

聖鑒在案茲據臬司盛泰督同保定府知府阿霖監提趙德研審堅稱與劉成章等實不相識將該犯擬議解勘前來_臣親提研鞫緣趙德本姓金原籍山東

自幼經河南滑縣人趙桐棟收養為子改名趙德曾學唱戲迨義父故後義母改嫁趙德娶長垣縣人師六成之妹為妻生有二女嘉慶十八年二月內師六成勸令趙德入教拜滑縣王家營巽卦教主張學武為師趙德與妻師氏一同習教念真空家鄉無生父母八字是年八月十五日師六成即以老當家牛亮臣為首欲動刀兵之言向告是月二十日又令滑縣鳳亭村人張第二送給趙德小白旗一桿白布十分每分二塊約定九月十五日起事令趙德帶令十人趙德應允將旗留下所管

那文毅公初任直隸總督奏議

卷三十八

奏

十人內有滑縣許家營人許紅德許大餘係許紅德等轉邀趙德並不認識布塊亦係許紅德等分啟九月初三日師六成因牛亮臣李文成被滑縣拏獲收禁又令張第二給趙德送信囑令於初七日跟隨同教人尉家莊趙剛贊進城劫獄趙德至期攜帶刀械與趙剛贊進城行至鼓樓前知牛亮臣等業已救出趙德在縣署前用刀砍倒一人與眾匪在城內住宿一夜次日聞有官兵前往勦捕趙德畏懼各自逃出改名金玉各處求乞度日並無知情容留之家至十九年冬底投至內黃縣民

王自付與盛班內唱戲王自付與同班人均不知趙德有習教從逆之事本年二月至邯鄲縣地方被該縣盤獲稟解來省研審供認不諱恐該犯明知逸匪劉成章等踪跡匿不供吐連日熬審至四五晝夜堅供與劉成章並祝現等均不認識亦未到過京城實不知劉成章等現在何處並稱張學武師六成張第二趙剛贊許紅德許大等及伊妻女均在滑縣後來得逃出與否實不知情等語覆詰不移案無遁飾查趙德既經習教預知逆情又復聽從劫獄聞有官兵前往勦捕遂各自逃竄即

那文毅公初任直隸總督奏議

卷三十八

奏

無抗拒官兵情事亦屬罪大惡極趙德應請擬斬立決王自付訛無知情容留免其置議供招各部再要犯祝現等仍未據各屬報獲 回省後復嚴飭訪緝謹

奏

嘉慶二十年三月二十五日奉

旨趙德即金玉著即處斬餘依議

嘉慶二十年三月二十九日

奏 臣 欽奉

上諭緝拏祝現等最要次要各犯嗣後該提鎮等每月具

奏一次之處卽著停止那彥成仍督飭文武員弁將應
緝要犯上緊查拏毋使漏網不得以奉有此旨遂各心
懷懈弛欽此臣遵卽知會提督並各鎮總兵將按月具

奏一次緝捕情形欽遵停止臣仍當實遵
聖諭督率文武員弁將未獲各要犯嚴密訪拏斷不敢因
奉有此

旨卽存懈弛之見致令要犯漏網至現在雖盤獲之人或
年貌相似或姓名音偶同多係疑似之人是以
未敢瑣細具奏亦卽隨時查明省釋以免拖累謹
奏奉

那文毅公初任直隸總督奏議
卷三十八
空

硃批時刻留心勿稍大意應思不共戴天何忍膜視乎汝
係世臣非泛常可比也勉之

嘉慶二十年六月初十日

奏為拏獲次要人犯供詞互異應請解部質審事竊據
署涿州營叅將烏庫勒德永定河南岸守備李存
志來省面稟訪得雄縣西柳村有次要人犯劉成
兒並伊義父劉進保二名在彼瀟迹居住請查傳
究辦臣當卽派委候補同知蔣士鎔並該叅將烏
庫勒德前往查傳審問嗣據該二員會稟馳赴該
村將劉成兒劉進保拏獲隨飭押至省城臣督同

臬司盛泰審訊據劉成兒供稱雄縣西柳村八年
十九歲實名劉成兒並不名劉大成亦非劉來成
卽劉二成伊自幼經劉進保抱養爲子不知本生
父姓名劉進保同居之兄劉進亭亦無子嗣與劉
進保夥養伊一人爲子伊十六歲時同劉進亭拜

本村白蓮教會首楊秀學習拳棒十八年九月初
十外不記日子經同教人韓大法水叫伊進京可
以得個官做伊父劉進保叫伊跟隨韓大法水同
去次日至京城南首相離三四里地廟內買飯共
食伊向韓大法水詢問去路韓大法水不肯告訴

那文毅公初任直隸總督奏議
卷三十八
空

伊見韓大法水等帶有鐵尺等件心生畏懼獨自
連夜逃回並未隨同韓大法水等進城滋事與祝
現等並不認識亦不知各逆犯下落等語訊據劉
進保又稱現在拏獲之劉成兒係名劉來成卽劉
二成並不名劉成兒係良鄉縣人黃姓之子自五
歲時經伊買爲義子並未與劉進亭夥養劉進亭
係伊分居堂兄有子劉大成年已二十七八歲伊
自幼拜本村人坎卦教主楊保爲師念八字真言
並八卦歌訣十八年九月十二日劉進亭帶同其
子劉大成與韓大法水等進京滋事後聞劉進亭

楊保在京正法劉文成並未回村不知生死當時
伊與現到之劉來成並未同往亦無囑令劉來成
跟隨韓大法水等進京之事今劉來成供稱名劉
成兒經伊囑令跟韓大法水進京中途逃回之處
係劉來成混供等語臣察看劉進保形狀極為狡
猾隨提劉成兒質訊並無異詞劉成兒又供有隨
同進城情事查劉成兒劉進保業俱各認習教劉
進保並能背誦八卦歌訣其為邪教無疑惟伊父
子供詞互異必須再加熬審臣因赴永定河查勘
水勢情形公出面囑該司督同保定府等嚴切根

那文毅公初任直隸總督奏議

卷三十八

查

訛錄供稟辦茲據該司稟稱連日督率保定府知
府阿霖順德府同知姚嗣懋提犯隔別研審該二
犯供執如前劉成兒又翻供並無進城情事稟請
核辦前來臣檢查上年五月內准刑部咨緝次犯
名單內開劉成兒即劉大成係劉進亭之子年十
七八歲白面無鬚雄縣西柳村人據范采原供係
已到西華門之犯復據韓達子供稱十八年九月
十五日早起伊在中頂南邊三四里地廟內約同
契飯該犯先行進城等語核對劉成兒年貌籍貫
及所供進城滋事情節均與韓達子在部所供大

畧相同惟不認進西華門一節又單開劉成兒即
劉大成係劉進亭之子今訛係劉進保養子亦稍
有不符而劉進保又稱劉成兒本名劉來成即劉
二成並不名劉成兒亦非劉大成並無囑令跟隨
韓大法水進京之事其劉進亭已在京正法劉進
亭之子劉大成不知下落等語查劉成兒雖年止
十九歲但臣初次審訊該犯即裝痴傻情狀並無
明晰供詞後經節次熬審始據供吐其情實屬詭
譎該犯是否即係單開次要之犯當日曾否跟韓
大法水進京滋事中途逃回抑劉成兒即劉大成

那文毅公初任直隸總督奏議

卷三十八

查

另有一人查案內逆匪有韓達子在刑部監禁正
可向其根究劉進亭劉進保弟兄實有幾子如果
劉進亭兄弟二人只有此子是此為次要之劉成
兒無疑臣一面即日派員將劉成兒與原供解部
提同韓達子認明質訊辦理以杜狡飾劉進保一
犯狡猾異常實係多年習教之人暫留省城熬審
或可於該犯供內再究要犯如無可辨再行照例
辦理謹

奏奉

硃批刑部嚴審定擬具奏

嘉慶二十年八月十七日

奏為拏獲逆案内律應緣坐之盧大水請解部核辦事

竊臣先經飭屬拏獲單開次要逆犯杜有兒一名

據供十八年九月十二日該村已正法之楊寶糾

邀已獲之韓達子及未獲之盧德山等二十餘人

分起行走入城滋事等語當將大概供情奏

聞聲請暫緩解部以便追究各要犯下落一面飭拏未獲

各犯旋據固安縣知縣何貞雄縣知縣張禔會稟

拏獲盧德山之子盧大水到案檄司提省審訊茲

據臬司盛泰督同保定府知府阿霖詳稱訊據盧

那文毅公初任直隸總督奏議
卷三十八
竅

大水供小的是雄縣西柳村人今年十八歲父親

盧德山母親趙氏小的有兄弟盧二水已於十八

年十月間出痘死了父親曾從本村的楊寶入會

十八年九月初間不記日子晚上楊寶到小的家

從懷掏出白布遞給父親父親就說曉得了把布

掖在襖筒裏楊寶就走了小的向父親查問是什

麼事父親把小的罵了一頓不許小的管他們的

事過了幾天父親就同楊寶楊秀韓大法水韓二

慌慌劉進亭劉大成韓五幅韓毛兒韓傻小子韓

大成兒韓達子們出外去了後來韓達子回來小

的向他問父親下落他說不知道小的並沒入會

也沒知情商同謀逆的事母親趙氏現在家中是

實臣伏查盧大水一犯既據供認伊父盧德山聽

從楊寶入會收受白布並同韓達子等外出未回

核與杜有兒所供脗合是盧德山確係從逆入城

要犯盧大水趙氏律應緣坐惟盧德山曾否於入

城時早被殲戮抑係逃回藏匿他處詰訊盧大水

堅稱不知質之杜有兒亦稱盧德山與楊秀等進

京後並沒看見回來等語查在部監候之韓達子

與盧德山本係同村居住盧德山如何會同進城

那文毅公初任直隸總督奏議
卷三十八
竅

滋事韓達子必能深悉現據盧大水逐層供認未

能指實又無案可稽相應

奏明將盧大水先行解部提同韓達子核審伊父盧德

山從逆實情將盧大水及趙氏應否緣坐之處訊

明核辦並飛飭逃拏盧德山之妻趙氏續行解部

核擬其杜有兒一犯現仍飭令設法誘追各要犯

下落俟審明另行解部謹

奏奉

硃批刑部知道

嘉慶二十年八月二十三日

奏臣派出緝拏要犯員弁近日據報已有弋獲之信現

在飛飭押解至臣差次以便親訊俟得有確供即

當具奏其祝現等各犯仍飭各屬及派出員弁嚴

密緝拏謹

奏奉

硃批審明速奏

百齡能獲方逆洵屬能事可嘉汝亦自知愧否再不勉

力可乎

嘉慶二十年九月初三日

奏為研訊次要逆犯杜有兒並續獲之張鳳供詞均有

那文毅公初任直隸總督奏議

卷三十八

卒

避就請一併解部提同監候之韓達子質訊以成

信讞事竊據新城縣知縣陳景登新雄營都司余

國柄會稟拏獲單開次要逆犯杜有兒一名經臣

將委審大概供情奏

聞聲明暫緩解部以便向其追究各要犯下落面奉

諭旨飭審在案臣遵即檄司提省研審續據該營縣將杜

有兒供出之張鳳一名拏獲解省即經嚴檄飭令

隔別詳鞫茲據臬司盛泰督同保定府知府阿霖

審詳內稱訊據杜有兒供小的今年五十六歲雄

縣羊定村人父親已故母親余氏小的四歲時母

親轉嫁與郭奇為妻將小的帶到郭家並沒改姓

小的只有一個哥子杜順已死有七八年了此外

並沒親入小的十一二歲就不在郭家往各處討

乞度日乾隆四十七年不記月日在遵化州石門

地方偷竊衣服犯案因小的不肯供認州官用小

棒把小的兩踝骨打傷遞回雄縣五十八年不記

月日小的又同村人往雄縣拾取柴伙韓連出車

前往拉運拾完柴伙裝載車上小的站在車轆外

首用繩拴縛柴捆用力太猛繩子斷折小的仰跌

地上牲口往前走動車輪又從小的兩腿軋過當

那文毅公初任直隸總督奏議

卷三十八

卒

時調治雖沒成廢因兩次受傷不能復元踝骨時

常酸痛實在行走不快前蒙驗明並非裝點捏造

所以不能做工平日在西柳村一帶討乞過度住

宿空廟村中人家如有紅白事情或叫小的照應

門戶或在一二里近處請客邀人或買辦東西藉

此喫頓飽飯鄉人就叫跑腿那楊實在西柳村居

住他家有紅白事情也常叫小的幫忙嘉慶十七

年七月初六日楊寶叫小的搬到他家跑個腿罷

小的因想免得在外討乞所以應允就是那日楊

寶又叫小的入他榮華會許管小的一世穿與小

的貪圖有得穿與一時糊塗應允小的並沒向他
磕頭楊寶也沒教小的什麼話楊寶又指著名姓
叫小的替他往邀大營村張鳳大協村李淳和東
陽村李玉羊定村趙羣兒劉連美趙村戴保兒道
口村趙二格大甫村劉傻老李山根們九人都是
口傳並沒字據楊寶又自邀本村住的韓達子韓
五幅兒韓來成兒韓毛兒路得山韓二慌慌韓傻
小子劉進亭劉大成韓大法水並有容城縣草紙
管住的他女婿范姓陸續到楊寶家商量入榮華
會的事楊寶兄弟楊秀姪子楊老兒他兒子楊成

那文毅公初任直隸總督奏議

卷三十八

奏

也在會中並沒圖像也沒經卷稱呼楊寶為老師
傳不過說些要做好人的話並沒另有為首也沒
大似楊寶的人十八年九月初八日楊寶叫小的
去邀戴保兒劉傻老二人到他家說話小的並不
知為何事隨後又有韓五幅兒們往來商量楊寶
分給他們白布那月初十邊楊寶親自將張鳳叫
到家中說話張鳳有無收受白布楊寶曾否許他
做知縣小的適值走開並未看見不敢妄供楊寶
約定他們十二日齊集進京小的纔知道他要造
反到十二日只見劉連美趙羣兒戴保兒趙二格

劉傻老李山根李玉范姓因是外村人都在楊寶
家會齊其餘的楊秀楊老兒韓達子韓五幅兒韓
來成兒韓毛兒路得山韓二慌慌韓傻小子劉進
亭劉大成韓大法水們在西柳本村居住各自回
家他們是十二日半夜起身聽說分三起行走究
有多少人同去小的並沒眼見那日小的實沒見
張鳳的面楊寶自己並未同去後來只見韓達子
劉連美二人逃回當被拏獲與楊寶一同解京的
其餘多人都沒見回村實不知他們下落小的平
日也不知道有祝現們這些人實不知逃逆踪跡

那文毅公初任直隸總督奏議

卷三十八

七十一

至楊寶要進京鬧事並沒預先向小的說起想因
小的兩脚蹠受傷行走不快所以沒邀小的同去
至十六年小的並沒代楊寶邀人實是前供錯誤
再會內的李淳和上年因張九成案內被獲充發
出去了是實據張鳳供小的是雄縣大營村人今
年四十九歲兄弟張愷久已分居女人張氏生有
四子大兒子有二十歲那三個都還小呢從前本
縣高閣莊張慎修們入大乘教張慎修們犯案小
的在縣具結悔過小的向作石匠手藝西柳村的
楊寶時常見面所以認識的嘉慶十七年七月初

六日楊寶差杜有兒去叫小的到他家說話小的初不知何事見了楊寶說小的們大乘教已經散了他要起立榮華會邀小的入會小的應允就在他院裏朝天磕頭拜楊寶為師告訴小的和陸鄉里孝順父母並沒說別的話到十八年九月初十邊楊寶親自將小的叫到他家中有韓二慌慌先在那裏楊寶分給小的一塊白布小的查問做什麼楊寶說是記號同他們進京鬧事將來許小的做個知縣小的纔知道他們是要造反心裏害怕當時回覆白布也沒接收楊寶還說小的沒膽氣

那文毅公初任直隸總督奏議

卷三十八

主

小的並沒答應回家走了後來他們如何進京鬧事小的實沒同去其餘會中人小的都不認識各等語臣查杜有兒於嘉慶十七年七月搬往楊寶家中至十八年九月各犯進京滋事之時計已年餘該犯先經入會繼為邀人且楊寶預謀逆情杜有兒在彼目覩毫無避諱其為從逆無疑在逃各犯斷無不知之理况楊寶與立榮華會名目原為藉此聚眾而設自必預有商謀逆情及八字真言豈止講說善言是杜有兒所供殊非實情至張鳳先入大乘教悔過免究乃復聽從楊寶續入榮華

會已屬怙惡不悛迨楊寶告知謀逆分給白布並許做知縣據稱畏懼並未收受之處亦屬狡卸至九月十二日會齊進京雖據杜有兒供稱並未見張鳳之面但張鳳所住之大營村與西柳村相去不遠查楊寶同村之韓達子等均屬回家後於半夜分起行走杜有兒多未見面則張鳳亦難保非係由家起身是以杜有兒無從相見並恐該犯等與各逃逆均相認識明知下落匿不吐實復逐層駁飭嚴加熬審該犯等堅供不移顯因質証無人有心狡展希圖避就臣伏查逆犯楊寶糾眾入城

那文毅公初任直隸總督奏議

卷三十八

主

滋事案內現在尚有韓達子等在部監候待質杜有兒張鳳是否從逆有無進城韓達子必能深悉相應

奏明將杜有兒張鳳二犯一並解部質訊俾免狡展而成信讞至入會之李淳和一犯前因容留逃匪張九成案內問擬烟瘴充軍已於十九年七月發配廣東起解仍飛咨廣東撫臣訊取確供咨解刑部核審謹

奏奉

硃批即行解部嚴審

嘉慶二十年九月初三日

奏為拏獲次要逆犯葛立業一名請解部審辦事竊

屢經嚴檄各屬並派出文武員弁飭拏最要次要

各逆犯務獲茲據河間協守備劉英魁阜城營千

總閻玉阜城縣知縣李鵬會稟拏獲葛立業一名

係奉刑部於十九年正月內單開飭緝次要逆犯

核對年貌住址相符等情當經臣檄飭藩司錢臻

臬司盛泰會同候補道程卓樑督同保定府知府

阿霖迅速審鞫旋據稟稱訊據葛立業供小的年

五十二歲係故城縣青罕莊人父母早故並無伯

那文毅公初任直隸總督奏議

卷三十八

七

叔兄弟妻子也沒房產向推小車度日葛文治是

小的族叔祖在景州居住他是老天門教劉坤的

武門徒弟傳習義台拳脚十八年七月內葛文治

到青罕莊招小的為徒即在伊徒馬十家拜葛文

治為師教小的念真空家鄉無生父母八字真言

每日早上向東午時向南下晚向西朝太陽磕頭

叫小的勾引年輕有錢的人入教習拳馬十收現

在山東恩縣充當壯頭之李義兒為徒學習拳棒

小的因窮苦没人聽信未曾招得到八月十五日

葛文治有信叫小的去告訴小的說河南滑縣白

蓮教造反了我們都是一家人給小的白布斜角

小旗一面上寫奉天開道四字又教小的得勝二

字口號約會白蓮教們反來時就拏白旗到宋躍

隴家相幫若有人查問口說得勝二字就認成一

家可免殺害小的當時應允到九月內官兵勦辦

反賊葛文治被山東拏獲究辦小的聽聞畏懼就

將白旗燒燬逃至故城縣孫禿子家藏匿隨後又

逃往各處推車討喫不敢回家並沒一定住址也

沒知情容留的人今被拏獲不敢狡賴小的實沒

到滑縣助逆也不知道各逆犯下落等語臣伏查

那文毅公初任直隸總督奏議

卷三十八

七

葛立業一犯准刑部單開係葛文治族孫葛文治

係劉銀徒弟均係已正法逆犯宋躍隴之子宋玉

林供出葛文治業經山東拏獲在監病故劉銀亦

經山東撫臣訊無跟隨宋躍隴學拳傳授葛文治

之事咨部省釋今葛立業一犯一經拏獲飭令在

省司道會訊並未用刑即據供認傳教咒語得受

白旗預知逆情不諱惟查該犯供稱葛文治係已

正法之劉坤徒弟與單開劉銀徒弟不符該犯供

認係葛文治徒弟亦非宋躍隴及劉銀徒弟詰問

該犯與葛文治如何跟同宋躍隴助逆則又恍惚

游移並無確供是否該犯狡卸抑係宋玉林誣扳查宋玉林在部監候葛立業是否從逆宋玉林必能深悉相應

奏明將葛立業解部提同宋玉林質訊明確俾免枉縱而成信讞將葛立業解部一面徑檄恩縣故城縣迅拏李義兒孫禿子獲案解部謹

奏奉

硃批刑部知道

嘉慶二十年十一月初三日

奏 前准刑部咨將逆犯葛立業供出之馬十李義兒

那文毅公初任直隸總督奏議

卷三十八

七

查拏解部當即行司飛速馳拏嗣經查明李義兒

一犯已據山東恩縣拏獲解由山東撫 臣 解部其

馬十一犯故城縣獲解來省飭發首府審訊據供

伊與葛立業同莊素識伊曾隨同景州人葉良學

習拳棒經本縣拏獲審擬徒罪援

恩減杖釋放葛立業與葛文治如何習教從逆伊不知道

那有拜葛文治為師並收李義兒為徒的事查馬

十所供並無拜師受徒之處顯係狡卸 臣 現已繕

給咨批飭司派員將馬十解交刑部提同葛立業

質審至葛立業案內應行解部之孫禿子一犯先

經 獲案解部謹

奏奉

硃批刑部知道

嘉慶二十年九月初八日

奏為審擬具奏事竊查前據大名府知府劉寶第稟報

杜勝營都司陳夢熊會同東明縣巡檢呂椿拏獲

滑縣石家莊逆匪吳裕呈吳城妮劉志高劉春牛

四名一案經 飭司提省審辦具奏欽奉

硃批審擬速奏欽此當即行司欽遵審辦嗣據臬司盛泰

督同保定府知府阿霖審擬解勘因值 臣 公出經

那文毅公初任直隸總督奏議

卷三十八

七

藩司錢臻代審無異錄供稟報前來緣吳裕呈吳

城妮劉志高劉春牛均係河南滑縣石家莊人吳

城妮係吳裕呈之子劉春牛係劉志高之子向做

莊農度日並未習教與逆犯劉成章等均不認識

嘉慶十八年九月間吳裕呈被業經殲斃之焦村

教匪李梅率眾持械裹去逼令隨行吳裕呈畏死

允從李梅分給白布包頭並給與長鎗一桿吳裕

呈即隨同李梅至滑縣北關拒敵官兵被烏鎗打

傷左腿逃回經伊妻用簪將砂子挑出在家藏躲

吳城妮與焦村教匪李玉林認識嘉慶十八年六

月內吳城妮與李玉林一處共飲李玉林勸令吳城妮入教未允是年九月初八日李玉林將吳城妮逼脅同至焦村與牛亮臣見面給與旗布馬匹隨同搶掠閭寨並至桐木村潯縣與官兵打仗兩次均被殺敗十月初七日乘空潛逃回家藏躲劉志高與子劉春牛係於嘉慶十八年九月內被桃園村教匪焦鳳來裹脅隨行派令收管糧倉並挑水巡更該二犯在賊營服役數日即乘間逃回並未幫同拒敵官兵嘉慶二十年五月內吳城妮與劉春牛出外尋工行至長垣縣南兵集被杜勝營

那文毅公初任直隸總督奏議

卷三十八

七

都司陳夢熊派出巡兵同東明縣巡檢呂椿差役盤獲該泚兵等又將吳裕呈劉志高一併拿獲經大名府知府劉寶第訊供具稟奏明提省審辦各供前情不諱誠恐該犯等明知逆匪劉成章等下落匿不供吐復加熬審堅供不移案無遁飾查吳裕呈與子吳城妮訊明並非素習邪教預知謀逆惟被逆匪裹脅隨同拒敵官兵即屬逆黨自應嚴行懲辦吳裕呈吳城妮均請擬斬立決恭候欽定劉志高劉春牛被脅服役並無隨同拒敵官兵與吳裕呈等情稍有開白應酌量擬劉志高劉春牛

俱請發新疆給官兵為奴李玉林是否殲斃移咨河南巡撫飭查辦理供招咨部謹

奏奉

硃批行在刑部速議具奏

嘉慶二十年九月二十一日

奏為嚴審定擬事竊查開州學獲逆匪李鐸長垣縣學

獲逆匪童添柱經臣提省審辦先後奏

聞在案茲據臬司盛泰督同保定府知府阿霖審擬解勘

值臣公出經藩司錢臻代審無異錄供稟報前來

緣李鐸本名李廷延係河南滑縣四間房村人與

那文毅公初任直隸總督奏議

卷三十八

七

同縣北湖村素習白蓮教之袁德建認識嘉慶十五年間伊父李居伊子李惠入袁德建教內李惠並娶袁德建故叔袁太之女為妻十七年七月十五日袁德建亦勸令李鐸入教念八字歌訣十八年九月初七日袁德建糾邀李鐸等從逆給與小白旗一面上寫奉天開道四字袁德建令李鐸在賊營做飯李惠拒敵官兵許給李鐸知府李惠總兵偽號李鐸與劉成章李文成牛亮臣等均未見面迨袁德建被官兵殺敗帶領李惠夫婦逃進滑縣城內李鐸逃往各處躲避童添柱係滑縣青口

莊人先未習教嘉慶十八年九月十一日童添柱在地割豆被教匪程第七同不識姓名多人將伊裹至傅莊程第七給與白布一塊鐵鎗一桿迨脅隨行童添柱無奈應允跟至滑縣玉河西邊拒敵官兵敗回道口是月十八日賊首尹承德又約會桃園村留固村賊匪至滑縣與官兵打仗亦被殺敗童添柱畏懼逃逸並未進城亦無殺人放火情事本年五月間李鐸被開州兵役拏獲童添柱被長垣縣兵役拏獲解至大名府訊供具稟經 臣奏明提省審辦供認前情不諱屢加熬審該犯等堅

那文毅公初任直隸總督奏議 卷三十八 奏

供實不認識劉成章亦不知各逃逆下落該犯等逃後亦無知情容留之家嚴究不移案無遁佈查李鐸先則聽從袁德建入教繼又助逆在賊營做飯得受偽封童添柱被脅從逆抗拒官兵均屬逆黨自應一律從嚴懲辦李鐸童添柱均請擬斬立決恭候

欽定袁德建李惠程第七據李鐸供稱已在滑縣殲斃伊父李居已自縊身死是否屬實移咨河南巡撫查明辦理供招咨部謹

奏

嘉慶二十年九月二十三日奉旨李鐸即李廷延童添柱俱著即處斬

嘉慶二十年十月十八日

奏 於十五日在天津校閱該鎮營伍完竣後即起程

回省所有經過之靜海大城任邱高陽各處麥苗

出土青葱土膏滋潤民情靖謐足以仰慰

聖懷 於十七日抵省將地方應辦公事趕緊清釐並督

率各屬上緊設法蠲緝逆案要犯務獲不敢稍有

疎懈至師來明一犯現准陝西撫 咨會派委候

補同知沈相彬押解來直定於十月初三日自陝

那文毅公初任直隸總督奏議 卷三十八 今

起程 現已派員馳往沿途迎催一俟解到即督

率司道詳細研究確情辦理謹

奏奉

硃批嚴緝密訪以期速獲加官晉秩慰汝萱堂

嘉慶二十年十一月十一日

奏為遵

旨審擬具奏事竊照東明長垣二縣關隄河南滑縣拏獲

從逆案內匪犯王森韓金榜等一案先經 奏明

提省審辦欽奉

硃批嚴究逆匪踪跡為最要欽此嗣據臬司詳請咨查河

南滑縣申覆督同保定府等覆審解勘前來臣親提研訊緣王森係河南滑縣王家莊人向與隣近周家莊教匪張三羊交好嘉慶十八年七月初六日張三羊向王森告知教首林清約俟八九月間起事勸令入教王森應允當拜張三羊爲師九月初十日張三羊僞稱乾宮王率領多人在於本莊並至王家莊聲言滑縣官已被害勸令村衆入教免遭殺害時村民周文重並鄭玉山聞知畏懼均向張三羊磕頭張三羊卽令用白布束腰並分給各家小白旗插在門上如遇教匪口稱得勝二字

那文毅公初任直隸總督奏議

卷三十八

全

並派王森爲乾宮伯大頭目將被脅之周文重卽令王森管領張三羊並給王森大白旗一桿上寫乾宮伯奉天開道王森字樣又派同縣余家莊人余士林余芝周家莊人周仁儉爲頭目適有山東教匪張七領人至滑縣助逆經過周家莊張三羊帶領王森等往見王森等卽隨從張三羊至東明縣邵家寨一帶村莊裹脅搶掠數次捉獲邵家寨人邵炳不肯從賊張三羊欲行殺害周文重因與認識代爲求脫後邵炳曾向張三羊同村人鄭玉山告知鄭玉山亦曾被張三羊嚇逼並未隨行王

森又同張三羊等至潘章集與官兵打仗殺敗賞同山東教匪逃至東明縣荆台集復被兵勇追殺窮蹙始將車輛器械等項拋棄逃散時周文重先因脚上患瘡潛回並未隨同拒敵官兵又現獲之韓金榜係河南滑縣聞家莊人於十八年七月內與妻趙氏均拜素習白蓮教之余士林爲師並令念真空家鄉無生父母八字是年九月初十日余士林率衆執持震宮伯白布旗號往招韓金榜入夥搶掠韓金榜不允余士林欲行殺害韓金榜畏死免從伊妻趙氏一同跟往韓金榜因年幼無能

那文毅公初任直隸總督奏議

卷三十八

全

僅爲余士林割草喂馬做飯並未隨同搶掠嗣余士林至潘章集與官兵抗拒韓金榜畏懼卽與伊妻趙氏乘間逃出方里集向劉心立捏稱係逃難之人賃房居住推車度日旋有東明縣邵家寨矜民邵添一等以村中前被教匪滋擾內有王森其人係滑縣逆匪稟請緝究經該縣關隄滑縣拏獲王森周文重二名又經長垣縣拏獲韓金榜與妻趙氏同六歲幼女幅兒三名口先後稟解大名府訊供並將東明縣庫貯原獲寫有僞號乾宮伯奉天開道王森字樣白布旗一桿給與王森查認據

稱實係張三羊給伊之物前在東明縣荆台集被
兵勇追急擄棄屬實錄供稟經_臣奏奉

諭旨提省審辦當經臬司督同保定府等訊據王森供認
聽從張三羊入教從逆跟隨率眾搶掠並在潘章
集與官兵打仗各情節與大名府原訊相同惟於
在東明縣荆台集被兵勇追獲窮蹙棄旗逃走之
後據稱自知悔懼投入鄉勇李永春等營內將張
三羊擄送交滑縣會經孟知縣賞給頂戴並無
給有執照憑據此段情節前因孟知縣業已離任
恐致徒受刑訊是以未經供及今因憶及滑縣尚

那文毅公初任直隸總督奏議 卷三十八 金

有鄉勇頭李永春謝金標等可証據實供明惟求
行查又訊據韓金標堅供伊在潘章集並未拒敵
官兵實因從前與王森打架挾嫌是以將伊捏供
等語覆詰不移_臣伏查王森入教從逆於得受偽
號白旗隨同搶掠抗拒官兵之後果係自行畏悔
投出復擒獲逆匪張三羊獻功其罪自可量從末
減第係一面之詞難以憑信既據供有李永春等
可証自應查明核實訊辦庶不致有枉縱當經檄
飭河南滑縣就近查傳原充鄉勇頭李永春謝金
標到案查照王森現供情節訊明實在有無其事

取具確供飛送來直核辦在案嗣據保定府司獄
驗報王森在監染患傷寒病症旋報在監病故又
據東明縣續獲鄭玉山解省茲據河南滑縣知縣
陳鈞詳稱訊據鄉勇頭武舉李永春武生謝金標
供稱十八年賊匪滋事伊等請領紅旗立營平賊
十月十七日原有素識之王家莊人王森投入營
內同眾鄉勇將教匪張三羊擄解交孟前縣轉
送大營正法屬實至王森先時曾否被裹後來有
無賞給頂戴均不知道等語錄供取結具文申覆
來直_臣復飭司督同保定府等提同現犯覆加研

那文毅公初任直隸總督奏議 卷三十八 金

鞫各供前情不諱恐周文重等稔知逃匪劉成章
視現等下落屢經隔別嚴究據該犯等僉供平日
與劉成章視現等均不認識並不知各逃逆踪跡
實無知情徇隱並據鄭玉山供無習教從逆情事
究詰如一案無遁飾查王森係屬教匪又預知逆
情臨時復得乾官伯偽號領人搶掠並抗拒官兵
經兵勇追獲該犯所得偽號白旗本律應凌遲處
死惟據供於棄旗逃走之後即自知悔懼幫同鄉
勇頭李永春等擒獲張三羊獻功現經河南滑縣
傳到李永春等查訊實有其事取結申覆是王森

之罪尙可量從末減業已在監病故應請免其剉屍緣坐韓金榜與妻韓趙氏拜從白蓮教匪余士林爲師迨後又被余士林逼令入夥搶掠因該犯不從欲行殺害畏死勉從同往僅爲余士林割草喂馬做飯並無幫同打仗殺人及搶掠情事實係被逼服役且旋即乘間逸出與始終從逆者不同但既經入教自應按例問擬韓金榜韓趙氏均合依傳習白蓮邪教習念荒誕不經咒語拜師傳徒惑衆者爲從發新疆給額魯特爲奴例發新疆給額魯特爲奴韓趙氏係習教之婦不准收贖據實

那文毅公初任直隸總督奏議 卷三十八 全

發遣周文重先未入教係被裹脅隨衆搶掠並未幫同打仗殺人核與逆黨有間第既經從賊若仍容留在籍無以示懲周文重應發往新疆給官兵爲奴鄭玉山屢訊堅供曾被逆匪張三羊逼脅並未隨從第平口實在有無習教不法情事應解回河南滑縣就近訊取地隣人等供結核實究辦該犯等供出之教匪張三羊等均已拏獲正法起獲布旗案結銷燬韓金榜房主劉心立訊無知情容留情事應免置議供招咨部謹

奏奉

那文毅公奏議 卷三十八

殊批刑部議奏

嘉慶二十年十二月初八日

奏爲遵

旨覆奏事竊 臣於十二月初五日承軍機大臣字寄十二月初四日奉

上諭現在將屆年節該督輪應進京隨班朝賀那彥成不准來京來京亦不見仍交部議罪該省現有飭交審辦師來明卽施老頭子一案尙未據訊明擬結本日又有交審之李劉氏控案該督卽在省城督飭所屬文武員弁將祝現等犯上緊偵緝一面將交審各案逐一審明

那文毅公初任直隸總督奏議 卷三十八 全

具奏並傳諭提督徐錕亦以緝拏逆犯爲要本年亦無庸來京慶賀該督與該提督如果能於年內將祝現等犯拏獲奏報朕必特子恩施彼時再來京謝恩可也欽

此同日又奉

上諭該省各鎮總兵例應年班二人來京著那彥成卽飭知該總兵等本年俱無庸來京各在所轄地面將各逆犯上緊緝捕如緝獲要犯准令自行押解來京可也欽

此跪誦之下 臣不勝慙急惶悚之至當卽恭錄

諭旨傳諭提督徐錕並飭知該總兵等遵

旨俱無庸進京務以緝拏逆犯爲要各在所轄地面分頭

二八三

上緊訪捕不可稍有疎懈伏查臣日前歲恭奉

諭旨飭查保甲期於詰奸緝匪早淨根株臣實力督辦並

密派文武員弁分路梭織設法購線巡緝時刻期

獲要犯未敢一息踈玩近日內地各屬拏獲傳習

邪教及旗逃軍流等犯均頗不少各屬保甲今冬

又已復查戶口增減又歸著實印口外州縣亦因

均係疎處游氏臣更飭加意嚴緝所有蒙古王公

亦皆感激

深仁極知關係緊要亦能各率所屬屢有獲送逃遁之案

昨又於西山之內恐未搜到分派三十餘員弁認

那文毅公初任直隸總督奏議卷三十八 全

真查拏雖亦有盤獲尋常匪犯而於要犯終鮮弋

獲實深焦灼欽奉

諭旨不准臣及提督總兵等進京慶賀

飭令上緊偵緝愧悚之餘倍深憤悶臣惟益凜遵

聖訓再行設法督飭所屬員弁加緊訪緝萬不敢稍存絲

毫懈怠之念上貢

鴻慈臣面仍將應行擬結各案督同兩司分別迅速審奏

其餘地方應辦事件亦均上緊督催切勿因循疲

玩務更殫竭血誠以冀仰副

聖主諄切訓誡之至意謹

奏奉

硃批忠孝二字時刻毋忽勉力嚴緝切勿因循甘心居百

齡之下非廣庭之孫矣

嘉慶二十年十二月十七日

奏臣備員畿輔夙夜兢惕深懼稍負

委任仰托

聖主洪福直省本年秋收一律豐稔為十餘年來所未有

現經臣飭據藩司錢臻詳報本節年地糧徵收七

分有餘欠收二分有餘業經循例具

奏臣體訪各屬糧價平減轉有穀賤妨農之虞恐輸納

那文毅公初任直隸總督奏議卷三十八 全

不能踴躍仍飭道府廳州各率所屬將欠收分數

上緊徵解務於來年奏銷以前全數徵完以符定

額至節次欽奉

諭旨交審內控各案經臬司盛泰率同首府及各委員上

緊趕辦均已陸續具奏截至建昌縣附生鄒涓呈

控天極聖教一案為止所有本年奉

旨交審案件均已掃數全完只有本月初十日准咨解到

李劉氏呈控一案現因人証卷宗未經到齊未能

審辦此外並無未完之案惟最要次要各逆犯現

經臣嚴檄各屬並密派文武員弁分路設法躡緝

時刻督率稽察惟期迅淨根株早

宸厯各屬員弁亦咸知奮勉緝捕拏獲逃旗逃遣逃軍逃

流共計三十餘名而於要犯究鮮弋獲臣焦灼之

餘益切慙悚惟益督飭各屬加意偵緝萬不敢稍

有因循疲懈以冀保副

諄切訓勉之至意謹

奏奉

硃批實心實力必見功效勉之

那文毅公初任直隸總督奏議

卷三十八

九

那文毅公初任直隸總督奏議卷三十八

那文毅公初任直隸總督奏議卷三十九目錄

卷三十九

飭緝逆黨

那文毅

直隸總督奏議

目錄

一

那文毅公初任直隸總督奏議卷三十九

男容安恭輯

飭緝逆黨

嘉慶十九年三月十九日

奏為查明東明等縣拏獲土獍名數訊明辦理彙摺具

奏事竊照上年滑縣賊氛甫靖之後所有與該縣

毗連之直隸大名府屬東明長垣并附近清豐等

縣曾有無業土匪結隊成羣放火搶掠鄉民呼為

土獍而山東曹縣一帶亦有此種匪犯因該犯

等於大兵未撤之時膽敢放火搶掠實屬愍不畏

那文毅公初任直隸總督奏議卷三十九

臣必須嚴辦示懲當飭文武員弁嚴密查拏一面

與山東撫臣同興商酌拏獲此等匪犯到案訊明

放火搶掠在三次以上者為首之犯即按軍法梟

首示眾為從及搶竊一二次為首者概行發往新

疆為奴若僅止隨眾偷竊並無放火情事予以杖

枷隨奏蒙

硃批自應如此嚴辦欽此欽遵在案嗣經藩司素納大名

道屠之申大名府知府劉寶第提督馬瑜正定鎮

總兵徐錕督率東明長垣清豐等縣文武員弁先

後拏獲土獍一百九十二名訊明搶竊次數照依

奏定章程分別擬以斬梟發遣枷杖內有吳大士一犯

為首起意糾搶至十一次之多並用火燒逼事主

情節較重擬以凌遲處死先後錄供開單呈報前

來均經臣查照原奏核覆批示辦理惟查此等匪

犯間擬斬梟發遣係因軍務甫竣人心未定暫時

懲創起見未可日久為例今東明等縣一帶地方

已經安靜匪徒亦知斂跡即有搶竊之案未便仍

照軍法辦理臣已飭該縣等照常訊供通報按照

定例擬議解勘以昭限制并繕土獍名數清單敬

呈

那文毅公初任直隸總督奏議卷三十九

御覽謹

奏奉

硃批刑部知道

謹將拏獲訊辦過東明等縣土獍名數開列清單

恭呈

御覽

訊明放火搶掠三次以上為首間擬凌遲人犯

吳大士一名斬梟楊岱等二十六名

訊明放火搶掠三次以上為從及搶竊一二次

為首間發新疆為奴張卯等十八名

訊明僅止隨衆偷竊並無放火情事聞擬枷杖
盧二禿等一百四十七名

嘉慶十九年三月二十九日

奏爲遵

旨查審定擬具奏事竊臣承准軍機大臣字寄欽奉

上諭劉鑾之等奏據已革巡檢陳紹榮呈遞稟帖內稱據
被誘入教會經自首之劉會昌告知滄州李村地方岳
輔戴邦彥等係傳教頭目曾經天津鹽政審辦僅將吳
齋念佛等情結案岳輔等全行釋放並據李村處巡檢
告以鹽政查拏各犯解訊時於戴姓家內搜出永鎮大

那文毅公初任直隸總督奏議

卷三十九

三

清榜一部盡係悖逆之詞知州取去並未呈出岳輔戴
邦彥李發等竟安然無事今於二月內岳輔等心懷劉
會昌出首之恨帶同伊子及戴邦彥等將劉會昌攢毆
洩忿控告有案並稱戴邦彥係青縣興濟鎮曾任職官
之路老手下頭目入教之人甚多等語此案著交那彥
成秉公迅速查辦不准遲延岳輔戴邦彥等是否實係
邪教案犯該鹽政於審辦時有無疎縱情弊其搜出之
永鎮大清榜邪書一部既據稟稱係該州知州取去匿
未呈出著那彥成派員確查如果係該州藏匿未呈
即將該州革職拏問邪書封送軍機處並著查明劉

會昌會否被岳輔等挾嫌攢毆其青縣興濟鎮居住之
路老是否係邪教匪徒有無傳授徒衆情事查明據實
覆奏毋稍徇隱所有順天府原奏及陳紹榮原稟仍著
發交閱看欽此臣遵卽飭委天津鎮總兵祥啓天津道

李鑾宣宣化府知府盛泰會同前往滄州嚴密查
辦嗣據祥啓等查明岳輔戴邦彥李發會拜季八
爲師學習義和門教上年經滄州知州莊詠查拏
并據劉會昌赴京首告經長蘆鹽政飭州解部審
辦結案並非鹽政訊結至該州莊詠往拏各犯之
時會在戴真先家查出手抄破書一本有永鎮大

那文毅公初任直隸總督奏議

卷三十九

四

清那無量福壽綿語句因無違悖字迹未經併解
現在附卷本年二月內劉會昌與岳輔之子岳中
峰等爭吵致被毆傷赴李村巡檢衙門控告該巡
檢虞俊送州審係口角相毆分別杖責完結又查
得青縣興濟鎮人路老曾任外委因年老告退路
老素患氣逆病症拜素習佛門教之吳二卽吳久
治爲師學習週身按摩之法並未傳徒並查明季
八經部審結後並未回家戴真先旋卽病故將應
訊各犯查拏到案檢同各卷并戴真先家起出原
書稟解到省適陳紹榮解往新疆路過保定府臣

當卽截留飭調應質各員到案督同司府親提逐一研審緣岳輔籍隸滄州與戴真先戴邦彥郝明遠王寬李興李義李發李八等曾從青縣民季八習義和門教嘉慶十八年十一月內經該州知州莊詠查拏並在戴真先家內搜出破書一束內有手抄破爛無名舊書一本寫有永鎮大清邦無量福壽綿語句均係鄉愚鄙俚頌禱之詞並非邪書時有州民劉會昌在京首告岳輔等習教經長蘆鹽政奉文飭拏該州將岳輔等申解鹽政解京起獲書籍因無違悖字迹未經併解經刑部訊明季

那文毅公初任直隸總督奏議 卷三十九 五

八與岳輔等向係鍊習坐功運氣並非邪教問擬杖責奏明完結季八並未回家戴真先旋卽病故十九年二月內劉會昌被岳輔之子岳中峰岳中嵐毆傷赴該州李村巡檢虞俊衙門控告送州審訊委因口角細故劉會昌受有微傷將岳中峰等責懲完案又有青縣民人吳二卽吳久治係祖傳佛門教不分男女以按摩治病惑人漁利並不持齋念誦經咒吳二與同縣告退外委路老誼屬瓜葛時相往來嘉慶十五年間路老因患氣逆病症吳二勸令入教路老卽拜爲師鍊習坐功運氣及

按摩週身穴道之術並未傳徒嗣路老之妻老徐氏媳小徐氏亦從吳二入教吳二又收同縣人于世洪張學孔張升張老七四人爲徒已革巡檢陳紹榮於上年被叅之後因順天府尹風聞該處有習邪教之人發給印票盤費令其前往躡訪陳紹榮行至滄州與劉會昌途遇閒談劉會昌將在京自首入義和門教拜季八爲師學坐功運氣並與岳輔之子岳中峰等鬪毆涉訟之事向陳紹榮告述陳紹榮詢問路老是否同教劉會昌答以並不認識聽聞亦係同教陳紹榮復向李村巡檢虞俊

那文毅公初任直隸總督奏議 卷三十九 六

詢知上年該州拏獲戴真先時起出書本有永鎮大清邦之語陳紹榮認聽爲永鎮大清榜疑係邪書隨書寫稟帖托署蘆溝司巡檢潘炯在順天府尹衙門投遞奏奉

諭旨交臣查辦當卽飭委天津鎮道並宣化府知府盛泰馳赴滄州查明稟覆拏獲各犯檢同起獲原書押解來省陳紹榮因另案擬發新疆路過保定經臣截留並調集應訊各員到案督同司府逐一研審據各供晰前情如繪覆詰不移案無遁情查陳紹榮所稟岳輔等習教之處業經該州獲解刑部審

明定擬奏結岳輔之子岳中峰等與劉會昌口角
鬪毆亦經該州訊實完案有卷可查至所指戴真
先家搜出永鎮大清榜逆詞現經查出原書逐細
翻閱寫有永鎮大清邦語句委係鄉民頌禱節俚
之詞並非違悖逆書即路老亦僅從吳二習教並
未傳徒惑眾陳紹榮所稟不為無因該參員已於
另案擬遣請免重科並飭清苑縣即行起解吳二
沿習祖傳佛門教鍊習坐功運氣並以按摩治病
為由惑人漁利復傳授路老與其妻媳一同入教
似此男女混雜若容留內地易於惑眾滋蔓吳二
即吳久治應請照左道惑人為從例發新疆給額
魯特為奴路老係告退外委罔知守法既自拜吳
二為師復聽任妻媳一同入教殊屬寡廉鮮恥該
犯曾任職官未便於吳二遣罪上減等擬徒應請
革去外委發往新疆永遠充當苦差吳二祖母趙
氏并妻劉氏及路老妻媳隨同入教業已罪坐夫
男請免置議仍飭縣傳喚吳趙氏等到案取具悔
過甘結責成附近親屬保領管束如再有習教
不法情事即嚴拏究辦吳二之徒于世洪等四名
飭縣查拘到案究明有無傳徒惑眾另行擬結劉

那文毅公初任直隸總督奏議

卷三十九

七

會昌首告岳輔等習教業經刑部訊擬奏結現在
訊明岳輔等並未復敢習教應毋庸議原任滄州
知州莊詠並無藏匿邪書業因另案經鹽政厲惠
參奏革職亦毋庸議巡檢虞俊等飭令回任供職
全案供招咨部並將順天府尹原奏及陳紹榮原
稟并在戴真先家起獲原書封送軍機處謹
奏奉
硃批刑部議奏
嘉慶十九年五月二十二日
奏為遵
那文毅公初任直隸總督奏議

卷三十九

八

旨查審明確定擬具奏事竊臣欽奉
上諭本日步軍統領衙門奏盤獲清河縣人張九存據供
該縣城外紅河里莊有任明雲同子任軍師係屬邪教
並行在邛家莊地方居住之邛老尙邛小兒荔子莊居
住之張舉等均係入教之人在任明雲家夜聚曉散伊
姪張得幅張得祿及張梅張柯亦同在教張得幅等先
曾勸伊入教伊因畏累赴京首告經張得幅等勸回及
至到家張得幅等又欲將伊謀害是以此次復來舉首
並稱任軍師係逆匪林清滋事案內劉大功之徒等語
除將張九存交刑部訊問外著那彥成刻即派員前赴

清河將任明雲任軍師拏獲究明所習何教有無不法情事並將從伊入教各犯一併傳訊究明張得幅等如何入教及謀害張九存各情一併查明由驛具奏不准因循其原告張九存刑部訊供後仍令解交直隸歸案質訊英和等原摺著抄寄閱看欽此當即飭委署順德府知府阿霖深州知州凌泰交前往會同廣平府知府彭應杰督同清河縣知縣黃湘寧查明縣屬境內並無紅河里莊惟有洪可村該村有任明雲暨伊子任尙有又查邙家莊有邙老尙暨伊子邙能青並無任軍師邙小兒其人隨將任明雲邙老

那文毅公初任直隸總督奏議 卷三十九 九

尙父子及張九存指控之張舉等一併拏獲搜查任明雲等家內並無不法經卷符咒及違禁器械等物研訊任明雲等均係莊農良民並無習教傳徒張得幅等亦無謀害張九存情事其劉大功一名該縣上年訪聞王湖莊有劉功習教當經獲案審訊劉功倚恃年老並不承認嗣奉前署督章煦檄飭接准山東撫臣同興咨會德州拏獲匪犯郭為畛供出劉功係屬教頭咨提質訊該縣簽差起解詎劉功行至景州地方因病身故似即係張九存所指之劉大功該縣將任明雲等備文申解

並准刑部將張九存遞解到省隨飭發臬司錢臻督同保定府知府盛泰等審擬詳解前來臣隨提集應訊人等親加研鞫緣張九存籍隸清河縣素行無賴先曾充當縣役悞削草退嗣有堂兄張九鎧挾嫌捏姦污巖族婦張高氏赴都察院具控張九存為其抱告訊擬杖責咨部結案其總麻服叔張梅張柯與任明雲誼屬瓜葛邙老尙係張九存孀居總麻服婦張顧氏妹夫張舉即張瑯係張九存孀居親嫂張張氏胞弟張得幅張得祿即張張氏之子均係張九存期親服姪向俱莊農度日嘉

那文毅公初任直隸總督奏議 卷三十九 十

慶十八年五月十三日張九存飲入醉鄉往向親嫂張張氏借錢時張張氏在家獨處張九存麩蕩迷心向氏撲抱調戲張張氏不依喊罵經族姪張偉聞聲趕至將張九存拉走張張氏尾追用頭向撞張九存拾磚嚇擲未中適張張氏之子張得幅等回家瞥見因畏張九存兇橫未敢與較次日張張氏歸向胞弟張瑯哭訴往找張九存理論經張九存胞兄張清源服禮勸息又是年八月初二日張九存存在集買得邙老尙耕牛一隻言明大錢二千約俟下集初七日給價至期邙老尙與張九

存在集撞遇向索無償因不知張九存住處卽往
向妻姊張顧氏述知囑其引至張九存家將牛牽
回張九存遷怒張顧氏堵門辱罵經張顧氏告知
張九存之服叔張梅張柯將張九存責處又是年
九月十二日張九存見任明雲在集賣線向借錢
文未遂卽向混罵任明雲數說其非並欲扭住送
官經衆勸散又是年十二月內張九存招留素識
之曲周縣乞丐袁坤與子袁良才并安徽靈璧縣
人范西城在家居住十九年正月間張九存赴京
找尋伊姪張第二外出其留住之乞丐袁坤旋卽

那文毅公初任直隸總督奏議

卷三十九

十一

患病張得幅係屬隣居慮恐受累邀同張柯進京
將張九存找回袁坤業已病故張得幅等囑將袁
良才范西城驅逐張九存欲令給錢始允遣散適
值該縣編查戶口經張梅張柯將袁良才范西城
稟縣訊明遞籍此張九存素不安分及與任明雲
等挾嫌之原委也閏二月內張九存復又進京聽
聞各處查拏邪教因任明雲等素有嫌隙起意誣
告拖累洩忿尙未具呈卽被步軍統領衙門拿獲
審問張九存卽誣指任明雲同子任尙有念經學
好邱老尙等聽從入教因不知任明雲邱老尙之

子係屬何名隨捏名任軍師邱小兒并捏稱張得
幅商同邱老尙等欲將伊謀害又憶及該縣上年
冬間拏獲劉功一名解往山東審辦妄指任尙有
係劉功之徒將劉功錯供劉大功經步軍統領據
供具奏欽奉

諭旨交 臣派員查拏究辦委據署順德府知府阿霖等將
任明雲等傳到查訊均係莊農良民並無入教傳
徒謀害張九存情事搜查各家均無不法經卷符
咒及違禁器械等件一併稟解並准刑部將張九
存遞解來省飭委臬司督同保定府等審明擬議

那文毅公初任直隸總督奏議

卷三十九

十二

解勘前來 臣親提研鞫各供前情如繪究詰不移
案無遁飾查張九存素行無賴曾向親嫂張張氏
撲抱調戲賒買邱老尙牛隻指不給價迨邱老尙
將牛牽回復遷怒張顧氏指引之非堵門辱罵又
因向任明雲借錢不遂懷忿混罵并容留外來乞
丐袁坤等在家居住經張張氏之弟張琚張顧氏
夫弟張梅張柯理論責處張得幅又將乞丐稟官
驅逐該犯不自知罪膽敢因此挾嫌妄供任明雲
父子念經學好邱老尙等聽從入教冀圖拖累甚
至誣及親嫂張張氏總麻服叔張梅等全家男婦

殊屬不法查所供各情節惟所指任尚有係逆匪
林清滋事案內劉功之徒一節最為重大如果屬
實任尚有應依左道惑人為從例發額魯特為奴
今訊係子虛自應按律坐誣張九存除訓姦親嫂
罪止擬流輕罪不議外合依誣告充軍抵充軍役
律應改發新疆充當苦差而刺外遣二字以昭炯
戒任明雲等均訊無罪傳徒及謀害張九存情
事應毋庸議並將供招咨部謹

奏奉

殊批刑部議奏

那文毅公初任直隸總督奏議

卷三十九

七

嘉慶十九年七月初六日

奏為遵奉

諭旨委員慎密查辦恭摺覆奏事竊本月初五日承准軍

機大臣字寄欽奉

上諭本日明亮奏伊車夫延福拾獲匿名揭帖一件內控
告獻縣知縣張翔素同林清一黨上年馮克善往投張
翔張翔將其縛獻今陸授河間知府白蓮教定於七月
二十日自河間府交通起手等語上年拏獲馮克善解
京屢經部臣研審嗣復經廷訊若果有與張翔同黨往
投被其縛獻情事馮克善豈肯不據實供明以洩其恨

其為挾嫌誣扳情理顯然除已交步軍統領嚴拏投遞
匿名揭帖之人外但既有此許告並有七月二十起事
之說為時甚近不可不密為訪查著那彥成即時派委
委員迅速前往河間密查該處有無逆黨勾結形迹或
投遞匿名揭帖之人到京投遞後又已潛赴該處並著
一體訪拏再查張翔近日曾否拏有逆案內人犯或未
經詳辦又行放走致令乘間來京計圖反噬又或張翔
之幕友長隨書役有被其權逐責草者造為此語報復
傾陷均密行飭知委員令其逐一細訪得有端倪密拏
嚴究那彥成一經接據稟報即先行由驛覆奏所有匿

那文毅公初任直隸總督奏議

卷三十九

七

名揭帖照抄發給閱看此事甚有關係汝切勿因循片
刻勉力速辦欽此遵查獻縣知縣張翔拏獲馮克善一
案因據景州拏獲引送馮克善之劉天祥劉哲二
名到省審出馮克善往獻縣一帶地方飛飭緝拏
該縣張翔訪得縣屬冉家三角村有一人在彼賣
藥形迹可疑會同把總典史前往拏獲訊據供稱
名劉德朋帶有劉姓祖遺
詰軸張翔因其年貌服色與飭緝之馮克善相符其時尙
未確知其為馮克善至押解到省提同劉天祥等
質訊馮克善方肯供認所帶

誥軸係在劉天祥家攜取希圖護身為劉姓憑據經前著

督_臣章煦繕摺具奏一面遵

旨解京審辦是馮克善確係張翔於獻縣之冉家三角村

地方拏獲並非馮克善往投張翔致被縛獻已屬

可信至上年馮克善解京後節經部_臣研審並經

廷訊果與張翔同黨往投被其縛獻誠如

聖諭馮克善豈肯不據實供明是匿名揭帖出於奸徒已

邀

聖明洞燭惟既有此匿名之帖轉不可不確切究明以釋

外間浮議查現在河間府各州縣具稟公事皆稱

那文毅公初任直隸總督奏議

卷三十九

去

地方靜謐自上年林清案後所有滋事亂民均經

掃滅無遺雖各州縣曾有被誘愚民入教喫齋之

事近亦極知懼怕大半首官出具悔結而今年大

秋豐稔民氣甚覺恬熙並無別情所稱七月二十

日自河間起事之說似不足信查清河道韓文綺

先經_臣委赴河間審辦景州呂占魁首告葛錫華

等一案適於初四日旋省今_臣又密詢該道地方

情形據該道亦稱二十日之說實無影響_臣即恭

錄

諭旨密飭該道欽遵

指示情節詳細慎密訪查務將匿名訐告之人拏獲此事

自不難水落石出至原帖仍懇

皇上發下以便臨時核對筆迹_臣惟有謹遵

指示嚴速辦理斷不敢稍事因循致煩

垂厘謹

奏

嘉慶十九七月初八日軍機大臣字寄奉

上諭那彥成奏查辦匿名揭帖一摺內稱河間府各州縣

具稟公事僉云地方靜謐此言皆係虛詞不過地方官

酬應上司為此粉飾之語豈可信以為實至稱自上年

那文毅公初任直隸總督奏議

卷三十九

去

林清案後所有滋事亂民均經掃滅無遺此則尤為謬

妄上年林清案內逃逸逆犯如祝現等六名及其餘五

十九名皆日久稽誅並有會預逆謀漏網不知姓名如

現經拏獲之李添相等類此者想仍不少那彥成能保

河間境內竟無一人漏迹藏匿耶一府如此他處亦然

那彥成身任直隸總督現當責成搜拏逸犯緊要之際

豈可率聽屬員浮詞心存怠忽惟當激發天良督飭所

屬上緊查緝總期盡獲逸犯勿徒以空言塞責至此案

投遞匿名揭帖之人務設法訪獲研究確情其原帖著

分半發給以便獲犯時比對筆迹

嘉慶十九年七月十四日

奏為恭摺奏

聞事竊查河間府知府張翔被人匿名許告與林清係屬

同黨馮克善因往投張翔致被縛獻一案前奉

諭旨著臣派委委員前往密查等因當委清河道韓文綺

前往查辦并繕摺奏蒙

聖鑒茲張翔因奉部調取引

見來省請咨臣接見之下試問當日拏獲馮克善并現在

地方有無習教各情形張翔應對如常毫無疑懼

臣現留在省暫緩給咨一面遵照前奉

那文毅公初任直隸總督奏議

卷三十九

七

指示情節詳細辦理至張翔居心忠厚實非狡詐之流其

才具亦不能開展將來引

見時自蒙

聖明鑒察又訪其平日所延幕賓及往來親友並長隨書

役人等因其為人長厚相待並不刻薄均無怨尤

近日亦無拏有逆案人犯未經詳辦復行放走之

事至上年拏獲馮克善實係張翔訪聞冉家三角

村有一人在彼賣藥形迹可疑會同把總典史拏

獲時有武生張光仲帶領數人趕至相幫並未在

場網縛捉拏適省中委員向劉天祥等究出馮克

善逃往獻縣行文緝拏張翔查對年貌衣服與現

獲之犯相符覆訊仍不承認而獻縣教諭傅曾啟

聞知張翔獲得要犯往懇於稟內列名作為協緝

張翔不敢捏冒當即回覆嗣將馮克善解省質認

明確經前署督臣章煦奏明解部審辦張翔奉

旨超陞知府該教諭傅曾啟因未得冒功邀

恩頗有煩言武生張光仲亦向挾詐張翔以張光仲事後

趕至幫捕究屬急公酌賞銀兩傅曾啟又唆令張

光仲以分賞不公等情赴河間府具控前府景慶

正在訊究即值交卸張翔到任未幾京中隨有匿

那文毅公初任直隸總督奏議

卷三十九

六

名許告之案並據清河道韓文綺查得獻縣同城

文職除典史外主簿訓導俱係新近更換惟教諭

傅曾啟與張翔係舊日同官傅曾啟之弟傅曾來

充當順天府尹書吏於六月初一日自獻縣進京

至獻縣實在安靜無事其餘情節與臣訪聞相同

查該教諭傅曾啟希圖冒功邀

恩央懇張翔於拏獲馮克善稟內為其列名因張翔不允

噴有煩言并唆令武生張光仲控告其與張翔挾

有嫌隙已可概見查傅曾啟住家順天府衙門內

與明亮住宅相近許告張翔匿名揭帖即係明亮

車夫延福所拾誠難保非傅會啟主令伊弟傅會來所為並恐車夫延福亦有知情串通情事從此根究或可得其端倪臣現飭清河道韓文綺再提張光仲研訊傅會啟究竟如何唆令控告并再加嚴密訪查一面密寫信與步軍統領順天府尹嚴拏傅會來到案訊問令其書寫字迹核對並傳喚延福質訊有無知情串通各情並即解直歸案審辦謹

奏

嘉慶十九年七月十八日軍機大臣字寄奉

那文毅公初任直隸總督奏議

卷三十九

九

上諭那彥成奏查訪河間府知府張翔被人匿名訐控一案訪出上年該府拏獲馮克善時曾有獻縣教諭傅會啟欲圖捏冒邀功懇其列名協緝因該府回覆未允頗有煩言會唆使武生張光仲控告張翔分賞不公傅會啟之弟傅會來曾充當順天府書吏於六月初一日自獻縣進京其家即住順天府署內與明亮住宅相近種種可疑難保非傅會啟主使伊弟傅會來所為等語傅會啟冒功未遂銜恨張翔伊弟傅會來又形迹可疑那彥成所見甚是當經面諭英和會同順天府密行查究本日據英和等奏傅會來即傅泰交會充順天府書吏

於十七年因事斥革現在並未居住府署本年六月間曾有劉姓書吏遇見傅會來在正陽門外客店居住嗣復移任伊戚蔣廷揚家傳到蔣廷揚訊問據供傅會來於六月二十日到京二十六日移居伊家二十七日說赴順天府找人至七月初三日仍回伊家居住現於十二日已赴涿州南門內找任姓家看望等語此件匿名揭帖明亮車夫係於初二日檢獲正在傅會來二十七日赴順天府找人之後初三日回蔣姓家之前看來此事係傅會來所為無疑現在英和等已派番役前赴涿州查拏但恐該犯或由涿州又往獻縣亦未可定著

那文毅公初任直隸總督奏議

卷三十九

十

那彥成即速派員前往獻縣傳會啟教諭署內嚴密查緝並多派員役在於涿州至獻縣一帶沿途截拏務期弋獲其教諭傅會啟即著解任交那彥成提至省城研究並派員在伊署中檢查伊兄弟字迹書信以憑核對一經訊有確供迅速覆奏

嘉慶十九年七月二十三日

奏為訪獲匿名揭帖河間府張翔案內形迹可疑之傅會來一犯審訊大概供情先行奏

聞事竊查張翔被匿名揭帖一案前經臣訪出曾有獻縣教諭傅會啟於張翔拏獲馮克善時欲圖列名冒

功張翔不允因生嫌隙使武生張光仲控告張翔分賞不公傳會啟之弟傅會來曾充順天府書吏於六月初一日自獻縣進京其家即住順天府署內與明亮住宅相近形迹可疑等情具奏蒙

皇上飭令英和等查訊傳會來已於十二日前赴涿州著

臣嚴密查緝並將教諭傅會啟解任提省研究當

經一面遵

旨飛飭清河道韓文綺將傅會啟解任即在其家內檢查

字片比對筆迹並將武生張光仲一千人等俱令

核對筆迹一併押解來省訊辦一面密飭各屬查

那文毅公初任直隸總督奏議 卷三十九 三

擊傳會啟之弟傅會來務獲究辦旋據保定府知

府盛泰稟稱已將傅會來在省城客店內訪獲到

案臣當令該犯自寫供詞比對筆迹不符訊據供

稱大興縣人三十四歲原名傅泰交充當順天府

書吏因遲悞公文草退於上年十月赴胞兄傅會

啟教諭任所開住本年六月欲進京謀食於初一

日自獻縣起身初八日到京在楊梅竹斜街慶雲

店暫住四日搬至親戚蔣廷揚家居住時常進城

出城探望親友至二十七日復進城赴順天府衙

門東公廨相好之仇七家暫住常在順天府衙役

班房往來並在該班房住宿一夜於初三日仍至

蔣家商允蔣廷揚邀約涿州居住之任光祖移開

錢舖即於十二日前赴涿州與任光祖相商未妥

任光祖託伊來至保定代李永清出典租房甫經

投店即被盤獲等語臣查該教諭因張翔不允冒

功即唆令張光仲出頭具控現據韓文綺稟稱究

出該教諭於本月十二日又囑令生員馬樹轉寄

張光仲緝擊匪徒論帖一張倒填十一月初九日

期當此查辦唆告之時尚欲行此巧狡是早計及

揭帖案發預為冒功地步更屬可疑而伊弟傅會

那文毅公初任直隸總督奏議 卷三十九 三

來又於檢獲揭帖之前後數日在該處左近遊蕩

閒住其為該教諭寫就揭帖囑令乘空投遞更屬

顯然現在該教諭尚未提解到省連日研究傅會

來堅不承認惟稱自六月二十七日進城在仇七

家住宿四夜在順天府差役班房與柳英王文奎

周老曹二張大等同宿一夜詰其究係何夜則稱

不是二十九即是初一訊其何事不能指出又問

以初二日早有何處僅稱與該班役等閒話初二

日一早並未他往此節更屬狡展又訊以京師各

大臣住宅伊大半識認問至明亮住宅何處即稱

不知再三詰訊又稱與明宅車夫閻姓認識閻延字音相同或即係延福亦未可知至車夫原係竊人縱使識字亦何能知係匿名揭帖且初二日於何時何地檢獲該犯既有識認閻姓之供亦應從此根究查該犯穿用白綢大衫紅裏青緞套褲大穗褲帶服色邪靡素非安分之徒身軀怯弱難以驟加刑訊案情較重不厭精詳應請

旨勅下順天府將柳英王文奎周老曹二張大並仇七傳

案訊明該犯究係何夜在班房住宿初二日早究竟曾否他往有無可疑形迹並車夫延福一併錄

那文毅公初任直隸總督奏議

卷三十九

三

供

飭發以憑質訊謹

奏

嘉慶十九年八月初七日

奏為訪獲匿名揭告形迹可疑之教諭傅會啟等訊非正犯先行擬結以省拖累事竊照本年七月初二日明亮車夫閻福檢獲匿名揭帖控告河間府知府張翔係林清匪黨馮克善往投被其縛獻後復有教匪與張翔交通於七月二十日起手等情一案奉

旨令^臣嚴密查拏究辦經^臣訪出獻縣教諭傅會啟於張

翔拏獲馮克善欲圖冒功會唆使武生張光仲等控告張翔分賞不公伊弟傅會來於六月內自獻縣進京其家即住順天府署內與明亮住宅相近形迹可疑當經飭委清河道韓文綺馳赴獻縣查閱傅會啟署內字片比對筆迹並請將傅會來七月初一二日同住之仇七等傳喚質訊各等情先後奏蒙

聖鑒在案嗣據該道韓文綺於傅會啟署內檢查伊弟兄叔姪平素字片並傳令鬥學書及在學署往來

那文毅公初任直隸總督奏議

卷三十九

三

之生員等各自書寫供詞比對筆迹俱不相符隨將傅會啟等押解來省並據刑部將仇七並明亮車夫閻福解送到案^臣督同司道保定府連日隔別研訊緣傅會啟係大興縣人中式乙卯科副榜考充教習議敘知縣自行呈請就教選授獻縣教諭上年十一月奉文緝拏逆匪傅會啟即出示文武生員幫同緝拏並會向張翔而托如有拏獲逆匪列名協緝希冀得功十二月初五日張翔拏獲馮克善時傅會啟在府送考未經列名傅會啟因失悞機會頗生惋惜迨張翔奉

行趨陞知府出貲賞給頭役張廣輝銀二百二十兩散役
四人各銀八十兩幫同緝拏之民人趙爾在王蘭
張敬趙文彩張廣彩五人銀各二十四兩其僅止
在外跟隨之張廣成張文達武生張光仲均未賞
給詎張光仲等以差役得賞獨多於正月十一日
赴河間府具控因批交張翔查覆不敢回縣卽進
京欲行具控經頭役張廣輝央人勸回各分給銀
十餘兩遞呈息案後傅會啟復於二月內令門斗
王廷簡往喚張光仲囑其在學署再控欲圖詳明
上司續賞武生拏獲逆犯教官藉可得功因張光

那文毅公初任直隸總督奏議 卷三十九 五

仲患病不能進城旋卽中止迨七月初十日清河
道韓文綺馳赴河間查知張光仲曾有控告分賞
不公之事疑其投遞揭帖託詞續賞前功將張光
仲等傳喚到府傅會啟在縣聞知復生羨慕寫就
緝拏逆犯諭帖倒填上年十一月十九日期交生
員馬神寄交張光仲呈出妄希僥倖得功及詰其
如何書寫揭帖則極口呼冤堅供實無其事臣查
傅會啟預囑張翔列名協緝未遂所欲已難保其
不生嫌怨嗣復傳喚武生張光仲赴學呈控復於
查辦之時補給張光仲倒填月日諭帖而伊弟傅

那文毅公初任直隸總督奏議 卷三十九 五

曾來又適於六月進京於檢獲揭帖之前後數日
均在明亮住宅左近借住種種情節均屬可疑復
連日督率司道等逐層熬訊據傅會啟供稱張翔
拏獲馮克善之時伊在府送考斷無列名之理張
翔亦會向解說本無可挾之嫌其喚令張光仲赴
學呈控亦因張翔趨陞知府欲藉張光仲呈詞稟
請上司續敘前功張光仲因病未至業經中止迨
至七月初九日聞清河道有傳喚張光仲續賞前
功之信始行補給諭帖總因母老家貧急欲陞官
起見與張翔毫無嫌怨何至遽生陷害之心自冒
重罪投遞匿名揭帖只求詳情並據傅會來供稱
伊於六月初八日卽已到京如果有攜帶胞兄囑
遞揭帖豈肯遲至七月初二日投遞且七月初一
日伊在仇七家內住宿初二日早日出後始行出
門有仇七可以訊問至前供認識之車夫閻姓係
養車之戶現在到案之車夫閻幅素不相識實無
串通投遞揭帖之事實之閻幅供亦相同並查閱
刑部錄取仇七供詞傅會來實係初二日早出日
後始行出門而閻幅係於日出時檢獲揭帖細心
推鞠檢獲揭帖在前傅會來出門在後其非該犯

投遞似尙可信查投遞匿名揭帖之人居心險詐
本圖陷害無辜洩已私忿必需確查正犯嚴加究
辦始足以示懲警現在傅會啟等既經逐一訊無
確據自應先行擬結以省拖累惟傅會啟希冀邀
功既傳喚武生呈控事後仍倒填月日補給諭帖
身膺師鐸唆詞倖功實屬不堪應請

旨革職以正風化武生張光仲於細拏馮克善並未在場
輒藉曾經在外附和即以分賞不公邀人呈控殊
屬多事應予褫革示懲餘屬無干概予省釋仍一
面飭委幹員嚴密查拏正犯並請

那文毅公初任直隸總督奏議

卷三十九

三

旨飭下步軍統領順天府五城一體訪緝務獲究辦謹

奏

嘉慶十九年八月初八日軍機大臣字寄奉

上諭那彥成奏訪拏匿名揭帖形迹可疑之教諭傅會啟
等訊非正犯先行擬結等語此案傅會啟既因張翔拏
獲馮克善超陞知府希冀邀功喚令並未在場幫拏之
武生張光仲呈控分賞不公並補給倒填月日緝拏逆
犯諭帖迹涉可疑伊弟傅會來所供七月初二日日出
後始行出門恰在車夫閻幅拾獲匿名揭帖之後其語
亦未可信獻縣教諭傅會啟著革職武生張光仲著褫

革交那彥成再行詳悉研鞫即審明傅會啟等確非呈
遞匿名揭帖之人亦暫時羈禁不可令其逃逸該督仍
一面派員上緊訪察務究出真犯使案無疑義以成信
讞並有旨飭諭步軍統領順天府五城一體嚴緝矣
嘉慶十九年九月十八日

奏為遵

旨覆訊具奏事竊照河間府知府張翔被人匿名揭帖與
林清係屬同黨馮克善因往投張翔致被縛獻等
情一案前經訪獲形迹可疑之教諭傅會啟等訊
非正犯擬結具奏欽奉

那文毅公初任直隸總督奏議

卷三十九

三

上諭此案傅會啟既因張翔拏獲馮克善超陞知府希冀
邀功喚令並未在場幫拏之武生張光仲呈控分賞不
公並補給倒填月日緝拏逆犯諭帖迹涉可疑伊弟傅
會來所供七月初二日日出後始行出門恰在車夫閻
幅拾獲匿名揭帖之後其語亦未可信獻縣教諭傅會
啟著革職武生張光仲著褫革交那彥成再行詳悉研
鞫即審明傅會啟等確非呈遞匿名揭帖之人亦暫時
羈禁不可令其逃逸該督仍一面派員上緊訪察務究
出真犯使案無疑義以成信讞欽此 督同司道將傅
會啟等提至當堂令該革員將如何書寫揭帖造

弟傅曾來進京投遞切實供吐據傅曾啟仍復極口呼冤堅供實無其事臣以傅曾啟喚令張光仲呈告張翔分賞不公並補給倒填月日緝拏逆犯諭帖及伊弟傅曾來適於檢獲揭帖之前後數日均在明亮住宅附近借住種種形迹可疑之處逐一嚴詰據傅曾啟供稱因本年正月內張光仲曾在府控告張翔分賞不公一時糊塗欲喚令在儒學具呈代為詳稟希冀武生有功教官藉得好處張光仲因病未至業已中止迨七月初間清河道傳喚張光仲赴府聞係續賞前功始託生員馬柁

那文毅公初任直隸總督奏議 卷三十九 三

帶給倒填月日諭帖希冀倖邀好處如果先已遣弟進京投遞揭帖豈肯於傳喚張光仲之時補給諭帖自取敗露且本年二月我奉委解送騰錄進京五月始行出京若有揭告張翔之心豈有不自行投遞揭帖而必假手於人之理况我與張翔並無讐隙又何至遽萌陷害之心自冒重罪匿名揭告總因功名念熱欲圖取巧陞官以致種種可疑屢蒙嚴審實不知揭帖內所寫何詞無從默寫等語並據傅曾來供稱伊於七月初一日在仇七家借住初二日日出後始行出門斷無白晝投遞揭

帖之事連日研訊加以掩耳聒鈴俱堅供不移臣查審辦匿名揭帖之案總以默寫語句比對筆迹為憑今傅曾啟所寫親供與原帖字迹迥不相符閻幅所拾揭帖似非該草員書寫至傅曾來在仇七家借住距明亮住宅尚有三里之遙查閱刑部咨開仇七供詞傅曾來係於初二日日出後始行出門車夫閻幅檢獲揭帖係在日出之時是據刑部所錄仇七等供詞閻幅檢獲揭帖在先傅曾來出門在後其非該犯投遞亦尚可信惟傅曾啟始則喚令武生張光仲控告張翔分賞不公繼又

那文毅公初任直隸總督奏議 卷三十九 三

給與倒填年月緝拏逆犯諭帖傅曾來又在明亮住宅左近居住揭帖適係明亮車夫閻幅檢獲誠如
聖諭迹涉可疑傅曾啟業已革職應與伊弟傅曾來遵旨暫時留省羈禁一面上緊訪察究出正犯再行訊辦武生張光仲仍照前奏斥革完結謹

奏奉

硃批嚴審查緝勿懈

嘉慶二十年五月二十五日

奏現在正犯尚未查獲傅曾啟等自上年監禁以來幾

將一載據伊母傅唐氏以老病乏食呈請釋放前來查傅會啟業已革職已足懲其唆訟之罪可否同傅會來提監解回原籍大興縣取具的保釋放之處臣未敢擅便伏乞

訓示遵行仍飭屬訪緝匿名揭帖之犯務獲訊辦謹

奏

嘉慶二十年五月二十七日奉

上諭那彥成奏已革教諭傅會啟等可否釋放回籍等語傅會啟前經唆訟革職已足蔽辜著與伊弟傅會來一併提禁解回原籍保釋

那文毅公初任直隸總督奏議

卷三十九

三

嘉慶十九年七月三十日

奏為審明定擬具奏事竊臣欽奉

上諭據英和等奏有派去委員王大用在交河縣緝獲齊

聞章一犯及伊子齊麟書並起出白旗白蠟杆等件已

由該縣解省審辦該督卽研鞫明確核實定擬具奏欽

此臣查此案先據河間府知府景慶稟稱據前署

交河縣知縣姜人烈稟報風聞齊聞章曾經習教

差拏到案起出遠年破爛十王經一本并烏鎗一

杆繩鞭一條查閱十王經內有黃村進錢糧一語

又有黃村呂祖立至今得興隆天下眾善人掛號

對核同四句其餘並無違悖字樣訊據齊聞章供

稱伊前會念經修好有馮好友馮維新馮其鳳馮

玉千四人拜從為師嘉慶十一年間被馮貴安等

告發經該前縣責處伊具結悔過至所起經卷係

已故姑母孟姓家之物烏鎗等件為防夜所用等

語差傳馮維新馮其鳳到案訊據供稱早經改悔

質之馮貴安等亦稱齊聞章等被伊等控告責處

之後實已悔過並未再犯等語將齊聞章擬杖馮

維新等免議稟府批准保釋嗣據交河縣知縣潘

國詔稟報據步軍統領委員拏獲齊聞章齊麟書

那文毅公初任直隸總督奏議

卷三十九

三

二犯并起獲破舊白布旗一面係舊藍布鑲邊約

長四尺上寫舉止有度鑼鼓齊鳴八字又起出白

蠟杆一根該縣續獲馮維新馮其鳳二名具稟到

府現在提郡審辦等情當經臣批司提省審辦在

案隨行據臬司將齊聞章等及原保人高雲德等

並先後起出白旗等件一併提省該司率同保定

府查驗白旗經卷實係遠年存留之物破爛不堪

旗上并十王經內所寫字句與該縣府所稟無異

隨提齊聞章審訊據稱伊於嘉慶十年間與伊兄

齊聞選拜從獻縣人王朝鳳為師起出十王經係

王朝鳳給與齊聞選經內語句伊不知作何講解亦不曉得黃村在何州縣藍布鑲邊白旗係七八年前祈雨所做烏鎗等件防夜所用齊聞選並孟姓均已故絕等語當即委員馳赴獻縣查拏王朝鳳逃逸無蹤訪得武強縣河南屯等村有民人鄭文顯等係王朝鳳徒弟恐其赴彼藏匿密移武強縣查無王朝鳳蹤迹亦無經卷圖像及不法器械將鄭文顯等拏獲解省據臬司錢臻督同保定府知府盛泰審明定擬解勘前來臣親提研鞫緣齊聞章籍隸交河縣莊農度日與在逃之獻縣王家

那文毅公初任直隸總督奏議

卷三十九

三

鐵坊村人王朝鳳隣村認識王朝鳳常在各處行醫素習一炷香離卦教齊聞章妄信習教可修來世於嘉慶十年間與胞兄齊聞選拜王朝鳳為師王朝鳳教令每日燒香磕頭念誦無字真經歌訣及真空家鄉無生父母八字并送給齊聞選抄寫十王經一本聲言念誦此經可以超度亡魂勸化世人齊聞章轉收現獲之馮維新馮其鳳暨未獲之馮好友馮玉千四人為徒齊聞選並未傳教十一年五月內縣民馮貴安等赴縣首告差拘究訊齊聞章未將王朝鳳供出經該前縣將齊聞章等

杖責取結完案齊聞章等均經改悔十八年九月內齊聞選病故齊聞章將其所遺之十王經一本取回遇有親人物故將十王經念誦該前署縣風聞齊聞章曾經習教差拏到案并起出經卷烏鎗等物查閱經卷並無違悖字樣訊據齊聞章供稱早經改悔烏鎗等物係防夜所用亦未將王朝鳳供出該前署縣將齊聞章問擬杖責稟府批准保釋嗣經步軍統領委員至縣訪聞將齊聞章並伊子齊麟書拏獲並搜出藍布鑲邊白旗一杆白蠟杆一根該縣又續獲馮維新馮其鳳二名同前次

那文毅公初任直隸總督奏議

卷三十九

三

起獲經卷等物稟解來省經臬司率同保定府等查驗起獲白旗上寫有舉止有度鑼鼓齊鳴八字十王經內有往黃村進錢糧一語又有黃村呂祖立至今得興隆天下眾善人掛號對核同四句語涉妄誕此外並無悖逆字樣提訊齊聞章始據供出拜從王朝鳳為師至經內語句不知作何講解亦不識黃村在何州縣藍布鑲邊白旗七八年前祈雨製做烏鎗等件防夜所用復委員馳赴獻縣查拏王朝鳳逃逸無蹤訪得武強縣河南屯等村人鄭文顯等係王朝鳳徒弟誠恐赴彼藏匿經獻

殊

縣密移武強縣親詣鄭文顯等家搜查並無王朝

鳳蹤迹亦無經卷圖像及不法器械將鄭文顯王

洛耀楊九尹洛夫郝得傑等五名拏解來省訊據

鄭文顯供認會因患病請王朝鳳醫痊勸令入教

遂拜為師王朝鳳教伊念過無字真經伊又引進

王洛耀楊九尹洛夫郝得傑四人拜王朝鳳為師

屬實王洛耀等旋因王朝鳳係屬邪教遂未學習

擬議解勘前來臣親提研鞫各供前情如繪恐有

勾結逆匪謀為不法及知情容留藏匿匪犯各情

事嚴究至再加以刑訊矢口不移並令齊聞章等

那文毅公初任直隸總督奏議

卷三十九

五

念誦無字真經歌訣內多荒誕不經之言尙無悖

逆語句現在王朝鳳人嚴等務後聲明即行正法獲無期自應先將現犯定

擬查律載左道惑人為首者絞監候又例載左道

惑人為從者發新疆給額魯特為奴又現獲之犯

稱逃者為首無証佐指認者將現獲之犯照例擬

罪監禁俟逸犯就獲後質訊明確定地起解各等

語此案齊聞章聽從王朝鳳習教傳徒并收藏十

王經卷念誦殊屬不法齊聞章應照左道惑眾為

從例改發新疆給額魯特為奴惟檢閱起出十王

經內有黃村進錢糧及黃村呂祖立等語句如指

殊

宛平縣之黃村而言則與逆匪林清居住之宋家

莊相近誠恐有謀逆情事今嚴訊齊聞章堅供此

項十王經係王朝鳳送給伊兄齊聞選之物該犯

於齊聞選後取回收存並不知經中語句作何

講解亦不知黃村在何州縣等語是否實係王朝

鳳所給現在王朝鳳未獲難保無狡卸避就情事

應將齊聞章牢固監禁俟緝獲王朝鳳質訊明確

再行照例辦理齊聞選聽從王朝鳳習教并收藏

經卷本干例擬業已病故應毋庸議鄭文顯聽從

王朝鳳入教復引進王洛耀等四人共拜王朝鳳

那文毅公初任直隸總督奏議

卷三十九

五

為師殊屬不法應亦按例問擬鄭文顯請照左道

惑人為從例發新疆給額魯特為奴王洛耀楊九

尹洛夫郝得傑等四犯先被鄭文顯誘引拜王朝

鳳為師旋即改悔與左道惑人為從有間均應照

不應重律杖八十加枷號一個月滿日各折責三

十板取具改悔甘結存案如敢復犯加等治罪馮

維新馮其鳳前拜齊聞章為師被馮貴安等稟縣

責處後即行改過應與並未隨從伊父齊聞章入

教之齊麟書均請免議高雲德等因齊聞章前次

犯案後並未復行習教傳徒是以赴縣具保均請

免議逸犯王朝鳳嚴緝務獲究辦十王經卷備案
俟緝獲王朝鳳到案核訊烏鎗等件發回該縣銷
燬文武失察私藏烏鎗及前署交河縣知縣姜人
烈訊供不實各職名分別查取咨參並將案供
招咨部謹

奏奉

硃批刑部議奏

謹按嘉慶十九年九月二十九日

奏報奉

旨飭查劉國旺控告之張三力英雄少林等會派委通永

那文毅公初任直隸總督奏議

卷三十九

三

道盛泰都司圖勒畢善前往查拏奉

硃批覽

嘉慶十九年十一月十八日

奏為遵

旨審明定擬恭摺具奏事竊查良鄉縣屯居旗人劉國旺

赴都察院呈控房山縣住旗張三力擅立英雄少

林會名目併將伊兄劉國安毆傷等情一咨欽奉

諭旨交

臣嚴拏審擬具奏欽此並准都察院將劉國旺遞

解來省臣遵卽派委通永道盛泰都司圖勒畢善

前往將張三力等按名拏獲將查訊過大概情形

於在京時面為陳奏一面委員審辦茲據保定府

知府阿霖審明定擬由臬司李鑾宜解審前來隨

親提研鞫緣劉國旺係鑲白旗印保佐領下漢軍

屯居良鄉縣董家村與屯居房山縣梨園店莊頭

張三力素相認識張三力因每年春間良鄉涿州

一帶有娘娘廟香會捐出已資僱覓鄉間年少孩

童扮演禳劇赴廟進香會畢卽散咸謂年少可觀

稱為少齡勝會並無惑眾歛錢興立邪教之事嘉

慶十九年九月十二日張三力率同伊子張秉公

在良鄉縣琉璃河茶舖喫茶適劉國旺踵至張三

那文毅公初任直隸總督奏議

卷三十九

三

力相邀共飲時劉國旺已醉與張三力閒談口角

致相扭結經眾勸散劉國旺歸向伊兄劉國安告

知十四日早張秉公赴琉璃河趕集與劉國安撞

遇劉國安憶及前情當向混罵張秉公之戚胡爽

趨護彼此揪扭致抓傷劉國安額顛左右太陽左

眼角右眼胞右腮頰鼻梁并用拳毆傷其右眼左

腮頰摔倒地並傷右膀又用木鞭杆毆傷其偏

右踢傷其脊背劉國安辱罵張秉公亦用防身鐵

串釘毆傷劉國安頂心右腮頰右膝蓋右腿肚右

臙肌經胡大海勸散張秉公回家向伊父張三力

告知張三力隨捏劉桐安將伊子等毆傷等語赴
良鄉縣具控劉桐安亦赴縣呈訴經該縣驗訊取
供醫治証劉桐旺因張三力護子捏控心生氣忿
即捏張三力為西霸天張秉公為二頭目胡大海
胡爽并張大為三頭目與立英雄少林會等詞赴
都察院具控奏奉

諭旨交 臣嚴肇審辦遵即飭委通永道盛泰等將張三力
等拏獲到省委員審擬茲據保定府知府阿霖審
明擬議由司解審前來 臣親提研鞫據供前情不
諱恐實有聚集多人與立英雄少林會情事究詰

那文毅公初任直隸總督奏議 卷三十九 三

不移案無道飾查律載告二人以上但有一人不
實罪雖輕猶以誣告論又例載幕越赴京告重事
不實者發邊遠充軍又新例自號教師演弄拳棒
并輪叉舞棍遍遊街市射利惑民者杖一百流三
千里各等語今劉桐旺因兄劉桐安被張秉公毆
傷張秉公之父張三力先行捏控既經劉桐安控
縣驗訊自應聽候官斷乃輒捏造張三力與立英
雄少林會等詞赴京具控殊屬不法現在訊明張
三力每年僱覓孩童扮劇賽會屬實劉桐旺所控
尚屬有因惟將無干拉勒之胡大海捏造三頭目

綽號指為張三力會中人等重情一併具控係屬
告重事不實自應按例問擬劉桐旺合依告二人
以上但有一人不實以誣告論幕越赴京告重事
不實者發邊遠充軍例發邊遠充軍至配所杖一
百折責四十板張三力訊無與立英雄等會勾引
匪徒夜聚曉散情事惟每年春間僱集孩童扮劇
賽會以致民間稱為少齡勝會實非安分之徒該
縣附近京城自應從嚴懲辦以杜煽惑愚民之漸
張三力應比照自號教師演弄拳棒并輪叉舞棍
遍遊街市射利惑民者杖一百流三千里例應杖
一百流三千里至配所折責四十板劉桐旺張三
力均係屯居旗人應據實發配張秉公用鐵出釘
毆傷劉桐安頂心等處胡爽用木鞭杆毆傷劉桐
安偏右等處若依他物毆入成傷律擬笞無以示
儆張秉公胡爽均照不應重律杖八十各加枷號
一個月滿日折責三十板胡大海張大訊無幫毆
情事應免置議再扮劇賽會恐不止房山縣一處
現在通行飭禁以靖地方並供招咨部謹

奏奉

硃批刑部議奏

那文毅公初任直隸總督奏議 卷三十九 四

嘉慶二十年正月二十一日

奏為遵

旨密派幹員馳往寧津縣劉家莊查拏劉添同等來省究辦先行覆奏事竊查河間府寧津縣民崔受選赴步軍統領衙門首告縣民劉添同係屬白蓮邪教等情一案欽奉

諭旨那彥成接奉此旨即密派委幹員弁將劉添同并伊媳于氏及劉發兒等拏獲根究傳家之老師傅係何名姓立即嚴拏迅速具奏一併解至省城嚴加研鞫據實具奏若確係祀劉等首逆即行多加官役兵弁

那文毅公初任直隸總督奏議 卷三十九 聖

迅速解京此事那彥成總當視為實有其事認真查辦不可預存成見以為迹近挾嫌誣告之案無關緊要不忠不孝之罪汝能當乎如將來審明後崔受選實係誣捏再將該犯照例治罪可也欽此 臣伏查崔受選首告

劉添同係屬白蓮邪教應嚴密拏究其傳教之老師傅姓名誠如

聖諭或係逆犯祝現等在彼藏匿亦未可定尤應迅速拏獲遵即派委候補道李于培署河間府事候補道程卓樑馳赴寧津縣劉家莊嚴密查拏務將劉添同等按名拏獲追究傳教之老師傅係屬何人

是何姓名嚴拏務獲訊取供詞迅速具稟核奏一面解省 臣仍親提審究倘實係祝現等首逆自當

欽遵

諭旨多派官弁兵役押解進京 臣受

恩深重地方緊要事件務期迅速從實查辦斷不以稍存成見視為無關緊要自取重咎謹

奏奉

硃批嚴拏務獲審明速奏

嘉慶二十年二月十八日

奏為訊明崔受選誣告邪教一案按律定擬恭摺具奏

那文毅公初任直隸總督奏議 卷三十九 聖

事竊 臣承准軍機大臣字寄嘉慶二十年正月十九日欽奉

上諭本日步軍統領衙門奏直隸河間府寧津縣民崔受選首告縣民劉添同係屬白蓮邪教等情已明降諭旨交那彥成查拏審訊矣此案據崔受選供稱劉添同係屬白蓮邪教去年秋後有不知姓名老師傅赴伊家傳習劉添同劉家老幼俱鑽入老師傅黃布單下聲言上天其兒媳于氏因不肯入教致被休棄經于氏之弟于大及劉家莊居住之劉發兒向伊告知等語劉添同居住寧津縣之劉家莊闖家習教其不知姓名之老師傅

或卽係逆犯祝現等在彼處聚眾未可定那彥成接奉此旨著卽密派委管員弁星夜馳往劉家莊地方將劉添同併伊媳于氏及劉發兒等經嚴訊究傳教之七師傅係何姓名立即嚴拿迅速具奏一併解至省城那彥成親加研鞫據實具奏若確係祝劉首逆卽行多加官役兵弁迅速解京此事那彥成總當視為實有其事認真查辦不可預存成見以爲迹近挾嫌誣控之案無關緊要不忠不孝之罪汝能當乎如將來審明後崔受選實係誣捏再將該犯照例治罪可也欽此臣遵卽派委

候補道李于培署河間府事候補道程卓樑馳往

那文毅公初任直隸總督奏議

卷三十九

聖

該處嚴密查拏一面奏

聞在案旋據該道等稟稱星夜馳抵寧津督同該縣陳鴻猷密赴劉家莊拏獲劉添同之子劉義和劉德劉添同之妻張氏及啞吧幼女查訊劉添同已於嘉慶十七年間身故其家並無老師傅傳教之事遍搜亦無不法圖像經卷及違悖字迹劉義和之妻于氏係因夫婦不和於嘉慶十三年被休戶嫁高大寺莊劉姓爲妻生有二子長子六歲次子四歲並非因去年秋後不肯入教致被休棄劉發兒亦於上年物故隨差傳于氏及于氏之父于朋弟于

黑于氏之後夫劉世則劉發兒之子劉宿兒崔受選之父崔思孝及牌頭隣佑人等到案審訊會供劉添同家實係良民並非邪教劉添同與劉發兒身死年月及于氏被休另嫁緣由悉與劉義和等所供符合該道等復密加察訪並傳附近紳士明白開導冀得實情及逆犯蹤迹據該紳士等會供劉添同實非邪教業經身故該莊亦無外來面生可疑之人投具甘結將緊要人証押解進省並准步軍統領將原告崔受選遞解來直隨飭發委員審辦去後茲據保定府知府阿霖審明定擬由臬

那文毅公初任直隸總督奏議

卷三十九

聖

司李鑿宣覆審詳解前來臣親提研審緣崔受選籍隸寧津縣賣油生理與劉添同隣村居住誼屬瓜葛並無讐隙嘉慶八年間劉添同之子劉義和娶于朋之女子于氏爲妻時劉義和年僅十三于氏年已十七因劉義和不知人事夫妻不和劉添同與妻張氏心生憎惡嘉慶十三年將于氏送回經伊父子朋主婚改嫁與高大寺莊劉世則爲妻業已生有二子劉添同旋於嘉慶十七年間因病物故嘉慶十九年秋間崔受選因賣油折本出外備趁十二月十九日崔受選在齊化門外覓工有下

知姓名人向其盤問是否白蓮教等語與逆犯崔
清認識崔受選告知來歷並詢問因何盤問不知
姓名人聲言盤獲白蓮邪教可得重賞崔受選因
無盤費圖得賞銀憶及劉家莊居住之劉發兒曾
向其言及劉添同無故將子媳于氏休棄了是好
人家之語起意首告劉添同家係白蓮邪教希冀
得賞並添造去年秋後有不知姓名老師傳赴伊
家傳習劉添同闔家老幼鑽入老師傳黃布單內
聲言上天其媳于氏因不肯入教致被休棄有劉
發兒于大向伊告知等情於本年正月十七日并

那文毅公初任直隸總督奏議

卷三十九

聖

步軍統領衙門喊告訊供具奏奉

旨交臣查拏究辦遵卽飭委候補道李于培等查明劉添
同早經物故將劉添同之子劉義和等拏獲訊明
伊家並非白蓮教去年秋後實無老師傳至伊家
傳教之事于氏係因夫婦不和於嘉慶十三年間
休回改嫁所生之子已有六歲實非去年因不肯
入教致被休棄將應訊人等解省飭發保定府知
府阿霖提同崔受選訊明定擬由司覆審詳報臣
親提研鞫各供前情如繪恐有不實不盡之處覆
加究詰不但劉義和等堅稱並無傳教之事卽或

休改嫁之子氏亦代剖甚力質之文選俯首無
詞該犯之父崔思孝亦稱劉添同家並無傳習邪
教查于氏果因不肯入教被夫家休棄改適心懷
怨恨可知現在伊夫等既被崔受選告發該氏正
可據實供吐以便治伊夫家之罪今該氏力為剖
辨則崔受選所告劉添同家習教係為圖賞捏告
似無疑義查律載誣告充軍抵充軍役又例載左
道惑人為從改發新疆給額魯特為奴各等語此
案崔受選因希圖得賞輒誣劉添同全家學習邪
教如果首告得實劉添同雖死其子劉義和等均

那文毅公初任直隸總督奏議

卷三十九

吳

罪應發遣為奴今審屬虛誣自應依律反坐崔受
選合依誣告充軍抵充軍役律應發新疆給額魯
特為奴劉義和等訊無學習白蓮教情事應免置
議並全案供招咨剖謹

奏奉

硃批刑部議奏

那文毅公初任直隸總督奏議卷三十九

那文毅公初任直隸總督奏議卷四十四目錄

卷四十

飭緝逆黨

那文毅公初任

總督奏議

目錄

那文毅公初任直隸總督奏議卷四十四

飭緝逆黨

嘉慶二十年五月初四日

奏為奏

聞事竊查次要逆犯內有劉玉隴一名直隸饒陽縣人前因緝拏無獲密飭該縣隨時訪緝在案嗣據臬司盛泰轉據饒陽縣知縣陳晉稟稱訪得安平縣西關人張五與劉玉隴一同學金鐘罩平素最為交好誠恐劉玉隴在彼藏躲該縣適赴安平縣代驗

那文毅公初任直隸總督奏議

卷四十四

一

命案順道前往偵緝詎張五早已挈眷搬赴山東臨清州居住等情經該司派委候補未人流喻振恒帶同眼目馳往臨清將張五拏獲押解來直稟經督同該司暨保定府知府阿霖研訊據張五供稱我於嘉慶十年間與劉玉隴隨山東冠縣西河口人郭洛雲學金鐘罩郭洛雲是山東邳縣甘集人張洛焦徒弟劉玉隴與張洛焦認識後來我在山東臨清州際昌號充當鹽店巡役把家眷也搬去居住有時仍回到原籍安平縣走動上年四月底我在臨清州西城莊地方與素日認識的饒

陽縣人魏老有撞遇魏老有說起劉玉隴約他到無為州販賣私鹽在郭洛雲家會齊不過二三日內就走的話以後就不見魏老有的面如今劉玉隴魏老有是否在無為州我不知道等語臣查山東冠縣卽縣均與直隸清河縣交界隨飭委河間府知府彭應杰帶同喻振恒馳往該處密拏郭洛雲等去後茲據彭應杰稟稱該員帶同喻振恒馳赴清河縣該縣黃湘宜選派家丁陳魁馳赴卽縣甘集地方扮做布客逐細訪查張洛焦已於兩月前將產業變賣全家外出親至其家查看只剩破

邵文毅公初任直隸總督奏議 卷四十一

屋兩間其餘房屋均已拆毀後隣卽係張洛焦之姪訊據供稱張洛焦素習拳棒近因年景不好挈眷外出或至江南豐沛一帶或至河南少林寺不定等語又至冠縣西河口訪查郭洛雲已於正月間外出家中尚有妻子訪詢地隣人等僉供郭洛雲素習拳棒聞往京城等語稟覆前來臣查張洛焦郭洛雲平日均習拳棒劉玉隴係郭洛雲之徒今張洛焦郭洛雲均經外出張洛焦且係無故變產拆屋挈眷而去或至江南豐沛一帶或至河南少林寺不定其行蹤更覺詭秘事有可疑郭洛

雲據地隣供稱係赴京城若將該二犯獲案則劉玉隴踪跡卽可根究臣誠恐委員隔境訪查未能得其確耗現已密信知會山東巡撫轉飭各地方官差傳張洛焦等地隣到案訊追張洛焦等實在下落一面分咨江蘇河南及步軍統領順天府尹各衙門遍為訪緝務期就獲至劉玉隴一犯據張五供稱魏老有向其告知有約赴安徽無為州販私之語臣現亦知會兩江總督並安徽巡撫派委幹員不動聲色前往嚴密訪緝張五一犯暫押備質再視現等各犯現仍嚴飭躡訪謹

邵文毅公初任直隸總督奏議 卷四十一

奏

容安謹按軍機處知會此件已奉

上諭交山東等省並步軍統領等衙門一體緝拏

嘉慶二十年五月二十五日

奏為拏獲張五供出之郭洛雲並分咨江南山東兩省

查拏劉玉隴恭摺奏

聞事竊據清河縣知縣黃湘宜訪得郭洛雲業已回至原籍冠縣西河口五月初七日起該縣小屯集集隨選帶丁役密往將郭洛雲拏獲押解來省臣督同臬司盛泰詳細研鞫據郭洛雲供稱冠縣西河

口八年三十九歲嘉慶二三年間向冠縣甘集人張洛焦學習金鐘罩又向邱縣辛店人尙際亭學習八番拳尙際亭故後又向邱縣丙家莊人馮世禮學習鎗棍刀法八年間我到臨清州趕廟會合素識的臨清州人劉洛常會遇見他同了兩個人在茶舖裏吃茶尙詢問一名劉玉隴是饒陽縣支窩村人向做鑿磨生理一名尙洛載是深州代疇人向來縫皮說起都會拳棒因此講成相好劉玉隴尙洛載邀我到他們家去教金鐘罩應允走散那年九月裏我找到深州地方與劉玉隴撞遇

那文毅公初任直隸總督奏議

卷四十

四

邀我到尙洛載家裏他們兩人向我學金鐘罩劉玉隴已經學會尙洛載並未學會十六年四月劉玉隴到我家裏說起他會坐功運氣能出元神知過去未來的事跟他學習的人甚多叫我也跟他學習我就應允劉玉隴燒香我向上磕頭劉玉隴叫念訣是道由心學心向家傳香焚玉爐心存帝前仙佩臨軒靈陳官告竟達九天還念真空家鄉無生父母現在如來我祖速至四句又教我打坐運氣我問他的師父是誰他說是饒陽縣人朱玉並沒說出住何村莊劉玉隴說這教名爲如意門

見人稱爲在裏二字就知是同教他徒弟共有多少是何名姓並沒向我告訴就說每月每人送他小禮錢三十文每季送他大禮錢二百文十七年四月十八日臨清州廟會我在浮橋口做麵餅賣十九日到玉隴從我家裏找去悄悄向我說那教學得嚴緊近處難以存身要到江南海州私鹽窩裏藏躲我問他海州有認識的人嗎他說有同縣的魏洛有去過幾次認得海州西關的私鹽窩子頭兒李八大王王三標子又有山東莘縣河店村監生蘇洛南常到江南販賣硝磺魏洛有與蘇洛

那文毅公初任直隸總督奏議

卷四十

五

南相好如今他跟魏洛有蘇洛南同去投奔李八大王們向我要借盤費我給了他二百錢盤費走了至安平縣人張五也跟我學過金鐘罩等語查前據張五供稱魏洛有向伊告知劉玉隴邀其至安徽無爲州販賣私鹽郭洛雲供稱劉玉隴跟魏洛有等至江南海州私鹽窩子藏躲地名不符復提張五訊問據供劉玉隴究往何處伊本不知確切前因魏洛有向伊告知有劉玉隴邀其赴無爲州販私之語是以照此供吐等語 臣伏查劉玉隴係次要逆犯運氣學拳傳徒煽惑頗有聲勢實爲

次要中之要犯茲據郭洛雲供出該犯踪跡自應
嚴拏重辦不可一日稽誅江南海州本係產鹽之
地郭洛雲供稱劉玉隴向其告知匪隨魏洛有等
赴海州西關投奔私鹽窩子又有頭人李八大王
王三標子等綽號恐又未必肯僅於窩藏更關緊
要查海州離清江浦較近兩江總督百齡此時正
當在彼防汛一面派員將郭洛雲嚴押送交百
齡以便密派幹員即帶郭洛雲作眼馳往海州查
拏劉玉隴等務獲一面飛咨山東巡撫在該犯等
應行經過地方派人堵拏其販賣硝磺之蘇洛南

邪文毅公初任直隸總督奏議

卷四十

六

亦有關係與教郭洛雲學習拳棒刀鎗之尙際亭
馮世禮亦應查拏據供尙際亭業已身故馮世禮
一名務獲訊究仍嚴飭深州暨饒陽縣嚴拏尙
洛載朱玉務獲解訊再祝現等各犯現在嚴催各
屬文武員弁實力躡緝謹

奏

容安謹按此奏准軍機處知會已有

旨交兩江總督百齡查辦

嘉慶二十年六月二十二日

奏為遵

旨委員緝拏要犯先行恭摺覆奏事竊本月二十一日承
准軍機大臣字寄嘉慶二十年六月二十日奉

上諭百齡奏拏獲逸犯張洛焦訊據供稱嘉慶十八年八
月間離卦教頭施老頭子令劉玉隴約會該犯糾人定
期赴曹州府滋事伊叔普光與路老賓先往該犯隨後
糾約張紹五孫老太史廷凡李老琴史老均等攜械起
身途中聞伊叔普光已在曹縣動手該犯等即奔曹縣
途遇官兵追趕該犯左腿被鎗截傷旋逃往南宮縣橫
河丁復旺家躲避十二月底聞伊叔普光亦逃回平鄉
祖師廟該犯往見知普光等於定陶打敗後投奔滑縣

邪文毅公初任直隸總督奏議

卷四十

七

與施老頭子馮克善會合屯在縣城西山隈裏被楊總
兵鎗礮烘散施老頭子左眼被鳥鎗打傷劉玉隴左腿
也被鳥鎗打傷俱逃往山西十九年冬間該犯往平鄉
縣祖師廟去見普光施老頭子劉玉隴都在那裏說從
平山縣北獨山口來還要回去今年正月初六日該犯
又見普光說施老頭子等還在獨山口李合真處等語
施老頭子即施悅銘與劉玉隴等糾夥赴曹州府滋事
經官兵剿敗後逃往陝西旋回直隸平山縣城北獨山
口三教堂李合真處潛匿本年正月內尙在該處著那
彥成即選派妥幹員弁星往平山縣地方將施老頭子

劉玉隴李合頃三犯查拏務獲嚴究祝逆等下落由驛具奏其隨同滋事之張普光路老賓史廷凡李老琴張紹五孫老太史老均張老廣等一併分飭緝拏勿任一名漏網獲犯訊供後先行由驛覆奏其百齡訊出僅止入教並未從逆籍隸威縣等處之于老多裴得興等十名及張洛焦之徒並未入教之趙志國一名概無庸查拏此時所拏者均係從逆之犯非拏習教之犯該督卽分別辦理可也各犯年貌住址單著抄寄閱看欽此伏

查單開劉玉隴張普光路老賓三犯臣於本月十三日接准百齡咨會委員拏獲張洛焦到案訊據

那文毅公初任直隸總督奏議

卷四十

八

供稱劉玉隴在直隸正定府西南三十里舖小莊上居住張普光在直隸平鄉縣北關祖師廟當道士路老賓在直隸南和縣東北鄉邢家灣開糧行生理當經臣密委幹員分投馳往緝拏現據平鄉縣知縣翟慎行稟報該縣因復查保甲查至北關真武廟內見一道士據稱名張普光該縣聽其言語並非土著帶回署中訊問據稱山東冠縣中心集卽于集人年六十七歲俗家只一胞姪張洛焦伊於乾隆四十三年在河南閩鄉縣觀音堂出家後在陝西河南湖北雲遊並無一定住處嘉慶七

年始到平鄉縣北關真武廟住持伊姪張洛焦來看過兩次並沒久住伊與劉玉隴並不認識與邢家灣之路老賓係屬相識等語核與飭緝之張普光名姓年貌相符現交委員解省審辦等情又據任縣知縣趙克鎰稟稱邢家灣係該縣所轄該縣接准南和縣關會當卽馳赴該處將路老賓拏獲據供曾入鉅鹿縣民李景幅大乘教後經出教於嘉慶十六年間經前任任縣莊詠拏獲解省訊明取結保釋現在解省審辦等情臣委員迎提尙未到省惟劉玉隴一犯未據報獲茲奉

那文毅公初任直隸總督奏議

卷四十

九

飭發各犯清單劉玉隴不在正定府三十里舖小莊居住在平山縣城北獨山口三教堂內潛匿臣遵卽派委幹員星夜馳赴該處務將劉玉隴施老頭子李合真拏獲其住居威縣之史廷凡李老琴張紹五史老均住居曲周縣之孫老太原籍深州現住山東臨清州浮橋口之張老廣等各犯亦卽分派委員飭令馳赴各該處會同地方官不動聲色嚴密查拏務期按名就獲不許稍有縱漏仍俟獲解到省訊取確供并嚴追逸犯祝現等實在下落密拏由驛具奏謹

奏奉

硃批嚴密速奏若有附京藏匿之犯由四百里速奏

嘉慶二十年七月初五日

奏為委員拏獲史老均張朝武二名仍飭嚴緝施老頭

子等務獲事竊臣欽奉

諭旨飭將施老頭子劉玉隴李合真三犯查拏務獲其隨同滋事之張紹五史老均等一併分飭緝拏欽此當即

奏明遴委幹員星夜馳往平山縣等處分投密拏去後茲據委員候補知縣何繼志會同平山縣知

縣楊廷荃稟稱檢查保甲村莊底冊並無獨山口

那文毅公初任直隸總督奏議

卷四十

十

之村亦無三教堂之廟飭取所存道士名冊僅有

李合勤住居距城九十里之太寧觀訊據供稱李

合勤住持該觀師名閻本奉早經病故徒弟二人

均止十一二歲並不認識施老頭子劉玉隴李合

真等詢之隣佑地保僉稱李合勤向無李合真之

名平素不見有與外來匪人交往等語搜查廟內

並無違礙經卷不法字跡並查該道人面上無麻

與單開年貌不符當即保釋訪得該縣相距一百

餘里有天桂山廟宇十餘處彼處道人姓名內有

李合心李合修李合敬等名字即日前往確查等

情又據委員西寧縣知縣高蕙業會同威縣知縣

陳念祖稟稱查保甲冊內第三口莊石廷璠訪

係史廷凡李純儒訪係李老琴石顯義訪係史老

均其南裏村冊內有名張朝武音同字異似即係

張紹五隨分赴各村將張朝武石顯義即史老均

拏獲訊據供稱均與張洛焦素相認識伊等並無

習教為匪等語查張朝武等既與張洛焦熟識自

應解省審辦並在張朝武家查起大乘經一本高

王經一本金剛經一部地藏經一套太陽經一本

觀音經一本焰口經一本清解經論一套經內並

那文毅公初任直隸總督奏議

卷四十

十一

無違悖字樣又起獲梢子棍一根鐵手鞭一根木

錮一對一併解省惟石廷璠即史廷凡先於本年

正月十六日外出傳訊鄉地隣佑僉稱並未回家

李純儒即李老琴亦於本月二十一二日出外傭

趁俱無一定下落遵檄上緊查拏稟報前來臣伏

查平山縣城北雖據查明並無獨山口之村亦無

三教堂之廟現經訊釋之李合勤亦與單開年貌

不符但既據訪聞天桂山各廟有道人李合心李

合修李合敬姓名或即係李合真藏匿其中或李

姓又以合字排行亦可向各該道士查詢李合真

下落當即明白指飭趕緊密查務期拏獲李合真
即可將施老頭子劉玉隴等弋獲至石顯義即史
老均張朝武即張紹五二名均係單開隨同滋事
之犯仍飭臬司催提到省同先經拏獲之張普光
路老賓二犯研鞫確供並嚴追逸犯祝現等實在
下落謹

奏奉

硃批知道了

嘉慶二十年七月十八日

奏爲准咨飭訊奏

那文毅公初任直隸總督奏議

卷四十

十一

聞事竊 臣前經拏獲赦令劉玉隴學習金鐘罩之郭洛雲
到案訊據供稱劉玉隴有赴江南海州私鹽窩子
藏躲之語當將郭洛雲解交兩江總督百齡委員
帶同作眼馳往海州查拏一面奏蒙

聖鑒嗣百齡將張洛焦拏獲究出嘉慶十八年八月間有
離卦教頭施老頭子令劉玉隴約會張洛焦糾人
定期赴曹州府滋事張洛焦之叔普光與路老賓
先往張洛焦糾約張紹五孫老太史廷凡李老琴
史老均張老廣郭洛雲等起身途中被官兵追趕
逃散普光等亦被打敗十九年冬間張洛焦至平

鄉縣祖師廟內見普光向伊告知施老頭子劉玉
隴在平山縣獨山口李合真三教堂內藏匿奏奉
諭旨飭令 臣派員查拏 隨將普光路老賓張紹武史老
均先後拏獲飭司審訊惟平山縣境內並無獨山
口地名亦無三教堂并施老頭子劉玉隴李合真
踪跡節經繕摺奏

聞嗣又據威縣將孫老太拏獲其張老廣一名查明即係

前經饒陽縣拏獲供出劉玉隴等去嚮之張五復

經飭令臬司確究在案茲 臣接准百齡咨會郭洛

雲業已押解到江提訊之下郭洛雲不認從逆迨

那文毅公初任直隸總督奏議

卷四十

十一

提張洛焦訊問始猶狡展繼令郭洛雲面質張洛
焦即俯首無辭自認伊被郭洛雲藐視并斥伊係
無賴有張老廣欲拜伊爲師又被郭洛雲阻止後
張老廣送與郭洛雲馬匹等物伊心懷嫉恨因而
誣扳其前供聽糾滋事之周江張紹五孫老太史
廷凡李老琴史老均王賢鈞曹第三伊雷張第三
周廷傑張老廣孔得閑等暨蘇洛南父子均因挾
嫌扳害該督因張洛焦前供誣妄前次咨會 臣飭
緝之普光等自必已經提到奏明將張洛焦解回
直隸質訊辦理并將郭洛雲暫留江蘇作眼以便

質認劉玉隴等情抄錄奏稿供單咨送前來臣查張洛焦初供該犯於十七八歲時拜河南武安縣谷山黃姑菴道士施老頭子為師入離卦教施老頭子用手指在該犯腦後搓摸並將符水給飲該犯腦後發癢就有月牙式一塊疤痕不長頭髮其語已涉不經且前准河南巡撫咨會查明武安縣並無谷山惟鼓山地方有黃姑菴一座業已倒塌並無道士施老頭子其人嗣張洛焦供稱普光向其告知施老頭子劉玉隴在平山縣獨山口李合真三教堂內藏匿現經臣委員查拏平山縣地方

那文毅公初任直隸總督奏議 卷四十 五

不但並無施老頭子踪跡兼無獨山口之村亦無三教堂之廟又據張洛焦供稱十八年九月十二日該犯被官兵鎗扎左腿先後逃至山東陽穀縣素識之何丁氏家並直隸南宮縣橫河地方伊妹夫丁復旺家躲避到臘月初間聽說事已平靜方敢回家十二月二十二日聽得伊叔普光逃回平鄉該犯去見普光向該犯告訴伊等在定陶打敗後就投滑縣同施老頭子馮克善會合一處因官兵攔住不敢進城即在滑縣城西山隈屯住被楊大人用鎗礮打散等語查滑縣係十八年十二月

初十日始行收復張洛焦供稱臘月初間聽說事已平靜已屬舛錯且滑縣城外一望平原張洛焦供稱施老頭子等在城西山隈屯住亦屬不實其前供聽糾滋事之郭洛雲等十四名及蘇洛南父子現經百齡等認明係屬誣叛而施老頭子等數名則又稱實有其人以上各情節據張洛焦供稱皆出於普光之口普光業經臣飭屬拏獲解省張洛焦所供是否屬實一經質對不難虛實立分惟劉玉隴一犯張洛焦始則供稱住在正定西南三十里舖西邊二三里小莊嗣又供稱在平山縣獨

那文毅公初任直隸總督奏議 卷四十 五

山口李合真三教堂內已查明均無踪影今張洛焦又稱前供任居正定西門外三十里小莊之劉玉隴實叫劉雲隴前於被獲時傳說劉玉隴係奉旨飭拏要犯若能拏獲可以得賞免罪遂憶劉雲隴曾與施老頭子等在滑縣打仗受傷雲玉二字轉音相似故到案即供希冀邀功免罪劉雲隴曾於十六年間到該犯家內該犯借隣人韓五之屋與之住宿一夜等語查張洛焦前節次供稱皆係劉玉隴今經郭洛雲質證忽又改名劉雲隴該犯以音韻相似之字故為改易正其狡詭之伎倆此外供情

罅隙甚多必應逐細研究臣現已飛行臬司一俟張洛焦解到卽先行嚴切根究然後再提普光質對以杜串捏如果供出要犯下落卽一面委員查拏一面稟報臣核奏不任稍有縱延再前據委員候補知縣何繼志等稟稱平山縣天桂山地方有廟宇十餘處該處道士有李合心等名字前往確查等語當經臣奏明一面飭查去後茲據稟稱天桂山上有廟數處內有一處係儒釋道三教神祠康熙年間建修廟內有道人李合敬李合心二人訊明俱係平山縣人年皆三十一歲與劉玉隴並

那文毅公初任直隸總督奏議

卷四十一

六

不認識亦不知有李合真其人伊等廟內尙有道士李合修一名赴地看管莊稼等語并據道官霍合明出結具保詰問李合敬等因何俱以合字取名與李合真同一合字排行據李合敬等供稱伊等道教有道德同元靜真常守太清一陽來復本合敦永元明二十字傳流取名想李合真亦係合字輩分致與伊等相同等語已據該委員等將李合敬等省釋謹

奏奉

硃批嚴審確情勿因怒而濫刑轉失實在情節矣

嘉慶二十年七月十八日

奏正在拜摺間接據臬司盛泰稟稱連日督同保定府知府阿霖將張普光等六名隔別研訊據張普光供稱山東冠縣千集人年六十七歲乾隆四十四年間在河南閿鄉縣觀音堂拜道士師來明卽施老頭子爲師出家施老頭子本姓師並不姓施師來明平日極其安分且年老之人並不使弄拳棒嘉慶七年間伊在平鄉縣北關真武廟住持九年六月間師來明從河南到彼留住一月伊姪張洛焦亦至廟內與師來明見過師來明旋往西南一

那文毅公初任直隸總督奏議

卷四十一

七

路雲遊自此以後總未見面不知存亡下落如果師來明至今尙在其年應已在九十上下伊並無習教從逆等事伊姪張洛焦平素賣拳弄棒甚不安分伊屢向斥罵禁止想必因此挾嫌誣扳願與質對伊亦不認識劉玉隴李合真其人又訊據路老賓張紹五史老均孫老太張老廣等五人僉供亦無習教從逆之事皆被張洛焦挾仇誣扳亦求質對等語該司現在欽奉

諭旨著親提張普光路老賓先行審訊俟張洛焦解到再令質對已委員前往迎提等情稟報前來臣查張普光

等現供被張洛焦挾仇誣扳情節均與百齡所訊張洛焦供詞相同是張普光等被張洛焦挾嫌扳害已屬明甚惟劉玉隴一犯實在下落張洛焦始終總未供吐今又改稱從逆之犯係劉雲隴而非劉玉隴又扳一不知存亡之年老道士師來明又改其姓為施且捏造他名種種狡狴反覆臣反疑其必係明知劉玉隴踪跡不肯據實供吐因而故捏音韻相似之名信口搪塞以便劉玉隴日久潛藏其情殊為可惡臣現飭盛泰速催委員迎提張洛焦來省與張普光等質對明白後再向張洛焦

那文毅公初任直隸總督奏議

卷四十

六

嚴究劉玉隴實在去嚮藏匿何處即時嚴拏務獲不得任其狡延如有要供即由該司速行具奏謹奏奉

硃批覽

嘉慶二十年九月初五日

奏張洛焦一犯已解至直隸適張普光於七月十九日已在省監病故經臬司盛泰提同路老賓張紹五史老均孫老太張老廣等質訊張洛焦俱認仇扳詰其有何深仇則稱或因索借不遂或因鄙薄伊拳脚平常以致生意淡薄是以挾恨誣扳均與江

省所審相符臣查此等微嫌何致以習教從逆重罪誣陷多人所供殊非情理至朱紅桃宗鬍子如何同住樓觀臺尤為關係緊要據供師老頭子原係陝西塾屋縣樓觀臺道士伊所素知張普光係師老頭子徒弟嘉慶五年伊往黃姑菴探望師老頭子談及川楚教匪師老頭子以聞有牛八名朱紅桃白蓮教劉之協等推為教首造反之言答覆前在江南問官向訊可認識反叛頭朱姓名叫朱現其人伊答應不識朱現惟知朱紅桃曾經劉之協推為教首問官聲稱劉之協係已往之事既知

那文毅公初任直隸總督奏議

卷四十

七

朱紅桃即向伊追究下落伊畏審捏稱在樓觀臺與師老頭子同當道士並捏稱朱紅桃法名本印又嘉慶二三年間張普光在臨清州西玉皇廟住持有師老頭子師弟范鬍子在彼住宿一夜伊曾會晤前因問官向訊認識宗鬍子與否伊答應不識宗鬍子惟認識范鬍子又問宗鬍子造反與否伊因已誣扳師老頭子造反遂混供宗鬍子造反其實伊並不知有宗鬍子其人嗣又提到路老賓供出之劉二了頭即劉文章據張洛焦供認即係伊在江南錯指之劉玉隴因被郭洛雲質證復捏

係劉雲隴追提道士高合真到案據張洛焦供認
 卽係伊所供之李合真前係錯記其姓詰問高合
 真等如何習教從逆則稱均係畏審隨口混指節
 經臬司督同委員錄供稟核臣以該犯張洛焦前
 在江南所供一一如繪今經提同路老賓等質審
 非供爲挾仇誣扳卽稱係畏審混認臣萬不敢稍
 存子虛烏有之見俾該犯得以狡遁至如師老頭
 子高合真路老賓與該犯並無夙嫌伊叔張普光
 僅止斥罵何致誣稱教首陷爲逆黨更屬不近情
 理屢經駁飭另審案內先後提到之路老賓等十
 餘名均因張洛焦已經認誣遂卽隨聲附和而張
 洛焦狡猾異常供情反覆又因由江解直晝夜熬
 跪雖未稍事刑求究亦時露委頓誠恐加以嚴鞫
 或致不能支持轉難得其確供察該犯狙詐之私
 總因張普光業已監斃師老頭子又未獲案是以
 堅執不移訊據高合真劉二了頭及現在提到之
 張剛僉稱十七年六月以後師老頭子卽未來直
 或仍往陝西墊屋縣一帶等語是師老頭子似有
 其人亦似竟在陝西臣業經飛咨陝西撫臣密飭
 查緝一面逐層檄司隔別詳細研訊謹

那文毅公初任直隸總督奏議

卷四十

二十

奏奉
 硃批覽
 嘉慶二十年十二月十七日
 奏爲遵
 旨再加詳鞫秉公定擬具奏事竊照江南陝西等省先後
 拏獲張洛焦師來明卽師老頭子等一併解直質
 訊究辦一案查此案先經直隸饒陽縣訪獲曾從
 在逃次要逆犯劉玉隴學過拳棒之張五供出劉
 玉隴係從郭洛雲學會金鐘罩郭洛雲係張洛焦
 之徒追獲郭洛雲與張五俱稱劉玉隴逃往江南
 那文毅公初任直隸總督奏議
 卷四十
 三
 地方潛匿並訪知張洛焦亦已搬往蕭碭等縣居
 住當經臣錄供
 奏明知會江南查拏一面將郭洛雲解往作眼躡緝旋
 經江南拏獲張洛焦供有聽從師來明卽師老頭
 子與伊叔張普光等糾邀同教助逆情事連張五
 郭洛雲均係逆黨嗣郭洛雲解抵江南質審復據
 張洛焦供稱所指習教從逆之人均係仇扳及陝
 西拏獲師來明據供本身並未習教從逆惟指稱
 張洛焦等二十餘人俱係離卦教犯江南陝西兩
 省先後具

奏將郭洛焦師來明解直質訊臣於張洛焦師來明未
經解到之先及解直之後陸續拏獲供出犯證張
普光路洛賓高本和劉二了頭張剛張朝武石廷
璠孫老太丁第四石顯義裴致學趙鵬舉王曰魁
王曰先李本仁李合祥解雙等十七名并據山東
河南兩省獲解來直之韓五王賢鈞張九三名節
經督同司道府等分別熬訊內惟路洛賓高本和
劉二了頭張剛王賢鈞供認曾習離卦教張五張
朝武石廷璠孫老太或認曾習金鐘罩或認曾習
拳棒均無從逆情事其餘一千人等俱供係安分

那文毅公初任直隸總督奏議 卷四十 三

良民質之張洛焦師來明據稱張洛焦之在江南
所供教犯多名非係挾嫌妄扳即係隨口混供師
來明之在陝西亦係因年老畏審順照張洛焦所
誣信口妄指臣因查張洛焦在江南供認聽從師
來明糾眾助逆各情節歷歷不諱即師來明在陝
西供出離卦教內之人核與張洛焦在江南供指
之人多相吻合似非捏妄乃一經解直提同供出
各犯質審均各全行翻易推鞫並不敢稍遺餘力
誠恐各犯供情狡黠難憑或有縱漏關係匪輕隨
即奏請解部質究欽奉

諭旨嚴行申飭飭令再加詳鞫秉公定擬具奏欽此正在
審辦間又准山東撫臣委員解到周江范老希周
添崇金起曾伊第三曹老利焦老健蘇懷林等八
名臣督率承審各員並不稍予以暇致令與張洛
焦等見面立即隔別提訊據周江等均極口呼冤
僉稱平日並無習教不法情事或係張洛焦曾向
索借未給或曾將張洛焦驅逐致被挾嫌誣陷復
提張洛焦師來明同前後獲到一千犯證遵

那文毅公初任直隸總督奏議 卷四十 三

旨秉公逐細研鞫緣張洛焦籍隸山東冠縣先當道士乾
隆四十七年從伊姊夫王曰魁之故兄王曰恒學
會拳棒並推拏治病醫道五十八年又從河南杞
縣于家莊人張懷錦學會金鐘罩即在各處耍拳
傳徒漁利嘉慶五年復從現獲之同縣人王賢鈞
習離卦教誦真經咒語嗣因王賢鈞常向斂錢
隨不習教張洛焦之叔張普光先在山東臨清州
等處當道士住廟後又回至本村三官廟並直隸
平鄉縣北關真武廟住持陸續收有山東冠縣楊
胡村人金本印臨清州人李本仁直隸平山縣人
高本和張剛威縣邵固村人王曰然等為道士徒
弟高本和係張剛引進普光在臨清州住廟之時

張洛焦前往探望會遇普光之師山西平遙縣人師來明熟悉拳棒兼能行醫並看風水師來明見張洛焦會弄拳棒遂以陝西樓觀臺有道士范宗鬚子亦會拳脚之言向張洛焦告知並因高本和原名合真以其係普光之徒字派不對與之改名本和十四年冬間鉅鹿縣大乘教孫維儉等由曲阜回家路過張洛焦所住村內地保見孫維儉等來歷不明欲拘執送官經張洛焦勸止後往探孫維儉因此與其同教任縣人路洛賓認識十六年閏三月內普光令正定縣十里舖人劉二了頭託

那文毅公初任直隸總督奏議

卷四十

五

張洛焦轉尊師來明與劉二了頭之母舅白臘月醫治風癱病症時張洛焦無暇往尋欲借隣人韓五房屋留劉二了頭住宿韓五不允劉二了頭即在張洛焦家住宿一夜而回後張洛焦至河南武安縣鼓山黃姑菴找獲師來明偕至劉二了頭家看病師來明即順便至平山縣一帶化緣修廟經高本和張剛等幫同募化得銀數兩師來明因黃姑菴香火甚微欲教書餬口與張剛相商張剛薦與親戚解雙訂其來年至家課讀子姪而回十七年正月普光之徒王曰然將子王大小並年甫及

年五月內張洛焦因本處荒旱遂往江南蕭縣地方賣藥治病二十年三月內復攜帶妻子同往江南就食五月內被碭山縣擊獲以其如果認識滋事教匪劉玉隴即可帶同作眼獲犯必有重賞之言向詰張洛焦希圖混食貪賞遂將現識之劉二了頭誤指為劉玉隴坦稱認識經兩江總督委員嚴究其是否共知逆情張洛焦畏審即隨口混供會經師來明令劉玉隴約伊與普光等糾黨滋事並將素所耳熟之同教人及拳棒教師暨挾有嫌隙之人一併隨口編捏誣扳而師來明於十七年

那文毅公初任直隸總督奏議

卷四十

五

年五月內張洛焦因本處荒旱遂往江南蕭縣地方賣藥治病二十年三月內復攜帶妻子同往江南就食五月內被碭山縣擊獲以其如果認識滋事教匪劉玉隴即可帶同作眼獲犯必有重賞之言向詰張洛焦希圖混食貪賞遂將現識之劉二了頭誤指為劉玉隴坦稱認識經兩江總督委員嚴究其是否共知逆情張洛焦畏審即隨口混供會經師來明令劉玉隴約伊與普光等糾黨滋事並將素所耳熟之同教人及拳棒教師暨挾有嫌隙之人一併隨口編捏誣扳而師來明於十七年

六月回籍後十八年六月因與族人師紹長爭地
涉訟經地方師化其調處和息後遂至河南閩鄉
縣大字營往找素識之姚居雲居住在彼行醫製
賣膏藥並在范思禹家教書一年二十年正月又
經素識之鮑幅元保薦至南古董村真武廟住持
六月內因閩鄉縣編查保甲師來明因已查過疑
係道會司曹嘉真圖詐不允造入保甲冊內經曹
嘉真稟縣師來明恐受訟累逃至陝西華州移山
廟八月內被獲經官將張洛焦在江南所供離卦
教內之人逐一指名向其嚴究師來明因年老熬

那文毅公初任直隸總督奏議

卷四十

三

審難受亦即隨口妄供現將張洛焦師來明先後
在江南陝西供出一千人等獲案一一與張洛焦
質對無不向張洛焦當堂指斥噴其妄扳拖累聲
色俱厲而師來明尤為忿極呼冤張洛焦慚汗交
流俯首無詞細核案情張洛焦在江南所供十八
年八月初一日師來明令劉玉隴約會該犯糾人
助逆伊叔普光同宗鬍子路老賓等先至曹縣滋
事伊於九月初一日與周江等十餘人隨後奔往
曹縣等語今則據稱十八年八九十月係在家
與子張白小賣餅生理業經山東傳到其隣人韓

五查訊供情吻合而師來明與未獲之宗鬍子即
范宗鬍子亦經河南查覆十八年八月均係在閩
鄉縣住廟直至十九年九月及二十年六月始行
他往張普光又於張洛焦師來明未經解直之先
已到案供明伊與師來明均係素當道士並未習
教十八年六月伊係在雄縣徒弟李木仁所住廟
內八月底始回平鄉路過任縣缺乏盤費曾向路
老賓借用錢文提訊李木仁等供亦相符是十八
年當教匪滋事之時張洛焦等均未出門確有證
據其為張洛焦前在江南所供情節係屬混認妄

那文毅公初任直隸總督奏議

卷四十

三

扳毫無疑義且現復究詰至再有僅認從前曾經
習教實未從逆亦有堅供向無習教不法等事均
各矢口不移案無遁飾至追究各逃逆下落據各
堅供向不認識實無知情容隱情事查例載誣告
叛逆被誣之人已決者誣告之人擬斬立決未決
者擬斬監候又例載邪教案內為從改發新疆給
額魯特為奴又例載游手好閒不務正業之流自
號教師演弄拳棒教人及投師學習者一經拿獲
將本犯杖一百流三千里各等語此案張洛焦既
素會拳棒金鐘罩法并曾習離卦教本非安分之

徒因在逃之次要逆匪劉玉隴亦會金鐘罩是以將其緝獲根究該犯希圖作眼躍緝混食貪賞職將認識之劉二了頭誤指為劉玉隴及究其是否共知逆情又復畏審妄認從逆并膽敢挾嫌仇扳多人甚至將伊期親胞叔張普光誣為教匪逆黨以致張普光拖累來省監斃卽與誣告釀命無異自應照誣告叛逆之例從其所犯重者治罪張洛焦一犯除邪教為從演弄拳棒教人各輕罪不議外合依誣告叛逆被誣之人未決者斬監候例擬斬監候該犯誣陷胞叔致監斃在獄情罪較重應

那文毅公初任直隸總督奏議

卷四十

天

詩

旨卽行正法以昭炯戒師來明屢訊堅供實無習教傳徒不法等事卽奏會拳棒並未演弄教人其在陝西供情不實亦係因張洛焦業經誣指年老畏審無奈隨口混供情有可原且現在年已七十應免置議遞回山西平遙縣原籍取保安插勿許再行出外游蕩路洛賓高本和劉二了頭張剛王賢鈞等五犯俱供認曾從習離卦教久已改悔第此次教犯未便容留在籍應均照邪教為從發遣例改發新疆給額傳特為奴照例刺字張剛王賢鈞已於

訊供後在監病故應毋庸議張五張朝武石廷璠孫老太等四犯均供認曾習拳棒並非安分之徒亦應按例問擬俱合依演弄拳棒教人及投師學習者杖一百流三千里例各杖一百流三千里至配所各折責四十板張朝武孫老太亦已於訊供後在監病故亦毋庸議已故之張普光與韓五張九丁第四石顯義裴致學趙鵬舉王日魁王日先周江曹老利周添崇蘇懷林伊第三金起曾范老希焦老健等均訊係被誣向無習教不法等項情事應與訊係無干之李本仁李合祥解雙均予省

那文毅公初任直隸總督奏議

卷四十

天

釋至未獲最次要各逆匪屢經嚴飭各屬並密派文武員弁分路設法訪緝不敢稍有疎懈現復諄飭加意上緊偵緝務獲解究以絕根株供招咨部謹

奏奉

硃批刑部速議具奏

嘉慶二十一年二月初九日

奏為拏獲次要逆犯劉玉濼恭摺具奏事竊查刑部單開次要逆犯劉玉濼一犯臣前在軍營審訊教匪稔悉該犯係與林清李文成牛亮臣馮克善互相

勾結各為一股在山東河南直隸等處分投倚角
響應黨與最衆聲勢最大前因日久屢緝無踪又
於審辦張洛焦一案悉心跟鞠亦無確線臣時刻
焦灼隨派員弁四出躡訪嗣據河間協右營守備
劉英魁四黨口守備李士剛稟稱訪聞山東樂陵
直隸寧津交界地方有劉汝榮其人教演拳棒繪
畫老虎售賣年貌與單開劉玉濼相似臣即飭該
弁等不動聲色先購該處附近村人杜連城設法
往探杜連城與其弟兄邀同宋宗祥等前往投拜
劉汝榮為師學拳詢問該處隨同學拳之人均不

那文毅公初任直隸總督奏議

卷四十

三

知係劉玉濼後因聽係饒陽人口音杜連城隨向
劉英魁李士剛告知劉英魁等即囑杜連城等誘
拳李士剛一面馳至省城而稟臣因據該弁等風
聞該犯拳棒甚精膂力亦大且到處多有黨羽隨
添派都司劉經干總蘇國泰甘保哈振鰲馳往會
同擒拏旋於本月初六日據劉英魁等稟稱該弁
等商同杜連城宋宗祥等已於樂陵縣屬小宋家
莊將劉汝榮用酒誘飲乘醉拏獲交寧津縣訊問
先猶不肯認係劉玉濼再四騙哄已認明實係饒
陽縣人劉玉濼等情稟報前來臣添派員弁飛催

迎提來省因查從前緝拏劉玉濼之堂弟劉才在
饒陽縣監禁又劉玉濼於十三四年間屢在饒陽
縣及保定府涉訟各該處衙役人等均與劉玉濼
熟識當復飛檄饒陽縣知縣陳晉押帶劉才及縣
役王亮義等星夜來省茲據劉英魁等將劉玉濼
解到臣即督同兩司道府將該犯提至當堂令饒
陽縣快役王亮義清苑縣壯役崔紹會及劉才等
認明實係次要逆犯劉玉濼隨向詰訊令將商同
林清謀逆在外響應逃後在何處潛匿及要犯劉
呈祥等六名現在何處一一供吐該犯輾轉支飾

那文毅公初任直隸總督奏議

卷四十

三

惟認在大新莊伊師陳茂林家內學好運氣因聞
隣莊林清聚衆謀逆伊曾往探望一次並未從逆
並不認係何卦教首要犯六名伊惟識劉第五均
不知現匿何處伊曾會拳棒金鐘罩於十八年九
月間由饒陽縣逃至山東樂陵縣屬之張五才莊
有莊民呂亭獨自一人開設牌局伊即改名劉汝
榮在呂亭家長住就在附近賣演八卦拳繪畫老
虎賣錢度日並未逃往何處亦未回至饒陽本村
伊與董桐太亦不認識等語詰以既未從逆何以
於十八年九月間逃後並不同家該犯無可登答

惟稱係因被林清牽累訊以如何牽累反覆開導
果能將劉呈祥等六名現在藏匿處所指出拏獲
必當格外寬貸免其磔戮詎該犯神色毫無改動
談笑自如僅稱死亦不怨實不知伊等逃往何處
亦無與林清商同謀逆情事臣伏查劉玉濼一犯

據牛亮臣原供係離兌巽艮四武卦不知何卦頭
目臣與臬司盛泰在軍營審訊教犯兪稱劉玉濼
係一股大頭目與牛亮臣馬克善李文成等互相
應援今經設法獲案臣率同司道等竟日誘導該
犯一字不吐即所供逃後僅在樂陵縣屬村人呂

那文毅公初任直隸總督奏議 卷四十

亭家長住並不知伊係逆案要犯等語均係誑飾
究詰之下該犯毫無懼悔一味支展察其神氣竟
係拚死搪塞似此緊要逆犯斷無不知劉呈祥等
六名實在下落或竟勾同藏匿必係因恐據實供
出轉致全就殲誅是以甘為抵死不肯供吐狡黠
之狀實堪髮指又未便遽加刑求臣即當赴差查
道不能再延時日再四籌酌應請將劉玉濼即劉
過濼一犯解交刑部請

旨勒下該部詳細研鞫確切供情並各要犯藏匿下落一
併究辦除遞派文武員弁將劉玉濼嚴行鎖鑰裝

盛木籠小心押解赴交刑部收管俟合沿途地方
官一併護送並將獲禁劉才等原案卷宗送部核
訊仍派幹弁馳往樂陵縣屬張五才村密拏呂亭
務獲送部歸案辦理謹

奏

嘉慶二十一年二月初十日奉

旨劉玉濼著交刑部歸案嚴訊

嘉慶二十一年二月十三日奉

上諭昨據那彥成奏拏獲次要逆犯劉玉濼解京審訊茲
據刑部審明劉玉濼實係飭緝正犯那彥成督緝認真

那文毅公初任直隸總督奏議 卷四十

所有伊任內奏事時不將緝捕情形聲敘降三級留任
遲孫氏控案並未親提審訊又不附奏緝匪情形併案
降三級留任同子伯克過境未派道府大員護送降二
級留任三案處分俱著加恩開復其訪明劉玉濼踪跡
設法擒擊之河間協右營守備劉英魁著開復遊擊原
官四營口守備李士剛著以都司陞補均先換頂帶協
同獲犯之靈津縣知縣傅德臨著交部議敘民人杜連
城邀同宋宗祥拜投劉玉濼為師學習拳棒誘醉擒獲
杜連城著賞給把總並加賞藍翎宋宗祥著賞給額外
外委均令隨標學習以示獎勵該部知道

謹按嘉慶二十一年二月十九日

奏報饒陽縣知縣陳晉續獲劉玉澹供出之劉文通劉

明堂杜洛上訊據供認聽從劉玉澹入坎卦教

劉玉澹兩次誘伊從逆均未應允杜洛上供認

雖與劉玉澹有親實不知劉玉澹有謀逆等事

因在差次未及督率臬司研鞫請將劉文通三

犯解部歸案請

勅部審辦奉

上諭劉文通劉明堂杜洛上俱著解交刑部歸案嚴訊二

月二十六日

那文毅公初任直隸總督奏議

卷四十

五

奏報大名縣知縣張菊孳獲劉玉澹供出之雷老金據

供在山東樂陵縣認識劉玉澹並不知其係逆

案要犯亦並不知祝現等下落向曾認識濮州

飲馬川袁武魁現獲之館陶袁武魁伊並不認

得等語即飛飭委員前赴濮州訪查袁武魁以

備研訊三月初三日

奏報晉寧縣知縣韓述茂續獲劉玉澹供出之逃住蘇

縣張家店給人鑿磨之店家張抱訊據供認嘉

慶十八年十一月曾聽得有一鑿磨人在已故

張台所開歇店居住同店夥杜洛文睡宿月餘

並不知是逆犯又經孳獲杜洛文並張抱之姪

張如玉張七同村開設歇店之于振于默等據

供實無知情容留又查獲靈津縣容留逆犯劉

玉澹居住之蕭老文訊供係相識人夏四存牛

馬漢帶來借住並不知為要犯相應將各犯解

部請

旨勅部提同劉玉澹質訊均奉

硃批刑部知道三月初九日

奏報孳獲牛馬漢訊據供認十三年在省與劉玉澹同

店居住因此熟識十八年十二月劉玉澹至伊

那文毅公初任直隸總督奏議

卷四十

五

家聲言躲避伊心疑盤詰劉玉澹自認京城開

事有我名字在伊家兩日即同夏四存將劉玉

澹送至蕭老文家借房暫住並無習教謀逆情

事請解刑部提同劉玉澹質訊奉

硃批刑部知道三月初九日

奏報孳獲袁武魁之父袁興邦訊供袁武魁已赴金鄉

趕會與祝現劉第五並不認識實無容留等事

請解交刑部提同劉玉澹質訊仍飭委員赴金

鄉訪緝袁武魁以備嚴究奉

硃批刑部知道

謹按嘉慶二十一年三月初九日

奏報據吳橋縣孔昭誠訪獲德州夥匪羅功供出給予

旗布之齊呈祥王垣等伊復製做旗布四十杆

轉給王泮張盛楊逢年馬淵等除張盛已為德

州拏獲外王泮等均解省訊據王泮供認旗

布係震卦教匪宿元謀所給齊呈祥供認先後

拜李和修王垣為師復將李和修拏獲訊供向

習龍天門教即羅祖教羅祖分傳五支一在石

佛口王姓一楊宗彩一陳姓均不知何處一交

河劉姓一姓張在南城翠花衛衛供有佛堂每

那文毅公初任直隸總督奏議

卷四十

三

年江南船幫致送香錢等語請

旨飭步軍統領查辦將李和修解交刑部一面嚴詰王垣

等黨與奉

諭旨以訪獲夥匪旗布著嚴切根究務令據實供吐按名

緝獲歸案審辦其翠花衛衛張姓已交步軍統領順

天府密行查緝四月十二日

奏報奉

諭旨刑部奏李和修供詞內稱京中傳教張姓在翠花衛

衛居住有佛堂係張姓親戚劉姓看守乃張盛向伊

告述張盛先因收受羅功旗布案內前經緝獲奏奉

諭旨嚴加究詰嗣據供張盛係德州人已經德州拏去即

咨會山東巡撫將張盛解直歸案審辦奉

硃批刑部知道四月二十五日

奏報迎提張盛到案嚴訊據供認收受羅功旗布是實

惟翠花衛衛張姓傳教一節狡供不認請將羅

功等一案另結將張盛解部與李和修質審奉

硃批刑部知道

嘉慶二十一年六月初三日

奏為遵

旨審擬具奏事竊據派委緝捕之將備劉英魁等會同吳

那文毅公初任直隸總督奏議

卷四十

三

橋縣德州訪獲散旗夥匪王垣等一案先經臣飛

飭解省查明所起王垣家藥王像及尋常經卷均

無違悖字跡當即錄供具奏欽奉

上諭那彥成奏訪獲散旗夥匪解省審鞫緣由一摺此案

羅功收受齊呈祥散給旗布並令楊逢年等照樣製就

四十塊分給夥黨該犯所製旗布既有四十分則所散

給者自必即有四十人著該督親提現獲各犯嚴切根

究務令將分受旗布之人據實供吐按名緝獲歸案審

辦該督審明後即按律分別定擬具奏欽此節經檄司

督同首府嚴究夥黨務期按名獲案以淨根株茲

據保定府知府阿霖等審擬由臬司盛泰覆審解勘前來臣親提嚴訊緣王垣籍隸山西寄居山東德州曾與已正法震卦教內之景州人宿元謨認識十八年四月宿元謨勸令王垣入教隨拜宿元謨為師授真空家鄉無生父母八字口訣是年九月初間宿元謨向王垣告述教匪將起得有旗布可免殺害宿元謨給與王垣白旗二塊上寫奉天開道四字俟教匪到日將尖角旗插於門首方旗插在婦人衣衿為號並為教匪燒茶煮飯可以保護身家王垣轉向素習清淨門教之齊呈祥告

那文毅公初任直隸總督奏議

卷四十

奏

知齊呈祥畏懼亦欲拜宿元謨為師因未會晤卽拜王垣為師入教亦授八字真言口訣王垣照樣另製白旗六塊分給齊呈祥二塊魏幅生二塊尙剩二塊留在家內齊呈祥亦另製旗布二塊轉給道士羅功授以八字真言使其入震卦教羅功轉向素好之馬淵楊逢年告知馬淵等畏死索旗防身楊逢年出錢交羅功買布製旗四十塊馬淵楊逢年照寫奉天開道字樣馬淵因有家口十三人取去旗布十三塊楊逢年因有家口十二人取去旗布十二塊羅功又分給素識之王泮二塊張盛

二塊孫起和三塊劉爽三塊王泮張盛孫起和均各收受惟劉爽未曾留下迫馬淵楊逢年等帶旗回家因聞官兵勦捕緊急先後將所得旗布送還羅功羅功亦將家存旗布八塊及魏幅生所得齊呈祥旗布二塊均各燒燬旋據王泮首告帶同伴眼陸續拿獲王垣等稟經臣奏明提省審辦欽奉諭旨再飭嚴切根究節經檄司督同委員詳細研鞫臣復提犯親審各供前情不諱恐該犯等或實有預先勾結謀逆情事并分受旗布之人不止此數或另有知情藏匿在逃各逆犯踪跡反覆究詰加以刑

那文毅公初任直隸總督奏議

卷四十

奏

嚇矢口不移案無遁飾查律載謀反大逆但共謀者皆凌遲處死知情不首者杖一百流三千里又犯罪自首者免罪又奉刑部審辦逆案十九年正月二十二日奉旨情罪又次重人犯改為斬監候欽此欽遵在案王垣先拜已正法之宿元謨為師入震卦教嗣因宿元謨告以教匪起事給與旗布預備接應復另製旗布散給齊呈祥等齊呈祥羅功得旗入教亦卽照樣製旗輾轉分散嚴訊均尙無預先勾結共謀情事惟既入教散旗卽屬逆黨核係在家未行情罪又

為次重自應遵

旨定擬王垣齊呈祥羅功三犯除知情不首及邪教為從各輕罪不議外應遵照前奉

諭旨均擬斬監候秋後處決馬淵楊逢年魏幅生張盛訊明俱未入教因齊呈祥羅功告知逆情心存畏死僅止索旗防身旋因懾於兵威俱各送還與入教助逆者有間馬淵楊逢年魏幅生張盛及例不緣坐之羅齊氏五犯應俱依謀反大逆知情不首律各杖一百流三千里至配所折責安置馬淵業已在監病故應毋庸議魏幅生年逾七旬羅齊氏係那文毅公初任直隸總督奏議

卷四十

罕

婦女均照例收贖追取贖銀入官冊報張盛於取供後因另案之李和修在刑部供出業經遵

旨解部同李和修質審現准部覆張盛業已病故亦毋庸議劉爽當羅功告知邪教起事已知逆情不即首告惟尚未收受旗布應於馬淵等流罪上量減一等杖一百徒三年該犯已在監病故亦毋庸議王泮得受旗布現據呈首隨同作服將羅功等拏獲足以功罪相抵應照例免其治罪姚吉太訊明並不知有散旗之事係羅功錯記誤供應免置議孫起和飭緝獲日另結經卷等件案結銷燬供招咨

部謹

奏奉

硃批刑部議奏

嘉慶二十一年四月初三日

奏臣自前月二十四日回省以來正值辦理秋審現

與臬司盛泰悉心酌核凡情實緩決可矜之案務期講求至當以仰副

聖主慎重刑章之至意至內控各案上年掃數辦結本年

續到之案應奏者僅止四起現因人證未齊嚴檄

催提未結咨案亦嚴催趕辦不使稍有積壓拖累

那文毅公初任直隸總督奏議

卷四十

罕

本年仰賴

皇上福庇賜雨應時麥收可期豐稔所有春徵錢糧民間

自必踴躍完納業已檄飭各州縣務須儘徵儘

解并面囑藩司隨時上緊提解不許存留屬庫以

杜虧挪最要次要各逆犯屢經嚴飭各地方官

并派出文武員弁實力躡緝并逐日嚴加飭催各

該員弁頗知奮勉據署撫寧縣知縣費元鑽訪獲

張滿等習天主教一案元城縣知縣楊本濟拏獲

逃流孟丁兒一案南路同知許嗣容拏獲逃軍谷

三一案萬全縣知縣潘光煒拏獲逃軍李日輔一

案逃流冀振名一案盧龍縣知縣辛文泚拏獲逃
流呂吉進一案威縣知縣陳念祖盤獲汪培瑋假
冒職官一案署饒陽縣知縣黃郁章拏獲張祥臨
學習天主教一案元城縣典史周達湘盤獲形跡
可疑人金鼎杜洪太一案署遷安縣知縣汪本稟
報喜峯口巡檢唐克寵會同外委王天寵拏獲董
懷信案內習教人張起臣等一案承德府知府嵩
齡稟報唐三營千總孟順拏獲形跡可疑道士李
泳照一案平鄉縣知縣翟慎行拏獲逆犯程士興
之子程拴一案署靜海縣王慶坨千總李棟樑拏

那文毅公初任直隸總督奏議

卷四十

聖

獲習教人秦有音一案大沽營都司郭義署海口
營守備劉國興武清縣知縣甘家春會同拏獲形
跡可疑人周長周幅一案宣化府同知馮桂芬拏
獲形跡可疑人李智一案河間協左營千總張起
鳳拏獲教犯趙庭樑之子趙明一案新雄營都司
余國柄新城縣知縣陳景登會同拏獲趙明供出
之韓麻子一案青縣汛千總藍自貴訪拏教犯張
森一案北路同知陳世相盤獲面生可疑人夏二
一案署天津右營守備張起鳳等拏獲面生可疑
人李三一一案平泉州拏獲逃遺色布滕一案又拏

獲逃遺土魯博臺一案邯鄲縣拏獲逃遺郝三子
一案現均提審訊明後即照例辦理此實悉由遵
奉

聖明指示嚴拏各要犯乃能將各地方學習邪教以及軍
逃人犯並皆搜剔俾良民得以安生從此以正人
心而端風俗皆仰承我

皇上飭法弼教之意閭閻故隱受其福臣仍嚴飭各員弁
等加意訪緝務期要犯畢獲以冀除莠安良仰慰

聖廑謹

奏奉

那文毅公初任直隸總督奏議

卷四十

聖

硃批逐案研究切勿草率從此跟追各逆犯下落一兩月
內務獲勉之

嘉慶二十一年四月十二日

奏為欽奉

上諭恭摺覆奏事竊臣於本月初十日承准軍機大臣字

寄欽奉

上諭祝劉二逆在山東袁武魁家藏匿惟該省查拏袁武
魁等犯業已月餘該逆等見搜捕嚴緊不敢仍留東省
自必潛回直隸著那彥成即派委委員在與山東連界
之大名廣平一帶嚴密訪緝如能將祝劉二逆弋獲迨

非劉玉澁可比朕必立沛重恩加爵厚賞該督當勉之又勉也欽此又於本月十一日奉到

硃批祝劉二逆確在山東陳預只知研審袁武魁不能拏獲大逆今已匝月二逆遠颺實深憤懣汝力加振作盡孝盡忠多差員弁各處密訪如能拏獲立沛重恩廣庭墳園遣官告奠汝其勉之汝其勉之欽此臣跪讀之下

曷勝感泣臣兄那彥寶亦遵

旨寄信到臣並諄諄囑咐務獲要犯以冀稍答

主恩臣伏查大名府屬與曹州府連界本有員弁在彼訪

緝前聞祝劉二逆在山東藏匿誠恐該省搜捕緊

那文毅公初任直隸總督奏議

卷四十

四

急潛入直境復添派文武員弁馳往查拏亦有自願前往躡緝并有改裝易服密赴東境緝拏者通計不下四十餘員臣欽遵

諭旨多派員弁分投馳赴大名廣平一帶毗連山東州縣

慎密訪緝毋論通衢僻道遇有從山東過來之人

逐一稽查盤詰不許稍有縱漏又思河間天津二

府屬亦多與山東接壤而山東德州浮橋渡口為

行人往來必經之所景州為入直門戶雖曾派遊

擊劉英魁等二十餘人在彼躡緝然當此搜拏喫

緊之時難保祝劉二逆不向北逃竄臣亦飭該地

方文武各官於交界處所密派兵役實力巡查又分派候補承倅州縣多員馳往緝捕其德州浮橋渡口及景州入境之處多派幹員駐守盤詰并曉諭派出各員弁如訪問祝劉二逆在山東境內即密往擒捕如遇山東官弁務須齊心協力設法擒拏期於必得其邀

恩賞斷不可稍分畛域及存讓功之見以致要犯走脫有悞大事轉蹈重咎現在南糧北上該逆等或改捏名姓復入糧船充當水手亦未可定臣飭令沿河州縣營汛一體留心偵捕仍飭本管鎮將道府認

那文毅公初任直隸總督奏議

卷四十

五

真督拏並通飭閭省文武一體加意躡緝仍密派幹弁在船在渡嚴密緝訪茲奉

硃批訓勉至再至三並蒙

垂念先臣恩許遣祭臣具有天良敢不以忠孝自勉竭盡犬馬之力

加意振作并鼓勵文武員弁嚴密訪拏以期要犯

就獲上慰

聖懷理合恭摺具奏謹

奏奉

硃批實心緝捕務期就獲佇待喜旨立施厚賞

嘉慶二十一年四月二十五日

奏為覆奏訪緝情形事竊臣於本月二十二日准軍機

大臣字寄四月二十一日奉

上諭前據那彥成奏所派文武員弁在山東毗連州縣躡

緝祝劉二逆並改裝易服密赴東境緝拏者不下四十

餘員後又添派多員分投偵訪等語祝劉二逆在山東

潛匿自袁武魁等獲案後總未究出現逃去向那彥成

派往員弁多人在東境豈一無聞見自必將近日訪緝

情形隨時稟知那彥成乃未據該督奏及現在祝劉二

逆或仍在東境或潛逃他處那彥成得有音信著即據

那文毅公初任直隸總督奏議

卷四十

癸

實奏聞欽此臣跪讀之下仰見

聖主宵旰廛注

訓勉諄切曷勝悚急之至伏查臣前經派出文武員弁四

十餘員截拏祝劉二逆後又添派多員分赴大名

廣平一帶毗連地方嚴密查拏並因河間天津二

府屬與山東接壤之處甚多又多派幹員四路盤

詰偵訪屢經嚴檄諄飭如訪有該二逆潛逃確實

去向無論在東在直均即飛速稟知連日又經分

檄馳催緣所派武弁都守千把外委等官雖俱奮

勉認真訪緝但未經得有確跡不敢以空言具稟

丞倅候補州縣佐裸各員雖按日稟明躡緝處所

及購探情形究無確實蹤跡適據派員之已革知

縣儲斗南等先後稟報在山東邊界之營內拏獲

荷澤縣人畢闖畢祿畢學燕三名現在檄飭解省

審辦臣晝夜思維祝劉二逆如果潛回直省值此

四路兜截無論通衢僻壤水陸關渡在在均有員

弁改裝購訪斷難倖逃法網所有派往員弁咸知

齊心協力不敢稍分畛域人人思奮冀得渥荷

聖恩臣並密札山東撫臣陳預轉飭所屬地方官不論東

省直省一經得有二逆確音彼此飛行咨會惟已

那文毅公初任直隸總督奏議

卷四十

癸

屆月餘並無確實去向臣萬分焦灼莫能名狀仰

蒙

垂詢益切惶恐惟更加緊督催各路員弁務期鼓勇奮力

一得該二犯潛逃確音立即稟報以憑據實馳

奏上慰

聖懷謹

奏奉

硃批二逆形踪詭秘恐二袁之供未必確切仍須各處嚴

緝不可守株坐待勉之

嘉慶二十一年五月初八日

奏為參奏請

旨事竊臣接據正定鎮總兵張大振稟稱先據開州營都

司劉肇元稟報拏獲次要逆犯王萬秀一名當經

據情轉稟續於四月二十九日據派委緝捕之已

革把總張景龍帶領開州營兵丁常青等押解逆

犯王萬秀行抵正定該鎮傳詢常青據常青面稟

並非該兵訪知踪跡實係張景龍等帶領眼目訪

聞知會本營隨派該兵常青等五名前往協同拏

獲該營千總李國昇並未親身前往該營都司劉

肇元因辦差尙未回營該鎮據實稟請核懲前來

那文毅公初任直隸總督奏議

卷四十

哭

經臣伏查王萬秀住居西湖村亦名太平莊雖係

滑縣管轄但距開州營汛僅止數十里該營不能

預為訪出已屬疎懈迨經委弁張景龍告知千總

李國昇即當親身帶領兵丁會同往捕乃僅派兵

協拏並不親身馳往實屬膽玩該都司劉肇元既

係辦差公出並未回營即未親身前往原無不合

乃輒捏稟帶領千總李國昇等星夜往拏希圖邀

功實屬欺朦玩愒現當緝捕喫緊之時豈容此等

劣員捏詞朦飾若不從重懲辦無以儆懈玩而肅

捕務相應參奏請

旨將開州營都司劉肇元千總李國昇均卽革職以為各

營員弁不能實力緝捕者戒仍令劉肇元李國昇

在開州邊界一帶協緝要犯如果改悔出力能有

弋獲再行奏請開復分別辦理謹

奏

嘉慶二十一年五月初十日軍機大臣字寄奉

上諭本日那彥成奏都司劉肇元千總李國昇冒功捏

稟一摺已旨將該都司等革職解部審訊矣昨據劉

鑾之等奏委員會同開州兵役緝拏逆犯王萬秀時該

處聚眾拒捕經該委員拏獲解州滑縣陳令以王萬秀

那文毅公初任直隸總督奏議

卷四十

哭

係屬良民親來索取恐有包庇情事當經降旨交該督

確查覆奏王萬秀一犯現已到部正在研訊其當日就

獲時開州地方營汛各員與滑縣陳姓知縣是否彼此

爭功致相競奪著該督查明參奏如查有滑縣知縣爭

功情事即咨明該撫將該縣押解刑部歸案審辦

嘉慶二十一年五月十四日

奏為遵

旨查詢並將委員周邦憲張景龍及隨同緝拏之兵役解

部事竊據委員周邦憲張景龍寄與任頌稟內稱

該員等會拏逆犯王萬秀之時該處聚眾二百餘

人各執器械施放鳥鎗拒捕劫奪迨獲犯解交開州審訊滑縣知縣陳筠又同千總帶領多人車載器械來州索要眼線等語欽奉

諭旨飭將周邦憲張景龍詳晰訊究並向開州知州陳晉

查訊獲犯情形欽此臣查王萬秀一犯先經接據開州

知州陳晉稟稱會同滑縣兵役拏獲因有該村民

人袁三袁四作眼指證王萬秀習教從逆核與單

開次要逆犯姓名相同當即飛飭解省一面

奏請解部與董幅太質認旋據該州會營僉差兵役將

王萬秀押解到省臣檄司委員解部隨向周邦憲

那文毅公初任直隸總督奏議 卷四十 五

張景龍等面詢東豫交界近日躡緝情形據稱該

員等先在開州花園屯地方盤獲滑縣小王莊人

高士義一名交開州審訊係拜離卦教郭明山為

師又訪拏滑縣太平莊人王萬秀一名不料該處

聚集多人各持器械搶奪拒捕迨將王萬秀交州

收審滑縣陳姓知縣遣人至州坐索又有百餘人

將鄉勇蕭芳魁擄去陳知縣復會同千總帶領多

人車載器械親至開州署索要眼線等語臣聽聞

之下即覺所稟不近情理因詰以該處如果聚眾

劫奪伊等不過數人何以未經搶去伊在黑夜何

以亦未受傷至滑縣知縣千總均係職官何敢公

然械鬪爭功即使實有其事開州知州陳晉亦必

與之爭執正可藉此見長有何徇隱瞻護何以匿

不具稟周邦憲張景龍詞色支吾臣因該員等究

係躡緝獲犯之員且王萬秀解省時業經飭府訊

據供認聽從袁德建入教隨同搶掠對質屬實該

員等所稟或係另有別情必須先向陳晉確切查

覆方可得其虛實隨檄行開州知州陳晉據實稟

報不可稍有徇飾一面諭令周邦憲張景龍聽候

查辦並據該二員稟稱訪問滑縣各處尙有助逆

那文毅公初任直隸總督奏議 卷四十 五

之犯請給劄會同開州往拏臣以緝捕正當喫緊

之時准令給劄前往欽奉

諭旨令臣詳晰確究即據開州知州陳晉稟稱前據州役

李玉林等隨同委員周邦憲張景龍拏獲滑縣被

賊裹脅之高士義一名送州訊究滑縣知縣陳筠

並無因該犯係屬良民帶領多人赴州索討之事

高士義已遵批起解赴省至會同拏獲王萬秀一

案因據委員張景龍告知王萬秀信息時因事屬

機密未經知會滑縣即於四月初十日會同委員

帶同兵役密赴該村時值黑夜適滑縣知縣陳筠

先期派差在交界設卡緝匪隨一同至村將王萬秀拏獲王萬秀之兄王萬宗同人搶奪開州兵役與之相打將王萬宗隣人袁劉旺毆傷拏獲王萬秀回州旋准滑縣據王萬宗稟報伊弟王萬秀家黃夜被賊劫去衣服錢物將王萬秀架走王萬宗與隣人袁劉旺追趕袁劉旺被賊毆傷等情滑縣陳筠專差家丁備文關查一面將王萬宗嚴押復親到開州與該州提犯會鞫並無彼此爭競之事至蕭芳魁因在滑縣被控有案經滑縣差役拏去當經陳筠訊明釋回亦與王萬秀案無涉現在周那文毅公初任直隸總督奏議

卷四十 聖

邦憲等所稟各情未敢扶同含混稟覆前來臣查陳晉所稟與周邦憲張景龍不符正在飭提周邦憲張景龍確訊間復奉諭旨飭將周邦憲張景龍及隨同緝拏之兵役等一併解部候訊並飭令開州知州陳晉赴部備質等因臣查周邦憲張景龍所稟前情核之陳晉覆稟顯係張大其詞希圖邀功現經刑部訊據王萬林供詞恐另有以偽作真授意教供情事誠如聖諭必須質訊明確周邦憲張景龍及隨同緝拏之兵役現俱在省應請將該二員並作眼指拏之袁三袁

四及會同緝拏之民壯李玉林張秉智蕭玉林馬兵常青蘇勵德李裕和李用正蕭芳魁一併先行派員解部候訊臣一面飛檄開州知州陳晉即日束裝赴部備質謹

奏奉

硃批刑部知道

嘉慶二十一年五月二十七日

奏為訪獲習教逆犯審明定擬事竊照新城縣獲解逆犯于城兒及李幅祿並在逃次要匪犯辛五之母辛王氏一案先據新城縣知縣陳景登縣丞胡鈞會稟訪聞于城兒係辛五之甥與伊妻父李幅祿均有習教從逆之事會同新雄營都司余國柄原任遊擊劉乾忠率同典史周沛田把總司國光外委盧芬帶同兵役將于城兒李幅祿拏獲并訊明于城兒供認得受李五刀布因係隨後趕往未及進京等語臣檢查通緝要犯單開並無于城兒姓名至各路委員拏獲人犯動稱得受刀布往往空言並無確據希冀妄拏邀功情事之所不免今既據于城兒供認屬實自應搜起真贓方可定為從逆確據即或布已燒棄而刀係可以埋藏改造之

那文毅公初任直隸總督奏議

卷四十 聖

物如果埋藏投棄必有其地另行銷鑄必須嚴究何人銷鑄改鑄何物一一指證確實不得顛預定讞當卽逐層批飭該縣詳加搜查一面派員飛提于城兒及李幅祿來省續獲辛王氏歸案質訊隨檄臬司盛泰督同保定府知府阿霖審訊與該縣所訊供情無異正在核審間卽據該縣營等會同在于城兒家炕洞內起獲尖刀一把白布一塊別無經卷圖像及不法器械當將刀布給于城兒認明委係李五所給由司審擬解勘前來臣親提研訊緣于城兒卽于土城籍隸新城縣永安莊人織

那文毅公初任直隸總督奏議

卷四十

五

布爲生係在逃次要逆匪辛守幅卽辛五之甥嘉慶十六年不記月日子城兒聽從伊母隨同辛五往拜李五爲師李五教令于城兒誦念八字咒語迨後不記年月晚上于城兒在李五家中見過林清一次李五令向林清磕頭于城兒當夜回家不知林清何時回去十八年五月間于城兒之妻父李幅祿因腿痛不能工作于城兒勸令入榮華會腿疾卽可痊愈李幅祿聽信允從是月不記日子于城兒帶同李幅祿往見辛五引進亦拜李五爲師入榮華會並未教念八字咒語李幅祿當時回

那文毅公初任直隸總督奏議

卷四十

五

家後無往來是年九月初間辛五往邀李幅祿隨同李五進京滋事許有好處李幅祿畏懼未從辛五以李幅祿不愿同行未便相強當給李幅祿白布一塊囑咐滑縣有人殺來帶上白布可免殺害李幅祿畏害收受旋即燒燬辛五又將于城兒邀至李五家中李五囑令于城兒一同進京滋事將來大有好處于城兒應允李五復告知同會之人口號得勝二字分給刀布約定十三日夜間在辛家村會齊起身至十三日李幅祿將于城兒喚往向其勸阻于城兒呆坐移時已經傍晚于城兒回家躊躇不定當夜未往而辛五辛守仁辛守榮辛守信并同村人張齡姚家莊人王凱魏大賓顧家莊人顧殿英顧殿相孫傻子等待至起更時分因于城兒不到伊等先卽起身向告辛五之母辛王氏以伊等在固安之渾河口地方等候令于城兒隨後趕去十四日早于城兒至辛五家中經辛王氏告知前情于城兒卽趕至渾河口與辛五等並未會面又不識進京路徑仍行回家十七日子城兒傳聞進京各逆多被拏獲向辛王氏告知迄今辛五等皆未回村二十年不記月日子辛王氏與于

城兒閒談于城兒言賞格單上有辛王之名辛王
氏以伊子別無熟識之處惟於嘉慶六年間曾與
高唐州民人趙錦赴彼傭工數日而回或者至彼
藏匿亦未可定實係隨口空談委無得有確信並
不知趙錦所住村莊嗣于城兒等先後被獲解省
逐加研審據各供晰前情詰以辛五等實在逃往
何處僉稱不知恐有串捏狡飾情弊且該犯等皆
係逆黨更恐有勾結串匿祝現等及知悉現在踪
跡情事連日隔別熬審該犯等堅供不移自應按
律擬結查律載凡謀反大逆但共謀者不分首從

那文毅公初任直隸總督奏議

卷四十

五

日奉

旨情罪次重人犯改爲斬立決欽此又例載反逆案内律
應緣坐婦女發福建廣東甘肅四川四省駐防官
兵爲奴又邪教爲從改發回城給大小伯克及力
能管束之回子爲奴各等語查于城兒入會從逆
收受刀布現經起獲當堂供認確鑿至其趕至中
途未遇辛五等而回並未進京不惟該犯堅供不
移卽質之後經解到之辛王氏供亦相同是于城
兒尙未進京實無疑義惟該犯先經入會拜李五

爲師繼復從逆收受刀布祇因行走落後未及隨
同進京核其從逆情罪實爲次重于城兒卽于土
城一犯應請遵

旨擬以斬立決李幅祿經辛五糾邀進京滋事畏懼未從
其收受白布係爲惑於家屬免遭殺害之言所致
且旋即燒燬惟該犯先經拜從李五入會仍應以
邪教爲從科斷李幅祿除知情不首罪止杖流輕
罪不議外應依邪教爲從改發回城給大小伯克
及力能管束之回子爲奴辛王氏係在逃次要逆
犯辛五之母律應緣坐訊明該氏並未入會應照

那文毅公初任直隸總督奏議

卷四十

五

例發福建廣東甘肅四川四省駐防官兵爲奴係
逆案緣坐之犯年逾七十仍應實發示懲至辛五
是否實在高唐州境內潛匿雖無坐落村莊既有
趙錦姓名保甲戶口冊內不難按檔稽查現已咨
會山東撫臣飛飭高唐州一體上緊協拏仍飭屬
勒緝各要犯務獲另結至新城縣知縣陳景登新
雄營都司余國柄原任遊擊劉乾忠等會同訪緝
于城兒獲案並起出原收刀布審明實係從逆之
犯尙屬認真容臣存記俟再有弋獲單開要犯另
行奏請鼓勵供招咨部謹

奏奉

硃批刑部速議具奏

嘉慶二十一年五月二十七日

奏臣先經恭讀

諭旨各省緝拏要犯總當責成地方官各就本境實力嚴查其派出委員著概行撤回欽此嗣於二十日承准軍

機大臣字寄五月十九日奉

上諭祝劉二逆蹤跡雖獲犯供詞不能指實然總不出直東二省境內昨降旨令將躡緝委員概行撤回該督務通飭所屬地方官各就本境認真查緝如訪有逆犯蹤

邪文毅公初任直隸總督奏議

卷四十

奏

跡飛行稟報該督再派員弁馳往幫同擒拏押解勿事虛文以收實效欽此正在分別撤回並通飭各屬間茲於二十五日復准軍機大臣字寄五月二十四日奉

上諭該督接奉此旨通飭所屬仍間隔旬時即嚴檄督催令各州縣提撕警覺勿稍懈弛如該州縣等訪有逆犯確蹤或力不能掩捕即令飛速密稟該督接到稟報立派文武幹員前往協同緝拏押解來省訊明後由驛迅速奏聞總之捕拏逆犯實心實力必能有獲不在空言塞責也欽此 臣跪讀之下仰見我

皇上睿照周詳洞燭情偽於緝邪詰姦之中寓安良禁暴之意

惠心實政

訓諭肫誠凡屬大小臣工具有天良曷勝欽佩悅服之至至誠逆等雖日久稽誅總不能遁於天壤之外誠如

聖諭果能由一州一縣一甲一牌處處稽查周密則逆犯蹤跡縱令如鬼如蜮亦將何所逃匿 臣欽遵

諭旨將各路員弁分別撤回一面仍令在本省境內嚴查仍嚴飭各州縣破除成見痛改結習共矢同仇除邪文毅公初任直隸總督奏議 卷四十 奏

莠之誠勿稍為觀望遲疑之見務期家喻戶曉毋擾毋縱如果偵探各逆確蹤飛速馳稟協同捕拏而 臣仍按旬嚴催密加稽查不許稍有絲毫懈弛以仰副

聖主實力躡緝

訓勉提撕之至意謹

奏

嘉慶二十一年五月二十九日軍機大臣字寄奉 上諭昨因各省派出緝匪委員多有誣指妄拏之弊特降旨令該督等將委員停撤通飭所屬地方官各就本境

查緝木口那彥成奏盤獲從逆匪犯施魁供十八年九月間曾聽從逆匪閻邦漢入夥除閻邦漢一犯已降旨陳預緝拏外可見豫東一帶漏網逆匪尙復不少直隸與該二省毗連地方尤當加意查緝現在緝匪委員既經停撤惟恃地方文武員弁盡力查拏若安坐衙齋並不設法偵訪是欲待該逆匪等自行投到終無獲犯之日矣著那彥成再行嚴飭地方文武各官於本境內多派家丁兵役就地密查如查有逆犯蹤跡或須添員協緝卽飛稟該督派委幹員馳往掩捕不可遷延坐待又蹈因循積習

那文毅公初任直隸總督奏議

卷四十

卒

嘉慶二十一年六月初三日

奏 於六月初二日承准軍機大臣字寄六月初一日奉

上諭朕聞山東自袁武魁等供出窩留祝劉二逆之後處處訪緝緊嚴該逆犯等具有耳目知東省逐處搜查難以藏匿勢必逃往隣省以爲苟延殘喘之計山東隣省莫近於直隸河南前因各省委員貪功妄拏降旨概行撤回責成州縣官各於所屬境內認真查緝但恐該督等接奉諭旨一經行文通飭卽不復再問各地方官勤惰不齊在賢能者自加意訪查其不肖者因循怠玩仍

屬有名無實者那彥成方受囑於嚴飭各屬後仍密派誠實可信之員潛往各處訪查如有緝捕疎懈者卽指名據實嚴參各州縣知所警懼庶不敢心存玩視再菴觀寺院尤屬藏奸從前祝現劉第五劉成章俱有出家爲僧之說近日直隸拏獲僧人施魁河南拏獲道士周文盛皆係漏網逆犯可見僧道中匪徒影射潛匿者正復不少該督撫并飭知所屬各於本境加倍留心嚴密偵緝發現天良視如家事或可冀有弋獲也欽此 查

前奉撤回委員

諭旨當經查明派赴山東河南之委弁因係越境訪拏是

那文毅公初任直隸總督奏議

卷四十

空

以遵

旨卽行撤回其本省各屬派委躡緝之員弁仍責令協同各地方官認真偵訪飭令躡探確實不可妄拏滋累業經覆奏在案 接據本省各委員會同該州縣等先後稟報訪有形跡可疑之人均卽分別批飭或解省確審或就近傳質期於根究要犯踪跡該委員及各州縣等均各踴躍自奮仍照前認真查拏間有報獲者容 提審陸續具奏茲復奉旨諄切訓諭 惟益嚴飭所屬州縣及派委員弁務更於本省境內加倍偵探各要犯確踪密速稟報並於

菴觀寺院及遊方僧道行止可疑之處上緊留心
察緝仍按旬嚴催斷不敢任聽該州縣等稍存因
循怠玩之見唯冀早有弋獲仰慰

屢注於萬一謹

奏

嘉慶二十一年六月初五日軍機大臣字寄奉

上諭那彥成奏查明派赴山東河南緝匪員弁因係越境
訪拏遵旨即行撤回其本省派委躡緝之員弁仍責令
協同各地方官認真偵訪等語朕前降諭旨停撤緝匪
委員者原以緝捕奸宄本係地方官專責若一聞有委

那文毅公初任直隸總督奏議

卷四十

奎

員入境州縣官必先已懷疑留心防備或委員訪知要
犯地方官以為功在委員過在己身彼此相爭相諉或
吹風故縱或滅口消弭流弊百端不如責成地方官較
為切實那彥成惟當遵照前旨通飭各屬各於本境認
真查緝如能獲犯則雖在該境潛匿數年之久亦斷不
追論從前失察之罪仍必重需恩施若本境情無覺察
別經訪拏則必重治其罪決不寬恕至訪有端倪仍復
派員前往協緝使各州縣知委員已撤責無旁貸而上
司仍派員密查自不敢心存懈弛方於捕務有益朕又
思口外地方與內地情形迥不相同多有不能編查保

甲之處且各廳縣多由筆帖式出身於經理地方事宜
多不中肯綮其查察亦必不能周密每年朕秋獮起鑾
之前該督均派員前往各處村莊稽查現在該省派出
委員均經撤回可擇其明幹曉事者即先令前赴熱河
及各屬地方密為查訪如訪有逆匪踪跡協同地方官
查拏迅速解交該督審辦較為周妥

嘉慶二十一年六月十八日

奏為拏獲逆犯蔡明山請解部訊辦奏祈

聖鑒事竊據新城縣知縣陳景登新雄營都司余國柄新
城縣縣丞胡均會稟奏准刑部原緝單內有蔡明

那文毅公初任直隸總督奏議

卷四十

奎

山一名住桃園係史進忠供出屢經訪查固安縣
桃園地方並無蔡明山其人今訪得縣屬崔家莊
有住民蔡明山係史進忠之妹婿隨會同原任遊
擊劉乾忠候補縣丞包駿率同兵役眼線於六月
初十日密赴崔家莊將蔡明山拏獲訊據供認係
史進忠妹夫因伊妻病故棺殮過薄與史進忠打
鬧斷其來往被其挾嫌仇扳並無入教助逆情事
稟報前來臣查刑部原緝次要單內本有蔡明山
之名且係已正法逆犯史進忠供出之人既係史
進忠妹夫所供仇扳等語並無確據顯屬狡展當

卽派弁迎提至省檄司督同首府連日熬審始據供稱小的今年四十六歲原籍新城縣韓村人父母早故搬在京西離

圓明園十二里地之北辛莊居住小的弟兄三箇小的居長二弟蔡二三弟蔡三都是北辛莊生長的後來三弟蔡三過繼與新城後辛莊居住的胞叔蔡二做兒子從沒往來父母死過多年小的與二弟久已分居二弟現在北辛莊居住小的前妻李氏生有一子名雨兒今年十六歲前妻死後嘉慶十四年十月裏又續娶新城縣崔谷莊史進忠的

那文毅公初任直隸總督奏議

卷四十

查

妹子史氏做繼妻生有一子名青兒今年六歲了十七年不記月分繼妻史氏生病思想娘家小的就把女人同兩箇兒子搬到崔谷莊與史進忠隣近居住是年七月不記日子史進忠勸小的入他們榮華會說將來大有好處小的應允就拜史進忠爲師教念真空八字真言十八年八月十三日小的在史進忠家合他母舅魏扳兒一同喝酒魏扳兒本姓李因過繼魏家所以也叫他舅舅聽他說黃村大當家林清九月十五日要進京開事邀小的與史進忠同去幫助許有好處小的們應允

那文毅公奏議 卷四〇

到九月初八日小的在辛家莊趕集與魏扳兒撞遇同到史進忠家魏扳兒又問小的們到底進京不進京小的合史進忠答應說去魏扳兒又約會小的們到他家領取刀布十一日小的與史進忠去魏家村找見魏扳兒同到固安縣辛家莊見了李五分給小的與史進忠白布各二塊刀子一把還有張連也在那裏同領刀布十二日魏扳兒張連史進忠合小的一共四人同到黃村去見林清史進忠魏扳兒在林清客屋裏閒說話有四五箇人小的合張連是在外間只聽得裏間叫李二孛

那文毅公初任直隸總督奏議

卷四十

查

茶那李二有三十來歲是箇弓肩史進忠們說完了話林清叫小的們分起行走約定十五日一早在京中茶市口會齊小的們一同出來那不認識四五人都送小的們內中有一箇姓宋四十多歲四方臉八字鬍鬚不知他的名字是小的向史進忠問的並沒問那幾箇人姓名小的們因多沒有帶傢伙當卽回家十三日仍是小的們四人一齊帶了刀布由魏扳兒家起身到長安城過河已經天黑就在鷺坊村西頭河堤柴堆上住了一宿是日夜裏因見近處男女有些慌亂搬家逃走小的

三四一

合史進思張連三人的刀子又長又大擎者行走
恐怕被人看破都撩棄在堤邊河內了魏扳兒的
刀子短小仍帶着走的十四日小的們四人自鷺
坊起身由豐臺上大井到了彰儀門外路北往西
便門去的道北小飯舖裏住宿一夜那飯舖是父
子兩人開的記得姓曹如今還認得出來的十五
日一早進彰儀門到茶市口路南茶舖喝茶魏扳
兒出去買了三把刀分給小的們三人這時候有
同會的張明顧殿英走去見了小的們又轉回去
了小的們喝完了茶又到路北喫了早飯就進順

那文毅公初任直隸總督奏議 卷四十 奏

城門天已將午時候魏扳兒張連史進忠三人前
行小的有些害怕落後幾步將近

西華門前看見同會的人甚多小的只認得李六兒
顧殿英他兄弟九兒還有姚姓趙姓邵姓并魏扳
兒史進忠張連都在其內其餘的人均不認識他
們就從

西華門一擁進去小的未及趕到門前門已關了那
時小的益發害怕就回身出了平則門到護城河
邊乘空將刀布撩棄河中連夜逃回家來的至十
二日小的們到黃村見林清的時候聽得林清向

魏扳兒說

西華門裏有兩箇太監引路李五擎小白旗領着在
先叫魏扳兒擎了小白旗押後引路的太監一箇
是楊姓並沒說明名字還有一箇姓什麼小的也
記不得了至是日魏扳兒們進

西華門一千人等小的逃後並沒與他們見面不知
他們的生死小的曾聽魏扳兒說過有祝現劉第
五支進才這些人實未合他們見過也不知他們
下落小的兄弟蔡二們都沒習教香山北辛莊地
方都沒習教的人是實等語臣提訊無異查蔡明

那文毅公初任直隸總督奏議 卷四十 奏

山一犯於擊獲之時猶狡供不吐迨提省熬訊並
未用刑卽據供認隨同史進忠入城滋事已到

西華門因門已關閉隨卽逃走核其情節實屬次要
逆犯罪不容誅相應

奏明派員將蔡明山小心押解送交刑部請

旨勅下該部俟蔡明山解到審明定擬辦理以伸

國法而快人心並派員馳拏蔡明山之子雨兒青兒續
行解部謹

奏奉

硃批刑部知道

嘉慶二十一年六月二十九日

奏報拏獲蔡明山之弟蔡三訊稱兄弟三人伊過繼與

新城縣後幸莊胞叔爲子與兩兄久已分居等

語查蔡明山既供入教助逆所供蔡二蔡三分

居並未習教之語難以憑信且安知蔡三非部

開次要犯單內之蔡秉山相應將蔡三解部請

旨勅部究鞫奉

硃批刑部知道

那文毅公初任直隸總督奏議

卷四十

突

那文毅公初任直隸總督奏議卷四十

那文毅公初任直隸總督奏議卷四十一目錄

卷四十一

飭緝逆黨附請改發邪教從犯

那文毅公初任直隸總督奏議

目錄

一

那文毅公初任直隸總督奏議卷四十一

男容安恭輯

飭緝逆黨附請改發邪教從犯

嘉慶二十年六月初一日

奏為訪獲編造邪言惑眾斂錢誘姦婦女之犯審擬具
奏事竊據保定府知府阿霖面稟據邢州知州王
仲湘稟稱訪得州屬西佛落村民人邢士魁自稱
如來轉世有聚眾念經情事臣當即派委委員改
裝易服前往訪拏去後嗣據委員候補知縣何繼
志會同署邢州知州顧汝壽將邢士魁拏獲起出

那文毅公初任直隸總督奏議

卷四十一

一

道袍一件小木牌一塊寫天地三界十方萬靈真
宰十字小木戳一個刻洞經咒寶四篆字銅鐵磬
各一口木魚一個燒料念珠一掛破爛經卷一捆
押解來省並據泰寧鎮標外委田啟稟獲一人訊
據口稱名趙吉雲邢州西佛落村人伊村邢士魁
聚眾念經男女混雜伊怕連累欲行呈首今蒙盤
獲等語稟經泰寧鎮總兵成書發交易州訊供稟
解到省臣將邢士魁家起出經卷逐細翻閱多係
僧道念誦及紅陽教經均無違悖不法字樣惟手
寫表名掛號總冊一本冊面寫大清嘉慶十四年

那文毅公初任直隸總督奏議

卷四十一

二

二月立內中語句荒誕鄙俚不甚可解兼有人王
地主呂成羣又胡兒對對還家兩句悖逆字蹟臣
隨飭交臬司督同保定府詳細研鞫茲據該司盛
泰詳稱督同保定府知府阿霖向邢士魁逐細審
訊詎該犯善於運氣當熬審極嚴之時該犯竟能
閉目斂氣數刻形同已死難於取供飭役將火紙
點燃吹入鼻孔該犯一經煙薰方不能運氣始肯
供吐據稱伊圖惑眾斂錢姦淫婦女托名如來轉
世并與呂尹氏商允捏稱其子呂成羣係人王地
主當家地王菩薩現有金禪老祖附在呂成羣身
上某處神道某人前來表名掛號又隨便捏造人
名並將平日看過小說人名一併編入造成這表
名掛號總冊每於做會念經時對眾捏說某神道
有功金禪老祖應許上升某神道有過金禪老祖
已經不用某神道在世鬧事已經收淨故於冊內
添註上升不用收淨字樣不過騙人之意其悖逆
字跡亦係隨筆書寫並非有心至破爛經卷並木
戳係在東佛落村廟內取來聞係該村民婦劉邱
氏安放在彼木戳所刻何字伊並不認識亦未用
過等語復提劉邱氏並應訊人等到案向劉邱氏

追究經卷木戳來歷據供伊姑母嫁與博野縣北燕村人朱姓爲妻朱姓向做道士家中存有經卷木戳後朱姓並伊姑母病故並無子嗣伊恐經卷木戳棄毀罪過取回存放本村廟內被邢士魁看見取去等語隨提同一千人等研審明確尙未擬解該犯邢士魁因連日熬審兼被煙薰逆氣帶病進監身死該司委據清苑縣驗報並將呂尹氏等擬議解勘前來臣隨親提研鞫緣邢士魁籍隸邢州莊農度日乾隆四十八年間邢士魁患病請望都縣介安村人素習如意教之于正方向醫治痊愈

那文毅公初任直隸總督奏議

卷四十一

三

卽拜于正方向爲師入教于正方向邢士魁告知此教起自山東商河縣董家林人董四海第二輩至第八輩係徐名揚顧明心石龍池孫紹林黨盛符張洪初徐大等亦均係山東人不知原籍州縣第九輩傳至直隸博野縣北周村王紹先轉傳于正方向業已十輩會囑邢士魁做木牌一塊寫天地三界十方萬靈真宰十字每日跪於牌前燒香口念孝父母睦鄉里六字又教其練習坐功運氣及按摩治病之法邢士魁學會之後與人治病有錢之家聽憑酬謝無錢之家並不索要現獲之趙祥雲

那文毅公奏議 卷四一

趙凌雲趙景雲張連邢其然邢騾子邢皂兒及未獲之張俊直等均因患病經邢士魁治好遂以師傳相稱嘉慶十一年間邢士魁由東佛落村社廟前經過適該村民婦劉邱氏因伊姑夫朱姓並伊姑故絕朱姓向做道士家中存有經卷數本小木戳一個劉邱氏恐經卷木戳棄毀攜回本村廟內存放被邢士魁看見取回意欲惑眾斂錢遂自稱如來轉世冀人信從并買得銅磬木魚念珠等物於每年三月初三四月初四六月初六九月初九等日念經做會有平素兇邢士魁治病男婦人等

那文毅公初任直隸總督奏議

卷四十一

四

前往入會邢士魁斂得香資並無確數亦不記赴會人名姓嘉慶十三年隣村民婦呂尹氏患病往煩邢士魁按摩醫治邢士魁頓萌淫念遂與呂尹氏調戲成姦迨後乘便續姦不記次數十四年二月內呂尹氏因子呂成羣染患癱症不能動履邀邢士魁至家醫治邢士魁聲言呂成羣筋絡拘攣隨用木棍捶擊其兩腿呂成羣疼痛難受混叫神道救命邢士魁起意乘機編造邪言煽惑婦女以便斂錢圖姦隨與呂尹氏商允捏稱呂成羣本係人王地主當家地王菩薩下凡現有金禪老祖附

三四五

在呂成羣身上某處神道前來表名掛號又隨便捏造人名並將平日看過小說中古人名一併編入奏成鄙俚語句造得邪書一本名為表名掛號總冊邀呂元觀至呂成羣家代為謄寫底冊當即燒毀呂元觀並呂成羣並不知是邢士魁捏造道後邢士魁每逢聚會念經之期對眾誑稱某神有功金禪老祖應許上升某神有過已經不用某神在世鬧事已經收淨於總冊內隨便添註上升等各項字樣希圖眾益信奉嗣有同村民人趙廷之妻趙周氏並呂元觀之妻呂胡氏望都縣民婦劉

那文毅公初任直隸總督奏議

卷四十一

五

趙氏劉鍾氏先後煩邢士魁治病內惟趙周氏一人被其誘姦不從詈罵而走其呂胡氏劉趙氏劉鍾氏均被誘姦本年三月間經該州王仲湘訪聞具稟隨委候補知縣何繼志改裝易服前往該州嚴密查拏旋據該委員會同該署州顧汝壽將邢士魁拏獲搜起經卷等件押解來省而邢士魁同村之趙吉雲因慮拖累出外欲行首告被易州外委田啟盤獲呈解奉宜鎮轉發易州稟解到省一併飭發臬司督同保定府審辦究出前情將呂尹氏等按名提解來省審訊即據清苑縣驗報邢士

魁在監病故茲據該司將呂尹氏等按擬解勘前來經^臣親提研鞫各供前情不諱並令呂元觀當堂書寫字樣與冊內筆跡比對相符究詰呂元觀呂尹氏實不知冊內有悖逆字樣嚴訊趙雲祥等亦堅供並無習教情事覆詰不移案無遁飾查邢士魁素習如意教坐功運氣雖無謀逆之心編造邪書亦止兩句悖逆之詞但始則自稱如來轉世做會斂錢繼又捏稱呂成羣係人王地主當家地王菩薩有金禪老祖附在呂成羣身上有神道前來掛號編成邪書惑眾斂錢誘姦婦女不法已極

那文毅公初任直隸總督奏議

卷四十一

六

自應從重問擬邢士魁應比照謀反大逆律凌遲處死該犯已在監病故仍行戮屍梟首示眾該犯係比照大逆問擬親屬免其緣坐呂尹氏因煩邢士魁治病被其誦戲成姦嗣邀邢士魁至家為伊子呂成羣醫病邢士魁起意編造邪言冀圖煽惑婦女斂錢圖姦與該氏相商該氏輒敢應允亦屬不法惟研究並不知邢士魁所編書內有悖逆語句自應仍科左道惑人為從之罪呂尹氏除與邢士魁通姦輕罪不議外應依左道惑人為從例發伊孳給額魯特為奴不准收贖呂元觀訊據供稱

並無商同邢士魁編造情事惟書內悖逆語句係該犯謄寫亦屬不法亦應從嚴懲辦呂元觀應照左道惑人為從例發伊犁給額魯特為奴呂胡氏劉趙氏劉鍾氏與邢士魁通姦除呂胡氏業已病故不議外劉趙氏劉鍾氏均依軍民相姦例枷號一個月杖一百犯姦之婦杖決枷贖追取贖銀入官冊報趙祥雲趙凌雲趙景雲張連邢其然邢驪子邢皂兒訊無習教情事惟因邢士魁為伊等治病輒以師傅相稱並赴會燒香亦有不合均請照違

那文毅公初任直隸總督奏議 卷四十一 七

制律杖一百加枷號兩個月滿日各折責四十板邢士魁平日習教燒香治病地隣並不首報亦有不合均請照不應重律杖八十折責三十板飭令傳案發落呂成羣係屬癱瘓因被捶擊疼痛混叫神道救命訊無出通邢士魁編造邪言之事現在不能動履已成篤疾應免置議首先傳教之山東商河縣董家村人董四海及第二輩至第八輩不知原籍州縣之山東人徐名揚等是否尚存有無傳徒惑眾之事移咨山東巡撫轉飭商河縣并通行各屬一體查拏究辦務絕根株王紹先于正方據邢

士魁供稱已故是否屬實仍飭該地方官查明取結辦理餘屬無干概行省釋供招咨部謹

奏奉

硃批刑部議奏

嘉慶二十年十月二十四日

奏為拏獲扶鸞煽惑之犯審擬具奏事竊臣於天津回省途次接據藩司錢臻臬司盛泰清河道韓文綺會稟十月初十日突有浙江湖州人許環至臬署密告有現住木城伊同鄉人姜應隴為其薦館許環詢係何處姜應隴答稱明幼主新立遣新巡撫

那文毅公初任直隸總督奏議 卷四十一 八

陳佑儒同將軍張騰雲一共三十五人同來保定於十月初二日先到城外東高家莊大乘菴居住陳佑儒於十三日到任囑為延薦幕友長隨伊已薦訂許環囑其換用方巾圓領往見并薦有熟識跟官之蘇州人張貴往富長隨不可洩漏等語許環以語涉悖謬恐干牽連是以密稟臬司盛泰隨即知會藩司錢臻清河道韓文綺并傳保定府知府阿霖至署一面密飭清苑縣知縣王德棻典史費端書立將姜應隴及幫同扶鸞之范登科并張貴拏獲搜查姜應隴家並無違礙物件及不法字

跡惟有鸞盤一個鐵圈一個上紮舊筆一枝當卽
隔別審訊姜應隴供詞與許環所稟相同連夜密
飭該縣等馳往高家莊村外查得有大乘菴一座
四面並無隣居廟內僅有僧人洪廣及僱工王姓
二人訊據地隣等僉供該僧等安分守法並無外
來形迹可疑之人來往住宿查保甲冊內亦無陳
佑儒張騰雲等其人地方甚爲安靜等情馳稟前
來臣不勝詫異飛檄飭令嚴鞠確情一面馳回省
城連日督同司道等設法熬訊徹底嚴究委係妄
信鸞語毫無影響飭據保定府知府阿霖審擬由

那文毅公初任直隸總督奏議

卷四十一

九

司道解勘前來臣逐加嚴鞠緣姜應隴籍隸浙江
湖州府安吉縣人乾隆五十五年考入武學各處
行醫爲生父母俱故亦無弟兄嘉慶元年在江南
徐州府銅山縣屬雙溝鎮地方相遇該處人高澄
川傳授姜應隴扶鸞請鸞法術只須懸筆默禱並
無符錄卽可請鸞姜應隴於嘉慶八年秋間來至
直隸省城仍行醫道與在直遊幕之同鄉生員許
環蘇州人長隨張貴均相認識姜應隴每遇疑難
病症卽請鸞求方間有效驗遂相深信十一年娶
曾氏爲妻生子女三人俱尙幼小在省賃房居住

遷移不定二十年十月初七日甫經另搬安祥衙
衙居住並無勾結外來匪人行爲不法情事范登
科籍隸清苑於十三年間因令姜應隴治病認識
迨後范登科無處傭工家中貧難經姜應隴相邀
製配藥料僅給飯食並無工價姜應隴有時請鸞
卽令范登科幫扶鸞盤范登科並不識字不能深
知鸞語姜應隴亦從未向告二十年八月不記日
期姜應隴復因問病請鸞據稱來係唐朝人胡問
源鸞語明幼主朱姓年十三歲係浙江嘉善縣人
已在杭州登基遣巡撫陳佑儒同將軍張騰雲一

那文毅公初任直隸總督奏議

卷四十一

十

共三十五人前來保定於十月初二日先到城外
東高家莊大乘菴住下十三日到任陳佑儒尙無
幕友長隨囑其預覓數人俟其到任送入署中辦
事緣人未至不必先期往見亦不可洩漏天機並
云陳佑儒前生名姜辰卽姜應隴之故父與有夙
緣明春陳佑儒相延治病卽可往來彼之幕友長
隨皆係舊識必有照應好處姜應隴素本惑於鸞
語深信爲真九月二十六日往拜許環爲陳佑儒
代延遵從鸞語並未言明恐致洩漏十月初四日
途遇張貴又復告知已與薦定地方張貴根問何

處姜應隴空寫三四品三字囑其不可告人而散張貴向許環告知正在懷疑而姜應隴復至許環寓所因許環向問薦館何處姜應隴答以天機不可洩漏而去許環張貴以姜應隴情形可疑相商欲探明其行為首告至初九日晚姜應隴復請鸞查問可與許環等實告否鸞云可以實告并云新來各官皆穿明服令許環亦更換方巾圓領服色初十日早姜應隴前往約會許環言明薦與新巡撫陳佑儒署中辦事又以鸞語囑許環更換服色以待許環見姜應隴語言悖謬恐為牽累即赴臬

那文毅公初任直隸總督奏議

卷四十一

十一

署密稟當經該司道等督同府縣立將姜應隴拏獲搜查其家並無經卷圖像符咒違悖不法物件惟有鸞盤鐵圈上紫舊筆一枝並馳往高家莊大乘菴密查住持僧人洪廣安分修行實無容留外來匪徒情事稟經督率提同范登科等訊晰前情不諱誠恐姜應隴實有陰謀不法重情及勾結各逃匪滋事等弊窮加研詰該犯姜應隴堅供今已過十三日並無其實事為鸞語所惑此時方知悔過陳佑儒等姓名係鸞上寫出該犯實沒見有陳佑儒等其人范登科及地隣等亦供姜應隴平

日行醫除有時扶鸞請鸞之外並無勾結外來匪人往來其扶鸞之法亦無傳授與人情事嚴究至再矢口不移案無遁飾查律載扶鸞請聖煽惑民人為首者絞監候又例載軍民人等妄稱請曉扶鸞請聖煽惑民人為首者發新疆給額魯特為奴又例載妄布邪言書寫張貼煽惑人心為首者斬立決各等語今姜應隴以外省之人流寓在直輒敢扶鸞惑人已律應絞候乃復妄信鸞語惑於邪言膽敢於省會重地以悖謬不經之言煽惑人心查訊之下全屬荒誕核與妄布邪言無異即未書

那文毅公初任直隸總督奏議

卷四十一

十二

寫張貼當此懲辦奸匪邪惡之際猶敢以此肆意邪言惑人若不按例嚴擬無以靖人心而懲妖邪姜應隴除扶鸞惑人為首律擬絞候輕罪不議外應即照妄布邪言煽惑人心為首者斬立決例擬斬立決仍梟首示眾以昭炯戒范登科曾請姜應隴治病始與認識後因貧無工作經姜應隴相留製藥僅給飯食姜應隴當請鸞之時亦曾令其照料鸞盤第該犯素不識字不知鸞語並無隨從邪言惑人情事未便竟照扶鸞為從問擬范登科應於遺罪上減一等杖一百徒三年至配所折責安

置傳授姜應隴扶鸞之江南銅山縣雙溝鎮人高澄川飛咨江省查拏究辦並將供招咨部謹奏

嘉慶二十年十月二十五日奉

旨姜應隴著即處斬梟示餘照該督所擬完結其赴署稟首之許環加恩賞給八品頂戴著該督傳到詢問如情願入伍以外委補用如不願入伍即以頂戴榮身

嘉慶二十年十一月二十一日

奏為遵

旨嚴審定擬具奏事竊據保定府具稟東鹿縣訪獲民婦

那文毅公初任直隸總督奏議

卷四十一

三

馬楊氏等傳習紅陽教聚眾念經并楊思隴拜劉洛謙等學習如意門等情經臣批司提省審辦一面恭摺具奏欽奉

硃批嚴審明確從重定擬切勿寬縱欽此嗣據保定府知

府阿霖等審明定擬由臬司盛泰覆審解勘前來

經臣親提研鞫緣馬楊氏係東鹿縣民馬春之妻

馬春早經物故該氏守節度日並無產業子女伊

姑馬劉氏在日拜東鹿縣張各莊民婦靳氏為師

入紅陽教為第四支其餘支派馬劉氏未向馬楊

氏告知至靳氏之師王氏未詳住址與靳氏均已

故絕靳氏藏有紅陽教經卷佛像身故之後經馬

劉氏攜回馬劉氏又因伊媳馬楊氏守節無嗣令

其入教燒香誦經馬楊氏即拜馬劉氏為師馬劉

氏並未別有傳徒旋即身故今已三十年嘉慶四

年七月間馬楊氏追念伊姑之師祖王氏伊姑之

師靳氏皆無後人奉祀僱覓匠人憑空為王氏靳

氏畫像具名供奉嘉慶十二年後有李吉氏黃羅

氏大高郭氏二高郭氏楊韓氏等五人各因夫故

絕嗣無所依靠往求馬楊氏教經修善馬楊氏愆

令人教李吉氏等應允遂拜馬楊氏為師教誦伏

那文毅公初任直隸總督奏議

卷四十一

四

魔經卷並無別項卦名咒語亦無收留男人為徒

又楊思隴之妻劉氏於前夫李胖子故後本欲拜

馬楊氏為師馬楊氏因其年輕恐難守節未收為

徒迨後隣近村民因馬楊氏等認真修行如遇白

事或酬神還願即邀馬楊氏等念經供給飯食並

未送給錢文馬楊氏又於每年六月初六日曬晾

經像李吉氏等五人前往幫同照應馬楊氏備齋

一頓此外並無聚會之事李四八子籍隸東鹿縣

賣豆腐生理伊母李劉氏曾因患病經該縣闕村

民婦曹氏醫痊曹氏亦係紅陽教李劉氏即拜曹

氏爲師嗣曹氏故絕李劉氏將其所有經像取回
李劉氏並未傳徒旋卽病故其子李四八子並未
誦經習教又楊思隴莊農度日嘉慶二十年七月
間因母房氏患病楊思隴在神前許願如母病痊
愈念經酬神九月間房氏病痊因聞馬楊氏等守
節奉佛卽於十九日往邀馬楊氏等六人攜帶經
像等物至家念經還願楊思隴又聞李四八子家
藏有經卷圖像往向李四八子借取供奉其妻楊
劉氏亦將收存母家佛像二軸一同懸掛楊思隴
之弟楊思鳳隨同禮拜至劉洛謙之妻劉韓氏因

那文毅公初任直隸總督奏議

卷四十一

五

本年四月間伊孫女丑兒患病經楊思隴之妻楊
劉氏用針挑扎醫痊適於是日與子劉清奇帶同
丑兒赴楊劉氏處謝醫楊劉氏留住喫齋卽經束
鹿縣徐溶訪聞前往拏獲并搜起經像等物帶縣
訊供楊思隴妄認拜劉洛謙賈洛養學習如意門
楊二胖楊洛玉及伊妻楊劉氏均曾習教李四八
子亦妄認學習紅陽教等情稟經臣奏明提省審
辦茲據該府等審明定擬由司解勘臣親提研訊
各供前情不諱恐有串捏狡卸并與在逃各逆匪
有勾結往來知情藏匿情事究詰不移案無遁飾

查例載紅陽教及各項教會名目並無傳習咒語
但供有飄高老祖及拜師授徒者發往烏魯木齊
分別旗民當差爲奴其雖未傳徒或會供奉飄高
老祖及收藏經卷者俱發邊遠充軍等語今馬楊
氏先從伊姑馬劉氏入紅陽教後復收李吉氏等
爲徒念誦經卷殊屬不法自應按例問擬馬楊氏
應請依紅陽教拜師授徒者發往烏魯木齊爲奴
該氏雖係婦女又年逾七旬第習教傳徒最爲風
俗人心之害應據實發配以昭炯戒李吉氏黃羅
氏大高郭氏二高郭氏楊韓氏聽從馬楊氏入紅

那文毅公初任直隸總督奏議

卷四十一

六

陽教均屬不法應於馬楊氏遣罪上減一等各杖
一百徒三年該氏等聽從入教與別項犯罪不同
若一律准其收贖似無以示懲儆李吉氏等五犯
應請暫時監禁飭令地方官俟一二年後察看該
氏等如果實心改悔再行訊取供結照例詳請收
贖李四八子存留紅陽教經卷訊係伊母李劉氏
生前從曹氏家取回並非該犯自行收藏平日亦
未誦習與本身收藏經卷者有間自應衡情酌量
問擬李四八子應請於紅陽教收藏經卷發邊遠
充軍例上量減一等杖一百徒三年楊思隴到案

之時妄供劉洛謙等為如意門教訊因畏刑所致情尚可原惟因母病痊愈輒邀馬楊氏等至家念經亦屬不合楊思隴應請照違

制律杖一百再加枷號一個月該犯與李四八子均已
在監病故應毋庸議楊思鳳隨同禮拜應請照不
應重律杖八十折責發落劉洛謙賈洛養楊二胖
楊洛玉楊劉氏劉清奇均無習教不法情事免其
置議輾轉傳教之靳氏王氏曹氏并楊思隴之妻
劉氏母家是否故絕飭縣開查究辦起獲經卷等
物案結銷燬供招咨部謹

那文毅公初任直隸總督奏議

卷四十一

七

奏奉

硃批刑部議奏

嘉慶二十年十一月二十五日

奏為遵

旨嚴審定擬具奏事竊臣委員先後拏獲習教傳徒匪犯

吳永滿尤明一案先經臣訪聞派員將尤明韓可
旺等解省訊據韓可旺等僉供被地保稟首之後
業俱悔過自新訊之尤明據供伊被同縣人吳承
發誘令入教等情當經臣將訪拏情形具奏欽奉
硃批嚴審定擬具奏欽此嗣復究出尤明之師係名吳永

那文毅公初任直隸總督奏議

卷四十一

六

滿前供吳承發係屬錯記隨將吳永滿緝獲檄司
督同保定府確審茲據審明定擬由司勘轉前來
經臣親提研訊緣吳永滿籍隸青縣有前已犯案
發遣之吳久治係吳永滿無服族姪吳久治係祖
傳義和門離卦教嘉慶十四年吳久治勸令吳永
滿拜從為師入教學習坐功運氣并好話歌詞吳
永滿即收同縣人尤明為徒尤明因窮苦難度起
意藉此惑眾漁利十五年十二月內有尤明表兄
靜海縣人韓可法適往探望尤明勸令入教即同
至其兄韓可旺家尤明置備漁鼓簡板夜間自行
敲擊唱說好話吳永滿亦曾往幫唱數夜引誘男
婦多人往聽夜聚曉散尤明陸續勸誘韓可旺韓
可法范光增王士隴邊得法閻四張有芬胡永順
張壘邢自富邊赴和邊起雲張鳴鵬馬貴安懶太
劉愷劉瑤高張氏等十八人拜伊為師學唱好話
各給錢文不記確數當有高張氏之婿陳五噴尤
明引誘婦女入教與之爭鬧即被該村保正劉繼
先赴靜海縣稟首經該前縣錢鴻勳拘訊取具各
悔過甘結責釋其時尤明並未將伊師吳永滿供
出本年九月間臣赴天津審案訪聞靜海縣保正

劉繼先有真首民人韓可旺家招接匪類習教之事恐有逆匪潛匿該處委弁常玉山帶同眼線先將劉繼先誘獲解省檄司訊出前情臣以尤明係傳教匪徒難保無怙惡不悛及另有勾結招留各逆匪等弊並恐從教之韓可旺等亦均未能斂跡當卽委員分路馳往靜海青縣將韓可旺等十八名口同尤明一併獲解訊究尤明先供伊師係吳承發並訊據韓可旺等十八人僉供前從尤明入教一經該縣責懲取結之後卽各實心改悔不復習教質之原首保正劉繼先供亦相同願具連環

那文毅公初任直隸總督奏議

卷四十一

九

互保當將韓可旺等同保正劉繼先摘釋將大概情形奏蒙

聖鑒嗣據委員查拏並無吳承發其人復監提尤明究出伊師係吳永滿前供吳承發係一時錯記又經委員馳往青縣將吳永滿同伊兄吳永興一併獲解來省查明吳永滿等家並無經卷及違悖器械字跡亦無外來面生可疑之人藏匿在家檄司提犯隔別逐細研訊各供前情不諱臣查吳永滿尤明既曾習教傳徒吳永滿所傳斷不止尤明一人尤明亦必不止轉傳韓可旺等十八人並恐該犯等

向與逆匪來往另有勾結不法及知情藏匿情事嚴加究詰矢口不移案無遁飾查例載左道惑人為從發新疆給額魯特為奴等語此案吳永滿訊係業經犯案發遣匪犯吳久治之徒尤明又係吳永滿之徒該犯等既自習義和門離卦教復敢聯轉傳徒習教厥罪惟均現據訊無另有徒黨及勾連逆匪知情藏匿情事第均訊無恒業似此同係習教傳徒匪犯未便容留內地致滋惑眾吳永滿尤明均應照左道惑人為從例發遣新疆給額魯特為奴曾經被獲入教之韓可旺等十八名口前

那文毅公初任直隸總督奏議

卷四十一

三

經訊明實已改悔業予省釋毋庸再議吳永滿之兄吳永興訊無隨從習教情事應請免議供招各部謹

奏奉

硃批刑部議奏

嘉慶二十年十二月初八日

奏為邪教案內從犯請改發回城為奴以杜煽惑而免流弊恭摺具奏事竊查各項邪教為從之犯均發新疆給額魯特為奴定例已極嚴明惟是此等匪犯溺迷既深狡黠尤甚目前之管束尙易日久之

煽惑宜防誠恐在配多年故智復萌難保無私相傳習情事惟伊犁額魯特與土爾扈特均係蒙古平素皈依神佛於念經治病稍有法術其孽跪頂禮倍於尋常各犯等教派本多或即藉其皈依崇奉之名鼓其荒謬邪罔之說乘間導誘暗長潛滋不惟根株未絕並恐煽習轉易於新疆地方殊有關係查回城地方大小伯克及各回子惟知諷念回經並不敬信佛教臣會見其見有佛像畫人俱去其眼是各項邪教之懸像念經勢必不行應請將各項邪教案內減死從犯無論由黑龍江改發

那文毅公初任直隸總督奏議

卷四十一

三

新疆及現在發往與以後應發給額魯特為奴之犯均改發回城給大小伯克及力能管束之回子為奴回城共有八處既足以敷發遣而查約束各犯等雖有狡秘傳惑之伎倆亦因回子素不敬信無所復施其煽誘似於防杜流弊之處稍有裨益

奏奉

硃批刑部議奏

容安謹案習教應發人犯改發新疆旋經刑部

議准奉

硃批依議

嘉慶二十年十二月十七日

奏為審擬具奏事竊照建昌縣附生鄒治赴

行在刑部呈控張文富等學習天極聖教等情一案當

經審訊各供

奏明解直審辦臣檄司行提人證卷宗飭發確審茲據

保定府知府阿霖審明定擬由司勘轉前來臣親

提鞫訊緣鄒治籍隸建昌縣會入府庠與寄居建

昌縣之山東海陽縣人黃廷訢誼屬師生嘉慶十

八年間黃廷訢開館教學張文富之子張林隨從

那文毅公初任直隸總督奏議

卷四十一

三

肄業是年黃廷訢將伊兄黃廷元薦與張文富家傭工言明十月為滿張文富之妻父曹明柱與已故陰陽生李洋全并現到之村民賈萬寶李漢章孫義張十一及未到之梁自興楊萬倉彭士寬孫白祥孫發李希堯孫照等十三人向作善會每年五月十三日在本村

關帝廟演戲敬神七月十五日燃放路燈念經祀孤各

出錢三五百文不等作戲價放燈之需並無婦女

在內曹明柱家供奉

關帝神像早晚焚香祈求消災延壽張文富與弟張文

有先未隨會十七年間張文富之父張義濬染患
目疾赴廟祈禱旋即痊愈張文富張文有同父張
義濬信爲靈驗亦相隨念經李洋全物故曹明柱
將遺存降魔捉妖咒訣及心經等項經本存貯廟
內并以敬奉

關帝至極至尊自撰天極聖教弟子曹明柱張文富等
字樣寫於經尾交給張文富令其抄錄心經及覺
世真經便於教誦張文富等各不識字轉託黃廷
訢抄錄黃廷訢以事非緊要置諸高閣至五月間
黃廷元懶於力作辭工而回張文富因正屆農忙

那文毅公初任直隸總督奏議

卷四十一

三

向黃廷訢村辱曹明柱亦斥其所薦非人致相口
角黃廷訢以張文富辱及斯文先在建昌縣縣丞
衙門具控未經准理黃廷訢因此不爲張文富抄
錄經卷張文富亦未將經本取回迨黃廷訢審閱
經本見有天極聖教四字懷疑張文富等係屬邪
教時值查拏教匪黃廷訢觸起前嫌卽以經本爲
憑添捏該縣丞賄放等詞赴建昌縣呈控該前縣
廣慶飭差拘拏賈萬寶之父賈永泉恐子受累央
鄉約李世昌託張廷桂向黃廷訢說和黃廷訢不
允張文富亦恐到案拖累央屬縣役姚廷桂等暫

緩拘傳并送給飯食錢文鞋物姚廷桂等意圖支
飾捏稟張文富等不服拘拏廣慶飭委捕盜外委
黃存璽往拏張文富先期外出貿易張文有張義
濬亦在外工作該眷屬閉門不納正在吵嚷張文
有等回歸見而逃避該外委僅獲曹明柱賈萬寶
等送縣該前署縣富爾松阿查訊曹明柱不認習
教原告黃廷訢亦未到案尙未定斷黃廷訢傳聞
張文富等有拒捕情形疑係李世昌說和不遂因
而主使適與李世昌另案涉訟之孫鐸撞遇告述
前情孫鐸信口答覆黃廷訢卽以李世昌主使拒

那文毅公初任直隸總督奏議

卷四十一

四

捕在縣續控批飭併究黃廷訢復因張文富避匿
不到將所控習教拒捕情節添砌書差賄縱舞弊
等詞控經熱河道密委千總趙文德拏獲張文有
張義濬起獲經本并於各犯家內逐細搜查並無
悖逆不法字跡器械張文富逃往赤峰縣該千總
尾隨緝拏張文富見而逃逸該千總稟經熱河道
飭發承德府嵩齡訊明曹明柱等並無習教傳徒
斂錢因控關邪教犯證未齊恐尙有不實不盡將
曹明柱張義濬管押覆審旋據看役稟報曹明柱
張義濬在押病故仍催提未到之張文富等詳辦

張文富聞知伊父張義濬妻父曹明柱在押病故
心懷不甘赴府尹衙門具訴檄飭究報當經嵩齡
錄供通詳在案鄒涓聞知黃廷訴在府候審念及
師生前往探望詢問訟由黃廷訴告述前情維時
李世昌因被黃廷訴無故牽累見鄒涓與之交往
疑其主謀即在承德府指控鄒涓唆訟鄒涓氣忿
卽照依黃廷訴歷控情節先赴都統衙門呈控檄
飭查辦此黃廷訴挾嫌誣告邪教鄒涓從而扛幫
之原委也至二十年八月間鄒涓因案未審結復
以前情并添砌承德府門丁于三刑房孟老千收

那文毅公初任直隸總督奏議 卷四十一 五

供捏詳延案不結等情自寫呈狀遣子鄒兆廊赴
行在刑部投遞訊取各供奉
諭旨咨解來直臣隨檄司飭提人卷到省查照所控情節
逐細研鞫據各供晰前情不諱恐張文富等實有
習教傳徒斂錢不法并抗官拒捕等事反覆究詰
張文富堅供伊等在廟內演戲做會放燈念經祀
孤意在敬神修善並非習教如果藉此傳徒斂錢
事屬隱密豈有將經本留與他人自取敗露亦不
知有天極聖教名目直至黃廷訴告發經承德府
提訊始知經曹明柱自撰所致委無惑眾不法迨

經官差往拏慮恐到官拖累是以避匿屬實亦無
抗官拒捕情事臣以現當懲辦邪教之時誠恐張
文富等狡供避就復加刑嚇不特張文富等極口
呼冤卽隣地人等亦代詞甚力質訊黃廷訴等俱
各俯首無詞復細閱各經本俱係僧家祈禳常語
並無違悖不法字跡檢查縣役姚廷柱外委黃存
璽千總趙文德等原稟俱未載有拒捕情形其爲
黃廷訴等妄控毫無疑義查例載赴督撫按察司
官處告重事不實者發邊遠充軍又扛幫赴京告
重事不實者發近邊充軍又律載一家共犯祇坐

那文毅公初任直隸總督奏議 卷四十一 五

尊長各等語此案張文富等隨同已故陰陽生李
洋全及已獲病故之曹明柱每逢節期演戲做會
念經祀孤係爲敬神修善起見並無習教不法衆
證確鑿至經本寫有天極聖教字樣訊係曹明柱
尊奉
關帝因而撰寫並非張文富等習教名目黃廷訴因挾
口角微嫌適當查拏教匪之際砌詞疊控株累多
人固屬不法惟該犯所控究屬有因與憑空誣告
者有間自應酌量問擬黃廷訴應於赴督撫按察
司官處告重事不實發邊遠充軍例上減一等杖

一百徒三年鄒涓於黃廷訢誣控張文富等習教
本無干涉迨鄉約李世昌疑其唆訟在府控告該
犯心懷不甘并誤以習教為真因而幫扛亦與憑
空扛幫誣告不同鄒涓應革去附生於扛幫赴京
告重罪不實發近邊充軍例上量減一等杖一百
徒三年至配所各折責四十板鄒兆廟聽從伊父
鄒涓主使抱告係一家共犯業已罪坐其父免其
置議張文富張文有等訊無習教傳徒斂錢及拒
捕等事惟惑於修善聚集多人且有天極聖教
字樣究有不合除曹明柱張義濼業已在押病故

那文毅公初任直隸總督奏議 卷四十一 三

外張文富張文有應與隨會之賈萬寶李漢章孫
義強十一梁白興楊萬倉彭士寬孫曰祥孫發李
希堯孫照均照違制律杖一百各折責四十板所
有善會仍飭縣禁止鄉約李世昌訊無主使拒捕
及前串縣書錢士鳳舞弊情事惟因被黃廷訢無
故連累輒疑鄒涓唆混行具控亦有不合李世
昌應與猜疑捏詳向黃廷訢目昧轉告之孫鐸均
照不應重律杖八十各折責三十板李世昌仍革
役縣役姚廷桂楊廷財奉差拘拏人犯輒敢聽囑
擅稟并收受錢物殊屬玩法姚廷桂楊進財均照

不應重律杖八十各加枷號兩個月滿日折責草
役所得錢物照進入官門丁于三刑書孟老干等
前經刑部提訊明確並無改供捏詳情事應與訊
不知情之陳添民均免置議縣丞武鴻寶當黃廷
訢具控並未准理亦無賄放情事亦無庸議仍令
回任供職供招咨部謹

奏奉

硃批刑部議奏

嘉慶二十一年三月初三日

奏為查出沿習龍門教之劉龔氏等提省嚴訊先行奏

那文毅公初任直隸總督奏議 卷四十一 天

聞事竊據藁城縣知縣包敬堂稟稱該縣張村地方有劉
龔氏劉幅安母子二人沿習祖傳龍門教名目建
立祠宇裝塑米氏泥像樹立龍門教碑碣廟東有
米氏墳塚一坵先經該縣於嘉慶十八年十二月
間拏獲解省飭發保定府查訊因係前明相沿至
今並非劉龔氏母子創始惟款留附近居民燒香
家存經卷佛像均屬不合照違
制律各杖一百該寺房屋改為義學該縣遵將塑像碑
碣撲毀並於門首懸掛義學扁額取具劉龔氏母
子改悔甘結在案本年正月二十二日該縣覆查

保甲路過張村米氏墓前見有搭蓋棚廠並錫竈
痕跡恐劉龔氏等怙過不改復萌故智密赴劉龔
氏家內查勘見伊後屋供設銅佛并畫像等件起
出銅佛大小四十二座圖像五幅鐵磬一口拜墊
一個香斗一隻又在舊書內檢出抄本經卷六頁
名九品收元卷內有卯金刀八牛江山不堅牢及
劉趕豬十八家頭目出來把人殺又甲子年降聖
人三月三午時辰木子之家去爲人三甲之年龍
蛇行幽燕有災刑等語細釋語意似係明季左道
惑衆之言手摺一個內有劉門龔氏領會字樣又

那文毅公初任直隸總督奏議

卷四十一

三

有紙人四個內有紙人寫前填寫劉青二字隨傳
劉龔氏查訊驗係患病不能取供訊據鄉長米燦
然供去年正月十五三月初三日有南冀州合
山東人到劉福安家燒香去年七月十五日又到
米氏墳上燒紙是劉雙星搭蓋茶棚這是曉得的
劉龔氏在家供設銅佛畫像藏有手摺經卷並不
知道等語質訊劉雙星供認七月十五日劉龔氏
叫我搭蓋茶棚冀州路大青等十幾個人在墳上
獻供燒香屬實又供今年正月初一日在劉龔氏
家看見劉龔氏拜佛燒毀紙人口念咒語聽不清

楚并冀州山東人曾在劉龔氏家住宿喫飯向來
米奶奶墳上草山東人拔去治病靈驗等供訊據
劉福安供伊母劉龔氏平素喫齋念佛是有的伊
家十二代祖母米奶奶在前明萬曆時刺封掌道
收圓老母名號現搜出經卷內卯金刀三字指劉
米氏三月三聖人出兩句係米氏是日生辰其餘
不能解說龍門教是米氏做起的米奶奶是教主
人家都稱米祖後來伊家歷代均係婦女相傳所
以伊祖母王氏人家都稱過現王母伊母龔氏人
家都稱龔母法師碑上龍門教主齋氏是伊曾祖

那文毅公初任直隸總督奏議

卷四十一

三

母自嘉慶十八年犯案之後即將銅佛等件埋藏
去年二月內伊母劉龔氏患病到十二月未愈恐
係褻瀆佛像令劉福安創出供奉的去年正月十
五日有冀州路連傑同他兒子路大青領着棗強
南宮等處合山東人來燒紙二月二十八日有深
州黃龍村夏洛慶王洛因合不識姓名三人到家
探望打聽官司并送蒸食款待他門酒飯住宿兩
夜三月初一日路連傑們復來燒紙各送香錢一
二百文路連傑是母親的徒弟別人都是他領來
七月十五日劉福安外出劉龔氏央劉雙星搭蓋

茶棚供認不諱查出紙人據供係伊女玩耍並非龔氏焚燒之物與劉雙星供詞互異現在劉龔氏驗係患病昏迷無從質訊稟請核辦前來臣查劉龔氏母子於前次具結改悔之後明知

功令森嚴輒仍怙過不悛在家供設佛像留人款待酒飯得受香錢已屬不法且現經查出紙人一個填註劉青二字難保無另有煽惑重情自應提省審辦以儆怙惡而絕邪萌仍檄司飛提劉龔氏母子並飭拏燒香之路連傑等一千人證來省嚴訊確情以憑核辦謹

那文毅公初任直隸總督奏議

卷四十一

三

奏

嘉慶二十一年三月初七日奉

上諭那彥成奏拏獲沿習龍門教之劉龔氏等並起獲邪經等件又有紙人四個內有紙人符前填寫劉青二字將劉龔氏等提省審辦等語劉龔氏家中起獲邪經九品收元卷內有卯金刀八牛等邪詞著那彥成卽行封固送京呈覽該犯婦家中所供紙人符前寫有劉青二字逆犯林清又名劉林恐該犯婦所供卽係林清故以劉青二字暗爲影射著那彥成向該犯婦等嚴切追究令其據實供吐毋任狡展審明後卽將劉龔氏一犯照

邪教爲首例同各餘犯分別定擬具奏

容安謹按此案 先公未及審定旋卽交卸

嘉慶二十一年四月十八日

奏爲審擬具奏事竊據易州民人許添培在道旁呈控王坦等斂錢演戲並習學說法念咒等情一案前經臣欽遵

諭旨派委候補知府沈華旭會同易州知州金洙馳往搜查王坦等家內並無邪書經卷集訊王坦等均係安分良民當將查訊過大概情形繕摺奏蒙

聖鑒一面飭委該府等審辦在案茲據審明擬議由臬司

那文毅公初任直隸總督奏議

卷四十一

三

盛泰詳解前來臣親提研鞫緣許添培籍隸易州

住居界安村與王坦王立同村認識許添培抱養

李姓爲嗣改名許大全撫養長大給其娶妻韓氏

生子許成林嘉慶二十年十一月間許添培因家

計貧乏將許大全分出各度所有借欠親友錢七

十餘千囑令許大全認還許大全尙未歸償賬主

仍向許添培索討又該村東首有

關帝廟一座村西有城隍廟一座許添培住於村東王

坦王立住於村西城隍廟有香火地三十一畝每

年共收租錢三十一千向於三月二十八日酬神

演戲即用此項地租上年係村人王大朋經管演戲並未泯滅

關帝廟有香火地十五畝係許義等五家分租每畝交住持刑成租價大錢四百文因租價無多向不演戲前有乞丐王計在廟借住嗣因刑成故後王計即行搬出許添培欲經收廟租許義等不允是以地租因循未交二十年間許添培所住村東井水乾涸伊孫許成林赴村西汲水經王坦以村東向不唱戲酬神用言刻薄許成林歸向許添培告知許添培與王坦爭吵二十一年村西城隍廟會預

那文毅公初任直隸總督奏議

卷四十一

三

議唱戲係村人李洛卓經管村衆因上年秋收豐稔欲行多唱數日公議如地租不敷使用即在村中有餘之家按地畝派錢十文八文幫湊許添培聞知出而阻擋王坦王立村斥其非許添培益加氣忿憶及村人遇有婚葬事件俱有王立選擇日期將伊置之不理一時忿極起意控告拖累洩忿因思呈告邪說聚衆做會斂錢等事定可邀准即使審虛伊已年老亦可免罪遂自行捏砌王坦聚衆斂錢做會王立習學說法咒語並噴許義等不將廟租交伊經收義子許大全並不給伊清還欠

賬一併書寫呈詞混入老民之內在於道旁俯伏具呈當被站道兵丁拏獲經

行在刑部訊供奏奉

諭旨派候補知府沈華旭會同易州知州金洙前往搜查王坦等家並無邪書經卷實係安分良民稟經臣覆奏一面飭委該府等審擬由司解勘據供前情不諱究詰不移案無遁飾查律載誣告充軍者照所誣地里遠近抵充軍役又例載左道惑人爲從改發回城爲奴等語今許添培因伊孫許成林赴村西汲水被王坦用言刻薄又因阻止村西唱戲

那文毅公初任直隸總督奏議

卷四十一

三

酬神復被王坦王立村斥微嫌輒敢倚恃年老妄冀拖累捏砌王坦聚衆斂錢做會王立習學說法咒語等項重情混入老民之內俯伏道旁具呈情殊刁詐其所控王坦斂錢做會事尙有因惟所控王立習學說法咒語毫無影響如所控屬實王立應照左道惑人爲從之例發回城爲奴今訊屬全虛自應按例坐誣許添培應依誣告充軍者抵充軍役律發回城爲奴年逾七旬改發雲貴兩廣極邊煙瘴充軍不准收贖許大全經伊父許添培令其代還欠項實因無力歸償以致復向許添培索

討並無不合應毋庸議王坦訊無斂錢起會情事
惟先因許添培之孫許成林在村西汲水用言刻
薄後因許添培出阻唱戲又不善為理說輒與王
立將其村斥激成訟端王立並無習學說法咒語
其代人擇日例所不禁惟因許添培攔阻唱戲與
王坦向其村斥均有不合王坦王立均照不應輕
律笞四十各折責十五板王計訊無拆賣廟門許
義等亦無賴欠廟租情事均免置議無干省釋該
村城隍廟會演戲係年豐報賽風俗相沿應聽民
便供招咨部謹

那文毅公初任直隸總督奏議

卷四十一

三

奏奉

硃批刑部議奏

嘉慶二十一年五月初八日

奏為遵

旨嚴審定擬具奏事竊照刑臺縣民人袁洛承等充當會
首於每年春分搭棚設醮僱道士董元鳳等值壇
念經唱戲聚眾斂錢致有萬人醮名目一案經
奏明提省審辦欽奉

硃批嚴審定擬具奏欽此當即檄司飭提全案人卷來省
詳細跟鞠茲據臬司盛泰督同保定府阿霖等審

明定擬解勘前來 臣親提研訊錄袁洛承籍隸刑
臺縣住居南蓋宗村莊農度日該處隣近村莊向
有春分大醮又名龍王會每年春分在會首所住
村外搭棚張掛圖像一百六十餘軸僱道士值壇
建醮念經唱戲三天祭神祈福圖像所掛均係尋
常神佛歷年充當會首之人均係災病許願充當
因獨力不能建醮是以次年會首先於頭年會首
春分建醮之後即迎接神像至家設席邀請隣近
村莊之人求討布施糧食每人一斗八升不等於
十一二月內斂收糶賣預備次年建醮使用會首

那文毅公初任直隸總督奏議

卷四十一

三

家閒時僅掛火神龍神圖像數軸間有祈保災病
男婦前往燒香有給香燈錢數文者亦有不給錢
者至春分建醮時赴會燒香男女布施錢一百文
以上者會首送給餽餉四枚素菜一碗醮後核算
用賬不敷會首自行出錢多餘錢文周濟貧人男
女俱隨此會由來已久不知起自何年何人歷年
會首相傳僅有圖像兩箱共一百六十餘軸並無
經卷賬單亦無師徒名分歷年建醮唱戲之時因
男女往來不少遂有萬人醮之名並非在會之人
所起名號嘉慶十一年會首係刑臺縣段雙樓村

人段大朋十二年係吳村人陳文富十三年係東大樹村人董聚五十四年係西大樹村人王玉美十五年係張家莊人張進張考十六年係任縣人楊守仁十七年係邢臺縣人張承十八年係任縣武生楊澄十九年係邢臺縣人王袁氏二十年係南蓋宗村人袁懷有內張進張考二名久已物故餘俱獲案其嘉慶十年以前之會首僅有任縣人張吳氏一名尙存此外俱故且事已隔年遠均不能追憶何年係屬何人其歷年值壇念經道士係董元鳳楊信孝齊重姜夢蘭傅可興白本心等內

那文毅公初任直隸總督奏議

卷四十一

三

齊重姜夢蘭傅可興亦已病故袁洛承係因病許願欲當二十一年春分醮會首二十年春分袁懷有建醮事畢袁洛承卽將神像兩箱迎回家內預期與道士董元鳳訂定值壇言明工價大錢五千五百文四月間邀董元鳳至家念經兩日備辦素齋共請客四十餘桌求討布施十月內斂符禳糧二十四石因未到春分醮期所收禳糧尙未耀用亦未收斂錢文十一月內邢臺縣教諭冉蔚文因奉文赴鄉編查保甲聞知其事將袁洛承之姪武生袁維清傳案以聚集男女燒香存留圖像均係

犯禁之事諭令轉向告戒查禁袁維清歸向袁洛承告知袁洛承心生畏懼慮恐不將圖像燒燬難以拒絕前往燒香之人當同僱工袁大頭將神像兩箱共一百六十餘軸同董元鳳寄存在彼念經需用神像五軸一併掃出院內全行燒燬迨向董元鳳告知其事董元鳳不依索賠大錢三十千文袁洛承未允董元鳳卽以袁洛承充當萬人醮大會首斂錢聚眾等情赴順德府經歷衙門呈控當經該府岱齡飭令邢臺縣知縣陳思讓立將袁洛承等獲案搜查其家並無經卷圖像訊晰前情其

那文毅公初任直隸總督奏議

卷四十一

三

會首內惟張吳氏王袁氏承當之年適值歲收荒歉未經斂得糧食錢文次年遂未搭棚建醮春分醮期係自行出錢念經設祭一日卽將神像交出其餘會首所得布施糧食錢文並無餘剩該縣等又在道士董元鳳楊信孝白本心各所住廟內起獲經卷內間有飄高老祖真空無生等妄誕語句訊之董元鳳供稱廟內所存之天地經係伊已故師祖董一現囑令王複承所抄紅陽經亦係董一現留下獲到王複承供亦相同白本心廟內所起經幟三本據稱係伊已故師傅王符誠所留楊信

孝廟內所起經卷據供係大乘教內發遣之道士胡進忠所留僉稱伊等平日及受僱值壇時均不念誦此等經卷且從未翻看亦不知中有妄誕語句並據該縣獲到因病許願欲行接充二十二年會首之尙興義一併由順德府錄供稟經臣奏明提省審辦復派員會同該縣前赴袁洛承等家逐細搜查並無藏匿經卷及違禁之物又至已故會首張進等家細加查點亦無經卷圖像等件均各取具地隣切結連應質之王袁氏等一併解省檄司督同審解逐細研鞫據各供認前情不諱誠恐

那文毅公初任直隸總督奏議

卷四十一

三

尚有勾結匪黨習教傳徒惑眾斂錢情事究詰至再矢口不移案無遁飾查例載各處軍民人等稱為善友求討布施至十人以上者發近邊充軍又紅陽教及各項教會名目並無傳習咒語拜師授徒或會供奉飄高老祖及收藏經卷者發邊遠充軍各等語此案袁洛承等所作之春分醮又名龍王會屢訊堅供係屬鄉民祈保災病許願充當會首並無習教傳徒惑眾不法等情第收藏圖像至一百六十餘軸之多既係許願酬神並不自行辦理乃復借名請客求討布施收斂糧食錢文搭棚

建醮聚集男女多人燒香致有萬人醮名曰此會由來已久實係起白何年何人無從追究在前尚得謂之鄉愚無知藉口係民間秋收祈報所設惟於十八年以後屢經嚴禁各項教會袁懷有並不將圖像早為送官銷燬猶敢沿仍舊習做會斂錢搭棚建醮袁洛承經官飭禁之時雖將神像全行燒燬惟已請客斂得糧食事屬已成未便因其尙未搭棚建醮稍存姑息自應一律懲辦以儆邪萌查袁懷有袁洛承二犯係十八年以後會首均應照稱為善友求討布施至十人以上者俱發近邊充軍例發近邊充軍至配所杖一百各折責管束現獲嘉慶十八年以前充當會首曾經斂錢搭棚建醮之楊澄張承楊守仁王玉美董聚五陳文富段大朋等七犯均應於袁懷有等軍罪上量減一等杖一百從三年至配所各折責管束王玉美董聚五段大朋陳文富均先後在省病故應毋庸議楊澄係任縣武生飭縣移學查明入學年分詳革各犯所收布施惟袁洛承斂得襍糧二十四石尙未建醮用去照數追出入官變價冊報餘俱為建醮用盡無存且無確數應免着追張吳氏王袁氏

那文毅公初任直隸總督奏議

卷四十一

四

亦會承當會首因時值歲歉並未斂得布施次年亦未搭棚建醮應與因病許願認充二十二年會首尚未承當之尙與義亦於袁懷有等軍罪上減一等杖一百徒三年張吳氏王袁氏均係年老婦女照例收贖尙與義發配折責充徒道士董元鳳楊信孝白本心受僱與會首建醮值壇念經訊止得受工價惟所住廟內起獲抄寫之天地經刻板紅陽經等項經卷內有飄高老祖真空無生等項妄誕語句雖訊係已故道士董一現等遺留該犯等並未傳誦亦不知其中語有妄誕第並不銷燬

那文毅公初任直隸總督奏議

卷四十一

聖

輒敢存留收藏殊屬不法董元鳳楊信孝白本心三犯均應照各項教會名目並無傳習咒語拜師授徒或會供奉飄高老祖及收藏經卷者發邊遠充軍例均發邊遠充軍至配所杖一百各折責管束董元鳳因被袁洛承燒燬其寄存念經神像索賠不遂是以赴官架詞呈控並非自首所行軍罪應不准其減免道士王復承訊未值壇念經廟內亦無存有違悖經卷第會聽從已故道士董一現抄寫妄誕天地經一本亦屬不法王復承應於董元鳳等軍罪上量減一等杖一百徒三年至配所

折責四十板起獲經卷案結銷燬武生袁維清一聞儒學傳諭收存圖像做會事屬犯禁即轉向伊叔袁洛承告知燒燬神像與幫同燒燬之袁大頭均無不合應毋庸議刑臺縣失察村民做會建醮一經控發立將案犯全獲究辦並會同委員候補知縣馮鈺順德府經歷胡栩起獲案外妄誕經卷功過足以相抵應請免議全案供招咨部謹

奏奉

硃批刑部議奏

嘉慶二十一年六月二十六日

那文毅公初任直隸總督奏議

卷四十一

聖

奏為遵

旨嚴審定擬具奏事竊查灤州民人裴景義等聽從逸犯陳攻玉傳習三元教輾轉傳徒一案先經該州訪獲裴景義等並搜起違禁圖卷稟經 奏明提省審辦欽奉

硃批嚴審從重定擬具奏欽此當將提到各犯檄司飭發首府隔別確訊究明為首之鄭攻玉係陳攻玉並非姓鄭在冀州南宮縣屬之桑園村居住嗣據查明桑園村係在山東臨清州境內又分別咨緝並派員訪拏陳攻玉弋獲無期先就現犯審擬由臬

司解勘前來臣親提研訊緣裴景義籍隸灤州行醫度日與在逃之陳攻玉先未認識嘉慶十三年不記月日裴景義之族叔裴元端引領陳攻玉至村與裴云布醫眼旋卽痊愈陳攻玉卽勸現獲之裴景義並在逃之裴元端裴元通裴元幅裴振兩及先存今故之裴云布裴元和邢良學習三元教聲稱日久功深可以長生不老裴景義等向詢陳攻玉卽以每年正月十五日爲上元七月十五日爲中元十月十五日爲下元每逢會期上供燒香磕頭念咒坐功運氣遇事須從仁義禮智體貼不

那文毅公初任直隸總督奏議

卷四十一

聖

可爲匪作惡上等人學成時成仙得道中等人學成時却病延年下等人學成時消災免難等語向告裴景義希圖成仙得道與裴元端等均拜陳攻玉爲師陳攻玉教給鄙俚咒語並以取耳口鼻爲東西南北四大門及運氣之法先用手向臉上一摸閉目捫口氣從胃腹下行運仍從鼻子放出又戒以上供運氣時不可令人窺見致無好處裴景義等聽信學習陳攻玉當卽他往裴景義隨陸續傳授現獲之董槐性張培許聰熊幅榮張信劉棟張吉歐陽先并張培之妻張許氏許聰之妻許李

氏熊幅榮之妻熊崔氏以及在逃未獲之該州人趙全高鵬程楊昆楊前劉文重熊廷雲吳城趙榮袁思忠王士純爲徒勸令學好教以運氣迫裴景義復先後勸已獲之錢亮拜裴云布爲師高法拜陳攻玉爲師裴云布復自收錢步雲爲徒裴景義之徒董槐性亦收現獲之白尙清白尙友解連彪胡起用胡起才解潮清宋萬並在逃之白尙明胡廷良朱紅青爲徒張培亦收現獲之張景李丙瑞于太起于太書于坡劉宗士王廷弼杜殿臣楊現並已故之于卜爲徒在逃之趙全亦收現獲之劉

那文毅公初任直隸總督奏議

卷四十一

閣

文闔敬仁解遵會解成仁解秉謙爲徒高鵬程亦收現獲之馬林爲徒裴景義董槐性張培趙全高鵬程許聰並裴元端裴云布裴元和裴元幅裴振兩邢良每逢會期均赴裴元通家湊出錢文交裴云布買備素供恐被外人看見俟至夜晚燒香上供習念咒語供畢分食坐功運氣其餘尋常日期裴景義等或三五人聚在一處或各人在家學習運氣並無一定裴景義之子裴玉祥見而隨同運氣並未拜師習咒至不願隨會各犯裴景義等亦未相邀陳攻玉每年會至一次臨行時裴景義等

送給盤費多少不等十八年十月十五日陳攻玉復至在許聰家住歇向許聰裴景義告以現拏邪教嚴緊恐被外人識破伊已捏改王姓並熱河住址囑咐不可聲張許聰裴景義各湊給盤費而去嗣裴云布裴元和邢良先後病故二十年十一月初間經該州訪聞密稟會同委員先後拏獲裴景義等並在裴景義家起獲違禁抄本推背圖二本萬法歸宗一本訊係得自已故之裴雲鴻等家稟由_臣奏明提省審辦行司飛提來省訊明首犯陳攻玉實係山東臨清州桑園村人節次咨緝未獲

那文毅公初任直隸總督奏議

卷四十一

聖

現犯未便久羈自應先行審擬提訊裴景義等據各供悉前情不諱恐尙有煽誘惑眾重情覆加究詰據該犯等堅供僅止習教傳徒希冀成仙得道委無煽誘惑眾姦淫婦女及謀為不法情事亦不認識祝現等逆犯嚴究不移案無遁飾查例載傳習白陽白蓮八卦等邪教習念荒誕不經咒語拜師傅徒惑眾者為首擬絞立決為從發新疆給額魯特為奴坐功運氣者杖八十等語此案裴景義拜從在逃之陳攻玉為師傅習三元會邪教習念鄙俚咒語上供避氣訊非白陽白蓮八卦等名目

惟現值

功令森嚴之時各項教會均干嚴禁輒敢傳徒惑眾藉圖斂錢在逃之首犯陳攻玉獲日應即從重依傳習白陽等教之例擬絞裴景義聽從學習傳徒多人董槐性張培係裴景義之徒又各轉傳多人厥罪惟均應即一例問擬裴景義董槐性張培均合依傳習白陽白蓮八卦等邪教習念荒誕不經咒語拜師傅徒惑眾者為從發新疆給額魯特為奴照新例改發回城給大小伯克及力能管束之回子為奴許聰拜從裴景義為師尙未傳徒惟隨同

那文毅公初任直隸總督奏議

卷四十一

聖

念咒且會_舊在逃之楊昆拜從裴景義為師亦屬不法許聰應於裴景義等遣罪上量減一等杖一百徒三年至配所折責安置陳攻玉之徒高法裴景義之徒熊幅榮張信劉棟張吉歐陽先張許氏許李氏熊崔氏裴云布之徒錢亮錢步雲董槐性之徒白尙清白尙友解連彪胡起用胡起刁解潮青宋萬張培之徒張景李丙瑞于太起于太書于坡劉宗士王廷躬杜殿臣楊現趙全之徒劉文閣敬仁解連會解成仁解秉謙高鵬程之徒馬林並裴景義之子裴玉祥訊明僅止坐功運氣並無習

念經咒亦未傳徒應各依坐功運氣例各杖八十折責三十板劉棟年逾七十許氏許李氏熊崔氏係婦女均照律收贖追取贖銀入官冊報在逃之首犯陳攻玉及從犯裴元端等嚴飭勒緝務獲另結裴云布裴元和邢良于卜先已病故應毋庸議裴景義家起獲抄本推背圖二本訊明實係得自己故之裴雲鴻家無從根究咨送軍機處查銷其萬法歸宗一本尙無違礙應俟案結銷燬再現奉

上諭嗣後各省遇有倡立邪教惑眾騙錢案內應行發
那文毅公初任直隸總督

遣之犯著該督於審擬定案時酌留一二名於該省
犯事地方永遠枷號示眾欽此應請將爲從擬遣情節
較重之裴景義一犯留於犯事地方永遠枷號以
示儆戒至此案係該州知州王仲湘訪聞拏獲多
名解省審辦失察職名應免開叅供招咨部謹
奏奉

硃批刑部議奏

那文毅公初任直隸總督奏議卷四十一

那文毅公初任直隸總督奏議卷四十二目錄
卷四十二
飭緝逆黨

那文毅公初任直隸總督奏議
目錄

那文毅公初任直隸總督奏議卷四十二

上海市歷史文獻圖書館藏

男容安恭

飭緝逆黨

容安謹按 先文毅公奉

旨嚴緝逆匪雖祝劉各犯未經就獲然先後辦過不下數

十起其僅止燒香歛錢者間從未減惟搜緝石

佛口王姓一案不遺餘力蓋以王姓習教始自

前明流毒數省故為拔本塞源之計仰蒙

仁宗睿皇帝

特旨嘉獎 能上契

那文毅公初任直隸總督奏議

卷四十二

天心淨絕 株洵屬快事

嘉慶二十年十月二十五日

奏為遵

旨飭拏赴楚傳教之灤州人王姓究出王殿魁曾在江南

傳教現在分別提訊咨查事竊 臣前經面奉

諭旨飭令查辦湖北江夏縣人樊萬興等供出赴楚傳教

住居江南儀徵縣之直隸灤州人王姓一案當在

差次派員馳往灤州會同訪查迨回省接准湖廣

總督馬慧裕湖北巡撫張映漢咨會飭緝又經 臣

查有保定府同知汪河曾任灤州熟悉該處情形

檄飭前往確查奏蒙

聖鑒在案 臣復檢查舊案灤州石佛口村王姓最多類皆

習教十七年間拏過王烈一名解部審辦又現准

山西撫 臣咨緝送給曲沃縣民護道榜文王如青

之子是該村王姓不止一家必須詳細週密嚴拏

務獲以絕根株節經指示各委員去後嗣據灤州

知州王仲湘會同委員候補未入流喻振恒訪得

盧龍縣屬安家樓莊人王殿魁在江南住家即將

王殿魁并伊子王朝萬拏獲并起獲道教全書四

套治牌藥方紙一張尚無違礙字樣稟由 臣檄司

那文毅公初任直隸總督奏議

卷四十二

提審據王殿魁供稱小的原籍是灤州石佛口人

順治七年祖上即移住盧龍縣安家樓小的今年

五十二歲女人劉氏生有四個兒子長子王朝萬

次子王滿定三子王德子四子王套兒小的家世

傳清茶會即清淨門勸人喫齋念經祖父王景文

父親王亨功乾隆三十六年在安慶府傳教犯案

把父親正法祖父發遣那時小的纔七歲後來小

的叔祖王烈同叔父王景益曾在江南傳教先後

犯案問罪小的於乾隆五十七年纔到江南傳教

先到淮安安吉村徐二疑家又到江甯府溧水縣

秦大彩之子秦過海家泗州王維善之子王添弼
南京城內人吳長庚家均傳了教因他們父親都
是小的父親徒弟故此他們也給小的做徒弟的
此外並沒別人了小的在淮安府山陽縣河下二
十四五堡蔡橋開永昌號糧食店財東係山西汾
州府介休人任盛元小的到淮安後每隔五六年
回家一遍去年十月內小的合大兒子朝萬一同
回家的小的傳教都在江南並沒到過湖北山西
等省小的家在湖北傳教的共有三人一是小的
族叔王書魯他傳的大徒弟是武昌府草北門外
打鐵的李良從一是小的族叔王泳太他的大徒
弟是漢陽縣城外種菜園的陳堯一是小的族叔
王興建他的大徒弟係在漢口開香舖的黃四還
有一個是武昌府草北門外開菜園的王世中此
外他們再有徒弟小的記不清楚了王書魯本是
安家樓人搬到石佛口住十三四年前他獨自一
人到江南儀徵縣傳教即便住下在那裏成了家
有一個抱養的兒子姓秦先住在儀徵城外五棚
頭近日又搬進縣署旁邊居住他今年五十五六
歲圍臉帶赤色大鼻子黃鬚中等身材王泳太王

那文毅公初任直隸總督奏議

卷四十二

三

興建俱在安家樓住王泳太年近五十歲高身材
長臉有麻黃鬚他本是山西犯案王紹英的胞弟
王興建年六十五六歲高身材長瘦臉連鬚白鬚
他們合王書魯三個人都是在湖北傳教可以提
質的至在山西傳教犯案的王如青是王培蒼之
子也是小的族祖已於十六年上病故他長子王
鳳太上年因王烈犯案解部監斃還有他次子小
名來子現年十六七歲小的王姓在石佛口住的
有兩支俱係在旗分東西兩院王如青是東院人
其餘在安家樓合闢家莊的係屬一支俱係民人
現在小的家起獲道書是家中舊有的並無別項
經卷藥方招牌一張是過路賣膏藥人給的等語
又據保定府同知汪洞會同盧龍縣知縣辛文泚
稟稱訪得安家樓莊尙有王三樂等係教犯王紹
英之弟隨將王三樂王三畏拏獲並在伊家搜查
並無經卷圖像等物訊據王三樂王三畏同供伊
弟兄五人長兄王三省已故多年次兄王三聘又
名王紹英會看風水向在山西澤州府陽城縣娶
親住家嘉慶十五年間伊三兄王三福前往山西
找尋王紹英十六年三月間一同回家續娶伊母

那文毅公初任直隸總督奏議

卷四十二

四

事畢王紹英於十八年正月內仍往山西十九年正月灤州因緝拏教匪王正才把伊兒王三顧并王三畏拏獲訊明遞回本縣取保釋放伊等委係莊農度日均無習教為匪情事王三顧旋患瘋迷於本年四月內外出不知去向伊莊亦不知有王如青其人等語臣伏查王殿魁現在供出在湖北傳教之王書魯一犯已准湖廣督臣咨會在江蘇省拏獲其王泳太王興建二犯據王殿魁供稱俱在湖北傳教又王來子一犯係在山西傳教王如青之次子均應按名密速拏獲當開明各犯年貌

那文毅公初任直隸總督奏議

卷四十二

五

住址劄飭委員等分投密拏並將王殿魁所供在江南傳徒徐二疑等分別咨緝究辦一面仍向王殿魁詳鞠確情外至王三樂王三畏既係王紹英之弟王紹英業經山西拏獲奏辦據稱伊兒王三顧曾赴山西找尋王紹英回家於葬母事畢之後王紹英仍往山西彼時王三顧雖未偕往而現在又復外出是其行踪詭秘情殊可疑王三樂等供稱王三顧因瘋外出實難憑信自應將王三樂王三畏飛提來省提同王殿魁確行訊究且查安家樓莊王姓本係灤州石佛口王姓分支而灤州之

王烈等又係王紹英供出傳教案內經刑部審擬分別發遣內有王際昌一犯發刑臺縣充徒王漢卓一犯發東鹿縣充徒王秉鈞一犯發慶雲縣充徒是王三顧與伊弟王三樂等有無傳教及王泳太是否即係王三顧之處王際昌等諒無不知己行司傳拏各徒犯提同王三樂等質訊辦理謹

奏

嘉慶二十年十一月初三日

奏為遵

旨查辦并將先已訊出端倪奏明密拏事竊臣於十月三

那文毅公初任直隸總督奏議

卷四十二

六

十日承准軍機大臣字寄十月二十九日奉上諭王秉衡即王景曾其族分住直隸灤州及盧龍縣等處以大乘教清茶門分往外省傳徒斂錢茲王秉衡自直隸至楚省復來江南傳徒柳有賢轉傳金際有傳至逆犯方榮升釀成巨案該犯實為禍首現已拏獲解赴湖北訊明嚴辦昨據那彥成奏於盧龍縣緝獲王殿魁等犯並查提王姓充徒各犯分別審辦石佛口王姓一族世傳邪教歷年久遠蔓延數省現已屢次犯案著那彥成即派委幹員前往灤州及盧龍等處將王姓族中傳教之人全數收捕勿令免脫一名解至省城嚴行審

訊訊明後將為首傳徒者問擬絞決其為從者分別發遣流徒並向各該犯家中嚴密搜查將所藏九蓮如意皇極寶卷真經元亨利貞鑰匙經及一切邪悖經卷全行起出封送軍機處呈覽務令爭絕根株勿稍留遺孽除惡務盡切勿姑息欽此伏查臣前在河南辦理教匪

所有拏獲教犯逐件審訊彼時即係盛泰等隨同辦理臣即屢諭盛泰等令將各處習教之人何處最多傳至何人逐人訊問逐件留心以備查辦務絕根株庶免別滋事端而盛泰亦最肯用心存記又在保定府任內審辦邪教最多是以直省傳習

那文毅公初任直隸總督奏議

卷四十二

七

邪教源流惟臣與盛泰少知梗概今欽奉

諭旨謹據

臣等所知畧為陳敘查當日據獲到教匪各供

滑縣鬧事之人俱係震卦教凡有在教者均稱為

東方震宮王老爺門下其王老爺係首先傳教之

山東荷澤縣人王中已於乾隆三十七年犯案正

法林清徒黨多係坎卦教凡有在教者均稱為北

方元上坎宮孔老爺門下其孔老爺係首先傳教

之山東臨陽縣人孔萬林亦已於王中案內正法

至大乘教金丹八卦教義和門如意門等教凡有

在教者均稱為南方離宮頭殿真人邵老爺門下

其邵老爺係首先傳教之河南商邱縣人邵生文

已於乾隆三十六年犯案正法又訊有清茶門教

係滑縣人王正紀所傳當即拏獲辦理即係澤州

石佛口王姓分支當時即已飭令密記存查臣於

到任後查辦各項教匪查得嘉慶十六年經溫承

惠審辦過鉅鹿縣民孫維儉等係以吳二瓦礫所

傳之好話教即離卦教改名大乘教賄串孔傳標

借修尼山祠宇為名惑眾斂錢一案將大會首孫

維儉等五名分別擬以絞決監候二會首宋連捷

等九十餘名連吳二瓦礫一併擬遣其散會首盧

那文毅公初任直隸總督奏議

卷四十二

八

珍明等一千六百三十餘名

奏准取具悔結存記檔冊再犯加等治罪十七年又經

溫承惠拏辦過前案內散會首復圖興教私雕偽

寶印蓋護道榜文之劉幗名等三十餘名口分別

斬決發遣是年又拏獲澤州李家套民董懷信等

三十餘名傳習金丹八卦教審出曾經入教男婦

五千一百餘名將董懷信等分別斬決發遣其餘

男婦取具悔結存案十八年冬間大乘教案內擬

絞監禁之大會首李經在監勾結同教田克岐散

旗謀逆經署督臣章煦及臣在軍營訪聞分起委

員孳獲李經等即奉

旨當下辦理旋又究獲八卦教內首要逆犯張九成楊遇

山宿元謨劉坤并河南離卦教首卽生文之孫卽

坦炤劉功等分案

奏明擬以凌遲斬遣惟查愚民私相傳習邪教一時原

難稽查是在地方官時刻留心於會犯數案之犯

曾經習教之家不動聲色嚴密稽查務使不驚不

擾隨案究其源流庶可斷其傳習臣仰荷

皇上昇以

畿輔重任秉承

那文毅公初任直隸總督奏議

卷四十二

九

指示夙夜實力整飭不敢稍存疎懈斷不肯令邪惡復萌

釀成巨案除陸續孳獲滑縣潛逃從逆各犯並林

清案內應行緣坐餘黨不敘外其離卦一教仍未

改悔之案如所獲安平縣傳習離卦教之楊俊等

究出首先傳教吳二瓦礮之子仍稱少當家之吳

洛雲并其徒大頭目路運等一案交河縣傳習一

炷香離卦教之齊開章等搜出違背十王經卷一

案滄州吳久治路老等傳習佛門教一案青縣季

八葉幅明等傳習義和門教一案又青縣邊二從

習白陽教預知逆情一案景州葛錫華等從習離

卦教預知逆情一案邢州邢士魁等傳習如意教

搜獲妄造表名掛號總冊一案故城縣葛立業傳

習義和門拳棒預知逆情一案均經訊明教名雖

別俱係離卦教之子孫徒黨遂起

奏明分別凌遲斬遣在案現又訪獲青縣尤明等傳習

義和門離卦教一案東鹿縣馬揚氏傳習紅陽教

搜獲飄高老祖經一案亦經

奏明從嚴究辦至石佛口王姓傳教一案臣先卽存記

前在湯山差次面奉

諭旨飭孳赴楚傳教之王姓當經臣派員在盧龍縣安家

那文毅公初任直隸總督奏議

卷四十二

十

樓莊訪獲自江南回籍之王殿魁并其子王朝萬

二犯提省嚴訊據王殿魁供認於乾隆五十七年

卽在淮安溧水泗州江寧等處傳徒伊卽在山陽

開糧食店五六年回家一遍並據供出伊族人在

湖北傳教共有三人一名王書魯一名王泳太一

名王興建王書魯先在江南儀徵縣傳教卽在彼

住家王泳太王興建俱在盧龍縣安家樓莊住又

有在山西傳教犯案王如青之次子小名來子伊

族石佛口有兩支俱在旗分東西兩院王如青是

東院人其餘在安家樓莊及闕家莊係屬一支俱

係民人等語續又據委員稟在安家樓莊擊獲王
 三樂王三畏二名訊據供稱伊等均未習教惟伊
 次兄王三聘又名王紹英曾在山西傳教犯案業
 已奏辦伊三兄王三顧從前亦往山西回家後旋
 患瘋迷於本年四月內外出不知去向臣以王三
 樂王三畏所供全係狡卸且該族之人類多傳教
 犯案因查從前辦過王烈案內有王際昌王漢偉
 王秉鈞三犯分發刑臺等縣充徒行司提省質訊
 至王殿魁供出在湖北傳教之王書魯一犯現准
 湖廣谷會內開樊萬與案內之王姓即王大鼻子
 那文毅公初任直隸總督奏議
 卷四十二
 十一
 已准江蘇省拏獲核與王殿魁所供形貌相符其
 王泳太王興建二犯亦在湖北傳教當即飛檄各
 委員飭拏一面奏蒙
 聖鑒在案今據百齡等奏將緝獲之王秉衡即王景曾解
 楚嚴辦查與王殿魁供出在湖北傳教之王書魯
 名不相符復提王殿魁研訊據供王書魯原係景
 字排行又名王景曾即王大鼻子屬實等語臣業
 經咨會湖廣督臣審究至王姓世習邪教分往各
 省傳徒蔓延數省屢次犯案怙惡不悛且灤州盧
 龍等處附近京畿並係

盛京往來要路斷難容習教匪犯潛踪誘煽誠如
 聖諭必當將該族習教之人全數收捕分別懲辦嚴密搜
 查邪悖各經卷務令淨絕根株不使稍留餘孽臣
 前經派委保定府同知汪洞前赴該州密拏已據
 獲到教犯王三樂王三畏王鳳吉王來子等四名
 已飭提省審辦并仍令該員在於該州石佛口盧
 龍縣安家樓及闕家莊等處實力查拏現又恭錄
 聖諭密劄前委查勘永平府屬一帶道路之清河道韓文
 綺令其遵
 旨就近督拏該族習教之人並搜查各項邪悖經卷解省
 嚴行訊辦斷不敢稍存姑息以期仰副
 聖主除惡務盡之至意謹
 奏
 嘉慶二十年十一月初五日軍機大臣字寄奉
 上諭前據百齡等奏緝獲傳教匪徒盧龍人王秉衡即係
 灤州石佛口王姓該犯族中向多習教之人散在山西
 江南湖北等處傳徒難保其家中無藏匿邪悖經卷煽
 惑之事當經降旨令那彥成派員前往緝捕茲據那彥
 成覆奏現派清河道韓文綺在灤州石佛口盧龍縣安
 家樓莊闕家莊等處督率查拏灤州盧龍兩處王姓之

人自必不少此內習教傳徒者必應查辦其餘凡屬王姓之人亦不得妄拏滋擾著那彥成即飭知韓文綺行抵該處先行察訪明確其家果係素來習教傳徒者鄰里保長斷不能掩其耳目且必有藏匿邪悖經卷一經訪實即按名收捕並查起經卷勿留餘孽其祝現等要犯或亦潛匿該處並著一併根究毋稍疎漏總之除惡務盡亦不可濫及無辜也

嘉慶二十年十二月十四日

奏為查明石佛口王姓實係邪教總匯惡根已將傳教之人拏獲審訊大概情形事竊照灤州石佛口王

那文毅公初任直隸總督奏議

卷四十二

十三

姓習教傳徒一案先經遵

旨派員查辦湖北民人樊萬興等所供傳教之灤州王姓

當即拏獲王殿魁一犯究出曾在江南傳教并供

王書魯等三犯各在湖北等處傳教奏請咨緝旋

奉

諭旨百齡等緝獲盧龍縣人王秉衡即係灤州石佛口王

姓該犯族中向多習教之人散在山西江南湖北等處

傳徒飭令_臣派員前往將該族習教傳徒之人全數搜

捕勿令兔脫一名并嚴密搜查九遠如意皇極寶卷其

經元亨利貞鑰匙經及一切邪悖經卷欽此復經_臣奏

明派委清河道韓文綺在灤州石佛口盧龍縣安家樓及闕家莊等處督率先經派往各員會同各該地方官等嚴密搜查復奉

諭旨灤州盧龍兩處王姓之人自必不少此內習教傳徒者必應查辦其餘凡屬王姓之人亦不得妄拏滋擾著那彥成即飭知韓文綺行抵該處先行密訪明確其餘果係素來習教傳徒者鄰里保長斷不能掩其耳目且必有藏匿邪悖經卷一經訪實即按名收捕并查起經卷勿留餘孽總之除惡務盡亦不可濫及無辜也欽此

_臣隨欽遵

那文毅公初任直隸總督奏議

卷四十二

十四

諭旨檄行各委員嚴密搜查并飭知石佛口王姓實為邪

教惡根此次既經查得務必除盡根株不使稍留

遺孽因令繪具王姓支派宗圖去後嗣據各委員

及該地方官等分路訪查先後稟覆將應行解訊

之人并繪具該族宗圖支派人數清單陸續解送

來省_臣督同兩司首府及因公在省之霸昌道齡

佐等按圖逐細查審查得該族王姓原住灤州石

佛口後又分遷盧龍縣安家樓及闕家莊現據委

員查得石佛口王姓大小男丁共四十餘人未習

教者二十六名訊係外出應行咨緝者王殿弼王

弼二名現在訪獲應行解訊者王殿卿王殿元王
 交王訓四名其餘均係小口安家樓大小男丁共
 二十餘人未習教者八名訊係外出應行咨緝者
 王泳太即王三顧王九思二名現已訪獲應行解
 訊者除王殿魁王興建先已解省外尚有王亨仲
 王時玉王三樂王三畏王勤業王福兒王奎容王
 和王朝萬九名其餘均係小口闕家莊大小男丁
 共十餘人除小口外查明並無習教者共十二名
 並訪明該姓一族本係三支長王偉次王儒三王
 道森檢查乾隆三十六年王忠順案卷敘有王敏
 迪於雍正年間傳教犯事王敏迪係王道森元孫
 以前無案可稽此後傳教各犯俱係王道森一支
 後裔丁亦繁多王道森曾孫王鹽始由石佛口遷
 居安家樓王鹽之第四子王德修因屢被族人連
 累又由安家樓遷居闕家莊其現在審明實係習
 教傳徒之犯一為王殿魁伊父王亨功於乾隆三
 十六年在安徽傳教犯案正法伊祖發遣伊於乾
 隆五十七年起在江南淮安泗州等處傳教先後
 傳徒徐二疑泰過海王添那吳長庚等四人伊即
 在山陽縣屬蔡橋地方開糧食店住家一為王興

那文毅公初任直隸總督奏議 卷四十一 五

建於嘉慶三年起在湖北武昌漢口等處傳教伊
 赴湖北四次先後傳徒王自玉侯大化方仲才張
 壽太李塌鼻子五人又傳王自玉之妻王王氏并
 其姊王三姑又漢陽縣民婦王三婆吳三婆鄒姑
 等五人王自玉又轉傳徐治綱陳宗恒二人侯大
 化又轉傳方文炳一人一為王亨仲伊兄王忠順
 即王亨功於乾隆三十六年在湖北河南等處傳
 教犯案正法伊父王秀充發伊於乾隆五十三年
 起赴湖北京山縣先後傳徒余為淇余為洗劉東
 山鄭勝奇陳紹玉五人一為王時玉伊父王充恭
 曾於嘉慶十三年間在河南新野縣傳教有張蒲
 蘭喬成章喬第五鄭宗道張舉曾拜伊父為師伊
 父於十五年間病故伊即於是年十月仍往新野
 收張蒲蘭等五人為徒以上四犯俱經拏獲審認
 其王泳太即王三顧一犯據王殿魁王興建全供
 係與王書魯即王秉衡俱在湖北武漢等處傳教
 之犯并據王興建供明王泳太在湖北漢陽縣傳
 徒李朝柱陳大綱二人本年四月間伊借給盤費
 王泳太仍往找尋李朝柱等語此外惟王景益家
 內傭工之閻芝供出王景益於嘉慶十二年曾往

那文毅公初任直隸總督奏議 卷四十一 六

河南傳孟縣人常敬先涉縣人劉瑞劉廷樹為徒其王殿卿等十餘人屢經研訊均不認習教傳徒至該犯等所傳教名據供為清茶門教世代流傳相沿已久教人三皈五戒三皈係一皈佛二皈法三皈師五戒係一戒不殺生二戒不偷盜三戒不邪淫四戒不葷酒五戒不誑語每逢朔望早晚燒香供獻兩鍾茶凡傳教者皆稱伊等為爺向其拜禮送給銀錢多少不等並無另有經卷咒語訊以王秉衡所供九蓮如意皇極寶卷真經元亨利貞鑰匙經不惟王殿魁等堅供伊等家內並無此項

那文毅公初任直隸總督奏議 卷四十一 七

經卷并據各委員及該地方官等先後稟覆在於該族曾經習教犯案之家逐細密搜委無藏有前項經卷此 臣 遵

旨查審王姓習教傳徒人數並委員搜查之原委也 臣 因查該犯等所供三皈五戒止勸人喫齋修好現經嚴查又無妄誕符咒及別項經卷何致累代流傳蔓延各省俱皆聽其煽惑送給銀錢且屢年犯案正法發遣者不一而足何以該族人等溺迷不悟始終仍蹈覆轍其中必有詭秘別情該犯等既不供吐因查從前王烈案內經部將該案內

文王一犯先經提傳至省據供伊曾隨從犯案在部監斃之王逢太到過邯鄲磁州等處王逢太傳劉煥郭太舉等當即派委員弁馳往邯鄲等處會同該地方官等將劉煥郭太舉拏獲並將劉煥等輾轉供出之王克勤王日平王日安田元隴杜立功申明蘭朝元姬有名徐科等一併拏獲在王克勤家搜出三教應劫總觀通書一本及抄寫經卷一本並起獲劉煥等往來書信三紙當將經卷詳細檢閱以燃燈佛釋迦佛未來佛為三劫有青山石佛口字樣臚列三皈五戒其悖逆不法語句均

那文毅公初任直隸總督奏議 卷四十一 六

堪髮指當提王克勤嚴訊供認伊自幼聽從伊故母楊氏習清茶門教嘉慶五六年間有河南滑縣裴村居住之張良臣故祖張成甫寫信給伊以老師傅王度現任石佛口伊往拜王度為師王度死後又拜其子王逢太為師傳伊三皈五戒向其禮拜稱之為爺屢次幫給銀錢名為根基錢所起通書經卷伊母告知係由石佛口王姓轉給張成甫家張成甫轉傳伊家祖父因訊之王殿魁等亦均認係王家所傳之書不諱其書內有天盤三副過去係燃燈佛掌教每年六箇月每日六箇時現在

係釋迦佛掌教每年十二箇月每日十二箇時將來係未來佛掌教未來佛卽彌勒佛每年十八箇月每日十八箇時未來佛降在石佛口王姓家內經卷內有石家第三郎之語不知應在何人如有入教每年正月十二月送給根基錢一次若逢未來佛出世卽得好處是以人皆信服會中人都知道道之質之劉煥郭太舉王日平王日安田元隴杜立功申明蘭朝元姬有名徐科俱俱相向並據供稱伊等會中從前犯案之人因經有悖逆語句是以止認三版五戒復將起獲書信三紙向王克勤

那文毅公初任直隸總督奏議

卷四十二

十一

等犯詰訊據稱信內所寫青山主人卽係犯案監斃之王逢太所稱朝上二字卽係上朝所稱爺者卽係主上是入教之人俱係師徒相稱獨王姓爲爺其分最尊俱向禮拜磕頭各邪教之分去彼甚遠所有書信銀錢均由張良臣轉送此時名爲根基錢將來卽爲元勳錢隨提王殿魁王興建質審始據供認伊家祖父相傳原因書內有未來佛降在伊家之語藉此騙人入教得受根基銀錢與王克勤等所供無異并稱伊等先因祖父歷次犯案所有經卷人已燒燬無存實無另有藏匿及謀

逆不法情事_臣伏查該族傳教始於王森溯查明史趙彥列傳內載有王森得妖狐異香倡白蓮教自稱聞香教主居灤州石佛莊萬歷年間爲有司所攝斃於獄其子好賢及徐鴻儒等踵其教徒黨益衆後亦伏誅等語自王森至今已有一輩王森後又改名王道森歷年傳教犯案多係王道森後裔總因所藏三教應劫書內有未來佛降生青山石佛口字樣是以王姓傳教之人俱稱爲青山主人入教者皆稱之爲爺寫信者竟尊爲朝上送給銀錢者並推爲根基元勳磕頭禮拜居然有主臣

那文毅公初任直隸總督奏議

卷四十二

十二

之分實屬大逆不道_臣前曾訊辦滑縣人王正紀習清茶教之案卽係石佛口王姓所傳當時雖已密記存查究未得其根源卽各省查辦邪教名目甚多亦僅知其輾轉流傳未能溯其總源今經起獲通書經卷逐細核審傳教之王殿魁王興建與習教之王克勤郭大舉等供俱脗合是該族世傳此教借未來佛掌盤之邪說煽惑人心釀起異謀毒流數省害延累代竟爲各項邪說之宗卽如林清謀逆滋事竟有此時應劫將來另有起事之人之供其意諒卽指此方榮升改造歷法爲十八箇

月之說亦係由三教應劫天盤之邪說肆謀不軌其書實傳自王姓實為禍首惡根前奉

諭旨飭令臣訊明此案將為首傳徒者問擬絞決為從者分別發遣流徒自應欽遵辦理惟查該族人歷經犯案總未悛改實由三教邪說易滋煽誘往往一再流傳即成巨案名為清茶似無謀逆之迹暗圖未來實為謀逆之由且各教係師徒相稱該教則稱爺拜禮不但遂其騙誘銀錢之私並顯肆其正名定分之惡臣於定案時另擬盡法嚴懲方足以絕根株而斷萌孽至王殿魁供在湖北傳教之王

那文毅公初任直隸總督奏議 卷四十二 手

泳太及該犯等在湖北江南河南所傳之徐二疑等并滑縣民人張成甫之孫張良臣是否均已物故臣開具住址年貌繕具清單并恐各省被誘入教之犯藏有三教應劫逆書若不搜查淨盡仍恐貽害無窮請

旨勅下江南湖北河南各督撫一體查照清單嚴緝究辦並密搜三教應劫逆書務令毀除淨盡如各省所獲之犯仍有直省未經審出之供仍一面飛咨查辦臣仍日夜熬審再有別情亦必盡情辦理斷不稍有遺留以期永絕根株所有起獲違悖逆書經

卷二本及書信三紙分別粘簽並該族宗圖清單一併封呈

御覽謹

奏

謹將查明王姓人數繕具清單敬呈

御覽

石佛口王姓現存人數

王加卓年六十二歲

王加語年四十七歲

王加相年四十一歲

那文毅公初任直隸總督奏議 卷四十二 手

王 孝年三十五歲

王 佩年四十二歲

王 寶年二十七歲

王 作年二十二歲

王居兒年十七歲

王 右年十九歲

王乃斯年十三歲

以上係王偉後裔

王廣臣年四十四歲

王加惠年四十二歲

王加均年四十歲
王加美年九歲
王九兒年四歲
王左年二十八歲
王所兒年二歲
王增立年十一歲
王增雙年六歲
以上係王儒後裔
王殿卿年二十七歲解省
王殿臣年三十歲
那文毅公初任直隸總督奏議
卷四十二
王殿弼年三十六歲外出 另請咨緝
王殿士年二十八歲
王有兒年十四歲
王殿元年三十九歲解省
王鎮吉年五十二歲
王桂兒年九歲
王殿英年三十七歲
王殿才年三十歲
王殿緒年二十一歲
王交太年十五歲解省

王履太年八歲
王弼年二十五歲外出 另請咨緝
王訓年十八歲
王太平年五歲
王雙弼年二歲
王定兒年十一歲
王如意年十八歲
王狗兒年五歲
王得意年十七歲
王黑廝年十四歲
王明兒年四歲
王存廝年十四歲
王四兒年三歲
以上係王道森後裔
安家樓王姓現存人數
王允武年三十九歲
王興建年六十五歲解省
王勤業年五十一歲解省
王泳太即王三顧年五十歲外出 另請咨緝
王三樂年四十一歲解省
那文毅公初任直隸總督奏議
卷四十二
王

王三畏年三十五歲解省
王亨仲年六十歲解省
王時措年五十三歲
王時玉年四十一歲解省
王時田年三十四歲文生
王九思年四十一歲外出 另請咨緝
王壽兒年十歲
王時楨年二十三歲
王時柱年十九歲
王珠兒年二十五歲
那文毅公初任直隸總督奏議 卷四十二 三
王福兒年十八歲解省
王殿魁年五十二歲解省
王奎榮年三十五歲解省
王和年二十九歲解省
王文剛年十七歲
王豐露年十九歲
王宗禹年九歲
王二哥年五歲
王隴春年十三歲
王朝萬年三十四歲解省

王盛兒年十六歲解省
王添富年五歲
王添貴年三歲
闕家莊王姓現存人數
王居廣年六十八歲
王允謙年五十歲
王景祥年三十五歲
王佐弼年三十歲
王松齡年二十八歲
王蔭槐年二十五歲
那文毅公初任直隸總督奏議 卷四十二 三
王五常年二十一歲
王啟昆年四十六歲
王福壽年二十八歲
王發兒年二十一歲
王貴卿年二十七歲
王甲寅即王賸子年二十二歲
王庚兒年十四歲
王隴兒年九歲
謹將王姓外出應緝之犯及王殿魁等在各省所傳之犯繕具清單敬呈

御覽

王姓族中外出之犯

王泳太即王三顧盧龍縣安家樓人年五十歲

高身材長臉有麻黃鬚本年四月赴湖北漢陽

縣城外鄧家領李朝桂家傳教

王九思盧龍縣安家樓人年四十一歲出外十

年不知下落

王殿弼灤州石佛口人年二十六歲出外三年

有餘不知下落

王弼灤州石佛口人年二十五歲於十九年

那文毅公初任直隸總督奏議

卷四十二

毛

因伊父王景益在江南犯案逃逸

王殿魁在江南所傳之徒并王殿魁在江南親屬

徐二疑係山陽縣支吉村人

秦過海係溧水縣桑園鋪人

吳長庚係上元縣城內人住豐富巷

王添弼係安徽泗州斗戶王家岡人

王滿定係盧龍縣安家樓人王殿魁之次子

王得子係王殿魁三子俱現住淮安府山陽縣

河下二十四五堡開永昌號糧食舖

王殿魁供出王書魯在湖北所傳之徒

李良從係王書魯從弟現在湖北武昌府草北

門外打鐵

王興建之父王廷俊在湖北所傳之徒

李光達係漢陽縣漢口鎮黃家塘人

吳大深係漢陽縣漢口鎮體仁巷人

王興建在湖北所傳之徒

王自玉係湖北江夏縣草湖門外磚瓦巷人種

菜園年三十來歲中身材圓臉微麻無鬚

王王氏係王自玉之妻年三十來歲

王三姑係王自玉之姊年四十來歲

那文毅公初任直隸總督奏議

卷四十二

天

侯大化係湖北江夏縣人在撫院衙門前居住

年四十六七歲小身材白臉微麻微鬚

方仲才係漢陽縣漢口鎮仁義巡檢司前開設

香料舖是否已故

張壽太係江西人在漢陽縣城外雙街巷開雜

頭舖年五十來歲中身材圓臉黃鬚

李塌鼻子係江西人不知名字在雙街巷居住

挑雜頭担年五十來歲中身材塌鼻有鬚

王三婆係漢陽縣鄧家嶺人年六十來歲

吳三婆係漢陽縣漢口鎮後體仁巷吳大深之

妻年五十來歲

鄒 姑係在漢陽縣漢口鎮仁義司巡檢衙門對過尼姑巷內帶髮修行

王自玉轉傳之徒

徐治喇係武昌府草湖門磚窰巷人

陳家恒係漢陽縣蓮花堤人

侯大化轉傳之徒

方文炳係漢陽縣漢口鎮存仁巷人

王泳太在湖北所傳之徒

李朝桂係漢陽縣鄧家嶺人種菜園

那文毅公初任直隸總督奏議

卷四十二

三

陳大綱即陳堯係漢陽縣城外老街做裁縫

王亨仲在湖北所傳之徒

余為洪現年七十餘歲中身材長臉有鬚住湖北

北京山縣山裏于冲莊

余為洗現年七十餘歲中身材長臉微麻有鬚

住湖北京山縣山裏于冲莊

劉東山現年八十餘歲中身材圓臉微鬚住湖

北京山縣孫家橋

鄭生玉現年八十餘歲中身材圓臉微鬚住湖

北隨州二道河大街

陳少奇現年九十餘歲中身材長臉有鬚住湖

北隨州二道河山裏

王時玉在河南所傳之徒

張蒲蘭現年七十餘歲大身材長臉白髮白鬚

住河南新野縣張家集伊子係啞吧年四十餘

歲中身材長黃臉微鬚

喬成章據王時玉供稱病故其子不知何名約

年四十餘歲住河南新野縣温家橋

喬第五係喬成章之弟現年五十餘歲中身材

圓黃臉有鬚住河南新野縣温家橋

那文毅公初任直隸總督奏議

卷四十二

三

鄭道宗現年六十餘歲中身材長臉有鬚住新

野縣連界鄧州鄭家集

張學會現年五十餘歲中身材長臉有鬚住殷

家坡離張蒲蘭家五六十里路不知何縣所屬

王景益即王汝諧在河南所傳之徒

常敬先係河南孟縣人年五十餘歲中身材長

臉有麻大鬚子

劉 瑞係涉縣東莊人向賣花椒年五十餘歲

小身材圓臉微鬚

劉廷樹係涉縣東莊人當陰陽生年六十餘歲

徵績

王度在河南所傳之徒

張良臣係滑縣裴村人曾否病故

嘉慶二十年十二月十四日

奏石佛口等處王姓傳教一案臣愚昧之見請將該族

為首傳教者俱照大逆定擬解交該處正法梟示

親屬緣坐其習教之犯及外省被誘入教者俱發

回城為奴現在查明該族惟闕家莊一處祇有十

餘家訊因王德修懼被教案牽累是以遷居其子

孫向不習教外其石佛口安家樓二處審明實係

那文毅公初任直隸總督奏議

卷四十二

三

習教者仍依習教之例辦理其餘雖訊未習教但

該族人等詭秘百出焉知非其有意留根抵死不

吐是現供全不足信且闕家莊亦係王道森後裔

均難保其日後不萌故智况各省習教之人既宗

王姓又有彌勒佛生於其家之書使天下習教之

人邪心總不肯死至屢次各處所拏之黃陽青陽

紅陽等教乃亦本其悖逆若稍存姑息仍留餘孽

數年後又別滋煽習終是未完自未便以該族此

時詭稱不習邪教且有田廬房產仍聽其容留小

有不忍致滋萌孽臣再四躊躇請於定案時將石

佛口安家樓二處之訊未習教者及闕家莊之十

餘家俱遷徙雲貴兩廣四省分別安插臣受

恩深重萬不敢稍存張大從嚴之見惟既查明該族積惡

貫盈實為各教總根不得不為剪惡除根之計以

期仰副

聖主除莠安良之至意謹

奏

嘉慶二十年十二月十六日軍機大臣字寄奉

上諭那彥成奏明石佛口王姓實係邪教總匯惡根已將

傳教之人拏獲審訊大概情形一招所辦甚好已另有

那文毅公初任直隸總督奏議

卷四十二

三

旨加恩矣灤州石佛口王姓其先世王森自前明以來

倡立白蓮教自稱聞香教主流傳至今二百餘年已闕

十輩屢經破案其子孫仍怙惡不悛改稱教名為清茶

門入教者皆稱之為爺書信內並隱約朝上為上朝送

給銀錢名為根基錢將來即為元勳錢磕頭禮拜儼若

主臣似此潛蓄異謀實為各項邪教首惡所有起出三

教應功總觀通書前年林清滋事時印持此書惑眾揚

言為應劫起事又所稱三教分掌天盤彌勒掌教時每

十八個月為一年方榮升偽造萬年書亦由此邪說而

起至書內逆詞不一而足如清朝以盡四正文佛落在

王門胡人盡何人登基日月復來屬大明牛八元來是
 土星等語閱之真堪髮指該逆如此狂悖為臣子者豈
 可不憤切同仇盡法嚴辦以期除盡根株毋留遺孽前
 降諭旨原以該犯等僅止習教斂錢照例將為首者問
 擬絞決為從者分別遣流今查種種悖逆情形罪同林
 方二逆必應照大逆辦理著該督即將現獲各犯嚴行
 審訊為首者按照大逆律問擬凌遲派錢錄解交刑部
 覆審正法最示該逆親屬照例緣坐其餘習教之犯及
 外省被誘入教者俱照該督所奏發給回城為奴至該
 處王姓族人雖未經習教亦如所請遷徙雲貴兩廣地
 那文毅公初任直隸總督奏議 卷四十二 一

方分別安插該督即晝夜盡心研究祝劉等逆切實下
 落審明後分別定擬奏明辦理其江南湖北河南等省
 傳教各犯已有旨飭令各該督撫等迅速查拏即於該
 省訊明辦理矣
 嘉慶二十年十二月十六日奉
 上諭那彥成查拏石佛口世習邪教王姓一案辦理甚屬
 認真著吏部查明那彥成被議處分共有幾案由軍機
 處具奏候朕酌量恩施發去御書福字一個賞那彥成
 之母並發去鹿肉二盤麋肉二盤鹿肉二盤野雞五
 隻賞那彥成之母及那彥成祇領度歲以示恩賞餘文

綺緝捕勒能著加恩賞戴花翎

嘉慶二十年十二月二十一日

奏為遵

旨嚴訊定擬並將傳教為首之犯派交藩司解部覆審事
 竊照灤州等處匪犯王殿魁等世代踵傳邪教惑
 眾並追獲妖書送信一案先經臣委員拏獲王殿
 魁一犯究出曾在江南傳教並供出有伊堂叔王
 書魯即王秉衡又名王景曾綽號王大鼻子同王
 泳太即王三顧王興建等三犯各在湖北等處傳
 教當經臣

那文毅公初任直隸總督奏議

卷四十二

一

奏請咨緝派委清河河道韓文綺馳赴灤州一帶督率原
 委各員及各該地方官嚴密查拏陸續獲到王興
 建王亨仲王時玉王三樂王三畏王勤業王幅兒
 王奎榮王和王朝萬王奎子王殿卿王殿元王交
 泰王訓等十五名解省因訊據各犯所供石佛口
 王姓係世習清茶門教傳三皈五戒祇係勸人喫
 齋行好何致蔓延數省聽其煽惑甚至屢加懲辦
 該族人等溺迷不悟始終仍蹈覆轍其中顯有詭
 秘別情臣不吐實隨將從前王烈等案內經部審
 擬充徒之王秉衡王際昌即文玉王漢卓等四名

密提到省又獲到曾從業經犯案發遣之王景益
王烈習教人犯周芝一名遂加隔別察訊據郎文
玉供稱伊曾隨從犯案在部監斃之王逢太入教
聞得灤州石佛口王家將來有彌勒佛出世遵其
教者必有好處是以隨從習教王逢太與父王度
曾在本省邯鄲縣磁州傳徒劉煥等多名伊亦到
過邯鄲磁州情願作眼隨同官役緝拿臣即檄司
派委樂城縣知縣徐志祖靈壽縣知縣高蔚濬帶
同郎文玉馳往會同各該地方官查緝並飭令搜
查各犯有無違悖經書字跡務獲解究當據該員

那文毅公初任直隸總督奏議 卷四十二 三

在磁州獲到劉煥王日平王日安申明簡朝元姬
有名在邯鄲縣獲到郭太舉王克勤田元隴又在
南和平鄉威縣獲犯杜立功何永言徐科等十二
名並在王克勤家搜獲抄寫三教應劫總觀通書
一本三教經一本書信三紙一併解送來省臣檢
閱三教應劫書信等件其中悖逆不法語句殊堪
髮指細加推勘始據一千人犯供明灤州石佛口
王家原係藉此以為四出惑眾張本隨將查訊大
概情形並訪查該族宗圖人數清單及搜獲經本
等件一併具

那文毅公奏議 卷四十二

奏欽奉 諭旨著臣即將現獲各犯嚴行審訊欽此臣遵復率同司

道首府及各委員等提集人犯逐細研鞫緣王殿
魁王興建王亨仲王時玉等均係祖居灤州石佛
口偶立白蓮教首王森即王道森後裔改其教名
為清茶門有仍住石佛口者有搬移至安家樓分
居者原捏有三教應劫妖書一本妄以與圖係燃
燈釋迦未來諸佛掌教未來佛即彌勒佛將來係
降於石佛口王姓家內又捏有三皈五戒經本以
此四出惑眾誘人歸教給與伊家根基錢待彌勒

那文毅公初任直隸總督奏議 卷四十二 三

出世共享榮華間有所給其家之錢名為元勳錢
者均不過欲其家將來能與人富貴之意歸其教
者即稱之為爺向其禮拜端坐不辭是以其教惑
人易而且廣久而難滅遂至世代傳流蔓延數省
屢經懲辦愚頑不悛如現獲之王殿魁其父王亨
功即王忠順與祖王秀向在江南淮安泗州等處
傳教於乾隆三十六年犯案正法發遣乾隆五十
七年王殿魁仍在該處踵行其教於山陽縣蔡橋
地方開設糧店收徒徐二旋泰週海王添弼吳長
庚等四人王興建係踵其故父王廷俊在湖北武

三八五

昌一帶傳教收徒王自玉侯大化方仲才張壽太
 李塌鼻子女自玉妻王氏王自玉之姊王三姑並
 漢陽縣民婦王三婆吳三婆鄒姑等十名口王興
 建常往欲錢其父王廷俊在漢陽縣所傳之徒係
 李光達吳大深二人王自玉侯大化又轉傳徐治
 桐陳家恒方文炳三人王亨仲即係犯案充發王
 秀之子與已正法之王亨功係同胞弟兄王亨仲
 於乾隆五十三年自赴湖北京山縣收其父之徒
 余為洪余為洗劉東山鄭勝王陳紹奇等五人為
 徒王時玉係嘉慶十五年於伊父王允恭故後自

那文毅公初任直隸總督奏議 卷四十二 三

赴河南新野地方收父徒張蒲蘭喬成章喬第五
 陳宗道張學曾等五人為徒此外尚有現獲之王
 交太其故父王度故兄王逢太曾收河南滑縣張
 良臣之祖張城南同現獲之磁州人劉煥王日平
 王日安申明簡朝元邯鄲縣人郭太舉王克勤田
 元隴南和縣人杜立功平鄉縣人徐科威縣人何
 永言等十二人為徒並有磁州人姬有名之已故
 祖父母亦曾歸教姬有名並不習教現獲三教應
 劫妖書係張城南得自王度家內迨張城南身故
 始歸王克勤家所有起獲書信三紙亦係張城南

之孫張良臣在日所寄同教人申明王克勤之信
 又有現獲王三樂王三畏二犯之胞兄王泳太郎
 王三顧現在湖北漢陽傳教收徒李朝桂陳大帽
 又有已在江南犯案擬遣病故之王景益同前經
 直省拏獲解部擬遣病故之王烈曾在石佛口本
 村收徒郎文玉閻芝並河南孟涉兩縣人常敬先
 劉瑞劉廷樹等五人又有江南現獲解赴湖北之
 王書魯即王秉衡綽號王大鼻子係向在湖北傳
 教王殿魁知其有徒李良從惟有由石佛口
 遷居盧龍縣闕家莊之王德修一支並不習教現

那文毅公初任直隸總督奏議 卷四十三 三

訊王殿魁等供悉前情不諱 因查三教應劫妖
 書本係王姓家捏出語句狂悖以為藉此要結人
 心惑眾斂錢之具乃現在傳教各犯本家何以轉
 無此書顯係藏匿不肯據實供出嚴加根究據該
 犯等供稱石佛口傳教各家屢經犯案之後經書
 等項俱已銷毀各家並不敢存留至在外傳教之
 人有無傳有此項經卷在外均係各自傳教無從
 知悉 等又查該族世傳此教借未來佛掌教之
 邪說煽惑人心釀蓄異謀毒流數省害延累代實
 為各項邪教之宗其與在逃祝現等諸逆難保無

勾結隱狗等弊復加追究據稱伊等因知有祖傳有三教應劫等書以將來彌勒佛掌教降生石佛口王家藉此妄自尊大冀圖易於惑眾騙錢實無另有謀為不軌情事委與逆匪祝現等向不認識並無勾結容隱等弊嚴詰至再均各矢口不移案無遁飾查欽承

上諭現獲各犯為首者按照大逆律問擬凌遲梟示親屬照例緣坐其餘習教之犯及被誘入教者俱發給回城為奴至該處王姓族人雖未經習教亦遷徙雲貴兩廣地方分別安插欽此今查王殿魁王興建王亨仲王時

那文毅公初任直隸總督奏議

卷四十二

三

王均係教犯子孫於懲辦之後怙惡不悛膽敢妄造妖書分往各省傳教惑眾核其情節同現獲妖書甚為狂悖不法與大逆無異實屬罪大惡極法不容誅王殿魁王興建王亨仲王時玉等四犯均請照大逆律凌遲處死解至石佛口正法分別傳首江南湖北河南各犯事地方梟示以昭炯戒現獲王克勤郭太舉申明田元隴王日平王日安劉煥杜立功蒲朝元徐科何永言閻芝等十二人俱係為王姓邪說煽惑被誘入教均請發給回城給大小伯克為奴即文王先曾習教擬徒現經情愿

作眼帶同官役指獲同教多人尙知畏法與悔過自首者無異自當予以自新免其仍發原配充徒遞籍保釋如敢復犯加等治罪以昭懲勸王姓族人內王延俊在湖北傳教王允恭在河南傳教王喜在河南傳教王三省在湖北傳教王度并子王逢太在河南并本省邯鄲一帶傳教以上六犯均已籍病故應請創墳戮屍即在本地方梟示王紹英即王三聘在山西傳教王景益在江南傳教王烈在江南傳教該三犯業經犯案治罪在外病故應毋庸議現獲王秉鈞係王烈之子王交太係

那文毅公初任直隸總督奏議

卷四十二

四

王度之子王漢卓係王喜之子王訓係王景益之子王奎榮王和係王亨仲之子王朝萬王奎子係王殿魁之子均請照例緣坐仍改發回城給回子為奴王際昌王殿卿王鳳吉均係訊明未經習教之石佛口王姓族人應請遷徙雲貴兩廣地方分別安插獲解來省之劉法姬有名二名訊無入教情事請免置議無干省釋至此此外應行緣坐及應遷徙各犯家口請旨即飭藩司錢臻前往會同清河道韓文綺督同濰州盧龍二州縣逐細查明分項造冊解省核議奏明辦

理該族房地財產一併抄追入官冊報王殿魁在江南流寓家屬及所開糧店請

旨飭交兩江督臣照例查辦其在外省傳教各犯與被誘

入教之犯及在逃各應緣坐遷徙家屬分別移咨

飭屬通緝務獲究辦所有案犯王殿魁王興建王

亨仲王時玉四名係傳教首犯罪擬寸磔同存有

逆書在家之王克勳暨備質要犯郭太舉

旨派藩司錢臻帶同委員等分起解交刑部核覆審辦餘

犯分羈省監一面仍行熬訊聽候部議供招咨部

謹

那文毅公初任直隸總督奏議 卷四十二 聖

奏奉

硃批刑部議奏

容安謹案旋經刑部議覆如所議辦理奉

旨依議

嘉慶二十年十二月二十一日

奏為分別具奏請

旨事竊查石佛口等處王姓傳教一案正在遵

旨嚴審定擬間據清河道韓文綺委員在石佛口二里許

之圍峯山壽峯寺內查有皇極金丹九蓮真信版

真還鄉寶卷一部共二本檢閱經內以無極大極

皇極為三教有九蓮如意及過去未來真空無生

九宮八卦青陽紅陽等字樣散敘經內並有無影

山之語憶及從前逆犯劉之協案內即傳聞無

彭山遍訪未確茲據稟稱訪之該處土人咸稱圍

峯山即呼為無影山壽峯寺係王姓昔年所建香

火廟是王書魯在江南所供經卷即指此經而王

姓累代傳教仿照此經編造三教應劫分掌天盤

等邪說煽惑騙誘實為各項邪教輾轉附會之宗

毫無疑義謹粘簽封呈

御覽此案現已遵

那文毅公初任直隸總督奏議 卷四十二 聖

旨嚴行審訊分別定擬另摺具

奏除例應緣坐之王秉鈞王交泰王漢倬王訓王榮奎

王和王朝萬王奎子及被誘入教應發回城之申

明田元隴王日平王日安劉煥杜立功蘭朝元徐

科何永言閻芝等人數眾多仍羈省監督同臬

司盡心研究仍加熬審有無逆跡及各要犯切實

下落毋庸解部外其傳教為首之王殿魁王興建

王亨仲王時玉四名犯逆派藩司錢臻解部覆審並

將存有邪經之王克勳及應質要証郭太舉二名

一併交藩司錢臻解部備質仍飭原問之保定府

知府阿霖及順德府同知姚嗣懋率同候補知縣壽澗章隨同分起解送請

旨俟刑部審明議覆後仍令錢臻押解王殿魁王興建王亨仲王時玉四犯赴石佛口地方盡法辦理分別傳首犯事省分臬示以彰

國法而警頑愚至遷徙王姓人數不少亦應大員督率辦理即飭錢臻前往會同清河道韓文綺督率地方官逐細確查妥辦迅速分起解省核辦並抄追房產入官至_臣展荷

聖明指示查辦此案節經檄行司府惟恐稍有縱漏臬司那文毅公初任直隸總督奏議

卷四十二

聖

盛泰總核精詳保定府知府阿霖悉心研鞠該司府等均係上年九月以後到任現在查明發審辦結教案及奏咨各案三百五十餘起統計現在省城三監所存人犯僅有一百七十八名圍圍清楚實由該司府等無分寒暑晝夜督審不辭勞瘁是以要案均能妥速完結人証亦無羈押株累審案原係臬司首府應辦之事但該司等格外認真其微勞亦不可壅於

上問查臬司盛泰曾隨_臣在軍營訊案極其留心此案之根據分明實由該司最為詳確彼時_臣未敢請

那文毅公奏議 卷四二一

賞花翎至保定府阿霖前辦湖北軍務得有花翎緣事拔去可否仰懇

皇上天恩將臬司盛泰保定府知府阿霖均賞戴花翎之處出自

逾格鴻慈其查拏審訊各員除僅係隨同辦理者毋庸置議外饒陽縣知縣陳晉候補知縣壽澗章首先密出實情辦理全案始終出力請

旨賞給陞銜拏獲各犯之遷安縣知縣汪本磁州知州何道榜靈壽縣知縣高蔚溶邯鄲縣知縣尹鴻璐藥城縣知縣徐志祖雄縣縣丞陳于嘉均請

那文毅公初任直隸總督奏議

卷四十二

聖

旨交部議敘額外委蘇永泰係_臣密派帶眼查拏人犯之弁均能按名指拏起出邪書倘為得力請賞給把總_臣衙門書吏朱堂戴振宗二名均因辦理軍需稿案出力經_臣奏請將朱堂

賞給從九品職銜戴振宗咨部照繁缺之例掣選該吏等現復承辦此案晝夜辛勤奮勉請

旨均免其考試歸部印選以示鼓勵再查現獲各犯該地方官會同購拏不遺餘力審明多係歷年外出傳教及從前被誘習教之犯各該地方官文武失察在先例有處分惟現在正當緝捕緊要之時若一

經獲犯究出案內歷年失察地方官先與懲處人顧忌處分轉致懈於緝捕即如直省前辦大秉教金丹教等案事非一年官非一任迄今尙奉部查取失察職名雖係咎所應得但各該地方官即畏失察之嚴議必懈目前之緝捕節經欽奉

諭旨如河南拏獲紅鬚子等案均

格外恩施寬其既往之愆予以自新之路合無仰懇

聖恩將現獲各犯歷年文武失察處分概行

寬免各該地方官等感沐

鴻施益當奮勉圖報於緝捕事宜加倍認真實屬大有裨

那文毅公初任直隸總督奏議

卷四十二

聖

益謹

奏

嘉慶二十年二月二十三日奉

上諭那彥成奏請將承審石佛口王姓傳教惑眾一案之

臬司知府等量予鼓勵並請免歷任文武失察處分一

摺臬司盛泰知府阿霖承審要案盡心研鞫盛泰著加

恩賞戴花翎仍賞加一級阿霖著加恩賞還花翎仍賞

紀錄二次其首先審出實情辦理全案出力之知縣陳

晉壽潤章俱著賞給六品陞銜拏獲各犯之知州何道

榜知縣汪本高蔚溶尹鴻璐徐志祖縣丞陳于壽俱著

交部議敘起出邪書之外委蘇永泰著以把總陞用書吏朱堂戴振宗俱著免其考試歸部以應選之缺即選以示鼓勵至此案歷年既久今已全行拏獲懲辦所有歷任失察各犯文武員弁應得處分著加恩概行寬免該部知道

嘉慶二十一年二月二十五日

奏為查辦世傳邪教之王殿魁等案內應行緣坐親屬

及遷徙戶口分項擬發事竊查灤州匪犯王殿魁

等世代踵傳邪教惑眾案內應行緣坐親屬及遷

徙戶口一案先經 臣 緝獲石佛口安家樓等處傳

那文毅公初任直隸總督奏議

卷四十二

聖

教之王殿魁王興建王亨仲王時玉等四犯並將

已故傳教之王廷俊王允恭王喜王三省王度并

子王逢太王紹英王景益王烈等九犯及已獲王

烈之子王秉均王度之子王交太王喜之子王漢

卓王景益之子王訓王亨仲之子王奎榮王和王

殿魁之子王朝萬王奎子八犯又石佛口未經習

教之該姓族人王際昌王殿卿王鳳吉分別問擬

凌遲戮屍梟示發遣遷徙奏奉

諭旨勅部核准施行並聲明此外應行緣坐及應行遷徙

各犯家口即令藩司錢臻前往灤州查覈聲明

解省核辦均經奉

旨依議欽遵辦理去後嗣據該州縣先後解到各男婦數
司督同首府逐細研鞫據各學供並無有教習等
查律載大逆正犯之祖父父子孫兄弟及伯叔父
兄弟之子並正犯母女妻妾姊妹子之妻妾伯叔
坐又嘉慶十八年奏定章程反逆案內例應緣坐
男犯年十六歲以上者發新疆給官兵為奴其律
應分給功臣之家為奴之女口因係謀逆教匪家
屬未便容留京師致滋萌孽應發往省分較遠之
福建廣東甘肅四川等處駐防仍照新例分賞該
那文毅公初任直隸總督奏議 卷四十二 聖

處官兵為奴其年未及歲之幼孩應令該犯屬攜
帶配所一併為奴等語又二十年二月初六日欽
奉

上諭緣坐女犯內學習邪教者發烏魯木齊給官兵為奴
欽此欽遵在案今王殿魁等世代踵傳邪教惑眾
案內緣坐及遷徙各犯業經訊明並無習教情事
均應分別照例辦理惟現訊各家屬內有緣坐婦
女應行發往福建等省駐防為奴因子女幼小情
願隨夫及子後遺新疆為奴者亦有緣坐兄弟之
妻子因不應緣坐仍應遷徙各婦女情願跟隨夫

男發遣新疆者核與原奉定例均屬不符第此案

係比照大逆律擬罪尚與實犯反逆者不同似應
量為權變以示區別除正犯嫡派子孫妻妾仍照
緣坐例擬發外其兄弟姪姪應請改為遷徙雲貴
兩廣地方安插至緣坐婦女例應分發福建廣東
甘肅四川四省給駐防官兵為奴訊明情願隨同
夫男發遣新疆者應請聽從其便業經兩司詳由
臣 咨部核示因查該族男婦大小戶口應遣應徙
共計一百餘名口現在羈禁省監多據稟報患病
自應速行起解以清囹圄所有原奏內經部議准
那文毅公初任直隸總督奏議 卷四十二 聖

應發新疆給官兵為奴之緣坐男犯八名除王朝
萬王奎子病故外尚有王秉衡等六名及現到之
王勤業等七名并應行擬發四省情願跟隨夫男
發遣新疆為奴之緣坐婦女王鄭氏等二十五名
口又應行擬發福建廣東甘肅四川四省為奴之
緣坐婦女王劉氏等十二名口又應行遷徙雲貴
兩廣分別安插之王加卓等九十九名口相應
奏明即行分起發配謹分項繕具清單恭呈
御覽此內有現在生產患病之王李氏王魏氏王高氏王
吳氏王梁氏俟飭提到省再行發遣其外出在逃

之王珠兒王廣臣王景祥王佐弼王松齡王蔭槐
並現奉

諭旨飭令截拏之王泳太王九思王殿弼王弼現已嚴檄
各屬一體密行偵探並咨緝各省務獲另行辦理
各犯供出房地已據該州縣查抄估計共逆犯的
屬名下財產應行入官選徒各犯名下產業共估
價銀一千四百二十九兩零應請先行全數官爲
墊給攜帶赴配俟變解後歸款並繕給咨牌分項
迅速起解仍造冊咨部謹

奏奉

那文毅公初任直隸總督奏議

卷四十二

吳

殊批刑部議奏

嘉慶二十一年三月十七日

奏爲灤州王姓邪教案內之傳教要犯王泳太即王三

顧及咨緝之王珠兒等俱經奉天省義州拏獲盧

龍灤州差役前往躡緝訪明確認據稟奏

聞事竊 於本年二月二十二日承准軍機大臣字寄二

月二十一日奉

上諭據馬慧裕等奏審訊清淨門邪教首從一案據現犯
等供稱王泳太一犯在楚傳教多次此次於上年夏間
來漢陽並未住旋即他往因編查保甲嚴緊無處容

留其在逃之王九思王殿弼王弼俱查無下落等語王
泳太等先經外出傳教此次辦理灤州盧龍王姓族衆
一節該犯等尙在未知現在外省無可容身自必仍回
直隸如到家後一聞該族衆俱經嚴辦必將遁跡遠颺
著那彥成預飭所屬在灤州附近一帶密行偵探如王
泳太等犯一經潛回卽行截拏並於經過州縣一體查
緝一經獲犯該督一面奏聞卽派委員押解來京交
刑部審辦毋任漏網欽此查王泳太即王三顧係王殿
魁等案內審係在湖北傳教要犯此外尙有王三
省之子王珠兒及遷徙項下闞家莊王居廣之子

那文毅公初任直隸總督奏議

卷四十二

辛

王景祥王佐弼等與王九思王殿弼王弼等均經

臣奏明咨緝在案欽奉

諭旨飭令截拏又經 派員分路偵探並嚴檄盧龍等州

縣密速購線查緝去後茲據永平府知府景慶稟

據盧龍縣知縣差役李謙亨灤州差役李士勇等

稟稱該役等奉批躡緝於二月三十日行抵義州

衙門掛號詢知王泳太即王三顧並王珠兒王景

祥王佐弼等四名業已拏獲彼時義州未奉飭緝

明文因係王姓同族一併獲住該役等知王泳太

即王三顧係傳教要犯謹據實詳明義州知州

州隨與該役等查訊並令當堂識認委係王泳太其人該州卽於三月初一日將王泳太同王珠兒王景祥王佐弼等解赴瀋陽省城審辦等情該府據稟咨查義州馳稟前來臣查王泳太卽王三顧在湖北傳教多次與先經審辦之王殿魁等罪同一律王珠兒王景祥王佐弼均係咨緝要犯既據義州拏獲相應具

奏請

旨勅下奉天府尹卽將義州現獲之王泳太等四犯迅速派員解交刑部審辦仍飭嚴緝王九思王殿弼王

那文毅公初任直隸總督奏議

卷四十二

五

弼等務獲辦理謹

奏

容安謹按此奏於

行在具遞已交部核辦

嘉慶二十一年五月十四日

奏爲拏獲灤州王姓案內之王殿弼遵

旨解部審辦事竊臣於本年二月二十二日承准軍機大

臣字寄二十一日奉

上諭據馬慧裕等奏審訊清淨門邪教首從一案據現犯等供稱王泳太一犯在楚傳教多次此次於上年夏間

來漢陽並未久住旋卽他往因編查保甲嚴緊無處容留其在逃之王九思王殿弼王弼俱查無下落等語王泳太等先經外出傳教此次辦理灤州盧龍王姓族衆一節該犯等尙在未知現在外省無可容身自必仍同直隸卽到家後一聞該族衆俱經嚴辦必將遁跡遠颺著那彥成預飭所屬在灤州附近一帶密行偵探如王泳太等四犯一經潛回卽行截拏並於經過州縣一體查緝一經獲犯該督一面奏聞卽派委妥員押解來京交刑部審辦毋任漏網欽此欽遵派員分路偵緝並嚴檄盧龍等州縣密速緝隨據奉天省義州拏獲

那文毅公初任直隸總督奏議

卷四十二

五

王泳太及王珠兒等四犯經盧龍灤州差役前往曬明指認確實由該府等稟臣具

奏聲明飭緝王九思王殿弼王弼務獲節經檄催去後

茲據灤州知州王仲湘稟稱州役持批躡至吉林

地方訪得王殿弼踪跡當卽稟知吉林理事廳添

差協同將王殿弼拏獲卽由該廳備文押解到州

訊據供稱係石佛口莊人年二十七歲伊父王老

澤已故伊母李氏伊兄王殿臣伊妻張氏並無子

女伊於嘉慶十六年間因貧前赴關東在伯都訥

孤榆樹一帶傭工度日今年三月內到吉林地方

尋找工作即被拏獲伊並無習教傳教情事等語
具稟前來 臣查王殿弼係奉

旨飭緝要犯既經該州差役跪至吉林拏獲所供並未習
教傳教殊難憑信相應遵

信奏

聞一面派員押解王殿弼赴京交刑部審辦除再勒緝王
弼王九思務獲外 臣更有請者各路躡緝案犯均
關緊要必須各地方官不分畛域和衷妥辦庶緝
捕更易得力現在嚴緝要犯直豫東三省襄界錯
雜尤宜協力共濟 臣與陳預方受疇和衷相商節

那文毅公初任直隸總督奏議

卷四十二

五

次密札來往互相知會各自諄劄毗連州縣官齊
心努力無如各該屬及派委員弁等多半意存爭
攘往往多事即如現在開州等會拏王萬林一案
委員周邦憲等即有架詞邀功之稟 臣現又嚴劄
分飭各路員弁務期痛改積習和衷濟事以期早
獲要犯此次吉林理事廳一經灤州差役稟知王
殿弼踪跡該廳即添差協同拏獲並備文解灤實
屬不分畛域可否請

旨勅下吉林將軍查明將該廳交部議敘以示獎勵之處
出自

聖主天恩灤州知州王仲湘實力躡捕容存記俟再緝
獲要犯另請鼓勵謹
奏

嘉慶二十一年五月十六日奉

旨王殿弼一犯著解交刑部審辦其協同獲犯之吉林理
事同知著富俊查明該員如果出力咨部照例議敘

那文毅公初任直隸總督奏議

卷四十二

五

那文毅公初任直隸總督奏議卷四十二

那文毅公初任直隸總督奏議卷四十三目錄

卷四十三

畿封扈

蹕

籌畫喚哨喇夷使入都章程

那文毅公初任直隸總督奏議

目錄

一

那文毅公初任直隸總督奏議卷四十三

男容安恭輓

畿封扈

蹕

嘉慶十九年二月初六日軍機大臣字寄奉

上諭朕自四年以後每歲恭謁

裕陵用紆孺慕上年九月行次白澗適得逆匪突入禁門

之信案關重大亟須回京辦理當即由彼轉程未克祇

謁霜露條更寤寐至今耿耿現在直隸軍務甫竣閭閻

正須休息春間不能前往或俟至秋間詠吉展謁亦未

那文毅公初任直隸總督奏議

卷四十三

一

可定那彥成曾受

高宗純皇帝簡擢厚恩茲以勦賊戡功應朕懋賞本應敬

詣

裕陵虔申叩謝著那彥成於古北口查辦營馬事竣即由

彼前往於叩謁後沿途經過薊州三河通州三州縣地

方各暫駐一二日途間如三家店邦均段家嶺夏店烟

郊等大村鎮均留心察看現在各該處地方情形是否

寧謐其編查保甲一事該州縣辦理能否認真不致有

名無實有無容留奸隱現在州縣官均能勝任與否有

應叅劾更調者即奏明甄別事竣回京復命再赴新任

嘉慶十九年二月初八日

奏為密雲途次接奉

恩旨飭令 臣即由古北口敬詣

裕陵虔申叩謁沿途經過地方察看情形是否宜謚編查

保甲能否認真現任州縣勝任與否奏明甄別並章煦

奏請分別降補省南州縣一摺是否允協欽此 臣遵於

初八日改道由翠嶺山一路前往謹遵

指示恩旨於薊州三河通州所屬之三家店等處按程緩

行留心察看各地方編查保甲能否認真斷不敢

代為隱飾 更有請者去年山海關所獲各犯之

那文毅公初任直隸總督奏議

卷四十三

二

供原係教供事屬子虛但一經衙門審出民間豈

無風傳是地方本無其事而百姓或致相傳疑訛

查山海關營伍地方均係直隸總督所屬 臣既蒙

恩補授斯職所有各地方風土民情均須親身周歷於辦

事亦屬有益 擬於叩謁

裕陵之後即東至山海關查閱營伍所有地方情形及各

州縣保甲能否認真辦理與各官員均能否勝任

一體稽查具奏是否可行之處伏請

皇上指示遵行謹

奏奉

硃批覽

嘉慶十九年閏二月十四日

奏為欽奉

諭旨恭摺覆奏事竊 臣承准軍機大臣字寄奉

上諭自去冬以來查拏逆犯其中通州固安新城一帶之

人最多此外如西路之良鄉涿州北路之懷柔密雲等

處均無逆黨即東路通州迤東如薊州遵化亦無藏匿

匪徒數月來有自遵化往來之王公大臣朕節次詢問

僉稱道途寧謐昨那彥成由該一路回京亦據奏稱城

市村莊悉皆安堵可以放心朕上年中途迴蹕未經謁

那文毅公初任直隸總督奏議

卷四十三

三

陵方寸耿耿至今寤寐莫釋且自回京以來辦理逆案渠

魁迅獲餘黨悉誅滑縣賊巢三月殄滅陝省竄匪兩月

蕩平湖計軍興鮮有如此之迅速完善者現在中外救

寧仰賴

祖

考恩祐朕感深寅畏若不躬申叩謝於心實覺難安那彥

成任事後著將各州縣編查保甲即速認真經理毋稍

疎懈並嚴拏要犯祝現劉第五劉呈祥董博望支進財

劉成章及其餘各逆犯等倡率地方文武各官激發天

良實心收捕志切同仇期於必獲能於六月以前將地

方各事宜經理妥協那彥成卽於七月內具奏朕當降旨誡吉於八九月間恭詣

東陵敬申忱悃此次專為謁

陵謝

恩不赴盤山不往南苑按程往返不過七日卽地方承辦

差務斷不致多勞民力該督務當善體朕意妥為籌辦

若巧言攔阻卽以大不敬治罪不赦欽此仰見

皇上下大孝至誠

慕思不置臣跪讀之下實深欽服伏查遵化薊州一帶

前月往返經過留心察看該處民情豐樂廬井恬

那文毅公初任直隸總督奏議

卷四十三

四

熙茲奉

聖諭以都城辦理逆案悉就駢誅豫陝軍興迅速完善詠

吉於八九月間恭謁

東陵謝

恩

禮隆孝饗懋舉

上儀臣現在督率藩臬兩司嚴飭各道府州縣將編查保

甲事宜認真辦理一面派委委員馳赴各州縣抽

查並令臬司錢臻於秋審辦竣後前往近京各處

覆加查核就近入都覆

奏臣統俟六月以前將地方諸事經理妥協遵

旨於七月內奏請

聖主誡吉定期臣當於數十日內馳往遵化一路敬謹周

密查看屆時在定福莊祇迓

鑾輿斷不敢稍有遲悞再

鑾輿經過地方道路總須前一月辦理若在七月雨水尙

大恐不能妥善惟有懇求

皇上施恩誡吉在九月則八月內雨水既少道路辦理為

易臣等實沐

聖慈無既謹

那文毅公初任直隸總督奏議

卷四十三

五

奏奉

硃批七月間再定日期總在中秋後彼時遵旨辦理

嘉慶十九年三月二十五日

奏為遵照部咨妥議具奏恭請

聖訓事竊照案准兵咨行知綿課等會議

聖駕謁

陵隨扈翊衛各事宜內開直隸各鎮例派燈城站道管段

所需員弁兵丁擬令加倍增添外所有前後卡倫

南面北面以各汛弁兵量地支搭帳房令其週圍

守護巡邏其沿途

尖營處所以及村落巷口要路並

行宮買賣街等處均令派撥官兵稽查守護奏奉

諭旨行令將添派官兵之處妥議具奏當經前署督_臣章

煦咨會署提督文宣酌擬添兵六百三十二名分

撥供差嗣_臣蒞任後復與藩臬兩司查照舊章詳

加籌酌伏思每屆恭逢

皇上展謁

陵寢典禮隆重一應隨扈事宜自應翊衛森嚴以昭整肅

查歷年例派清道兵四百名緝捕兵三百名站道

兵七百五十名共兵一千四百五十名沿途分布

那文毅公初任直隸總督奏議

卷四十三

六

本覺稀疎卽照提督文宣所擬添兵六百三十二

名尙未能處處周密_臣再四熟籌除向派清道緝

捕站道兵一千四百五十名仍照常安設外應再

添兵二千名將備千把外委八十員分爲兩撥每

撥兵一千名官弁四十員以二百名弓箭撤袋四

百名長矛四百名鳥鎗沿途均勻分布每日

變輿行程總督在前導引提督在後扈隨俟

聖駕過後提督卽將站道弁兵逐隊捲撤帶領後從至

行宮前查點歸隊在外圍布站燈城其次日程站卽令

第二撥弁兵照前供差如此輪流捲轉守衛足臻

嚴肅而兵力亦不至疲勞所有沿途

尖營處所以及村落巷口要路並

行宮買賣街等處所需員弁兵丁卽於所添兵內臨期

酌量派撥至桃花寺隆福寺二處山徑紛歧守護

尤宜嚴密_臣現已遴派精細之員前往周圍察看

山形地勢先期派定將弁兵丁數目俟

駐蹕之日卽令其在京營官兵之外圍酌定山口要隘量

地安置巡邏守衛至原議前後卡倫安設弁兵支

搭帳房一節查

行宮宿衛巡察宜嚴若給與帳房旣恐弁兵耽於安逸

那文毅公初任直隸總督奏議

卷四十三

七

未免懈怠且需車駝馱載又滋煩費應請毋庸支

搭又沿途管道例分八段每段向派武弁四員兵

十名隨該管大臣管轄嗣後遵照部咨原議章程

每段另派武弁一員兵二十名各帶軍器跟隨管

轄計添武弁八員兵丁二百四十名又護送

御寶向派兵十六名武弁八員應請仍照舊章辦理再辦

差兵丁應需盤費近年以來在節省馬乾銀兩項

下動支現在尙有餘存所有添兵盤費仍卽於本

款內通融資給俟將來應須酌量減撤隨時請

旨遵行伏祈

睿鑒謹

奏奉

硃批總理行營王大臣軍機大臣妥議具奏

容安謹按是時羣邪甫靖遺孽未除 先公請

添調

蹕路兵丁誠以

萬乘經臨不可忘銜櫬之戒愛

君之意有迫於不自知者嗣經總理行營王大臣暨樞密

諸公議駁減派奏蒙

俞允一經

那文毅公初任直隸總督奏議

卷四十三

八

訓示覺國體愈尊兵衛亦肅而

聖人恢恢之大度與 先公翼翼之小心皆共見矣

嘉慶十九年五月十八日

奏為遵

旨查明據實具奏事竊 臣 接到 臣 兄那彥寶來信述奉

諭旨令將直隸每年春秋恭辦

啟鑒

回鑒差務一切需費查明具奏欽此 臣 伏讀之下仰見

皇上明目達聰事事期於灼見下懷實深欽服 臣 荷蒙

聖恩蒞任未久於差務未經親歷連日體察情形復詳加

詢訪查照歷屆章程清單惟各營兵丁盤費及馬

匹車輛道路橋梁等項需費較鉅總視道里之遠

近日期之久暫核計為數多寡不一緣近年以來

食物市價昂貴是以夫工役食以及草豆木植各

項料物器用例准報銷之價委屬不敷不能不分

別貼賠以期供支無悞武營則攤扣挪移州縣疲

累亦不免藉資民力伏思每歲春秋

聖駕展謁

陵寢

巡幸灤河均屬典禮攸關

那文毅公初任直隸總督奏議

卷四十三

九

鑿格所經

恩膏普逮惟車馬橋道一應供支雖皆例有開銷而津貼

亦所不免總計春差秋差州縣共約賠銀二十餘

萬兩武營約共賠銀一萬餘兩謹開具簡明清單

恭呈

御覽謹

奏

嘉慶十九年五月十八日

奏查歷次恭逢

巡幸大差屢奉

諭旨一切酬應使費著嚴行禁絕不特隨

扈之王大臣官員均各稟遵

訓諭加意謹飭卽內圍當差人等均無因差需索之事從前或有二兩及三四兩使費亦無一定之人一定之事至地方官盈千累百私相餽遺之事實屬無有臣詳加察訪僉稱如一至臣南經到任情形不熟僅據訪聞所及則各人畏事未必遽肯實告自有不實不盡之處嗣後留心訪查如有濫支侵冒等弊隨時查明再行參奏不敢扶同含混謹奏奉

那文毅公初任直隸總督奏議

卷四十三

十

硃批覽

一歷次恭逢

聖駕由湯山盤山展謁

東陵向派營兵二千餘名營弁一百五六十員如恭遇

聖駕展謁

西陵取道潭柘向派營兵一千七百六十餘名營弁一百

八十餘員如

巡幸熱河向派各營兵二千八百四十餘名營弁二百二

十餘員如

聖駕進哨行圍及出哨

回鑾差務向派各營兵三千餘名如

巡幸盛京及天津五臺等處向派各營兵三四千名不等營弁三百數十員至五百餘員不等除需用虎桿及渡籬刮爬等項例於差案報銷其燈籠羊燭向在營中公費項下開銷外至兵丁每人每日支盤費銀兩八分在於司庫節省馬乾項下支給實屬不敷日用每兵每日酌加銀四分又每次須用馬五六百匹至七八百匹不等每馬一匹春冬合計日支乾銀三分五釐亦屬不敷每匹每日酌加銀一錢

那文毅公初任直隸總督奏議

卷四十三

十一

餘兩

東陵差務約需添賠兵丁盤費銀二千餘兩馬乾銀一千

八九百兩熱河差務約需添賠兵丁盤費銀一

千七百餘兩馬乾銀八百餘兩木蘭行圍及出

哨

回鑾差務約需添賠兵丁盤費銀二千四百兩馬乾銀

一千餘兩

巡幸盛京及天津五臺等處差務約需添賠兵丁盤費銀

五千至六千餘兩不等馬乾銀三千餘兩至兵

丁號衣號帽套褲襪弓箭袋馬鞍等項均係各兵自製更換其修補帳房及往返催車載運係該營自行添賠將備千把向無盤費亦係自行備辦

一歷次恭辦

遊幸木蘭大差自口內至熱河應調安設臺站並前班兵部隨營以及校尉協濟各項共需馬一千三百五十三匹按一百日核計除應領工料外需賠銀二萬七千六十兩自熱河至哨內各項馬一千二百一十匹按七十日核計除應領工料外

那文毅公初任直隸總督奏議

卷四十三

三

需賠銀一萬六千九百四十兩再馬匹調赴差所倘本處差務不敷供應即須隨時添僱約需賠銀六千兩是馬匹一項約需添賠銀五萬兩又派調供應校尉人等裝載行李並協濟口內口外差使共大車一百零八輛需添賠銀一萬九千五百六十兩又隨營各行檔往來辦差

啟鑒

回鑒二次共大車一百四輛需添賠銀六千二百四十兩以上馬匹車輛二項共需添賠銀七萬五千八百兩

一恭辦

聖駕展謁

東陵差務應調安設臺站並校尉兵部隨營各項馬一千一百八十四匹所調馬匹之處道路遠近不一自本號起程之日起至差竣回槽之日止按三十日均勻牽算核計約需添賠銀六千七百八兩又隨營各行檔往來辦差共大車六十輛約需添賠銀三千六百兩以上馬匹車輛二項共需添賠銀一萬三百八兩

一恭辦

那文毅公初任直隸總督奏議

卷四十三

三

聖駕展謁

西陵差務應調安設臺站並校尉兵部隨營各項馬一千一百七十八匹亦以道路遠近起程回槽按三十日均勻牽算核計約需添賠銀七千六十八兩又隨營各行檔往來辦差共大車五十六輛約需添賠銀三千六百六十兩以上馬匹車輛二項共需添賠銀一萬四千二十八兩

一恭辦

聖駕由湯山展謁

東陵

駐蹕盤山由

南苑回京差務應調安設驛站並校尉兵部隨營各項

馬一千四百八十四匹亦以道路遠近起程回槽

按四日均勻牽算核計約需添賠銀一萬一

千八百四十兩又隨營各行檔往來辦差共大

車六十輛約需添賠銀四千八百兩以上馬匹

車輛二項共需添賠銀一萬六千六百四十兩

一恭辦

巡幸熱河差務應需各行檔車輛向由順天府尹於所屬

州縣按旗三民七分派由內務府發給例價其

那文毅公初任直隸總督奏議

卷四十三

古

不敷之車於司庫撥給銀四千兩發交大宛兩

縣添僱所有例價不敷順天屬州縣自行賠墊

每州縣約需添賠銀一千兩

一恭辦

巡幸熱河差務各行檔車輛途中間有疲乏或遇大雨泥

濘必需預備添補係昌平順義懷柔密雲四州

縣各僱備二三十輛每站日給銀二兩往返約

計十餘日向由差局籌議止給前赴熱河腳價

承辦州縣尚需各賠銀一千餘兩

一內圍當差人等應用車輛約需銀七千六百餘

兩除由司庫例給銀一千六百兩外承辦州縣約需賠銀六千餘兩

一恭辦

巡幸木蘭

御道差務自古北口至熱河又自熱河至哨門道段係承

德府州縣承辦除例價外由司另派州縣籌款

津貼如由東路進哨津貼夫價銀二千四百六

十兩由西路進哨津貼夫價銀二千八百二十

兩查據藩司准熱河道札會實需夫價銀一萬

一千七百六十兩除司庫津貼外承德府州縣

那文毅公初任直隸總督奏議

卷四十三

古

尚須賠墊銀九千兩

一恭辦

聖駕展謁

兩陵及

巡幸熱河

御道差務向於通省各州縣輪流派委分段承辦計

巡幸熱河差務自京至古北口派道二十段

東陵及湯山盤山差務派道四十段

西陵及潭柘等處差務派道三十四段每段酌分難易自

四五里至十二三里不等通盤核計除例價外

每次辦道州縣酌需賠墊銀一二萬餘兩不等
一恭辦

巡幸熱河差務經由該州縣應搭正副橋座白十餘座至
五七十座不等每座自二三丈至百十丈不
等每屆差務正值大雨時行之際河水盛漲橋
座易至冲刷有搶搭至二三次者料物不能不
多為預備除例准開銷外通盤核計每次截長
補短約需賠墊銀一萬餘兩
一每次

聖駕駐蹕行宮

那文毅公初任直隸總督奏議

卷四十三

七

御茶膳房等處以及內園各行檔應需水缸等項器具均
令地方官寬為預備即名為宮門支應謹將細
單呈

覽除由司庫每處酌給銀六百兩外其不敷之項係承辦
州縣賠墊多寡不等

一歷次差務所有

御膳房應需柴炭及上駟院各項馬駝應需豆草向由兵
部給票令地方官備辦除例價外係由承辦州
縣墊給應付

宮門支應備辦物件

太平桶七十個

太平缸七十口

太平水缸一百二十口

把桶一百個

土坯一萬二千塊

新磚四千塊

水筒二百四十副

料豆三百六十石

麩子三百六十石

草二十萬觔

那文毅公初任直隸總督奏議

卷四十三

七

秫稻六千個

江豆三十石

高粱五十石

菜豆十二石

芝蔴二石

大米四十石

小米二十石

玉堂米二石

絹羅二十面

馬尾羅二十面

草篩子六十個
竹篩子五十個
篋籠四百個
柳杆槓三百根
大柳槓二百根
挑筐八十副
柳斗子五十個
馬刷子三十個
鐵馬刨子二十個
大木槓子八十根
橄欖燈三對
鐵隱燈十個
更燭六對
時辰香二十四炷
青油燭四對
大小廣鍋五十口
竹絲燈籠一千個
紅絹西瓜燈五對
鐵絲燈籠六十個
羊燭一千筋

那文毅公初任直隸總督奏議

卷四十三

六

羅鏡一面
竹掃帚五十把
水瓢二百塊
條帚一百把
大小蒸籠六十架
白磁盆五百個
磁盆四十套
帳房木槓二千個
鐵頁頂火四塊
大小印鍋一百口
鐵火盆三十個
鐵鍬木鍬大小備用
大鐵炒勺二十把
大斗鍋一口
大小鐵鎖二十把
鐵索方爐十個
鐵頁一百張
鐵鋤六十張
鐵水鑽十根
鋤刀八十把

那文毅公初任直隸總督奏議

卷四十三

九

鍋鏟六十把	小鐵錘十二個	水桶八個	炕桌四百張	大小桌椅二百四十張	半桌五十張	連二繩一百六十筋	黃繩一百筋	井繩四十條	大幌繩五十條	打水桶十二個	扁擔七十條	木燭臺一千六百個	刑具全副	木金砖八塊	茅葫蘆四個	地几六個	別樸五副	圖塞兩根一對	提梁匣四個
那文毅公初任直隸總督奏議										卷四十三									
辛																			

公案全副	衣案一張	棧案一張	扒杆五十根	丈杆二根	拴馬椿一百二十根	馬槽一千個	宜興壺六十把	大小麤細磁器備用	沙銚子五百個	錫噴壺五把	錫如意盆	錫淨箱	溫涼淨四個	錫硯盒六副	淨宮鑪一而	黃布包袱二十四個	黃布十六疋	白布十六疋	藍布十四疋
那文毅公初任直隸總督奏議										卷四十三									
壬																			

火把一千根

油布五十塊

大小油紙三十張

大小口袋四百條

定風石一塊

定風杆一根

更籌五根

銅錢糧鑽四把

雞毛帚四十把

火扇子六十把

那文毅公初任直隸總督奏議

卷四十二

三

檀香丁一觔半

速香丁一觔半

白礬四觔

細紅礬六條

細黃礬六條

麤白礬六十條

紅大礬二十牀

大小葦席一千領

劈柴五萬觔

桑柴一百觔

榆柴一百觔

煤五千觔

炭三萬觔

冰一百塊

紅爐炭五百觔

條子炭一千觔

嘉慶十九年五月十八日

奏為欽遵

諭旨嚴切查辦先行恭摺奏

聞事竊臣 欽奉

那文毅公初任直隸總督奏議

卷四十三

三

上諭蘇楞額等奏審擬太監小劉進喜向書吏于漢索取
麩料並順義縣辦差給與各太監他坦食物錢文一摺
朕每遇巡幸禁止太監等向地方官需索屢經嚴諭至
再至三乃猶有太監書吏彼此交涉散給供應之事據
于漢供南石槽三家店鬚髻山三處係順義縣承應密
雲瑤亭子兩處係密雲縣承應近年均有折給四執事
他坦十三處搭鍋臺預備民夫水桶錢文及雞肉麩米
等項業將太監等治罪併書吏于漢問擬杖徒著那彥
成即查近五年以來濫給太監供應之知縣先行革職
指名嚴參交涉之書吏均照于漢之例問擬杖徒失察

之總督藩臬奏明交部議處本年八月間朕祇謁

東陵著那彥成先期嚴行飭知所屬各州縣嗣後踴路經

過地方如有大監需索之事即稟明總督據實奏聞懲

辦若隱匿不奏或私行給與經朕查出必將該州縣及

該督一併治罪不貸稟之蘇楞額等摺著發給閱看欽

此伏查每年恭逢

聖駕時巡及恭謁

陵寢應需柴炭麥藎荳草水塊水缸柳罐席蓋人夫等項

係例得報銷向由部臣咨行沿途經由州縣預為

備辦其餘一切支應名目久奉

那文毅公初任直隸總督奏議

卷四十三

五

諭旨嚴飭禁止直省每於差期之前又行文查禁各該州

縣自應遵照草除乃上年順義縣辦理秋差該縣

書吏于漢輒私給大監他坦十三處搭鍋臺預備

民夫水桶錢文及雞肉麩米等項實屬不法所有

失察之員自應叅革查五年以內之順義縣除病

故外所有現任順義縣知縣陳楷相應遵

旨先行革職至密雲縣瑤亭子兩處係密雲縣承應其辦

差書吏人等折給大監供應似亦不免臣現在飭

查該縣近五年以內辦差書吏是何名姓濫給大

監何人供應行提來省根究明確按擬治罪并將

該縣知縣及失察之總督藩臬遵

旨奏請分別議處至本年八月內恭逢

聖主祇謁

東陵臣當欽遵

諭旨先期飭知經由州縣如有大監需索之事即據實具

稟臣奏明懲辦倘敢隱匿不報或私行給與臣一

經查出定將該州縣一併叅辦斷不稍為徇隱謹

奏

嘉慶十九年五月二十日奉

上諭道所叅任聽書吏濫給供應之順義縣知縣陳楷著

那文毅公初任直隸總督奏議

卷四十三

五

革職吏部知道

嘉慶十九年五月十八日

奏臣欽遵

諭旨將順義縣知縣陳楷奏請草職一面查提密雲縣辦

差書吏來省訊究現已另摺覆奏臣伏思每年

皇上巡幸熱河及恭謁

兩陵隨從太監等均領有錢糧並屢奉

訓諭勅禁需索理應欽遵不得再向地方辦差書吏稍有

需索臣到任後留心密訪自嘉慶十年臨榆縣李

友杜辦差家人黃五等包差案內奉

有嚴行懲創以後借差撞騙之事未經犯案惟楚草米豆

等項差次在所必需向係地方官購備臣溯查自

乾隆年間至今均係如此辦理因太監隨圍各有

執事若於尖宿處所自行購買既恐有悞當差且

恐太監等自向街市購買市僧居奇轉滋爭執所

以每遇差使太監人等支取食物經由州縣照舊

應付未能盡行革除上年秋差順義縣辦差書吏

支給太監楚米等項皆係相沿舊習與無故交接

者不同若將五年以內辦差州縣查明叅革員數

未免較多臣到任未久差使未能熟習若將各州

那文毅公初任直隸總督奏議 卷四十三 三

縣遠易生手本年八月正當舉行謁

陵大典經由州縣稽查奸宄伺應差務在在皆資熟手經

理且地方公事亦關緊要若輾轉更易多員恐一

切未能得力可否仰懇

天恩將失察濫應各員容臣詳細查明照例

奏請議處免其革任至歷任失察之總督藩臬仍查明

上差次數分別議處如蒙

恩允仰懇

皇上俯念順義縣知縣陳楷辦理差務究屬相沿舊習可

否

勅部照例議處免其革職出自

逾格鴻慈再查每年春秋二差隨從太監所需楚米等項

實為必需之物若聽其自行置買既悞差使且

鑾輿所在內裏太監日與外間市僧問禱之人交往似非

所宜如任令索取又恐啟勒索無厭之求再四思

維莫若官為嚴定章程使之不得逾額既免紛擾

而伊等差使亦不致有悞合無仰懇

皇上勅諭內務府大臣暨總理

行營大臣同商議將隨圍太監分別行檔每處每站

應給楚米等項需用食物若干核定數目開單呈

那文毅公初任直隸總督奏議 卷四十三 三

覽定以條例知會臣轉飭經由州縣按站呈交內務府總

管大臣照數發給歸於外辦差費項下開銷如此

既有內務府總管大臣拏總則太監人等可不致

日與外官州縣交涉更為嚴密如太監等私自再

有需索辦差書吏濫行應付一經查出枷號充發

懲辦失察之州縣徑予革職永不敘用如此嚴定

章程太監等既可安心當差而承辦書吏藉差影

射及濫行支應交往之弊亦可從此杜絕再臣更

有請者太監人等最難約束所罰少縱即進而過

嚴亦易生怨我

朝防制太監立法之嚴繁古無比然亦須稍與寬容使伊等生計可裕令知感

恩畏威更爲駕馭近習至計臣渥受

厚恩不敢稍有袒庇謹將管見所及不揣冒昧縷晰具陳

謹

奏奉

硃批糊塗之至另有旨

嘉慶十九年五月二十日軍機大臣字寄奉

上諭那彥成奏查明每年春秋二差需費銀數一摺並開單呈覽向來春秋二差車馬橋道等項例價不敷直隸

那文毅公初任直隸總督奏議

卷四十三

天

省不無津貼但何至如該督所奏地方官需賠銀二十

餘萬兩之多其屬大司若按款鈎稽必致又與人以究詳閱單內所開浮冒實所不免直隸官吏

藉辦差爲名以少報多那彥成不加詳察印據以入奏

殊覺國味著傳旨申飭其單內由該省自行支銷者著

該督率同藩臬二司詳細參酌大加核減以節浮費毋

得仍前濫行支用至所開宮門支應一單其所列各件

固有實係備用者而虛開者亦復不少卽如所開炕桌

四百張大小桌椅二百四十張半桌五十張此等器具

若如天津五臺等處行宮係由地方官預備陳設者自

不能不置備器具若春秋兩附近行宮皆由內務府管

理其中桌椅等項一切齊全何須地方官另爲置備且

所備桌椅多至數百張行宮屋宇無多亦無堆積之處

其虛妄可知又如竹絲燈籠一千個火把一千根行宮

內從不需用此物其餘類此者尙多大率皆該省辦差

大小官吏備以自用者亦一併列爲宮門支應尤屬不

實朕已將此單發交總管內務府大臣查明刪減將必

須備用者擇出核定數目發交該省每次照數預備將

來差次由地方官將所備物件點交內務府大臣官員

驗收再由內務府大臣發交各等處太監支領總不得

令太監等與地方書吏私自交收以杜流弊又據另片

那文毅公初任直隸總督奏議

卷四十三

天

奏太監等隨從出外薙草米豆等項恐其自向街市購

買與外間市僧閒雜之人交往可否勅諭內務府大臣

等將隨圍太監應給薙米食物核定數目由州縣呈交

內務府大臣發給等語所見糊塗已極太監等給使內

廷禁止與外人交接如差次向地方官吏需索食物使

費或藉以交通熟識此則必應嚴禁至伊等請常購買

食物與市販等彼此交易此則情事之常不得謂之交

接卽如御園各處太監其日用所需原准其出福園門

西南門自行購買並未加以飭禁若伊等偶食蔬果皆

須向內務府大臣代爲購買則繁細瑣屑成何體制况

太監隨從出外賞給路費俾資日用設如那彥成所奏該太監等既領錢糧復令地方為之代備供應有是理乎所奏斷不可行現在辦理太監小劉進喜差次需索一案順義縣知縣陳楷任聽書吏濫給供應咎有應得雖據那彥成查明舊習相沿並非有心交結茲當整飭之時不能不加以懲創已降旨將陳楷革職准其留於該省仍令幫辦差務如果辦差數次妥協無誤再由該督奏請開復其餘五年以內辦差各州縣人數太多著照該督所請查明同失察之總督藩臬奏明照例分別議處其密雲瑤亭濫支供給之書吏等仍遵前旨確實

那文毅公初任直隸總督奏議

卷四十三

三

查明照例治罪

嘉慶十九年六月十八日

奏 臣 欽奉

上諭朕恭謁

東陵沿途扈衛章程已據總理行營王大臣軍機大臣詳悉會議前那彥成奏添官兵數目並經該王大臣等斟酌議減不准竄請增添著那彥成即行知各提鎮將來出派時各該營按照應用兵丁數目務逐名挑選擇其技藝嫻熟年力精壯者此內猶須查明在營年久來歷分明信實可靠之人方可挑派其新進應募蹤蹟無定

者斷不准濫行廁入一人該督等當慎之又慎不可稍涉大意致有疎虞所關非細欽此查 臣 前奏扈衛章程請添官兵數目經總理

行營王大臣等議減現已接奉軍機處行知於請添二千名兵數內減去七百五十名實添兵一千二百五十名等因 臣 當即轉行各提鎮遵照兵數按名挑選務擇年壯技嫻之人尤以信實可靠為要斷不可以新近入伍者濫行充數 臣 同該提鎮等惟有詳加慎選不敢稍存大意謹

奏奉

那文毅公初任直隸總督奏議

卷四十三

三

殊批覽

嘉慶十九年六月二十九日

奏為恭摺覆奏事竊 臣 欽奉

上諭朕本年八月間恭謁

東陵直隸應派隨扈官兵前日已經軍機大臣等會議章程奏聞降旨令該督遵照辦理近聞那彥成仍欲密備官兵二千名該督自帶兵一千名在前行走提督帶領一千名在後隨扈此斷不可變輿出入營蹕自有常儀若驟增兵衛二千前後擁護沿途駭人觀瞻實覺不成體制該督惟當遵照核定兵數擇其年壯技優在營年

久可靠者挑選足數勿將無籍新兵一名廁入其各處
經過城市村莊著慎委妥員先行逐細詳查臨時加意
管轄勿容留來歷不明之人叩關煩瀆以昭嚴肅此外
毋得率行添兵若那彥成以添兵二千之說曾經奏聞
仍私自預備帶往屆時必將那彥成拏問治罪不貸稟
之欽此伏查

扈衛章程前經臣議奏向派清道緝捕站道兵共一千
四百五十名外添兵二千名將備千把等官八十
員又管道兵一百六十名武弁八員嗣經總理
行營王大臣軍機大臣議減兵七百五十名官二十員

那文毅公初任直隸總督奏議
卷四十三
三

祇須添兵一千二百五十名官五十員又管道兵
減去八十名其武弁不必加添前後共官兵二千
八百三十名奏奉

俞允並奉

上諭不准瀆請增添業經臣咨行各提鎮欽遵並覆奏在
案竊思各直省兵丁雖係總督提督所轄但遇差
務派調若不奏請

訓示萬不能私調且現在地方安靜均係淳良百姓誠如
聖諭若驟添兵擁護駭人觀瞻實覺不成事體茲蒙
聖明垂詢近聞臣仍欲密備官兵二千名臣實無此事亦

並未曾有此計議惟再咨行提鎮遵照核定數目
擇其年壯技優在營年久可靠者挑選供差並一
面派委妥幹文職大員預期馳赴

鑾輿經臨各處逐細稽查以昭嚴肅謹
奏奉

硃批知道了

嘉慶十九年七月初十日

奏為酌派文武員弁稽查

鑾輿經由地方以昭嚴肅竊照本年秋間恭逢

皇上祇謁

那文毅公初任直隸總督奏議
卷四十三
三

東陵所有隨扈官兵前經臣議奏加增奉

旨交總理行營王大臣等核議覆奏又欽奉

諭旨現在祇遵辦理惟是

鑾輿經過地方向雖派官稽查未盡周密臣悉心籌度凡

踴路經由之城市村莊酌分段落先期派委精細文武員

弁會同該管州縣將保甲冊籍與煙戶門牌詳加

查對不許稍有隱匿遺漏勒限七月二十五日以

前一律清楚該員等查竣之後飭令在彼駐劄密

為巡訪查臬司錢臻前經臣奏令於七月內抽查

保甲亦即順路進京

陛見茲臣委令該司於七月內起身先行前往順道抽查

一面另委文員會同原派緝捕之官自京營交界

至遵化州一帶往來嚴密緝捕並派委武職一體

巡查各按派定地方俟

聖駕經由武職各佩弓箭或鎗或矛與所派文職自行牽

馬相間站道敬候

變輿過後仍在原派段落巡緝至近村老民向在道旁跪

接

聖駕但該老民等年力衰邁若令其在

御道旁跪接人馬眾多未免踐踏堪虞臣擬令該老民等

那文毅公初任直隸總督奏議

卷四十三

三

在

御道太遠十丈以外向可二十丈以外跪迎責令原派道旁站立之文武各員

認識真確毋許外來面生之人溷跡在內

皇上賞給銀牌卽令該員等管帶承領其餘城鄉民人偶

有瞻仰

天顏者亦不准喧嘩擁擠以昭嚴肅至隨扈官兵悉遵前

奉

諭旨及總理行營王大臣等原奏辦理定限八月初十日

到站臣擬於八月初間自省起程趨赴

御園請

安跪聆

聖訓後卽赴薊州一帶稽查道路並點驗官兵十九日回

至定福莊接

駕如此添委員弁巡緝稽查庶

鑿輅經臨益昭清肅謹

奏奉

硃批按例佩帶弓箭鳥鎗長矛斷不准用毋忽朕言不准

寶奏

嘉慶十九年七月十二日軍機大臣字寄奉

上諭那彥成奏酌派文武員弁稽查鑿輅經由地方一摺

那文毅公初任直隸總督奏議

卷四十三

三五

所辦有太覺膽怯之處朕每歲謁

陵係常行典禮秋獮前期駐蹕熱河鑿輅所經皆在近畿

數百里之內如同戶闔一切扈從兵衛悉有常儀上年

京城內雖有逆匪滋事之案而蹕路所過一塵不驚原

無庸過於設備此次卽略添兵衛亦皆斟酌適宜若如

那彥成所奏令站道弁兵俱各手持鎗矛紛紛林立豈

不駭人觀瞻且自上年九月以後此次蹕路初經嗣後

卽奉以爲式豈可過事張皇乎所有直隸官兵隨扈章

程前經軍機大臣等詳悉會議奏准頒行該督惟當祇

恪遵守將派出員弁兵丁慎加揀選沿途城市村莊加

意稽查每日駐蹕之後認真巡邏夜間尤當加倍警衛
遇有形跡可疑之人立即盤查緝獲毋稍疎懈如此則
不動聲色而行營倍臻嚴肅其沿途站道弁兵著俱循
照向例佩帶弓箭腰刀執持儀棍其鳥鎗長矛二項斷
不准用如有私自攜帶者屆時立行拏究將該管營官
治罪並將那彥成懲處不貸

嘉慶十九年八月初三日

奏為查明密雲縣近五年內辦差書吏提省審擬併將
失察之該管知縣及各上司分別奏請革職議處
事竊查順義縣辦差書吏于漢濫給太監小劉進

那文毅公初任直隸總督奏議

卷四十三

三

喜他坦食物錢文一案前奉

諭旨密雲縣瑤亭子兩處係密雲縣承應著那彥成即查
明近五年以內濫給太監供應之知縣先行革職指名
嚴叅交涉之書吏照于漢之例擬徒失察之總督藩臬
奏明交部議處欽此當經臣將順義縣知縣陳楷遵
旨奏明革職一面查提密雲縣近五年以內辦差書吏來

省審辦嗣奉

上諭順義縣知縣陳楷任聽書吏濫給供應咎有應得雖
據那彥成查明舊習相沿並非有心交結茲當整飭之
時不能不加以懲創已降旨將陳楷革職准其留於該

省仍令幫辦差務如果辦差數次妥協無悞再由該督
奏請開復其餘五年以內辦差各州縣人數太多著照
該督所請查明同失察之總督藩臬奏明照例分別議
處欽此茲據密雲縣查明近五年以內在密雲瑤亭子
兩處辦差之書吏金德清申解來省飭發司道督
同保定府審擬詳解前來臣親提研審緣金德清
籍隸密雲縣充當該縣工部書吏自嘉慶十四年
起至十八年止恭逢

聖駕巡幸熱河所有密雲縣瑤亭子兩處差務均係金德
清承辦每逢差前一日海漫上十三處他坦前站

那文毅公初任直隸總督奏議

卷四十三

三

披甲人等到境搭造鍋臺十三個並預備水桶每
個鍋臺撥給燒火夫一名挑水夫二名披甲人等
因大營未到無處覓食金德清送給米一二升肉
二三觔雞一二隻不等其騎來牲口需用麩草金
德清各送給麩料一斗或五升草十餘觔不等該
縣未能先行禁阻披甲人等並無另有需索金德
清與內監素不見面亦不知披甲人等名姓臣恐
金德清有交結內監並將需用人夫折給錢文情
事復向嚴訊據金德清堅供伊與內監均不認識
至各他坦每處需用水火夫三名俱係撥給人夫

並無折錢等語覆詰不移案無遁飾查金德清辦理差務訊無濫給太監供應情事惟送給前站披甲米肉麩草等物殊屬不合金德清應革役照于漢之例擬杖一百徒三年至配所折責四十板事犯在歷次

恩旨以前到官在後應不准其援免現任密雲縣知縣鄒濂任聽書吏金德清送給披甲人等米肉麩草等物未能覺查禁止究有不合鄒濂應請

旨革職留任八年無過方准開復至歷任失察之密雲縣知縣並該管總督藩臬另行查取職名咨部分別

那文毅公初任直隸總督奏議 卷四十三 三

議處謹

奏奉

硃批依議該部知道

嘉慶十九年十月十四日

奏為酌動藩庫存貯節省馬乾銀兩交商生息以為添

派隨扈兵丁盤費之用恭摺具奏事竊照本年秋季

間恭逢

皇上展謁

東陵經軍機大臣暨總理行營王大臣議准於原派兵丁

之外議添官兵一千三百八十員名奏奉

俞允欽遵辦理所需兵丁盤費銀兩前經差局司道議請

在於藩庫存貯節省馬乾銀內支給仍提出銀二

萬兩交商生息以資每年應用詳經 臣 咨部嗣准

戶部咨覆係為調濟辦差兵丁經費久遠起見似

屬可行但事關動項發商未便據咨核准行令自

行奏明辦理等因茲行據該司道等具詳請奏前

來 臣 伏查嘉慶十一年經前署直隸總督裘行簡

等奏准裁減各營馬一千四百匹每年節省馬乾

銀一萬六千餘兩以為各營恭辦

皇差兵丁盤費之用每年恭逢

那文毅公初任直隸總督奏議 卷四十三 三

聖駕展謁

東陵

西陵

巡幸木蘭各差約共需兵丁盤費銀一萬二三千兩餘銀

存貯藩庫如遇

大差需費較多之時即於此項餘銀內酌量添補應用奉

旨允准在案計自嘉慶十一年至今除歷年支用外藩庫

存貯餘剩節省馬乾銀三萬六百餘兩今歲

東陵差務議添官兵一千三百八十名內官五十員不計

外實添兵丁一千三百三十名往返約二十日按

照原派兵丁每名每日支盤費銀八分計算約需銀二千兩內外應卽在於藩庫存貯餘剩節省馬乾銀內動用惟將來

皇上展謁

西陵

巡幸木蘭所有隨扈兵丁自應照此一律添派而餘剩節省馬乾歲有定額恐不敷用據司道議請在於藩庫現存餘剩節省馬乾銀內提出銀二萬兩發交保定天津兩府鹽當各商以一分生息每年可得息銀二千四百兩遇閏加增連藩庫每年餘剩節

那文毅公初任直隸總督奏議

卷四三

單

省馬乾銀三千餘兩共銀五千餘兩以爲春秋兩次差使添派兵丁盤費之用如此酌籌辦理不但該兵丁等盤費有資卽鹽當各商領銀營運歲止一分取息亦不致稍有苦累似覺均有裨益抑更有請者每年

阿哥致祭

陵寢暨前往熱河從前並未派兵隨護嘉慶十七年新定章程應派副參千把等官弁兵丁按站值宿隨護均係在於經由地方附近營分派調營差並不給予盤費第兵丁月餉無多情形未免拮据現據各

營稟請議給已飭標下副將酌定數目俟具詳到日應請亦在此項生息銀內支給以示體恤仍於歲底造具兵丁名數及動存銀數清冊報部查核謹

奏

嘉慶十九年十月十五日奉

上諭那彥成奏酌動節省馬乾銀兩交商生息以爲添派隨扈兵丁盤費一摺直隸各營兵丁遇朕祇謁

兩陵及巡幸木蘭派出承應差使所需盤費向於馬乾節省銀內支給所有本年議添兵丁應支盤費除已於馬

那文毅公初任直隸總督奏議

卷四三

單

乾銀內動用外著照所請卽在藩庫餘剩節省馬乾銀內提出銀二萬兩發交保定天津兩府鹽當各商以一分生息遇閏加增解交直隸藩庫以爲每年添派兵丁盤費之用其阿哥致祭

陵寢暨前往熱河派出營差兵丁所需盤費並著一體支給該部知道

嘉慶十九年十月二十二日

奏 於本月初間趨詣

闕廷叩祝

萬壽稍申瞻戀之忱旋奉

諭旨赴盤山一帶查勘工程回京恭覆

恩命復蒙

召見又得仰觀

天顏下懷實深欣幸十七日

陛辭後蒙

恩賞假一口於次日出京二十一日回省轉瞬舉行

計典事關激揚臣現在督率兩司將所屬官員賢否詳

加考察屆期秉公舉劾照例

題報斷不稍有徇隱所有要犯督飭各屬益加上緊緝

拏務獲以期仰副

那文毅公初任直隸總督奏議

卷四十三

聖

聖主安良飭治之至意謹

奏奉

硃批實心緝拏要犯勉之切勿稍懈河間景州一帶更應

留心

嘉慶二十年正月二十一日

奏為請

有事竊照本年三月初四日恭逢

皇上展謁

東陵

臨幸盤山所有

鑾輅經由處所查對門牌以及緝捕事宜已飭差局司道

暨標下中軍派委文武員弁先期前往分段辦理

其隨扈兵丁臣現與提督徐錕詳慎挑選務期

躡途清肅翊衛整齊惟

聖駕於三月十八日回

鑾至海子向例臣應在於雙橋門送

駕後即回省城第十八至二十二等日

聖駕尚在海子臣先期旋省下懷實切不安可否仰懇

聖恩俯准臣並提督徐錕隨

蹕在海子內扈從遇夜仍令兵丁圍站燈城二十二日即

那文毅公初任直隸總督奏議

卷四十三

聖

在鎮國寺門恭送

聖駕抑或臣於雙橋門送

駕後臣在馬駒橋一帶暫住徐錕在黃村一帶暫住其海

子之南紅門臣擬派副將並地方道員暫住三處

分投駐劄彈壓統俟

聖駕回宮再行回省臣未敢擅便伏乞

訓示遵行謹

奏

嘉慶二十年正月二十三日軍機大臣字寄奉

上諭那彥成奏此次春圍於三月十八日回鑾至海子若

照向例於雙橋門送駕後即回省城實切不安請同提督徐錕隨蹕在海子內遇夜仍令兵丁圍站燈城或同徐錕分投在馬駒橋黃村暫住等語所奏甚屬非是著傳旨嚴行申飭該督自蒞任以來於應緝要犯並未拏獲一名地方所設墩汛驛站復一任廢弛凡職分應辦之事俱不盡心經理乃干預分外之事以見其心存忠愛豈非舍其田而芸人之田乎試思南苑行宮與園庭無異本年朕駐蹕南苑一切翊衛事宜早經議定章程極為周密何須邪彥成鯁過計若謂心抱不安豈朕在回明園香山駐蹕時亦須邪彥成籌及時時心抱不

邪文毅公初任直隸總督奏議

卷四十三

四

安耶至該督欲同徐錕在馬駒橋黃村暫住尤屬無謂該一帶地方俱係直隸營汛所轄邪彥成等應嚴飭該管文武官員認真巡查如有懈惰者叅革責懲或再派委幹之員密加稽核足昭慎重若於向例所無之事忽於苑外添駐大員轉覺駭人聽聞朕於三月十八日由小紅門進南苑邪彥成等於該處送駕後仍照例各自回任

嘉慶二十年二月十八日

奏為接准部咨恭摺覆奏事竊臣於本月十六日接准兵部咨開准總理行營處咨欽奉

那文毅公奏議 卷四三

上諭盤山行宮外圍牆週圍堆撥著交邪彥成徐錕福長安等於舊設十三處堆撥各適中處所再增設堆撥十二處各派弁兵十名與舊設堆撥十三處弁兵一體值班守衛以昭嚴密餘依議欽此伏查盤山行宮外圍牆於上年冬間查工親身週歷查勘已將

今春

變略經臨應行派兵之處帶同將弁指撥已定共計外圍牆堆撥十三處水門七處擬於各堆撥每處派弁帶兵二十名各水門派兵十名晝夜把守各飭知在案昨於二月初十日又派參將珠勒亨伊昌阿

那文毅公初任直隸總督奏議

卷四十三

四

前往再行查勘堆撥水門之外尚有山後各山口小道及要隘之處一並派兵看守不日前往查道臨時再行當面具奏現即遵奉

諭旨所有舊設堆撥十三處及增設之十二處均一律各處派兵二十名謹

奏奉

硃批知道了

嘉慶二十年三月十二日會同直隸提督徐公錕馬蘭鎮總兵福公長安奏為恭摺奏謝

四一七

天恩事竊_臣等欽奉

上諭直隸派出扈衛之將備各員著加恩賞給小卷八絲
緞二十疋五絲緞二十疋線縐四十疋其扈衛之弁兵
及馬蘭鎮添派弁兵著加恩賞給銀二千兩交那彥成
徐錕福長安分別給領欽此_臣等遵卽秉公均分祇領
伏查此次

聖駕敬謁

東陵臨幸盤山_臣等督率將備弁兵隨扈當差皆係分內
之事誠恐該官兵等或有懈怠正深悚惕乃蒙

皇上隆施逾格

那文毅公初任直隸總督奏議

卷四十三

吳

賞資優加該官兵等歡呼踴躍咸頌

皇仁以爲從來未有之

曠恩益切榮幸感興_臣等惟有勤加勉力督率以期無少

曠悞謹

奏

容安謹按此奏隨扈

行在向不奉

硃批

嘉慶二十年三月十四日

奏此次恭逢

聖駕祇謁

東陵臨幸盤山所有直隸各官修整道路理應敬謹辦理
方昭恭恪茲查有行唐縣知縣徐福年寶坻縣知
縣關寔秀新河縣知縣劉耀林三員辦理山路妥
協於各員中尤爲出力可否仰懇

聖恩將該三員

賞給議敘以示獎勵之處出自

睿裁謹

奏

嘉慶二十年三月十四日奉

那文毅公初任直隸總督奏議

卷四十三

吳

上諭那彥成奏此次修整道路之知縣徐福年關寔秀劉

耀林著賞給小卷五絲緞各一疋毋庸給予議敘

嘉慶二十年三月十四日

奏爲恭摺奏懇

聖恩事竊查順義縣知縣陳楷因失察書吏于漢私給大

監小劉進喜供應前經_臣遵

旨奏請革職並附片聲明該員辦理差務究屬相沿舊習

可否照例議處免其革職欽奉

諭旨將陳楷革職准其留於該省幫辦差務如果辦差數

次妥協無悞再由該督奏請開復其密雲瑤亭濫支供

應之書吏等仍確實查明照例治罪欽此復經_臣查明

密雲縣辦差書吏金德清亦有送給前站披甲米

肉麩草等物提省訊擬具奏並將前任密雲縣陞

任涿州知州丁憂之秦承需同失察各上司咨部

議處嗣准部議秦承需俟丁憂起服革職留任八

年無過方准開復等因在案_臣欽遵

諭旨飭委該參員陳楷辦理上年秋差此次恭逢

聖駕祇謁

東陵臨幸盤山差務_臣復委令該參員查對門牌保甲及

幫同經由州縣照料差務不辭勞瘁均屬妥協無

那文毅公初任直隸總督奏議

卷四十三

吳

悞且聞該參員人尙妥實係屬可用之材相應遵

旨奏懇

聖恩准其開復原官留於直隸遇有相當缺出酌量補用

至秦承需一員於直隸地方情形及辦理差務頗

為熟悉才具開展因卽委令該員與陳楷幫同各

州縣辦理秋差並此次

聖駕謁

陵差務甚為妥協陳楷既已懇

恩開復該員事同一例合並仰懇

聖恩將該員革職留任處分一體准其開復如蒙

恩允不特該員等仰沐

鴻慈益加感奮卽_臣辦理地方公事亦可收得人之效謹

奏奉

硃批依議

嘉慶二十年三月十四日

奏祁州丁憂知州張莖委赴大名府屬編查保甲清查

叛絕產業極其認真又河間縣丁憂知縣顧玉書

前在樂城縣任內辦理兵差甚為妥協該二員歷

任直隸州縣辦事結實官聲甚好於地方情形尤

為熟悉可否仰懇

那文毅公初任直隸總督奏議

卷四十三

吳

聖慈俟該員等服闋後仍留直隸補用出自

皇上天恩謹

奏

嘉慶二十年三月十四日奉

上諭那彥成奏請將熟悉地方情形人員分別施恩一摺

原任順義縣知縣陳楷准其開復原官留於直隸酌量

補用仍帶革職留任丁憂知州張莖知縣顧玉書均准

其於服闋後仍留直隸補用

嘉慶二十年七月十二日會同直隸提督徐公銀

奏為沿途河水漲發橋座被冲現在督飭將弁帶領兵

丁夫役分投趕緊搶搭事竊臣那彥成於初九日出京是夜大雨如注卽住宿前屯恐道路橋梁或有冲塌隨於次日冒雨起身查勘經由昌平蒲溝並懷柔縣橋座尙屬完固惟雨勢甚大晝夜不止十一日巳時抵密雲白河水已漲發所搭橋座已被水漫臣那彥成當卽趕緊過橋行不數里卽據稟報正橋冲去發圍四道副橋冲去發圍六道隨飭該縣趕緊搶搭一面馳赴前途查勘西刻行至南天門據報潮河水漲正橋冲開發圍四道副橋冲去發圍十三道水深溜急人力不能搶護臣徐

那文毅公初任直隸總督奏議 卷四十三 五

錕亦接據稟報又據派赴關外查勘水勢情形之干總楊永春面稟古北口外水溜緊急正副橋座全行冲失等情查初九日至今晝夜大雨不但湖白二河水勢漲發橋座被冲卽已經修整御道亦因雨久浸透全行冲塌其間冲成深坑者甚多沿途小橋亦有坍塌其藺溝懷柔等處橋座臣那彥成經過之後不知有無被冲現在委員探查尙未稟覆口外之喀喇河屯大橋亦一面差人查勘現臣在徐錕亦由小路翻山前來見面後各人選派將弁帶領兵丁並飭道廳暨地方官多僱夫役檢

石編圍一俟水勢稍退人力可施卽趕緊修搭務臻穩固臣那彥成親駐南天門臣徐錕卽在古北口分投督辦一面分飭辦道各官竭力搶修惟刻下雨仍不止放晴尙早相距

起鑿之期僅止八日能否如期搶搭完固道段能否一律搶修平坦容俟十四五日察看雨勢情形另行具奏請

首謹

奏

嘉慶二十年七月十四日會同密雲都統策公丹

那文毅公初任直隸總督奏議 卷四十三 五

奏爲欽奉

諭旨並各橋梁道路及現在趕辦可以無悞情形恭摺覆奏事竊臣那彥成於本月十二日在南天門會同提督徐錕將密雲等處因連日陰雨橋道冲失恭摺具奏於十四日午刻接奉

廷寄欽奉

上諭據那彥成奏連日大雨密雲縣正副橋座及南天門古北口橋座均有冲失該督親駐南天門徐錕在古北口分投督辦等語京師十一十二日亦係大雨兩晝夜本日業已晴霽現派禧恩蘇爾慎前往密雲會同策丹

督辦該處橋座那彥成卽在南天門督率弁兵及夫役等將潮河橋座上緊修搭其古北口橋座責成徐錕趕辦均務於二十日以前修搭完備不准遲悞南天門橋座搭成那彥成卽迅至密雲彼時如密雲之橋尙未竣工那彥成卽在彼督辦以便令禮恩等同京俟各處橋座俱齊該督照例前來清河接駕可也本年雨暘時若朕御製喜晴詩錄稿發去著那彥成賡和卽行覆奏欽此遵查十二日臣那彥成拜摺後續據密雲縣稟報白河橋座全被冲失又據派往南北兩路查探員弁回稟口外喀喇河屯橋座全行被冲前溝懷那文毅公初任直隸總督奏議

卷四十三 五

柔橋座亦被冲大半所存無多臣等正深焦急喜得仰賴

皇上福庇於十三日辰刻天氣晴霽臣那彥成因查昌平懷柔密雲一帶橋座

變輅經臨較潮河等處爲期更近其餘橋梁道路

皇上遲一日經臨卽有一日寬限是蘭溝懷柔二處趕搭橋座修墊道路愈應趕早督辦無悞因將喀喇河屯橋座專委熱河道明山河屯協副將奇成額督率搶搭古北口外橋座專委派在口外稽查橋道之口北道克蒙額與提標官兵督率搶搭南天門

橋座專委霸昌道誠端參將珠勒亨督率搶搭徐錕仍駐古北口來往督辦可以兼顧臣那彥成卽折回密雲查勘督率文武辦理白河橋座茲蒙皇上特派禧恩蘇爾慎前來會同臣策丹督辦白河橋座儘可無悞臣那彥成擬卽趕往蘭溝懷柔一帶催辦所有口內外各處料物人夫皆已委查均屬預備齊全有盈無絀足敷搶搭現在水勢消落一二尺不等臣等嚴飭各該州縣又多增雇人夫協同營員兵丁無分晝夜趕緊搶搭白河橋座臣策丹又督率滿兵四百名隨同民夫辦理約計三兩日

那文毅公初任直隸總督奏議

卷四十三 五

內總可一律完固至被冲道路臣那彥成飭令辦道各官先將積水開溝宣洩並將道面翻犁曬晾再加沙土碾研堅實亦可於四五日內修墊平整均不致有貽悞臣等俟橋道趕辦完竣一面專差具奏遵照

諭旨清河跪迎

聖駕再臣那彥成督率地方文武各官所辦橋道均皆被水冲刷正深悚急乃蒙

皇上不加譴責並

賞發

御製詩飭令臣那彥成恭和不勝惶懼感愧之至敬謹恭

和

元韻理合附呈

御覽謹

奏奉

硃批知道了

恭錄

聖製詩

喜晴 七月十三日

望晴詩甫就拂曙霽光浮宿雨收林表濃雲散嶺頭蔚藍

那文毅公初任直隸總督奏議

卷四十三

五

秋日皎漾碧午風柔

吳佑符時若寅承獮典修

恭和

聖製喜晴 七月十三日 元韻

大有占豐稔盈宜氣象浮快晴失雨脚遠岫歛雲

頭天迥雕盤健途平馬力柔

乘時秋典舉清

蹕黛巒修

嘉慶二十年七月十七日

奏為督辦蘭溝懷柔橋座次第完竣並查明密雲至喀

喇河屯一帶橋座現在趕搭即日完竣及修整道

段均可無悞情形恭摺具奏事竊臣於十五日自

密雲起程先至懷柔查勘已據委員等督同該縣

帶領兵丁夫役下回簽椿臣親身往來督率趕緊

搶搭幸天時晴霽水勢消落至是日三更時分將

懷柔縣境內橋座全行搶搭完固即赴昌平州之

蘭溝亦經委員等會同地方官督率兵夫搭造惟

水勢稍大施工甚難臣當加重賞以示鼓勵該兵

夫等無不人人用力至十六日二更時分亦搶搭

完竣甚屬堅固並據派往口外查勘橋座之千總

那文毅公初任直隸總督奏議

卷四十三

五

褚天喜回稱喀喇河屯橋座已於十四日動工搭

造經熱河都統和寧在彼督辦四五日內即可告

竣古北口外並南天門橋座已將樁圍全行排列

現在支架樑木並用秫稻鋪面壓土碾研十六日

均可完工密雲白河水亦消退所辦橋座十六日

晚可以拴船至十七日即可鋪面完工臣伏查本

月初九日起至十二日止陰雨連綿各處河水漲

發致將橋座冲失臣竊恐趕搭不及甚為焦急悚

懼茲幸仰托

聖主鴻福天氣於十三日放晴雖於十四日晚間復又下

雨卽於次日晴霽連朝風日暄颺水勢消退應需料物人夫又經承辦州縣預備充盈得以卽早搶搭完固此皆我

皇上敬修

祖典默契

天心臣欽敬之餘實深歡忭至各處道段均已翻曬現在

加添沙土碾研本月十九日以内皆可一律修墊

平坦臣仍在藺溝懷柔一帶來往督催屆期在清

河跪迎

聖駕謹

那文毅公初任直隸總督奏議

卷四十三

美

奏奉

硃批知道了

嘉慶二十年八月初二日

奏臣於七月二十四日在關跪送

聖駕後回住懷柔縣是日申正起竟夜大雨傾注該縣正

副橋座復被冲塌於二十五日早冲溜躡淺過河

至藺溝橋座又復全行冲去卽繞道從土溝擺渡

泥濘中趕行馳至安定門外時已更餘不能進城

卽在小廟住宿於二十六日入城嗣接霸昌道誠

端來稟密雲縣湖河副橋被冲中空正橋現尙平

穩白河正副橋座均被冲二十餘空等情臣當卽一而酌量撥給各州縣銀兩並批飭該道誠端督同北路同知陳世相分投督率各該州縣趕緊搶搭務於

阿哥出京以前一律完固不許稍有遲悞茲據該道稟

稱昌平至密雲境內橋座均已搶起謹

奏奉

硃批覽

嘉慶二十年八月初二日

奏臣接閱邸抄知兩間房至常山峪道中橋座被冲

那文毅公初任直隸總督奏議

卷四十三

美

聖駕在兩間房

駐蹕一日臣既不能督飭所屬將橋座建搭完固以致屢

次被水冲失又未能親身隨扈實屬悚惶焦急仰

懇

聖恩將臣交部議處謹

奏奉

硃批不必此皆常事何妨行路現今暢晴數日一切貞吉

矣

嘉慶二十年八月二十八日

奏臣欽奉

上諭那彥成現赴天津審案並勘辦永定河工朕回鑾時該督如能親至兩間房接駕滿司錢臻即毋庸前來如彼時該督所審之案與所查之工尙未竣事不能親赴差次再令錢臻至兩間房接駕沿途隨扈可也欽此

敬釋

聖諭該督如能親至兩間房接駕滿司錢臻即毋庸前來

等因仰見

皇上慎重地方之至意今現在工次若再令錢臻赴差

省城大員僅止臬司盛泰一人現在與工堵築大局已定

在此督辦十餘日所有事務均交溫承

那文毅公初任直隸總督奏議

卷四十三

奏

惠在工督辦不致稍有貽誤仍可照例前赴昌

平州一帶查勘橋道至兩間房跪接

聖駕滿司錢臻自應仍留省城毋庸赴差俟送

駕後再回工次與溫承惠督率各員趕緊辦理合龍事務

謹

奏奉

硃批覽

嘉慶二十年九月初三日

奏北七工自八月二十五日興工以來人夫雲集料物

源源運到現在挑挖引河東西壩亦經進占事機

極為順利又有溫承惠在工督辦可期迅速成事不致遲悞定於初五日由工次起身赴昌平一帶查勘橋道至兩間房跪接

聖駕敬聆

慈訓仍俟恭送

聖駕後馳回工次與溫承惠督率各員辦理合龍謹

奏奉

硃批覽

嘉慶二十年十二月十三日

奏為遵

那文毅公初任直隸總督奏議

卷四十三

奏

旨覆奏事竊面奉

諭旨以來春

聖駕展謁

西陵飭令恭查

變路由黃新莊至北惠濟廟經過道段如相距原任大學

士朱珪墳墓在五里以內即前往賜奠欽此

聆之下仰見我

皇上欽崇舊學

篤念前徽

聖敬本自日躋猶

緬丹書於師保

時巡昭夫春省仍紆

舉輦於松楸展臯比之

隆儀十七銘常基

宥密增詞林之

曠與億萬世成仰

緝熙

恩浹九京慶延

一德凡在臣工同深欽感悅服當即派員前往敬謹查看

茲據稟稱大學士朱珪墳墓相距

那文毅公初任直隸總督奏議

卷四十三

卒

御道在四里以內謹

奏

嘉慶二十年十月二十五日奉

上諭明春朕恭謁

西陵回鑾時踽路經由北惠濟廟拈香因憶故大學士朱

珪墳坐在該處附近面諭那彥成查明如相距御道五

里以內即親往賜奠若在五里以外即遣官前往茲據

那彥成覆奏查看在御道四里以內屆期朕由黃新莊

至北惠濟廟紆道親臨賜奠用達眷懷舊學之意其經

由道路著那彥成派委修治先行繪圖具奏

籌畫曠咭喇夷使入都章程

嘉慶二十一年六月初三日

奏為欽奉

諭旨先行恭摺覆

奏事竊臣於六月初一日承准軍機大臣字寄嘉慶二

十一年五月二十九日奉

上諭董教增等奏曠咭喇國遣使入貢一摺曠咭喇國於

乾隆五十八年曾遣使來京納貢茲該國王因令王子

攝政仰慕中國德威於上年十一月遣使由該國起程

約於本年五六月可到天津並於遣使前一月預遣該

那文毅公初任直隸總督奏議

卷四十三

空

國夷官來廣東總督衙門先行稟知外夷輸誠向化自

應准其入貢著那彥成即派員迅赴天津探聽該國貢

船一有到津之信那彥成接據稟報即行親赴天津如

廣惠先經得信一面奏聞一面飛速知照那彥成俟那

彥成到津後會同廣惠設席演劇先筵宴該使臣一次

並宣諭以大皇帝念爾國王王子輸誠納貢遣爾等航

海遠來特命總督暨政先行傳旨賜宴該督等即令通

事告知該使臣禮應叩頭謝宴並察看該使臣情詞是

否歡感據實奏聞如該使臣不肯行中國禮儀亦姑置

弗論該督等即將該國來津貢船幾隻正副使幾名從

人幾名其船內所帶兵役其有若干人所貢方物係何
名目共有若干件查明先行具奏並溯查乾隆五十八
年該國入貢時使臣從人兵役名數貢物件數及到津
後如何賞勞並照料進京一切事宜詳悉附奏現據董
教增奏天津素無通曉夷語之人已遴選熟悉喚咭喇
國夷字夷語誠實通事一人派員伴送直隸總督衙門
俟其到時那彥成即帶往天津以備繙譯之用此次該
正副使臣及從人等著那彥成廣惠妥協斟酌除應進
京者令其來京外其餘俱令在津守候無庸多人進京
如該使臣於六七月間到津計算可於起鑾前來京呈

那文毅公初任直隸總督奏議 卷四十三 奎

遞貢品賞資筵宴那彥成廣惠即一同照料來京若起
鑾前該貢使不能到京該督等二人即於回鑾後照料
該貢使來京可也將此由四百里諭知那彥成並傳諭
廣惠知之欽此 臣跪讀之下仰見我

皇上德威遠播

聲教覃敷該喚咭喇國王等自乾隆五十八年納貢後此
次復輸誠向化遣使航涉重洋瞻觀

天顏

聖聖相承無遠弗屆實為

熙朝盛事 臣曷勝欣忭踴躍之至所有到津筵宴賞勞並

照料一切事宜仰蒙 勅派 臣會同鹽政 臣廣惠妥協斟酌經理益佩

聖訓周詳

懷柔撫綏至意 臣遵即移會鹽政並飛劄飭調天津鎮祥
啟天津道張五緯迅速回津會同遴派能幹員弁
前赴海口並帶同熟悉引水人等專司確探該國
使船隻信息其天津鎮道沿河催趨漕船各務另
派文武大員馳往督率妥辦一面檄行兩司詳查
五十八年照料該國使進京舊定章程隨查得該
國於五十八年遣使納

那文毅公初任直隸總督奏議 卷四十三 奎

貢頭二三四五號夷船五隻行抵天津外洋拋碇前任
鹽政徵瑞會同派委之天津道鎮及副將等飭令
引道人等設法將夷船引至近口之攔江沙一道
停泊前鹽 臣徵瑞多備牛羊猪雞米麵菜菓先行
賞給隨據通事頭目人等稟稱撥貢小船需用三
十餘隻即於次日卸載進口前督 臣梁肯堂先已
飭令天津縣在大沽預備大公館一所並著通事
詢明來船若干隻貢使隨從及船戶水手匠役若
千名守船者若干進京者若干貢物若干件係何
款項其餘貢使人等行李並船中帶備餘物共若

千件逐一譯出漢字清摺令派委迎護之道員副將查點明白註冊將應起各物用小船運至公館搭配成摺開單附

奏該國使卸載進口之日天津鎮臣多帶員弁兵丁列

營站隊旗幟鮮明甲仗精銳海口一帶及由大沽

至通州沿途營房墩臺一律油飾整齊維時前督

會同前鹽政即於公所設備筵席以禮款待筵

宴坐次

天朝官在東側坐該國使在西側末坐先行三跪九叩禮

入宴宴畢復行三跪九叩禮謝

那文毅公初任直隸總督奏議

卷四十三

查

恩預備賞物因在七月中旬正使酌賞紅紗二疋綠紗二

疋色綾二疋色綢二疋頭目減半跟役人等每名

賞給紅布二疋綠布二疋通事每名賞給紗袍褂

一副所需戲席犒賞各物飭縣按數墊辦事竣造

冊籌動司庫閒款報銷當據通事等稟稱該國使

船五隻起卸之後未能久泊洋面擬即先回至浙

江宜波珠山停泊等候該國使事竣回抵該處開

洋返國等語經前督臣奏准行知浙江撫臣飭屬

指給空地以便支立帳房為守船患病入等棲息

並據通事稟稱該國使仍由天津坐船抵通由通

州起早前赴熱河瞻

覲亦經前督臣奏准並查明該國正貢副使二名總兵代

筆醫生天文生副總兵官管兵官總管貢物官聽

事官正副貢使家人吹樂匠作營船官襍役等四

十八名兵五十名共一百名俱隨赴熱河開單具

奏欽奉

諭旨正副貢使品級較大酌予肩輿其隨從員役止須給

車乘坐所有沿途車馬及擡送損夫按站應付事

竣造銷至留船看守官役水手頭二三四五號船

隻共六百二十名因係抵津卸載後仍駛至宜波

那文毅公初任直隸總督奏議

卷四十三

查

珠山停泊前督臣亦開明人數

奏准賞給米三百五十石麵二千筋牛十隻羊二十隻

猪二十口雞五十隻鴨五十隻茶葉二百筋水菜

十擔瓜菓十擔以資接濟嗣該國使事竣即自津

起程由內河水路行走赴廣東澳門附該國貿易

便船開洋返國並奉

旨專派松筠等逐程護送此五十八年該國使抵津後賞

勞照料之舊章大概也其貢物件數臣著中卷案

及司署冊檔均未載入現移會鹽政廣惠詳查

五十八年舊案迅速知照以憑參互酌定分行各

屬早為預備總期斟酌宜豐儉適中按其到津之遲早以定行走之徐速不可稍有簡畧亦不必過於繁縟務俾該國使歡欣感悚仰副

聖主體恤震疊之至意至廣東撫臣派送通事一名臣飛

檄沿途迎催俟其到口帶往天津以備繙譯之用

再海洋風信靡常該使臣到津遲早未能預定向

聞海道船隻必先收泊山東登州海岸之廟島守

候南風方能收泊天津大東沽海口臣現又移咨

山東撫臣並檄登州鎮臣一體確探除俟探有該

國使船到津確信臣即兼程馳赴天津照料並會

那文毅公初任直隸總督奏議 卷四十三 奏

同鹽政查照舊案妥協預備並繕舊案事宜清單

恭呈

御覽謹

奏

謹將檢查乾隆五十八年英咭喇國貢使到津後

照料護送各事宜清單繕呈

御覽此次仿照妥議辦理尚有檢查未盡事宜俟查明另

行附

奏

一英咭喇國貢船到津應令天津道就近迎護並

派副將一員會同該道前赴海口督同營汛兵役護送由津至京及該使回國均令原委之道將逐程照料護送

一該船到口飭令引道人引至攔江沙臭魚岡夾界之間清水邊處所停泊以資防護

一貢使到時於大沽預備大公館一處以資安頓先著通事查明貢使並隨從人等共船若干隻

船戶水手若干名守船者若干進京者若干貢物若干件係何款項其餘貢使人等行李並船中帶備餘物共若干件譯出漢字清摺護送委

那文毅公初任直隸總督奏議 卷四十三 奏

員逐一查點明白註冊將應起物件用小船運至大沽公館搭配成摺開單具

奏沿途飭令各該地方官僱夫小心擡送逐程更換仍令護送各員小心照料

一海口臭魚岡距大沽礮臺五十里內河水淺應備小船三十隻列定號次每船派兵役各二名

押赴海口迎接貢使並裝載貢物運送至公館前登岸其船隻飭令批驗所大使會同天津縣

僱備守候應用

一正副使按照員數備辦潔淨鮮明轎車數輛分

給乘坐跟役執事人等均係夷人不善騎馬每
四人給坐大車一輛應用撥夫每站僱備二百
名逐站遞送每夫十名擇夫頭一名管押每撥
派撥兵役二名督率稽查以防逃逸遲悞
一大沽距京計程三百餘里分爲五站行走
一公館應掃除潔淨左右設置帳房旗幟多設官
兵小心巡察遇晚巡邏傳更毋許閱人擅行窺
探仍於公館附近酌借民房以便護送文武官
員住宿易於稽查彈壓

一沿途墩舖汛房界牌量加修葺

那文毅公初任直隸總督奏議

卷四十三

奏

一該國食物多用奶子牛羊猪肉鷄鴨燒煮及冰
糖白糖燒酒乾饅首茶葉等物飭令經過尖宿
各地方寬爲預備

一所需車輛馬匹在於天津通永二屬派撥協濟

一夷船每隻點派買辦一名由縣給發執照令其

承充代買食物按市價平買不得私行買酒給

飲及一切違禁物件仍派員弁稽查

一貢使賫送貢物並隨帶行李由船登陸必須逐

程查點一手經理庶免錯誤應責成護送之道

員副將各一員並派佐貳二員暨千總二員直

送至京仍由京護送回船一應稽查接護官員
俱逐程更換

一公館執事人役飭令各該地方官選擇妥幹勤
謹之人派定執事小心供役其衣帽均須潔淨
完備

一由津至京經由之通永霸昌二道東西兩路同
知均於入境站所會同護送委員率同地方文
武各官酌帶兵役逐程交替勿致貽悞

一正使酌賞紅緞二疋綠緞二疋色綾二疋色綢

二正頭目減半給賞跟役人等每名賞給紅布

那文毅公初任直隸總督奏議

卷四十三

奏

二疋綠布二疋通事伴送賞給綢袍褂一副嗣

因該國使到津在七月中旬緞疋俱改用紗料

一經由城汛地方俱令該營汛弁兵排列嚴肅其

擡送

貢物應需夫役飭令天津首站酌定名數傳知下站一

體僱備應付

一貢使換船上京其在船跟隨水手人等傳諭該

通事頭目嚴加約束不許其手下人等私自登

岸以防騷擾滋事

一海口大小船隻不許攔近貢使之船以防私賣

違禁之物並勿許賣酒

一禁沿河村落鼓樂及婦女窺看以防招引上岸生事

一海口南北兩岸礮臺宜培修量蓋兵房以重觀瞻

一自海口至通州一路撥汛城池地方皆添兵役及兩岸集鎮人煙湊集之所雖向無汛撥亦令各該營調度添兵展插旗幟以壯觀瞻

一天津城門及公館多設官兵巡邏以重防守

一海口加派中軍遊擊霸州遊擊多帶官兵巡邏

那文毅公初任直隸總督奏議

卷四十三

三

防護

嘉慶二十一年六月初五日軍機大臣字寄奉

上諭那彥成奏查照喚咭喇人貢舊案遵旨妥為預備一

摺喚咭喇國遣使納貢來京所稱仰慕中國德威係外

夷表貢常語其實該國遣使遠涉重洋以納貢為名恐

尚有干求事件該督一聞貢船抵津之信即行馳往照

料如該貢使向該督言及有懇請賞給口岸貿易如上

次請於寧波互市等事該督即先行正詞駁斥以天朝

法度森嚴不敢冒昧陳奏絕其妄念該督計算該貢使

於起鑾前可以到京即行照料前七月尚無抵津

之信該督仍照常年隨扈出口回署後探有確信再赴

天津會同廣惠商辦一切若該貢使情詞恭順屆時率

領入覲倘其意在要求或禮節不遵制度即據實奏聞

彼時將貢品賞收厚加賜賚諭以大皇帝舉行秋獮回

鑾尙有數月念爾等航海遠來特加體恤不令久候即

在天津筵宴遣回本國均無不可至乾隆五十八年該

國貢使及兵役人等進京者共計一百名此次那彥成

等再行酌裁即減半亦可沿途營房墩臺每庸逐處油

飾其進口及經山城汛自應令該官兵列營站隊旗幟

器械一律整齊以資彈壓犒賞各件均遵照上次之例

那文毅公初任直隸總督奏議

卷四十三

三

預備頒給

容安謹按喚咭喇國貢使抵津之時 先公已

因甘肅賑案被逮未及身親其事嗣奉

派尙書公和公世泰尙書蘇公楞額尙書穆公克登額接

辦故應載者只此一奏

那文毅公初任直隸總督奏議卷四十三

那文毅公初任直隸總督奏議卷四十四目錄

卷四十四

懇恤民瘼

調劑鼓鑄

懇准商場出租

請借運本

恭報雨雪

那文毅公初任直隸總督奏議

卷四十四

目錄

那文毅公初任直隸總督奏議卷四十四

嘉慶十九年三月十二日

男容安恭輯

懇恤民瘼

奏為恭懇

聖恩事竊照嘉慶十八年九月二十三日欽奉

上諭首逆劉林即林清本日廷訊盡法懲治寸磔傳首其

妻子親屬等均一一按名捕獲照例緣坐鉅案已結毫無株連念附近良民因此等奸宄滋事間致失所朕斷不肯因近郊有數十家民稍減愛憐赤子之心著施恩

那文毅公初任直隸總督奏議 卷四十四

將大興宛平二縣本年應徵錢糧全行豁免以示憫恤

欽此又奉

上諭直隸長垣開州東明三州縣現被賊匪滋擾該三州縣士民隨同地方官悉力抵禦保固城垣並捐資募集壯丁於各村庄共相守衛士民之急公尚義甚屬可嘉該三州縣連年收成本未豐稔茲又經匪徒騷擾深堪軫恤著加恩將長垣開州東明三州縣本年應完新舊錢糧並借給本折口糧倉穀等項概予豁免欽此仰見皇上軫念善良

獎勵勇之至意當經前署督臣章煦敬謹臚黃遍行張

獎勵

獎勵

獎勵

獎勵

獎勵

獎勵

獎勵

獎勵

獎勵

貼該縣等紳民士庶感戴

恩施無不同聲歡頌 伏查定例蠲豁錢糧如地方偶被

水旱災傷俱按災分輕重將正耗並蠲如恭逢

皇上謁

陵

巡幸以及

恩詔豁免則僅免正銀其耗銀仍應徵納茲欽奉

恩旨將大興宛平二縣十八年錢糧並長垣開州東明三

州縣十八年應完新舊錢糧並借給本折色口糧

倉穀等項全行蠲免係因逆匪滋擾又值年歲歉

那文毅公初任直隸總督奏議

卷四十四

二

收仰蒙

皇上

特頒

恩旨似與尋常豁免不同所有大興宛平長垣開州東明

等五州縣奉

旨豁免錢糧合無仰懇

聖恩俯准照災蠲之例將隨徵耗銀一併豁免俾民力益

可寬紓仰沐

鴻慈更無既極謹

奏

嘉慶十九年三月十四日奉

上諭那彥成奏請將豁免錢糧之大興宛平二縣及長垣

開州東明三州縣應完隨徵耗銀一體豁免一摺大興

宛平二縣前因查辦逆案恐附近良民間致失所降旨

將該二縣上年應徵錢糧豁免其長垣開州東明三州

縣士民隨同地方官保護城垣又值連年荒歉亦將該

州縣等上年應完新舊錢糧並借給本折口糧等項概

予豁免此次蠲免錢糧原因軫念民艱特加恩資所有

該五州縣應免錢糧著加恩將隨徵耗銀一體豁免俾

民力益臻寬裕用副朕惠愛黎元至意該部知道

那文毅公初任直隸總督奏議

卷四十四

三

嘉慶十九年三月二十九日

奏為查明上年災歉各州縣應徵新舊糧租恭摺奏懇

聖恩分別展緩以紓民力事竊照直隸邢臺等州縣上年

秋禾被旱被水被雹開州東明長垣三州縣被賊

滋擾共四十八州縣災難民人節蒙

恩旨將應徵錢糧等項分別蠲緩豁免並給賑卹今春又

蒙

加恩展賑及賞給出借口糧交春以來大名府屬之開州

東明長垣等處捐設粥賑小民就近領食均資果

腹現又動撥賑餉派給奉米領運散放及時接濟

聖慈凋疊莫不同聲感頂查邢臺等州縣應徵十八年以前地糧等銀有應緩至本年秋後啟徵者亦有緩至本年麥後徵收者其十九年應徵新糧旗租不在緩徵之列例應徵收惟連年災歉元氣未復體察輿情艱於完納又獲鹿安平二縣上年秋收未能豐稔冬春雨雪稀少所種二麥未能滋長民力亦屬拮据自應酌量調劑伏查開州東明長垣三州縣十八年以前新舊錢糧等項欽奉上諭全行豁免又邢臺等州縣十八年錢糧等項例應緩至秋後啟徵者均毋庸議外理合奏懇

那文毅公初任直隸總督奏議

卷四十四

四

聖恩將開州東明長垣邢臺霸州定興新城完縣南和平鄉廣宗鉅鹿任縣邯鄲肥縣曲周廣平鷄澤威縣隆平宣晉等二十一州縣應徵十九年錢糧並倉穀等項緩至本年秋後啟徵其餘文安東安清苑唐縣束鹿安州故城青縣靜海滄州鹽山沙河唐山內邱永年成安磁州元城大名南樂清豐龍門冀州南宮新河棗強曲陽等二十七州縣又現應開徵之獲鹿安平二縣應徵十九年暨十八年以前新舊糧租並借欠倉穀等項一並仰懇天恩一體緩至本年秋後啟徵俾紓民力再此外如有

續報應緩之處容 另行具奏謹

奏

嘉慶十九年四月初一日奉

上諭那彥成奏查明上年災歉各州縣應徵新舊糧租懇恩分別展緩一摺直隸邢臺等州縣上年秋禾被災並開州東明長垣三州縣被賊滋擾業將應徵錢糧等項分別蠲緩茲據該督查明各州縣或連年歉收或冬春雨雪稀少民力仍不免拮据著加恩將開州東明長垣邢臺霸州定興新城完縣南和平鄉廣宗鉅鹿任縣邯鄲肥鄉曲周廣平鷄澤威縣隆平宣晉等二十一州縣

那文毅公初任直隸總督奏議

卷四十四

五

應徵十九年錢糧並倉穀等項俱緩至本年秋後啟徵其餘文安東安清苑唐縣束鹿安州故城青縣靜海滄州鹽山沙河唐山內邱永年成安磁州元城大名南樂清豐龍門冀州南宮新河棗強曲陽等二十七州縣及獲鹿安平二縣應徵十九年暨十八年以前新舊糧租並借欠倉穀等項一並緩至本年秋後啟徵以紓民力用副朕施惠窮黎有加無已至意該部知道摺並發嘉慶十九年三月二十九日奏為大名府屬災難貧民分別展賑煮粥接續散放地方極臻靖謐仰祈

聖厪事竊照大名府屬元城等七州縣上年秋禾被旱開
州東明長垣三州縣又被賊匪滋擾仰蒙

皇上

鴻慈分別蠲豁賑卹并於新正

特頒

恩旨

加賞口糧小民渥沐

恩施無不同聲感頌臣於正月間赴開州等處巡閱目睹

情形尚有應須接濟之處商合藩司素納等在於

開州東明長垣三州縣境內煮粥隨與前署督臣

那文毅公初任直隸總督奏議

卷四十四

六

章煦及司道府等議捐養廉銀一萬五千兩設廠

辦理經章煦恭摺奏

聞在案茲據大名道屠之申大名府知府劉寶第稟稱開

州東明長垣三處自二月間煮賑至今已逾兩月

近日連次得有雨澤小民已可備趁食粥人數日

漸減少擬至三月底停止將領回口糧折色銀兩

開廠散放本色米石不日亦可運到一俟放完折

色卽放本色其元城大名南樂清豐四縣口糧本

折米銀業已放竣現距麥秋尚且已分設粥廠煮

賑接濟總以接至麥秋為止察看民情甚為歡悅

地方極臻靖謐該四縣境內亦俱得雨可以播種
大田現有缺乏籽種牛具之戶呈請借助俟彙齊
核辦等情臣查元城等七州縣連歲歉收而開州
東明長垣三處上年又遭兵燹民情實屬困苦仰

蒙

聖主疊次

加恩多方賑恤小民始不致失所節經臣諄飭該道府督

率各屬實力散放務使實惠及民現在開州等處

接放口糧臣自當再加諄飭密差查訪倘有尅扣

侵蝕情弊立即嚴行叅究至大名府屬均已得雨

那文毅公初任直隸總督奏議

卷四十四

七

南樂縣已經深透正可及時播種大田所有缺乏

籽種牛具之戶自應欽遵前奉

諭旨照例借給以資耕作臣仰蒙

恩命

畀以畿輔重任惟有事事實心經理以仰副臣

皇上惠愛斯民之意再臣與章煦等所捐煮賑銀一萬五

千兩不敷動用經臣飭令各州縣勸諭紳民量力

捐助今據稟稱該紳民等均能急公慕義踴躍捐

輸實堪嘉尚容俟煮賑事竣查明紳民捐助米石

多寡分別等差奏懇

施恩獎勵謹

奏奉

硃批覽奏稍慰

嘉慶十九年三月二十九日

奏查直省因連年災歉米糧稀少價值增昂現據各屬

稟請減糶前來其倉儲有備者即可及時減糶惟

存倉米穀無多之處不敷動支因思上年卸貯天

津北倉奉米應還通倉米五萬石內除奉省尚未

運到并抵撥易州

西陵需用粟米直隸保定等處駐防兵米之外尚餘米二

那文毅公初任直隸總督奏議

卷四十四

八

萬二千餘石合無仰懇

皇上格外

恩施

俯准留於直隸作為各屬減價平糶之用謹

奏

嘉慶十九年四月初一日奉

上諭那彥成奏將天津北倉卸貯奉米撥給二萬二千餘

石懇請留直平糶等語直隸省現在米價增昂各州縣

應需平糶之處甚多着加恩將上年卸貯天津北倉奉

米應還通倉米石內除尚未運到并抵撥各處支用外

餘存米二萬二千餘石均留於該省作為各處減價平糶之用該部知道

嘉慶十九年五月二十九日

奏為查明大名府屬紳民捐輸煮賑銀米數目分別等

差恭摺奏懇

聖恩以示獎勵事竊查大名府屬州縣上年秋禾被旱開

州東明長垣三處又被賊匪滋擾所有災難貧民

仰蒙

鴻慈賑卹

加賞口糧均已渥被

那文毅公初任直隸總督奏議

卷四十四

九

恩膏無虞失所惟今春青黃不接之時尚有乏食窮黎以

及外來流丐必須酌量接濟以資餬口經臣與前

署督臣章煦并司道府等議捐養廉銀兩在於開

州東明長垣三州縣境內設廠煮賑嗣因元城大

名南樂清豐四縣於散放口糧之後距麥秋尚早

仍飭大名道屠之申大名府知府劉寶第於該四

縣一體勸捐設廠煮粥業已先後奏

聞惟是臣等所捐養廉共止一萬五千兩本不敷七州縣

煮賑之用曾於商議煮賑之初飭該州縣出示勸

諭本地殷實紳民不拘銀米酌量捐助事竣加以

獎勵旋據各州縣陸續稟報有捐納同知胡鑑堂等或捐米石或助銀兩甚為踴躍均經批令彙案詳辦並於具奏元城等四縣開設粥廠摺內陳明在案茲查大名府屬二麥刈獲登場民間已有口食開州等三州縣粥廠於三月底停止元城等四縣粥廠於四月底停止除南樂清豐二縣並無紳民捐輸外其餘開州等五州縣捐輸紳民據大名道屠之申查明該紳民胡鑑堂等三十一名捐助銀米數目開單詳奏前來查胡鑑堂等誼篤桑梓各捐銀米煮賑俾待哺貧民均資果腹實堪

那文毅公初任直隸總督奏議

卷四十四

十

嘉尚似應奏請

恩施以示優獎謹酌定等差開列清單恭呈

御覽合無仰懇

聖恩分別

賞給議叙頂戴以為急公慕義者勸再捐輸銀米無多之

紳民已飭大名道府給予匾額示獎謹

奏奉

硃批所請太覺冒濫朝廷名器豈那彥成市恩之具耶另

有旨

嘉慶十九年六月初二日奉

上諭那彥成奏查明大名府屬捐輸煮賑紳民懇請獎勵一摺上年大名府屬州縣被災地方窮黎乏食該紳民誼敦任卹捐輸銀米拯濟鄉閭原係義所當為卽地方大吏嘉其好善樂施奏請獎勵亦當示以限制名器豈容太濫所有單開之候選同知胡鑑堂候選教諭李叙曾候選縣丞李友曾着加恩交部議叙其捐米一百石之朱塔郭允洪胡德隆董克忠胡郁文王克念傅永年李連喜石培金賴成德金盤銘李元欽劉天香捐銀四百兩之朱漢書劉士奇張蘭坡俱着賞給八品頂戴其捐米五十石捐銀二百兩者均無庸議該部知道摺單

那文毅公初任直隸總督奏議

卷四十四

十一

并發

嘉慶十九年五月初七日

奏為恭懇

聖恩減價平糶以裕民食事竊查直隸邢臺等州縣上年

秋收歉薄米糧稀少價值昂貴必須減價平糶方

可以裕民食前經奏請將天津北倉餘存奉米二

萬二千餘石留於直隸作為平糶之用仰蒙

恩旨允准經行司欽遵知照在案伏查定例荒歉之年

各督撫當確查實在情形將必須減糶若干始與

民食有益之處一面奏

聞一面辦理今邢臺等州縣市集次粟米價竟有賣至五兩以上者若不減價平糶勢必日見增昂民間買食未免愈覺艱難茲據藩司素納詳請援照嘉慶十四十六等年奏明減糶之案按市集次粟米價在一兩八錢至二兩者每石減銀二錢二兩以上至二兩五錢者每石減銀三錢二兩六錢至三兩者每石減銀四錢其三兩以上未免過昂不必按價遞減每石總以二兩五錢定價出糶其數在一兩八錢以內者仍照常例每石減銀一錢毋庸再請議減如此區分辦理糧價似可漸就平減於民食大有裨益所需米石在於

那文毅公初任直隸總督奏議

卷四十四

十一

恩賞餘存奉米內酌量派撥赴津領運照此減價平糶如各該州縣倉儲充裕或有隣近州縣可以協撥應飭令就近動用以省運脚臣仍飭各該州縣嚴禁市僧囤販並胥役人等滋弊以期實惠及民仰副聖主愛養斯民之至意謹

奏

嘉慶十九年五月初九日奉

上諭那彥成奏請減價平糶以裕民食一摺前因邢臺等州縣上年秋收歉薄糧價較昂准將天津北倉餘存奉

米二萬二千餘石留於直隸平糶茲據該督奏查明邢臺等州縣市集次粟米價有賣至五兩以上者亟應減價平糶以濟民食着照所請米價在一兩八錢至二兩者每石減銀二錢二兩以上至二兩五錢者每石減銀三錢二兩六錢至三兩者每石減銀四錢其三兩以上毋庸按價遞減每石總以二兩五錢定價出糶其數在一兩八錢以內者仍照常例每石減銀一錢所需米石即於餘存奉米內酌量派撥赴津領運區分減糶如各該州縣倉儲素充或鄰近州縣可以協撥即就近動用以省運費該督務飭各州縣實心經理嚴禁胥役市

那文毅公初任直隸總督奏議

卷四十四

十二

偷侵漁回積以期實惠及民該部知道

嘉慶二十年四月初五日

奏為大名南樂清豐等三縣沿河積潦村庄歷年緩徵

錢糧恭摺奏懇

聖恩俯准豁免以紓民力事竊照大名南樂清豐三縣因嘉慶十年衛河上游南岸決口以致該縣等沿河七十餘村庄地畝被水淹浸每年應納正耗錢糧

蒙

恩照例緩徵在案上年據大名道屠之申勘明形勢擬於大名縣之北善村清豐縣之南留固等處挑挖溝

渠將各該村積水洩注潭坑引入黃河故道由元城縣小灘地方引歸衛河詢之各村民情願自行出夫分段挑挖並請官為彈壓等情繪具圖說稟經臣奏奉

諭旨積水淹浸田畝鄉民自願疏消以利耕種自應俯順輿情令其興辦該督飭知地方官妥為彈壓勿令胥吏人等藉端滋擾欽此當即轉飭遵照嗣據該道屠之申詳稱督飭各地方官傳集村民按照錢糧多寡均勻出夫分段挑挖自五月二十日開工起至八月十五日止挑挖完竣一律通暢積水已由黃河故

那文毅公初任直隸總督奏議 卷四十四 古

道滙注元城縣小灘地方仍歸衛河水路原被水占地畝全行涸出並請將嘉慶十年至十八年各村糧賦共緩徵正耗銀一十萬四千四百七十一兩零懇

恩豁免等情臣查大名南樂清豐三縣積潦村莊地畝既將積水疏消地已涸出所有歷年舊欠自應完納以重

國賦未便請豁當經駁飭催令追解去後茲據大名道屠之申詳稱當經出示曉諭并飭大名等縣上緊催徵今據各該村鄉民咸以附近河濱地本瘠薄

復因水佔失業已閱九年之久實與偶被偏災不同且有遷移在外之家甫還故土尤為艱窘今幸薄收稍資餬口若積欠錢糧全須完納實形竭蹶顯求逾格矜憐并據大名等縣以被淹涸出村莊應完舊欠糧銀節經催迫仍未完納訪察民情實因力有不逮并非無故拖欠等情由該道並藩司轉詳前來臣覆加體察該村民被淹疾苦本屬實在情形現在地雖涸出而積欠已有九年之多實係積欠在民當此元氣未復之時若一概徵輸民力實有不足可否仰懇

那文毅公初任直隸總督奏議 卷四十四 古

天恩將大名南樂清豐三縣被水村莊自嘉慶十年起至十八年止未完地糧正耗銀十萬四千四百七十一兩餘兩

恩予全行豁免俾民力稍紓得以盡心隴畝則共慶生成益沐

鴻慈靡既如蒙

俞允再將村莊糧戶應免數目造冊送部查核謹奏

嘉慶二十年六月初一日奉

奏為查明大名等三縣積澇村莊歷年緩徵錢糧民力

驟難輸納恭摺奏懇

聖恩再予展緩事竊臣承准軍機大臣字寄欽奉

上諭那彥成奏請將大名南樂清豐等三縣沿河積潦村

莊歷年緩徵錢糧懇恩全行豁免一摺向來各省偶遇

偏災經該督撫等奏請蠲緩朕無不立予恩施此次那

彥成所奏大名等縣前被積水淹浸地畝業已疏涸

出失業之民俱有可耕之地並非現值災歉何得遽請

將舊欠錢糧全行豁免所奏難以准行著該督再詳加

察看如該村莊地畝甫經涸出民氣未復驟將九年積

欠同時並徵民力實有不逮或量分年限請予展緩尚

那文毅公初任直隸總督奏議

屬可行俟該督查明具奏到日再降諭旨欽此仰見

皇上於慎重正賦之中仍寓

惠愛黎元之意當即欽遵飭查去後茲據藩司錢臻轉據

大名道屠之申查明具詳呈請奏懇

聖恩再予展緩前來臣伏查大名南樂清豐等三縣沿河

七十餘村莊地畝因嘉慶十年衛水倒漾全被淹

沒嗣於十二三四五六等年連被水災以致積澇

未涸小民失業已歷九年之久上年經大名道勘

明形勢勸諭被淹各村莊民人挑挖溝渠始將積

水引歸黃河故道與偶被水淹旋即消涸者輕重

懸殊現據該司道查明該三縣沿河村莊地畝雖

已涸出惟被淹年久隴畝不分兼有水冲沙壓之

處已與荒灘無異必須逐漸開墾培植方可一律

布種以期有秋刻下卽有種植禾稼之處亦屬不

成片段小民積困之後所收糧食尙不敷完納新

賦養贍家口實屬元氣未復所有歷年緩徵錢糧

該司道察看民情驟難輸納自係實在情形合無

仰懇

皇上格外

天恩將大名南樂清豐等三縣積澇村莊歷年緩徵錢糧

那文毅公初任直隸總督奏議

展緩二三年俟涸出地畝普律成熟再行察看民

情年景議定年限

奏請帶徵以廣

皇仁而蘇民困謹

奏

嘉慶二十年六月初三日奉

上諭那彥成奏查明大名等縣積澇村莊歷年緩徵錢糧

懇恩再予展緩一摺直隸大名南樂清豐等三縣沿河

七十餘村莊地畝前因衛水倒漾全被淹沒嗣又連年

被水積澇未涸上年始經挑挖溝渠將積水引歸黃河

故道茲據該督查明該處地畝被淹年久必須逐漸開墾方可一律布種著加恩將大名南樂清豐等三縣積澇村莊歷年緩徵錢糧再予展緩二三年俟涸出地畝普律成熟再分定年限奏明帶徵以紓民力該部知道

嘉慶二十年六月二十七日

奏為查明二麥實在被旱歉收州縣應徵新舊錢糧懇恩緩至本年秋後啟徵以紓民力事竊照本年四月及五月初間據順天東路南路西路三廳并河間保定正定三府及冀深二直隸州所屬各州縣因雨澤愆期二麥被旱歉收先後稟請緩徵當經 臣 批司

那文毅公初任直隸總督奏議

卷四十四

六

轉飭確查詳辦一面於

題報二麥實收分數案內聲明俟各屬查覆到日再行核奏在案茲據各該管府廳州查明所屬各州縣境內所種二麥上年冬雪甚少本年自春徂夏雨澤又復愆期以致麥苗黃萎未能長發直至五月十二日以後始得透雨大田尚可播種二麥實已歉收刻下正值青莩不接之時若將新舊錢糧照舊催徵民力不無拮据應請轉請緩徵等情由藩司錢臻覆核具詳請奏前來 臣 覆查無異理合奏懇

聖恩將二麥被旱歉收順天府屬之通州武清文安大城永清東安良鄉涿州保定府屬之清苑滿城安肅定興新城博野望都容城蠡縣雄縣祁州安州新安河間府屬之河間獻縣阜城肅寧任邱交河景州正定府屬之正定獲鹿元氏贊皇晉州無極藁城新樂冀州屬之武邑衡水深州並所屬之武強等四十州縣應徵本節年錢糧旗租並出借倉穀折色口糧等項一體緩至本年秋後啟徵以紓民力謹

那文毅公初任直隸總督奏議

卷四十四

九

嘉慶二十年六月二十九日奉

上諭那彥成奏查明二麥歉收州縣懇恩緩徵一摺順天等府屬州縣所種二麥上年冬雪未足本年三四月間缺雨麥收歉薄現雖澍雨霑足大田長發但新穀尙未登場若將新舊錢糧照例催徵民力不無拮据加恩著照所請將順天府屬之通州武清文安大城永清東安良鄉涿州保定府屬之清苑滿城安肅定興新城博野望都容城蠡縣雄縣祁州安州新安河間府屬之河間獻縣阜城肅寧任邱交河景州正定府屬之正定獲鹿元氏贊皇晉州無極藁城新樂冀州屬之武邑衡水深

州並所屬之武強等四十州縣應徵本年節年錢糧旗租並出借倉穀折色口糧等項一體緩至秋後啟徵以紓民力該部知道

嘉慶二十一年五月初八日

奏為查勘正定等縣被雹情形據實覆

奏事竊臣先據正定縣稟報該縣於四月十四日得雨

四寸未雨之先風雷大作帶有冰雹行路及耕作之人猝不及避間有傷斃人命當即飛檄正定府

率同該縣迅速查勘於四月十八日附片陳奏一面檄委候補道府陶樑賚帶銀兩會同查明傷斃

那文毅公初任直隸總督奏議

卷四十四

三

人口確數分別撫卹旋據藁城贊皇靈壽元氏井陘欒城等縣稟報毗連處所均間有冰雹內惟藁城贊皇亦有傷斃人口之事臣復添派清河道韓文綺馳往會同確實查勘隨於二十二日承准軍機大臣字寄欽奉

上諭據另片奏正定縣於本月十四日風雷大作帶有冰雹間有傷斃人命等語所奏殊未明晰冰雹至於傷斃人命實屬罕事著該督卽行飭查是日冰雹起於何時訖於何時雹形約有何許之大所傷人口共有幾名應撫恤者卽行撫恤一并詳悉查明據實覆奏欽此又經

臣飛行該道府等欽遵詳查去後茲據該道府等稟稱查勘正定府城迤北一帶沙地居多種植二麥甚少現在麥苗均已秀實并無被雹之處惟東南西三路被雹五十二村莊二麥間有損傷各村民俱已補種棉花豆穀等項現在出土青葱詢據各鄉民咸稱一回雹西刻先起狂風繼以冰雹從西北而至雹形大至徑寸小者如豆約計一時有餘戌末亥初復得雨四寸是日午前天氣亢熱村民俱穿單衣力作一時走避不及內有被雹擊傷而死者亦有因風冷氣寒奔逃撲跌搏擊之下因

那文毅公初任直隸總督奏議

卷四十四

三

而氣閉致死者先後致斃共有九十一名口旋赴藁城贊皇二縣勘訊藁城縣被雹共二十四村莊贊皇縣被雹共七十八村莊其起風被雹得雨情形大畧與正定相同藁城縣各村傷斃二十八名口贊皇縣傷斃二名該縣等先已分別有力無力量加賞卹現經委員陶樑遵照劄飭查明被傷身死之家每戶又賞銀二兩已資接濟被雹地畝亦俱補種察看正定贊皇藁城三縣民情僉稱上年種麥之區一縣統計不過十分之三現在被雹之區一縣統計不過三分之一大田秋收並無妨礙

其被傷二麥之處早經各村民乘雨補種棉花豆
穀一律齊全訊無願借籽種之人其應完本節年
地糧照例為被雹之村另請緩徵民力已紓輿情
安帖毋庸再行議卹至靈壽縣屬惟東南一帶南
寨二十餘村間有小雹麥禾受傷甚輕元氏縣屬
惟西鄉臺城三村間有小雹麥禾受傷亦輕井陘
縣屬惟東南鄉胡家灘二處間有小雹麥田並無
妨礙樂城縣屬惟東南鄉故意等二十四村間有
小雹麥苗不致歉收均可毋庸議卹請緩等情具
稟前來 臣覆加詳核此次正定府屬之被雹各縣

那文毅公初任直隸總督奏議

卷四十四

三

惟正定藁城贊皇有傷斃人口之事業據各該縣
及 臣派委韓文綺陶樑等先後撫卹接濟各該家
屬無不感戴

皇仁同聲臚頌其麥禾受傷之處俱因節氣尚早乘雨改
種秋禾止係一隅中之一隅至靈壽元氏井陘樂
城等縣間被小雹村莊俱因毗連之處犬牙錯雜
其被雹隴畝亦止相連一線畛域並非甚寬現據
該縣等稟覆實可無礙收成不惟無須撫卹並借
給籽本亦可毋庸議及核與該道府等會勘情形
無異除飭將正定藁城贊皇三縣應緩徵村莊

開造頃畝另行照例辦理外 臣仍檄飭該府將靈
壽等縣勘明被雹甚輕各村暫免應辦襍差仰副
聖主軫惠黎元有加無已之至意謹

奏奉

硃批知道了

嘉慶二十一年五月二十七日

奏為正定等縣二麥被雹村莊應徵本節年糧租恭懇
聖恩緩至秋後啟徵以紓民力事竊查正定府屬正定縣
於四月十四日被雹并洵傷斃人口之事經 臣附
片奏

那文毅公初任直隸總督奏議

卷四十四

三

聞一面飛飭正定府率同該縣迅速查勘并委候補道府
陶樑賚帶銀兩會同查辦分別撫卹嗣據藁城贊
皇靈壽元氏井陘樂城等六縣稟報同日被雹其
藁城贊皇二縣亦有傷斃人命復經 臣添派清河
道韓文綺馳往會同灌勘旋奉

諭旨所傷人口共有幾名應撫卹者即行撫卹詳悉查明
據實覆奏欽此隨據清河道韓文綺等勘明正定縣被
雹五十二村莊傷斃人口九十一名藁城縣被雹
二十四村莊傷斃人口二十八名贊皇縣被雹七
十八村莊傷斃人口二名其靈壽元氏井陘樂城

等四縣被雹較輕并未傷斃人口該道等查明被傷身死之家遵

旨撫卹每戶給銀二兩具稟臣覆奏在案茲據藩司錢臻

轉據該道府等勘明正定藁城贊皇三縣被雹村

莊二麥歉收三四分不等所有應徵新舊錢糧議

請緩徵前次臣正定藁城贊皇等三縣本年二

麥被雹雖勘明僅止歉收三四分例不成災均可

及時補種秋禾而被傷人口之家又蒙

聖慈撫卹固已仰沐

皇仁同聲感頌但補種秋禾不無多糜籽亦民力究未免

那文毅公初任直隸總督奏議

卷四十四

五

拮据自應量為調濟以示體卹合無仰懇

皇上格外

天恩俯准將正定藁城贊皇等三縣被雹村莊應徵嘉慶

二十一年並節年新舊糧租等項緩至本年秋後

徵徵以紓民力其不被雹村莊應徵糧租仍照例

徵收至該三縣被雹傷斃人口共一百二十一名

除七名並無家屬飭令地方官妥為斂埋外其餘

一百十四口每名賞給銀二兩共需銀二百二十

八兩應請在於司庫地糧銀內動支報銷再查靈

壽元城井徑樂城等四縣被雹較輕二麥收成並

無妨礙毋庸緩徵謹

奏

嘉慶二十一年五月二十九日奉

上諭那彥成奏正定等縣被雹村莊應徵本年節年糧租

懇恩緩徵一摺直隸正定等三縣村莊本年二麥被雹

收成歉薄現雖有籽禾多糜籽本民力未免拮据著

加恩將正定藁城贊皇等三縣被雹村莊應徵二十一

年並節年新舊糧租等項緩至本年秋後徵以紓民

力其被雹傷斃人口卹賞銀兩准其在於司庫地糧內

動支報銷該部知道摺併發

那文毅公初任直隸總督奏議

卷四十四

五

嘉慶二十一年六月二十六日

奏為查明二麥歉收州縣應完舊欠糧租奏懇

聖恩俯准緩徵以紓民力事竊照直隸地方本年春夏以

來仰托

聖主洪福雨水調勻為收年來所未有通省所種二麥普

律豐收惟是正定府屬之正定藁城贊皇等三縣

間有被雹損傷保定府屬之博野邢州深州武強

饒陽安平等六州縣得雨畧少二麥收成稍減先

據各該州縣陸續稟報均經分路委員會同本管

道府州確查勘報所有正定藁城贊皇等三縣二

麥被雹歉收村莊應徵本節年糧租經臣先行奏請緩徵仰蒙

恩准在案茲據藩司錢臻轉據該道府州等勘明博野等

六州縣本年二麥被旱歉收分數議請緩徵前來

臣覆查博野等六州縣本年春夏之際得雨未濕

二麥收成尚歉既據勘明歉收三四分不等若將

該州縣應徵新舊糧租同時並徵民力不無拮据

合無仰懇

皇上格外施恩將博野邢州深州武饒陽安平等六州

縣應完嘉慶十九年以前節欠糧租等項一體緩

那文毅公初任直隸總督奏議 卷四十四 三

至本年秋後啟徵以紓民力則仰荷

鴻慈益無既極矣謹

奏

嘉慶二十一年六月二十八日奉

上諭那彥成奏查明二麥歉收州縣懇請緩徵一摺直隸

省本年春夏以來雨澤應時二麥普報豐收惟博野等

州縣一隅缺雨麥收稍歉着加恩將博野邢州深州武

強饒陽安平六州縣應完嘉慶十九年以前節欠糧租

等項一體緩至本年秋後啟徵以紓民力該部知道

嘉慶二十一年六月二十九日

奏臣接據霸昌道齡住稟稱南路同知許嗣容稟報所

屬之文安東安等處間有飛蝗停落該廳業已前

往督同捕拏該道隨往查勘旋接許嗣容稟稱文

安東安等處因去歲秋汛破堤魚蝦遺種河邊荒

澗之地間有蝗孽滋生是以文安縣之界偉三官

東安縣之界金官屯等處五六村莊均有飛蝗

停落所幸族類未蕃易於撲滅連日又值大雨滂

沱業已撲滅淨盡無餘等語臣伏查本年雨暘時

若禾苗最為飽茂刻下溽暑蒸熱如使蝗孽滋生

為害匪淺今文安等處所生蝗孽幸未蕃衍雖經

那文毅公初任直隸總督奏議 卷四十四 三

撲滅淨盡第恐再有竊發已一面嚴飭該縣等不

得以現在淨盡稍存大意并飭各屬一體加意

防維毋使萌生為患謹

奏奉

硃批覽

嘉慶十九年十一月二十三日

奏為查明上年災歉州縣應徵積欠糧租等項小民力

難新舊並納奏懇

天恩俯准分別帶徵以紓民力事竊查直隸邢臺等四十

五州縣上年麥禾被旱被水被雹開州東明長垣

三州縣被賊滋擾又獲鹿等四十二州縣本年二
麥被旱歉收所有應徵本節年糧租並借欠倉穀
折色口糧等項節經臣奏蒙

恩旨緩至本年秋後徵小民感戴

皇仁無不同聲臚頌惟查直屬地方本年秋禾實收通省
僅止七分有餘其中有上年被災較重又有連年
災歉及附近賊匪之區今自秋間開徵以來雖經
督飭各州縣實力催徵無如民間元氣未能驟復
完解新糧已形竭蹶舊欠臣實難兼顧臣察看
情形若將本節年糧租等項同時並徵民力實有
那文毅公初任直隸總督奏議

卷四十四

天

皇上格外

天恩俯准將霸州定興新城完縣邢臺南和平鄉廣宗鉅
鹿任縣邯鄲肥鄉曲周廣平雞澤威縣隆平寧晉
等十八州縣十八年秋禾被災五六七分地畝蠲
剩應分二年帶徵十八年錢糧以及借給本折口
糧倉穀等項自二十年起分作四年帶徵成災八
九分地畝蠲剩應分三年帶徵十八年錢糧以及
借給本折口糧倉穀等項自二十年起分作五年
帶徵再該十八州縣上年勘不成災地畝緩徵十

八年以前糧租并借欠倉穀等項同文安東安清
苑唐縣東鹿安州故城青縣靜海滄州鹽山沙河
唐山內邱天平成安磁州元城大名南樂清豐龍
門冀州南宮新河棗強曲陽等二十七州縣上年
勘不成災地畝緩徵十八年以前糧租并借欠倉
穀折色口糧等項自二十年起亦請分作三年帶
徵其十九年糧租自應仍於本年秋後徵收以示
區別如此分限帶徵庶民力益覺寬裕感沐
聖慈更無既極至開州東明長垣三縣十八年以前錢
糧并借給本折口糧倉穀等項業經奉

那文毅公初任直隸總督奏議

卷四十四

天

恩豁免又獲鹿等四十二州縣內有本年秋禾被雹被霜
被水被蟲村莊應行緩徵者臣照原奉
諭旨辦理其餘僅止二麥被旱應徵新舊糧租開州東明
長垣三州縣應徵十九年新糧等項仍應遵照按
限徵解謹

奏

嘉慶十九年十一月二十五日奉

上諭那彥成奏查明上年災歉州縣應徵積欠糧租等項
懇請分別帶徵一摺據稱直屬地方本年秋成通省僅
止七分有餘其中有連年災歉上年被災較重並被賊

滋擾之區小民完解新糧已形竭蹶若將節年糧租等項同時並徵民力恐有不逮等語所奏自屬實在情形加恩著將霸州定興新城完縣邢臺南和平鄉廣宗鉅鹿任縣邯鄲肥鄉曲周廣平雞澤威縣隆平寧晉等十八州縣十八年秋季被災五六七分地畝蠲剩應分二年帶徵十八年錢糧以及借給本折口糧倉穀等項自二十年起分四年帶徵其成災八九分地畝蠲剩應分三年帶徵十八年錢糧以及借給本折口糧倉穀等項自二十年起分五年帶徵再該十八州縣上年勘不成災地畝緩徵十八年以前糧租並借給倉穀等項著

那文毅公初任直隸總督奏議

卷四十四

三

與文安東安清苑唐縣束鹿安州故城青縣靜海滄州鹽山沙河唐山內邱永年成安磁山元城大名兩樂清豐龍門冀州南宮新河棗強曲陽等二十七州縣上年勘不成災地畝緩徵十八年以前糧租並借欠倉穀折色口糧等項均自二十年起分作三年帶徵以紓民力其本年糧租仍於秋後徵收至上年被賊之開州東明長垣三州縣除十八年以前秋糧並借給本折口糧倉穀等項前已加恩豁免本年被災之獲鹿等四十二州縣村莊分別緩徵外其餘僅止二麥被旱應徵新舊糧租及開州東明長垣三州縣應徵十九年新糧等項俱

仍按限徵收該部知道

嘉慶十九年五月十五日

奏為各屬續報二麥被旱歉收所有應徵新舊糧租恭

摺奏懇

聖恩俯准緩徵以紓民力事竊照直隸邢臺等四十八州縣連年災歉間閭元氣未復又獲鹿安平二縣上年秋收未能豐稔冬春雨雪稀少所種二麥未能滋長民力拮据經臣奏請將應徵嘉慶十九年暨十八年以前新舊糧租並借欠倉穀等項分別展緩至本年秋後啟徵欽奉

那文毅公初任直隸總督奏議

卷四十四

三

恩旨允准業已敬謹謄黃遍行張貼曉諭小民感戴皇仁無不同聲歡頌茲據藩司素納彙核詳請緩徵前來臣查大城等三十四州縣本年二麥被旱歉收與獲鹿安平二縣情形相似合無奏懇天恩俯准將大城永清涿州滿城安肅博野望都容城蠡縣雄縣祁州高陽新安獻縣阜城景州南皮正定井陘行唐靈壽平山元氏無極贊皇晉州藁城新樂武邑深州武強饒陽定州深澤等三十四州縣應完本節年錢糧及旗租倉穀折色口糧銀兩等項一體緩至本年秋後啟徵以紓民力則小民感

沐

鴻慈益無既極謹

奏

嘉慶十九年五月十七日奉

上諭那彥成奏陸續二麥歉收州縣懇恩緩徵一摺直隸大名等三十四州縣因冬雪稀少春夏雨澤愆期二麥收成歉薄若將新舊糧租按期納完民力未免拮据著加恩將大城永清涿州滿城安肅博野望都容城蠡縣雄縣祁州高陽新安獻縣阜城景州南皮正定井陘行唐靈壽平山元氏無極贊皇晉州藁城新樂武邑深州

那文毅公初任直隸總督奏議

卷四十四

三

武強饒陽定州深澤等州縣應完本年暨節年錢糧並旗租倉穀折色口糧銀兩等項一體緩至本年秋後啟徵以紓民力該部知道摺併發

嘉慶十九年六月十八日

奏續據大興宛平通州固安易州涑水等六州縣稟報

當二麥揚花結穗之時因缺少雨澤收成歉薄由

藩司素納具詳前來臣查核被旱情形與前次

奏准緩徵之獲鹿大城等縣相似所有大興等六州縣

應徵本年節年新舊錢糧租銀並借欠倉穀等項

合無仰懇

皇上天恩俯准一體緩至本年秋後啟徵以紓民力謹

奏

嘉慶十九年六月二十日奉

上諭那彥成奏大興等縣二麥歉收懇恩一體緩徵等語本年大興等六州縣因缺少雨澤以致二麥收成歉薄與前次恩准緩徵之獲鹿大城等縣情形相似若將新舊錢糧照例徵輸民力未免拮据所有大興宛平通州固安易州涑水六州縣應徵本年節年新舊錢糧租銀並借欠倉穀等項俱著加恩緩至本年秋後啟徵以紓民力該部知道

那文毅公初任直隸總督奏議

卷四十四

三

嘉慶十九年八月二十四日

奏查豐潤寶坻龍門定州東安青縣靜海滄州鹽山新

河冀州懷安肥鄉東鹿文安等十五州縣本年秋

禾被水被旱被雹被蟲村莊應徵嘉慶十八年以

前暨應徵十九年錢糧旗租並借欠倉穀等項若

照舊徵收民力未免拮据現屆開徵之期理合奏

懇

天恩俯准緩至嘉慶二十年麥收後啟徵其成熟村莊應

徵糧租等項仍照例徵收以紓民力而示區別據

藩司素納具詳請奏前來理合奏明謹

奏

嘉慶十九年八月二十四日奉

上諭那彥成奏查勘秋禾畧有損傷各州縣情形懇恩緩徵等語直隸豐潤等十五州縣本年秋禾間有被水被旱被雹被蟲之處現屆開徵之期若照例徵收民力未免拮据著加恩將豐潤寶坻龍門定州東安青縣靜海滄州鹽山新河冀州懷安肥鄉束鹿文安十五州縣被災各村莊應徵嘉慶十八年以前暨十九年錢糧旗租並借欠倉穀等項一體緩至二十年麥收後秋徵以紓民力其成熟村莊應徵糧租等項仍照例徵收該部知道

那文毅公初任直隸總督奏議

卷四十四

三

道

嘉慶十九年十月二十二日

奏為續報秋禾被水被霜被蟲州縣恭摺奏

聞事竊照豐潤十五州縣本年秋禾其被水被旱被雹被蟲各村莊前據各該州縣陸續稟報經臣先後具奏欽奉

諭旨將應徵本年節年糧租並借欠倉穀等項緩至二十年麥收後啟徵其成熟村莊應徵糧租仍照例徵收欽此遵即騰黃遍貼曉諭一面分飭本管道府廳州委員會同查勘在案嗣又據景州以六七月間大

雨如注低窪地畝一時宣洩不及以致禾苗間被淹浸又清苑滿城安肅唐縣博野望都完縣祁州南皮正定新樂易州等十二州縣於本月十四十五等日驟降嚴霜所種晚禾受傷顆粒未能飽綻又大城新安等二縣所種禾苗因生粘蟲收成歉薄各等情先後稟報到臣又經批司委員會同勘辦茲據具報勘明各該州縣被水被霜被蟲村莊秋禾各歉收三四分不等并有成災五分之處由藩司錢臻覆核具詳請奏前來伏查定例秋收三四分及成災五分應將糧租分別蠲緩并酌借籽

那文毅公初任直隸總督奏議

卷四十四

三

種口糧今原續報本年秋被災歉之豐潤等州縣秋禾統計尚屬有收其被水被旱被雹被霜被蟲村莊雖係一隅中之一隅第既歉收成災民力不無拮据自應照例辦理相應奏懇

天恩俯准將景州清苑滿城安肅唐縣博野望都完縣祁州南皮正定新樂易州大城新安等十五州縣被水被霜被蟲各村莊應徵本年節年錢糧旗租並借欠倉穀等項先行照例一體緩至二十年麥收後啟徵仍遵現奉

諭旨來春青黃不接之時如有應須接濟之處再行據實

具奏再查原續報本年災歉州縣內成熟村莊除成災五分者照例緩徵外其餘成熟地畝應徵新舊糧租等項仍照例徵收又前次具奏懷安縣本年秋禾被雹現據勘報於收成並無妨礙應請別除毋庸辦理謹

奏

嘉慶十九年十月二十四日奉

上諭那彥成奏續報秋禾被水被霜被蟲州縣懇請緩徵一摺直隸景州低窪地畝因夏秋雨大禾苗被淹情形等州縣驟被秋霜晚禾受傷大城等縣田禾因受蟲災

那文毅公初任直隸總督奏議

卷四十四

美

收成歉薄該州縣村莊各款收三四五分不等民力不無拮据著加恩將景州清苑滿城安肅唐縣博野望都完縣神州南皮正定新樂易州大城新安等十五州縣被水被霜被蟲各村莊應徵本年節年錢糧旗租并借欠倉穀等項一體緩至二十年麥收後啟徵以紓民力其餘成熟地畝應徵旗租仍照例徵收該督前奏被雹之懷安縣今既據勘明於收成並無妨礙著即扣除該部知道摺并發

嘉慶二十年七月初五日

奏為查明永定河北岸七工二十四號漫口下游被淹

村莊並瀝水浸淹各村確數仰懇

聖恩分別蠲緩恭摺奏

聞事竊臣於二十九日到工查勘即日飭委確查下游被

淹村莊去後旋於工次欽奉

諭旨飭將被淹村莊迅速查明奏請撫卹并蒙

恩旨寬免臣及永定河道李于培處分僅罰令臣分賠十

分之三跪讀之下感荷

皇上逾格寬宥

深仁當即望

闕叩頭惟有愧悚奮興益加勤勉所有籌辦漫口情形

那文毅公初任直隸總督奏議

卷四十四

美

另摺陳

奏外茲據東安縣知縣司馬章代理武清縣典史商誌

稟稱該二縣低窪村莊本有瀝水存積又因本年

雨水較大是以積澇較往年為多此次漫口下游

查明因渾水經由被淹較重者東安縣境內之小

益留屯等十二村武清縣境內之七字堤等十二

村僅止渾水漾漫較輕者東安縣之邵家莊等二

十三村武清縣之南北雙廟等九村又東安縣之

北崔家莊等十五村俱因瀝水淹浸非專由漫口

所致各該村民人并無傷損至武清縣瀝水各村

俟查明續報等情嗣經各委員查勘面稟無異
查該處係永定河下口民田廬舍本屬稀少其餘
多係任水蕩漾之區是以東安縣被淹較重者止
有十二村武清縣被淹較重者亦止十二村至該
二縣瀝水各村歷年具奏蒙

聖恩准予蠲緩在案現將被淹較重各村酌量散給儲餅
并發給席片以資搭棚棲止各該處民人感戴

皇仁同聲歡頌察看情形無庸另請撫卹口糧已可不虞

失所所有該二縣漫淹及瀝水各村自應分別診
恤以仰副

那文毅公初任直隸總督奏議

卷四十四

奏

聖慈合無籲懇

皇上天恩將東安縣之小益留屯等十二村武清縣之七
字堤等十二村本年應徵錢糧全行蠲免其東安
縣之邵家莊等二十三村武清縣之南北雙廟等
九村應徵本年錢糧請蠲免十分之五至東安縣
之北崔家莊等十五村應徵本年錢糧請緩至來
歲麥收後開徵并飭武清縣將瀝水各村迅速查
明續奏謹

奏

嘉慶二十年七月初六日奉

上諭那彥成奏查明永定河被淹村莊并瀝水淹浸各村
懇請分別蠲緩一摺直隸東安武清二縣低窪村莊舊
有瀝水積存本年雨水較大積澇尤甚此次漫口下游
間有被淹處所茲據該督查明分別輕重奏請撫恤加
恩著照所請將被淹較重之東安縣小益留屯等十二
村武清縣七字堤等十二村本年應徵錢糧全行蠲免
其被淹較輕之東安縣邵家莊等二十三村武清縣南
北雙廟等九村應徵本年錢糧蠲免十分之五其因瀝
水淹浸之東安縣北崔家莊等十五村應徵本年錢糧
緩至明年麥收後啟徵該部知道摺單并發

那文毅公初任直隸總督奏議

卷四十四

奏

嘉慶二十年九月二十三日

奏為查明秋禾被水州縣大概情形恭摺奏懇
聖恩事竊查直隸地方自本年五月內得有透雨大田播
種以後晴雨應時通省收成豐稔為數年來所未
有惟因永定河北七工漫口兼有濱臨河淀秋雨
稍多之處一時宜洩不及以致武清寶坻薊州霸
州保定文安永清東安清苑新城蠡縣雄縣安州
高陽新安天津青縣靜海滄州津軍廳元城大名
南樂清豐豐潤冀州新河宣晉等二十八州縣廳
低窪地畝間被淹浸節據各該州縣廳陸續具報

經_臣批司委勘一面先將永定河北七工漫口下游之武清東安二縣被淹村莊應徵本年錢糧奏奉

諭旨分別全蠲半蠲緩徵並於奏報秋禾約收分數摺內聲明秋禾被淹州縣俟委員查勘明確照例辦理在案茲據勘報各該州縣應秋禾被水村莊多係歉收三四分內惟永清霸州東安武清雄縣安州高陽等七州縣據報成災由藩司錢臻覆核具詳請奏前來_臣查武清等二十八州縣應本年秋禾被水既有成災之區自應仰體

那文毅公初任直隸總督奏議

卷四十四

旱

皇仁照例蠲賑以示體卹第直屬地方以及隣省今歲大勢豐收其被水成災村莊不過一隅中之一隅所有因災乏食貧民目下自可赴隣近豐收州縣備工度日毋庸先行撫卹祇須散放大賑至向來辦賑係按照災分輕重確查極次貧民銀米兼放今歲秋收豐稔糧價平賤若按部價每米一石折給銀一兩四錢可敷災民買食之用况被水州縣存倉米穀為數無多亦應留為明春借糶之需_臣與藩司錢臻酌議應仰懇

皇上格外天恩將永清霸州東安武清雄縣安州高陽等

七州縣成災村莊應賑乏食貧民照依歷次辦災成案自十一月為始各按成災分數分別極次按月以每米一石折銀一兩四錢全放折色所需折色銀兩在於司庫地糧銀內動撥給領委員確查據實散放務期實惠及民勿任胥役人等從中扣剋滋弊_臣一面委員覆勘如永清等七州縣中有無庸賑濟之處俟查報到日據實剔除總期無遺無濫飭取各該州縣應已未成災頃畝分數冊結同應行蠲緩賑濟各事宜由司妥議具詳_臣覆核題報謹

那文毅公初任直隸總督奏議

卷四十四

旱

奏

嘉慶二十年九月二十四日奉

上諭那彥成奏查明秋禾被水州縣懇恩給賑一摺本年直隸通省秋收豐稔惟因永定河漫口濱臨河淀地方間被淹浸收成歉薄民食不無拮据除武清東安二縣被淹村莊應徵本年錢糧前已降旨分別蠲緩外著加恩將永清霸州東安武清雄縣安州高陽等七州縣成災村莊應賑乏食貧民自十一月為始各按成災分數分別極次貧戶口按月以每米一石折銀一兩四錢全放折色所需銀兩即在司庫地糧銀內動撥給領該督

董飭所屬確切勘明認真經理務期實惠及民勿任吏胥侵冒滋弊該部知道摺并發

嘉慶十九年五月二十四日

奏直隸亢旱已久近又暑熱異常保定及省南一帶時疫頗多醫治竟鮮效驗臣敬體

聖主好生之德亟欲療救惜外間所用之方均屬無益惟內府辟瘟丹最為神效本年春間豫省地方民間染患

瘟疫甚多仰蒙

賞頒良方調治悉就痊愈聞感戴

皇仁實深歡頌合無仰懇

那文毅公初任直隸總督奏議

卷四十四

望

聖慈將辟瘟丹方

恩賜

頒發俾臣得以趕緊配合施捨則小民仰沐

再造之恩於靡既矣謹

奏

嘉慶十九年五月二十六日奉

上諭那彥成奏保定及省南一帶時疫頗多所請辟瘟丹方已飭令抄錄發去該督即照方配製廣為散給以拯

災黎

恭錄

欽頒清瘟解毒丸

牛蒡子 二兩 馬勃 二兩 薄荷 五錢 連翹 二兩

黃連 一兩 元參 二兩 板藍根 二兩 黃芩 一兩

僵蠶 一兩 柴胡 一兩 甘草 五錢

共研細末蜜丸重三錢每服一丸開水送下此方

治天下瘟疫時毒

欽頒藿香正氣丸

藿香 二兩 陳皮 一兩 枳殼 一兩 蘇梗 一兩

大腹皮 一兩 桔梗 一兩 蒼朮 一兩 白芷 一兩

赤茯苓 二兩 厚樸 一兩 半夏曲 一兩 甘草 一兩

那文毅公初任直隸總督奏議

卷四十四

望

共研細末蜜丸重三錢每服一丸白開水送下治

四時一切不正之氣

嘉慶十九年六月十八日

奏臣竊思民為邦本食為民天

皇上軫念窮黎每遇地方偶有災傷不惜千萬帑金隨

時拯濟今年直隸麥收歉薄雨澤稍愆即蒙

垂厯秋成豫為籌計仰見

宵旰憂勤

心殷保赤是以感迓

天和兩旬以來甘霖優沾頗有轉歉為豐氣象臣欽感之

餘實深欣幸惟直隸本係積累之區溯查乾隆五

十九年欽奉

恩旨豁免節年民欠地糧等銀二百餘萬兩出借倉糧等

項一百餘萬石逮乾隆六十年又蒙

恩旨豁免災緩民欠地糧等銀七十餘萬兩出借倉糧等

項二十餘萬石小民疊荷

鴻施最為優渥比年以來連遭歉歲去秋又值兵差體察

民情元氣難以驟復而災歉州縣民欠錢糧積漸

增多迄無完納之實徒有追呼之擾而錢糧終歸

烏有查直省自去年邪匪勦淨以來人心甫經安

那文毅公初任直隸總督奏議

定此時正當仰懇

天恩及時沛澤秀民既痛加懲創良民更普沐

仁膏則

威德兼敷億兆益知感畏但民欠因宜拯卹而

國計亦當周計今查得自嘉慶二年至十八年積款及

大兵經由各州縣民欠地糧及借給折色銀兩共

三百四十餘萬兩米糧穀豆等項共一十四萬餘

石草六萬餘束為數過多臣愚昧之見未可遽議

全行蠲免或分別輕重十分之三四五分酌量乞

恩又未敢冒昧率行陳奏謹先請

那文毅公奏議 卷四十四

聖訓倘蒙

允可并請

明降諭旨令臣查奏以杜市恩之習若未盡協當臣亦不

敢實請謹

奏

嘉慶十九年六月二十日軍機大臣字寄奉

上諭那彥成奏直隸省自嘉慶二年至十八年積欠及大

兵經由各州縣民欠地糧併借給折色銀兩共銀三百

四十餘萬兩米糧穀豆等項共一十四萬餘石草六萬

餘束為數過多請分別蠲免十分之三四五分等語直

隸省前次辦理清查之後業已嚴降諭旨各州縣不准

絲毫再有積虧嗣後亦不得更借清查名目以為掩飾

虧空地步那彥成到直未久復為此奏自係該省屬員

欲將虧空混入民欠之內創為此議覲覲邀免那彥成

受其愆惡率行入奏著傳旨嚴行申飭

嘉慶二十年十二月二十一日

奏為請

旨勅下奉天省照常開糶以裨商運而資民食據稟具奏

仰懇

聖恩事竊據天津道張五緯稟據海運糧商船戶陳和敬

四五三

等稟稱伊等商船派運軍需豆石歷有成規自廣
開海運以來海濱商民排造船隻販運貿遷因有
餘利船始日增不獨內省民食有裨即奉省之軍
需豆石亦借商船載運是以乾隆三十一年奉省
奏請停運欽奉

上諭毋庸禁止數十年來遵照販運商船往返得資餘利
船隻既可時修差運亦能踴躍每逢裝運奉省官
豆之時蒙

賞發水脚之外眾船公議幫貼付與裝差之船彼此兩有
裨益今奉省出示禁糶停運日久本年奉省收成
那文毅公初任直隸總督奏議 卷四十四 癸

並未歉薄仍未聞有開糶之信海濱居民附近天
津寧河等州縣以船為生以商代稼商船停泊水
手失業船隻日見拆毀存者亦多罅漏不特辦公
無資亦且謀生無路轉瞬冰泮即須派運官豆理
合稟懇咨明奉省開糶等情稟請核

奏前來 臣 伏查本年海運稀少春夏以前固有奉省禁
糶入秋以來實因內省各屬年豐糧賤商販難資
餘利是以不禁自減前據該道稟懇業經咨詢奉
省在案今復據情具稟核查此項商船從前原有
六百餘隻近年祇存二百四十餘隻海運本賴商

通官豆更年需裝載所有運豆水脚不敷向係販
運各船出資幫貼以盈補絀集私濟公洵屬均有
裨益且海濱居民童叟水手者不下萬餘人駕駛
而外別無他能又有數百剝船數千挑脚人夫亦
專靠起載營生若停運日久商船不能流通此等

全資駛運為生別無營運之萬數千人轉致不能
謀食嗷嗷束手亦有未便况年例運豆萬難遲悞
瞬屆春融即須派運至此項無業貧民饑寒交迫
人數眾多實堪憫惻 臣 現飭天津道府趕緊籌款
辦理粥廠數處俾資餬口不致流亡惟今歲如此
那文毅公初任直隸總督奏議 卷四十四 甲
來年亦須籌及是奉省禁糶一事終不可長久相

應 奏明請

旨勅下

盛京將軍奉天府尹查明該省收成可以照常通商販
運即奏咨開糶庶商販既可流通民食亦藉充足
謹 奏

容安謹按此奏 奉

旨交

盛京將軍晉公昌查辦

那文毅公初任直隸總督奏議

卷四十四

哭

調劑鼓鑄

嘉慶二十年二月十八日

奏為寶直局爐頭匠役人等額支工料錢文不敷辦公

額懇

聖恩賞借工料以資鼓鑄事據管理寶直局監督事保定

府同知汪洞詳稱據爐頭李鳳鳴等呈稱直隸寶

直局鼓鑄錢文爐頭匠役人等每年額支工食錢

五千六百三十四串二百四十文料價銀合錢四

千五百五十七串一百二十文向在藩庫按月支

領以資食用并採買料物之需從前原可敷衍近

那文毅公初任直隸總督奏議

卷四十四

哭

年以來百物昂貴而工料不能增多爐頭匠役人

等辦理鼓鑄遂形拮据查嘉慶十八年間京城寶

泉局因物價昂貴爐頭等辦公竭蹶請借二年半

工料錢十七萬五千零分作二十五年扣還奏蒙

恩准在案今寶直局事同一例額請懇奏

賞借兩年工食料價錢文俾得生息添補所借之項在額

支工料錢內分作十二年扣還歸款等情由布政

使錢臻核明具詳請

奏前來 臣覆查近來諸物昂貴該局額支工料不敷辦

公尙屬實在情形查該局每月應領工食銀四百

六十九串五百二十文料價銀三百七十九兩七錢六分今請借兩年工食計需錢一萬一千二百六十八串四百八十文又兩年料價按每兩合制錢一串折給計需錢九千一百一十四串二百四十文二共需錢二萬三百八十二串七百二十文該局所鑄錢文飭據查覆現存錢八萬二千七百七十串零合無仰懇

聖恩俯賜援照京局借支工料之案准其借給以資辦公所借錢文分作十二年在於司庫每月請領額支工料錢文內均勻扣還歸款如蒙

那文毅公初任直隸總督奏議 卷四十四 辛

恩允請借前項錢文即飭令藩司照數在於該局鑄存錢文內動撥謹 奏

嘉慶二十年二月二十日奉

上諭那彥成奏寶直局請借支工料以資鼓鑄一摺寶直局額支工料價值向在藩庫按月支領近因物值昂貴辦公拮据該督所請自係實在情形加恩著照所請准其於該局鑄存錢文內借給兩年工食料價錢二萬三百八十二串零俾得生息濟用所借錢文分作十二年在於司庫每月額支工料錢文內均勻扣還歸款

懇准商場出租

嘉慶二十年二月十三日

奏為遵

旨查明長蘆灘副情形實應出租勘曬以紓窳力酌定章程恭摺覆奏事竊臣接准戶部咨開議覆長蘆鹽政奏請將豐財蘆臺兩場灘副租給商民勘曬一摺欽奉

諭旨各場窳地向禁商民租典該鹽政奏請仍許出租以紓窳力是否實於窳戶有益并將來有無滋弊之處著交那彥成查明實在情形覆奏再行核辦欽此 臣遵即

那文毅公初任直隸總督奏議 卷四十四 壬

遊委候補道李于培署河間府事候補道程卓樑前往確查去後茲據查明豐財蘆臺兩場灘副因窳戶無力停曬間有荒廢似應准其出租勘曬等情稟請具

奏前來 臣伏查窳窳以曬鹽為生灘副乃其命產一經典賣無以為業是以嘉慶九年間經前督臣顏檢於辦理豐財場窳戶寇蘭團等呈控商人宋思德等批買灘鹽抑勒減價案內查出商民租典窳灘酌議量減原價回贖以安窳業倘復行私租私典別經發覺即將灘副契價一并撤出入官仍各治

以應得之罪等因奏准部覆飭遵在案洵屬體卹
竈戶不使失業之意但灘副係海濱斥鹵必須挑
濠打埧引水曬晾產鹽始旺若乏工本興修濠埧
則灘副荒蕪便爲棄地奏禁以後在有力竈戶固
可自行經理無力竈戶不能自曬又不敢典賣遂
致坐視失業若不便通調劑不特灘副拋荒產鹽
日形短絀於商運大有關係且竈戶貧乏無力經
營情亦可憫竊思竈戶典賣灘副固干例禁若因
自乏工本出租勘曬亦屬權宜之道蓋竈戶將灘
副出典之後仍係業主將來力量寬裕仍可收回
自曬而商民出本圖利興修已廢灘副產鹽興旺
於

那文毅公初任直隸總督奏議

卷四十四

五

國課民食亦有裨益所有長蘆鹽政奏請將灘副租給
商民之處似屬可行第不明定章程恐致日久滋
弊臣愚昧之見豐財蘆臺兩場無力竈戶灘副應
請准其租給商民勘曬或與商民夥曬所產鹽勛
責成場員實力稽查按引配運倘有影射典賣及
將鹽勛私自出售情事一經察出照例究辦至竈
戶出租後商民修理灘副已費工本刁玩竈戶見
灘已修復增租奪佃或豪強商民勒捐業主不令

收回均未可定亦應定以年限以杜爭訟臣酌議
凡停曬未久修灘工本較少者定限五年准其另
租其停曬日久修灘工本較多者定限八年准其
另租其竈戶收回自曬亦照此限制則業主租戶
兩得其平訟端無自而起如此明定章程既與竈
戶有益亦可不致滋弊謹

奏奉

硃批戶部議奏

那文毅公初任直隸總督奏議

卷四十四

五

請借運本

嘉慶二十年八月二十三日

奏為遵

旨查明覆奏事竊據長蘆鹽政廣惠奏蘆商王瑛以資本週轉不及懇借運本銀三萬兩一摺欽奉

諭旨著那彥成到津察看該商辦運情形其懇借運本銀兩應否借給如事屬可行俟奏到日再行賞借若違例妄請即行參奏議駁廣惠摺發給閱看欽此

臣查閱廣惠原摺僅據聲稱照例請借並未叙明何例何案又稱借領後分作六年歸款並無加息字樣且王

文毅公初任直隸總督奏議

卷四十四

五

瑛祖遺引產業已交官其現在辦運情形是否不致貽誤又造船經費一項係屬何款均未切實聲叙當即咨行該鹽政據實查覆旋據咨稱鹽法誌載雍正年間題留鹽課銀五萬兩作為鹽本接濟貧乏商窳嗣又於蘆商公捐項下留銀三萬七千餘兩收貯運庫照接濟商窳之例以各商公捐之項仍備商窳不時之需經大學士會同戶部議准歷久遵行嗣後遇有新商接辦官引及商人辦運拮据奏明動款借給運本倘銀數較多如通綱所借六十萬八十萬兩加一倍利分年帶完倘銀數

那文毅公初任直隸總督奏議

卷四十四

五

較少如義和泰接辦薊州遵化等處引地借給庫項四萬兩又通綱分領准本白數百兩至萬餘兩不等俱免其加息歷來辦有成案今王瑛請借運本三萬兩因其自置引產俱已呈交歸公隨同眾商完交官租其應交款項繁重若令加息核其引地所得餘利不敷完納是以照案辦理至王瑛辦運情形僅按三年比較於十八年分共運鹽三萬一千三百九十九包十九年分共運鹽二萬一千一百七十七包二十年分共運鹽一萬九千九百八十七包現在求借運本趕辦引鹽係為來春銷數若開春再為辦運必致貽誤至造船經費各商接引捐銀四分四釐有奇至嘉慶十一年排造後應俟下屆排造再行解部現在無須動用是以請於此項內借給並據檢齊卷案咨送前來

臣覆核無異惟查原摺內據商人義和泰李永盛等十商情愿出結具保復據總商人李偉查稟等情是否屬實傳訊該十商等會稱本商如不能歸還情甘分限分賠不歸參課彌補總李偉亦供稱該商得此接濟自可源源週轉不致再有貽累各等語

臣覆查廣惠奏請借給王瑛運本銀三萬兩係

因該商承辦官引酌量調劑核明例案均屬相符
免其出息亦係照案辦理該商辦運情形實形拮
据若不及時接濟勢必悞運叅革不特該商欠欸
繁重貽累通綱且係官引必須另招新商轉需多
借運本不若接濟現商較爲事半功倍臣逐層細
核體察情勢似尙屬可行相應據情

奏明可否俯如該鹽政所奏准於造船經費欸下

賞借該商人王璵運本銀三萬兩俾資接濟之處出自

皇上格外天恩惟原摺內稱俟二十一年奏銷後起分

六年歸欸臣查此項運本既經照案免其出息未

那文毅公初任直隸總督奏議

卷四十四

奏

便緩至六年分還應請於二十一年奏銷後起分

作四年歸欸庶官引益藉充裕庫項亦得早完謹

奏

嘉慶二十年八月二十九日奉

上諭那彥成奏查明蘆商請借運本一摺前據廣惠奏請

借給蘆商王璵運本三萬兩交那彥成查核茲據查明

該商辦運情形現在實形拮据廣惠酌量調劑核與例

案均屬相符加恩著照所請准其於造船經費項下賞

借該商王璵運本銀三萬兩俾資接濟此項運本既照

案免其出息未便緩至六年歸欸著於嘉慶二十一年

奏銷後起限分作四年歸還庫欸該部知道

那文毅公初任直隸總督奏議

卷四十四

奏

恭報雨雪

嘉慶十九年閏二月初三日

奏為據報各屬得雪仰慰

聖懷事竊保定省城於二月二十八九等日得雪三寸有

餘業經臣於二十九日附片奏

聞在案三十日承准軍機大臣字寄奉

上諭京師自本月二十七日陰雲漸布至二十八日醞釀

濃厚已午以後雨雪間作飄灑及夜遂成大雪至本日

寅刻方止計已五寸有餘實為優渥兩日來同雲遠覆

沾被自廣畿南一路大順廣等屬前據報有透雪其正

那文毅公初任直隸總督奏議

卷四十四

奏

定保定河間天津各屬此次雪澤是否均霑著那彥成

查明由驛具奏以慰厯注欽此臣跪誦之下仰見

聖澤

覃敷

天心協應際此春分節候

京畿滹沱甘肅下忱實深欣慶茲據順天府屬之通州

文安大城良鄉涿州房山昌平保定府屬之安肅

滿城安州新城定興雄縣容城望都高陽祁州博

野新安蠡縣完縣唐縣正定府屬之正定新樂阜

平河間府屬之河間任邱肅寧易州並所屬之涿

水深州並所屬之安平饒陽定州並所屬之曲陽

深澤等州縣稟報二月二十八九等日各得雪一

二三四寸不等麥苗得此滋培民情甚為歡悅其

餘各府州屬現尚未據報到理合遵

旨由驛具奏仰慰

聖懷謹

奏奉

硃批欣慰覽之

嘉慶十九年閏二月初十日

奏保定省城並通州等處於二月二十八九等日得有

那文毅公初任直隸總督奏議

卷四十四

奏

雪澤經臣先後具

奏在案茲又據順天府屬之香河武清三河固安永清

保定霸州平谷順義密雲懷柔昌平永平府屬之

臨榆樂亭宣化府屬之宣化赤城萬全龍門蔚州

懷來西寧懷安延慶保安河間府屬之交河正定

府屬之樂城行唐靈壽平山晉州無極藁城廣平

府屬之成安徽州大名府屬之開州承德府併所

屬朝陽豐寧赤峯通永道屬之遵化州易州屬之

廣昌冀州屬之武邑衡水等州縣各據具報於二

月二十八九等日得雪自一寸至五寸不等又廣

平府屬之威縣大名府屬之開州東明長垣宣化府屬之蔚州永平府屬之盧龍臨榆承德府併所屬之豐寧建昌平泉口北道屬之張家口廳獨石口廳易州屬之廣昌等各州縣先據具報於二月初七八並十四五及二十五日得雪自一寸至六寸不等當麥苗長發之時得此雪澤普霑洵為有益足以仰慰

聖懷謹

奏奉

硃批欣慰覽之

那文毅公初任直隸總督奏議

卷四十四

卒

嘉慶十九年閏二月二十日

奏

據各屬報於閏二月初九日宣化府懷來懷安二縣各得雨一寸保定府束鹿縣得雨一寸河間府河間獻縣吳橋景州東光阜城寧津交河故城等州縣得雨一二寸不等天津府滄州南皮慶雲鹽山等州縣得雨一二寸正定府欒城縣得雨一寸順德府邢臺沙河南和唐山內邱任縣鉅鹿平鄉廣宗等縣得雨一二三寸不等廣平府永年邯鄲成安磁州清河肥鄉曲周威縣雞澤廣平等州縣得雨二三四寸不等大名府元城大名南樂等縣

得雨一二三寸不等冀州併所屬棗強南宮新河武邑衡水等縣得雨一二三寸不等趙州併所屬柏鄉隆平臨城等縣得雨一二寸不等深州併所屬武強縣得雨一二寸不等陸續具報前來當此東作方興之際得此時雨滋培麥苗益滋暢發農民甚為歡慶洵足仰慰

聖懷謹

奏奉

硃批欣慰覽之

嘉慶十九年三月二十二日

那文毅公初任直隸總督奏議

卷四十四

空

奏為恭報省城得雨情形事竊照保定省城於閏二月

二十三日得雨二寸之後今將及一月土脈又形乾旱而省南正定府一帶久未得雨尤殷盼望於十九日率同司道虔誠祈禱卽於是日申時起小雨霽霖不疾不徐滴滴入土至戌時止得雨二寸並據各屬申報於三月十四等日順天府良鄉寶坻薊州武清三河平谷香河得雨一二三寸不等宣化府蔚州得雨二寸永平府灤州得雨一寸遷安縣得雨三寸河間府吳橋東光故城寧津景州等州縣得雨一二寸不等天津府天津靜海滄

州等州縣得雨一二寸遵化州併豐潤縣得雨二寸易州廣昌縣得雨一寸各等情前來臣仍率屬虔祈俟得有甘霖再行奏報謹

奏奉

硃批京中得雨二寸不為深透通省被澤速具奏聞惟務實不可虛假

嘉慶十九年四月初七日

奏為保定正定河間三府定州深州趙州冀州等四直隸州上冬雪澤稀少本年春夏以來雖節次得雨亦未霑足連日風狂日烈頗形亢旱臣現在率同

那文毅公初任直隸總督奏議

卷四十四

奎

司道等官虔誠步禱並飭屬一體虔祈如半月之內得有透雨仍可補種大田倘逾期未得雨澤自當查明實在情形奏懇

聖恩照例辦理臣身任地方斷不敢稍存諱飾謹

奏奉

硃批得雨即奏

嘉慶十九年四月初十日

奏為恭報省城得雨情形事竊照保定省城於三月十九日得雨二寸本未霑足旬餘以來風狂日烈土脈又形乾旱農民盼澤甚殷茲於四月初九日申

時起至戌時止得雨三寸不特麥苗藉資長發即大田亦可翻犁補種農民甚為歡欣現在沉陰未歛雨勢尚濃已飛查各屬是否一律均霑俟陸續報到另行具奏謹

奏奉

硃批知道了

嘉慶十九年四月十五日

奏三月二十四五并四月初九初十等日順德府邢臺沙河內邱唐山等縣得雨一二寸不等廣平府永年磁州邯鄲成安廣平威縣等州縣得雨一二寸

那文毅公初任直隸總督奏議

卷四十四

奎

不等大名府東明縣得雨二寸大名元城清豐等縣得雨一二寸不等承德府建昌平泉朝陽等州縣得雨二三寸不等口北道屬張家口廳得雨二寸順天府固安東安保定三河香河薊州霸州通州等州縣得雨一二寸不等保定府安州安肅定興滿城雄縣高陽束鹿祁州新安蠡縣容城博野新城等州縣得雨一二三寸不等河間府河間肅寧任邱交河獻縣等縣得雨一二寸不等天津府滄州得雨一寸正定府藁城新樂無極元氏晉州灤城等州縣得雨一二三寸不等宣化府宣化萬

全延慶等州縣得雨一二寸不等通永道屬遵化
州得雨二寸趙州併所屬隆平臨城柏鄉高邑寧
晉等縣得雨二三寸不等先後申報前來理合奏

聞謹

奏奉

硃批覽

嘉慶十九年五月十八日

奏保定正定河間三府定州深州趙州冀州四直隸州

前因缺少雨澤地方頗形亢旱經臣附片奏

聞欽奉

那文毅公初任直隸總督奏議

卷四十四

奎

硃批得雨即奏欽此臣近兩月以來節次率屬虔誠步禱

該府州等雖均得雨數次但止一二三寸地脈乾
旱已久不過稍為滋潤二麥除低窪地畝尚有薄
收其餘均已枯槁業經失望連日雨勢時作俱被
大風吹散實切焦灼之至臣訪詢鄉間農民據稱
十日之內得有透雨尚可趕種晚秋等語臣現仍
設壇敬謹祈禱旬日之內竟未得雨則地方災
歉已成應如何調濟賑卹之處自當委員查明實
在情形率同所屬悉心酌核奏懇

聖恩斷不敢稍存諱飾仰副

皇上厯念民依之至意日內倘得仰賴
聖主福庇得有透雨再將如何辦理之處恭摺奏

聞仰慰

聖懷謹

奏奉

硃批似汝又因循又糊塗之總督

上天必不降澤極力懺悔改過庶幾有救

嘉慶十九年五月二十六日

奏為恭報省城得雨情形事竊照保定省城四月二十

七日得雨之後至今將及一月未得雨澤頗形乾

那文毅公初任直隸總督奏議

卷四十四

奎

早臣率屬祈禱將及一月官民盼望甚殷茲於本
月二十五日酉時起至戌時止得雨三寸詢知鄉
民低窪地畝已可耕犁刻下節過小暑不能補種
大田而晚禾稂穞尚可補種再得雨水接濟晚秋
尚有可望並據摺差回省稟稱良鄉涿州已得透
雨是日東南一帶雨勢濃厚諒可同被甘澍現已
飛劄行查俟報到日彙奏至各屬內如有未經得
雨成災之處容俟確查再行奏

聞謹

奏奉

硃批續沛速奏

嘉慶十九年五月二十六日

奏現據各屬報五月十九二十等日順天府通州涿州

良鄉懷柔順義昌平密雲等七州縣得雨一二三

寸保定府定興唐縣滿城等三縣得雨一二寸永

平府撫寧臨榆等二縣於五月十五日得雨三四

寸宣化府萬全宣化保安延慶赤城懷安懷來蔚

州龍門等九州縣得雨一二三寸天津府鹽山縣

得雨二寸承德府赤峯豐寧等二縣得雨三四寸

易州併所屬涑水廣昌等二縣得雨一二三寸定

那文毅公初任直隸總督奏議

卷四十四

奏

州曲陽縣得雨一寸各等情前來謹

奏奉

硃批祝現等逆賊總不就獲汝每次奏摺一字不提是何

居心據實回奏

嘉慶十九年六月初一日

奏為省城及順天等府屬續得甘澍並南運河水勢增

長糧船經行可期順利情形恭摺具奏仰祈

聖鑒事竊照保定省城於五月二十五日得雨三寸嗣據

各屬申報五月十一二三等日順天等府大城等

州縣得有雨澤經臣先後奏報在案茲保定省城

復於五月二十七日未時起至戌時止續得雨三

寸又據申報五月二十四二十六等日順天府薊

州平谷永清固安等州縣得雨一二寸及四寸不

等保定府祁州得雨四寸永平府昌黎遷安灤州

撫寧盧龍等州縣得雨三四五寸河間府河間肅

寧交河獻縣任邱等縣得雨二三四寸正定府井

陘縣得雨二寸廣平府廣平縣得雨三寸大名府

開州清豐東明等州縣得雨三五寸南樂縣得雨

五寸以上各州縣前後接連均已深透遵化州併

所屬玉田縣得雨二寸趙州併所屬柏鄉縣得雨

那文毅公初任直隸總督奏議

卷四十四

奏

一二寸深州安平縣得雨一寸定州深澤縣得雨

一寸並據天津道李鑾宣稟稱該道暫駐滄州磚

河催趙糧船五月二十五日卯刻南運河長水一

寸午刻長水三寸是夜亥刻雷電交作大雨如注

子刻以後雨勢稍緩直至二十六日辰刻止得雨

五寸南運河水勢又長四寸測量古淺處所水深

二尺八九寸糧船經行已可無虞阻滯等情稟報

前來臣伏查直隸地方頻年災歉戶鮮蓋藏若非

歲獲有收民食頗難接濟而漕糧為

國家惟正之供官俸兵糈關係更重必得早達

天庾方可期其無悞前因直省雨澤缺少大田不能補種兼之南運河水甚短細糧船行走甚艱臣職司守土目擊情形實屬萬分焦灼茲幸省城甘雨優沾各屬大半深透詢問鄉農僉稱可以補種晚禾連日沉陰甚廣諒可普被甘霖此後再得雨水接濟收成即可有望南運河現在長水九寸糧船足資浮送以後各幫軍船自可銜尾北上早抵通壩此皆仰賴

聖主洪福故能甘膏疊被晚秋可種河水充盈通省官民無不歡欣慶幸理合具奏仰慰

那文毅公初任直隸總督奏議
卷四十四
突

聖懷謹

奏奉

硃批京師一帶自二十九日至初三日得雨深透現尚未

霽

天恩優渥欽感無涯汝職司守土須常存敬勤不可怠玩慎之

嘉慶十九年六月初一日

奏正在繕摺間據各屬具報五月二十五六等日順天府大城霸州等州縣得雨二寸保定府束鹿容城唐縣安肅望都高陽雄縣安州蠡縣新安等州縣

得雨一二三四五寸永平府樂亭縣得雨三寸撫寧得雨三寸河間府景州吳橋東光肅寧故城寧津任邱等州縣得雨一二三四寸天津府南皮青縣得雨二三寸正定府靈壽元氏樂城贊皇阜平藁城新樂無極獲鹿等縣得雨一二三四五寸正定縣得雨深透順德府任邱平鄉廣宗內邱邢臺鉅鹿唐山沙河等縣得雨一二三四寸廣平府曲周廣平成安威縣永年磁州清河等州縣得雨一二三四寸大名府長垣大名元城開州東明等州縣得雨二寸四寸不等宣化府宣化縣得雨二寸

那文毅公初任直隸總督奏議
卷四十四
突

奏奉

硃批覽
嘉慶十九年六月初三日

奏為各屬得雨情形恭摺奏

聞事竊照保定省城於五月二十七日續得雨澤並各州縣得雨日期分寸已於六月初一日具

奏在案嗣據各屬具報五月二十七八九等日順天府

保定文安大城永清霸州武清薊州寶坻東安良

鄉涿州房山固安等十三州縣得雨一二三四寸

至深透不等保定府新城東鹿祁州定興容城滿

城完縣唐縣等州縣得雨二三四寸至深透不等

永平府灤州得雨三寸河間府阜城獻縣景州吳

橋寧津東光交河故城等州縣得雨二三四五寸

至深透不等天津府天津青縣靜海慶雲鹽山等

五縣得雨二三四寸至深透不等正定府贊皇元

氏井陘藁城晉州行唐靈壽樂城阜平等州縣得

那文毅公初任直隸總督奏議 卷四十四 十一

雨二三四五寸至深透不等順德府邢臺南和任

縣唐山內邱沙河等縣得雨三五寸至深透不等

廣平府曲周雞澤邯鄲清河成安等縣得雨二三

四寸不等大名府元城大名長垣等三縣得雨二

三寸不等宣化府萬全縣得雨二寸承德府平泉

朝陽豐寧等州縣得雨三四五寸不等遵化州玉

田縣得雨三寸易州併所屬涑水縣得雨四寸冀

州併所屬南宮新河武邑棗強衡水等州縣得雨

二三四寸不等趙州併所屬寧晉柏鄉隆平臨城

高邑等六州縣得雨三四五六寸不等深州併所

屬饒陽安平武強等四州縣得雨二三四寸不等

定州併所屬深澤曲陽等州縣得雨二寸至深透

不等各稟報前來直隸地方連次渥澤頻沾且深

透之處居多官民望歲之情同深歡慶理合奏

聞謹

奏奉

硃批欣慰覽之

嘉慶二十年三月二十三日

奏據各屬申報三月十一二等日順天府屬寶坻霸州

昌平保定密雲寧河武清香河懷柔固安等州縣

那文毅公初任直隸總督奏議 卷四十四 十二

得雨一二三寸保定府滿城完縣望都唐縣祁州

雄縣蠡縣安肅安州容城等州縣得雨一二三寸

永平府樂亭縣得雨二寸河間府河間景州寧津

東光故城阜城交河任邱肅寧獻縣吳橋等州縣

得雨一二三寸天津府南皮靜海青縣滄州等州

縣得雨一二三寸正定府正定新樂樂城行唐阜

平靈壽藁城無極晉州井陘獲鹿等州縣得雨一

二三四寸順德府邢臺唐山內邱任縣沙河鉅鹿廣

宗平鄉南和等縣得雨一二三寸廣平府永年廣

平威縣成安肥鄉雞澤曲周清河邯鄲等縣得雨

一二寸宣化府宣化西寧萬全蔚州赤城龍門懷
安延慶等州縣得雨一二三寸承德府併所屬豐
寧灤平平泉等州縣得雨二三四寸至深透不等
易州併所屬廣昌縣得雨二寸冀州衡水棗強新
河武邑等縣得雨一二寸趙州併所屬高邑寧晉
隆平臨城等縣得雨一二寸深州併所屬武強安
平饒陽等縣各得雨一寸定州曲陽縣得雨二寸
口北道屬張家口獨石口多倫等三廳得雨一二
三寸查十一二等日正當

皇上謁

那文毅公初任直隸總督奏議

卷四十四

三

陵禮成駐

蹕盤山之時寶坻縣等九十六州縣應甘霖普沐咸樂
涵濡所有通省黎元莫不欽欣并躍共慶隨
鑾之澤豐收可卜今據先後申報前來理合奏
聞謹

奏奉

硃批二十三日夜又得雨二寸

海子四日實屬吉祥從汝之請豈非笑柄

嘉慶二十年四月二十三日

奏保定省城於四月二十二日又得雨五寸又據霸州

保定房山涿州容城雄縣新城安肅滿城望都唐

縣完縣蠡縣博野祁州新安安州高陽定興河間

交河阜城晉州邢臺邯鄲易州涑水武邑趙州高

邑寧晉饒陽安平泉州曲陽深澤等四十三州縣

具報於四月二十二三日得雨一二三寸并深透

不等武清固安永清盧龍遷安撫寧遵化等七州

縣於四月十九日并二十日得雨一二三寸并深

透不等吳橋故城南皮平鄉廣宗鉅鹿清河威縣

曲周大名元城南樂清豐蔚州豐寧廣昌南宮新

河隆平等十九州縣於四月十四五日得雨一二

那文毅公初任直隸總督奏議

卷四十四

三

三寸至五寸不等各等情先後申報前來謹

奏奉

硃批二十三日得雨四寸二十二日得雨二寸特諭汝知

同感

具貺

嘉慶二十年五月初六日

奏查保定省城於五月初四日得雨深透又據通州三

河武清薊州霸州保定文安大城固安永清東安

良鄉房山涿州昌平順義平谷滿城高陽望都安

肅定興雄縣新城新安蠡縣容城唐縣博野完縣

祁州安州東鹿河間肅寧任邱獻縣景州交河阜
 城天津青縣靜海正定元氏贊皇獲鹿新樂阜平
 行唐藁城無極欒城晉州靈壽平山井陘邢臺南
 和唐山沙河延慶易州武邑趙州寧晉隆平高邑
 柏鄉臨城深州安平饒陽武強定州曲陽深澤等
 七十七州縣具報於五月初四日得雨一二三寸
 至深透不等實抵香河寧河懷柔密雲遷安臨榆
 樂亭灤州東光南皮滄州平鄉威縣雞澤清河宣
 化蔚州懷安赤城懷來豐寧平泉赤峯建昌遵化
 豐潤玉田冀州棗強衡水南宮獨石口廳等三十

那文毅公初任直隸總督奏議 卷四十四 去

三州縣廳於四月二十二三日得雨一二三寸至
 深透不等承德府於四月二十日得雨四寸昌黎
 縣於四月二十日得雨二寸各等情先後申報前
 來理合謹

奏奉

硃批京師於五月初三日亥時下大雨直至初四日未時
 深透之至初八九日又得小雨幾次

嘉慶二十年五月十四日

奏為恭報省城得雨深透事竊照保定省城春雨本少
 入夏以後僅於四月初八日得雨一寸月餘以來

頗形乾旱節經 臣 率同司道等官虔誠步禱雖外
 府州縣時有報雨而省城總未得雨節逾芒種實
 深盼望茲仰托

聖主鴻福省城於本月十一日酉戌之間雷聲大作得雨
 一陣天未放晴復於是日戌時起至十二日申時
 止大雨滂沱入土深透已種之早禾藉以滋培長
 發未種之地均可趕種晚穀稞糧凡在官民無不
 同深懽慶是日陰雲甚廣得雨之處必多現在飛
 劄飭查俟報到再行彙奏理合具奏仰慰

聖懷謹

那文毅公初任直隸總督奏議 卷四十四 去

奏奉

硃批欣慰覽之

嘉慶二十年五月十四日

奏 正在繕摺間欽奉

上諭御史吳賡枚奏直隸界內天氣亢旱望澤甚殷等語

京城旬日以來又覺缺雨朕因

方澤大祀屆期擬於祀日虔祈倘逾七日甘霖未沛再擬
 分壇額禱本日卯初膏雨應時至巳刻雨勢更覺滂沛
 現尙未止仰瞻雲氣甚覺濃厚寬廣不知畿南一帶能
 否一律普霑直隸界內上年冬雪未足土脈乾燥如日

內未得透雨大田望澤孔殷著那彥成即率同各地方
官虔誠祈禱以冀速敷閭澤一經得有透雨迅速具奏
以慰厯注欽此仰見

聖主厯念民依無時或釋臣跪讀之下欽佩難名除省城

得雨深透情形現已另摺具奏外茲又據各屬申

報五月十三日保定府安州安肅定興望都完縣

滿城等六州縣得雨三寸五六七寸至深透不等

當雲霓之望切得膏雨之優霑是皆仰蒙

皇上虔誠默禱感格

天心所致合省官民實深欽頌謹

那文毅公初任直隸總督奏議

卷四十四

美

奏奉

硃批覽

嘉慶二十年五月十七日

奏五月十一二三等日省城并安州等四十八州縣具

報得雨業經臣具奏仰邀

聖鑒茲順天府等屬通州等八十二州縣於五月十二三

等日得雨自一二三四五六寸至深透不等陸續

具報前來伏查本年直隸地方春夏以來雨澤稀

少臣與通省官民同殷盼望仰蒙

聖主民依念切

默禱

虔祈於三日之內一百三十州縣均霑濕澤兼多深透凡

此甘霖之速沛實由

誠敬之感乎臣實深欽感欽佩謹

奏奉

硃批

方澤祭後竟夜大雨又蒙

賜佑我君臣同深感戴益當勤敬不可志得自滿

嘉慶二十年十月十八日

奏為恭報得雪情形事竊臣查直隸本年夏秋以來雨

那文毅公初任直隸總督奏議

卷四十四

老

澤勻調秋收豐稔農民俱已乘時廣種麥口現屆

冬令盼雪維殷茲據保定河間正定順德定州深

州趙州所屬各州縣先後稟報於十月十四五等

日各得雪一寸至四寸不等查麥苗正當播種之

後祥霽早沛沃澤優沾土膏益資培厚來牟預兆

閭里騰踊洵堪仰慰

聖懷謹

奏奉

硃批欣慰覽之

容安謹按嘉慶二十年十二月二十三日循例

奏報糧價一摺奉

硃批通省未霑雪澤皆我君臣因循疲玩不能感召天和再不修省明歲必歉矣勉之

嘉慶二十一年五月十四日

奏據寶坻香河寧河懷柔密雲盧龍撫寧遷安臨榆昌

黎灤州樂亭故城東光滄州南皮廣宗鉅鹿平鄉

永年威縣曲周成安雞澤宣化龍門蔚州保安赤

城懷來西寧豐寧遵化玉田豐潤廣昌冀州衡水

新河南宮等四十州縣具報於五月初三四日得

雨一二三四五寸至深透不等昌平萬全張強等

那文毅公初任直隸總督奏議 卷四十四 夫

三州縣於五月初五日各得雨二寸朝陽縣於四

月二十三日得雨三寸各等情先後申報前來謹

奏奉

硃批欣慰覽之

嘉慶二十一年五月二十七日

奏保定省城於五月十四日得雨三寸又據龍門縣具

報於五月十六日得雨二寸又據寧河霸州永清

容城安州定興安肅盧龍灤州任邱寧津滄州青

縣鹽山正定靈壽新樂井陘晉州藁城清豐東明

趙州定州曲陽等二十五州縣具報於五月十三

四五等日得雨一二三四寸至深透不等又據大

城蠡縣新安東鹿撫寧東光吳橋阜城景州南皮

贊皇元氏樂城衡水武邑寧晉深州饒陽安平武

強等二十州縣具報於五月初九至初十日得雨

一二三四寸至深透不等平泉州於五月初六日

得雨三寸建昌縣於五月初四日得雨二寸各等

情先後申報前來謹

奏奉

硃批夏至日得雨五寸二十八九日大雨滂沛現尙未止

天恩深渥我君臣何忍不盡心民事乎

那文毅公初任直隸總督奏議 卷四十四 夫

嘉慶二十一年六月初八日

奏據通州三河武清寶坻薊州香河寧河霸州大城固

安平清東安良鄉房山涿州昌平順義懷柔密雲

平谷清苑滿城安肅定興新城博野望都容城完

縣蠡縣雄縣祁州安州高陽新安河間獻縣阜城

肅寧任邱交河寧津景州吳橋故城東光天津滄

州南皮青縣靜海正定獲鹿井陘元氏藁城無極

阜平新樂晉州行唐沙河任縣鉅鹿廣宗平鄉南

和永年磁州雞澤邯鄲成安廣平威縣清河曲周

肥鄉大名元城開州清豐長垣東明南樂宣化萬

全懷來延慶保安遵化玉田豐潤易州冀州棗強
新河衡水南宮武邑趙州寧晉深州武強安平饒
陽定州曲陽深澤等一百八州縣具報於五月二
十七八九并六月初一等日得雨一二三四五寸
至深透不等遷安灤州盧龍等三州縣具報於五
月二十至二十一日得雨一二三寸西寧懷安二
縣具報於五月二十五二十七各得雨二寸平泉
赤峯豐寧等三州縣具報於五月十五六二十五
等日得雨二三寸各等情先後申報前來謹

奏奉

那文毅公初任直隸總督奏議

卷四十四

全

硃批欣慰覽之

嘉慶二十一年三月二十三日

奏臣於三月二十五日具奏公回日期一片欽奉

硃批二十四日香山微雨二十六日竟日沛然入土深透

三月中連沐甘膏實深欽感臣跪聆之下曷勝歡忭伏

查直隸地方自三月十二日普被甘霖之後甫逾

旬日近京一帶復得澍雨優沾不特二麥堪卜豐

收卽大田亦可布種此皆我

皇上至誠感格

昊眷丕昭故於一月之中連霑渥澤畿輔官民莫不同聲

感頌現據承德等府各具報三月十二等日得雨
五寸灤平縣得雨三寸豐寧縣得雨五寸盧龍縣
得雨一寸通州固安良鄉房山涿州懷柔昌平密
雲順義清苑定興雄縣新城安肅吳橋寧津阜平
曲周清河磁州永年成安肥鄉廣平邯鄲南樂東
明長坦清豐宣化延慶懷安赤城萬全保安懷來
西寧龍門易州涑水等州縣並張家口廳獨石口
廳得雨一二三四五寸等情前來謹

奏奉

硃批欣慰覽之初四日密雨竟日現尙未止

那文毅公初任直隸總督奏議

卷四十四

全

嘉慶二十一年三月二十五日

奏臣於二十二日跪送

聖駕後卽於二十四日回省經過宛平良鄉涿州定興安

肅清苑等州縣自本月十二日得雨之後麥苗出

土青葱大田亦有翻犁布種地方安謐民氣恬舒

洵足仰慰

聖懷謹

奏奉

硃批二十四日香山微雨二十六日竟日沛然入土深透

三月中連沐甘膏實深欽感

那文毅公初任直隸總督奏議卷四十四

那文毅公初任直隸總督奏議

卷四十四

全

那文毅公初任直隸總督奏議卷四十五目錄

卷四十五

經營漕政

那文毅公初任直隸總督奏議

目錄

一

那文毅公初任直隸總督奏議卷四十五

男容安恭輯

經營漕政

嘉慶十九年三月初十日軍機大臣字寄奉

上諭刑部奏審訊王三等私販米石出城運送天津一案現將在天津開設斗行收米發賣之丁兆岐一犯拏獲起出賬簿自上年四月起由該斗行轉販售賣者多至一萬四千六百餘石除居民等零星雜買食米不計外其買米自一百石以下共八十九家一百石以上至六百石者共三十六家此非鄉民買食可比顯有與販回

那文毅公初任直隸總督奏議

卷四十五

一

漕情弊若云天津米價昂貴可以販賣漁利此外如京西京南各處米價俱不平減何以伊等不販往他處專販往天津該處係幫船行走通津該舖戶必係與旗丁等平素勾通豫為囤積但人數眾多難以紛紛提質著那彥成即派委委員前往確查傳到各舖戶隔別訊究務將私賣之舖戶私買之旗丁研訊明確方可為回漕實據即錄供奏明按律懲辦其開設廣泰斗行之馮愾太等犯一併查傳訊究刑部原摺並著發給閱看

嘉慶十九年三月二十二日

奏為恭摺具陳奏

聞事竊查刑部審奏王三等私販米石出城運送天津一案欽奉

諭旨著

臣派委委員前往確查辦理欽此並准刑部咨開將送到賬簿逐細檢查自上年四月起買米一百石以下計八十九家一百石以上至六百石者計三十六家統計一年之內該犯等勾通天津舖戶私販至一萬四千六百餘石之多顯有與販回漕情弊谷倉_臣飭屬查傳買米各舖戶隔別研訊俟究出弊混回漕實情錄供送部核辦並將開設廣泰斗行之馮愾太及前經行提之孫大劉大迅即

那文毅公初任直隸總督奏議

卷四十五

二

緝拏查起賬簿一併訊究送部辦理等因前來_臣伏查奸商囤戶賣米回漕久干例禁茲王三等在京城買得米石運送天津經舖戶盧德等轉買是石豫為回漕地步_臣到直未久於地方情形未能深悉但思回漕固關國計而民食亦屬至要當此青黃不接糧價日昂如不虛心訪查明確遽行將一百餘家舖戶紛紛查拏訊究必致各米舖畏事關閉於民食殊有關礙連日細加訪察天津五方襍處人烟稠密商賈輻輳南方民人在彼僑寓最多每日食稔米者約畧以

三千戶計算每戶食米二升一年即需稔米二萬石有奇而實在之數尙什倍於此兼之該處河道北達通州南通河間西通保定省城又西南直通大名府屬直達河南凡沿河州縣居民需用米石惟藉天津接濟商販外運殆無虛日又有過往船隻買米攜帶以備沿途食用為數亦復不少是天津之米實為數郡民食攸關今刑部核算起出賬簿買米舖戶盧德等共一百二十五家每家自一二十石至五六百石不等上年四月至今共買細稔米一萬四千六百餘石合之似覺其多散之實

那文毅公初任直隸總督奏議

卷四十五

三

屬有限查

天庾正供一歲全漕三四百萬石之外即有不法奸商敢於勾串旗丁賣給老米回漕亦非此一萬餘石所能使其營私此事似於全漕尙無大礙至回漕之弊從前原有自嘉慶十三年蒙

皇上

勅部嚴定治罪專條大加懲辦之後米舖旗丁咸知畏法近來未聞復敢踵行况漕船抵通所交之米皆係連皮麤米今天津各舖戶販賣之米內有細稔米已經去皮通倉例不收兌旗丁亦斷不肯賣據此

而論其為陸續糶賣而非與販回漕似屬可信臣現在擬派正定府知府任銜惠前往天津飭令立時親至各舖查取賬簿如盧德等係久慣囤積豫圖賣給旗丁回漕其平日必不零星糶賣即係奸商立即嚴究治罪如係升斗糶賣即係尋常販米之舖似可無庸查辦以免驚擾至王三等一案應

請

勅下刑部再提王三等研訊盧德等所買米石如果賣給旗丁回漕即令其逐一指出開單知會臣按名查拏訊究如訊無別情即將王三等按擬完結現在

那文毅公初任直隸總督奏議

卷四十五

四

南漕將次北上臣嚴飭地方官實力查禁一面派委妥實員弁改裝前往密訪如有回漕情弊立即嚴拏究辦斷不許稍有疎縱臣受

恩深重為目前民食起見謹不揣冒昧據實具陳謹

奏

嘉慶十九年三月二十四日奉

上諭前據刑部奏審訊王三等勾通天津舖戶販運米石出城恐有回漕情弊當降旨交那彥成查究茲據那彥成奏稱天津烟戶稠密惟藉商販米石接濟刑部訊出該舖戶盧德等自上年四月至今共買運細稔米一萬

四千餘石於全漕似無大礙等語奸商私運米石出城本干例禁京城居民繁庶百倍天津此項私運糧米一萬四千餘石若云可濟天津民食獨不計都城民食驟少此數乎况天津一帶為漕艘經過通津正係回漕弊數豈可不嚴密查禁著那彥成仍派員確查該處私運米石若實係細米零星售買無庸究辦倘將麤米攙混影射回漕即嚴拏按律懲辦以除積弊並著刑部將王三等再行提訊該舖戶等所買米石如有賣給旗丁回漕情弊即確訊某幫某丁開單咨行該督按名查拏究辦

那文毅公初任直隸總督奏議 卷四十五 五

嘉慶十九年四月十五日

奏為遵

旨查明覆奏事竊照刑部審奏王三等私販米石出城運

送天津一案前奉

諭旨著派員確查辦理當經派委正定府知府任銜

憲馳往天津妥協查辦一面將委員訪察情形具

奏欽奉

上諭著那彥成仍派員確查該處私運米石若實係細米零星售買無庸究辦倘將麤米攙混影射回漕即嚴拏懲辦以除積弊欽此復經轉飭欽遵辦理茲據正定

府知府任銜憲稟稱該府馳抵天津親赴單開各米舖逐處查察各舖排設巨羅安放升斗出賣大米小米高粱荳糜等項亦有帶賣油蠟紙張實無囤積糧石查閱各舖買賬收買丁兆岐即丁兆來斗店尖粒米稔米俱有月日石數有一日收買一兩石者有一日收買四五石者自上年四月以來收買米數核與部發單開之數不相懸殊訊據各舖戶供稱伊等向丁兆岐所賣米石委係去皮細米零星羅賣並無回漕之事檢閱各舖戶賣賬每日零賣稔米幾斗幾升稔於高粱荳糜之間總寫

那文毅公初任直隸總督奏議 卷四十五 六

收錢數目並無買主姓名又欠賬內開有某日某人賒取稔米及稔糧字樣多者每人不過一二石少者每人不過數斗數升詢其有無原米存留倉稱皆已賣去惟單開西盛興義和號及孫大劉大之禾茂店尙存原米十餘石及數十石不等已經長蘆鹽政驗明實係細米并將米樣進

呈等語至單開買米一百石至六百石之舖戶盧德高鳳山吳安殷德吳達五家查係扛腳為生並未開舖亦無賬簿據供稱伊等逐日從丁兆岐斗店所買稔米幾石幾斗不等或肩挑零買或轉售米

舖買過數目約畧計算與單開之數相符該府查吳安殷德吳達三人各買過米一百四五十石計其一日零賣三五斗一年之間卽有此數惟盧德買米至六百二十餘石高鳳山買米至三百四十七石恐非肩挑零買復向究訊據稱曾有轉賣與日盛日興德源義發百川萬盛萬興等七舖該府遂至日盛等舖查閱買米賬簿相同均係零星售賣並無影射回漕當將賬簿發還飭令安業又查傳開設永茂店之孫大劉大到案研訊伊等店內米石係陸續收買零星轉售內有向李五收買米

那文毅公初任直隸總督奏議

卷四十五

七

石前經長蘆鹽政訊取孫大供詞具奏又查傳開設廣泰斗店之馮囑太即馮囑梁到案訊據供稱本年正月間甫經開張有通州郭四等並天津盛計等陸續販到細稔米一千六百九十七石經伊過斗轉賣各舖戶零賣有賬可查每舖自二三十石至四五十石不等該府起出賬簿查對相符詰問馮囑太此項細稔米究從何處販來據稱並不知道查孫大劉大馮囑太既無販賣回漕情事應請均免解訊以省拖累等情稟請核奏前來 臣伏查前准刑部抄發清單天津買米舖戶一百石以

上至六百石者三十六家十石以上至百石以下者八十九家共一百二十五家計米一萬四千六百餘石今經 臣飭委保定府知府任銜蕙親赴該處逐店查訊據各舖戶僉稱實係向丁兆岐斗行內陸續買回零星轉賣均係細稔米並無麤米攙混影射回漕並據該府查起賬簿核閱相符自無捏飾不實情事應請免其究辦其孫大劉大二名所買米石亦係零星轉售前經長蘆鹽政廣惠將各舖所存米樣封呈

那文毅公初任直隸總督奏議

卷四十五

八

御覽其馮囑太斗行內所賣米石係通州人郭四等陸續販到均係去皮細稔米販給各舖轉賣亦無與販回漕之事應免解訊 臣仍飭該地方官實力訪查如有奸商囤戶販賣回漕立即嚴拏究辦不許稍有疎縱謹

奏奉

硃批知道了

嘉慶十九年五月二十九日

奏為新舊官撥船隻必須妥為經理遵

旨詳議章程事 欽奉

上諭向年漕艘北上時官撥船不敷輪轉添僱民船協濟

地方官遂封留民船胥吏藉端勒索放以致船戶畏懼避匿有礙蘆鹽挽運嗣經蘆商捐造撥船一千五百隻又籌款生息官造撥船一千隻現在新造之船全數解到共撥船二千五百隻足敷輪轉撥漕之用此項撥船前後所費不貲若不妥為經理領用未久漸就損壞安能常為添造著那彥成詳議章程應如何分派經理其經管之員如何立限保固限內如損壞船隻應如何分別成數議定處分其已滿年限全無損壞者應如何量加鼓勵分別勸懲以專責成并檢查從前舊有條例如有未協未備之處斟酌改擬奏明候旨飭辦再每年

那文毅公初任直隸總督奏議

卷四十五

九

糧船入境約用撥船若干隻著先行詳明總督如在二千五百隻以內即不許封僱民船若實遇轉運棘手之年所用撥船須在二千五百隻以外亦令先行報明約須添僱民船若干隻方准照數封僱倘地方官私封牟利查明隨時奏辦著一併議入規條欽此仰見

皇上慎重酒務

體恤商民務期立法經久兩有裨益之至意臣遵即檄飭藩臬兩司通承天津兩道會同詳議去後茲據該司道等會議章程詳覆前來臣復悉心酌核並將舊有條例互相參考量為變通謹擬條規另繕清

單敬呈

御覽謹

奏

謹將酌議經理新舊撥船章程將經管官酌擬勸懲並酌定添僱民船限制規條繕具清單恭呈

御覽

一新舊撥船應照舊例分派沿河州縣召募船戶小心經管其攬載營生應定以節制也查舊撥船一千五百隻定例派沿河天津等十八州縣分管每船召募船戶一名取具地鄰保結給與

那文毅公初任直隸總督奏議

卷四十五

十

腰牌填註姓名年貌住址並船隻號數以杜頂冒臨時聽天津道飭調事竣發回原派州縣收管除撥運漕米并撥運奉米奉豆奉麥外其餘空閒時均准其攬載商貨仍將載至何處起卸報明該管州縣存案四月以後即不得攬載違行一奉飭調催赴水次應用等語載入例冊在案近年來豫東漕船抵直之先二月初間即須奏報集船八百五六十隻其餘船隻均催令各州縣於頭進南漕入直之先全數挽抵楊村方無遲悞此次新添撥船一千隻仍照定例分派

沿河州縣分管除霸州所管河路無多免其分管外應派天津靜海青縣滄州南皮交河東光吳橋通州武清香河文安大城任邱雄縣新安安州等十七州縣各出具印領召募船戶取結造冊申送由天津道給與腰牌註明籍貫姓名年貌船隻號次給船領駕應卽以領船之日起十年保固之限嗣後每年三月內修脩齊全卽行提集楊村除撥運奉省豆米外春夏二季不准其攬載商貨惟九月漕竣後照原例聽其就近營生南不得過臨清倘有赴西河攬載者不

那文毅公初任直隸總督奏議

卷四十五

十一

得過武強縣之小範地方仍一體報明該管州縣備查一屆十月卽回塢守凍違者該管州縣照舊例查叅並將船戶查究船頭書吏一體懲處

一新舊撥船應照原例編列字號以便稽查惟橫板火烙應量爲變通也查舊撥船一千五百隻原例於船後另加橫板書寫子丑寅卯十二隻字號並用火烙印直隸官船字樣以杜船戶頂冒一以禁攬載出省迨後橫板火烙均難經久上屆嘉慶十二年驗收船隻卽未烙印十七

年經天津道通行各州縣飭於船頭書寫經該管州縣承領年分船戶姓名在案此次新添撥船一千隻先經咨部於船頭標列新船字樣現在按船隻到津年分以十七年申字十八年酉字編列號次並承管州縣船戶姓名在各船頭上用粉地書寫每年油飾一次以清眉目毋庸加具橫板火烙仍照原例咨明山東飭知臨清關毋許直隸新舊官撥船攬載過關南下以杜遠出之弊

那文毅公初任直隸總督奏議

卷四十五

十二

一新舊撥船應設立船頭看守並將器具責令經管也查舊撥船一千五百隻分派沿河州縣承管各該州縣將所管撥船每十隻設立船頭一名並立總船頭一名統管輪撥收放修脩各事宜除總船頭另行召募船戶承充外其小船頭係照十家保甲之例於每十號中舉充如有畸零卽附十號之末互相保護每年由楊村通判收放此次新撥船一千隻亦令各該州縣每船十隻送舉船頭一名九船出具連環保結並著各州縣出具船隻完固器具完全印結由楊村通判加結送天津道存案如船隻磕碰滲漏督

令船戶立時粘補倘船戶等將篷桅錨纜及一切器具偷典偷賣不全者船頭卽行稟追毋得任情玩視每屆一年由天津道督飭楊村通判查驗器具如僅止繩纜槓挽短少者著船頭船戶賠繳責懲示儆至鐵錨三等筋重有差桅木風篷價值不一如有偷典偷賣情弊估贓應以監守自盜論船頭書役知情串通舞弊者同罪仍著落經管州縣賠補若器具不全至十船上應請照失船一隻例議處天津道暨楊村通判隨時查出免議倘失於覺察一併分別議處

那文毅公初任直隸總督奏議

卷四十五

三

若因風火事故實在人力難施仍照舊例辦理一新舊撥船船戶水手人等宜定立科條以嚴約束也查定例糧船運丁僱覓頭舵水手倘有生事者押運等官會同地方官審訊懲治等語查撥船船戶係各州縣隨時募充其中良莠不一水手半多無籍之徒往往喫酒行兇滋生事端甚或恃衆借端挾制官長並將受撥之糧私自攪水攪土冀圖偷盜者應卽照糧船水手生事並盜竊漕糧各律例分別辦理嗣後無論守空領撥如有船戶水手喫酒行兇恃衆滋事挾制

官長者卽交經理撥船之楊村通判及該管地方官按例究懲毋得疎縱

一新舊撥船挨次調集輪撥應專委楊村通判經理以專責守也查從前舊撥船初設時戶部則例開載楊村以北起撥視水勢淺深不必拘定地方又例載如蔡村河西務一帶起撥水脚按程遞減等語是以舊例將務關同知並楊村通判一併列入近來北運河水弱各幫挽抵楊村紛紛領船起撥不能遠及蔡村河西務且有時在楊村迤南蒲口桃花口一帶卽需迎撥以故

那文毅公初任直隸總督奏議

卷四十五

四

調集撥船支發船價惟在楊村設局辦理各省幫丁始爲稱便歷年專委楊村通判就近經理應請嗣後毋庸添委務關同知轉致鞭長莫及至天津同知係南運河管河之員與北運河無涉未便越俎此次新添撥船一千隻應與舊船並交楊村通判督率承管各州縣小心經理每年提集楊村無論豫東江廣漕糧將新舊撥船按四六成分撥如某幫應撥漕米一萬石著舊船領米六千石新船四千石其領撥各分先後之處仍按原定字號週而復始不得先後紛歧

並不得假手胥役滋生弊端

一新舊撥船受撥抵通後騰空事宜應申明定例由通永道催令回楊以資輪轉也查定例撥船抵壩無論軍船會否抵通先儘撥船起卸責令通永道限五日內催令回空等語載入例冊在案近來運抵通壩後往往回棹需時遂致不敷輪轉應請申明定例責成通永道催令五日內回空不得任聽船戶私自停泊並由通永道會營嚴飭文武員弁按所管河道分段實力嚴催以期轉運無滯

那文毅公初任直隸總督奏議

卷四十五

五

一新舊撥船共二千五百隻每年撥運南糧足資浮送如遇南糧入直太遲河道水淺轉運棘手之年添僱協濟民船應預期報明以定限制也查北運河協濟民船嘉慶十一年經前署督臣裘行簡奏奉

諭旨每撥船一百隻准多僱二十隻等因彼時以額船一千五百隻計算應多僱船三百隻十二年又經前督臣溫承惠條奏如三百隻之外再有不敷酌量再行臨時多僱百十餘隻各在案迨後或因南運河趨催迅速南糧蜂擁楊村需撥驟多

或因三進軍船亟須回空在楊村寄撥每年需僱民船自七百數十隻至一千三百數十隻不等是以議添新船今新舊撥船已有二千五百隻之多如遇轉運棘手之年應隨時核計南糧待撥多寡實需船在二千五百隻以外方許臨時核計應僱船數一面報明總督暨倉場侍郎衙門一面隨時添僱總以每撥船一百隻添僱二十隻為率其所用船隻照現在鹽政廣惠所奏遵乾隆四十八年前督臣劉峩等原奏准其僱用約裝一百石以上至四百石以下船隻以

那文毅公初任直隸總督奏議

卷四十五

六

符舊案再南運河自故城至天津遇有撥淺之時楊村撥船難以兼顧向令運淀兩河沿河州縣隨時代僱船隻協濟嗣後亦請照四十八年原案准其僱用一百石以上至四百石以下船隻應用於鹽漕兩無窒礙倘地方官牟利私封書役藉端勒索隨時察究

一新舊撥船十年期滿排造之處應視船料之等差以定修造之先後也查舊撥船一千五百隻始於乾隆五十一年係江廣三省代造定例十年保固限滿後向分三限排造前次嘉慶元年

直隸造船一千五百隻木植不堅且遇大水未
及十年卽有冲淌損失均經賠修罰補十年仍
奏交江廣代造現在所存舊船一千五百隻係
嘉慶十一年五月暨十二三四等年解到其中
已有將屆限滿之船應於扣滿十年之冬底令
天津道率同楊村通判據實詳查擇其軋朽過
甚者挑出報明總督以次遞行修造所有鹽船
本屬長蘆商人捐辦仍照嘉慶十年原案交商
人領回自變毋庸官爲變價或船身堅固尙堪
撥運從緩改造不必拘定十年滿限之例庶幾

那文毅公初任直隸總督奏議

卷四十五

七

有節無浮工歸核實至新船一千隻現經

欽差工部侍郎那彥寶倉場侍郎許兆椿驗明湖南所造
者甚爲堅固湖北次之江西又次之將來遇有
排造之年如在二百隻以下卽可在直就近辦
理不得偷減工料攙用楊柳等雜木違者將承
辦官查叅

一新舊撥船經管州縣並經管收放之北運河楊
村通判應統歸天津道稽察以專責成也查舊
撥船定例十年保固分十成計算經管官自接
收新船之日起至十年保固限滿之日止限內

損失僅止一二成者責令賠補免其議處撥運
已屆八九年者遇有損失仍責令賠補亦免其
議處六七年之內損失三四成者經管州縣罰
俸一年道員罰俸六個月五成以上者經管州
縣降一級留任道員罰俸一年其未滿五年損
失至三四成者經管州縣降一級留任道員罰
俸一年五成以上者經管官降一級調用道員
降一級留任損失船隻俱責令經管州縣照數
賠補等語此舊撥船一千五百隻議處之定例
也至十六年添造新船一千隻經前督臣温承

那文毅公初任直隸總督奏議

卷四十五

大

惠遵

旨嚴定處分奏准卽覆照看守戰船例損壞一二隻者承
管官降一級留任三四隻者降二級調用五六
隻者降四級調用七隻以上者革職均勒令賠
修完固並責令天津道隨時稽查遇有損壞一
二隻該管道員罰俸一年三四隻者降一級留
任五六隻者降一級留任七隻以上者降三級
留任並於原奏內聲明舊撥船一千五百隻仍
照原例議處此新撥船一千隻議處之新例也
查新例議處道員係指明責成天津道所有此

次新造撥船分十七州縣承管內如順天府所屬之通州武清香河文安大城保定府所屬之雄縣新安安州等州縣以及經理收放撥船之北運河楊村通判均非天津道所轄新例既嚴定處分事權亦須有專屬應請嗣後管船各州縣暨楊村通判遇有查辦船務事件統歸天津道調度稽覈違者詳叅並令楊村通判一體督率各州縣遇有損壞撥船將該通判照經管官之例減一等議處再看守戰船原例不分年限無論船隻歷年遠近該管官在任久暫一有損

那文毅公初任直隸總督奏議 卷四十五 九

壞即將現任官計船議處此項新造撥船應令各州縣如遇前後任交代時核實接收結報如有損壞將接收交代之員議處並將駕駛不慎之船戶照損壞倉庫財物律治罪其已屆十年限滿倘有損壞者仍照撥船原例免其議處倘各船扣至十年限滿之日小有損傷仍可修理撥用者准其歸於現在酌擬獎勵條內查辦以示區別而昭核實

一新舊撥船十年保固限滿全無損壞應遵

旨量加鼓勵也查撥船一項每年常川輓轡駕駛如果妥

為經理限滿之外尙堪撥用者自應量加鼓勵惟應核其船隻歷年之遠近及經管官在任之久暫比較辦理庶經理日久之員與暫時權督者各有區別應請嗣後州縣分管撥船十年限滿全無損壞者統計十年內除前五年船隻撥運未久分應看守完固祇應將該管官酌量記功毋庸咨部議敘外其後五年內船隻全無損壞者經管官歷任在三年以上者准其加一級歷任一年以上至二年者紀錄二次若十年外船隻尙能經久多用二三年至四五年者統於

那文毅公初任直隸總督奏議 卷四十五 十

下屆奏請排造新船時查明經管各官銜名專案分別另請從優議敘該管道員及總司收放之楊村通判亦請照經管官例除前五年毋庸議敘外其後五年內歷任在三年以上者一體加級歷任一年以上至二年者分別給予紀錄若十年以外船隻經久多用二三年至四五年者一體查明從優議敘以分等差而示獎勵奉 硃批吏戶工三部及倉場侍郎會議具奏

嘉慶二十年十一月二十五日

奏查北運河添造官剝船一千隻原奉

諭旨每年特派京堂察驗嗣經

欽差那彥寶會同許兆椿驗收議於將屆十年之期奏請

欽派大臣統行查驗奉

旨依議欽此本年三月內因此項撥船既需起運北倉米

石赴通又需迎撥北上南糧勢難齊泊楊村經

奏奉

諭旨著暫停查驗一俟漕運完竣再當簡員馳往查驗等

因欽此欽遵轉行遵照在案茲據天津道張五緯

稟稱官撥船隻每年漕竣之後均須撥還各州縣

歸次飭令船戶妥為修脩收管今前項船隻自二

那文毅公初任直隸總督奏議

卷四十五

三

月修脩以來裝運北倉漕米復剝運南糧赴通往

返五六七次不等已較上年多運兩次兼之本年

夏秋雨水過多北運河水甚湍急風浪衝擊碰撞

船身不無稍損油飾間有脫落繩索亦難整齊均

應按照原奏每年油脩一次添補齊全如俟

欽差驗勘各河凍阻今冬即難歸次各州縣離楊村遠近

不一修脩收管均多不便請本年暫行緩驗俾得

迅速歸次各州縣妥為修脩整齊一俟來春開河

趕赴楊村聽候奏請

簡員查驗等情具稟前來臣伏查前項新增剝船一千隻

奉

旨漕竣查驗惟查漕運完竣已屆封河之際既屬趕辦不

及且今冬修理完整解凍之時或被水稜磨擦不

無灰縫脫落滲漏仍須加脩亦係實在情形相應

據實

奏明請

旨本年暫緩查驗俟春融補脩齊全飭令齊赴楊村再行

奏請

簡員查驗至此項船隻每年油脩一次三年小修十年拆

造業經定有保固並賠補章程各州縣小心經管

那文毅公初任直隸總督奏議

卷四十五

三

不虞再有損失臣愚昧之見可否嗣後三年一次

於春融開河之時奏請

派員查驗以歸簡易之處恭候

訓示遵行謹

奏奉

硃批嗣後二年一次查驗由軍機處奏派

嘉慶十九年五月二十六日

奏為催漕漕運情形恭摺奏

聞事竊照南糧上關

天庾正供本年直隸入夏以來雨澤稀少誠恐糧船阻滯

早經臣嚴飭沿河文武各員趕緊疏濬古淺僱備撥船以資轉運並專委候補道祝慶承候補副將郭勒興阿馳往安陵一帶會同天津鎮道等協力趨辦業經奏

聞在案茲據稟報南糧第四幫揚州三幫船九十隻於五月十三日戌時入境距前幫脫空五日又第五幫淮安三幫船十八隻於十六日戌時入境距前幫脫空二日均經按段接撥催趨前進其在後之第六幫鎮江前幫現又脫空多日尙無抵境確信測量水勢至淺之處存水二尺及二尺二三寸不等

那文毅公初任直隸總督奏議

卷四十五

三

連日風多水弱隨處出有新淤須將已經起撥開行之糧船復加接撥方能過淺現在竭力督催等情前來伏查南運河自入安陵汛境至天津河程共五百八十里例限十日抵津今因河水淺澀各按州縣地方節節撥運往後恐有擁擠遲悞之虞臣現復飛飭該鎮道等督率地方營汛員弁查量淺處相機添築水壩儘力挑淤並酌量添僱撥船以備應用一俟後幫抵境立即迎提設法撥運督押進行不得藉詞延緩謹

奏奉

硃批實心勉力辦理稍贖不獲一賊之咎如再遲悞漕運亦不用汝總督掛冠西去可也慎之

嘉慶十九年六月十五日

奏為南運河水勢增長糧艘過行無滯情形恭摺奏

聞事竊照本年南漕各幫船隻入境並運河水弱設法趨

辦緣由節經臣

奏報在案茲據天津鎮祥啟並專委催漕之候補道祝慶承候補副將郭勒興阿等稟稱第六幫鎮江前幫船七十一隻於六月初一日酉時入安陵汛相距前幫計脫空十三日詢之領運員弁據稱因東

那文毅公初任直隸總督奏議

卷四十五

三

河水弱按塘撥淺是以耽延及出臨清開口正遇外河長水得以暢行等語其鎮江後幫船七十八隻即於初二日入境現在沿河一帶得雨深透水勢增長淺處均在七尺以上幫船過行無滯等情前來伏查直東一帶前月下旬雨澤頻沾茲南運河長水數尺東境開河之水自必一律長發在後幫船即可連檣北上已飛飭該鎮道等乘此水勢充足實力催趨加緊進行務使幫船銜尾迅速抵

奏奉

通謹

殊批欣慰覽之

嘉慶十九年六月十五日

奏正在拜摺間據天津鎮總兵祥啟會同候補道祝慶

承候補副將郭勒興阿稟稱淮安頭幫船四十二

隻長淮四幫船三十二隻俱於本月初四日入直

隸安陵境鳳中常幫船四十九隻於初五日入安

陵境當即催趨前進後係江淮三幫尚未入境詢

據淮安頭幫運弁口稱該幫已於五月二十八日

出臨清開口現在開河內外汶衛之水一齊盛漲

開河之水比外河高一尺以後幫船均可鱗次出

那文毅公初任直隸總督奏議

卷四十五

三

聞等情稟報前來查本年南糧船隻先因東省開

河及直隸南運河一帶水淺以致行走遲緩今山

東直隸連得透雨各河水勢增長幫船行走極為

順利臣仍當諄飭文武員弁加緊催趨以速補運

仰副

聖主垂厯酒儲之至意謹

奏奉

殊批覽

嘉慶十九年六月二十六日

奏為奏

聞事竊照南漕北上經由北運河而抵通壩向來該處額

設淺夫並刮板器具以供推刮如遇水勢淺落漕

運緊急即另集人夫逐段挑淤是辦法本無一定

總以河道疏通糧艘無悞為準本年五月間經倉

場侍郎榮麟等奏奉

諭旨北運河一帶橫淺處至數十段之多著那彥成迅速

飭知通永道剋期疏濬務令一律通暢以利漕行欽此

臣當即飛飭通永通張五緯馳往督率應汛員弁

多集人夫上緊疏濬嗣據稟報河水增長無須挑

挖土方以節糜費等情復經臣以水勢長帶靡常

那文毅公初任直隸總督奏議

卷四十五

美

飭令該道隨時測量如水復消落仍須迅速疏通

無使舟行阻滯並經

奏明在案茲據該道張五緯稟陳辦理情形核其所稟

殊未明晰其大意總以刮板撥運為便利以抽溝

挑淤為無益以剝運漕米定例水大起四存六水

小起六存四亦有時起至七成者今倉場止准起

四存六種種掣肘並據抄呈倉場衙門牌文內開

據運弁稟稱王灰莊高家莊等處俱有橫淺幫船

難行嚴飭該道竭力挑挖等因臣竊思沿河利運

辦法原有不同惟期通河皆無橫淺全漕無悞道

行為最要刮板固屬舊例抽溝亦屬權宜况係

奏明飭辦之事自應斟酌變通該道如果確有所見以

抽溝為難行以刮板為省費亦當竭力督夫刮淺

一律通行何以河內尚有橫淺如謂糧船水小例

得起六存四即當就近稟商倉場侍郎或倉場果

有意見恐致貽誤該道即應立時稟知 臣咨商酌

量或竟奏明辦理乃該道至今始為此稟明係因

糧艘間有淺滯率以此稟豫佔地步 臣嚴批申飭

並令其無論刮沙挑淤務使幫船迅速抵壩稍有

遲悞定行嚴參惟恐南漕本年入境已遲回空期

臣等查該道所奏係屬實情 卷四十五 三

限甚迫目下正當喫緊之時深恐該道固執已見

設有貽誤所關非細現已飛飭天津道李鑾宣就

近馳往察看情形妥籌趕辦如該道張五緯固執

偏見有心悞公立即據實稟覆以憑察辦倘係倉

場別有意見致悞重運 臣再行據實具奏謹

奏

嘉慶十九年七月初二日

奏為請

旨事竊本月初一日軍機大臣寄寄奉

上諭前據榮麟等奏北運河道淤淺處所張五緯並未測

量挑挖請將該道員交部議處當經降旨派內閣學士

穆彰阿光祿寺少卿吳邦慶前往督辦勒限半月挑挖

深通將工費罰令該道賠出免其議處昨據劉鏞之等

面奏據張五緯稟稱北運河道向遇淤淺專用刮板無

須挑挖懇請該府尹等代為轉奏劉鏞之等以河務非

其所轄未敢陳奏本日復據那彥成奏稱該道以抽溝

為難行刮板為省費稟陳辦理情形等語臣下漕船銜

尾抵通北運河一帶橫淺處所飭委該道疏挑即使有

辦理掣肘情形該道稟知該督酌籌辦理向係為公事

起見府尹無管河之責張五緯向其曉曉稟辦且求為

臣等查該道所奏係屬實情 卷四十五 三

代奏實屬多事恐有藉詞諉卸情弊此時糧船行走程

限緊迫無論刮沙挑淤但期暢行無阻著該督飭知張

五緯如能辦理妥速不悞漕運將來仍照前旨將挑挖

工費罰賠免其議處倘有貽誤則是該員有心推諉玩

視漕運即奏明重治其罪欽此仰見

皇上勅幾示要

宥過施仁 臣實深欽服正在欽遵轉行間復據該道張五

緯以北運河設立刮板以去橫淺實為良法今倉

場侍郎令該道逐段抽溝該道不肯仰體調回通

州見面出言無忌因其辨論過直即行參奏等情

具稟前來伏查北運河刮淺利運固屬舊章但本年頭進幫船駛抵楊村先因東省開河及直隸南運河水淺已較往年為遲若不設法運通交卸竊恐回空有候當此程限緊迫之際無論刮沙挑淤誠如

聖諭但期暢行無阻既蒙

欽派穆彰阿吳邦慶前往督率該道張五緯遵

諭旨辦理臣現復恭錄

諭旨飭令欽遵妥辦先此並派天津道前往查辦總期無

稍貽誤至糧船在楊村起剝向例水大之年起四

那文毅公初任直隸總督奏議

卷四十五

三

存六水小之年起六存四上年北運河水淺竟至

起七存三經倉場侍郎奏明在案上年額設官剝

船僅止一千五百隻尙能如此起剝本年剝船增

添一千隻水勢又形微弱自應照例起六存四使

漕船體輕易於浮送今據張五緯所稟倉場侍郎

只令起四存六總欲遲誤重運以便叅處該員如

果屬實去免私心掣肘不顧公事亦屬不合應請

旨飭令

欽差穆彰阿吳邦慶確查辦理臣仍一面飛行天津道李

鑾宣察看水勢稟知倉場侍郎照依水小之年起

六存四剝運以免停滯惟是張五緯與倉場侍郎

既失和衷恐彼此各存意見於辦理漕運事宜未

能同心共濟設有貽誤所關非細縱使事後查叅

於公事已屬無濟張五緯自到任以來辦事認真

才具明練諸能妥協前在首府任內於一切發審

案件頗能細心推鞠不避勞怨尙屬可用之材可

否撤回另補抑或揀員對調之處據實具奏恭候

聖明訓示遵行所有張五緯原稟抄錄恭呈

御覽伏乞

睿鑒謹

奏

那文毅公初任直隸總督奏議

卷四十五

三

奏

容安謹按旋奉

旨將張五緯與天津道李鑾宣對調

嘉慶十九年九月二十九日

奏為恭報回空糧船全數出境日期事竊據天津鎮總

兵祥啟稟稱本年南糧回空尾幫南昌後幫於九

月十一日催過津關飛飭沿河員弁催挽南下茲

於九月二十四日將截卸易州之回空安慶後幫

船隻全數催入東境較上年回空日期尙早四日

等情前來臣咨會沿途各督撫加緊催趲及早歸

次受兌謹

奏奉

硃批覽

嘉慶二十年五月十四日

奏為軍船行走脫空現飭沿河印汛各員加緊催趨事

竊查本年南糧首幫大河前幫於四月十六日入

直隸境業經臣繕摺奏

聞在案連日以來未據續報軍船入境當經飛檄查催茲

據天津鎮總兵祥啟天津道張五緯稟稱自四月

十六日大河前幫入境之後第二幫泗洲前幫於

那文毅公初任直隸總督奏議

卷四十五

三

四月二十三日始入直隸境計脫空六日第三幫

淮安三幫於四月二十七日入直隸境計脫空三

日第四幫揚州二幫於五月初四日入直隸境計

脫空五日詢問各幫運丁僉稱東境衛河水勢微

弱以致耽延等情具稟前來臣查直隸南運河向

多古淺本年入夏以來雨澤稀少河水不能充裕

茲據各屬具報水勢至淺之處止二尺六七寸臣

現飭沿河印汛各官多集人夫將古淺處所實力

挑挖一面築壩蓄水多備船隻起撥務使在後各

幫軍船隨到隨行不許稍有停滯並飭該鎮道加

緊催趨前進謹

奏奉

硃批覽

嘉慶二十年五月二十五日

奏為南運河水勢增長軍船行走順利恭摺具奏仰慰

聖懷事竊臣於本月十八日承准軍機大臣字寄欽奉

上諭那彥成奏軍船行走脫空一摺本年山東微湖水勢

充足幫船行走迅速乃因衛河水勢微弱以致節節脫

幫著那彥成嚴飭所屬沿河州縣多集人夫將古淺處

所實力挑挖仍一面多備剝船務使在後各幫船銜尾

那文毅公初任直隸總督奏議

卷四十五

三

前進不可稍有停滯日內畿南一帶多已得雨如衛河

水勢增長即迅速具奏以慰聖注欽此遵查直隸各州

縣自本月十一日以後連次得雨兼多深透之處

運河水勢自必較前增長當經行查去後茲據天

津鎮總兵祥啟天津道張五緯稟稱直隸南運河

水勢自本月十七日起日見增長至二十二日計

長水四尺有餘測量至淺處所水勢已有六尺餘

寸水色渾濁溜勢充暢自係上游得雨不止附近

地方瀝水匯歸第九幫揚州頭幫軍船已於十九

日戌時入境原載道行毋庸起剝第十幫儀徵幫

於二十一日午時入境詢之運弁井大源回稱因在山東德州搭運上年截存漕米是以不能緊跟前幫行走第十一幫江淮衛頭幫於二十二日未時入境行走均極順利等情稟報前來臣查本年南糧入直較上年計早三十五日嗣因東省衛河水勢微弱以致行走脫空今直省連得透雨南運河水勢增長至淺之處已六尺有餘且水色渾濁上游東境衛河自必同時長水南來軍船可期連橋北上臣現飭沿河文武員弁務須加緊催趨及早抵通其起卸船隻仍飭寬為僱覓以備冷落時

那文毅公初任直隸總督奏議
卷四十五
三

奏奉

硃批今夏雨澤誠所謂

天恩浩蕩我君臣惕承勿自滿益勉除莠安良之志切勿因循譬如農夫是穰是裴廣植嘉禾永承茲渥澤勉之

嘉慶二十年八月二十三日

奏臣欽奉

上諭據御史賽煥額奏三進幫船至八月十三日向有一十五幫未過天津關差探江西南南呂吉安等幫已跟接前來其湖南三幫尚無入境確信等語本年南糧三進

那文毅公奏議 卷四五

幫船因東境臨口捫阻行走稽滯恐抵壩較遲致悞回空例限著那彥成即派委幹員前往迎提一入直境催令晝夜趨行勿許片刻停留俾得及早抵通交兌為要欽此查本年南糧三進重運河南三尾幫據天津鎮總兵祥啟稟報於八月十三日入直隸境已經該鎮奏報一面督押尾幫北上在案臣於十九日行抵天津查得南糧重運俱已到津因三岔河口頂溜勢急水漫緯路必須用丈鋪提溜勢難連橋直進以致津關催放未能迅速今截至二十二日止尚未過津關重運共計江西七幫湖南二幫計

那文毅公初任直隸總督奏議
卷四十五
三

軍船四百九十九隻臣現飭天津道府及營將等官晝夜嚴催務令迅速過關北上早達

天庾趕緊回空南下不任停留遲緩仰副

聖懷謹

奏奉

硃批覽

嘉慶二十一年五月十二日

奏臣於本年五月十一日承准軍機大臣字寄五月初十日奉

上諭據祥啟奏直隸境內河水消落至淺之處僅存水三

四八九

尺三四寸五月初六日鳳陽常幫前船祇十七隻入安
陵汛後船現抵故城恩縣德州一帶按段兌撥接運已
脫空十六日等語本年運河水勢充裕糧艘行走遛速
乃故城恩縣德州等處河水日見消落以致鳳陽常幫
前後船脫空十六日著那彥成接奉諭旨即派明幹大
員迅速前往故城及恩縣德州一帶查明水淺之處督
同各該地方官逐段挑挖務期一律深通仍一面將脫
空船隻設法起剝俾在後幫船銜尾前進勿稍遲延欽

那文毅公初任直隸總督奏議

卷四十五

五

此查鳳陽常幫前後脫空臣接據稟報即飛飭天
津道張五緯在故城縣境內一帶趨辦挖淺起剝

築壩蓄水事宜並飭天津鎮督率員弁在京州吳
橋一帶相機備辦復嚴飭沿河各州縣僱運協濟
剝船趕赴故城接備起剝欽奉

諭旨臣現又派委候補道府陶樑馳往故城及恩縣德州
一帶督同各該地方官將淤淺處所趕緊挑挖深
通一面多僱民船設法起剝務期輪轉迅速俾後
幫船隻銜尾北上不致擁擠延悞至各路踴緝員
弁臣按日嚴催務期偵訪確切窩線以冀跟蹤弋
獲不敢稍有疎懈謹

奏

嘉慶二十一年五月十九日軍機大臣字寄奉
上諭那彥成奏遵有委員查勘運河水勢籌辦挖淺起撥
各情形現當漕運喫緊之時直隸山東交界地方河道
多形淺滯故城一帶撥船復不敷輪轉著該督嚴飭各
委員及該地方官將淤淺處所趕緊挑挖深通並即飭
催撥船趕赴故城輪流轉運務使各幫船銜尾前進毋
任脫空延悞

嘉慶二十一年六月初十日

那文毅公初任直隸總督奏議

卷四十五

美

奏據臣派往故城等處催趨漕船之候補道府陶樑稟
稱安陵一帶河道本屬深通水勢尚為充裕惟故

城古淺本多連日河水消落第八屯已淺至二尺
九寸糧艘阻滯現在趕緊調船起剝並晝夜在河
干督催多僱民夫挑挖並在水中推挽又距故城
境三里之娘娘廟係恩縣所轄水淺沙淤糧艘擁
擠以致在故城境內者不能迅趨出境復馳往該
處飛調船隻隨時起剝並督飭員弁設法疏刷添
絳助挽俾不致積壓所有二進軍船共計三十三
幫自江淮四首幫起至寧波後幫已趨出境者二
十九幫其紹興後杭嚴三二幫俱已抵境現在趕
緊起剝催趨前進具稟前來臣現已批飭該道府

迅速相機督率催趨並飛咨山東撫臣務將恩縣所轄水淺沙淤之處速飭設法挑挖不使擁擠故城境內以速漕運謹

奏奉

硃批覽

嘉慶二十一年六月初十日

奏昨據臣派往故城一帶督催漕船之候補道府陶樑稟稱六月初八九等日將入境之紹興前後幫並杭嚴三幫趕緊起剝一面督飭員弁晝夜催趨並將二進尾幫嘉興白糧船於初十日戌時全趨出

那文毅公初任直隸總督奏議

卷四十五

毛

境計自恩縣至安陵河道相距百餘里日內即可迎提入直至三進頭幫嘉興衛軍船現抵故城以後銜尾前進務使輪轉起剝不致積壓現在長河水勢三尺三四寸不等足資浮送第八屯淺處二尺九寸初十日戌刻水長四寸具報前來臣批飭督率沿河文武員弁晝夜提催俾三進各幫跟踪前進毋稍延緩謹

奏奉

硃批覽

嘉慶十九年十一月初二日

奏為奏請

旨事竊據河間府屬吳橋縣知縣馬同書稟稱本年十月初九日准雲南委員定遠縣知縣葉立笙領解癸酉年正運三起京銅行抵山東臨清州地方因河水淺澀起剝銅四十七萬七千九百觔移會豫備剝船以便到境剝運等因該縣僱備船隻并多差書役在交界等候兌剝至十四日晚往山東德州同臨清州書役將前項銅觔運到查問委員葉立笙業已先行船內只有葉立笙之弟並家丁朱姓二人口稱次日盤兌詎葉立笙之弟並家人朱姓

那文毅公初任直隸總督奏議

卷四十五

庚

將銅觔堆放河干亦即他往不知去向該縣移關下站迅將葉立笙截回乃等候多日杳無音信該縣因事關銅運且時已寒冬恐致凍阻遂眼同德州並臨清州書役三面點明計銅四千七百七十八緡裝船十六隻派役護解前進等情前來臣查該委員葉立笙領解銅觔例應親身押送如遇沿途起剝等事以便眼同地方官盤兌乃該委員竟置官銅於不顧輒敢先期他往僅留伊弟及家人朱姓在船看管實屬玩悞而該員之弟並家人朱姓復棄置不管亦屬膽玩臣現在飛飭天津道並

各州縣查明該委員葉立笙下落迅速截留委員
押赴前途將前項銅筋交給管解并飭各州縣妥
為接護一面查拏該員之弟及家人朱姓訊究外
相應據實奏請

旨飭下戶部俟雲南委員定遠縣知縣葉立笙運銅到部
交兌後將該員傳部訊問如何敢於玩視官運並
何故私行前往何處抑係吳橋縣知縣馬同書妄
稟務得水落石出照例治以應得之罪以為玩視
官物者戒謹

奏

那文毅公初任直隸總督奏議

卷四十五

五

嘉慶十九年十一月初四日奉

上諭那彥成奏雲南運員葉立笙領解京銅船隻行至山
東臨清地方因河水淺澀移會直隸吳橋縣備船候剝
迨銅船行抵吳橋縣境查問該運員業已先行船內只
有伊弟並家丁朱姓二人將銅筋堆放河干亦即他往
杳無音信現經該縣派役將銅船護解前進等語運員
葉立笙領解銅筋理應親身在船督押乃與伊弟及家
人等先後他往無蹤恐有虧缺官銅畏罪潛逃情事著
那彥成派員查拏葉立笙併伊弟及家人朱姓二人迅
速緝獲解交刑部嚴行審訊至此項銅船業經護解前

進抵通之日著倉場侍郎派員先將銅筋逐細盤查有
無虧短據實具奏

嘉慶十九年十一月十八日

奏為恭摺奏

聞事竊查前據吳橋縣知縣馬同書具稟雲南委員定遠
縣知縣葉立笙將起剝銅筋並不親身押運與伊
弟並家人朱姓先後他往等情臣以該運員何故
私行前往何處抑係吳橋縣馬同書妄稟當經繕
摺奏奉欽奉

上諭運員葉立笙與伊弟及家人先後他往無蹤恐有虧

那文毅公初任直隸總督奏議

卷四十五

罕

缺官銅畏罪潛逃情事著臣派員查拏解交刑部審訊
欽此臣因查該運員葉立笙領運銅一百一十四
萬五千八百九十八筋零據吳橋縣稟報起剝銅
四十七萬七千九百筋其餘銅筋現在何處臣於
具奏之後行文飭查茲據天津道張五緯稟覆葉
立笙領運銅六十六萬七千九百九十八筋零於
十月十五日運過天津關守凍尚有銅四十七萬
七千九百筋據葉立笙稟稱因起剝落後留伊弟
葉立訓家人朱升在彼照料恐沿途乘阻請委員
迎提該道即派外委李煥文前往嗣據回稟前項

起剝銅筋已在東光縣守凍葉立訓等均在此處看守等情又據葉立笙稟稱該員領運銅一百一十四萬五千八百九十八筋零行至山東臨清州地方因運河水淺起剝銅四十七萬七千九百筋其餘銅六十六萬七千九百九十八筋零仍在原船裝載因船隻水手均係長僱不能與沿途短換剝船搭幫同行該員自押長船先期北上其起剝銅筋派令伊弟葉立訓家人朱升在後照料十月初七日該員至吳橋縣地方即移知該縣豫備剝船起剝因時屆小雪恐運河凍阻該員即將長船星夜趨行前進經吳橋縣貼有印花至起剝銅筋船隻例應逐站倒換今上站剝船該員准吳橋縣移知於十月十三日早送至吳橋縣直至十月二十四日始行轉運東光縣已遲延十日上站剝船不肯守候故將銅筋起貯河干現在該員押解長船於十月十五日行過津關守凍該員之弟葉立訓家人朱升運送起剝銅筋至東光縣守凍亦經天津道委員查明屬實乃吳橋縣恐干遲悞以致守凍之咎輒稟該員不知去向丁屬躲避不見實屬捏飾該員領運銅筋一百十餘萬筋行程萬餘

那文毅公初任直隸總督奏議 卷四十五 聖

那文毅公奏議 卷四五

里之遙惟望早到一日早得交代清楚早卸一日之干係豈肯於將到京門之際自取咎戾至所運銅筋自信並無短少將來交兌如稍虧短情願賠繳治罪等情前來 臣查葉立笙所稟既係因恐運河凍阻督解長船先行北上曾經吳橋縣貼有印花其起剝銅筋派令伊弟葉立訓家人朱升在後照料辦理尚無不合並現據東光縣稟報起剝銅筋係吳橋縣書役同該運員之弟並家人朱升押解到縣亦核與該運員所稟相符惟吳橋縣前次因何妄稟該運員不知去向丁屬潛逃其中顯有別情必須質訊確允 臣萬不敢稍有迴護袒庇除將葉立笙等遵旨委員解部外相應奏明請旨將吳橋縣知縣馬同書暫行解任一併解部與葉立笙等質訊務期水落石出以杜捏飾再天津東光兩處守凍銅筋已飭地方文武各官小心看守謹奏

嘉慶十九年十一月二十日奉

旨馬同書著解任交刑部與葉立笙等質訊明確據實具奏

那文毅公初任直隸總督奏議 卷四十五 聖

四九三

那文毅公初任直隸總督奏議卷四十五

那文毅公初任直隸總督奏議

卷四十五

一

那文毅公初任直隸總督奏議卷四十六目錄

卷四十六

興復義倉

籌補常平

因時改鑄

那文毅公初

任直隸總督奏議

目錄

一

那文毅公初任直隸總督奏議卷四十六

上海市歷史文
獻圖書館藏

男容安恭輯

興復義倉

嘉慶二十年二月初七日

奏為直隸義倉年久廢弛現在飭查整理期復舊制而

收實效先行恭摺奏

聞事竊查直隸義倉係乾隆十八年間經前任總督_臣方

觀承奏請建置共計一千零五區報捐新舊穀共

二十八萬五千三百餘石定有勸捐獎勵典守出

納之法規畫井然_臣條不紊並刊印義倉圖說進

那文毅公初任直隸總督奏議

卷四十六

呈

御覽迄今六十餘年其間偶遇水旱偏災以及每歲青黃

不接貧民賴以糊口接濟較之動

帑發粟尤為便捷洵屬有益閭閻惟是歷年久遠牧令

奉行未能實力舊章遂至廢弛檢查嘉慶十九年

咨部案內通省義倉僅存穀七萬五千五百二十

九石有零加之民欠穀八千五百五十七石有零

共止存義穀八萬四千八百六石有零雖山節年

動用並奉

旨豁免所致然勸捐不能增多即此可見兼聞嘉慶六年

大雨之後各處倉房多有倒塌至今尚未修葺若

不加整理再事因循恐前入良法美意將成虛設

實為可惜伏惟我

皇上勤求宵旰

念切民依備荒足食之政無不上煩

容慮而_臣仰蒙

恩命身任封疆似此有益於民之事首宜悉心查辦以副

委任_臣與藩司錢臻商酌該司亦同有此志隨於接見屬

員之時詢問如何辦理可以仍復舊章各令因地

制宜具稟核示茲據各屬稟稱原建倉版年久失

那文毅公初任直隸總督奏議

卷四十六

二

修本未堅固六年大雨之後多半傾圮所存穀子

或歸併常平或存貯民房為數均屬有限若欲仍

復舊章必須年歲豐稔方可勸捐辦理第直隸地

方連歲偏災修倉捐穀同時並舉誠恐民力未逮

懇請酌分先後次第舉行紳民自必樂從等情陸

續具稟前來_臣伏查義倉之設為備荒第一良法

今直隸義倉自乾隆十八年建置以來閱時既久

坍塌甚多自應先修倉房次捐穀石庶民力紓徐

不致棘手難辦查原建義倉一千零五區現在何

處已經坍塌何處尚屬完固_臣已通行各屬開報

一面專委委員分司核對俟開報齊全共計坍塌者若干處完固者若干處應如何修理臣再行督同藩司首府悉心酌議通飭各屬曉諭紳民自行捐修勒限報竣仍察看年歲收成實力勸捐其倉房完固各處毋庸捐修仍令先行捐穀以資貯備總不許假手書役以免滋弊俟修理完竣捐有成數另行具奏至前督臣方觀承原定規條有今昔異宜之處統容臣率同藩司確核情形斟酌損益另議條規開單奏請

聖訓謹

那文毅公初任直隸總督奏議

卷四十六

三

奏奉

硃批洵屬善政未易辦理

嘉慶二十年十月二十三日

奏為具奏請

旨事竊臣

前因直省設立義倉每年勸捐穀石偶遇水旱

偏災以及青黃不接貧民賴以調掇接濟大為有

益近年義倉穀石所存無多並聞原設倉座多有

傾圮當即

奏明飭司整理恭奉

硃批洵屬善政未易辦理欽此隨據該司督同首府酌議

興復義倉勸捐典守章程分飭各屬或先修倉廩或先捐穀石或俟秋收後再行捐辦俱經批飭遵照在案本年秋收豐稔又經臣通飭各屬乘此年豐穀賤迅速實力妥辦總期無虛無擾不許假手胥吏收貯亦歸民間自行掌管其所修倉廩是否完竣現捐穀數共有若干石飭令隨時具報去後茲據保定府知府阿霖等稟稱據沙河縣知縣黃郁章具稟各村倉廩俱已修建完竣勸捐義穀已有六百石有零尚未截數又據署遷安縣知縣汪本具稟勸捐義穀已有五百餘石亦未截數各等

那文毅公初任直隸總督奏議

卷四十六

四

因前來臣伏查義倉之設本屬良法第恐辦理不善轉致擾累閭閻或遇收成歉薄亦難驟議興復

今直省義倉於本年奏准修復之後仰賴

皇上洪福通省所屬秋收一律豐稔該縣黃郁章汪本及

時勸導有方首先報存捐穀五六百石之多尚屬

實心辦理自應奏請量加獎勵俾各該收令咸知

盡心民事庶良法可期實效相應

奏明仰懇

聖恩可否將沙河縣知縣黃郁章署遷安縣知縣汪本均

交部議敘以示勸勵之處出自

逾格天恩至其餘各屬或稟稱修理倉座將次完竣或稟稱勸捐穀石陸續交納統計共有數十州縣臣仍劄司府諄飭毋許稍有擾累核實具報其尚未遵辦之州縣亦俟查明另行核辦謹

奏

謹按嘉慶二十年十月二十七日奉

上諭據那彥成奏沙河縣知縣黃郁章勸捐義穀六百石有零署遷安縣知縣汪本勸捐義穀五百餘石請將該二員交部議敘等語該縣等勸捐義穀係地方官分內應辦之事並非自出已資捐輸急公若即給予議敘現

那文毅公初任直隸總督奏議

卷四十六

五

在直隸州縣勸捐穀石者甚多將來豈能普加甄敘若該縣等實能盡心民事該督自行存記於計典保舉章疏內將勸捐義穀一事一併列入政績尚屬可行此時無庸給予議敘也

嘉慶二十一年正月初四日

奏為直屬通省興復義倉官民倡勸捐輸現在截數統計十六萬餘石恭摺彙奏並分別請

旨仰祈

聖訓事竊照直隸通省義倉經前督臣方觀承創建後年久廢弛不但穀石鮮有實貯即城鄉各處倉廩均

多坍塌傾圮上年春間臣查明舊規酌議興復飭令藩司督同首府設局派員妥議章程分定條規行知各府廳州董率所屬各就地勢民情悉心斟酌辦理當將興復緣由奏蒙

聖鑒欽奉

硃批洵屬善政未易辦理欽此自去秋以後各屬收成一律豐稔又經臣率同在省兩司道府先議倡捐以為通省表率臣捐穀三千石鹽政廣惠捐穀三千石在省兩司清河道首府共捐穀七千石並各道府運司直隸州倡捐亦有一萬五千餘石實力督

那文毅公初任直隸總督奏議

卷四十六

六

辦諄飭各州縣等務各因地制宜設法倡勸不許假手胥吏稍有派累強擾等弊仍飭令將所辦情形隨時稟核嗣據各州縣等陸續稟報臣於年終封篆後飭司督同局員截數彙核茲據稟稱通省院司鹽政道府州縣共倡捐義穀四萬八千二百十六石紳民人等共樂輸義穀十一萬八千四百一十三石九升統共捐穀十六萬六千六百二十九石九升並據紳民等樂輸助修倉廩磚瓦木料銀二千八百四十兩制錢三百四十千文內有倉廩已經修整穀數較多者曲周等七州縣又有倉

未修竣而穀數亦多或倉已修竣而穀數較少者
遷安等五十州縣復有倉未興修而勸穀數不甚
多者廣宗等七十州縣此外間有地方被水錢糧
緩徵及牧令新舊更易勸辦尚無實數者東安等
十四州縣分晰開單稟報前來 伏查義倉之設
儲豐年之有餘備歉歲之不足原係地方第一善
政第辦理固須嚴實而機會必資豐稔仰託
聖主洪福

感召和甘上年直隸通省秋收普遍豐熟該地方官等遵
奉條規倡勸兼行各屬糧價平減間閭踴躍輸將

那文毅公初任直隸總督奏議 卷四十六 七

咸知民捐民用民修民貯牧令第董其成吏胥一
無經手已捐者源源運收未捐者蒸蒸日上
前督 方觀承創建之時自乾隆十一年起至十
八年二月始據奏報新舊義穀二十八萬五千三
百餘石此次倡勸甫經數月現已截數十六萬六
千六百餘石實皆荷賴

精誠字格

吳穹鑒佑得藉全境之豐稔俾資良法之儲積從此屢豐
告慶大有頌書益可餘一餘三垂諸永久闔省官
民無不臚頌

皇仁同聲怵慶至各州縣辦理勸捐情形不一雖均係地
方官分內應辦之事但興復伊始似此民食攸關
之舉如果乘時妥辦自應仰體

鴻慈量予分別鼓勵俾牧令咸知民事為重可以資觀感
而裕久計所有首先稟辦之沙河縣知縣黃郁章
遷安縣知縣汪本業經奏奉

諭旨飭令 存記隨時鼓勵現在核明曲周縣知縣劉漢
倡捐穀一千石勸捐穀五千零四十石廢倉八處
均已建完候補直隸州署晉州知州張杰倡捐穀
八百一十七石勸捐穀四千石倉廩四處俱已修

那文毅公初任直隸總督奏議 卷四十六 八

整該二員修倉勸捐同時並辦穀數較多合無仰
懇
恩施交部從優議敘又磁州知州何道榜倡捐穀五百石
勸捐穀五千零二十八石邯鄲縣知縣尹鴻璐倡
捐穀五百石勸捐穀三千二百二十二石該二員
已於灤州王殿魁等案內邀

恩議敘外永年縣知縣袁俊倡捐穀五百石勸捐穀三千
七百一十六石新城縣知縣陳景登倡捐穀五百
石勸捐穀三千二百五十五石成安縣知縣花濂
佩倡捐穀五百石勸捐穀二千五百石以上三員

倉座分別修葺穀數亦多請

旨交部議敘此外間因被水緩徵之東安等各州縣臣飭

俟察看本年收成再行辦理其到任未久各員亦

俟其輿情孚洽聽民自便毋得稍有勒派強擾總

期良法可收實效善政益垂久遠仰副

皇上軫念民依之至意再查紳民人等從前經方觀承奏

定捐交義穀案內二百石以上者給予九品頂戴

三百石以上者給予八品頂戴四百石以上者給

予七品頂戴乾隆年間奏奉

恩旨賞給有案此次捐輸義穀之各屬紳民若照舊自二

那文毅公初任直隸總督奏議 卷四十六 九

百石起即予九品頂戴未免過優臣請以三百石

為斷三百石以上給予九品頂戴四百石以上給

予八品頂戴五百石以上給予七品頂戴除三百

石以下者由臣及藩司道府廳州等分別酌給匾

額示獎五十石以下者該州縣酌給花紅匾額賞

賚外現在嚴明遷安縣候選員外郎姚開第捐穀

三百石修倉銀五十兩撫寧縣候選千總鄭國鼎

捐穀三百石新城縣武舉郭英和捐穀一千石深

州候選守禦所千總李桂馨捐建義倉一座核計

工料銀五百餘兩折照穀價約五百餘石捐職布

政司經歷侯從周捐穀五百二十石以上五名均

係捐職候選人員未便再給頂戴請

旨將姚開第鄭國鼎郭英和李桂馨侯從周均交部照例

議敘又饒陽縣已革捐職從九品索崑齡曾經緣

事發配援減釋回此次捐穀五百二十石應請

賞給原捐從九品頂戴新城縣監生李生榮長垣縣文童

徐占元均各捐穀五百石請將李生榮徐占元俱

賞給七品頂戴如此分別獎勵該紳民等益知鼓舞奮勉

聞風嚮慕各州縣乘機勸導於興復舊制遞年儲

備之道不無稍有裨益再責成該管道府廳州於

那文毅公初任直隸總督奏議 卷四十六 十

各屬收竣盤查結報遵照議定條規仍交紳民公

舉之倉正倉副專司出納借還一切事宜無致官

侵吏蝕謹

奏

嘉慶二十一年正月初六日奉

上諭那彥成奏直屬通省興復義倉倡捐勸捐各員請旨

分別鼓勵一摺直隸通省義倉因年久廢缺倉廩亦多

傾圮前經那彥成奏明飭屬興辦茲據奏此項倉穀自

飭辦以後地方官倡勸兼行紳民亦踴躍樂輸並捐資

修理倉廩甫經數月已截數至十六萬六千六百餘石

辦理尚為妥協所有勸捐各員除知縣黃郁章汪本前
已有旨令該督存記隨時鼓勵知州何道榜知縣尹鴻
璐於另案加恩外曲周縣知縣劉澐署晉州事候補直
隸州知州張杰修倉勸捐同時並辦穀數較多著加恩
交部從優議敘永年縣知縣袁俊新城縣知縣陳景登
成安縣知縣花濂佩俱交部議敘其捐輸紳民除三百
以下者由該督等分別獎賞外其捐穀數多及捐建義
倉之候選員外郎姚開第候選千總鄭國鼎李桂馨武
舉郭英和捐職布政司經歷侯從周俱著交部照例議
敘監生李生榮文童徐占元俱賞給七品頂戴以示獎

那文毅公初任直隸總督奏議

卷四十六

十一

勵該部知道

籌補常平

嘉慶二十年十一月十一日

奏為酌籌採買常平倉穀以資儲備事竊照常平倉穀
原備民間緩急之需遇有缺額即應隨時買補以
資儲備查直隸省十七府州屬常平倉額貯穀二
百二十一萬八千三百餘石緣連年水旱不齊偶
被偏災疊蒙

聖恩分別賑濟豁免民欠出借穀石或協撥鄰封動缺或
因各州縣歷任虧缺已入初二三次清查並交代
續虧案內奏咨追賠償銀以致倉穀多有缺額曾

那文毅公初任直隸總督奏議

卷四十六

十一

於嘉慶七年間經前督臣顏檢奏明將賑缺豁缺
撥缺常平倉穀先行動項採買穀三十萬石派令
各州縣妥速購買內已採買過穀十五萬餘石其
餘穀十四萬餘石於十二年經前督臣溫承惠奏
請緩買之後頻年歲歉市糧價昂未得照數買足
今歲直省地方自五月十二日得有透雨之後晴
雨應時雖間有窪地被水歉收之處不過一隅中
之一隅核計通省收成實為十數年來未有之豐
稔現在百穀俱已登場豐登有慶小民除留備口
食之外均思糶賣以備家用無如鄰省大勢豐收

市糧擁擠價值日減轉有穀賤妨農之虞若乘時採買倉穀洵於官民兩有裨益伏查直屬各州縣常平倉額貯穀石除平糶並出借民欠未完以及現存在倉之外計有賑缺豁缺撥缺穀八十一萬四千四百五十二石零又歷任虧缺已入初二三次清查並交代續虧案內奏咨追賠穀七十五萬七千九百二十一石零共計缺額穀一百五十餘萬石自宜趁此豐收之年分別買補其賑缺豁缺撥缺穀石應請按照部定價值每穀一石給銀七錢在於司庫地糧並

那文毅公初任直隸總督奏議

卷四十六

吉

恩賞經費及當襍旗租等項銀內動用虧缺穀石在於司庫初二三次清查並交代續虧案內追存穀價本款銀內撥給倘本境所產高粱居多或因山路崎嶇運穀費繁准將高粱粟米等項一體收買仍照例折穀如遇青黃不接之時量爲出借易穀還倉統俟事竣造冊報銷惟是額缺穀石爲數較多且直屬地方十數年來收成歉薄今歲始得豐稔若全數買補又恐勢有不能且穀價太多亦不能一時並發臣與藩司斟酌何處應先辦理酌量地方情形以次買補總歸核實務使民食無礙而倉儲

得以由漸充盈方爲妥協除俟各府廳州查明覆到再行彙核咨部卽行發價採買外至領買之後若不將出入稽查守貯嚴立章程仍恐易滋弊混臣與藩司錢臻悉心籌議酌定條款所有應買缺額穀石動用銀兩及籌議稽查各緣由謹分繕清單敬呈

御覽伏乞

皇上睿鑒勅部查核施行再查各州縣平糶常平倉穀本有糶存原價可動應請仍照向例動支糶存原價銀錢採買貯倉分別報部又嘉慶七年

那文毅公初任直隸總督奏議

卷四十六

吉

奏明未買常平倉缺額穀十四萬餘石已核入現在籌買賑缺豁缺撥缺穀八十一萬四千四百餘石之內合併陳明謹

奏奉

硃批戶部議奏

謹將直隸省屬應買缺額穀石及動用銀兩各數開列清單恭呈

御覽

計開

一順天永平保定河間天津正定順德廣平大名

宣化承德等十一府遵化易州冀州趙州深州
定州等六州並張理廳常平倉項下

額貯共穀二百三十一萬八千三百二十六石七

斗三升一合一勺

又溢餘穀五萬五千九百一十一石六升九合

二共穀二百二十七萬四千二百三十七石八

斗一勺內

清查交代續虧共穀七十五萬七千九百二十一

石七斗二升七合六勺四抄

平糶穀六萬零八百六十四石八斗九升五合糶

那文毅公初任直隸總督奏議

卷四十六

五

收價銀二萬八千四百七十五兩七分六釐一

毫制錢二萬二千三百七十六千五十五文內

存司庫銀八千三百二十一兩三錢四分三釐

府州縣庫銀二萬一百五十三兩七錢三分三

釐一毫制錢二萬二千三百七十六千五十五

文

民欠出借穀八萬三千九百八十七石九斗六升

四合五勺

現存穀五十五萬七千零十石九斗一升四合二

勺

謹將籌議採買倉穀出入稽查守貯章程臚列清
單恭呈

御覽

一發價採買應責成道府監同辦理也查各州縣

應採買穀數查明詳定之後或由司庫給發價

銀或動用糶存原價若聽該地方官自行採辦

在潔已奉法之員自必秉公購採不肯從中滋

弊其或心存不肖者難免不假手胥吏派累折

收以及尅扣平色等項不可不預為之防自應

責成各道府廳州督率採買州縣按照原領原

那文毅公初任直隸總督奏議

卷四十六

六

糶價值眼同散給有穀之家並於交穀時監同

平斛量收事竣出具印監各結造冊層層加結

由司彙核詳銷以杜弊混

一採買完竣應委隔屬大員盤驗也查各州縣於

買穀報竣後有無買少報多及以醜報好雖係

道府監督收買尚恐稽查未周應由藩司另派

隔屬道府大員前往各州縣互相盤驗眼同封

貯據實結報總督藩司臬司遇便仍往親查具

奏如此各有責成自不肯為人徇飾以昭核實

一收貯穀石應責成本管上司稽查也查直隸各

屬倉糧固有因公動缺糶缺之項而歷任虧缺者亦復不少溯厥由來大抵私自挪移或支發因糧署中食米以致糜粟消糜若令州縣司其啟閉勢必仍蹈前轍轉以買補供其私挪自應責令該管道府廳州於互相盤驗後各給所屬州縣鎖鑰印封嚴密收貯如遇出借平糶以及因公動用等項即申由該管道府廳州委員監同辦理事竣仍請給發鎖封照舊封誌倘州縣仍敢私自動用立予詳參如該管道府廳州容隱不舉一經總督兩司查出即將虧挪穀石著

那文毅公初任直隸總督奏議

卷四十六

七

令賠補一併從重參辦

一應申明盤查定例以收實效也查向來道府廳州到任例應將所屬州縣倉廩錢糧盤查結報庫貯銀款盤兌尚易而倉貯穀石盈匱滿箱往往易為朦混應令各道府廳州於到任時親赴各屬查明存糧厥口出此入彼徹底盤量出具無虧印結通報備案

一停買穀價應解繳司庫以杜虧挪也查各州縣領價採買穀石於開糶之後或因市價增長難以購買通報停緩其原領價值如令羈留屬庫

易致侵挪應令該管道府廳州一據詳報停買即飭將價銀解繳司庫分別存貯歸款不得稍任稽延

一貯倉穀石應隨時曬晾以免耗折也查花戶領價交穀官為驗收當時自屬乾潔然終年備貯為日過多潮濕所蒸易於霉變應令各州縣於每年秋間揀擇晴爽日期出倉透晾一次仍先期申請本管道府廳州委員監同出納以免乘機侵盜

那文毅公初任直隸總督奏議

卷四十六

六

一採買若干宜隨時具奏也各州縣領價採買或照數買竣或勢難全買報明停緩經該管道府廳州盤驗結報之後藩司彙核通案共計酌發銀兩若干採買穀石若干詳明總督隨時具奏其未經買補穀石仍俟查看情形分年以次買補亦隨時具奏庶倉儲由漸充盈買補益歸核實

一年終宜將實貯全數取結詳奏也查常平缺額原不能一時全數買補完竣必須分年酌買但既經發價採買所有每年買補實貯全數應於每年終由藩司咨取道府甘結詳請具奏如此

則每年買補實數分劃既屬明晰稽查亦屬簡
要

那文毅公初任直隸總督奏議

卷四十六

九

因時改隸

嘉慶十九年十二月初二日

奏為村鎮繁要印官稽察難週請將縣丞主簿等官移
駐彈壓以重地方事竊照設官分職必須因地制宜
宜而今昔情形不同自應酌量更易茲查保定府
屬東鹿縣西北鄉一帶村莊距縣自四五十里至
六七十里不等民俗刁悍且與深澤縣接壤往來
遞解人犯餉鞘均由該處行走印官遠在城內稽
察難週必得設一專員彈壓巡查以昭慎重查該
縣設有縣丞一員與知縣同城並無應辦事件請
將該縣丞移駐小章莊改為分防縣丞並將附近
之張古等六十村莊併歸該縣丞彈壓又大名長
垣自去歲地方平定後添設營汛各官亦須酌量
今昔情形少為變通移置方為有益查大名府屬
大名縣之龍王廟距城十八里本係漳衛二河合
流之區商船聚集烟戶繁多一切彈壓巡防亦非
專員不可查該縣設有衛河縣丞一員駐劄離城
五里之舊縣地方管理河務之外別無事事請將
該縣丞移駐龍王廟兼管巡檢事務又元城縣小
灘鎮距縣城三十五里與山東朝城冠縣兩邑連

那文毅公初任直隸總督奏議

卷四十六

十

界人煙稠密水陸衝途亦應專員彈壓查該縣設有專管漳衛二河主簿一員駐劄縣城近年漳河淤塞歸併衛河合流直達山東館陶縣之王家莊綿長六七十里奔走修防殊多未便該處既需專員彈壓而小灘鎮與衛河切近請將該主簿移駐小灘鎮兼管巡檢事務既可就近防河又可彈壓地方洵為一舉兩得又長垣縣之大黃集離城一百二十里與豫東兩省犬牙相錯俗有三不管之稱亟須專員彈壓查該縣設有管河縣丞一員駐劄縣城專管趙王陶北二河堤工近年工程稍簡

那文毅公初任直隸總督奏議 卷四十六 三

請將該縣丞移駐大黃集兼管巡檢事務以上移駐各員除戶婚田土詞訟不得干預外其盜賊邪教娼賭鬪毆等事均責成該員等就近查拏解縣審辦仍將分撥彈壓村莊飭令各該縣勘明造冊咨部所管村莊內如有盜劫案件即將該縣丞主簿作為協緝開參其應得廉俸及書役名數悉照舊定章程毋庸更議除東鹿縣縣丞一員本係地方毋庸另議外其大名長垣二縣縣丞並元城縣主簿一缺均係河缺今請移駐兼管巡檢事務應仍歸河缺補用 臣與該管道府及兩司再三斟酌

那文毅公奏議 卷四十六

並虛衷博訪均稱於地方有益今如此酌量移駐既免添設改隸之繁而緊要地方得有專員彈壓洵足以昭慎重如蒙 俞允所有改鑄印信應咨部頒發至建蓋衙署再行節省 辦理隨時咨部謹 奏奉 硃批該部議奏

那文毅公初任直隸總督奏議 卷四十六 三

那文毅公初任直隸總督奏議卷四十六

五〇五

那文毅公初任直隸總督奏議卷四十七目錄

卷四十七

宣防疏濬

那文毅公初任直隸總督奏議卷四十七

男容安恭輯

宣防疏濬

嘉慶十九年閏二月二十八日

奏查案據永定河道李逢亨稟稱上年六月間北六工

舊堤因長水衝缺經該處賀堯營等村民人以力

難補築稟請動

帑辦理等情隨檢查舊卷並石刻碑記內載乾隆二十

年間經前任總督方觀承

奏請

那文毅公初任直隸總督奏議卷四十七

聖駕親臨

指示機宜於北岸六工賀堯營開堤放水改為下口入沙

家淀會鳳河入大清河以南坦坡埝為南堤北越

埝為北堤中寬四十五里任其蕩漾悉為散水勻

沙地面等因查北六工原編二十號歷來估工總

至八號而止緣八號以東即接北七工頭號迤下

即屬下口原可不必修防又因八號至十號可作

北七工之挑水壩每年仍令官兵小心防守其餘

任其蕩漾賀堯營村坐落十六號向不在修防之

列惟因左近村民圖種河灘地畝惟恐時遭淹浸

那文毅公初任直隸總督奏議

目錄

一

間或集夫修築以資保護歷年亦聽其便現因漲漫塌堤未便請動官項以致又滋糜費稟請核示前來臣覆查該處南有南坦坡埝為南堤北有北越埝為北堤此堤居中坐落河心若逢盛漲水中堤尾倒漾前後一片汪洋修之無益至河內村莊原應移居堤外乃小民圖種灘地之利未免安土重遷亦止可聽其自為設法防護此段堤工自十號以下向不在估修之內自應永遠停修並禁止該村民不許補築致過水道以省糜費而重河防

那文毅公初任直隸總督奏議

卷四十七

二

奏奉

硃批覽

嘉慶十九年六月二十四日

奏為恭報永定河伏汛安瀾仰慰

聖懷事竊據該道李逢亨稟稱本月初九日河水驟長蘆溝橋水深一丈零八寸南上南下汛北二北三各工埝段坐蟄晝夜趕緊加鑲簽椿壓土得保無虞嗣又連次長水拍岸盈堤該道督率在工文武員弁實力防護並往來查看北岸三工第十二號尾舊埝七段迤下溜勢刷塌堤脚添下新埝五段又

第十八號舊埝六段之下大溜逼注刷塌堤根捲下新埝一段其餘各工埝段頃期飭令各廳汛將彫朽者折修卑矮者加鑲簽椿壓土均屬一律整齊卽有蟄陷之處皆隨時搶護平穩水勢隨長隨消今伏汛已過各工悉臻穩固河流順軌安瀾等情稟報前來臣伏查永定河本年入伏以後連次長水埝段堤工間有蟄陷並被溜勢刷塌均經該道督率文武員弁搶護平穩現在河流暢順各工均臻穩固皆由我

皇上誠敬感孚

那文毅公初任直隸總督奏議

卷四十七

三

河神默佑得以慶洽安瀾臣欣幸之餘倍深寅惕惟此

時伏汛雖過秋汛正長仍飭該道廳等加謹巡防

不可稍存大意謹

奏奉

硃批覽

嘉慶十九年七月二十日

奏為永定河水勢疊次增長各工搶護平穩情形恭摺

奏

聞事據永定河道李逢亨稟稱本月初一日蘆溝橋長水一丈零五寸及消落時溜勢側注且緣秋水搜根

各工埽段多有喫重如南上汎十四號坐墊三段
南下汎十一號坐墊二段南三工六號坐墊二段
均即隨時搶鑲平穩初五日復經長水南三工第
九號大溜直衝刷去老灘直至堤脚趕緊多掛柳
枝層層塘護大溜復行上堤將埽段墊塌旋復捲
下埽個簽樁壓土加鑲穩固北三工十七號大溜
坐灣潰傷堤脚初六日搶下新埽二段隨墊隨鑲
至初八日丑時忽將前次所下頭段新埽藏頭堤
幫塌去水由埽後潰堤段立發危險之至埽前
水深一丈五六尺至二丈不等接上堤幫仍復坍

那文毅公初任直隸總督奏議

卷四十七

四

塌不已隨又捲下新埽一段趕緊簽樁以冀鑲壓
到底庶可保護以下埽段不致復潰隨即調集兵
夫分投購買土料趕緊搶壓至寅時河水復長一
尺餘寸溜勢洶湧頃刻間埽後仍復潰堤四五尺
不等所下新埽全行飄動當此喫緊之時天色未
明水流更急該道親率廳汛員弁兵夫手不停力
直至午時搶護漸平次早復於新埽以上又下裏
頭埽一段以資包護共計下新埽四段搶辦三晝
夜得以保護平安至北二工五號迎溜汕刷埽鑲
連墊三段北五工十號溜勢頂衝埽鑲墊陷二段

均即搶鑲平穩北八工連次長水二號第二三道
土壩疊經汕刷當即採柳捆紮防風盤作裏頭以
資捍禦十號土壩亦經大溜刷去六丈有餘下游
堤工甚為喫重隨即運料採柳連夜趕緊將壩頭
搶鑲一日有餘始行出水業已加壓大土又十號
中圈捻脚大溜刷去寬五六丈長二十餘丈亦即
運料趕做防風五段十三號大壩頂衝中段汕刷
墊陷壩根業已滲水當於內幫密掛大柳外幫集
夫買土趕做後截得臻穩固並將子捻俱行加培
現在各工均已平穩等情稟報前來查此次北三

那文毅公初任直隸總督奏議

卷四十七

五

北八等工疊經盛漲出險仰賴

皇上

洪福得以搶護平安臣感幸之餘益深凜畏現復諄飭該

道仍須親督在工文武晝夜巡防不可少有大意

謹

奏奉

硃批覽奏幸慰之至

嘉慶十九年七月二十六日

奏為恭報秋汛安瀾事竊據該道李逢亨稟稱七月初

五日以後全河溜多側注且秋水搜根埽鑲易於

整陷茲復據各汛紛紛報險南上汛第十四號溜
刷埽根陡蟄四段趕緊買土買料加鑲平穩南下
汛第十一號埽鑲蟄陷入水三段當即搶鑲穩固
南三工第六號河心淤出高灘河流漸近堤根當
於內外幫加高培厚搶下防風以資抵禦北二工
第五號河流橫趨第二十三四段陡蟄入水隨
鑲隨蟄不分晝夜趕緊壓土加椿始臻平穩南二
工第二十號河流兜灣溜搜埽根蟄陷三段趕緊
搶鑲該處水深一丈六七尺隨鑲隨蟄幸料物充
足人心踴躍直至次日天明始護搶鑲穩固今屆

那文毅公初任直隸總督奏議 卷四十七 六

白露之期溜走中泓河流順軌石土堤埽閘壩各
工悉臻穩固等情前來 臣查永定河修防緊要仰
蒙

聖主節次發
帑疏培埽岸高厚河漕寬深足資捍禦本年伏秋大
汛期內節次長水出險幸賴

皇上
鴻庥
河神靈佑得以慶洽安瀾 臣感幸之餘益增凜惕謹
奏

嘉慶十九年七月二十八日奉

上諭那彥成奏永定河秋汛安瀾並將出力人員懇請鼓
勵一摺本年永定河伏秋大汛節次盛漲所有在工各
員弁晝夜巡防均屬不辭勞瘁永定河道李逢亨同知
丁寶洲都司謝成守備李存志協備夏茂芳加恩均照
所請交部議敘同知孫豫元在工防汛並無格外出力
之處該督奏請賞加知府陞銜未免過優亦著交部議
敘候補吏目捐陞縣丞包駁准其留於直隸以河工縣
丞補用仍令捐足分發在藩庫完繳候補縣丞俞大勳
准其改撥河工以對品補用河工候補縣丞張藻從九

那文毅公初任直隸總督奏議 卷四十七 七

品陳佩蘭張同勳地方候補未入流韓昺均着以本班
儘先補用該部知道摺單併發
嘉慶二十年二月十三日

奏查永定河下口之水向由葛漁城東南流至三河頭
入大清河嘉慶六年以後水勢漸向北趨將鳳河
東堤衝有缺口數處其水改從鳳河東堤以外行
走亦歸大清河節經前任永定河道王念孫等勘
稟毋庸堵築以資宣洩上年冬間據該道李逢亨
面稟有馬家口等村民人在鳳河東堤外私築土
埝一道應行拆毀 臣以該處缺口實在應否堵築

土埝應否拆毀面諭該道勘明稟辦茲據該道稟稱勘明該處缺口已經深寬若欲堵築非四五萬金不可且缺口適當迎溜頂衝堵合之後一遇汎水漲發必致復被衝缺實屬徒費

帑項於事無益仍請毋庸堵築至下口為永定河之尾閘今鳳河又係尾閘之尾閘必須通暢庶可迅消盛漲今馬家口等村民人於此處築埝阻遏河流是下壅也下壅即恐上潰於全河頗有關係應即拆毀等情具稟核示前來臣查鳳河東堤自嘉慶六年被衝缺口以來迄今十有餘載水性就下已

那文毅公初任直隸總督奏議

卷四十七

八

成全河尾閘且地處頂衝堵築之後必致復被衝缺應請毋庸堵築並將馬家口等村民人於鳳河東堤之外私築土埝立即飭令永定河道李逢亨會同天津道張五穉新任通永道祝慶承等即日親身前往督押拆毀以防阻遏謹

奏奉

硃批覽

嘉慶二十年六月初十日

奏為永定河水漲各工搶護平穩並北七工堤埝卑薄難資抵禦現飭動用道庫銀兩趕緊加幫緣由恭

摺具奏事竊照永定河上游及附近地方自五月中以來連次得有透雨河水漲發先經臣飭令永定河道並廳汎各員隨時察看情形實力防護嗣據永定河道李于培稟稱五月二十日以後河水疊次增長北二工對面新生淤灘大溜側注埝前勢甚洶湧埝段紛紛蟄陷北五工坐當迎溜頂衝水深一丈七八九尺至二丈餘尺不等埝段俱有蟄陷並有陡蟄入水者北七工隄南有洛圖灣以河一道溜逼隄根水勢倒漾直至頭號北八工本屬險工情形均為着重經該道督率廳汎各員分

那文毅公初任直隸總督奏議

卷四十七

九

投搶護並於北七工添做防風挑水埝壩加幫子埝又砍掛柳株以挑溜勢竭數晝夜之力始臻平穩等情臣因本月初六日入伏已交大汎批飭該道加謹防守一面奏明於初三日出省初五日抵長安城即據該道李于培稟稱北二工等處搶護之後南上汎南下汎南二工南三工南五工處處出險埝段蟄陷甚多經該道督率廳汎各員趕緊搶鑲穩固並於南三工添下新埝五段南五工添下新埝四段多僱人夫簽椿壓土奮力搶護始得平穩水勢亦漸次消退等情臣即先赴南岸週歷

查勘各工搶辦工程尚皆穩固又據該道李于培稟稱北七工十六號子埝於初五日坐蟄裂縫二十餘丈經三晝夜搶鑿得以保護平穩惟該處隄埝卑薄一遇水長誠不足恃必須量為幫寬加高方可以資抵禦河工關係緊要平險止爭呼吸現值大汛期內水勢增長不定自應趕緊辦理未便遲悞當即酌動道庫銀兩飭令該道督同該管廳汛各員迅速集夫買土連夜幫寬加高以資捍衛

那文毅公初任直隸總督奏議

卷四十七

十

仍即親往查勘督辦務使即日完竣不許稍有遲延及偷減滋弊除飭取高寬丈尺清單及用過

銀兩細數另行核辦再本年永定河水勢較大伏

汛方長臣擬在工次多住數日再行旋省謹

奏奉

硃批知道了

嘉慶二十年六月二十八日

奏為永定河北岸七工第二十四號被水漫溢現在馳

往勘辦先行具奏事本月二十七日臣接據永定

河道李于培稟稱本月二十五日該道將南岸三

工出險各處搶護平穩後馳赴北岸查勘水勢途

次接據三角淀通判鄭以簡東安縣主簿邱鳳梧

並協防河間府同知王履泰候補通判單應魁候

補縣丞汪兆鵬等稟稱本月二十二日夜間北岸

七工雨大風狂水勢疊次增長黑夜之間但見中

泓水立有似蛟水竟不能計丈尺該員等竭力搶

護無如水勢有增無減兼之狂風驟雨人力難施

以致北岸七工二十四號於二十五日卯時被水

漫溢二十餘丈都司謝成浮淌現在尚無下落該

道馳至該處查看已塌去六十餘丈全河大溜直

注口門現在盤做裏頭並據鄭以簡回稱差人順

水查看水過口門後即循隄外減河及窪處荒地

那文毅公初任直隸總督奏議

卷四十七

十一

經行仍歸本河尾間下注東安縣傍水小村間有

被淹之處等情具稟前來臣接閱之下不勝驚駭

媿悚查本月臣親往永定河查勘工程水勢因北

七工自頭號起至二十二號止隄埝卑薄曾經

奏明動撥道庫銀兩酌量加幫今漫溢之二十四號雖

不在加幫之內查明向來因係平工僅止疏濬中

泓銀兩並無歲修搶修之項惟時屆大汛該管廳

汛及協防各員雖係暴長蛟水究屬失於防護以

致漫溢實屬疎玩查通判鄭以簡主簿邱鳳梧係

專管之員同知王履泰通判單應魁縣丞汪兆鵬

係協防之員均難辭咎相應奏請

旨將三角淀通判鄭以簡東安縣主簿邱鳳梧協防河間

府同知王履泰候補通判單應魁候補縣丞汪兆

鵬均請暫摘去頂戴仍留工効力如果堵築迅速

再請開復臣未能先事預防仰懇

聖恩交部議處至永定河道李于培到任甫逾一月應否

議處出自

皇上天恩臣現在飛飭該道李于培趕緊購買料物一面

在藩庫酌動銀三萬兩臣於二十八日親帶赴工

確勘情形請

那文毅公初任直隸總督奏議

卷四十七

十三

旨辦理其被淹村莊如有應行賑恤之處俟勘明照例奏

明請

旨分別賑恤不敢稍有諱飾再此項工程臣擬動用長蘆

鹽勛加價銀兩提到即行歸款謹

奏

嘉慶二十年六月二十八日

奏北岸七工已與下口相近今漫溢之二十四號又為

該工下段循減河道路迤邐而下其餘均係任水

蕩漾之區民廬田舍無大傷損且此時伏秋大汛

長水之時不必急於填合徒費工力臣到工後察

看情形將應辦事件料理一定仍於初六日由工

次起身詣

園跪請

聖安再赴北路查勘橋梁道路預備

變略經臨謹

奏奉

硃批覽

嘉慶二十年六月二十九日奉

上諭那彥成奏永定河工漫水一摺永定河北岸七工二

十四號因六月二十二日以後雨大水長漫口塌寬六

那文毅公初任直隸總督奏議

卷四十七

十三

十餘丈該督現已飭令該管河道趕緊購買料物並親

赴該工查勘此次永定河漫工距下口甚近過口門後

仍循堤外減河歸入正河尾間現在盤做裏頭著那彥

成確實勘明俟料物購齊即行相機堵築復歸故道其

失於防護之專管通判鄭以簡主簿邱鳳梧協防同知

王履泰通判單應魁縣丞汪兆鵬俱着摘去頂戴仍留

工効力如堵築迅速再行奏請開復永定河道李于培

到任甫逾一月於河務情形尚未閱歷著加恩免其議

處那彥成自請議處之處亦著寬免俟漫口堵合將用

過工料銀兩著落該督分賠十分之三其被淹村莊並

著速查明奏請撫恤

嘉慶二十年七月初五日

奏為勘明永定河北岸七工二十四號漫口情形酌籌

辦理事竊照永定河北岸七工二十四號於六月

二十五日因暴漲漫溢臣接據該道李于培稟報

飛摺馳

奏臣於二十八日拜摺後自省城起程晝夜兼行次日

馳抵該處帶同該道及廳汛各官親赴漫口逐細

履勘查該處距下口甚近水勢側注河身大溜掣

入口門後仍循隄外減河歸入正河尾間先據報

那文毅公初任直隸總督奏議

卷四十七

古

墊陷六十餘丈及臣赴勘暴漲消落現在口門業

已掣涸僅止四十餘丈土性堅實俱無汕刷隨測

量口門水深一丈七尺漫口以內水深五六尺七

八尺不等漫口以外水深一丈一二尺不等減河

正身尚無淤墊過高之處惟正河身因下游淤墊

形成高仰通長應挑三十餘里必須實力挑挖深

通方期順軌日來天氣晴霽俟稀淤曬涸即可先

期勘辦至該處向係平工並無舊料其各工料物

俱因搶險動用所餘無幾亦須留為秋汛修防之

用刻下新料尚未登場臣與道廳各官悉心籌酌

該工下游多係任水蕩漾之區既不妨民間田舍

此時正不必急議堵築一俟新料登場農閒之時

趕緊僱買定期八月內興工此時先將引河挑挖

深通將來堵築亦不甚費手定可一氣呵成仰慰

聖厪所有應用錢糧臣所帶加價生息銀三萬兩現在永

定河道庫存貯新舊防險及河淤地租並各員賠

項共銀五萬餘兩統計八萬餘兩儘此數目樽節

辦理已足敷用無須另行籌酌臣親督鈎稽辦理

務使工歸實用不令少有浮費至都司謝成先於

漫溢時被水衝倒旋即抱住隄邊大樹得不漂沒

那文毅公初任直隸總督奏議

卷四十七

圭

謹

奏奉

硃批依議

嘉慶二十年七月十八日

奏為永定河北七工第十號隄埝被水漫溢現飭趕緊

盤做裏頭俟差竣馳往勘辦先行恭摺奏

聞事竊差次自本月初九日晚間起直至十二日止連朝

大雨臣恐永定河上游水勢漲發各工出險一面

專差查探一面行文飭查即據該道李于培稟報

初十一十二等日大雨傾注永定河驟長水一

丈餘尺由北六工廢隄十六號舊缺口奔騰而出全注北七工自第一號至十四號汪洋浩瀚水勢高出隄頂直與埦平情形頗為喫重現在晝夜搶護等情當經臣批飭該道督率廳汛及協防各員加緊防護去後茲於十七日又據李于培稟稱十二日夜間風雨更大水勢愈高兩岸各處險工在在喫重飭令兵夫冒雨取土竭力搶護詎至十三日丑刻第十號隄埦水勢一湧而過人力難施以致漫口三十餘丈溜勢由東北折向東趨仍循減河故道歸入前次漫溢二十四號漫水下注工尾

那文毅公初任直隸總督奏議 卷四十七 六

任水蕩漾之區減河迤北之壘上等十餘村距隄三四里不等均有被淹外此處並無旁溢現已差弁往查另行稟報其二十四號漫口仍然分流等情具稟前來臣查北七工二十四號已有缺口此時大雨傾注各工在在危險若再於上游漫溢更屬不成事體工料加費數倍辦理愈難所幸仍在北七工十號漫缺相去不遠將來辦理尚不致十分棘手而村莊無多居民亦無傷損實皆仰賴皇上洪福於不幸之中尚為有幸惟是刻下正在秋汛期內應俟白露後水退歸槽同二十四號漫口興工

堵合爾時二者之中必有一斷流旱口庶幾施工較易不致多糜帑項現飭該道趕緊盤做裏頭臣一俟差竣即馳往查勘另行具奏至臣雖在差次距工稍遠但不能先時飭屬預防咎實難辭相應請旨將臣交部嚴加議處謹奏

嘉慶二十年七月十九日軍機大臣字寄奉

上諭那彥成奏永定河北七工第十號堤埦被水漫溢趕緊盤做裏頭並自請嚴議一摺永定河北七工漫口距

那文毅公初任直隸總督奏議 卷四十七 七

前次漫口不遠幸仍循減河故道下注未經旁溢那彥成現在差次趕辦橋道未能兼顧所有自請嚴議之處著加恩寬免其漫口處所業經盤做裏頭那彥成俟要亭送駕後即馳赴工次查勘情形應如何歸併堵築之處妥為辦理可也

嘉慶二十年八月初二日

奏為查勘永定河北七工第十號並非漫口情形恭摺具奏並將疎防之廳汛各官參奏請

旨事竊臣前在差次接據永定河道李于培稟報七月初十一十二等日河水驟長北七工第十號堤埦

漫溢三十餘丈臣據稟繕摺奏

聞在案茲於七月二十八日馳抵永定河親詣北七工漫溢處所逐細查勘因七月初十等日河水陡漲溜勢北趨由北六工廢隄十六號舊缺口奔騰而出向西倒漾十餘里直至北六工廢隄與北七工正隄接連之處仍折回東注以致北七工第十號隄埝過水當時被漫情形本較二十四號爲輕現在連日晴霽水勢消落已成旱口止須築遺土隄並非口岸可比惟二十四號漫口仍然分流應於中泓挑挖引河並於上游築挑水壩將溜勢挑入引

那文毅公初任直隸總督奏議

卷四十七

六

河方可施工堵合刻下雖距白露節候爲日無幾惟因雨水過大遍地稀泥兵夫難以站腳尚難動工應緩至八月二十日左右地土乾燥料物登場再行擇吉辦理以期一氣呵成惟查永定河道李千培以未能諳練河工不能看出形勢以致照漫口具稟臣因在差次未能親勘是以據稟具奏今經戴均元溫承惠同臣親身履勘實係旱口並非口岸可否仰懇

聖恩念其雖屬冒昧具稟究出之過於小心不敢請飾合無仰懇

天恩免其議處仍令將第十號漫口罰令填築堅固不佳開銷至該管廳員鄭以簡泚員邱鳳梧均非初任人員兩次失防實屬疎玩理合參奏請

旨將三角淀通判鄭以簡東安縣主簿邱鳳梧革職仍留工効力俟漫工堵完竣再行具奏請

旨謹

奏

嘉慶二十年八月初二日

奏戴均元到工口傳欽奉

諭旨如永定河口勘定改移留溫承惠在工幫同辦理

那文毅公初任直隸總督奏議

卷四十七

六

否則仍回京供職欽此查永定河改移下口經戴均元與臣會商現因民居過衆奏明停止辦理惟北七工之二十四號漫口必須堵築八月內即當興工永定河道李千培心地端正辦事謹慎支發錢糧清楚節省兩月以來各工員均極信服第該員從未經歷堵築口岸工程究欠熟練更兼臣亦非諳習河務且有通省應辦地方事件甚多不克常川駐工實有難以兼顧之勢查溫承惠在直年久熟悉永定河情形節次辦過漫口極爲妥速合無仰懇

聖恩仍飭令溫承惠來工幫同_臣辦理北七工漫口俟工竣之後回京供職不特工程可期受速辦理不致

多糜

帑項_臣亦得專心辦理地方事件於公務均為有益

謹

奏

嘉慶二十年八月初四日奉

上諭那彥成奏查勘永定河北七工第十號並非漫口並參處疎防之麗汎各官一摺此次北七工第十號漫溢處所係因溜勢陡長於隄埝上過水未成缺口該道李

那文毅公初任直隸總督奏議

卷四十七

三

于培照漫口具稟係因不諳河工形勢著加恩免其議處即將第十號漫口罰令填築堅固不准開銷該管廳員三角淀通判鄭以簡汎員東安縣主簿邱鳳梧兩次失防實屬疎玩均著革職留工効力俟漫工堵合後再行核辦其北七工二十四號漫口即日興工堵築著溫承惠前赴工次幫同李于培妥協辦理工竣後回京供職

嘉慶二十年八月二十八日

奏為勘辦永定河北七工漫口情形並挑挖引河鑲築

兩壩開工日期恭摺奏

聞事竊查永定河北七工本年六七月間兩次漫溢經_臣先後勘明節次奏蒙

聖鑒在案_臣於本月二十三日在天津審案完竣後即於

二十四日馳抵工次溫承惠先於十四日到工所

有應挑引河及堵築漫口事宜已與該道李于培

等確勘妥議茲_臣到工後復與溫承惠帶同該道

李于培及麗汎各官詳加履勘水勢自西折而向

北直注口門已成入袖之勢刻下情形似應在西

壩之上築挑水大壩一道逼溜東趨並於現在迎

溜坐灣處所挑引河一道始成吸川之勢惟估做

那文毅公初任直隸總督奏議

卷四十七

三

挑水大壩等工需項較多經費有常不得不撙節辦理_臣與溫承惠等再四熟籌此後水勢有落無長若引河形勢順利挑挖深通將來開放亦可得力挑水壩工程應行節省勘明即在舊河身稍南離東壩畧遠地方挑挖引河該處間段尚有河形較為簡易隨由引河頭迤邐而下直至黃花店以東至西洲止共應挑引河長五千六百零九丈估挑口寬二十四丈至三丈不等底寬一十八丈至一丈五尺不等深一丈二尺至三尺不等至口門原寬六十四丈溜勢掣澗現在水口僅寬四十

一丈水深八九尺至一丈七八尺不等其掣涸之二十三丈悉成旱口用土夯築固屬節省第浸淹後土性已屬鬆浮若不從新另做難期堅固必須刨挖深槽節節多用軟草秸料鋪底逐細鑲填一律進占以免溜勢搜根方臻鞏固現在溜勢向口門直注形已入袖堵合較為費手必須緩緩鑲做步步穩實方保無虞且引河頭貼近東壩不宜多做擬東壩進占七八丈西壩進占五十餘丈以順其東注之勢於合龍較易為力臣現將引河劃分段落派員領銀挑挖其東西兩壩掌壩文武各官

那文毅公初任直隸總督奏議
卷四十七
三

以及支發銀兩購買料物催河收料跑牌買土彈壓巡查各委員共需文武一百餘員均已逐一調集公同派定諏吉於二十五日敬祀

河神集夫興工至此項工程前經臣奏明攜帶鹽劬加價生息銀三萬兩永定河道庫存貯新舊防險及河淤地租並各員賠項共銀五萬餘兩統計八萬餘兩儘此數目已足敷用無庸另行籌酌茲臣與溫承惠督率再加節省辦理總期工歸實用帑不虛糜仍隨時稽查勒限戲工仰祈

聖鑒再臣查口門河槽甚深堵合之後倘遇水勢盛漲堤

那文毅公奏議 卷四七

身必致喫重臣與溫承惠等商酌擬於合龍後築月堤一道鑲做魚鱗埽以為重門保障並將北七北八兩汛堤身卑矮殘缺之處一律加高培厚用資保護以上二條統於善後工程內另行確估奏請辦理至第十號漫口已經該道李于培酌賠填築堅固北六工廢堤缺口亦據該道修築完固以資捍衛謹

奏奉
硃批覽
嘉慶二十年九月二十一日

那文毅公初任直隸總督奏議
卷四十七
三

奏為永定河北七工二十四號漫口合龍恭摺馳奏仰
慰

聖鑒事竊查永定河北七工二十四號漫口原寬六十四丈及八月間臣與溫承惠先後到工會同履勘因溜勢掣涸水口僅寬四十一丈水深八九尺至一丈七八尺不等其餘二十三丈悉成旱口當將籌辦情形及應挑引河地方丈尺詳晰商酌一面剴調文武員弁飭遵趕辦一面奏蒙

聖鑒並聲明臣遵例上差履

踴所有工次一應事宜交溫承惠督同道廳各員弁迭速

五二七

築辦在案臣於十七日送駕後遵

旨於十八日馳回省城茲於二十一日據溫承惠報稱會同永定河道李于培自八月二十五日開工以來在工文武員弁兵夫均各踴躍從事晝夜不懈引河共長五千六百零九丈分派二十四段於九月十二三四五日一律挑完深通知式東西兩壩察看大溜向北情形分別多寡丈尺以次進占隨時加壓大土務期步步堅實占占穩固邊岸後該亦隨時鑲做以資護衛口門愈收愈窄溜勢愈劇愈

那文毅公初任直隸總督奏議 卷四十七 五

深自初十日以後測量壩前水勢已深二丈三尺至二丈四五尺不等迨十八日又陡長水數尺金門刷跌愈深測量竟深至三丈六尺僉稱此次永定河水勢之大為從來所未有波濤激怒猛湧異常於十八日戌刻西壩陡墊數占勢甚危險幸料物寬裕人夫雲集溫承惠與李于培督率文武掌壩及在工職事一百餘員分投催運料土加鑲追壓不令片刻停留西壩甫經平穩溜勢向東側注東壩又復陡墊隨墊隨鑲亦俱保護無虞壩外水勢激瀾兩壩屹立不動其時西北狂風大作立

將撲堤怒浪捲注東南直射引河方位溫承惠察看情形於開放引河事機極其順利時已十九日寅刻立將引河頭所留土埂起除開放風捲水趨星馳電掣建瓴直注迭於飛瀑怒濤數刻之間已將五千六百餘丈之引河全行鋪滿直達尾閘勢甚通暢壩前水勢立刻消退二丈餘尺即於卯時掛纜合龍員弁兵夫倍加歡欣踴躍竭一晝夜之力於二十日卯刻已堅實穩固毫無涓滴滲漏壩前業已停淤全河悉歸故道臣接閱之下不勝敬悅此皆仰賴

那文毅公初任直隸總督奏議 卷四十七 五

皇上洪福

河神默佑得於二十餘日之內迅蕺要工俾居民悉行復業兩岸臚歡頌聲匝地所有合龍穩固情形理合飛速馳

奏仰紆

聖廬至該工善後事宜臣現已札致溫承惠督同道廳確切估計於明春另行辦理在工大小各員即令回任回省以節糜費此次大工用銀數目因大壩邊壩後搶正在鑲做尚難截數總計在五萬五六千兩以內臣現亦札致溫承惠俟工竣截數趕緊確

實覈報至臣統俟恭祝

萬壽由京回省之時再行會同溫承惠前往工所收工臣

接據溫承惠報稱此次李于培在工總理晝夜辛

勤不辭勞瘁經手錢糧慎重節省毫無糜費臣查

該員不諳河務業經奉

旨降一級以知府留於直隸補用但該員持品端正辦事

結實認真實為可信臣不揣冒昧仰懇

聖慈可否將該員李于培

賞准開復道員仍留直隸補用之處出自

皇上逾格天恩至北岸同知張泰運此次掌理東壩晝夜

那文毅公初任直隸總督奏議

卷四十七

三

在工奮勉勤慎一切堵築事宜深資其力南路同

知許嗣容承辦引河頭易州知州金洙承辦兩段

引河均係難辦之工該二員奮勉挑挖極為迅速

以上三員均屬超眾出力應一併懇懇

聖恩將北岸同知張泰運

賞加知府銜南路同知許嗣容易州知州金洙

賞准以應陞之缺陞用俾示鼓勵此外尚有在工出力文

武員弁容俟臣會同溫承惠確實查明另行奏請

施恩至溫承惠此次駐壩督工勘辦精詳學畫老練錢糧

既不致糜費要工亦得迅速成事臣不敢壅於上

聞惟係大員應如何

施恩之處出自

聖主鴻慈恭候

睿裁謹

奏

嘉慶二十年九月二十三日奉

上諭那彥成奏永定河北七工漫口合龍一摺此次堵築

永定河漫工口門水勢尚深至三丈有餘東西兩壩經

各工員晝夜鑿壓穩固引河暢順一舉合龍二十餘日

通工告厥辦理尚為妥速李于培著加恩開復道員仍

那文毅公初任直隸總督奏議

卷四十七

三

留直隸補用北岸同知張泰運著賞加知府銜南路同

知許嗣容易州知州金洙俱以應陞之缺陞用以示獎

勵

嘉慶二十年九月二十三日軍機大臣字寄奉

上諭甘肅按察司著屠之申補授大名道員缺著程卓樑

補授李于培著加恩開復道員仍留直隸補用北岸同

知張泰運著賞加知府銜許嗣容金洙俱以應陞之缺

陞用以示獎勵

嘉慶二十年十月十二日

奏為驗收永定河北七工堵築各工均屬穩固並會勘

善後緊要工程先行趕辦事稿臣

陛辭後由京會同溫承惠於初十日馳抵永定河工次將堵築各工段逐一驗收鑲做俱極穩固丈尺亦俱符合河流順軌下注暢達所有善後應辦緊要各工因漫口新築工段土性純沙轉瞬積凌下注甚屬堪虞先經溫承惠於堵築大工之時親身查看情形所有應行添築挑水順水各項壩工土格月堤並幫做內搶填補深塘溝槽以免引溜生工至臨河險要處所均酌量鑲做磨盤裏頭防風埽段臣當即飭令該道李于培督率廳員酌量緩急確

那文毅公初任直隸總督奏議

卷四十七

奏

估趕辦以資抵禦茲據該道開單呈送共估需銀六千五百四十七兩零五分二釐臣等按照單開各工詳細履勘所有壩堤埽段均係最關緊要刻不可緩之工核計所估銀數尚無浮多該道李于培現已督率廳汎辦至四五分不等臣飭令該道廳等務於上凍以前一律趕辦完竣另案請銷謹將工段丈尺銀數開列清單恭呈

御覽至北七北八兩工迤邐四十餘里向係無工處所並無歲搶修稽料近年以來河溜北趨已成險工必須預購稽料以備來歲伏秋大汛搶修之用臣等

悉心籌酌應

奏明請

旨俯准按照例價購備稽料二十五稟責成該道廳核實採辦存貯該工以資要需再查北七北八兩工堤身向係卑薄本年雨水過多衝刷殘缺之處在在均須培築其餘南北兩岸臣於本年周歷各處節次詳細勘驗均有低薄衝刷應行加培疏濬處所臣現飭該道李于培逐加勘估容俟核明於來春興工奏辦伏乞

皇上睿鑒訓示再臣於拜摺後即赴天津閱兵溫承惠即

那文毅公初任直隸總督奏議

卷四十七

奏

回京供職謹

奏奉

硃批依議該部知道

謹將永定河北七北八兩工善後應估築挑水順水各項壩上土格並幫內搶填補深塘溝槽及臨河應做磨盤裏頭防風埽段工程土方工料並預購防料銀數繕具清單恭呈

御覽

計開

北七工汎內

二十四號估築順水雞嘴壩一道長六十四丈	估土三千八百八十七方三尺五寸 <small>遠越</small>	又順堤舊河形估築攔入土壩一道長四十	三丈估土一千五百四十八方 <small>遠越</small>	又金門後月堤長八十四丈估土二千九百	四十方 <small>遠越</small>	二十四五號內灘衝成溝槽殘缺多處恐汎水	盛漲引溜生工應填補與灘面相平以資	保護內共計一十二處估土七千八百一	十二方七尺一寸二分五釐 <small>遠越</small>	又自二十四號尾起至北八工頭號止搶築	月埝一道長三百六十丈估土二千二百	五十方 <small>遠越</small>	二十五號內幫填補深漕並幫內鈔長三十七	丈估土二千四百零五方 <small>遠越</small>	又估築順水壩二道內	一道長三十九丈並填溝槽估土一千八	百二十九方九尺三寸七分五釐 <small>遠越</small>	又一道長三十丈並填溝估土一千零七	十二方五尺 <small>遠越</small>
--------------------	----------------------------------	-------------------	--------------------------------	-------------------	-----------------------	--------------------	------------------	------------------	-------------------------------	-------------------	------------------	-----------------------	--------------------	------------------------------	-----------	------------------	---------------------------------	------------------	-------------------------

那文毅公初任直隸總督奏議 卷四十七 三

北八工汎內	三號臨河甚近堤身單薄堤根又有稀淤深塘	估內幫長十七丈並填深塘估土二千三	百六十三方 <small>遠越</small>	又西首殘缺長六丈估土二百一十三方七	尺五寸 <small>遠越</small>	九號北股近堤河形通連新挑河應築攔河土	格二道內	一道長二十丈高與二坎相平又加高一	尺長三十一丈與老坎相平估土四百	零五方二尺五寸 <small>遠越</small>	又一道長二十四丈加築與老坎相平估	土二百一十方 <small>遠越</small>	十號內圈堤頭土壩一道長六十五丈估土一	千二百八十六方一尺一寸五分 <small>遠越</small>	又河形內估土格二道共長五十五丈估土	二百八十八方七尺五寸 <small>遠越</small>	十一號內圈堤尾土壩一道長六十五丈估土	一千三百九十三方七尺五寸 <small>遠越</small>	以上北七八兩汎通共估土二萬九千
-------	--------------------	------------------	-------------------------	-------------------	-----------------------	--------------------	------	------------------	-----------------	---------------------------	------------------	--------------------------	--------------------	---------------------------------	-------------------	------------------------------	--------------------	--------------------------------	-----------------

那文毅公初任直隸總督奏議 卷四十七 三

九百零六方一尺一寸五分共計銀
五千五百六十七兩五錢九分七釐
應鑲做各埽段

北七工

二十四號內雞嘴挑水壩一道西長三十六丈
五尺軟鑲寬二丈高五尺又東長二十三
丈軟鑲寬一丈三尺高五尺除壓土外上
又加鑲寬一丈二尺高六層又鑲護壩裏
頭埽圍長十丈零六尺高九尺寬一丈三
尺鑲墊十一層

那文毅公初任直隸總督奏議

卷四十七

三

又順堤舊河形攔河壩西面下防風埽長三
十丈高四尺又接前臨河應做磨盤埽下
高一丈面埽長十丈下高九尺肚埽長九
丈五寸均寬二丈三尺鑲墊十三層

北八工

二號內順水舊土壩應下裏頭埽長六丈五尺
高九尺寬一丈二尺鑲墊十一層
三號內順水舊土壩應下裏頭埽長六丈高九
尺寬一丈三尺鑲墊六層

以上北七八兩汛各埽段防風共估銀

九百七十九兩四錢五分三釐二毫
連築土壩土格加堤工內餞填補深塘
溝槽通共估銀六千五百四十七兩
零五分二釐

又預購北七北八兩工防料二十五萬束每
束例價銀八釐共該銀二千兩

嘉慶二十年十月初三日

奏為查明永定河辦工出力人員恭摺保奏懇

恩施事竊照本年六月下旬永定河北七工異漲泛溢致

成漫口臣欽奉

那文毅公初任直隸總督奏議

卷四十七

三

諭旨會同溫承惠駐工勘辦已於九月十九日合龍專摺
馳

奏聲明工次實在出力各員弁查明確實另行保奏在

案伏查此次堵築事宜所有鑲做大壩挑挖引河

稽查督催等項在在均關緊要臣檄調文武共一

百零數員來工趕辦係屬一氣呵成工段皆同時

並做錢糧又務從節省該員等均能奮勉急公辦

理妥速臣於初一日行抵蘆溝橋會同溫承惠飭

令道廳將此次用銀總數確實核計共用銀五萬

五千四百九十七兩八錢九分七釐除臣等應賠

銀二萬二千一百九十九兩零例應銷銀三萬三千二百九十八兩零所有工段丈尺用銀細數另開清單恭進

御覽其挑挖引河各員除現任州縣外有緣事降革七員先經查核原案均係因公情有可原者且均係直隸原官並非外省投効可比是以准令承挑各員等實心出力晝夜趕辦均能於十五日之內將所派各段引河一律挑完深通如式且所領土方例價因僱夫趕工辦理均多賠墊現值工竣該革員等不敢妄邀甄敘情願照例由臣奏請捐復留於

那文毅公初任直隸總督奏議

卷四十七

一

直隸補用共計捐項二萬一千六百三十六兩於派令承挑之先即飭該革員等措繳道庫茲臣與溫承惠會同查核道廳開送各單逐一詳細確核謹擇其實在出力者文武共二十三員開列清單敬呈

御覽合無仰懇

聖慈分別

施恩以示鼓勵至漫口之後臣將專管廳汛奏奉革職協防各員奏請摘去頂戴留工効力此次該員等在工効用均尚認真勤慎且查河工漫口堵合之後

有准予開復原官之例應請將協防北七工先經奏請摘去頂戴之河間府同知王履泰試用通判單應魁試用縣丞汪兆鵬三員請

旨開復頂戴其專管之已革三角淀通判鄭以簡已革東安縣主簿邛鳳梧二員汛內漫口本係無工處所可否仰懇

處出自

聖慈將鄭以簡降等以州同用邛鳳梧降等以巡檢用之

皇上

那文毅公初任直隸總督奏議

卷四十七

一

睿鑒訓示再查此外尚有辦工出力人員容臣另行造冊

咨部議敘謹

奏

謹將永定河北七工二十四號堵築漫口鑲做大壩挑挖引河等項用過銀兩及銷賠數目開具清單恭呈

御覽

一兩壩逐日進占東壩水工軟鑲八丈西壩旱灘挖槽軟鑲二十三丈又水工軟鑲三十丈龍門三丈共六十四丈臨河邊埽十三段計長六十

四丈連後截六十四丈共計料物夫工用銀一萬九千七百四十二兩零

一大壩以下挑挖引河計長五千六百零九丈共
用銀三萬五千七百五十五兩零

以上大壩引河二項統共用銀五萬五千四百九十七兩零例應銷六賠四計應銷銀三萬三千二百九十八兩零應賠銀二萬二千一百九十九兩零

嘉慶二十年十月初三日奉

上諭那彥成奏查明永定河辦工出力人員懇請施恩一

那文毅公初任直隸總督奏議

卷四十七

奏

摺此次永定河堵築漫口辦理迅速各工員尚屬奮勉
加恩著照所請保定府同知汪洞永定河南岸同知孫
豫元定州直隸州知州張孔源候補同知張承勳俱賞
加知府銜河間府知府彭應杰交部從優議敘候補同
知沈華旭准其捐復知府原官蔚州知州張道渥豐潤
縣知縣杜懷瑛內邱縣知縣李鈐以應陞之缺陞用候
補同知袁煥候補通判馮德响俱改撥河工儘先補用
候補同知管文愷候補縣丞袁修敬黃翰候補從九品
陳裕俱改撥河工候補縣丞陳選候補從九品潘洞候
補未入流殷璋賈昶俱儘先補用都司謝成賞加遊擊

銜守備李存志守備銜河營協備夏芳茂俱賞加都司
銜千總宋培賞加守備銜河間府同知王履泰候補通
判單應魁候補縣丞汪兆鵬俱開復頂戴已革通判鄭
以簡降等以州同補用已革縣丞邱鳳梧降等以巡檢
補用捐復知縣王餘師准其留於直隸補用王奎聚蔣
兆璠沈守恒張洽儲斗南翁新福董鴻俱准其捐復原
官仍留直隸補用該部知道

嘉慶二十年十月十二日

奏為永定河廳員經管汛段酌籌改移並請遴員對調

以專責成而裨要工事竊查永定河南北兩岸綿

那文毅公初任直隸總督奏議

卷四十七

奏

亘三百餘里汛段延長險工林立每遇伏秋大汛
搶修之時必須專管廳員呼應靈便不致顧此失
彼方足以資捍衛而專責成且河流變遷靡常今
昔平險互異九應隨時酌籌調濟務使人地相宜
以期有裨要工向來額設石景山同知南岸北岸
同知並三角淀通判共計廳官四員石景山同知
專管兩岸石工南岸同知專管南上南下南二南
三南四南五南六共七汛南七南八南九三汛則
歸三角淀通判管理北岸同知專管北上北中北
下北二北三北四北五北六共八汛北七北八二

汎亦歸三角淀通判管理惟查石景山向係兩岸
石工均極鞏固別無要工南岸同知管理七汎北
岸同知管理八汎一遇搶險每致鞭長莫及至三
角淀通判駐劄北七工管理北七北八兩汎又須
越河經管南七南八南九三汎董率策應往往勢
難兼顧而北七北八從前祇係平工近年已成險
要更須專員加意防護方可不致貽誤臣與溫承
惠及道廳等悉心商酌惟期於事有益不如量爲
改移相應據實

奏明請將石景山北岸石工仍歸石景山同知管理並

那文毅公初任直隸總督奏議

卷四十七

奏

添管接連之北上北中北下北二共四汎其北三
北四北五北六北七北八共六汎請俱歸北岸同
知管理石景山南岸石工改歸南岸同知管理仍
管接連之南上南下南二南三南四共五汎其南
五南六南七南八南九共五汎請均歸三角淀通
判管理如此酌爲改易汎段既不致歧紛呼應似
爲較靈如蒙

俞允所有石景山同知一缺查有現任務關同知田宏猷
曾任北岸同知熟悉該工情形請將現任石景山
同知丁寶洲與該員田宏猷對調三角淀通判一

缺查有現任滄州通判陳春熙原係北岸同知降
補通判工程甚爲熟諳請將現任三角淀通判宋
綸光與該員陳春熙對調如此一轉移間人地均
屬相宜臣可資駕輕就熟之效於要工實有裨益
至該廳等改移汎段一切事宜容臣另行具

題謹

奏奉

硃批吏部議奏

嘉慶二十年十一月十三日

奏爲永定河北七工等汎應辦善後土埽各工據報趕

那文毅公初任直隸總督奏議

卷四十七

奏

辦完竣恭摺奏

聞事竊臣前在永定河工次驗收堵築工程飭令該道李
于培將北七工北八工兩汎應辦善後緊要土埽
各工共估銀六千五百四十七兩零五分二釐當
經臣詳細勘明令卽督率廳汎等務於上凍以前
一律辦竣並請按照例價購備稽料二十五垵以
爲該工兩汎來歲搶修之用繕具清單奏蒙

俞允在案茲據該道李于培稟據南岸同知孫豫元北岸
同知張泰運稟稱北七北八兩汎善後土埽各工
遵照原估段落丈尺一律如式趕辦於十一月初

一日完竣該道覆查無異至兩汛應備稽料二十五垛亦經該道照數發給銀兩派員採辦等情具稟前來謹

奏奉

硃批工部知道

嘉慶二十一年正月十六日

奏為查明永定河石景山南北兩岸並北七八兩工應行加培疏濬工程確核估計恭摺具奏事竊照永定河石景山南北兩岸並北七北八兩工堤身卑薄兼多被水衝刷殘缺過甚亟應加培疏濬以資

那文毅公初任直隸總督奏議

卷四十七

甲

捍衛前經臣於驗收北七工堵築工程案內

奏明飭辦在案嗣該道葉觀潮抵任後臣即將現在情形備細告知復飭該道確實估計茲據勘明石景

山東岸石堤三段因本年水勢盛漲溜走堤根致被衝刷坍塌必須補砌完固其南北兩岸並北七

北八兩工因下游日漸淤高堤身又復卑矮且有被水衝蝕及溝槽老坎均應填築疏挑並間設添

築土壩隨勢添創新堤方可以資捍禦惟工段綿長需用太繁謹擇其必不可緩之工估計辦理共

應需銀三萬八千二百零六兩八錢八分七釐零

開單稟請具

奏前來臣伏思辦理河工藉堤以禦其衝亦資壩以禦其勢並將河身老坎裁挑通暢使水勢安流順軌庶堤工可期鞏固自應乘時亟為補苴庶有備無患現據該道勘估各工與臣前在工次履勘情形相同實係應辦要工所估疊次核減亦尚撙節倘蒙

俯准俟

命下之日即在藩庫動支銀兩責成該道葉觀潮督率廳汛各員弁一俟春融興工趕辦務於汛前一律完

那文毅公初任直隸總督奏議

卷四十七

甲

竣臣仍親往嚴查驗收倘有草率偷減立即據實

奏辦統俟驗收後造冊

題銷謹

奏奉

硃批工部議奏

嘉慶二十一年二月二十五日

奏為恭報永定河凌汛安瀾仰慰

聖懷事竊照永定河工段綿長溜勢湍急前因凌汛屆期經臣飭令該道葉觀潮督率廳汛各員駐工防護

茲據稟稱本年驚蟄以後天氣融和全河水凌泮

解水流勢急兩岸埽工間有垂壑之處隨即督率員弁兵夫立時加鑿穩固下口大溜北趨北七北八兩工堤根經凌汎水勢浸漾汪洋一片亦即捆把簽釘並趕築土格以資抵禦現在各工穩固於本月二十一日全河水塊融化淨盡河流暢順安瀾等情具稟前來臣仍飭該道督率各廳汎員弁實力巡防不可因凌汎已過稍存大意並將本年估辦兩岸加培等工乘時趕辦務於大汎前一律完竣不任稍有草率遲悞謹

奏奉

那文毅公初任直隸總督奏議

卷四十七

聖

硃批知道了

嘉慶二十一年六月十三日

奏查永定河南北兩岸本年應辦各工經臣於上年冬間週歷詳勘將一切加高培厚預備大汎各工程奏准於本年春融後俱責成該道葉觀潮督飭分投興辦茲據稟報完竣且伏汎將屆應即前往驗收第查該道葉觀潮本係熟習修防之員所有另案各工自興辦以後節經派委員弁密加稽查隨時暗訪該道均能認真如式督辦其預籌防護各事宜亦據該道節次稟明指示妥備並據稟稱本年永

定河下游水勢順暢遵估修辦各工俱合機宜似係實在情形尚無必須臣前往查驗之處現值曠咭喇國遣使臣入

貢該使船於夏至以後一過洋面西南風順即可迅速駛抵天津為期既屬緊迫必應先將迎護照料一切趕緊分飭司道鎮將等妥速備辦臣擬即在省垣探候該使船如有到津確信在省較近以便兼程馳往照料所有永定河查驗各工之處似可酌量暫緩謹

奏奉

那文毅公初任直隸總督奏議

卷四十七

聖

硃批甚是

嘉慶二十一年五月二十四日

奏為恭摺奏

開事竊臣前在開州曾經大名道屠之申面稟大名府屬北有漳河南有衛河兩水環抱自西趨東至山東館陶縣地方始行合流乾隆五十九年間漳河水勢漲發突由府西河南臨漳縣三臺村地方向南改道奔溢至內黃縣之豆公村穿入衛河衛清漳濁不克抵禦以致衛河之水倒漾不能暢行於上游南岸缺口淹及大名府南大名南樂清豐等

縣七十餘村莊地畝頻年淹浸糧賦緩徵等情臣即面諭該道訪查民情履勘形勢妥實辦理今據該道稟稱帶同大名府同知謝賜翰逐一履勘擬將漳河之水引歸故道然後衛河之水始可亦歸故道但漳河故道及衛河缺口處所淤沙有十餘里集夫挑挖需費甚鉅且衛河缺口須高築堤埝方可以免泛濫工程既大地屬河南猝難辦理為今之計惟有將積水設法疏消以甦民困復率同謝賜翰沿河履勘應自大名縣之北善村清豐縣南留固第六居等處照依盛漲時順流溝形挑挖

那文毅公初任直隸總督奏議 卷四十七 閏

深通將積水洩注潭坑引入黃河故道由元城縣小灘地方仍歸河路但工段綿長經費不易該道而詢被水各村莊民人僉稱情願自行出夫分段挑挖懇請官為彈壓等情並繪具圖說稟請核示前來臣查大名清豐南樂三縣因衛河缺口水勢旁趨致淹七十餘村莊頻年為患自應設法疏洩俾積水得以消涸地畝漸可耕鋤既據該民人等自願出夫挑挖應如所稟辦理臣已責成該道屆之申按照各村被淹地畝多寡均勻出夫劃定段落迅速興挑並委同知謝賜翰漳河縣丞高孝基

稽查彈壓一面令該道先行出示曉諭俟挑竣之日具報查核仍嚴禁有吏人等藉端滋擾謹奏

嘉慶十九年五月二十六日軍機大臣字寄奉

上諭那彥成奏大名清豐南樂三縣疏濬積水情形一摺大名等縣七十餘村莊地畝前因衛水倒漾頻年淹浸茲據各村民人情願自行出夫挑挖並請官為彈壓積水淹浸田畝鄉民自願疏消以利耕種自應俯順輿情令其興辦該督並飭知地方官妥為彈壓勿令書吏人等藉端滋擾至該處與豫東兩省毗連人夫聚集之時

那文毅公初任直隸總督奏議 卷四十七 閏

易於藏奸現在未獲要犯祝現等及次要犯共六十餘名或濶跡其中亦未可定那彥成並密飭該道府州縣及委員等留心察訪遇有形跡可疑之人即詳加盤詰勿稍疎漏

嘉慶二十年八月二十三日

奏為委員驗收天津靜海二縣挑濬引河並加培壘道修建橋閘等項工程恭摺具奏事竊查天津縣南窪舊有引河八道橫河一道宣洩瀝水導入海河又自東關外起至鹹水沽止有海河疊道綿長五十餘里堵築海河盛漲建立橋閘設官專司啟閉

前因年久失修引河淤塞壘道單薄開座殘缺以致南窪瀝水無從宣洩漫溢六十餘村又靜海縣西鄉子牙河故道係宣洩河間獻縣交河三縣瀝水由老君泊至第三堡各引河入子牙正河由天津西沽入海河歸海其故道河東舊有東堤一道接連賈家口橫堤以重漳運保護民田前因嘉慶六年大水後各河淤塞兩堤間投刷平瀝水下注故道東堤殘缺不能捍禦西鄉八十餘村全被淹浸據該二縣士民懇請修辦據前任天津道李樂宣帶同委員履勘擬將天津縣南窪馬家口等處

那文毅公初任直隸總督奏議

卷四十七

渠

引河六道挑挖深通照舊修建木橋六座石閘六座攔水草壩十二道壘道間段加培共估需銀三萬七千五百三十餘兩其靜海縣境內先將第三堡等處引河四道挑挖深通使水歸子牙正河再將故道河身疏濬東堤並賈家口橫堤修築堅實添建木橋二座共估需銀五萬一千三百四十餘兩由前任藩司方受疇覆核具詳前督臣溫承惠奏請動用長蘆運庫鹽餉加價銀兩辦理仰蒙俞允嗣因天津縣馬家口村內引河二道水涸之後露出墳塚不便挑挖奏明將馬家口引河二道木橋二

座石閘二座停止請改挑東關開引河一道並修復石閘一座木橋二座又將攔水壩停止另行開濬橫河一道添建木橋四座連前共估需銀四萬七千三百二十七兩零欽奉

硃批工部知道欽此欽遵在案嗣據靜海縣將第三堡等處河道挑挖深通堤工修築堅實添建木橋二座具報於嘉慶十八年十月十三日工竣飭委前任清河道魯銓驗收實係照估如式一律完竣並無草率偷減其西鄉被淹各村全行涸出又據天津縣將引河橫河挑挖深通壘道加培結實修建石

那文毅公初任直隸總督奏議

卷四十七

渠

閘五座木橋十座具報於嘉慶十九年六月十三日工竣被淹各村全行涸出其東關開引河共二千零八十九丈內太平莊至八里臺祇一段原估一千四百丈該縣裁灣取直實挑挖一千二百一十丈當經飭委前任天津道李樂宣查驗前項引河五道橫河一道內賈家口引河一道幫土浮鬆挑竣後被雨衝淋尺寸不足壘道被雨淋殘木橋間有樁短板薄石閘板片亦有不敷應飭令補挑加培並將橋閘樁板更換添補再行驗收稟經臣嚴飭趕辦完竣檄委現任天津道驗收去後茲據

該道張五緯稟稱馳赴各該處逐段驗收所有賀家口何家圈雙港閘白塘口等處引河四道又東關閘引河一道又橫河一道現俱瀝水盈槽除東關閘引河自太平莊至八里臺一段因裁灣取直照原估少挑一百九十丈外其餘長寬丈尺均與原估相符其河身深淺因節經雨水該處土性鬆浮不無積淤海河疊道加培丈尺亦與原估符合橋閘等工均係堅厚如式係一律完竣並無草率偷減情事稟覆前來臣伏查天津縣南窪附近六十餘村莊靜海縣西鄉八十餘村莊因河道淤

那文毅公初任直隸總督奏議 卷四十七 吳

塞瀝水無從宣洩廬舍民田皆被其患仰蒙

聖主恩施無已連歲緩徵茲復蒙

恩賞撥銀兩將該二處引河挑挖深通疊道堤工一律加培結實並修建橋閘以資宣洩捍衛據清河天津二道驗明各工均已照估如式辦理完竣被淹地畝均已涸出小民得登衽席之安渥沐

鴻慈無不同聲臚頌並飭取冊結照例

題銷謹

奏奉

硃批知道了

嘉慶二十年十一月二十五日

奏為北運河應行建築堤壩各工奏明動項興修並將

妄估率詳之道廳各員參奏請

旨事竊查北運河受白潮溫榆通惠諸河之水建旣而下

袤長三百三十餘里為糧艘經行要道源高脈廣

溜急灘多全賴兩岸堤壩鞏固收束水勢漕運方

能速而附近民田廬舍亦可藉資保障工段綿

長處處皆關緊要自乾隆三十五年

欽差勘定動項修築迄今四十餘載嘉慶六年及十三年

大水之後均經前督臣

那文毅公初任直隸總督奏議 卷四十七 吳

奏明另案興修添建堤壩挑淤開河等工不過祇就彼

時險要之工樽節辦理其每年額設歲修銀兩定

有有限制止係擇要補苴本年伏秋汛內大雨連綿

山水漲發兩岸堤壩各工多有衝刷殘缺在在堪

虞若不及早籌辦恐來年大汛難資保障先據通

永河道葉紹本詳據務關同知田宏猷署楊村通

判沈旺生稟稱務關廳屬挑河建壩築堤實估需

銀一萬三千九百三兩八錢一釐楊村廳屬挑河

建壩築堤實估需銀一萬二千九百九十九兩六錢

七分一釐二共估需銀二萬六千八百九十四兩

零稟請興辦等情臣查北運河堤壩原係保護居民利濟漕運如有殘缺處所自應及時修築惟要工固須籌辦仍須分別緩急核實勘辦計原估銀數較之嘉慶七年及十四年另案銀數均屬浮多隨嚴飭永定河北岸同知張泰運前往會同務關同知田宏猷再行詳加履勘何處應急何處應緩確切據實刪減分別估計去後茲據張運泰等會稟務關廳屬原估挑河各工楊村廳屬原估挑河格堤各工均可從緩今勘明務關所屬添建月堤一道草壩一段楊村所屬添建月堤一道草壩四段俱係迎溜埽灣堤身坍塌甚實屬極險要工刻難緩辦按段估計共需工料銀九千四百九十五兩六錢七分二釐繪圖開單稟請核辦前來經臣復加確核委係應辦要工所估銀數較前實為節省應請准其估辦所需工料銀兩請在於通永道庫貯歷年扣平飯銀項下動撥如蒙
 俞允俟
 命下之日即飭令通永河道督同該廳等先行動項購備料物運貯工所俟春融認真趕辦勒限完竣臣親往驗收務使工歸實用

那文毅公初任直隸總督奏議

卷四十七

辛

帑不虛糜庶於河道民生兩有裨益理合開具工段丈尺銀數清單敬呈
 御覽至原估之務關同知田宏猷署楊村通判沈旺生於尚可緩辦之挑河各工概行估計以致所估銀數比較從前另案均屬浮多實屬妄估該管通永河道葉紹本並不確切覆勘率詳請辦亦屬不合相應隨摺據實奏
 奏請
 旨將務關同知田宏猷署楊村通判沈旺生通永河道葉紹本俱交部議處以為不能實心估辦者戒謹
 那文毅公初任直隸總督奏議
 卷四十七
 辛
 奏
 謹將北運河務關楊村兩廳另案草土各工段落丈尺銀數繕具清單恭呈
 御覽
 計開
 務關廳屬
 莊河村北險工添建月堤一道長三百五十丈頂寬二丈底寬七丈均高一丈每丈合土四十五方共合土一萬五千七百五十方每方銀一錢三分

那文毅公初任直隸總督奏議

卷四十七

辛

估銀二千零四十七兩五錢

木廠村草壩南險工添建順水草壩一段長七十

丈均寬一丈八尺均高二丈五尺內下用高七

尺埽一進

估銀二千七百六十三兩六錢五分一釐

以上務關廳屬草土工共估銀四千八百十一

兩一錢五分一釐

楊村廳屬

火燒屯村南險工添建月堤一道長一百三十丈

頂寬二丈底寬七丈均高一丈每丈合土四十

那文毅公初任直隸總督奏議

卷四十七

奎

五方共合土五千八百五十方每方銀一錢三

分

估銀七百六十兩零五錢

磚廠北險工添建草壩一段長二十丈均寬一丈

八尺均高二丈七尺內下用高七尺埽一進

估銀八百三十四兩六錢

陳官屯南險工添建草壩一段長五十丈均寬一

丈七尺均高二丈五尺內下用高七尺埽一進

估銀五百七十九兩三錢零八釐

寶家營前險工添建草壩一段長三十五丈均寬

一丈七尺均高二丈五尺內下用高七尺埽一

進 估銀一千三百五十一兩五錢八分九釐

辛莊南險工添建草壩一段長三十丈均寬一丈

七尺均高二丈五尺內下用高七尺埽一進

估銀一千一百五十八兩五錢二分四釐

以上楊村廳屬草土工共估銀四千六百八十

四兩五錢二分一釐

以上務關楊村兩廳各工共估銀九千四百九

十五兩六錢七分二釐

那文毅公初任直隸總督奏議

卷四十七

奎

嘉慶二十年十一月二十七日奉

上諭那彥成奏北運河建築堤壩各工奏明動項興修並

將妄估率詳之道廳察奏請旨一摺北運河堤壩各工

前據該道廳等詳報挑河建壩築堤各工務關廳屬估

需銀一萬三千九百兩零楊村廳屬估需銀一萬二千

九百九十兩零經該督委員覆勘其原估挑河格堤各

工均尚可緩辦惟務關所屬添建月堤一道草壩一段

楊村所屬添建月堤一道草壩四段俱屬極險要工共

估需工料銀九千四百九十五兩六錢七分二釐較前

實為節省著照所請即於通永道庫存貯歷年扣存平

餘項下動撥飭令該道廳先行購備料物運貯工所俟
春融趕辦勒限完竣屆期由該督親往驗收務期工歸
實用至原估之務關同知田宏猷署楊村通判沈旺生
於尚可緩辦各工概行估計以致銀數比從前另案浮
多該管通永河道葉紹本並不確切覆勘率詳請辦俱
著交部議處

嘉慶二十一年六月十三日

奏為委員驗收北運河添築堤壩工程一律完固事竊

北運河受潮白温榆通惠諸河之水袤長三百三

十餘里為糧艘經行要道全賴兩岸堤岸鞏固收

那文毅公初任直隸總督奏議

卷四十七

奏

束水勢漕運方能遄速附近民田廬舍亦藉資

保障上年伏秋汛內大雨連綿山水漲發兩岸堤

岸各工多有衝刷殘缺在在堪虞前據通永道葉

紹本轉據務關同知田宏猷署楊村通判沈旺生

詳請動項興辦臣隨委永定河北岸同知張泰選

前往會勘分別緩急據實估計勘明務關廳所屬

添建月堤一道草壩一段楊村廳所屬添建月堤

一道草壩四段俱係迎溜掃灣堤身坍塌過甚實

屬極要險工刻難緩辦共估需工料銀九千四百

九十五兩零臣開具工段丈尺奏請動項辦理

仰蒙

俞允遵卽飭令通永道葉紹本動撥銀兩責令該道督率

趕辦嗣據稟報完工隨委天津府驗收去後茲據

該府張大維稟稱馳往各處逐一驗收務關廳屬

添建月堤一道草壩一段楊村廳屬添建月堤一

道草壩四段均係照估如式一律完固並無草率

偷減情事開具丈尺清單稟覆前來臣覆加確核

均與原估相符現在嚴飭該管各廳員加意保護

防守務期工程鞏固河道安流以仰副

聖主速漕利運之至意謹

那文毅公初任直隸總督奏議

卷四十七

奏

奏奉

硃批知道了

嘉慶二十一年四月十八日

奏為委員查勘滎陽河淤阻情形擬請挑挖以利舟行

恭摺具奏事竊照冀州並新河縣境內滎陽河道

為長蘆商人運往正定趙州鹽船必經之所自乾

隆五十年間藁城縣廣陽堤廢之後滎水南趨攔

截入滎以致滎陽河身日漸淤塞嘉慶五年並於

十三年間兩次奏請挑挖無如滎沱河流遷徙靡

常且挾沙而行勢甚湍激所到輒淤總難收一勞

永逸之效上年准長蘆鹽政廣惠咨會以滄陽河
現又淤塞有礙鹽運請委員會勘估計與挑臣隨
委河工候補同知張承勳會同運同彭良敞冀州
知州范李逐細勘估去後茲據該員等稟稱緣近
年來滹沱河流至寧晉縣上橋村分為南北兩股
北股由清善頭入邵村口滙溢下注南股由營疙
疸等村入新河縣葫蘆灣等村串入滄陽河向東
折而北注以致傅家莊至閻家寨一帶淤塞該員
等隨自滄陽河淤塞故道下口閻家寨起順河形
往上查勘至柏牙莊西止已成平陸又往上即有

那文毅公初任直隸總督奏議

卷四十七

奏

滹河傍溢之水隨又乘舟勘至新河縣境傅家莊
迤西較下段微有河形僅深數寸至尺許不等再
往上即入正河直抵西葫蘆灣迤上一片汪洋平
地水深二三尺不等察看情形如將上橋村南股
岔河堵截使滹水全歸北股由邵村下注南股藉
以斷流易於洞復施工然上橋村北股亦無刷成
河槽附近村莊上年已被水災報明有案刻下地
漸涸出若將滹沱河全河之水截歸北股勢必又
致淹浸不但輿情不服且利此損彼亦非辦法今
擬自傅家莊迤西起至閻家寨止挑通正河一道

並於北岸築堤一道攔禦滹水庶往來舟楫可以
通行被淹地畝可以洞復共估需銀七萬二千零
一十二兩繪圖貼說開具估單稟送臣隨移商長
蘆鹽政廣惠詢之衆商僉稱情愿通綱捐辦請先
在於加價項下動支自二十二年起分作五年隨
引交庫咨覆前來臣查滄陽河爲蘆商運鹽要道
省南三十餘州縣民食所關自廣陽堤廢滹水南
徙之後頻年淤塞前經兩次奏請挑挖旋復淤阻
若欲滹水北趨非築復廣陽堤不可惟廣陽堤廢
圯已久前經勘明又難修復自應相度情形另籌

那文毅公初任直隸總督奏議

卷四十七

奏

善策茲據該員等擬自新河縣境傅家莊迤西起
至冀州境閻家寨止估挑正河一道計長四千零
一十丈又自新河縣傅家莊迤西起至冀州境閻
家寨止估築堤工一道計長四千一百五十丈以
禦滹水臣檢核歷次舊案並詳加訪詢實係補偏
救弊之計自應照議辦理所需挑河築堤土方工
價銀七萬二千零一十二兩應請在於長蘆運庫
加價項下先行動支自二十二年起蘆商按五年
攤捐還款如蒙

俞允臣再行知會廣惠將所需銀兩派令鹽務之員預解

赴工一面由臣委員前往領銀承辦仍令鹽務之員在彼稽查並委道府大員及地方官彈壓經理務於大汛前一律趕辦完竣報候委員驗收倘有偷減情弊卽行參賠其挑河築堤監出土所佔地畝應納錢糧飭令該州縣查明造冊呈送臣移咨鹽政飭令各商按年如數代爲完納交存運庫移解濟庫彙入奏銷是否允協理合會同長蘆鹽政廣惠合詞恭摺具

奏並繪圖貼說敬呈

御覽謹

那文毅公初任直隸總督奏議

卷四十七

奏

奏

嘉慶二十一年四月十八日

奏查傅家莊以下至閻家寨止滄陽河道係正定趙州兩屬引鹽經由之所其自傅家莊以上至河頭止爲順德廣平兩屬運鹽之要路現據委員查勘該處河身亦間有淺灘應行挑濬並擬於北岸接築長堤以資抵禦現在水估礙難施工應俟水勢消退再行勘估並據承辦順廣引地商人晉泉遠等呈請勘辦前來俟水勢消退會同廣惠委員勘估另行奏辦謹

奏奉

硃批覽

嘉慶二十一年四月二十日軍機大臣字寄奉

上諭那彥成奏滄陽河淤阻勘請挑挖一摺滄陽河爲正定趙州一帶鹽運所經現因淤阻艱於轉運自應勘估挑挖惟直隸歷來挑河情形皆止挖成旱河雨潦之時畧具河形水勢消落則河底乾涸僅有半溝一道所以但有與挑之費難收利濟之益此次該督所奏挑挖滄陽河自傅家莊迤西起至閻家寨止挑通正河一道並於北岸築堤一道攔禦滄水水估需銀七萬二千餘兩如

那文毅公初任直隸總督奏議

卷四十七

奏

此辦理之後是否舟楫足以通行常無阻礙抑越時卽不免淤阻仍屬有名無實著那彥成再確查情形據實覆奏如此次挑挖之後可有成效著照該督所請飭令興工趕辦並嚴察承辦之員務按原估丈尺開挖深通毋許絲毫偷減並另委大員驗收倘挑濬之後旋復淤阻卽將工項勒令分賠以示懲儆

容安謹按挑挖滄陽河並築堤禦滄一事奏稱時當積水未涸俟水退再行覆勘此四月十八日之奏也閏六月間先公緣事罷斥未及覆奏

嘉慶二十一年六月十八日

奏為派員勸濟西淀下游之大港河一道工程報竣驗

收恭摺奏

聞事竊查直隸河渠沾淀淤塞甚多嘉慶十九年春間曾

奉

諭旨興修水利原係有益民生之事但闔省河道溝渠官

為經理帑項萬不能給欽此嗣經臣派員在趙北口十

二連橋一帶勸諭居民就近開濬夏秋以後溢河

下游遂未泛溢臣因直省水利一時驟難全修屢

經諮訪講求擬將各河道勘明均先於下游着手

那文毅公初任直隸總督奏議

卷四十七

奉

辦一節即受一節之益諄飭沿河各州縣隨時隨

處勸諭居民各先就近疏濬民力不敷再由臣覈

明酌款給用以資補救曾經具

奏在案隨查得雄縣任邱交界有大港河一道為西淀

全局最關緊要之一河緣西淀十二川之水畢注

於趙北口十二連橋以東向賴黑洋南營大港三

淀以為蓄蓄馬道正支二河以為傳送因二河河

身灣曲易淤在北之清河門又有白溝河挾沙直

射橫截上游淀水出路一經盛漲左右毗連之十

二州縣民田廬舍在在成災是以乾隆十年在於

南首接大港淀另闢大港河一道與白溝南北殊

途不爭軌轍三股分注得可暢消自有此河以後

數十年不報水災至乾隆五十年以後逐漸淤塞

近年上下二十餘里盡為平地嘉慶十三十六等

年節次委員勘估未即興辦臣於本年春間派委

河間府同知王履泰前往查勘照原河面底寬深

丈尺濬便復舊約計水旱泥濘蘆葦根土十萬餘

方旋飭該員會同雄縣知縣何維綺任邱縣知縣

李壽春親赴該處與兩縣沿河七十四村居民詳

細勸導該居民等均各欣然樂從遂於四月初旬

那文毅公初任直隸總督奏議

卷四十七

奉

先後開工該同知王履泰親駐河干督率指畫該

縣何維綺李壽春捐資輸賞眾夫每段即於民夫

之中選能事之人自為統約不使胥役一人滋擾

該民夫等咸知工係自衛俱各踴躍趨赴日以千

計至五月中旬招徠愈眾該員等會稟工程辦有

七八分正苦水葦土方挖掘倍為費力適有新安

縣知縣李重發親身帶領民夫千名來工助挖附

近之四十七村各居民益各加倍奮勉臣恐該縣

捐賞不敷當復檄飭濬司在於水利生息款項下

撥銀五百兩發交該同知王履泰酌加賞勸並飭

趕緊濬辦茲據稟報已於六月初三日完工計開大港河道工長二十里零九十丈河面寬均六丈底二丈又抽子溝一丈深均七尺頭段留河門一道於五月二十八日開河放水極爲通暢共計所出旱土一萬餘方泥濘土一萬六千餘方水方四萬六千五百餘方蘆葦根土三萬二千五百餘方其所出廢土卽在該河迤東南首築堤一道長二千六百丈有零攔護附近民田五千餘頃繪具圖說稟報前來臣復檄派宣化府同知馮桂棻前赴該處查照所稟濬築各工逐一驗收均與稟報相

那文毅公初任直隸總督奏議

卷四十七

奎

符臣查東西兩淀淤阻情形東淀較通而西淀全塞比較地勢亦東淀較寬而西淀較隘是以西淀附近十二州縣不須盛漲卽瀝水所聚均能爲患因無去路每年趙北口

行宮以外平地皆水糧鹽貨艘一入西淀往往屈曲起剝倍形艱苦茲將廢河三股疏濬一股俾有一綫可通之路於兩淀水勢適得其平從此上村一帶積年水占之地皆可涸出耕種糧鹽運道亦不須由民膝溝洫轉運起剝實屬大有裨益該同知王履泰勸畫董勸一手經理惟縣知縣何維綺任邛

縣知縣李壽春捐資助備民食不辭勞瘁新安縣知縣李重發勸眾助夫捐糧協濟均尚屬認真雖俱係地方各官分內應辦之事惟直省水利實爲民生至計必須乘時修濬此後應修之工尚多地方官果能不辭勞瘁認真勸修則爲日起有功臣爲鼓勵首事起見請

聖主天恩謹

那文毅公初任直隸總督奏議

卷四十七

奎

奏

嘉慶二十一年六月二十日奉

上諭那彥成奏勸濬大港河道工程出力各員請旨鼓勵一摺直隸西淀下游大港河道日久淤塞經該委員等勸畫倡捐董勸疏濬辦有成效同知王履泰知縣何維綺李壽春李重發均著加恩交部議敘

嘉慶十九年閏二月十四日

奏爲欽奉
上諭恭摺覆奏事竊臣承准軍機大臣字寄欽奉
上諭御史陳鍾麟奏請興直隸農田水利一摺興修水利

廣開稻田如堤防足以備旱澇原係有益民生之事但
闔省河道溝渠官為經理帑項萬不能給若如該御史
所奏慎選良吏鼓舞民情導以種植之法試墾一二處
事或可行著將陳鍾麟原摺發交那彥成閱看直隸各
屬如下游沮洳之鄉能否試辦該督從容諮訪須通盤
籌畫方可定議茲事體大物博非能責之旦夕者也欽

此仰見

皇上詳察情形期收實效之至意臣實深欽佩伏思養民
之道足食為先而足食之方重農為亟必須興利
防患水旱無虞方能使儲蓄充盈緩急有備直隸

那文毅公初任直隸總督奏議

卷四十七

奏

水利久未興修河道大率淤高堤埝類多殘缺一
遇天時亢旱既無灌溉可資若雨水稍多又無疏
消之路是以偏災屢見戶鮮蓋藏若將水利先事
興修誠於閭閻有益但疏濬堤防需費甚鉅既非
借用民力所能集事若官為經理則

國家經費有常非一時所敢率行籌議至直隸地方形
勢東南一帶窪下居多開墾稻田果能舊有成效
原可以收水利臣前此經過大名府屬之開州東
明長垣及遵化州屬之玉田豐潤永平府屬之灤
州各境內均有河道曾諄屬該州縣等勸民改種

水田惟南北氣候不同種植之法亦異必得地方
收令相度地勢徐徐勸導是否可以試辦既須察
地利之宜又須順民情之便此事言之甚易而行
之甚難誠如

聖諭非能責之旦夕臣惟有督率藩司選擇良吏飭令於
因公下鄉之時乘便察勘凡沮洳之區可以順勢
利導播種稻田者勸諭農民試墾一二果有成效
官再為之經畫臣仰承

恩命昇任

畿封凡有利於

那文毅公初任直隸總督奏議

卷四十七

奏

國計民生者自當實力講求悉心諮訪固不敢因循於
應辦之時亦不敢僥倖於難成之功總期計出萬
全法可久遠謹

奏奉

硃批經費充裕時再議

嘉慶二十年九月二十八日

奏為遵

旨悉心籌度恭摺覆

奏事竊臣於九月二十四日承准軍機大臣字寄奉

上諭御史王嘉棟奏興修直隸水利一摺直隸屬河渠沾澆

淤塞日久若能修復舊規自於農田有益惟是地方廣
濶工費甚鉅難以興辦該御史請做照營田之例於廢
員內許其捐資開濬以緩急分先後開濬一河再開一
河以十年為期陸續辦理其言是否可行著交那彥成
悉心籌度妥議具奏該御史摺著發交閱看欽此臣跪
讀之下仰見我

皇上軫恤民依勤求諮訪之至意伏查興修水利實為直
隸第一要政臣渥荷

天恩畀以

畿輔重任無日不以疏濬宣洩為念本年春間臣派員

那文毅公初任直隸總督奏議

卷四十七

奏

勘查滏河下游並飭在趙北口十二連橋一帶勸

諭居民就近開濬夏秋以後水臣而淤墊稍

加疏導河水遂未泛溢是疏一河之淤即以興一

河之利其效本可立致惟是幅員遼濶支幹紛歧

溯自雍正年間及乾隆初年興修以來已閱六七

十年淤墊既久修復非易誠如

聖諭地方廣濶工費甚鉅難以興辦今該御史請做照營

田之例令廢員捐資開濬一河再開一河分先後

緩急次第辦理等語固係為設法修復水利起見

第查營田祇在一隅河渠沽淀大者界連數州縣

小亦綿延百餘里支分派別其難易廣狹情形隨

時變遷與營田迥不相侔營田祇需官為經理至

欲興修全省水利有利於此即有妨於彼此河未

修即彼河亦難就緒專藉民修不能不恃官法之

彈壓專派官辦不能不資輿情之趨附又必通盤

籌畫勘明全省之水勢預籌數百萬之經費由源

達委縷晰條分方期辦理充裕可收水利之全效

若僅責令廢員捐資承辦不惟此臣界斷臣枝

枝節節所能為且廢員之資存有限而河淀之綿亘

無涯轉恐有名無實徒啟奔競之風於農田未能

那文毅公初任直隸總督奏議

卷四十七

奏

實有裨益臣於立秋以來時常講求諮訪擬將各

河道勘明將先於下游着手已臣飭沿河各州縣

官隨時隨處勸諭居民各先就近臣濬民力不敷

再由臣核明酌款給用以資補救之計總須自下

而上辦一節即受一節之益如有需動支錢糧之

處陸續給發辦理既歸覈實出入亦易稽查持此

恒心十年自當辦有成效該御史請修水利實為

地方要政至請照營田辦理之處應毋庸議臣謹

將前後等酌緣由恭摺覆奏謹

奏奉

硃批此事頗難從緩辦理只好隨時補救耳

那文毅公初任直隸總督奏議

卷十七

空

那文毅公初任直隸總督奏議卷四十七

那文毅公初任直隸總督奏議卷四十八目錄

卷四十八

分讞諸獄

那文毅公初任直隸總督奏議

目錄

一

那文毅公初任直隸總督奏議卷四十八

男容安恭輯

分獻諸獄

嘉慶十九年五月二十九日

奏為查明已未結京控案件並到任後審辦過命盜

各案起數恭摺具奏事竊查嘉慶十九年四月十

八日接准刑部咨開欽奉

上諭御史孫汝奏各省赴京控案咨交本省督撫均有逾

限未結者而山東省為甚請旨勅令迅速辨結等語各

衙門咨交本省控案前經立有定限逾期查奏乃該督

那文毅公初任直隸總督奏議

卷四十八

撫任意延宕罔知顧忌雖經都察院屢次查奏泄泄如

故所有直隸省三十二案著交那彥成率同臬司錢臻

迅速審辦亦著勒限一年每月具奏一次欽此仰見

皇上勤政安民不使稍有積壓延累之至意臣跪誦之下

實深欽佩伏思外省民人赴京控告之案非實有

屈情冀圖昭雪即違刁捏控意在株連承審之員

毋論所告虛實總當迅速審明依限完結不容稍

有懸宕致滋拖累直省未結內控案三十二起臣

到任之初檢卷查核雖據該管州縣申覆因被告

外出証佐未齊難以傳解集訊均經隨時咨明展

限而拖延已久必須趕緊審辦未便藉詞遲緩當

經轉飭兩司勒限嚴提一面飭催委員審辦今已

完結九起業經咨覆尚有審轉因情節未符駁飭

覆審而未詳覆者十餘起其餘各案亦催令迅速

審詳不敢因

欽限尙寬稍存鬆懈之見如果各州縣於奉提被証延不

傳解以致案難訊結臣定即嚴行奏斷不稍事

姑容至直隸地方幅員廣闊獄訟繁多臣自二月

二十四日到任至今審題命盜案件及奏結控告

邪教等案已一百一十三起其間擬軍流咨部之

那文毅公初任直隸總督奏議

卷四十八

案尙不在內臣材微任鉅悚懼滋深惟有刻刻凜

遵

聖訓事事益加勤勉以期仰答

高厚生成於萬一並將查明京控案已未結起數暨臣到

任後辦過命盜案數目繕摺具

奏謹

奏奉

硃批知道了

嘉慶十九年五月二十九日

奏直隸京控案件提省審辦者十居六七向皆依限審

結不致遲逾上年九月以後直至歲底因辦理軍需並審辦散旗惑眾等要案未免勢難兼顧各州縣亦因派調車馬承辦兵差所有行提被証未能隨時傳解以致未結稍多本省命盜案件亦間有因此延緩本年開印以後先經署督臣章煦查明未結各案行司催辦迨臣於二月二十四日到任接准移交督同兩司勒限飭催據前任保定府孫憲緒署任保定府李蕃共審結十起茲新任保定府盛泰於三月初八日到任後趕緊審辦已結京控案件並本省命盜各案共七十起內有經臣審

那文毅公初任直隸總督奏議

卷四十八

三

明分別具

題奏咨亦有現經兩司覆核辦理不日均可完結臣等

渥受

厚恩惟有共相砥礪趕緊清釐務期民無拖累案無積壓

仰副

聖主勵精圖治之至意謹

奏奉

硃批實力速辦以省拖累

嘉慶十九年十二月十九日

奏為捕役誣良為盜拖累多命審明定擬具奏并將失

察之印捕各官請

旨革職以肅

功令事竊據廣平縣知縣鄭長年詳報拏獲搶劫過客柴玉連銀兩衣服等物案內盜犯陳玉等解省審辦一案當經委員保定府提訊陳玉等堅稱被該縣捕役王得功拷逼教供行提王得功來省質訊並不承認案犯賈二餅宋學廣宋增先後在省監病故茲陸續提到應質人証據保定府知府阿霖廣平府知府彭應杰訊明實係王得功誣良為盜按例定擬由臬司李鑾宣審解前來臣親提研鞫

那文毅公初任直隸總督奏議

卷四十八

四

緣王得功籍隸廣平縣向充捕班頭役與宋增劉太陳十賈第九董照祥均有嫌隙嘉慶十六年十一月二十五日夜該縣常兒寨地方有過客柴玉連等被賊搶劫銀兩衣服等物報經該縣勘驗訊詳差王得功帶同散役王明郭明劉得功胡發榮等躡緝王得功因賊盜無獲慮干責比憶及與宋增等有嫌並風聞宋六郭均郭順崔謹賈二餅等行為不端又有徐虎係刺字舊匪陳玉先曾被伊雞姦起意先拏陳玉到案教令承認此案正賊供扳宋增等同夥可以愚弄本官輾轉關提賊盜免

得究比并可囑扳買賊之人藉端訛索隨與王明等商允是年十二月間將陳玉喚至廟內教令供認本係宋六令宋增之子宋喜子送信與崔謹轉邀劉太陳十賈第九董照祥郭均郭順賈二餅徐虎並陳玉至宋增家會齊赴曲周縣南寺頭村搶娼宋增宋喜子並未同往宋六與陳玉等十一人行至該縣常兒寨撞遇行客柴玉連宋六起意囑令陳玉等劫得銀兩衣服等物至宋六家俵分并囑供扳陳玉同村人陳佳珍買賊陳玉不允王得功即與王明郭明將陳玉用繩吊打劉得功胡發榮並未幫打陳玉被拷難忍無奈應允王得功將其鬆放帶至寓所調養傷痊送審陳玉照王得功所教之供誣服該縣分別差緝關提時宋增在大名縣涉訟王得功令快役李自圮將宋增之子宋喜子喚進城內自行拉至空廟嚇逼教供宋喜子畏懼應允復經該縣將劉太陳十賈二餅宋增并宋六之子宋學廣拏獲到縣均被王得功拷逼誣認并令賈二餅供扳鄭家莊人袁明北高集人張倉代為當買贓物其賊遺藍布棉襖一件逼令宋學廣認係伊父宋六衣服該縣關提張倉到案其

那文毅公初任直隸總督奏議

卷四十八

五

父張立周恐張倉被役私拷送給王得功銀八兩時有同班散役張進忠瞥見向王得功索分銀兩不允致相爭吵王得功將張倉送縣訊釋該縣催起原贓王得功遂買得啤嘍馬褂一件月白綾一疋半捏稱在袁明名下起獲係賈二餅賣給該縣檢查事主柴玉連失單並無此物當即給還時徐虎被任縣捕役丁復功等拏獲經該縣關提到縣又被王得功帶至空廟拷逼誣認並逼扳大名縣人石秀買賊該縣關提石秀到案飭役看管候訊石秀乘間潛逃該縣將拏獲陳玉等訊供緣由具文通報一面解犯來省飭委保定府審訊陳玉等堅供係被捕役王得功拷逼教供行提王得功質訊據稱十六年十二月間伊先拏獲許二枉長供出陳玉搶奪東關張振山衣服之案是以將陳玉送縣訊究陳玉自認聽從宋六等搶劫柴玉連銀兩衣服等物並無拷逼教供提訊陳玉等極口呼冤當據稟提未獲盜犯宋六崔謹賈第九董照祥郭均郭順同買贓人陳佳珍袁明石秀暨在省供出人証許二枉長張振山等質訊即據成安縣查覆該縣並無袁明其人又據廣平縣查復許二枉

那文毅公初任直隸總督奏議

卷四十八

六

長張振山均已物故張振山亦無其控陳玉搶奪衣服之案該府復提王得功與陳玉等對質王得功又稱收買賈二餅盜賊之袁明係河南安陽縣人并據呈出嗶嘰馬褂一件月白綾一疋半指稱實係盜賊該府行據安陽縣申覆查無袁明其人又提王得功嚴究仍稱並無妄拏私拷教供逼認之事惟求飭提宋六等究質復據稟請催緝并飭廣平府前赴宋六宋增家密查毫無賊據並據大名縣申覆查傳陳佳珍審訊並無收買陳玉衣服情事將郭均拏解來省飭發保定府提訊郭均亦

那文毅公初任直隸總督奏議

卷四十八

七

供無聽從宋六等搶劫柴玉連之案質訊王得功捏稱聞知十四十六兩年宋增夥同陳玉崔謹在大名縣并山東館陶縣搶娼勒贖曾經犯案因而心疑柴玉連被劫物件亦係宋增等所為是以先將陳玉拏獲弔打逼認迨續獲宋增等並未私拷該府復向宋增等研訊均不承認續據稟提王明等質証詎賈二餅宋學廣宋增先後在省監病故據清苑縣驗訊詳報茲據廣平縣申覆王明郭明早經革役現在逃逸無踪將劉得功胡發榮李自玘張進忠批解來省又據任縣將捕役丁復功張

青山趙幅有大名縣將賈第九董照祥張立周張倉河南安陽縣將崔謹拏獲一併解省又據大名縣並山東館陶縣申覆查明嘉慶十四十六等年並無宋增夥同崔謹等搶娼勒贖案卷飭發保定府知府阿霖廣平府知府彭應杰質審明確實係王得功誣良教供擬議由臬司李燮宣審解前來臣提犯研鞫據王得功將因承緝盜案無獲起意誣良為盜私拷教供希圖免比索詐情由供認不諱覆詰不移案無遁飾查王得功因承緝事主柴玉連被劫案內賊盜無獲恐干比責憶及與宋增

那文毅公初任直隸總督奏議

卷四十八

八

等平素有嫌膽敢起意商同散役王明等先將陳玉拏獲拷打囑令妄扳宋增等為盜迨宋增等被拏到案復敢拷逼教供以致宋增賈二餅宋學廣等三名俱在監病故不法已極查宋增等前經訊明均係平人自應按例問擬王得功除將陳玉哄誘雞姦輕罪不議外合依誣告人因而致死被誣之人委係平人及因拷禁致死三人以上者依故殺律擬斬監候例擬斬監候秋後處決王明郭明劉得功胡發榮等均係捕役聽從王得功指使將陳玉妄拏或幫同私拷逼認或在旁目擊拷逼俱

屬不法應照例不分首從定擬王明郭明劉得功胡發榮四犯均合依誣指良民爲強盜有拷詐等情俱發極邊烟瘴充軍例應發極邊烟瘴充軍仍以極邊四千里爲限充當苦差至配所杖一百各折責四十板面刺烟瘴改發四字王明郭明現均在逃飭緝獲日照擬發配捕役張進忠訊無串通誣罔拷詐情事惟聞知王得功詐得張立周銀兩輒向索分爭吵亦有不合應照不應重律杖八十枷號一箇月滿日折責三十板革役該犯年逾七旬係捕役滋事不准收贖張立周因子張倉被誣

那文毅公初任直隸總督奏議 卷四十八 九

當贓獲案關解恐王得功私拷逼認是以送給銀兩情尙可原從寬免議王得功所買哞馬褂等件一併變價同所得銀兩追出入官冊報陳玉誣認妄扳係被王得功等拷逼所致其前被王得功哄誘雞姦年僅十五尙未及歲且事在歷次恩旨以前請免置議宋喜子劉太陳十郭均賈第九董照祥權謹與未到案之宋六郭順均訊無搶劫情事徐虎犯竊責刺之後亦無爲匪均請免議無干省釋至宋增賈一併宋學廣先後在監身死之處均經清苑縣驗訊明確委係患病所致刑禁人等訊

無凌虐情弊應毋庸議至廣平縣知縣鄭長年典史孫永烈失察捕役王得功誣良爲盜致死人命殊干例議查廣平縣知縣鄭長年現因才力不及於計典案內劾參相應請

旨將廣平縣知縣鄭長年前任廣平縣典史現任豐寧縣黃姑屯巡檢孫承烈革職至失察各上司例有處分容查取職名另行咨參並全案供招咨部謹

奏奉

硃批該部議奏

那文毅公初任直隸總督奏議 卷四十八 十

嘉慶二十年四月初五日

奏 欽奉

上諭慶溥等奏直隸寧津縣民婦遲孫氏控告賈克行等強姦伊女二姐等一摺該縣知縣延不究辦已明降諭旨將該縣知縣革職交那彥成審訊矣此案賈克行強姦二姐已成復誘令伊姪賈九兒將坤姐強姦可惡已極該縣既經驗明屬實乃任令賈克行等捏詞狡展轉因遲孫氏不肯和息加以挈責難保無受賄徇縱情事那彥成務卽提同全案人証嚴切根究按律懲辦毋稍瞻徇如那彥成不能將此案實情剖判明確朕卽將此

案交刑部提訊並將該督加以懲處決不寬貸先將大概情節迅速覆奏以慰厯念欽此臣遵查此案未據

津縣詳報惟本年二月十三日據寧津縣民婦遲

孫氏以賈克行於上年六月初四日將伊十四歲

幼女二姐硬行姦污又有賈克行之姪賈九兒將

該氏十歲幼女坤姐亦行姦污控縣不為審辦等

情赴臣衙門呈控臣以事關控告強姦幼女已成

何以半年之久未據詳報當經飭查并批司轉飭

河間府嚴飭委員迅速審辦在案臣因該縣於此

等重大案件並不即時詳報究辦實屬荒謬當飭

那文毅公初任直隸總督奏議 卷四十八 十一

河間府速審具報仍俟親行提審並將該縣嚴參

治罪茲遲孫氏赴京呈控欽奉

諭旨交臣審辦臣立即派委委員馳赴該縣守提賈克行

等及案內應訊人卷並將該縣知縣陳鴻猷遵

旨革職鎖拿來省臣親提嚴究確情及該縣有無受賄徇

縱先將大概情節迅速覆奏謹

奏

嘉慶二十年四月初七日奉

上諭那彥成奏寧津縣民賈克行等強姦遲二姐等一案

本年二月內遲孫氏曾在總督衙門呈控該督當批臬

司轉飭河間府委員迅速審辦等語此案遲孫氏因本縣不為究辦於二月內在該督衙門呈控該督既知強姦幼女重案事閱八月之久該縣延不詳報即應一面將該縣嚴參一面親提審訊彼時該督即因扈蹕須赴差次亦應專委臬司迅速提訊乃僅批飭河間府委員辦理輾轉稽延以致遲孫氏負冤莫訴赴京呈控實屬因循疲玩犯此四字朕必不恕著那彥成遵照前旨迅即提集犯証審擬具奏

嘉慶二十年四月二十五日

奏為訊出寧津縣民婦遲孫氏控案大概供情先行恭

那文毅公初任直隸總督奏議 卷四十八 十一

摺具奏事竊照寧津縣民婦遲孫氏赴都察院呈

控賈克行等強姦伊女遲二姐等情一案欽奉

諭旨交臣親提人証嚴切根究按律懲辦先將大概情節

迅速覆奏欽此臣當即欽遵

諭旨將寧津縣知縣陳鴻猷革職鎖拿并行提全案人証

來省審辦一面繕摺奏

聞在案嗣據委員將賈克行等同應核卷宗及庫貯遲坤

姐布褲一條提解前來并准兵部將遲孫氏咨解

來省臣隨飭傳遲二姐等到案因遲孫氏染患傷

寒病症先提賈克行等督同司道府等嚴切根究

賈克行供認素與遲孫氏遲二姐有姦並無強姦
遲二姐情事賈九兒亦認與遲坤姐通姦屬實並
非強姦等情臣恐賈克行等恃無質証避罪狡卸
因提原告遲孫氏之翁遲子禮與賈克行等質對
不惟賈克行等不認強姦據遲子禮實係莊農老
實之人先在當堂痛哭並問我這兒媳打官司之
後能回去不能回去若大人們仍放他回去我斷
不敢說實話等語臣以遲子禮本係原告何以忽
有此供因向其細心開導以伊孫女遲二姐亦被
賈克行等強姦即係你之仇人可即據實供指以

那文毅公初任直隸總督奏議

卷四十八

三

便治賈克行等之罪今問你兒媳能回去不能是
何意見據遲子禮供稱伊前次赴府司具控係被
伊媳遲孫氏逼迫所致平日伊媳淫蕩凶戾時常
將伊打罵并招集各姦夫在家飲酒住宿伊不敢
過問至孫女遲二姐等早被伊媳遭蹋惟是否被
賈克行等強姦之處實在不知並據供稱伊子遲
象臣本不成人久被其妻遲孫氏逼迫現在不知
去向又於十八年六月間遲孫氏與隣人遲子選
口角爭吵涉訟伊向勸阻遲孫氏斥其偏向外人
用鐮刀將伊頭砍傷並割傷頭面等處會報縣

驗訊後經遲益三等具呈和息有卷可查十九年
六月二十日賈克行合遲孫氏打架經遲景風遲
六麻勸散次日遲孫氏教伊與遲夢雲帶同遲二
姐赴縣呈告賈克行強姦遲二姐賈九兒強姦遲
坤姐伊行至中途患病經遲夢雲帶同遲二姐進
城喊控尙未審結遲孫氏囑遲夢雲帶伊赴府司
呈告均係畏其刁潑不敢不聽從我中原有幾
畝地如今都被這兒媳花費了他若再回去我可
斷不能活命等語據遲二姐供稱現年十六歲伊
母遲孫氏與賈克行遲夢龍遲夢雲遲象明均有

那文毅公初任直隸總督奏議

卷四十八

四

姦情十八年五月不記日期遲夢龍至伊家內值
伊母遲孫氏害病臥炕遲夢龍向伊調戲成姦給
與大錢二百文十九年二月內賈克行亦與伊姦
好三月十五日伊妹遲坤姐到遲夢龍學房院裏
搗花被遲夢龍哄誘成姦遲坤姐回家向伊母告
知伊母將遲坤姐斥罵六月初一以及六月初四
等日遲柱兒賈九兒亦與遲坤姐各通姦一次遲
坤姐均向伊告知六月二十日賈克行向伊母討
要代墊米錢不給打起架來遲夢雲等因與賈克
行爭風打架有嫌挑唆伊母赴縣捏控賈克行將

伊強姦賈九兒將伊妹遲坤姐強姦并囑伊到官不許實供否則定要打死次日伊母隨囑遲夢雲伊祖遲子禮帶伊赴縣呈告伊祖行至中途患病經遲夢雲帶伊進城具呈喊冤尙未審結伊母又囑遲夢雲帶領伊祖遲子禮赴府司具控本年正月二十三日伊母同伊姊妹二人及伊弟趕兒伊祖遲子禮并遲夢龍遲夢雲一共七人來省居住係遲有善遲景平兩人趕車伊母與遲夢雲赴京控告伊實於十八年間先與遲夢龍通姦後與賈克行姦好遲坤姐於十九年間先被遲夢龍哄誘

那文毅公初任直隸總督奏議

卷四十八

五

成姦後被遲柱兒賈九兒各姦過一次此外別無通姦之人賈克行賈九兒亦均非強姦今春在省城居住遲夢龍仍與伊並遲坤姐各通姦一次至伊母與寧津縣代書李有俊伴作王姓亦都有姦等語又將遲坤姐隔別訊問遲坤姐供稱現年十三歲餘供與遲二姐相同提訊遲夢龍始猶狡賴復經質對乃俯首認罪當令親筆書寫口供自認遲二姐遲坤姐均係被該犯首先調戲哄誘成姦其與遲孫氏通姦并唆令告狀亦一一供認復提賈克行審訊據稱伊向有產業因包姦遲孫氏母

女全行花完後來遲孫氏因伊無錢又與遲夢龍等姦好遂相待冷淡心中氣忿不過常至遲孫氏家吵打十九年六月二十日伊向遲孫氏討要代墊米錢會將遲孫氏痛打一頓遲孫氏於二十一日囑令遲二姐控伊強姦并賈九兒強姦遲坤姐如果遲二姐姊妹於六月初四日被伊叔姪強姦我何敢於二十日到他家打架他又何肯遲至半月之後始行控告等語質訊當時勸架之遲景風遲六麻供俱相符復飭拏遲有善到案審訊據稱伊父遲錦運與遲孫氏有姦因與賈克行爭風會

那文毅公初任直隸總督奏議

卷四十八

六

打過架本年正月內伊父與伊伯遲錦榮伊叔遲錦昌同遲夢龍遲夢雲遲相官辛建如遲化行遲化富靳龍閣張連興因與遲孫氏姦好又有與賈克行曾經打架有仇因此商量幫遲孫氏與賈克行涉訟伊父並遲錦昌遲化富湊出車輛驢馬遲錦昌又出大錢一千五百文遲相官辛建如遲化行靳龍閣湊出大錢十千給遲孫氏做盤費本年正月二十三日囑伊同遲景平趕車將遲孫氏等七人送省隨即回去四月初間伊父聽聞遲孫氏進京告狀發回保定府審訊伊父與靳龍閣商議

設措銀四兩交伊送省給遲孫氏使用至遲夢雲已回去取盤費等語臣查遲子禮所供曾經控告伊媳遲孫氏用鐮刀將伊砍傷經該縣審訊驗明一節更屬案外重情今乃檢查此卷該縣批呈及傷單息呈存案至遲二姐喊告賈克行叔姪將伊並妹強姦一案檢閱縣卷內附有驗單據媒婆陳朱氏驗得遲二姐係早已破身遲坤姐褲腰線斷前後破有二三寸褲褶有白點驗無血瘡並經該縣硃筆寫有遲二姐被姦情形似非強姦坤姐中衣雖經洗滌並無血蹟帶回貯庫但褲腰並非撕破據媒婆驗看下身亦無初姦形蹟復弔取提到遲坤姐布褲查驗並無血蹟訊據遲坤姐供初次被姦血褲已經拆毀在縣呈驗之褲本係男是一條即係現在提到之褲等語查遲孫氏控告賈克行等強姦伊女遲二姐等如果屬實賈克行等罪干重辟今訊明遲二姐於十四歲時被遲夢龍調戲成姦遲坤姐於十二歲時亦係被遲夢龍哄誘成姦被告之賈克行賈九兒等與遲二姐等通姦均屬在後且遲孫氏之姦夫如遲夢龍等不可悉數實非良婦又何用鐮刀砍傷伊翁遲子禮

那文毅公初任直隸總督奏議

卷四十八

七

頭顱種種情節與控詞大相逕庭惟遲坤姐於十九年三月十五並六月初一初四等日被遲夢龍遲柱兒賈九兒三人各姦過一次何以該縣於六月二十二日令媒婆陳朱氏查驗僅云陰戶紫色並未報明是否初姦亦屬含混而遲孫氏砍傷伊翁遲子禮一案事關逆倫該縣並不照例究辦遽准和息實出情理之外至賈克行原係淫惡棍徒包佔姦婦家資花盡嫌其冷淡遂時常吵打而遲孫氏不能暢欲安生又同眾淫棍爭風成仇以致釀成內控之案而情節支離又實令人不解現在遲孫氏病尚未痊難以研審幫同該氏告狀之遲夢雲等及原驗媒婆陳朱氏亦均未到案無從質訊臣現飭撥醫將遲孫氏加緊調治一面委員馳往寧津縣守提遲夢雲等來省質訊明確按擬辦理謹

那文毅公初任直隸總督奏議

卷四十八

六

奏奉

硃批細心研審毋枉毋縱

嘉慶二十年四月二十五日

奏此案業經臣督同臬司盛泰保定府知府阿霖定州知州張孔源饒陽縣知縣陳晉候補知縣何繼志

等訊取大概供情惟核與遲孫氏控告原呈大相懸殊雖証告之案事所恒有而如此案之顛倒重輕出入意表洵屬罕見臣連日提審之下不勝詫異又復劄委藩司錢臻清河道韓文綺候補道李于培等重復隔別審訊各供仍無異詞至該縣知縣陳鴻猷審訊遲孫氏控告賈克行之案細查縣卷該令於此案雖係隨控隨提逐日尚無押擱惟訊驗含糊不能審出實在情節定斷其遲延無能之罪實無可寬乃於遲子禮控告被媳遲孫氏用鑷刀砍傷之案當日實已驗明傷痕開單存案何

那文毅公初任直隸總督奏議

卷四十八

十九

以並不按例究辦批准和息更屬荒唐之至統俟遲孫氏病痊遲夢雲等到案結案時一并嚴叅從重辦理現將本案仍督同司道等秉公虛衷研審按擬具奏總期無枉無縱斷不敢稍存成見自蹈重咎至該縣陳鴻猷如此昏憤糊塗闔茸廢弛臣平日毫無覺察未能及早叅劾實切悚惶容俟定

案時請

旨將臣議處以為不能察吏者戒謹

奏奉

硃批覽

嘉慶二十年五月十七日

上海市歷史文獻圖書館藏

奏為研審定擬具奏事竊照寧津縣民婦遲孫氏赴都察院呈控賈克行等強姦伊女遲二姐等情一案前經臣提齊人卷督同司道府縣嚴切審訊先將大概供情具奏欽奉

硃批細心研審毋枉毋縱欽此茲行據臬司飭提遲夢雲等來省遲孫氏病已痊愈臣督同藩司錢臻臬司盛泰清河道韓文綺候補道李于培保定府知府阿霖饒陽縣知縣陳晉候補知縣何繼志先提遲孫氏到案訊問遲孫氏始猶刁狡及令遲子禮等

那文毅公初任直隸總督奏議

卷四十八

二十

對質該氏俯首無詞隨提集犯証逐細研鞫緣遲孫氏係寧津縣民遲象臣之妻與賈克行同莊居住該氏賦性淫蕩悍潑與其夫遲象臣不和早已被其逐出無踪并時將伊翁遲子禮毆詈遲子禮養老地畝亦被變賣花用嘉慶十一年間賈克行包姦遲孫氏致將產業花盡遲孫氏遂相待冷淡與遲夢龍遲夢雲遲相明遲錦運卒建如遲化行新龍閣等先後通姦不時招集至家飲酒姦宿毫無顧忌伊翁遲子禮但經露面該氏即行潑罵因畏其悍潑不敢過問賈克行因噴遲孫氏待伊薄

情心生妬忿每見遲夢龍等在遲孫氏家聚飲卽
前往吵鬧并向遲夢龍等爭風打架遲夢龍等因
此均與賈克行有嫌十八年六月十八日遲孫氏
與鄰人遲子選口角涉訟伊翁遲子禮勸阻遲孫
氏斥其偏向外入遲子禮理勸遲孫氏攜取鐮刀
砍傷左顙頰咽喉並劃傷其頂心遲子禮赴縣呈
送經該縣陳鴻猷驗傷存卷遲孫氏畏懼給遲子
禮磕頭服禮央求遲益三辛萬玉向遲子禮勸解
歇手遲子禮無奈應允遲益三等隨與遲子禮赴
縣具呈請息該縣隨卽批准遲孫氏旋與該縣代

那文毅公初任直隸總督奏議

卷四十八

三

書李有俊伴作王祿亦相姦好其女遲二姐亦先
於是年五月間被遲夢龍調戲成姦得過大錢二
百文迨後遇便續姦十九年二月初一日賈克行
赴遲孫氏家亦與遲二姐通姦後又續姦數次遲
孫氏均屬知情是年三月十五日遲孫氏年甫十
二幼女遲坤姐至遲夢龍家院內搗花遲夢龍頓
萌淫念哄誘遲坤姐進屋抱在炕上撒按行姦遲
坤姐啼哭遲夢龍見其血出遂卽中止遲坤姐歸
向伊母遲孫氏告知遲孫氏將其斥詈並將血褲
拆毀五月間遲夢龍見遲坤姐在家獨處又與續

姦適遲孫氏自外回歸撞見說其不應如此遲夢
龍不答而走六月初一日遲坤姐喚今年甫十五
無服族姪遲柱兒同至葦炕行姦一次是月初四
日遲坤姐赴賈克行之姪賈九兒家園內挖菜被
賈九兒勾引成姦遲坤姐均向伊姊遲二姐告知
轉向其母遲孫氏述及遲孫氏因遲坤姐已經失
身不復理會二十日賈克行因遲孫氏說其買米
墊付大錢七百元乘此尋衅卽向遲孫氏索討遂
相爭吵賈克行氣忿用趕麵杖毆打致傷遲孫氏
右胎膊等處經遲景風勸散遲夢龍聞知其事邀

那文毅公初任直隸總督奏議

卷四十八

三

同遲夢雲往視遲孫氏告知情由欲遲夢龍等給
其出氣遲夢龍因挾賈克行爭風毆打之嫌商同
陷害洩忿卽主唆遲孫氏捏告賈克行強姦遲二
姐賈九兒強姦遲坤姐遲夢雲從旁教唆遲孫氏
應允次日令遲夢雲帶同伊翁遲子禮伊女遲二
姐赴縣喊控遲子禮行至中途因病未往遲夢雲
帶領遲二姐至縣喊稟并代書李有俊寫呈投
遞該縣陳鴻猷前往驗訊據穩婆陳朱氏驗得遲
二姐早已破身惟遲坤姐下身並未紅腫有血疑
惑不定遂驗稱紫色並未報明是否破身該縣亦

未詰訊查起遲坤姐血褲遲孫氏因無血褲隨將
遲坤姐日常所穿之褲撕開破縫數處送官查驗
希圖搪塞該縣詰以何無血蹟遲孫氏捏稱已經
洗淨并密囑遲坤姐照依混供該縣訊問賈克行
賈九兒皆不承認當將賈克行等帶回管押布褲
貯庫嗣差傳遲孫氏覆訊遲孫氏託故不到令遲
夢雲帶領遲子禮赴河間府呈控批飭該縣嚴究
詳辦遲孫氏避不到案又令遲夢雲帶同遲子禮
赴臬司衙門具控批府飭委景州會審提訊兩造
仍復各執一詞因賈克行患病保回調治迨後差

那文毅公初任直隸總督奏議

卷四十八

三

傳審訊遲孫氏躲匿不到二十年正月遲孫氏欲
自行赴省呈控與遲夢龍遲夢雲遲錦運遲化行
靳龍閣各姦夫等商議遲夢雲起意斂錢打幫即
令遲錦運等湊給盤費車輛遲錦運應允與遲化
行靳龍閣共湊給遲孫氏大錢十千文并硬向遲
化富張連興拉得車輛驢頭遣子遲有善并遲景
平趕車遲孫氏隨帶同子女於是月二十三日
起程并令伊翁遲子禮隨行遲夢龍遲夢雲亦相隨
進省遲夢龍又與遲二姐遲坤姐仍各於路續姦
二月十三日遲夢雲帶領遲孫氏赴臣衙門具控

批令河間府速飭訊究遲孫氏並不同縣於三月
初間令遲夢雲帶領進京赴都察院呈控訊供具
奏奉

旨交臣審辦當即委員將該縣知縣陳鴻猷遵

旨革職鎖拏提齊各犯卷連日督同司道等隔別各犯細
心研鞫據各供認前情不諱嚴詰不移案無遁飾
查遲孫氏平日與賈克行等通姦無忌遁跑伊夫
遲象臣并時將伊翁遲子禮毆毆實為潑淫不法
該氏此次聽從姦夫遲夢龍等主唆捏控賈克行
賈九兒強姦伊女遲二姐遲坤姐查賈克行等本

那文毅公初任直隸總督奏議

卷四十八

三

與遲二姐等有姦該氏所控係屬誣輕為重至死
罪未決按為從科斷罪止擬徒惟查出縣卷該氏
於十八年間刃傷伊翁遲子禮曾經伊翁控縣有
案罪應駢首今已質訊明確自應從其重者論遲
孫氏除與賈克行等通姦并聽從誣告各輕罪不
議外合依妻毆夫之父者斬律擬斬立決遲夢龍
與無服族姦遲孫氏並其女遲二姐姦好又將其
年甫十二之幼女遲坤姐哄誘成姦嗣因遲孫氏
被賈克行打傷囑令該犯為其出氣該犯輒挾賈
克行爭風打架之嫌教唆遲孫氏誣告賈克行等

強姦遲二姐姊妹冀圖陷害洩忿殊屬刁淫查該犯教唆誣告罪止擬流其誘姦十二歲幼女遲坤如罪應擬絞亦應從重論遲夢龍除與遲孫氏遲二姐通姦并教唆誣告各輕罪不議外合依姦十二歲以下十歲以上幼女和姦者仍照雖和同強論律擬絞監候例擬絞監候秋後處決賈克行始則包姦遲孫氏宣淫繼又與遲孫氏之女遲二姐通姦嗣因家資耗盡遲孫氏相待冷淡另與遲夢龍等姦好親密該犯輒心懷妬忿時至遲孫氏家吵鬧與遲夢龍等爭風打架并因素欠將遲孫氏毆傷實係淫惡地棍未便輕縱賈克行除與遲孫氏等通姦并他物毆人成傷各輕罪不議外應照兇惡棍徒屢次生事行兇擾害例發極邊足四千里安置至配所杖一百折責四十板而刺州漳改發四字遲夢雲因族嬭遲孫氏被賈克行毆傷囑令爲其出氣該犯因與遲孫氏姦好被賈克行爭風打架有嫌輒敢圖洩私忿乘機陷害於遲夢龍主唆遲孫氏誣告之時亦從旁教唆并帶領遲二姐遲子禮赴各衙門控告嗣遲孫氏欲進京告狀該犯復起意斂錢扛幫合遲錦運等奏給盤費自

那文毅公初任直隸總督奏議 卷四十八 三

行伴送遲孫氏進京以賈克行等強姦遲二姐等重情在都察院呈控亦屬不法遲夢雲除與遲孫氏通姦輕罪不議外合依教唆扛幫赴京告重罪不實者問發近邊充軍例發近邊充軍至配所杖一百折責四十板遲錦運因遲夢雲向其告知遲孫氏進京控告賈克行令其幫給盤費該犯輒挾賈克行爭風打架之嫌聽從借給錢文車輛應以爲從問擬遲錦運除與族嫂遲孫氏通姦輕罪不議外應照爲從律於遲夢雲軍罪上減一等杖一百徒三年至配所折責管束辛建如訊無出錢幫訟情事惟與李有俊王祿均與遲孫氏通姦應均依軍民相姦例杖一百枷號一箇月滿日各折責發落李有俊王祿仍革役遲相明與族嫂遲孫氏通姦應依姦同宗無服親之妻柳號四十日杖一百例應柳號四十日滿日折責發落遲柱兒賈九兒與遲坤姐通姦係在遲夢龍將遲坤姐姦污破身之後且遲柱兒係遲坤姐教令行姦若概照姦十二歲以下十歲以上幼女雖和同強論之律科斷未免與初次姦污幼女者無所區別自應仍依和姦本例問擬查遲坤姐係遲柱兒無服族姑遲

那文毅公初任直隸總督奏議 卷四十八 三

柱兒應依姦同宗無服親例枷號四十日杖一百
該犯犯罪時年止十五應照律收贖賈九兒依軍
民相姦例枷號一箇月杖一百滿日折責發落遲
二姐與族兄遲夢龍通姦依姦同宗無服之親及
無服親之妻者枷號四十日杖一百例應枷號四
十日杖一百犯姦之女杖決枷贖交與伊祖遲子
禮領回穩婆陳朱氏訊無聽囑舞弊情事惟因辨
驗不明含糊具報亦屬不合陳朱氏應照不應重
律杖八十係婦女照律收贖同遲柱兒等贖銀及
遲二姐所得遲夢龍賣姦錢文一併追出入官冊

那文毅公初任直隸總督奏議

卷四十八

三

報遲坤姐被遲夢龍誘姦後復與續姦又與遲柱
兒賈九兒姦好本應擬罪收贖已於審明後在店
出痘身故應毋庸議刑書謝美玉快役高射斗卽
高升斗訊無受賄私縱情事應與訊無受賄硬証
之孫國慶均毋庸議無干省釋遲化行等飭緝獲
日另結遲孫氏所欠賈克行米錢照追給領至寧
津縣知縣陳鴻猷於遲孫氏控告賈克行等強姦
幼女之案因原告供詞狡展遲至半載有餘未能
訊明詳報已屬庸劣不職又遲子禮被媳遲孫氏
用鐮刀砍傷一案因遲益三等調處遲子禮情愿

息結該縣於逆倫重案率准和息更屬昏憤糊塗
非尋常失出可比陳鴻猷雖經奉

奏奉

硃批刑部速議具奏

嘉慶二十年六月初一日

奏為寧津縣民婦遲孫氏控案現在遵

旨嚴切根究先行恭摺覆奏並述感愧下忱事竊

軍機大臣字寄欽奉

上諭刑部議駁那彥成審擬遲孫氏一案已有旨將那彥

那文毅公初任直隸總督奏議

卷四十八

三

成盛泰交部察議矣此案遲孫氏淫兇無復人理前曾
刃傷伊翁其夫遲象臣與之不和該犯婦所交姦夫多
人安知遲象臣非伊等商同謀斃罪關倫紀僅以逐出
無踪一語定案何足為憑著那彥成再將此案人犯詳
細推鞫欽此仰見

皇上周詳慎重

至聖

至明 等未能想到之處仰蒙

訓誨指示務使案情結實毫無疑竇 與臬司盛泰跪誦

之下不勝欽服感愧伏查遲象臣之是否存亡應

先向其父遲子禮訊問誠如

聖諭父子之情未嘗稍間必可以得實供惟遲子禮前經

臣等訊明後因其年老患病先行釋回茲提訊案

証遲景鳳供稱遲象臣被遲孫氏逐出後在相離

遲家莊四十里地之南皮縣堤橋村與人傭工伊

於上年四月間在彼見過一面又於九月間在寧

津縣城內見過一次等語是遲象臣實係生存但

必須令其到案方可憑信臣現在委員前往寧津

縣先向遲子禮訊問其子存亡一面飛飭寧津南

皮二縣多差幹役務將遲象臣查傳到案迅速解

那文毅公初任直隸總督奏議

卷四十八

三

省以便審明覆奏至臣等於此等緊要情節未能

詰訊明確率行定案具奏實屬糊塗仰蒙

皇上不加嚴譴僅交部察議感激悚惶莫能名狀以後惟

有益加詳慎以期仰副

聖主

教誨成全之至意謹將現在遵

旨覆訊及臣等感愧下忱理合先行繕摺奏並率同臬

司盛泰望

闕叩謝

天恩謹

奏

嘉慶二十年六月初三日軍機大臣字寄奉

上諭那彥成覆奏查明遲象臣被遲孫氏逐出後在南皮

縣堤橋村傭工實係生存現飭縣查傳解省等語聞里

小民因妻室不守婦道教訓不悛將其休棄是為事所

常有今遲孫氏淫兇不法遲象臣不能約束竟至為婦

所逐無能無恥已極且遠避不歸置伊父遲子禮於不

顧尤為不孝著那彥成傳提遲象臣到案訊明即將全

案人犯照律辦理先將遲象臣提到法場令遲孫氏眼

看重責四十板再令遲象臣看視將遲孫氏斬決以為

那文毅公初任直隸總督奏議

卷四十八

三

懼內庸夫之戒仍將遲象臣解回原籍令其奉養伊父

遲子禮勿許外出

嘉慶二十年七月十八日

奏寧津縣民婦遲孫氏刃傷伊翁遲子禮一案臣前在

御園面奉

諭旨令將遲孫氏先行辦理伊夫遲象臣俟獲日訊明覆

奏欽此當經臣欽遵行知臬司盛泰將遲孫氏處斬并

飭催委員等查傳遲象臣去後茲據委員候補知

縣張炳南等會同寧津縣知縣張之棟稟稱於本

月初九日帶同差役眼目在於山東樂陵縣丁家

務廟內將遲象臣擊獲現在解省審訊等情已飭
藩臬兩司一俟遲象臣解到會同研訊如果並無
縱妻忤逆情事即欽遵

諭旨將遲象臣杖責發落謹

奏奉

硃批覽

嘉慶二十年四月二十五日

奏為擊獲疊次劫竊盜犯究出打劫原任侍郎錢樾坐

船一案現在嚴拏逸盜歸案審辦先行奏

聞事竊查原任侍郎錢樾坐船在山東德州地方被劫一

那文毅公初任直隸總督奏議

卷四十六

三

案前奉

上諭著嚴飭所屬一體躡訪按名就獲欽此當經 臣 欽遵

通行各屬嚴密查拏並節次催緝在案茲據署滄

州知州彭希曾稟稱本年二月二十八日據捕役

李德亮等稟稱見有外來四人用驢馱載衣箱衣

包進城典當形迹可疑該州當即派撥幹役前往

查拏適吏目楊永寧原任德州知州徐霖家人蕭

德踵至協同拏獲查起原贓送州該州逐一研訊

據稱一名柴泳太一名柴世傑一名王太一名趙

府來均係南皮縣柴家莊人柴泳太柴世傑王太

等三名於本年正月內夥同本莊人柴文之子

柴明奎交河縣滅家屯人趙五尹家屯人尹二東

光縣人王二深州人李二等八人劫竊交河縣事

主傅占釐南皮縣事主陳胡氏沙汝壩等家衣服

等件屬實柴文係屬窩家現起各物即係沙汝壩

家原贓趙府來隨同該犯等出外當贓並無夥同

劫竊情事該州復向究詰又據柴泳太等供稱上

年八月底與在逃之柴明奎等五人行至山東德

州地方見有官員坐船在彼停泊隨商同劫得衣

服等物送交東光縣屈家莊劉廷柱當錢分用當

那文毅公初任直隸總督奏議

卷四十八

三

票劉廷柱收存等語該州核與錢樾坐船被劫年

月相符關抄報案核對贓數亦多符合惟移提消

贓人劉廷柱到案審訊堅不承認復提柴泳太等

質究該犯等仍供認行劫錢樾坐船不諱所劫贓

物改稱在逃之柴明奎等擊去不知當真何處該

州將現獲贓物令事主沙汝壩查認給領之外尙

有餘剩破舊布衣服眼鏡據柴泳太等供稱係打

劫侍郎錢樾船內之物查對原報贓單並無此等

贓物關緝柴文柴明奎已全家逃跑無踪趙五等

亦均未弋獲應俟緝拏到案追起原贓歸案審辦

等情具稟前來。臣查柴泳太等劫竊交河等縣事主傅占鰲等家三案已據逐一供認賊亦起獲經事主沙汝塽認明給領其為正盜無疑惟所供打劫錢樾坐船一案雖據該犯等自行供吐但犯未全獲原報失賊亦無著落現在所有破舊布衣服眼鏡又未載入失單此等零星物件報官之時固屬易於遺漏而原賊未獲究不敢遽行定案。臣現飭該州將眼鏡布衣送省以便專差齎赴浙江交錢樾查認如果確係真賊則該犯等打劫錢樾坐船實屬確鑿即可按例定擬一面仍飭嚴緝窩家

那文毅公初任直隸總督奏議

卷四十八

三

柴文並逸盜柴明奎等務獲到案研訊確供追出原贓歸案審辦至該署州彭希曾吏目楊永宣能留心緝獲打劫鄰省官員坐船巨盜統俟審明定案後照例辦理謹

奏奉

硃批知道了

嘉慶二十年五月初四日

奏為刁矜斂錢結訟出帖糾眾罷考現在查獲首犯提省審辦先行恭摺奏

聞事竊查大名府屬向來納糧之家分別矜戶民戶矜戶

祇納錢糧民戶兼出差徭近日風氣刁健往往矜戶恃符包攬民戶不特差徭不辦而刁劣生監甚至包攬十餘戶至數十戶不等並將應納錢糧亦復把持抗拒其情祇於漁利而積漸則甚至聚眾玩違。臣深悉其弊屢經飭令地方官潔已自持留心查辦務返積習前月。臣自差次回省風聞開州並南樂清豐二縣生監因催追錢糧有罷考之事當即立飭大名道屠之申趕回嚴密訪查是否生監恃符滋事抑係該州縣等擾累閭閻秉公查辦不可稍有偏護茲據大名道屠之申大名府劉賈

那文毅公初任直隸總督奏議

卷四十八

四

第稟稱除開州童生業已考竣並無生監阻考應免查究外惟南樂清豐二縣罷考屬實現在多方曉諭已將糾合出帖倡首罷考之人拏獲稟解該二縣亦陸續開考地方無事查南樂縣因錢糧積欠過多該縣令徐潤訪係刁矜包庇隨於編查保甲之際將矜戶摘出令各戶自行交納如有未完與民戶按卯帶比其餘民戶均令自封投櫃不許矜戶包攬因而應納之糧是否果在民戶全可水落石出而以後地方差徭亦均勻攤派人戶既多所出愈少於窮苦民戶頗覺稱便惟劣矜因不能

包攬影射卽生怨憤并因與民戶一體帶比心懷不服隨有生員張景清帶領民人王鶴進京以該縣徐潤重徵等情令王鶴出名赴都察院具控奏奉

諭旨交臣審辦有武生張廷樞等商議斂錢幫訟并慮控案審虛張廷樞又倡議罷考希圖挾制清豐縣生監亦聞風而起遂有生員王敬思亦因該縣知縣狄觀光催比錢糧過嚴唆令革生管壁散帖與生員呂榮等首倡罷考已將南樂縣武生張廷樞文生呂秉哲李鳴珂任一璞董正等五名清豐縣革

那文毅公初任直隸總督奏議

卷四十八

三

生管壁擊獲呂榮亦自行投案并將阻考傳帖呈出惟清豐縣爲首之王敬思已全家逃往山東縣避卽在王敬思家內起出萬法歸宗禁書五本并神符等件稟解等因查該縣瞻敢因清查保甲分別矜民經該縣立法催追錢糧不能遂其包攬漁利之計輒心生怨忿并於王鶴進京呈控之後聚衆斂錢幫訟復虛控案審虛倡議罷考而清豐縣生員王敬思亦因該縣狄觀光催比錢糧過嚴主唆革生管壁散帖罷考聞風效尤現在俱經該道府明白慰示南樂縣童生已經考竣清豐縣現亦

開考查大名府屬人本才野乃當人心甫經安定之後張廷樞王敬思等斂錢散帖煽惑罷考其事雖未成其風萬不可長臣受

恩深重斷不肯袒護屬員致累百姓但杜漸防微亦不得不示以儆惕現飭該道府務將王敬思嚴拏務獲一面行提張廷樞等來省督司嚴切根究并將王敬思所藏禁書神符一同解省查辦若係邪教書符亦可從此根究逸犯此外有無不法以及扛幫滋事之人務獲到案嚴審實情按律定擬具奏如果究出該縣徐潤等有重徵浮收及苦累閭閻情

那文毅公初任直隸總督奏議

卷四十八

美

事亦定卽嚴行參奏卽於犯事之處辦理以服輿情斷不稍有迴護謹

奏奉

硃批秉公嚴審定擬具奏

嘉慶二十年九月二十五日

奏爲遵

旨審擬具奏事竊照南樂清豐二縣生員張廷樞王敬思等傳帖阻考未成一案臣接據大名道屠之中大名府知府劉寶第稟報奏明提省審辦欽奉硃批秉公嚴審定擬具奏欽此當經行提張廷樞等至省

並續獲王敬思到案檄飭兩司暨候補道程卓樑督同首府研審確情茲據保定府知府阿祿等審擬由司覆審解勘前來臣親提鞫訊緣張廷樞係南樂縣武生該縣徵收錢糧向分衿戶民戶兩項嘉慶十八年七月內該縣令徐潤到任後因錢糧積欠過多訪係刁衿包庇隨於編查保甲之際將衿民地畝卽於戶口冊內逐細註明十九年九月內開徵民戶錢糧不許衿戶包攬衿戶錢糧與民戶一律按卯催比間有劣衿因不能包攬影射并與民戶一體比追心生怨忿是年十一月內生員

那文毅公初任直隸總督奏議

卷四十八

三

張景清約會武生張廷樞重正等控告張廷樞等因思控無款蹟未允張景清隨自行勾串民人王鶴進京至二十年二月初間張廷樞聞知張景清回家同生員呂秉哲李鳴珂董正等往探張景清聲言王鶴在京告狀已發回本省審辦囑託張廷樞等代斂盤費欲令武瑛赴京幫訟張廷樞董正各給張景清銀五兩託武瑛帶交王鶴收用武瑛起身後張廷樞因王鶴等控無實據慮恐審虛復自行起意傳帖罷考挾制與呂秉哲李鳴珂商允令呂秉哲寫阻考斂錢說帖各一張三人出名交

與生員孫燦轉傳又囑生員任一璞照寫阻考說帖一張給付董正維時清豐縣有生員王敬思向在縣城開設藥舖行醫因挾該縣噴其招留告狀人在店曾被戒飭并催追錢糧嚴緊之嫌常欲尋事挾制聞知南樂生監有欲罷考之事亦起意傳帖阻考適有素識革生咎璧武生于作霖馬耀德至舖閒坐王敬思隨將其意告知糾邀幫同散帖于作霖馬耀德未允而去王敬思復以利誘咎璧允從王敬思遂自寫阻考說帖四張交與咎璧并給大錢七十三文應許散完再行赴舖取錢咎璧

那文毅公初任直隸總督奏議

卷四十八

三

將帖分散生監呂榮張桐蕭琛郭國果四人蕭琛張桐見帖因事屬荒唐當卽燒燬郭國果將帖送至武生曹麟閣家內適曹麟閣外出其子曹四須因不識字持至集上交生員程金策孫秉和咎清等共看亦以荒唐燒燬當經南樂清豐二縣并各備學訪聞查拏南樂獲犯張廷樞呂秉哲李鳴珂任一璞董正而董正聞拏已將阻考傳帖銷毀清豐縣先獲咎璧正在查詢生員呂榮卽將其所給阻考說帖赴縣出首該縣會同儒學往拏王敬思業已逃逸在其所開藥舖內起獲萬法歸宗書五

本及符片等件該二縣稟經大名府提訊令呂秉哲任一璞當堂默寫帖內語句均係禁阻童生投卷考試及勸眾資助訟費並無另有違悖不法字樣該府隨即稟經 臣 奏奉

諭旨提省委審飭緝嗣據署清苑縣知縣盛世綺將王敬思拏獲復行提應質要証呂榮等十名獲解來省隔別研質據各供晰前情並令王敬思當堂親錄口供核對筆迹與呂榮呈出阻考傳帖筆迹相符究詰其禁書符片等件來歷據供萬法歸宗書五本係數年前不記年分月日在於不識姓名人舊

那文毅公初任直隸總督奏議 卷四十八 三

貨攤上買得其符片等項係伊閒時翻看書上符樣奇異可與人醫治瘧疾病症是以照樣描畫存放藥舖因無人邀伊治瘧尚未用去等語誠恐該犯等另有習教不法重情及素與逆匪來往知情藏匿并尚有商同阻考斂錢構訟之人研究至再各矢口不移案無遁情查例載直省刁民約會抗糧聚眾聯謀斂錢構訟及因事罷考為首斬決梟示從犯俱擬絞監候等語此案南樂縣武生張廷樞因該縣立法催追錢糧不能遂其包攬拖欠之計輒生怨忿於生員張景清勾串王鶴赴京呈控

之後囑令斂錢幫訟該犯慮恐控案審虛起意傳帖罷考挾制清豐縣生員王敬思挾因事被縣戒飭并催追錢糧過嚴之嫌聞風效尤亦起意散帖罷考希圖挾制均屬玩法惟阻考未成錢尙未斂且共謀僅止二三人究與聚眾業經罷考斂錢有間自應酌量懲辦以示區別張廷樞王敬思二犯均應照刁民因事罷考為首斬決例上量減一等發遣新疆等處充當苦差生員呂秉哲李鳴珂任一璞武生董正革生咎璧等五犯或同謀代寫阻考說帖幫同分散亦屬不法均應照從犯俱擬絞

那文毅公初任直隸總督奏議 卷四十八 四

監候例上量減一等杖一百流三千里至配所各折責安置生員呂榮收得傳帖即赴縣出首尙無不合應與未允同行及並未共謀得帖即行燒燬之生員于作霖等暨並未同謀罷考之王元美等均免其革究逸犯飭緝務獲另結至未能約束文武生員滋事之各該管儒學本應例議第係自行會同各該縣訪拏究辦並無迴護徇縱情事均應免其開參南樂縣首先構訟肇衅之生員張景清已於王鶴案內審擬另結供招咨部謹

奏奉

硃批刑部議奏

嘉慶二十年五月二十五日

奏為審擬具奏事竊照正定縣民康泳吉等呈控阜平

縣丁役索詐一案前因該縣吳銓不將家丁書役

移解委員審訊經_臣奏解任勒令交出提省審

辦欽奉

上諭阜平縣知縣吳銓不將家丁書役等移解審訊恐有

授意訛詐情弊吳銓著即革職交該督提拏應訊丁役

人等秉公研審定擬具奏欽此_臣欽遵

諭旨將吳銓革職行司提拏丁役人等來省飭發保定府

那文毅公初任直隸總督奏議

卷四十八

聖

審訊因僧人如性所控衿民趙秉德等侵佔香火

地畝盜賣入官餘地一節兩造各執一詞委員前

往勘明稟覆據保定府知府阿霖督同候補知縣

傅以納朱高樞審明定擬由司審解前來_臣親提

研鞫緣孫義籍隸天津縣係阜平縣知縣吳銓管

門長隨康泳吉籍隸正定縣充當縣役於嘉慶十

二年間因包攬差徭事犯擬徒限滿釋回僧人如

性原籍山西五臺縣俗家劉姓自幼在阜平縣出

家至京中法源寺受戒領有戒牒與如祥如崑三

支分開如性住伏魔庵如祥住文殊庵如崑住金

龍寺阜平縣屬炭灰舖官山向歸金龍寺僧人開

設煤窑每歲交該縣銀十二兩以為養濟院及渡

船水手等項公費縣署需用煤助即向該窑採買

每駄八十助發價大錢三十文又縣屬桃河口橋

西庵等處沿河灘荒地畝聽民報墾陞科名為營

田該縣每年清查一次以杜隱佔如有丈出餘地

即令原墾地戶續報陞科納糧每畝除徵正課糧

銀一分四釐五毫之外所有縣署需用食米料苳

向係發交認種營田地戶均勻採買從前營田共

一百二十四頃有零嘉慶六年全被水冲現在陸

那文毅公初任直隸總督奏議

卷四十八

聖

續報墾陞科地僅止七十九頃有零該縣每歲採

買米三十石料苳三十二石四斗每米一石發價

銀四兩每苳一石發價銀二兩四錢共設田頭六

名輪流經管前項官山煤窑及沿河營田均載在

縣誌并有節次詳定章程可考炭灰舖官山煤窑

先係金龍寺僧人夥同民人王洛然開採嘉慶十

七年間王洛然歇業經康泳吉至彼與該寺僧人

如崑夥開十八年冬間吳銓票差皂役馬進才協

同各地方赴各處山場窑洞稽查匪類在窑工匠

人等飭令造冊送縣康泳吉等因離城遙遠不肯

造送該地方趙起富至縣以窰戶康泳吉等並不遵照造冊等詞囑令工房經書韓有志寫稟投遞嗣如崑開具花名冊託馬進才投遞馬進才不允接收并以工房人等豈有不需紙筆費之言回覆如崑向康泳吉告知康泳吉詢其索錢若干如崑以約用錢一百千之言隨口回答時該縣吳銓接據地方趙起富稟報恐有來歷不明之人在彼藏匿差役往將煤窰封閉將康泳吉傳案遞籍如崑驅逐出寺如性聞知冀圖住持金龍寺并接開煤窰因與在城開藥舖之捐職千總趙鼎圖素好稔

那文毅公初任直隸總督奏議

卷四十八

聖

知趙鼎圖與該縣管門家人孫義熟識隨託趙鼎圖轉懇孫義幹旋應許事成酬謝孫義銀二百五十兩并許趙鼎圖在煤窰分股趙鼎圖貪利應允往向孫義商議孫義因該縣封窰之時原有暫時封閉將來仍歸金龍寺僧人接開之語起意撞騙當即應允并向趙鼎圖索要現銀趙鼎圖向如性告知如性令趙鼎圖墊辦趙鼎圖因無現銀開給孫義銀帖二紙暫收作抵二月初二日趙鼎圖措得銀二百五十兩送交孫義收受將銀帖撤回登明賬目并將銀帖夾於賬簿之內孫義旋以金龍

寺所開煤窰已封縣署需用煤餉無處採買養濟院等項公費亦無出處現有僧人如性與如崑係師兄弟可以接開煤窰之言向該縣吳銓告知吳銓不知賄託情弊即將如性傳案發給告示准其住持金龍寺仍開炭灰舖煤窰如性交過公費錢十一千縣署買用煤餉發價未領如性先因如祥之祖先壽與民人趙秉德劉盡善等公立合同報墾縣屬桃河口灘成熟陞科地一項四十五畝零如崑之師明寶報墾橋西庵灘成熟陞科地一項七十九畝零屢生覬覦與趙秉德劉盡善爭奪迨

那文毅公初任直隸總督奏議

卷四十八

聖

住持金龍寺之後所有橋西庵灘地畝把持管業意欲借此影射侵佔遂自行往懇孫義設法以後免其查丈并免辦採買米荳孫義不允如性以孫義先曾得伊銀兩今有事懇託毫無照應心疑趙鼎圖從前未送往查詢趙鼎圖給與賬簿如性見賬簿內夾有撤回銀帖二紙乘間取回希圖挾制嗣因頭趙秉德以如性抗交米荳赴縣具控該縣吳銓傳訊如性出言頂撞該縣將其掌責如性即將所欠米荳如數交清領價詎康泳吉如性因挾遞籍掌責之嫌康泳吉隨以該縣工房書吏韓

有志等屢索無厭朦混官長封閉煤洞如性亦以書役藉端訛詐衿棍霸佔香火地畝等情先後赴正定府控告康泳吉并將平日借給韓有志等錢文及如毘送交孫義渡船水手等公費錢文作為贓款一并砌入呈內該府先後批委靈壽縣關提訊辦孫義於康泳吉未控之先因病回籍其餘人証亦間有患病外出未能齊集移解靈壽縣因關提孫義等未到稟府提訊該府任銜蕙恐該縣吳銓授意需索以及有意徇庇等弊詳揭經臣參奏奉

那文毅公初任直隸總督奏議

卷四十八

聖

旨革審孫義於二十年正月間病痊即在原籍天津縣投到遞至正定府同一干應訊人等提解來省飭委保定府審訊因如性所控趙秉德劉盡善冒認強佔寺地并盜賣入官餘地二十二畝與門丁孫義工書韓有志分肥一節兩造各執一詞委員前往查勘趙秉德等並無冒認強佔其賣與甄步廷等地畝係公共有糧之產並非盜賣官地如性亦無可狡辯稟府審擬由司解勘臣親提研鞫各供前情不諱臣因僧人如性圖謀住持金龍寺接開煤窰託趙鼎圖向該縣家人孫義說合給與銀二百

五十兩若非吳銓知情授意需索染指何以果令如性住持金龍寺接開煤窰臣審迫如性赴府呈控批委靈壽縣審辦屢關不解亦難保無徇庇情事向該參員逐層研詰據吳銓供稱炭灰舖官山煤窰向係金龍寺開採該參員封窰之時原有將來仍令寺僧接開之語嗣據家人孫義聲言如性係金龍寺僧人如毘師兄弟是以准其住持金龍寺接開煤窰實不知有賄囑情弊如果該參員授意需索染指分肥家人孫義現已到案自必據實供出可以輕減罪名豈肯代為承認自罹重罪至如性

那文毅公初任直隸總督奏議

卷四十八

吳

赴府呈控批委靈壽縣審辦屢關不解實因孫義患病回籍該參員屢次關提不到是以無從移解有卷可查亦無徇庇情事等語覆加究詰僉供不移案無遁飾查孫義充當縣署管門長隨因僧人如性欲圖住持金龍寺接開官山煤窰囑託趙鼎圖轉央該犯幹旋自願送給銀二百五十兩該犯因吳銓本有仍令寺僧接開之語輒敢起意撞騙瞞官收受殊屬玩法所得銀兩係如性自願送給法無所枉計贓已在一百二十兩以上自應按律問擬孫義合依詐欺官私取財計贓准竊盜論竊

盜賊一百二十兩以上絞監候准者罪止杖一百流三千里律杖一百流三千里照律免刺係長隨得贓應從重改發新疆給官兵爲奴以爲長隨玩法者戒所得贓銀照追入官冊報僧人如性以財行求除誣告趙秉德等侵佔地畝盜賣官地與家人工書分肥及書役索詐各輕罪不議外應與說事過錢之趙鼎圖均依與受財人同科例杖一百流三千里至配所各折責四十板如性勒令還俗再行發配康泳吉會充正定縣役犯案擬徒限滿釋回至阜平縣與僧人如崑夥開煤窰因不遵禁

那文毅公初任直隸總督奏議

卷四十八

聖

約遞籍輒敢挾嫌妄控書役家人索借除所控家人孫義向伊借錢三十七千現在訊係如崑交給渡船水手等項公費事尙有因不議外其所控工書韓有志索借錢六千皂役馬進才索借錢五千如果屬實韓有志等應照竄役詐贓六兩至十兩例問擬滿徒今訊明韓有志等借貸屬實固非憑空誣告惟將平日挪借之項作爲詐贓控告殊屬刁詐亦應酌擬示懲康泳吉應照誣告人徒罪加所誣罪三等杖一百流三千里律上量減一等杖一百徒三年至配所折責四十板工書韓有志皂

役馬進才借欠康泳吉錢文不還馬進才又於僧人如崑將所開煤窰工匠花名冊託其代投之時又以工房人等尙需紙筆費之言答覆實屬不合韓有志馬進才均照不應重律杖八十馬進才再加枷號兩箇月滿日折責三十板均革役所欠康泳吉錢文照追入官冊報趙秉德等訊無侵佔香火地畝盜賣官地情事應毋庸議無干省釋僧人如崑尙無過犯應令照舊住持金龍寺仍開炭灰鋪官山煤窰工匠人等隨時查察仍嚴禁胥役籍端滋擾縣署買用煤米料荳既係相沿舊規且每

那文毅公初任直隸總督奏議

卷四十八

聖

米一石發銀四兩每荳一石發銀二兩四錢並不爲少其炭灰鋪煤窰取銀十二兩以作養濟院并渡船水手公費載在縣誌均請飭令循舊辦理毋許多買減價阜平縣知縣吳銓訊無授意需索染指分肥亦無短價累民等弊卽康泳吉如性先後在府具控批委靈壽縣審辦關提不解亦因孫義在籍患病之故現在孫義係自赴天津縣投案解審吳銓亦無徇庇情事惟如性免趙鼎圖說合囑託該縣家人孫義代爲營謀住持金龍寺接開煤窰孫義得受如性銀二百五十兩該縣吳銓漫

無覺察業已奉

旨革職應毋庸議並供招咨部謹

奏奉

硃批該部議奏

嘉慶二十年六月初十日

奏為知縣驗報命案不實自行訪問檢舉現在開檢嚴

密先將大概情形恭摺具奏並將原驗之知縣請

旨解任以便徹底根究事竊據保定府知府阿霖稟稱據

清苑縣知縣王德茶面稟本年正月初十日據縣

屬高家莊地保許德洪稟報正月初八日民人楊

那文毅公初任直隸總督奏議

卷四八

完

綏章之媳蘇氏與夫楊溥口角爭吵被楊溥毆傷

後自縊身死等情並據屍伯蘇邁宗遞呈攔驗該

員批飭不准隨帶領伴作人等前往相驗屍身停

放炕上據楊綏章等供稱蘇氏在門框上自縊身

死又據蘇邁宗請免脫衣移驗該縣照例取結免

去中衣飭令伴作李秀驗報蘇氏生年二十一歲

額顱右眉連右眼胞右顙頰各有拳傷一處咽喉

上縊痕一道斜入腦後八字不交十指吐血墜委

係自縊身死查起縊繩已被楊溥燒燬該員訊據

楊溥供稱因嫌蘇氏做飯遲慢村斥不服被其毆

傷後自縊身死地鄰屍親供俱相同該縣填圖通

報今聞蘇氏出殯墳前演戲數日頗有物議難保

無致死別情捏報自縊該員不敢迴護懇請委員

會審等情當經 批司轉飭保定府等研審據屍

伯蘇邁宗供稱已死蘇氏係伊姪女嫁與楊溥為

妻已經五載夫婦和睦惟翁姑楊綏章田氏因嫌

蘇氏不會做活兼無生育本不喜悅曾為楊溥娶

魏氏為妾魏氏亦與蘇氏不睦蘇氏本有身死不

明情事前因楊溥自認因夫妻口角被其毆傷後

自縊身死又經原媒劉敬解勸楊綏章情愿從厚

那文毅公初任直隸總督奏議

卷四八

辛

殯葬伊恐蘇氏屍身暴露是以呈請攔驗今情愿

具結開檢等語訊之楊溥與父楊綏章母田氏妾

魏氏均堅不供吐究出楊綏章家有年久工人王

來意見密拏到案察看神色慌張細加究詰據供

伊在楊綏章家做工十年並無主僕名分與楊綏

章之妻田氏素有姦情曾被蘇氏撞破楊綏章夫

婦平日偏愛魏氏至蘇氏之死係伊燒炕起衅與

魏氏爭吵被田氏魏氏毆斃致斃詰其如何商同

謀勒致死則又匿不供吐訊問田氏不認姦情魏

氏亦不認與蘇氏爭吵并勘得蘇氏炕上所鋪氈

席有刀砍痕迹二道訊係楊溥用刀剝勒繩時砍破又驗得繩席均有血迹一塊並在南屋後東廂房穀岡內起出藍布大棉襖一件衣領前後及左袖均有血污訊係蘇氏生前所穿稟經臬司盛泰詳委該府阿霖會同即用同知俞英世定州知州張孔源督同遷安縣知縣盛世綺饒陽縣知縣陳晉候補知縣何繼志并原驗清苑縣知縣王德棻開檢臣因案關重大飭令臬司盛泰會同清河道韓文綺督同首府各員檢得蘇氏致命顛門骨浮出腦殼骨縫之外少許紅色內有血絲三點額顛

那文毅公初任直隸總督奏議

卷四十八

五

骨正中傷一處額顛左傷一處額顛右傷一處俱紅色血暈不致命右肩稜骨傷一處右眼眶骨傷一處俱微紅色血暈上齒十五箇脫落十箇下齒十二箇脫落十箇俱黃白色兩手十指骨有血暈淡紅色左肋骨第二條有紅暈餘皆無故委係生前受傷後被勒身死并據臬司督同保定府等訊取各供開單呈送臣詳細查閱據田氏供稱年四十七歲嘉慶十六年間該氏之子楊溥娶蘇氏為妻該氏與夫楊綬章因蘇氏不會做活兼無生育並不喜悅十八年間給伊子楊溥娶魏氏為妾楊

溥常在煤廠生理不甚回家該氏與僱工王來意兒有姦會被蘇氏撞破該氏恐蘇氏洩漏風聲囑王來意兒送給蘇氏錢文首飾乘便即向其調姦冀杜其口因被蘇氏詈罵而止本年正月初八日午後魏氏村斥蘇氏燒炕不善蘇氏爭吵魏氏向該氏告知該氏亦斥說蘇氏之非蘇氏嘔其偏向出言頂撞一面上炕向窗戶坐下左腿盤曲右腿伸田氏氣忿上炕對面揪住蘇氏頭髮在蘇氏頭上拳毆數下口鼻流血時魏氏王來意兒先後走至蘇氏看見益發生氣聲言你們大家嫌我礙眼

那文毅公初任直隸總督奏議

卷四十八

五

不如將我致死了罷該氏氣忿起意致死叫王來意見拏了一根麻繩擲在該氏身邊那時該氏在炕上左腿跪著右腿曲著因蘇氏身子往後一仰該氏向前一撲右膝在蘇氏左肋上頂了一下蘇氏口鼻又流出血來該氏將蘇氏頭髮鬆放擦住蘇氏兩手拉起叫魏氏王來意兒一齊動手魏氏在蘇氏背後用雙股麻繩勒住蘇氏咽喉並未結扣往後拉勒王來意兒在魏氏身子右邊用兩手按住蘇氏肩甲左膝抵住蘇氏後身力向前推不多一會蘇氏被勒氣絕身死該氏順勢把蘇氏一

推側跌下炕蔴繩壓在項頸之下王來意見當卽走避隨後楊溥回家看見魏氏捏稱蘇氏已經弔死楊溥不信盤問該氏告知因蘇氏不服教訓被其打傷勒死楊溥嘆氣出院時楊綬章回家該氏亦照此告知楊綬章向其抱怨楊溥進屋將蘇氏項頸下蔴繩抽出放在炕上用菜刀剝斷燒燬致將氈席砍破二道該氏同楊溥將蘇氏屍身擡至炕上洗淨臉上血迹換好衣服因恐蘇氏娘家不依囑楊綬章設法楊溥聲言只算蘇氏與他做飯遲慢口角爭吵被他打傷後氣忿弔死免得該氏

那文毅公初任直隸總督奏議

卷四十八

五十三

畏罪楊綬章卽邀蘇氏原媒劉敬到家聲言蘇氏與楊溥口角致被毆傷蘇氏氣忿弔死恐蘇氏娘家不依央劉敬解勸一面通知地保并向蘇氏母家送信蘇氏之父蘇正宗患病未至經蘇氏之伯蘇邁宗等前往查看因蘇氏頭臉有傷疑心不是弔死吵鬧不依劉敬出向解勸伊子楊溥堅稱蘇氏被其打傷後縊死央求歇手蘇邁宗等聲言必須給蘇氏從厚殮葬并要在墳前唱戲三日楊綬章都已應允因地保許德洪已進城報官叫蘇邁宗遞呈攔驗未奉批准後蒙本縣相驗作作如何

喝報弔死該氏並不知道研訊魏氏王來意見各供大畧相同訊據楊溥供稱伊娶蘇氏爲妻已經五載蘇氏人極正經與伊素相和睦伊父楊綬章伊母田氏因蘇氏不會做活本不喜悅十八年間伊父楊綬章等因蘇氏並不生育給娶魏氏作妾魏氏與蘇氏不和時常吵嘴伊在煤廠生意不甚回家本年正月初八日晚伊自外回歸見蘇氏側卧炕下項頸下壓著一根蔴繩並未結扣伊母田氏與伊妾魏氏都在跟前魏氏向伊告稱蘇氏已經弔死伊暗看蘇氏頭臉有傷不像弔死當向盤

那文毅公初任直隸總督奏議

卷四十八

五十四

問伊母口稱因蘇氏不服教訓被其打傷勒死伊當時卽疑魏氏加功因事由伊母起意只得隱忍當卽嘆氣出院却不料王來意見也有加功之事隨後伊父回歸伊母亦如此告訴伊父向伊母抱怨伊進屋將蘇氏項頸下蔴繩抽出因無處出氣將蔴繩放在炕上用菜刀剝斷用火燒燬致將炕上氈席砍破二道伊母與伊將蘇氏屍身擡放炕上洗淨臉上血迹換好衣服因恐蘇氏母家不依囑伊父設法伊見伊母著急心中不忍并疑實祇伊母所做之事口稱只算蘇氏與伊做飯遲慢口

角爭吵被伊打傷自縊身死免得伊母受罪餘供與田氏無異訊據楊綏章供稱伊妻田氏如何與僱工王來意見通姦並如何被子媳蘇氏撞破伊並不知道伊與田氏因蘇氏不會做活兼無生育本不喜悅子妾魏氏平日勤能原係偏愛魏氏與蘇氏亦不和睦本年正月初八日晚伊自外回家田氏向伊告知因蘇氏不服教訓被其打傷勒死伊當向田氏抱怨田氏恐蘇氏娘家不依囑伊設法伊子楊溥聲言只算蘇氏因給其做飯遲慢口角爭吵被其打傷自縊身死免得田氏受罪經地

那文毅公初任直隸總督奏議

卷四十八

妻

保報縣相驗作亦報稱蘇氏係屬縊死伊當時並不知魏氏王來意見在場加功餘供亦與田氏相同又據劉敬供稱伊並不知蘇氏係被田氏等勒死因楊綏章央懇是以向蘇氏之伯蘇適宗解勸並無賄囑情事臣查田氏因與僱工王來意見通姦被伊媳蘇氏撞破本屬懷恨是日適因蘇氏與子妾魏氏爭吵田氏斥說不服并向楊愆忿恨起意將蘇氏致死是蘇氏死於勒斃已屬確實惟王來意見一聞田氏令其取繩不問何用當即取給揆此情形顯係預謀致斃斷非臨時起意而魏

氏係蘇氏夫妻名分攸關如果平日僅祇口角微嫌別無倚恃何敢用繩拉勒立斃其命且查魏氏年祇二十將正妻蘇氏勒斃之後家長楊溥同歸輒捏蘇氏弔死之言向告似此毫無畏懼明係有所倚恃至楊綏章既知魏氏與蘇氏不睦究竟有無加功當時自必查問據稱不知魏氏王來意見在場加功殊屬狡飾又屍伯蘇適宗等既知蘇氏身死不明何以不求申雪輒因劉敬勸楊溥央懇遂爾遞呈攔驗迨該縣批飭不准前往驗訊作李秀竟將勒死之案捏報縊死屍親既甘心欺

那文毅公初任直隸總督奏議

卷四十八

妻

手作作人等復朦混舞弊顯有賄囑別情又查原驗蘇氏頭面僅祇拳傷三處今檢骨實有五處又蘇氏左肋被田氏右膝一頂口鼻流血肋骨之傷自應圓圓且必傷及數條今驗蘇氏左肋骨僅祇第二條紅暈傷痕亦屬不符案關謀斃重情將來問抵亦係三命現訊各供尙多不實不盡必須再行嚴審方成信讞臣現在工所一面批飭臬司督率保定府等照依臣指駁情節再行逐細研究并委藩司會同督審務得確情按例妥擬招解至該縣王德棻於驗報後雖將蘇氏被勒身死情形自

行訪聞檢舉惟當日伴作人等將勒死之案兩報
自縊顯有受賄朦混情弊將來審訊得實該縣有
應得之咎自應飭令離任以免吏役人等瞻顧本
官茹供不吐茲據該管府道由司揭報前來理合
奏明請

旨將清苑縣知縣王德榮解任容俟臣回省後親提犯証
徹底根究定擬具奏并飭查明王德榮經手倉庫
錢糧有無未清另行辦理謹

奏

嘉慶二十年六月十二日奉

那文毅公初任直隸總督奏議
卷四十八
五

旨此案驗報不實自行檢舉之清苑縣知縣王德榮著解
任交那彥成親提案犯並屍親伴作人等嚴訊確情按
律定擬具奏

嘉慶二十年八月二十八日

奏為遵

旨研訊確情按律定擬具奏事竊照清苑縣民婦楊田氏
因伊媳蘇氏揭破姦情主令工人王來意兒及伊
子次妻魏氏幫同推勒致死捏報自縊一案先經
臣據該縣知縣王德榮訪聞檢舉檄司遊員檢審
將大概供情繕摺奏

聞請將原驗之知縣王德榮解任徹底根究并委藩司會
同臬司督審等因奉

旨此案驗報不實自行檢舉之清苑縣知縣王德榮著解
任交那彥成親提案犯屍親伴作人等研訊確情按律
定擬具奏欽此節經臣嚴檄指駁詳鞫去後茲據藩司

錢臻臬司盛泰候補道程卓樑督同保定府知府
阿霖等審擬解勘前來臣親提犯証研訊緣楊田
氏係該縣民人楊綬章之妻生子楊溥僱王來意
兒在家做工與楊綬章夫婦以叔嬸相稱並無主
僕名分王來意兒幫做廚房與田氏素不避忌楊

那文毅公初任直隸總督奏議
卷四十八
五

溥前妻王氏於嘉慶十六年間病故經伊伯楊璽
章央劉敬媒合娶蘇正宗之女為繼室田氏屢嫌
蘇氏不善女工楊溥與蘇氏素相和睦十八年三
月初間不記日期清晨田氏在厠出恭適王來意
兒前往撒土田氏將其喚住調戲成姦是月十五
日王來意兒又與田氏在厠說笑被蘇氏撞見無
言各散田氏恐蘇氏洩露風聲十六日囑王來意
兒送給蘇氏首飾錢文乘便即向調姦冀杜其口
因被蘇氏罵罵而止嗣田氏與王來意兒未見蘇
氏聲張其醜仍復宣淫已非一次蘇氏歸母家將

田氏有不端之事向伊母劉氏伯母王氏告知劉氏等囑勿多言蘇氏即常回母家居住是年十月內田氏以蘇氏不能生育為詞恣虐其夫楊綬章央鄰村司馮氏為楊溥另娶魏洛通之女魏氏為次妻立有婚書與蘇氏姊妹相稱並無妾名分魏氏過門後與翁姑伊夫分住南屋東西兩間蘇氏住居北屋楊溥常在所開煤廠住宿魏氏因恃翁姑偏愛遂與蘇氏不睦時常口角惟楊溥仍與蘇氏相愛如故本年正月初四日田氏在住房套間內與王來意見坐炕正欲行姦被蘇氏進房撞

那文毅公初任直隸總督奏議

卷四十八

五

敬初七日蘇氏抱柴燒炕魏氏令其代取蘇氏片其不應指使致相爭吵初八日楊綬章因事進城楊溥在煤廠照料早飯後魏氏赴鄰村賀喜午後歸家見蘇氏在房燒炕火燄透出炕洞村斥其非蘇氏不服復向口角魏氏向田氏告知田氏走至北屋將蘇氏村斥蘇氏噴田氏偏聽魏氏播弄用言分辯自行上炕面窗而坐田氏怒其無禮亦即上炕揪住蘇氏頭髮用拳連毆數下致傷額顱相連右眼胞並右顳頰等處以致打破口鼻流血魏氏與王來意見聞鬧先後往看蘇氏瞥見魏氏即

憤罵魏氏又見王來意見回來遂聲言你們嫌我礙眼不如將我致死大家好過安靜日子田氏聞言觸起與王來意見通姦曾被蘇氏撞破之恨既揭其短起意致死遂令王來意見取繩聲言欲將蘇氏勒斃王來意見因蘇氏之言與伊有干涉即出取麻繩擲於炕上維時田氏在蘇氏前面將其兩手攔住即令魏氏與王來意見一齊幫同下手魏氏因與蘇氏平日有嫌遂聽從取繩站在蘇氏背後將繩套住蘇氏咽喉王來意見在魏氏右邊身旁用兩手揪住蘇氏兩肩膀往前儘力向推並

那文毅公初任直隸總督奏議

卷四十八

六

用左膝頂住蘇氏身後魏氏將繩用力往後拉緊逾時蘇氏即不能動彈王來意見與魏氏均各鬆手田氏順勢一推蘇氏身軀項帶麻繩倒跌炕下左手壓墊左肋處所手帶銀鐲以致墊傷左肋第二條頭面貼地口內噴血立時殞命比楊溥回家王來意見聞聲避出楊溥走進北屋魏氏捏稱蘇氏自縊楊溥見屍身面有血傷心疑查問田氏復捏稱蘇氏不服管教係伊打傷勒死楊溥以其母所為之事未便生嗔含忿頓足出院迨楊綬章回家田氏亦捏情向告楊綬章將妻抱怨田氏當同

楊溥仍赴北屋抽去蘇氏項上麻繩將屍身擡放
炕上洗淨血迹梳頭換衣藏匿血襖楊溥憤鬱難
伸將勒繩用刀在炕剝斷即於夜間燒燬田氏慮
蘇氏母家不依央夫設法楊溥見母著急心中不
忍信係伊母一人所作之事口稱只算蘇氏做飯
遲慢與伊爭吵被伊打傷自縊身死免致伊母受
累楊綬章即從其言告知楊璽章往邀蘇氏原媒
劉敬至家央俟蘇氏母家有人出聞懇其解勸劉
敬亦信蘇氏死由自縊遂爾應允田氏因將魏氏
送回母家躲避楊綬章遣人往告屍親並通知地

那文毅公初任直隸總督奏議

卷四十八

空

保次日屍父蘇正宗因病未至屍伯蘇邁宗屍母
劉氏等趕赴查看見蘇氏頭面有傷即向吵鬧劉
敬從中勸處楊璽章等並向跪求蘇邁宗等因楊
溥待妻素好心生憐念遂不深究只索厚殮並欲
在墳前演戲數日以爲死者光耀楊綬章等均皆
應允因地保先已報官復央蘇邁宗等投遞攔驗
該縣王德榮未准仍詣相驗又經屍親籲懇免脫
衣服該縣以蘇邁宗等均已輸服具結伴作李秀
喝報蘇氏驗有繩痕十指血墜信爲自縊屬實填
格通詳楊綬章以差役人等下鄉辛苦隨指大錢

那文毅公奏議 卷四十八

一百千宛劉敬分送承辦書差作爲紙筆飯食之
資劉敬當即轉交刑房王國士招房陳洛玉各大
錢十五千作李秀大錢二千五百文下剩大錢
六十七千五百文俱交原差姚奎劉祥劉捷甄國
璧四人分用該縣於通報後旋聞楊綬章在蘇氏
墳前演戲數日頗有物議難保無致死別情該縣
不敢迴護據實檢舉稟經 檄司委員會審屍親
蘇邁宗具結求檢屍夫楊溥等猶匿不吐實提至
王來意兒起獲血衣審據楊田氏等供出大概情
形當經飭令臬司督同委員等檢明蘇氏致命顛

那文毅公初任直隸總督奏議

卷四十八

空

門骨浮出腦殼骨縫之外少許紅色有血絲三點
兩耳根骨並無提痕委係拉勒致死並非自縊 臣
核閱各供尙多疑竇因在工次
奏明添委藩司會同臬司督審並請將該縣王德榮解
任欽奉
諭旨飭審確情現據司道等遵照指駁審明擬解 臣
親加
提訊據各供認前情不諱誠恐該氏等預謀致斃
及另有同謀加功之人並恐魏氏亦係與王來意
兒姦好其刑伴人等難保非事前賄囑得贓必不
止此數屍親蘇邁宗等亦恐有得賄私和情事復

五七一

向嚴詰均矢口不移案無遁飾查律載謀殺人造
意者斬監候從而加功者絞監候又例載尊長與
人通姦因媳礙眼商同致死滅口者俱照平人謀
殺之律分別首從擬以斬絞監候又律載檢驗不
實罪有增減者以失出入人罪論失於出者減五
等放而還獲者各聽減一等又事後受財若枉斷
者准枉法論註云律不言出錢過錢人之罪問不
應重又枉法贓一兩至五兩杖八十一十五兩杖
一百無祿人減一等各等語此案楊田氏揪毆伊
媳蘇氏額顛等處衅固起於燒炕尙無致死之心

那文毅公初任直隸總督奏議 卷四十八 查

惟該氏先因蘇氏撞見伊與王來意見姦情卽屬
王來意見誘令同陷邪淫姑媳恩義早絕迨聞蘇
氏有嫌伊礙眼之語當場揭破姦私輒臨時起意
聲稱取繩勒死並令魏氏與王來意見幫同拉勒
立斃核其情節礙眼卽係因姦致死實欲滅口既
與尋常故殺子婦罪應擬流者迥殊卽較之因媳
出言頂撞謀殺兇殘罪應發遣爲奴者更重該氏
恩斷義絕自應按例照平人謀殺爲首定擬楊田
氏除與王來意見通姦並無主僕名分僅止杖枷
輕罪不議外合依尊長與人通姦因媳礙眼商同

致死滅口者照平人謀殺例謀殺人造意者斬監
候律擬斬監候秋後處決王來意見因與楊田氏
姦好聽從取繩幫同用力推頂實屬加功王來意
兒除與楊田氏通姦輕罪不議外合依謀殺人從
而加功者絞監候律擬絞監候秋後處決照例面
刺兇犯二字魏氏係楊溥有妻蘇氏再娶之妻與
蘇氏並無嫡妾名分該氏因挾夙嫌聽從田氏主
使套繩將蘇氏力拉致死應同凡論楊魏氏亦合
依謀殺人從而加功者絞監候律擬絞監候秋後
處決刑房王國士伴作李秀相驗蘇氏屍身訊無

那文毅公初任直隸總督奏議 卷四十八 查

先受賄囑捏飾故縱等弊惟不細心查驗率將勒
痕誤作縊痕驗報不實均應按律定擬王國士李
秀除事後受財計贓僅止杖責輕罪不議外合依
檢驗不實罪有增減者失出減五等放而還獲又
減一等律於謀殺造意斬罪上共減六等均應杖
六十徒一年至配所各折責二十板招房陳洛玉
事後得大錢十五千原差姚奎劉祥劉捷甄國壁
事後各得大錢十六千八百有零計贓在十五兩
上下均應照事後受財若枉斷者准枉法論枉法
贓十五兩杖一百無祿人減一等杖九十折責三

十五板均革役劉敬不察虛實日昧勅息訊無所
喝情弊依私和人命罪止杖六十其過付差役錢
文實屬不合應從其重者論依不應重律杖八十
折責三十板楊綬章訊無縱姦等情第因伊媳蘇
氏不能生育又為伊子楊溥主婚更娶魏氏為次
妻殊屬違律楊綬章除知田氏等致死蘇氏不即
據實稟究轉為設法容隱罪止不應重杖輕罪不
議外合依有妻更娶父母主婚者獨坐主婚律與
魏氏之父魏洛通各杖九十折責三十五板楊綬
章於取供後在押病故應毋庸議司馮氏知情媒

那文毅公初任直隸總督奏議

卷四十八

奎

合律應減主婚人一等應杖八十係婦人照例收
贖追取贖銀同刑書王國士等所得錢文一併入
官地保許德洪失於查察應照不應重律杖八十
折責三十板楊溥因欲迴護其母是以自認毆妻
自縊且不知王來意見等有幫同致死情事其有
妻再娶亦係聽從父母之命應與聽勸未經深究
之屍親蘇適宗等均免置議無干省釋蘇氏之死
固非由於抑陷淫邪所致惟以鄉村少婦於撞破
伊姑與王來意見通姦之後田氏欲杜其口囑令
王來意見向其調姦竟能守正不阿志堅性潔致

遭慘斃洵屬節烈可嘉應附誌

旌獎以維風化至解任清苑縣知縣王德榮將勒死之案
驗報自縊於通詳後自行檢舉現在案已平反得
實惟失察書役得贓例有處分相應奏明請

旨令其先行回任聽候部議全案供招咨部謹

奏奉

硃批刑部議奏

嘉慶二十年七月十八日

奏為拏獲蘇幅等在赤峯縣地方偷挖鉛砂一案訊過

大概供情并守備任昌壽以被參屈抑具呈訴辯

那文毅公初任直隸總督奏議

卷四十八

突

現在添提人証歸案審辦緣由恭摺具奏事竊查
前據提督徐錕訪聞赤峯縣首只嘎梁汎千總蔡
亮查拏偷挖鉛砂人犯致被拒傷稟經該管署赤
峯營都司事河屯協右營守備任昌壽驗明傷痕
匿不稟報該提督密派千總葉自發查訪確實并
獲寇仁義一名訊明前曾偷挖鉛砂破官責處現
在並無偷挖情願隨同官兵查拏毆官人犯該提
督隨委四道溝梁千總谷天祥帶同寇仁義拏獲
蘇幅張學良劉二等三名到案訊供參奏欽奉
諭旨將任昌壽蔡亮革職交 審訊具奏欽此嗣經徐錕

續獲張學文等五犯同蘇幅張學良暨任昌壽蔡亮先後解到其劉二在平泉州監病故當經飭委保定府知府阿霖審訊據蘇幅等供認偷挖鉛砂并打掃砂末賣錢餬口屬實並無拒捕毆官之事稟經 飭提正犯劉大起等來省質訊一面咨部展限並據署赤峯縣知縣奇德詳稱前任赤峯縣知縣強謙於嘉慶十九年七月二十日訪聞縣屬地方有偷挖鉛砂奪犯傷官之事當即劄飭捕盜千總等官前往查拏旋准赤峯營都司轉據音只嘎梁汎千總蔡亮申稱嘉慶十九年七月初六日

那文毅公初任直隸總督奏議

卷四十八

七

拏獲偷挖鉛砂人犯韓姓張姓二名被劉獨盧帶領五十餘人將韓姓等奪回并將該千總暨馬兵崔陞拒傷強謙會同該營都司驗得蔡亮右肱肘鐵器傷一處崔陞左肋木器傷一處餘無別傷查驗鉛礦有偷挖形迹當即封禁并飭役查拏旋於嘉慶十九年八月十五日據原役霍士雲等具稟劉獨盧等逃跑無踪將李茂盛桑玉輝邵財蘭張仁馬連韓財楊九林仇正張義林拏獲并在楊九林仇正張義林名下各起出鉛砂一小口袋共計重十五觔訊據楊九林等三名供認在途拾獲並

非偷挖李茂盛等六名供稱並無偷挖鉛砂與楊九林等亦無拒傷官兵之事強謙恐恃無質証有心狡展當將李茂盛等飭役管押俟緝獲劉獨盧等訊究未及獲犯旋即卸事該署縣到任後覆訊無異將李茂盛等解省飭委保定府審訊李茂盛等實無偷挖鉛砂拒傷官兵稟明省釋催提劉大起等審辦尚未獲解茲據臬司盛泰稟稱據已革守備任昌壽呈訴該參員從前接據蔡亮稟報當委千總谷天祥勘驗屬實移會赤峯縣查拏案犯究辦并向八溝營參將蘇章阿面稟實非匿不稟

那文毅公初任直隸總督奏議

卷四十八

七

報嗣提督徐錕到口外閱兵風聞赤峯縣地方有寇仁義係屬賊頭差千總葉自發帶領拳棒手戴姓二人并四道溝梁汎兵前往查拏寇仁義見官兵衆多料難走脫隨將其妻用刀砍傷誣賴破官兵殺害葉自發將寇仁義拏住畏懼人命回明該提督令葉自發回寇仁義說合改供妻係自砍不但不治其罪並當重用寇仁義應允而息該提督旋即進口恐事敗露適聞蔡亮查拏偷挖鉛砂人犯致被拒傷之事隨以該守備匿不稟報同蔡亮一并參革并將寇仁義作為查拏偷挖鉛砂人犯

之眼目以圖掩飾等情稟請核辦前來臣查任昌壽接據蔡亮稟報因查拏人犯致被拒傷當委千總谷天祥勘驗并移縣緝究一節檢閱赤峯縣詳實在敘有任昌壽移文尙非捏飾其所呈會向叅將蘇章阿面稟之處則係口說無憑况前經徐銀奏稱向蘇章阿面詢據云未見該署都司稟報是以未經具稟等語是任昌壽向蘇章阿面稟之語顯係子虛惟任昌壽既將此案拒捕傷官情節移會地方官究辦則迥非匿不稟報即未經轉稟其咎尙輕提督徐銀遠將任昌壽以匿不稟報叅奏

那文毅公初任直隸總督奏議

卷四十八

究

革職本屬過重至千總蔡亮因查拏偷挖鉛砂人犯致被拒傷業已稟明該管都司任昌壽委員勘驗移縣緝究並無不合提督徐銀因於出口查閱營伍之時未據蔡亮稟訴謂係私自諱息亦奏叅革職尤屬太過無怪任昌壽等心不輸服臣本擬俟定案時按情酌擬具奏請

旨今既據任昌壽呈訴自應徹底根究務期水落石出以折服任昌壽之心臣現在飭提葉自發並寇仁義等來省飭司歸案審辦一面將任昌壽呈訴情節是否屬實咨詢徐銀并勒限嚴緝正犯劉大起等

那文毅公奏議 卷四十八

務獲訊擬具奏謹

奏奉

硃批秉公審辦具奏

嘉慶二十年十一月十一日

奏爲審訊具奏事竊查前據提督徐銀訪聞赤峯縣音只嘎梁汎千總蔡亮查拏偷挖鉛砂人犯致被拒傷稟經該管署都司事守備任昌壽驗明傷痕匿不稟報等情叅奏欽奉

諭旨將任昌壽蔡亮革職交臣審訊具奏嗣據將任昌壽

等解省先後拏獲蘇幅等各犯檄司飭發首府審

那文毅公初任直隸總督奏議

卷四十八

半

訊復據任昌壽以被叅屈抑具呈訴辯臣隨將訊過大概供情奏請添提人証歸案審辦奉到

硃批秉公審辦具奏欽此遵卽咨詢提臣徐銀行提千總

葉自發及寇仁義等到省添委大名道屠之申候

補道程卓樑督同確審由司擬解前來臣親加提

訊緣蘇幅籍隸武清縣前至赤峯縣尋工口外察

漢布拉克地方產有鉛礦久奉飭禁不許私挖蘇

幅與現獲之張學良張希文李六賈八郭有臣褚

五子時相烏合倫竊鉛砂約計各有數十勛賣錢

花用嘉慶十七年間有饒陽縣人寇仁義亦因偷

五七五

鉛礮縣拏獲責釋有案十九年七月初六日蘇幅郭有臣各自前至鉛礮時已獲監故之劉心誠及在逃之劉大起馮三劉獨盧高成雨馬義貴劉三張子堯王二子李茂盛劉老七張德名馬三閻富義等在彼私挖經千總蔡亮訪聞帶兵前往查拏獲賊韓姓張姓二人劉大起劉心誠馮三劉獨盧各執鞭桿高成雨馬義貴各執劈柴與劉三張子堯王二子拒毆致傷蔡亮右肘及馬兵崔升左肋并將韓姓等奪回蘇幅等見而畏懼與李茂盛等逃逝並未幫同拒捕蔡亮回汛後稟知署赤峯

那文毅公初任直隸總督奏議 卷四十八 三

營都司河屯協守備任昌壽派委千總谷天祥前往驗傷屬實一面移會赤峯縣覆驗查辦經該前縣強謙飭差緝獲李茂盛等九名起獲鉛砂一小袋訊據李茂盛等供無偷挖鉛砂並拒傷官兵之事強謙恐係狡飾當將李茂盛等管押一面嚴拏劉獨盧等訊究而任昌壽因盜賊係地方事宜業已移會有司辦理未經專稟提督亦未稟明參將旋於八月間奉調赴省領餉公出至十一月回營時值提督徐銀至赤峯營閱兵訪聞鉛礮犯毆官之事派委千總葉自發緝拏葉自發探知寇仁義曾

經偷鉛犯案必知現在正賊隨帶兵戴文利等十餘名前至寇仁義家門首寇仁義之妻正在持刀切菜聞拏驚懼自將左手背誤割受傷寇仁義出向戴文利等查問往拏情由戴文利未及告知卽將寇仁義擒獲稟送提督徐銀將寇仁義發交任昌壽看守初十日閱兵事畢提訊寇仁義供稱並無夥同劉大起等偷挖鉛砂拒捕毆官情事伊妻因聞拏驚慌誤割致傷並非圖賴具有甘結並稱伊與偷挖鉛砂各犯間有認識情愿隨同官兵往拏經該提督許其獎賞令作眼目隨同委員緝獲

那文毅公初任直隸總督奏議 卷四十八 三

蘇幅張學良劉心誠到案訊供將任昌壽蔡亮奏參欽奉諭旨革職提省審辦旋據先後將任昌壽等解省飭委審訊當經提訊張學良蘇幅並續獲之張希文李大賈八郭有臣褚五子七人僉供偷挖鉛砂屬實其赤峯縣獲解之李茂盛等訊非偷挖拒捕之犯當卽省釋並究出劉大起等係毆官正犯稟請催提究辦嗣據任昌壽以被參屈抑等情由臬司稟臣具奏一面行提千總葉自發等飭發首府並添委大名道屠之申候補道程卓樑督同審辦該道府

等提集研訊據供前情不諱恐蘇幅等實有幫同拒捕並蔡亮等果有詳匿息結以及寇仁義等竟有圖賴說合等事覆加究詰據蘇幅等堅供僅止偷挖鉛砂並無幫同拒捕并令蔡亮辨認亦稱蘇幅等均非毆官之犯惟已獲監斃之劉心誠實係在場拒捕是蘇幅等並非毆官正犯已屬確鑿並據蔡亮供稱被毆之後當即稟報都司並未諱匿不報亦無還稟和息任昌壽亦供係因盜賊事件向祇移會地方官究辦並不稟報提鎮是以於蔡亮稟報之時即經移會赤峯縣查辦並無匿不轉稟情事是蔡亮等並非諱匿不報還稟息結亦無疑義又據寇仁義供稱伊妻係聞擊驚懼自行誤劃受傷並無藉傷圖賴葉自發亦無說合改供等事以上各情節俱經逐層詰訊明確案無遁飾查例載盜掘銅錫等砂每一觔折銀一分二釐五毫計贓准竊盜論若非山洞捉獲持仗拒捕者不論人數砂數多寡及初犯再犯俱發邊遠充軍若不

業據蘇幅等衆供明確實係在場拒捕正犯業已在監病故應毋庸議蘇幅郭有臣與劉大起等偷挖鉛砂俱係一時烏合並非結夥同行其劉大起等拒捕各不相謀蘇幅等當時畏懼逃回並無幫同拒捕情事自應仍照本例准竊盜論張學良張希文李六賈八褚五子曾經偷挖鉛砂並未在場拒捕亦應按例各以爲首計贓問擬第蘇幅等所挖鉛砂據稱隨時賣錢餬口各約計一二十觔至二三十觔不等計贓均在一兩以下蘇幅即蘇五郭有臣張學良張希文李六賈八褚五子應各依盜掘銅錫等砂不曾拒捕爲首初犯柳號三箇月照竊盜罪發落例竊盜贓一兩以下杖六十律應各柳號三箇月滿日杖六十折責發落寇仁義先經偷挖鉛礦於犯案責釋後並未再犯應免重科其葉自發查拏時伊妻聞擊驚懼自行誤劃致傷並非藉傷圖賴干總葉自發探知寇仁義係屬借賊是以往拏訊究亦無說合改供情事俱免置議寇仁義仍令作爲眼目嚴緝劉大起等務獲另結蔡亮與馬兵崔升傷俱平復所有該處鉛礦並飭嚴行禁止已革署都司事守備任昌壽先據蔡亮

稟報即移會赤峯縣查辦現有縣卷可查係屬照例辦理並非諱匿不報已革干總蔡亮因查拏偷挖鉛砂賊犯致被拒傷即轉稟該管都司查辦實非諱息匿報所有任昌壽蔡亮原奏革職之處相應

奏明請

旨開復惟查任昌壽於被參之後既經提省查案審訊不難昭雪得實乃輒具稟呈訴所述葉自發查拏寇仁義一節現經訊明葉自發並無說合改供所呈訴亦未盡實且該參員身係職官並不靜候審訊

那文毅公初任直隸總督奏議

卷四十八

七

嗷嗷置辯此風亦不可長應聲明請

旨將任昌壽仍交部議處供招咨部謹

奏奉

硃批刑部議奏

那文毅公初任直隸總督奏議卷四十八

那文毅公初任直隸總督奏議卷四十九目錄

卷四十九

分讞諸獄

那文毅公初任直隸總督奏議

目錄

一

那文毅公初任直隸總督奏議卷四十九

甲 容安恭輯

分謝諸獄

嘉慶二十年八月十六日

奏為欽遵

諭旨馳赴天津審辦商李芳林控案起程日期恭摺具

奏事竊 於本月十五日承准軍機大臣字寄奉

上諭前據都察院奏長蘆商李芳林呈控綱總任秉衡

把持鹽務一案已有旨交那彥成提訊此案人證參宗

多在天津若紛紛調集來省多有未便著那彥成即馳

那文毅公初任直隸總督奏議

卷四十九

十一

赴天津提集卷證秉公審訊本日又據廣惠奏蘆商王

瑗以資本週轉不及懇借運本銀三萬兩此事並著那

彥成到津察看該商辦運情形其懇借運本銀兩應自

借給如事屬可行俟奏到日再行賞借若違例妄請即

行參奏議駁那彥成由省至津順道先赴永定河下口

察看漫工堵築情形該工雖有溫承惠李于培在彼經

理亦須由該督勘定飭辦以專責成該督到津審案時

能於回鑾前俱行辦結即照例馳赴兩間房接駕如定

案尚需時日該督不來途次接駕亦可俟十月萬壽慶

節再來京祝嘏可也廣惠摺著發給閱看欽此 臣 直李

芳林赴都察院控告綱總任秉衡把持鹽務一案

奏奉

諭旨交 臣 審辦 於邸報內接閱尚未准到都察院咨文

正在躊躇之際接奉

諭旨令 臣 馳赴天津審訊先赴永定河下口察看漫工堵

築情形 伏思永定河堵築漫口先須挑挖引河

前因河灘內種有禾稼必須收割後方可勘估據

附近居民紛紛呈懇俟禾稼成熟刈獲登場再行

勘辦 查該民人等在河灘內種植禾稼固屬違

例但已將成熟若竟割棄未免可惜且今歲雨大

那文毅公初任直隸總督奏議

卷四十九

二

此時積水未消是以不揣冒昧均准其少緩開挖

刻下該處莊稼收穫已有十分五六現在上緊催

收約二十日外始可收竣計引河勘估挑挖動工

總須二十五日前後查溫承惠已於十四日到工

勘估督辦 現定於十六日馳赴天津將李芳林

控案及王瑗懇借運本銀一事數日即可查審完

結於月內即可抵工將堵築事宜與溫承惠面為

商定具奏一面留溫承惠駐工辦理 仍由 臣 督

州一帶查勘橋道至兩間房跪接

聖駕再行回至永定河督辦漫工彼時河水落定更易施

工亦屬有益如此次第辦理似均不致貽悞臣已
飛咨都察院速將李芳林及原呈原奏咨解赴津
以便核審謹

奏奉

硃批覽

嘉慶二十年八月二十三日

奏為遵

旨審擬具奏事竊查長蘆商李芳林赴都察院具控綱

總任秉衡把持鹽務假公侵冒等情一案欽奉

諭旨交臣親提審訊定擬具奏等因嗣准軍機大臣字寄

那文毅公初任直隸總督奏議

卷四十九

三

欽奉

上諭此案人証卷宗多在天津若紛紛調集來省多有未

便著馳赴天津提集卷証秉公審訊欽此臣遵即帶同

大名道屠之申候補同知沈華旭署泊河通判陳

建於八月十六日自省起程一而奏

聞在案茲於十九日行抵天津提集卷宗人証連日督同

大名道屠之申候補同知沈華旭署泊河通判陳

建逐細核訊緣李芳林籍隸山西陽曲縣向在鹽

務中作夥已經三十餘年並開洋貨局生理嘉慶

十三年認辦南樂雞澤兩縣引地旋將南樂引地

退出僅辦雞澤一處引名西敬業每年應銷額引

二千七百九道嘉慶十四年間有福建洋商邱正

吉運貨至天津售賣卸在李芳林洋貨局內李芳

林陸續出售得銀二萬二千八十餘兩挪解鹽課

應還邱正吉貨銀將會館房契等項作抵約期歸

楚嗣經還過銀四千六百四十餘兩又經與李芳

林夥辦肥鄉縣引地之梁仰韓立票代為認還八

千兩淨欠銀九千六百四十餘兩梁仰韓認還之

項止還過銀一千兩歷被邱正吉控追均未歸償

經天津道張五緯將李芳林照例發縣監追嘉慶

那文毅公初任直隸總督奏議

卷四十九

四

二十年七月間李芳林拖欠河工加價銀一千四

百七十七兩六錢三分七釐經鹽政臣廣惠照欠

課十分之例咨部參革此李芳林負欠客本監追

及悞課被參之原委也至長蘆商人請領鹽引一

道應交正課加價等銀照例完納外其應交一切

雜款刊刻款單一紙名為手本於請引之時送交

綱總核對用戳以免錯漏此外每引一道又應捐

銀一錢六分名為公費又名戳費為各商每年辦

貢辦公以及支發

行官河橋船隻等處歲修看守兵丁巡役前四處浮

橋水手橋夫工食修理救火器具津店辛工條費
領繳引目盤費油船撥船等項公用此項銀兩因
係商捐商用交存綱總公所不歸運庫亦不列入
手本應來不敷支用皆在運庫借領開款墊辦隨
時公攤還款此蘆商攤捐公費及借款墊辦之向
定章程也如李芳林所控手本內開公費還庫每
引一分九釐四毫係預先借用庫項後又將眾商
所借准本預提侵用一欸查卷審訊因嘉慶六年
間蘆商核算拖欠各項公用銀二十餘萬兩據商
人查慶餘等公議將原領兩准無利運本銀一十

那文毅公初任直隸總督奏議

卷四十九

五

九萬兩一千二百五十九兩零如數退出抵還各
欠所有應完准本銀兩在於一錢六分公費之內
撥出銀二分折庫平色銀一分九釐一毫四絲交
庫約十年可以完清准本銀兩名為公費抵交以
後公費每引祇收銀一錢四分李芳林呈內指稱
公費還庫係屬舛錯又如所控復於手本內開抵
交准本每引一分九釐一毫計通綱額引九十六
萬餘道每年交銀三萬餘兩業經十餘年約交過
銀四十餘萬兩尚未停止一欸查卷審訊因嘉慶
九年辦貢辦公需用不敷前後共借領運庫開款

銀一十五萬兩復據商總樊宗澄等公議於一錢
四分公費內再撥出銀二分折貨銀一分九釐四
毫一絲交庫約計八年可以歸款名為公費扣繳
還庫以後公費每引祇收銀一錢二分至准本銀
兩一欸於嘉慶十三年三月二十四日蒙

恩將長蘆商人應交引課緩至嘉慶十四年奏銷後分年
帶徵准本銀兩俟前項緩徵引課八年完交後再
行啓徵仍照原限交納所有公費抵交准本一欸
本應停止因嘉慶十三年各商辦理定津差務及
節年辦公借領運庫開款並

那文毅公初任直隸總督奏議

卷四十九

六

帑本共銀二十八萬六千六百二十兩零議明歸入
公費抵交准本及公費扣繳還庫二欸銀內分作
七年彌補十七年二月內又因辦公需用綱總稟
經運司徐逢豫詳明鹽政祥紹在於所收前二欸
銀內借領銀六萬二千兩是以此二欸銀兩均未
截止又如所控十八年加開續添公費還庫每引
二分八釐九毫聞現在尙懸欠庫項並開款銀三
十餘萬兩此項私借係辦何工况外有每引公費
銀九分名曰攤費一欸查卷審訊因嘉慶十六年
間綱總以辦貢辦公需用借領運庫開款銀三萬

兩議明在於一錢二分公費內再撥出銀三分折實庫平銀二分八釐九毫一絲交庫名為續添公費還庫以後公費每引祇收銀九分並未另添費費至續添公費還庫銀兩查自十七年正月起到十八年八月止業已收足銀三萬四千餘兩撥收歸庫此項銀兩既經扣還手本內續添公費還款名目本應刪除加入九分公費銀內每引收銀一錢二分因據綱總任秉衡等議稟商捐公費如仍存綱總公所恐各商拖欠稟請收貯運庫以便隨時支領此項銀兩既應交官故手本內尙未刪去

那文毅公初任直隸總督奏議

卷四十九

七

公費銀內亦未加入又如所控十一年間借領帑本銀四十萬兩任秉衡令撥至公所每百兩扣十五兩至十九兩不等有庫書董樞因索紙筆費未給寫呈欲控經別綱總等措銀七百兩伊添銀一百兩付董樞處息有收存董樞原呈為憑一欸提訊李芳林供出被扣之商人王振興等僉稱此項銀兩係運司當堂發給各商具領伊等有應交課項仍於領回後照數交庫如無應交課項即各自擡回俱係庫平庫色並無每百兩扣十五兩至十九兩之事任秉衡亦供稱實無越扣情事如果越

扣何人僅扣十五兩何人竟扣十九兩豈不反啓衆商爭端自取敗露何以並無一人出頭呈控質之李芳林則稱伊呈內原寫有是否全行入已未敢執定字樣所供已屬游移並無確據至庫書董琪即董樞供認因衆商領銀四十萬兩係伊書寫領狀保狀共二百餘張晝夜趕辦原向綱總任秉衡索要紙筆飯食之費任秉衡斥其索賄董琪即以任秉衡承辦領項必有浮冒在科房寫呈欲控適李芳林走至看見向董琪解勸並將呈子掣去向商人楊利興張永懋遂口瑜潘尙義告知楊利

那文毅公初任直隸總督奏議

卷四十九

八

興等亦向董琪解勸每人各給銀十兩共計四十兩交董琪收用而息李芳林等並未向任秉衡告知楊利興等堅供實無索銀七百兩之事復向李芳林質訊據稱伊先曾許給董琪銀一百兩後來並未致送其實所控八百兩俱無憑証不敢狡執又如所控本年衆商借銀四十萬兩任秉衡一人把持自借銀九千兩江公源產催數萬借銀二十五萬兩一欸查本年春間臣奏准將運庫存貯鹽筋加價銀提出五十萬兩交商生息總數其數與臣酌定蘆商領借四十萬兩東商領借一十萬兩

并據奏明在案此項銀兩係爲生息出借並非接濟乏商自應擇殷實之商借給惟任秉衡有無把持江公源一商是否殷實何以借領銀至二十五萬兩之多當向廣惠咨詢據稱此項銀兩係查明各商資財足抵始行借給任秉衡無從把持前因江公源引地較多查明資財值銀一百餘萬兩是以借給二十五萬兩臣復弔查卷宗借領各商皆有資產數目單造册附卷並無濫行借領情弊又如所控州縣不計運鹽多寡均按所定額引全行報銷運司據册轉詳以致通綱每年積額引二十

那文毅公初任直隸總督奏議

卷四十九

九

萬道一欵行據運司陳文駿登復各處行銷鹽引暢滯情形未能一律如必待按年按額全領全銷之後再徵引課加價勢必虧額徵定數是以按照向定額引奏銷至於長蘆積引由來已久近年又因年歲未豐或河道阻塞運費等項數倍於前蘆商疲乏居多未能按額領運遂至遞年積壓前於十八年間詳定章程凡暢銷之處不准請銷餘引應仍援通融代銷之例運銷積引俟積引銷完再請餘引庶幾商免包納課無短絀今自十八年至本年八月計已銷過積引二萬九千九百餘道核

那文毅公奏議 卷四九

查詳案相符是李芳林所控不買代銷並無其事又如所控從前竈灘有三百餘副近年竈戶貧乏僅曬灘一百五十餘副衆商津坨存鹽百餘萬包不敷來年之運一欵查竈灘前因竈戶貧乏無力自曬又不准出租是以拋荒日多前經臣議奏仍准出租自可漸次復舊現據運司陳文駿查覆本年各場產鹽一百零六萬五千七百餘包較上年溢產鹽三十三萬九千八百餘包除商運之外現存竈坨鹽五十四萬四千餘包天津商坨運存鹽劬一百三十二萬餘包年年產鹽配築何致來歲

那文毅公初任直隸總督奏議

卷四十九

十

商運不敷李芳林所控存鹽無多委係不實以上各情節經臣查核案據詳細推鞠任秉衡並無把持鹽務假公侵冒及剋扣領項各情弊惟長蘆綱總現在尚有六名李芳林獨將任秉衡指控或其申另有別情復向李芳林反覆詰訊據稱伊先在鹽務作夥不過在場竈照料嘉慶十三年始行允商鹽務中一切公事本不諳悉伊聞准本一欵已經展緩因何手本內仍有應交公費抵交准本名目共公費扣繳還庫一欵不知作何使用續添公費還庫一欵已經交足此欵名目仍不剔除設費

五八三

一項並不入手本心疑網總借名攤派侵蝕肥已至伊拖欠洋商耶正吉銀兩先被監追以致不能經理鹽務欠課十分以上旋被察革憶及任秉衡係網總最久之人並不為伊調劑一時情急是以添砌情節寫就呈詞遣人呈報控告今蒙將公費扣抵准本等三款銀兩查明係公用長蘆每引本有應交費銀即公費銀一錢六分因係商捐商用不入手本所交前三款銀共七分折實銀六分七釐四毫六絲即在應交費銀一錢六分之內撥出故費每引只交銀九分並非另行加添

那文毅公初任直隸總督奏議

卷四十九

十一

伊始知誤控等語究詰不遺案無遁飾查例載越赴京告重事不實者發邊遠充軍又例載鹽課錢糧欠十分者杖一百徒三年限一年全完將該商鎖禁嚴查家產如限內全完革退商人免其杖徒逾限不完即將該商發配欠課等項著落引窩家產變抵又律載不枉法贓各主者通算折半科罪二十兩杖八十無祿人減一等各等語此案李芳林所控江公源借領多銀及滯銷積引疊攤細乏等款均係撫拾調劑虛詞祇因欠課被革妄希聳聽其董琪索討紙筆費一節尙有因惟控稱

網總所指公費難保無侵用肥已及任秉衡於衆商領借四十萬兩之時每百兩扣十五兩至十九兩不等係屬侵冒重情審明均非確實詰實之下據供原呈內卽有未敢執定及不知作何開銷等語且查手本所載准本一項於十三年展緩時卽應開除續添還庫一項於十八年完清後亦應開除均仍歸費交納乃以費應交之項仍列抵交還庫之款庫項雖有實補名目究屬虛存李芳林藉此添控不為無因自應衡情酌減問擬李芳林應照越赴京告重事不實發邊遠充軍例上

那文毅公初任直隸總督奏議

卷四十九

十二

量減一等杖一百徒三年該犯欠課十分亦例應滿徒二罪相等從一科斷仍盡本法監追一年再行發配並嚴查家產變抵照例辦理庫書董琪卽董樞因繕寫各商借銀領保各狀事後得受楊利興等紙筆費銀四十兩應依不枉法贓各主者通算折半科罪董琪合依不枉法贓二十兩杖八十無祿人減一等律應杖七十折責二十五板仍革役照追所得贓銀入官楊利興張永懋逐口諭清尙義各送給董琪紙筆費十兩訖因息事起見尙無不合任秉衡詎無把持侵扣等弊何願聽從伊

主李芳林赴京控告訛不知所控情節均應免其
置議李芳林借欠洋商邱正吉銀兩一案查閱卷
內人証眾多仍檄飭天津道提齊應訊人証是否
誣騙抑祇違約不還再行審明辦理至領引手本
內開公費抵交准本公費扣繳還庫續添公費還
庫三款均係於應交一錢六分公費之內共撥出
七分抵歸公用借欠庫項並非另行加增亦無淨
冒情弊惟查嘉慶十七年二月內前任鹽政祥紹
已故運司徐逢豫因綱總稟稱貢價公用急需於
所收公費抵交准本及扣繳還庫項下借領銀六

那文毅公初任直隸總督奏議

卷四十九

三

萬二千兩甫經抵收旋即借墊以致後任又須籌
補實屬辦理錯誤查徐逢豫業已身故其家屬應
交賠項甚多若罰令追賠轉恐有名無實所有前
項率借之六萬二千兩相應請

旨即在祥紹名下罰令全賠示儆其抵交准本一款於十
三年三月奉有

恩旨展緩計至嘉慶二十三年再行徵交續添公費還庫

一款於十八年八月業已收足該鹽政等即因辦
公借款未完亦應於手本內將此二款名目分別
開除仍將應交之銀歸入公費項下徵收乃因恐

衆商拖延猶循舊式開載細查卷存賬目商借各
項自嘉慶十七年至今已彌補過銀一十二萬七
千八十七兩零其餘未補銀一十五萬六千二百
七十九兩零四年後即可全清於庫款尙能彌補
辦理尙屬認真但究屬款目未能畫分清楚致刁
徒藉詞牽告亦有不合應請

旨若令鹽政廣惠運司陳文駿各賠交銀一萬兩任秉衡
係綱總之首承辦屢年並不分晰稟明亦應罰交
銀一萬兩其餘綱總七名共罰銀一萬兩即令廣
惠查明承辦月日按數著交以上罰賠罰交各銀

那文毅公初任直隸總督奏議

卷四十九

四

恭候

命下分別移咨依限迅速完解供招咨部謹

奏奉

硃批該部議奏

嘉慶二十年九月二十三日

奏爲饑民倚衆肆搶分別定擬仍酌量情形彙案具奏

請

旨定奪事竊照廣宗縣民杜全義等扒搶事主賈有富家
糧食錢衣等物並和五等拒捕網縛事主計賊逾
貫又廣宗縣擊獲曲周縣民羅光興等扒搶事主

王添保家糧食銀米等物並李二八兩等臨時行強將王添保等細縛用煤燒傷計贓逾貫一案又永年縣拏獲雜澤縣民郭勇等扒搶事主李舒和等家糧食錢衣等物一案先後由各該縣府招解到省檄提要証飭司督同首府確審妥擬去後茲據審擬由臬司彙案審轉前來 臣 逐案親提研訊緣杜全義籍隸廣宗縣羅光與籍隸曲周縣郭勇籍隸雜澤縣均係農工度日素不為匪嘉慶十八年七月十七日杜全義與杜洛光李連城王二驥子杜全明李善林未獲之趙隴章撞遇各道年歲

那文毅公初任直隸總督奏議

卷四十九

五

荒歉無處工作不能餬口杜全義稔知本村賀有富家積有糧食起意令杜洛光等糾人至賀有富家借糧如不借給卽行扒搶分食充饑杜洛光等允從杜全義因李連城趙隴章熟識人多囑令邀人同往約定是月二十二日晚間在村外會齊旋各走散嗣在逃之趙隴章往邀張宏義史九成趙本章和五鮑興爵和順未獲之趙德章鮑見成趙有章趙永章趙義胡第三的王振健蘇大小蘇二小偕往其李連城亦邀屈邁在逃之羅有仁入夥張宏義等亦因年荒饑餓均各應允於二十二日

那文毅公初任直隸總督奏議

卷四十九

六

均至廣宗縣牛家寨村外維時杜全義已與杜洛光杜全明王二驥子李善林先在彼等候彼此會遇各帶口袋并無器械更初時分一同行至事主賀有富家門首見大門虛掩杜洛光李連城張宏義在門外看人和五推開街門與杜全義等進院時賀有富尚未就寢卽出院喝問眾稱借糧活命賀有富未允借給杜全義卽令杜全明等扒搶賀有富畏懼躲避杜全義等各進屋搶得糧食裝入口袋并錢文衣布首飾陸續攜出門外交與杜洛光等接收時賀有富因聞饑民走出卽出院聲喊捉拏適杜全義搶得錢文出院和五鮑興爵屈邁復欲進院扒搶賀有富當向和五拏拏和五情急卽將賀有富推跌倒地慮其起身復拏卽在院內拾取麻繩喚令鮑興爵將其按住幫同將賀有富兩手縛住屈邁杜全義瞥見畏懼卽行逃出門外和五與鮑興爵亦各逃逸杜全義卽令杜洛光等將贓物一同運至村南漫地看明依分并被不識姓名貧民攪得贓物各散此係杜全義糾搶事主賀有富糧食錢衣并夥賊和五等拒捕之原委也嘉慶十八年九月十七日羅光與在逃之李二

八兩會遇道及年歲荒歉俄難度羅光興稔知馬房營村人王添保家積有糧食邀允李二八兩糾人前往扒搶并約俟是月二十六日晚各至李二八兩家會齊李二八兩遂輾轉糾邀并有不識姓名人跟隨入夥至馬房營村後走至李二八兩家內羅光興已先攜帶口袋在彼令李二八兩等在於村外查點同夥人數有王二螭子靳三劉智劉二劉三劉五姚振海并未獲之諸鬍子張二井子趙第五曹驢子何大眼趙大肚子馬四聲子王二猴子王洛慶郭洛勇陳一賢陳二九名蘇

那文毅公初任直隸總督奏議

卷四十九

七

大洛垂蘇二洛垂并有跟隨烏合之不識姓名者一共四十餘人各帶口袋并未攜有器械一同行至馬房營村三更時候羅光興同李二八兩等走到事主王添保家門首業已睡靜陳一賢先行撥落柵欄羅光興與李二八兩靳三劉二等由街門扒墻下院開啓大門一齊進院劉智在外接賊羅光興撥開事主之妻王吳氏所住北屋與在逃之夥犯聲明借糧活命各犯等或入北屋或進東屋各用口袋扒搶羅光興在於屋內搶得雜糧出院交給靳三等分負出門劉二劉五復行進院時李

二八兩撥開西屋門先在事主王添保所住南屋內搶得棉花遞交劉二劉五姚振海等分攜而出經事主之妻王吳氏驚覺聲喊事主王添保並子王堂亦聞聲接應羅光興靳三劉二劉三劉五王二螭子姚振海均不敢入院再搶李二八兩起意與陳一賢陳二九名蘇大洛垂蘇二洛垂臨時行強用麻繩將事主王添保并子王堂捆縛李二八兩并用火煤炙傷王添保背與陳一賢陳二九名分搶衣布等物而出分攜至李二八兩家內查點俵分賣錢花用各散此係羅光興糾搶事主王

那文毅公初任直隸總督奏議

卷四十九

六

添保家糧食并夥賊李二八兩等臨時行強攫取銀衣等物之原委也嘉慶十八年十月初九日郭勇與郭二連喜郭希毛馬召郭體元寶元興郭文元郭二小未獲之馬維光李承顯李至喜郭第五康振遠常振遠尙有不識姓名十二人會遇道及年歲歉收饑饉難忍寶元興稱係伊村李舒和家積有糧食郭勇起意邀同前往借糧如李舒和不允下手扒搶各犯允從郭勇等回家攜帶口袋郭二連喜郭體元徒手同夥二十七人行至永年縣劉下鄉村李舒和門首時已起更郭二連喜業坤

郭希毛馬召寶元興在外守候郭勇等進院見李舒和與伊祖李興仁出屋即向求借糧食李舒和等同覆不肯郭勇等即入室各搶得糧食錢文衣物連出李興仁在院聲喊被一僱民用棍擲傷頭顱均各搗賊逃逸陸續花用十月二十日傍晚郭勇與已獲之郭二連喜馬召已故之朱虎子郭文元郭二小馬玉柱未獲之馬維光李承顯李至善邵第五李二林王洛慶尙有不認識姓名十八人會遇馬維光道及所搶李舒和家糧食錢文食用已盡難以活命稔知鄰村永年縣張西屯段鳳鳴

那文毅公初任直隸總督奏議 卷四十九 九

家有糧起意糾同往借如果不允再行搶奪各犯允從同夥三十一人各攜帶口袋偕至段鳳鳴門首郭勇與郭二連喜馬召馬玉柱馬維光在外等候郭文元等進院見段鳳鳴段鶯鳴兄弟出屋即向求借糧食段鳳鳴等不允郭文元等即入室搜看並無糧食乘便搶取錢文衣物而出與馬維光等分攜逃逸此係郭勇等糾搶事主李舒和等家糧食銀錢衣物拒捕之原委也以上各事主報經各該縣勘訊差緝獲犯訊詳查明王添保李興仁傷早平復逸犯弋獲無期先將現犯審悉前情分

別擬以斬絞遺戍流徒由各該府先後解勘到司經 臣 飭提要証並查嘉慶十八年順德廣平二府所屬之廣宗永年曲周雞澤肥鄉及毗連之山東邱縣等處歲荒乏食饑民糾眾扒搶冀延旦夕名為均糧不必定係匪徒在起意為首者所糾不過五六人或八九人其不招而往者聞風鳥合即首犯亦不能遍識姓名雖該犯等於搶奪之時多有攫取別物並不僅止糧食甚至因聞事主喊拏圖脫拒捕不無兇惡情狀第揆其糾搶初衷所志只在升合實非預謀強劫綜核三案人數眾多情事

那文毅公初任直隸總督奏議 卷四十九 三

相同並有不識姓名之人固未便僅科扒搶之罪亦未便概擬誅致與實在盜犯無所區別檄司核例衡情併案妥擬旋經臬司彙詳稟請 臣 提審據杜全義等均各供認不諱案無遁情查例載饑民扒搶如有聚至十人以上倚強肆掠果有兇暴眾著情事均照糧船水手之例分別首從定擬又糧船水手夥眾十人以上執持器械搶奪為首照強盜律治罪為從減一等又饑民扒搶如有糾夥持械按捺事主搜劫多賊者照強盜律科斷其實因災荒饑饉見有糧食夥眾扒搶希冀苟延旦夕

並無攫取別贓者該督無酌量情形請

旨定奪各等語今杜全義羅光與郭勇均因年荒饑餓起
意邀同饑民扒搶訛無預謀強劫亦無執持器械
及喝令夥賊拒捕情事僅按搶奪本律擬罪既屬
情重法輕若竟照強盜不分首從科斷似與盜匪
無異惟該三犯夥眾均在十人以上且復攫取別
贓即係倚強肆掠自應按例分別首從定擬杜全
義羅光與郭勇均應照糧船水手夥眾十人以上
搶奪為首照強盜治罪例均擬斬立決該三犯素
非匪徒初意祇延旦夕因偶見財物乘便攫取即

那文毅公初任直隸總督奏議

卷四十九

三

夥賊將事主推倒細縛或用棍拒傷或臨時行強
均出該犯等意料之外並未幫同違兇不無一線
可原相應酌量聲明請

旨定奪杜全義案內從犯和五將事主賀有富推倒細縛
誣明因被賊捕即行逃逸不復再搶係為圖脫起
見應依搶奪拒捕未經成傷之首犯例發近邊充
軍其張宏義等十一犯羅光與案內從犯斬三等
七犯郭勇案內從犯郭二連喜等七犯或在外接
贓或入室幫搶均無拒捕情事應照為從減一等
例各杖一百流三千里至配所折責安置和五等

十六犯均先後在監病故應毋庸議郭勇案內夥
犯葉坤郭希毛馬召究出尚有搶竊曲周雞澤等
縣各案應歸各該縣另行審辦逸犯李二八兩等
嚴飭關緝獲日另結各案內已獲之贓給主認領
未獲各贓分別著追給領仍將各案疎防及監斃
職名分別咨參並造具三案供招咨部查核謹

奏奉

硃批刑部速議具奏

嘉慶二十年九月二十三日

奏為遵

那文毅公初任直隸總督奏議

卷四十九

三

旨審擬具奏事竊查南樂縣民王鶴赴步軍統領衙門呈
控該縣重徵地糧銀兩科派夫草錢文等情一案
欽奉

諭旨此案被控之南樂縣知縣著解任交那彥成提集人
証秉公審訊定擬具奏原告王鶴該部照例解往備質
欽此并准兵部將王鶴遞解前來 臣遵即檄司飭
提人証及節年日徵紅簿并將南樂縣知縣徐潤
解任來省飭委保定府審訊究出係張景清主唆
証告飭提張景清已經病故正在集訊間又據南
樂縣生員武瑛以該縣違例浮徵等情赴都察院

控告移咨 臣 審辦隨飭司添提人證歸案研審將
 王鶴呈出印串七張武瑛呈出印串八張與口徵
 紅簿逐一核對內王鶴呈出花戶陳蘭於嘉慶十
 九年十月初三日完納是年地糧銀二錢印串一
 張內多完銀一錢九分五釐又花戶張建於嘉慶
 十九年十一月初一日完納十七年糧銀二錢一
 分印串一張係額外多完訛據王鶴供稱張景清
 欲控重徵因無憑據故意多完訛之陳蘭張建堅
 供並無完過此二票錢糧又武瑛呈出花戶劉廷
 珍於嘉慶十五年三月十八日完銀五兩印串一

那文毅公初任直隸總督奏議

卷四十九

三

張查驗兩字係分字所改訛據武瑛供稱係張景
 清改寫給伊收執作多徵憑據又花戶郭大章於
 嘉慶十八年九月初四日完納是年地糧銀二兩
 印串一張又花戶趙大興同日完是年地糧銀一
 兩印串一張武瑛呈內指為匿示私徵檢查該縣
 係嘉慶十八年九月初六日奉文緩徵今郭大章
 等係嘉慶十八年九月初四日完納實係完納在
 先奉文緩徵在後並非匿示私徵其餘印串均係
 各花戶應完額徵糧銀並無浮多又王鶴呈控縣
 書張瑄等朦官科派并加買號草折收一款嚴訊

那文毅公初任直隸總督奏議

卷四十九

三

該縣工房經書張瑄兵房經書魏勝述供南樂
 縣地方向來奉文調用協濟車馬等項差務舊定
 章程奉文到日即傳諭鄉地僱備應差守候回空
 及例價不敷向係鄉地在村均攤津貼十八年間
 該縣徐潤承辦軍需車馬係照舊辦理書役並不
 經手安有按地派錢情弊至喂養號馬每歲需草
 八萬餘觔向係照例每觔發價大錢一文按春秋
 兩季交鄉地領價採買該縣徐潤到任後因每次
 買草四萬觔同時買運恐草貴病民是以改為四
 季採買每次發價買草二萬觔且其時正值辦理
 軍需應付過往車馬差使需草更多號內採買之
 草不敷應用該縣尙遣人四路採買接濟委無折
 價情事質之王鶴供稱實係張景清希圖聳聽挾
 制又欲藉此哄動村民歛錢幫助因此砌捏該司
 等恐該縣徐潤實有違例重徵并藉差派累情事
 稟經 臣 飭委大名府馳往確查嗣據該府劉寶第
 督同署任知縣李鈺摘傳花戶仇汝霖等逐一查
 訊供並無重徵派累情事錄取供結稟送核辦
 隨行司飭審去後茲據藩司錢臻臬司盛泰督同
 保定府知府阿霖審擬解勘前來 臣 親提研詢緣

王鶴籍隸南樂縣與張景清誼屬瓜葛武瑛係南樂縣生員因悞月課斥革與張景清素日認識南樂縣額徵錢糧向分民戶衿戶自行完納並無催頭亦不辦差民戶設立催頭承催按身追比差徭縣屬刁劣生監倚恃護符不但本身錢糧多有拖欠并將民戶應完錢糧包攬漁利差亦抗違嘉慶十八年七月間該縣徐潤到任查知其弊出示嚴禁旋於八月二十日開徵九月初六日奉文停緩十九年三月該縣赴鄉編查保甲將衿戶地畝於冊內註明以杜包攬是年九月開徵隨將欠

那文毅公初任直隸總督奏議

卷四十九

五

糧各戶無分衿民一律按卯催比時有花戶生員張玉堂應完節年錢糧該縣傳案訊追張玉堂供稱已交伊姪生員張景清代完張景清赴縣承認情愿按限完交時有生員武瑛應完伊父祖名下積欠錢糧經差役向伊催追武瑛希圖朦混往向戶書段中元等捏稱十二三年錢糧先已完納段中元等索看糧串武瑛答稱無票經段中元等斥其混賴而去段中元等會向該縣回明該縣因張景清攬納錢糧私自侵用武瑛捏稱完納冀圖朦混隨將張景清等傳案訓飭又有縣屬

縣完納陳欠戶書段中元令其連十九年錢糧一併交納王鶴噴其催促致相爭扭經李正蘭勸散嗣王鶴與張景清撞遇告述前情張景清因挾該縣禁止生監包攬錢糧催追積欠將伊斥辱之嫌正欲尋事控告以圖挾制遂向王鶴告知詳令進京出名具呈并許供給盤費王鶴因與戶書段中元爭扭正在欲控當即應允張景清復約會武瑛與生員張廷樞等幫訟武瑛囑令各自設法張景清隨往向催頭陳計等查討花戶錯完錢糧印串陳計答以無有張景清即將各花戶存放催頭公

那文毅公初任直隸總督奏議

卷四十九

五

所完過糧串自行取去聲言欲行查對有無重徵情弊陳計等畏其詭詐未敢往討張景清取得糧串私行赴櫃趁櫃書石光玉收糧忙促之際故意給陳蘭名下完納十九年糧銀二錢計多完銀一錢九分五釐又代張建名下多完銀二錢一分又將劉廷珍名下拾五年完糧五分印串內分字改寫兩字以為重徵憑據隨捏砌該縣徐潤重徵地糧銀兩科派夫草錢文書吏朦官加收等情令王鶴讀熟先給糧串七張並銀四十四兩零六錢令其赴京呈控十一月內王鶴張景清一同進京張

景清囑令先控伊再邀武瑛進京幫告復代寫呈詞交王鶴赴步軍統領衙門呈控奏奉

諭旨交 臣 審訊張景清於王鶴具呈後即各自回家遣王

鶴之弟王偉送給王鶴盤費銀二十五兩四錢又

給武瑛印串八張盤費銀二十九兩七錢大錢五

千激令幫訟武瑛亦因該縣禁止包攬錢糧意欲

具控亦即應允又憶及元城縣已革生員劉成器

善於詞訟往與相商劉成器許與同往張景清復

托武瑛帶給王鶴銀十兩武瑛過省找見王鶴將

銀交下即與劉成器進京劉成器代做呈詞添捏

那文毅公初任直隸總督奏議

卷四十九

七

該書隱匿緩徵告示私徵情節武瑛自行出名赴

都察院呈控咨交 臣 審辦劉成器於武瑛具呈後

即竊取武瑛銀衣等物由京潛逃先後提集人卷

來省訊晰前情不諱嚴詰委無重徵及藉差派折

等弊究詰不移案無遁飾查例載教唆詞訟其教

唆之人起意主令者以教唆之人為首又律載教

唆詞訟及為人作詞狀誣告人者與犯人同罪受

僱誣告人與自誣告同受財者計贓以枉法從重

論又枉法贓三十兩杖八十徒二年五十五兩杖

一百流三千里無祿人減一等又例載越越赴京

告重事不實者發邊遠充軍又扛幫赴京告重事

不實者發近邊充軍各等語此案生員張景清因

挾該縣查禁生監包攬錢糧差務及斥伊攬納侵

用之嫌膽敢捏串架砌重徵重款先後給與王鶴

並生員武瑛盤費主使赴京扛幫具控現已查訊

明確全屬虛妄自應按例坐誣張景清合依竊越

赴京告重事不實者發邊遠充軍例應發邊遠充

軍該犯業已病故應毋庸議王鶴因與縣書段中

元催納錢糧致相爭扭武瑛因該縣禁止包攬錢

糧各懷私念欲行控告經張景清主唆妄控輒即

那文毅公初任直隸總督奏議

卷四十九

天

應允并得受盤費銀錢赴京呈告與受僱誣告及

自行誣告無異厥罪維均王鶴武瑛二犯除計贓

輕罪不議外亦應照竊越赴京告重事不實者發

邊遠充軍例均發邊遠充軍至配所杖一百各折

責四十板王鶴所得張景清銀兩武瑛得受張景

清銀兩錢文均照數著追回張景清完糧銀一

併入官冊報捏改糧串分別更正散給各花戶收

執冒完重串塗銷催頭吉名蘭等訊非欵錢幫訟

陳計等亦無串通結串誣捏情事應與訊無朦官

舞弊藉差科派折收之縣書段中元等均請免議

幫同商訟滋事之生員張廷樞現已歸入清豐縣
罷考案內訊辦劉成器獲日另結解任南樂縣知
縣徐潤訛無重徵等弊其查禁生監包攬錢糧係
為剔弊起見並無不合相應請

旨飭令回任並供招咨部謹

奏奉

硃批刑部知道

嘉慶二十年十月二十三日

奏為拏獲截劫官銀之盜犯飛檄提省審訊先將大概

情形奏祈

那文毅公初任直隸總督奏議

卷四十九

三

聖鑒事竊照景州黃草舖地方有盜匪截劫蘇州織造委

員九德解送罰料銀兩錢物一案當經臣照例參

奏欽奉

諭旨飭即嚴拏務令賊盜俱獲欽此遵即督率各屬並遴

派員弁勒限嚴緝去後茲據河間府知府彭應杰

稟稱訪有冀州武邑縣境內馬回臺村與該府所

屬之獻縣交河阜城三縣連界該村居民張驢子

呂興有窩匪之事並據獻縣知縣李汝廉交河縣

知縣潘國詔阜城縣知縣李鵬稟亦相同隨委該

府經歷葉秀歧會同該縣等訂期前往密捕於本

月初十日黎明齊抵該處共獲住賊匪王四范來

王虎張魁張祥張林之呂門樓呂四何羣齊長庚

紀五袁六等十二名起獲繩鞭小刃軟梯等物並

當票一百餘張又在張驢子家拏獲土娼辛李氏

劉尹氏二名惟張驢子呂興均已逃逸提訊各犯

狡黠異常隨向辛李氏等誘詰據供本年九月初

十日外王四等十餘人曾從外邊打劫得銀兩等

物回至張驢子家俵分銀兩係用木匣裝貯約有

千兩核與蘇州委員九德被劫銀數及銀匣式樣

相符復提各犯熬訊先據王虎供認此案係王四

那文毅公初任直隸總督奏議

卷四十九

三

因呂七蝦米告知起意邀劫伊分得銀十五錠皆

已花用又分得紬三疋布六疋皆賣與張驢子至

伊等贓物皆在馬回臺村太和當內當錢張驢子

是否將布紬在太和當內典當伊不知道等語該

府隨飭獻縣知縣李汝廉馳往該當起獲羊肚紋

銀一錠簿關係蘇姓當銀面有丹陽縣戳記又於

張驢子家起獲洋藍布女袄一件蘇青布棉套一

件並於呂七蝦米家起獲包紬油紙一張隨向各

犯究鞫始據王四供稱伊係深州人年四十歲與

武邑縣人張驢子呂興認識張驢子等平日聚賭

窩娼並窩留外來之人出外行竊牲口或變賣與人
或經事主出錢贖回不記次數嘉慶二十年九月
伊在張驢子家窩留是月初八日有馬回臺村
人呂七蝦米自外回至張驢子家向窮張杜洛茂
告訴說南來一輛車子上插旗號甚是沉重車上
必有銀子初十前後即到景州窮張杜洛茂向張
驢子金洛茂告訴張驢子金洛茂又向伊說知伊
起意行劫隨向張驢子等說我們邀些人去打劫
罷張驢子等允從隨在張驢子呂興家邀了現獲
之范來袁老張祥張魁張林子王虎在逃之窮張

那文毅公初任直隸總督奏議

卷四十九

三

杜洛茂金洛茂王七周二王路蘇大嘴並伊一共
十四人各帶刀子繩鞭於初十日五更時分先後
起身約在景州迤南黃草舖會齊窮張在路過不
識姓名地方偷了一匹白馬一頭草驢又在京棚
上抽了兩根杉杆初十日天黑時候大家到了黃
草舖南二里多地方都在漫窪存身等到四更天
聽得有南來車輛窮張杜洛茂因面有黑麻紅記
恐被人認識各用帶的麵粉塗臉同金洛茂看定
一輛大車三人從車後上去攔住伊與別犯在外
附近瞭望只見車夫往旁邊躲開窮張杜洛茂扒

那文毅公初任直隸總督奏議

卷四十九

三

上車去劫下東西交與金洛茂接收那時大車後
面還有好幾輛車子聽得窮張們嚷說我們是滄
州來的不過借些盤費你們好朋友不必多管各
人走罷那些車子都往旁邊開過窮張把所劫銀
箱用杉杆大家輪流擡走還看見有一個被套內
裝布疋袖子又有錢褶一個內裝有錢文都放在
馬上駝著趕回張驢子家裏把銀子用秤分開記
得窮張杜洛茂金洛茂三人每人分了六秤每秤
約有一觔多些伊與范來等十一人並張驢子呂
七蝦米共十三人每人分了三秤伊所分銀子已
交呂七蝦米換錢花用又分得藍白布各一疋已
送給張驢子至盛銀木匣經張驢子燒燬現在起
獲當賊羊肚紋銀一錠係蘇大嘴所當其洋藍布
女夾袄一件係張三分得賊布所製蘇青布棉套
一件係袁六分得賊布所製前被一同拏獲之呂
門樓呂四紀五並無夥劫景州黃草舖之案等語
訊之范來等六名各供相同據該府繕供馳稟前
來 伏查景州為南北通衢該犯等膽敢糾夥多
人在於驛路截劫官銀不法已極必應按律嚴辦
既據拏獲王四等七犯供認確鑿其在逃之張驢

子等各犯均須按名緝獲不可使有一名漏網且張驢子等窩匪勒贖爲日久此外必尚有竊劫巨案尤當徹底根追已飛檄該府即將現獲名犯親押解省嚴行訊究並分飭嚴拏張驢子等犯務期迅速全獲歸案審辦謹

奏

嘉慶二十年十月二十五日軍機大臣字寄奉

上諭那彥成奏拏獲劫官銀之盜犯王四等七名審訊大概供情一摺此案王四等犯膽敢在驛路截劫官銀不法已極現已將王四等七犯緝獲著該督卽親提嚴

那文毅公初任直隸總督奏議

卷四十九

三

審按律分別辦理仍留一二犯監禁以備質對續獲案犯其在逃之張驢子呂興窮張杜洛茂呂七蝦米等犯飭屬上緊緝拏毋任一名漏網窮張因係黑麻臉杜洛茂因腮有紅記前俱塗面行劫該犯逃後恐人認識亦必毀變形貌方可隱匿該督當分飭所屬於往來流丐備趁人等見有垢面毀形者留心辨察可期迅速弋獲獲日歸案嚴辦示懲

谷安謹按此奏以嚴緝在逃之張驢子等七犯未獲旋值交卸未及結案

嘉慶二十年十一月二十一日

奏爲遵

旨審擬具奏事竊照任邱縣監生劉春赴都察院呈控添思中等科欽糾搶等情一案奉

旨此案著交那彥成親提人証卷宗秉公嚴審定擬具奏原告劉春該部照例解往備質欽此當經 檄司飭提全案人証卷宗來省飭發首府審辦究出劉春擾害村衆各款詳請飭提要証咨部展限在案茲據保定府知府阿霖等審明定擬由司覆勘前來 臣親提研訊緣劉春籍隸任邱縣捐納監生伊弟劉峯捐納從九品職銜該縣奉派辦道向按地畝山

那文毅公初任直隸總督奏議

卷四十九

四

夫應差嘉慶十八年春間該縣派辦道差劉春起意指差漁利商同伊姪舊鄉約現經在逃之劉殿元捏稱包辦差徭先派村中京錢六十千復以不敷辦差兩次續派京錢一百五十千入已迨該縣差役孟懷玉往催劉春出頭抗差與劉殿元答以不辦差徭孟懷玉理論劉春將孟懷玉揪倒在地致揪落髮辮一結劉殿元與劉狗將孟懷玉毆傷經劉峯勸散孟懷玉稟縣差傳劉殿元等脫逃劉春並不到案尙恐該縣追究欲行上控書行科派訛詐以爲挾制地步與孫思中等商議派欽村中

京錢二百千幫貼盤費並以一經告准日後即可免差之言向告孫思中與村人俱不允許劉春月此挾嫌是年四月十三日劉春邀弟劉峯姪劉殿熊等在村尋鬧孫思中等恐滋事端控經該前縣莊詠傳審兩造各執一詞將劉春等分別保押未經結案劉春在押脫逃六月初七日早劉春復邀劉狗分攜木棍鋤刀劉峯徒手在村尋衅聲稱與閭村拚命村衆與之不依將劉春劉峯毆傷劉春即捏告孫思中糾衆搶麥該縣李壽春驗傷飭醫調治正在傳審劉春即赴河間府具控批委河間

那文毅公初任直隸總督奏議

卷四十九

三

縣審辦檄提人卷劉春並不到案八月十七日劉春復邀舒老奎劉峯與僱工薛二即薛二得薛義條等十餘人各持器械在村尋衅村衆李鳳來等情急上前喊捕劉春等撲向毆打被李鳳來劉泳成李鳳友孫思玉各用木棒毆傷劉春左臂膊等處楊立用木筒毆傷劉春左右肘右後肋倒地劉泳凝用鐵通條毆傷劉春右膝右廉朋左右脚腕右肘右腿肚劉泳清用鐵鑊毆傷劉峯左右廉朋右肘肘廷傑奪獲薛二鐵鎗扎傷薛二左腿左臂左胸肱孫思中等與村衆將工人薛義條

那文毅公初任直隸總督奏議

卷四十九

美

等八人細縛送縣劉春遣姪劉朝楷具控該縣驗傷飭醫調治查傳李鳳來等俱各逃匿劉春先行霸佔該村公夥廟地二十餘畝是年九月劉春涉訟外出村衆見地內穀禾成熟欲行修理廟宇與孫思中等割穀數畝交經管廟地人温大本變賣修廟劉春控經該縣批飭併究旋於九月十一日據報薛二染患虛症該縣驗明飭醫調治詎薛二延至十月十一日因病身死該縣眼同屍親人等驗訖並無別故因查傳人証未齊未經訊明詳報劉春遣弟劉峯與孫思中等先後赴臬司衙門具控批府親提究辦劉春匿不到案隨捏孫思中等科歛糾搶毆死人命等詞前赴都察院具控奏奉諭旨咨解來省當經臣檄司飭發首府審辦按照劉春所控各款逐層究訊據孫思中等僉供劉春包差欵錢毆傷差役復欲上控書差欵錢不遂屢次在村尋衅致被村衆將伊弟兄並工人薛二毆扎受傷薛二因病身死劉春節次捏情妄控伊等僅止割取劉春原霸廟地內穀子並無糾搶殺命情事並供出劉春曾於嘉慶七年盜典村中公夥廟地二十八畝零使其弟劉峯贖回出名承買逼勒牙行

劉璠立契佔種多年又十三年劉春搶用伊等承
修大清河堤工銀四十九兩三錢七分又是年劉
春搶去伊等修補十方院橋座木板又四十年劉
春侵用高三保經管公夥北窪泊蕩租錢二十千
又十四十五兩年劉春藉修西大務堤工妄派村
中出錢四十千續派錢八十千以上各款有被害
之村人可証等語質訊劉春堅供孫思中等實有
科斂糾搶殺死人命之事其盜典廟地等款劉春
諉為不知詰其所控孫思中等科派斂錢糾眾打
搶錢文各款俱茫無指証復經詳由臣飭提要証

那文毅初任直隸總督奏議

卷四九

三

人等質訊咨部展限在案嗣據要証李鳳來等并
村眾劉宗禹等來省具控劉春惡蹟復提質訊劉
春劉峯侍符狡執詳由臣咨革批飭嚴究檄司添
委候補道程卓樑督同首府研鞫如劉春所控孫
思中劉泳清等指辦草葺科派劉殿熊交京錢六
十千一欸現據孫思中等僉供委係劉春自己包
辦差徭串通劉殿熊斂錢肥己并將差役孟懷玉
毆傷劉春反欲上控書役向村眾派斂盤費不遂
挾嫌起衅並非伊等指差科派亦無得過劉殿熊
差錢六十千之事村人劉宗禹等供亦相同并據

劉殿熊堅供孫思中等並未向其科派亦無出過
差錢六十千質之劉春不能指出孫思中等科斂
証據是劉春所告孫思中等指差斂錢全屬虛捏
又所控孫思中等搶麥二十三口袋劉春稟縣驗
傷歷控未訊一欸現據孫思中等供稱劉春在押
脫逃復率領弟姪赴村尋衅被村眾毆傷劉春搶
先捏控匿不到案伊等並無搶麥之事查縣卷內
先據劉春孫思中等互控業經該縣傳訊因劉春
控府行提尚未訊結質之劉春毫無証據其所控
搶麥之處亦屬虛捏又所控聚眾持械將其工人

那文毅公初任直隸總督奏議

卷四九

三

薛二得用鎗扎傷搶去京錢一百三十千薛二得
因傷身死並不追究兇手孫思中復霸種地三十
畝搶去穀子一欸現據孫思中等僉供劉春先邀
舒老奎等十餘人持械尋衅被村眾李鳳來等奪
獲器械將劉春劉峯並工人薛二毆扎受傷伊等
旋與村眾割取劉春霸種廟地內穀子數畝別無
搶取錢文并據邱廷樑等承認毆扎薛二等各傷
屬實查縣卷內薛二到案初供有聽從劉春邀往
尋衅被村眾鎗扎受傷之語薛二於十月十一日
限外因病身死該縣因查傳人証未齊未經訊明

定案是劉春所控殺死人命之處雖事出有因而薛二病故已在正餘限外至劉春捏寫賣契霸佔廟地作為已業故被村眾割取穀子其控告霸地搶穀糾搶錢文等事又屬子虛又所控劉泳清供明薛二得鎗傷係劉泳成李鳳來所扎該縣究出正兇並不收禁輒行釋放一欵現據劉泳成李鳳來等僉供各用木棍毆傷劉春左肋鼻梁薛二得係邱廷樑奪槍所扎伊等當時脫逃不到並非開釋并據邱廷樑自認奪鎗扎傷薛二不諱查邱廷樑等於毆扎後俱各潛逃尙未究出何人毆扎實之劉春亦自認虛捏以上劉春所控孫思中等各欵業經逐一質證明確悉屬虛誕至孫思中等所供劉春盜典廟地等欵不特劉宗禹等指証確鑿卽劉春亦俯首無詞案無遁飾查例載兇惡棍徒屢次生事行兇無故擾害良人者發極邊足四千里安置又兇徒因事忿爭執持兇器傷人者發近邊充軍又律載不應為而為之事理重者杖八十輕者笞四十又他物毆人成傷者笞四十又辜限外別因他故死者各從本毆傷法各等語此案革監劉春先因包差科派人已復欲上控書役在村

那文卷初正頁續通督奏議 卷四十九 早

欵錢不遂屢次糾眾尋衅被村人李鳳來等毆傷迫其工人薛二病死猶復意存反噬冀圖拖累多人輒以孫思中等科欵糾搶殺死人命等詞疊次捏控殊屬刁健並究出劉春霸佔廟地搶奪銀兩等欵已據該村劉宗禹等二十餘人眾供可証并起獲佔種廟地之捏契可憑是劉春之兇惡擾害確有實據自應照例問擬劉春除盜賣廟地計畝罪祇擬徒及搶奪孫思中等銀錢亦依搶奪律擬徒暨修堤共欵京錢一百二十千包差欵錢二百一十六千係詐欺取財罪止杖流各輕罪不議外應照兇惡棍徒屢次生事行兇無故擾害良人發遣例發極邊足四千里安置照例免刺邱廷樑因劉春糾眾滋擾奪獲薛二鐵鎗將薛二扎傷至保辜正餘四十日限外因病身死應仍依本毆傷法查該犯所用鐵鎗係自薛二手內奪獲與兇徒忿爭自執兇器傷人者有間自應量減問擬邱廷樑應依兇徒因事忿爭執持兇器傷人者擬軍例上量減一等杖一百徒三年到配折責充徒已革從九品劉峯訛無兇惡劣蹟其控告人命係勉從伊兄逼令代告所致且到案後卽行承認與憑空誣

那文卷初正頁續通督奏議 卷四十九 早

告者不同惟聽糾筆衅亦有不合劉峯應照不應
重律杖八十照例納贖該革員恃矜滋事殊非安
分之徒仍革去職銜毋庸開復李鳳來劉泳成李
鳳友孫思玉楊立等奪獲木棒鐵鈎等械將劉春
劉峯毆傷均合依他物毆人成傷律管四十劉殿
熊隨同劉春尋衅應照不應輕律管四十均折責
發落邱廷樑等雖事犯在嘉慶十九年二月三十
日

恩旨以前係到官在後均不准其減免孫思中劉璠高文
炳温大本訛無糾搶殺命其細送薛義條等並未

那文毅公奏議 卷四十九 聖

成傷及割取劉春佔種廟地穀子並非搶割劉春
已業田禾卽劉璠假捏地契係被劉春逼勒所致
均免置議劉殿元等飭緝獲日另結所有劉春佔
種廟地退還該村管業搶奪孫思中等銀錢木板
及科斂錢文照數追出給還各主至此案邱廷樑
奪鎗扎傷薛二係於辜限外病死按律只科傷罪
該縣因人証未齊劉春又節次捏控未能定案是
以尙未詳報雖非有心諱匿究屬應申不申飭取
職名另行照例咨叅供招咨部謹

奏奉

硃批刑部議奏

嘉慶二十年十二月十四日

奏爲訊明定與縣民李餘並無侵佔禮親王府地畝實
係任蘭子唆使星會誣告並究出王府工人高四
等有得受星會銀錢情事請將星會等解京質審
恭摺具奏事竊 臣 承准軍機大臣字寄嘉慶二十
年十一月二十五日欽奉

上諭據御史果良額奏拾獲匿名揭帖一封內係控告禮
親王昭榿各款派令管理宗人府王公會同軍機大臣
詢問據昭榿稱伊家王產當伊父在時被護衛汪焯欺

瞞盡皆典賣伊遣人查辦有定興壯丁星會控告從前
賣與原任總督雅德北重樓地畝十數頃內有沙壓地
二頃有零自嘉慶六年水衝之後變爲腴田現有民人
李餘私自墾種並有伊家中馬甲李興茂同武舉馬廷
玉分賄銀二百兩之說伊聞李興茂業經招認是以遣
四品典儀慶智前往查辦現在該縣尙未訊明李興茂
尙在伊家圈禁未放回去等語此案壯丁星會所控李
餘私墾之地是否原係禮親王田產昭榿現遣令典儀
慶智前往查辦該縣知縣作何審理慶智現在定興者
那彥成卽將慶智及李餘馬廷玉星會一千人証並該

縣知縣俱提至保定親加訊問查明所墾地畝原委曲直秉公據實迅速覆奏李興茂並著北軍統領衙門提交該部解往保定備質昭榘劣蹟種種已經斥革訊問汝不必袒護若稍有瞻徇必重治汝罪慎之欽此遵卽飭委河間府同知王履泰前往行提去後茲據該員稟覆慶智業已回京將應訊之李餘馬廷玉星會及先後查丈地畝之前任定興縣丁憂知縣胡繼曾現署知縣何志清并縣卷提解來省又准兵部將李興茂解送前來臣督同藩司錢臻臬司盛泰保定府知府阿霖先查縣卷內開據禮親王府

那文毅公初任直隸總督奏議

卷四十九

聖

六品典儀慶智莊頭柳智益控李餘劉姓侵種王府坐落定興縣北重樓河套地二頃六十一畝一案該前縣胡繼曾訊據慶智供稱王府有坐落定興縣北重樓荒地二頃六十一畝嘉慶六年間被水衝失今有星會到王府呈報此地淤成肥田被李餘等侵種奉王府派伊來縣查辦訊據星會供亦相同訊據李餘供稱伊經管地十五頃九十七畝零皆係雅德原買禮親王府之產內坐落定興縣北重樓河套地十二頃餘並無侵種地二頃六十一畝嗣又據慶智開單呈稱王府坐落定興縣

那文毅公初任直隸總督奏議

卷四十九

聖

北重樓河套沙地十七頃九十九畝一分乾隆五十年間將此地撥出十頃零九十三畝又將村南莊基地二十六畝園地三十畝共五十六畝又將趙村地四頃四十八畝七分五釐共地一十五頃九十七畝七分五釐賣與雅姓今李餘供稱北重樓河套地有十二頃零豈不多餘查得王府當差人李興茂張維馬廷玉有交接授受情弊再王府河套沙地內於乾隆五十三年間賣與劉英四頃五十畝零三分一釐下剩沙地二頃五十五畝七分九釐至今無著等情該縣胡繼曾帶同弓手丈得雅德原買禮親王府坐落北重樓地實係十二頃零八畝八分三釐三毫五絲該縣查驗紅契據李餘供稱係地主處收存該縣吩咐取契送閱一面差傳劉英丈地慶智不肯等候卽行進京該署縣何志清到任後又丈得雅德原買禮親王府坐落定興縣北重樓村南莊基並園地共五十一畝零七釐四毫三絲又丈得坐落趙村地三頃十三畝四分五釐二絲連前任胡繼曾所丈北重樓地十二頃八畝八分三釐三毫五絲共地一十五頃七十三畝三分七釐九毫二絲較慶智所開原買

之數有絀無盈。因劉英亦有應訛之處復行提
到案連日訊問據星會供稱伊係定興縣人年二
十二歲曾祖星鳳鳴在日充當禮親王府莊頭經
管定興縣北重樓河套地畝因事革退另派柳良
璧接管聽得乾隆五十年間禮親王府將北重樓
地賣與雅德十二頃零五十四年又賣與劉英地
四頃五十畝本已賣完嘉慶十九年正月伊到姨
表兄任蘭子家拜年道及窮苦任蘭子向伊告知
風聞北重樓向有禮親王府餘地被李餘劉英侵
種囑伊到王府呈報如果丈出多餘伊仍可充當

那文毅公奏議 卷四九 呈

莊頭任蘭子也可分種地畝伊年輕糊塗聽信任
蘭子之言於十九年四月初間任蘭子同伊母子
進京囑伊母子候王爺出門當街跪稟隨後王府
差李興茂到縣只道來查丈地畝那知並沒丈量
隨即回京二十年正月任蘭子同伊進京寫了呈
子托王府工人高四徐五接收轉遞應許事成後
酬謝京錢五百千伊當付高四京錢六十千徐五
銀三十五兩京錢三千下短之數言明俟伊充了
莊頭如數找給及經王爺傳審任蘭子高四向伊
告訴囑令照呈供說伊纔知道王爺先將張維刑

訊又將李興茂喚出審問令伊對質伊心中害怕
只得證住李興茂不認王爺吩咐將李興茂吊打
李興茂也就承認王爺就差慶智到定興縣查地
伊實係聽從任蘭子主使呈控至所告李餘向李
興茂行賄托馬廷玉張維過付亦係任蘭子自行
捏造慶智呈內所告之劉姓即係劉英等語訊據
武舉馬廷玉供稱伊先係禮親王府莊頭經管坐
落定興縣趙村楊村地畝因事革退伊並無給李
餘過付李興茂銀兩情事實係星會等誣捏等語
訊據李餘供稱伊係定興縣人給雅德收取地租

那文毅公奏議 卷四九 呈

雅德原買禮親王府坐落北重樓河套地十二頃
零八畝餘趙村等處地三頃餘畝共地十五頃九
十七畝餘已經本縣丈過現存地只十五頃七十
三畝餘只有短少並無多餘那有侵種禮親王府
地畝並向王府差人李興茂行賄給銀二百兩托
馬廷玉張維過付之事實係星會等誣告只求質
對等語又據劉英供稱伊於乾隆五十四年間買
禮親王府坐落定興縣北重樓河套地四頃五十
畝有紅契為憑本年二月內已經慶智柳智疑丈
量相符並無侵種等語又據李興茂供稱伊係禮

親王府馬甲並無得受李餘行賄銀二百兩之事
前在王府內供認委因刑逼所致等語臣復向前
任定興縣知縣胡繼曾現署知縣何志清詢問據
該員等同稱慶智控告李餘侵佔禮親王府地畝
胡繼曾等丈過地十五頃七十三畝三分七釐九
毫二絲較慶智開報雅德原買地一十五頃九十
七畝零之數只有短少其為李餘並無侵佔無疑
隨行提任蘭子來省審訊據供悉與星會相符詰
其因何控告李餘向李興茂行賄給銀二百兩據
稱因李興茂到縣只道王府差來丈地後來李興

那文毅公初任直隸總督奏議

卷四十九

四

茂並不查丈復行回京疑心係李餘賄囑又因馬
廷玉張維皆是王府莊頭與李興茂來往是以捏
告李餘給李興茂銀兩係馬廷玉過付等語臣伏
查慶智在定興縣呈控禮親王府有坐落該縣北
重樓地十八頃除賣與雅德十頃零九十三畝劉
英四頃五十畝外下剩地畝被李餘佔種之處現
經丈明雅德原買地實有十二頃零八畝八分三
釐三毫五絲加以劉英原買地四頃五十畝共賣
出地十六頃五十八畝零據星會供稱木已賣盡
並無多餘且雅德共買禮親王府坐落定興縣北

重樓趙村等處地三宗共計十五頃九十畝零今
丈得地只十五頃七十三畝零較原買之數尙屬
短絀其為並無侵佔實屬可信慶智所控地數不
確實因任蘭子捏報所致查任蘭子圖種地畝憑
空唆令星會赴昭榷處具控捏造李餘給與李興
茂銀兩係馬廷玉等過付并賄囑昭榷工人高四
等接呈轉遞以致李興茂刑逼妄認實為此案罪
首自應按例究辦惟高四徐五均係昭榷工人必
須質訊明確方可定案而應質之慶智柳智疑亦
經回京至昭榷之地十五頃餘均經早已賣斷昭

那文毅公初任直隸總督奏議

卷四十九

四

榷豈得委為不知今既刑訊弔打張維等其貪暴
性成安知非倚恃親王令慶智前來訛詐亦應一
併訊問相應奏明請
旨將任蘭子星會李餘馬廷玉李興茂五名解交刑部傳
同高四等質訊辦理謹
奏

嘉慶二十年十二月十六日奉

旨任蘭子星會李餘馬廷玉李興茂俱著解交刑部提同
慶智柳智疑及高四卽四福徐五卽雙福一併歸案審
訊

嘉慶二十年十二月十六日

奏為審明定擬具奏事竊照滄州擊獲盜犯趙五等行

劫南皮等縣事主張席懷等家衣物並德州停泊

官船銀衣等物一案先經臣據稟具

奏一面檄司委員訪查各賊提省飭發首府究辦茲據

保定府知府阿霖審擬由司解勘前來臣親提研

訊緣趙五籍隸交河縣傭工度日與已獲之柴泳

太柴世傑王太張二並未獲之王二李二柴文柴

明奎柴林奎常在一處傭趁遂相認識嘉慶十九

年八月間趙五赴沿河一帶尋覓工作在薛家窩

那文毅公初任直隸總督奏議 卷四十九 吳

地方見有原任侍郎錢樾坐船往南駕駛起意行

劫尾隨同行是月二十四日跟至連鎮地方與柴

泳太撞遇囑其轉邀柴世傑柴明奎王太三人行

劫官船銀衣等物花用并因人少難以動手約定

次日伊再邀人入夥在桑園南首會齊柴泳太應

允各散趙五行至連鎮迤南適遇尹二王二李二

趙五復與尹二等商允至二十五日更餘時分趙

五等四人先至桑園等候柴泳太等亦隨後起至

彼此會面同夥八人一齊起身二更時分潛至德

州高官廠河次錢樾官船停泊處所該犯等各持

器械用布包頭趙五王二尹二柴泳太并用墨塗

面王二先在小船上竊得跳板搭在船沿一齊上

船柴世傑柴明奎在前後船艙把風王太柴泳太

在船外接賊王二用所帶片刀撬開艙板門與趙

五尹二李二同進艙內點起燈亮經錢樾知覺坐

起李二用刀嚇禁問明放銀處所時趙五慮恐船

頭有人起捕令王太赴船頭把守李二又將柴世

傑喚至艙內王二掀開艙板拉出竹箱與趙五柴

世傑尹二各取銀兩數封趙五柴世傑又在皮箱

內搜得衣服等物遞交柴泳太攜至岸上先後逃

那文毅公初任直隸總督奏議 卷四十九 五

逸行至漫地王二等各在懷內取出銀兩俵分餘

贓分攜至柴明奎之父柴文家內柴明奎李二等

將衣物當賣得錢均分花用零星物件在於柴文

家內王二復分給柴泳太等衣服眼鏡等物告知

係屬船賊二十年正月內王二將李二尹二趙五

邀至柴文家內居住是月二十五日李二起意行

劫趙五尹二郭五均各允從卽於是夜同夥四人

各執器械由柴文家起身二更時分潛至南皮縣

畢家堂事主張席懷家牆外插杆進院郭五在房

上把風趙五在院接賊尹二與李二扒窗進屋事

主驚覺喊叫尹二等詈罵嚇禁時佃戶趙二聞喊
 出捕被郭五在房上用磚擲回尹二等在於屋內
 劫得衣服等物仍由原路而出將贓攜至柴文家
 內分別存留當錢花用是月三十日趙五起意行
 劫尹二王二李二柴世傑王太均各允從卽於是
 夜同夥六人各執器械用布包頭由柴文家起身
 二更時分潛至交河縣事主傅占齋家牆外豎梯
 上房卽被更夫瞥見喊嚷王二將其按倒嚇住又
 從旁豎梯上樓由天牕進內柴世傑在樓把風王
 二用刀撬開樓門與趙五尹二李二王太自樓梯
 下房撥門入室用火燃燈時有工婦劉氏驚醒喊
 嚷尹二將其按住嚇禁李二等卽在箱內搜劫錢
 衣等物仍由原路而出將贓攜回柴文家內分別
 存留當錢依分花用二月初一日王二起意行劫
 趙五尹二李二王太柴世傑等允從卽於是夜同
 夥六人各執器械用布包頭由柴文家起身潛至
 南皮縣事主何其仁家牆外越牆進院王太在房
 上把風柴世傑在院接賊王二等挖窟入室用火
 燃燈時工婦李蔣氏驚醒喊嚷尹二用繩鞭毆其
 頭顱王二亦用鐵鐮毆其肩膀李蔣氏不敢聲響

刑部彙編卷之九

卷四十九

三

趙五等劫得衣服等物正欲上房逃走事主何其
 仁知覺起捕王太在房上用磚擲回該犯等仍由
 原路逃逸將贓攜至柴文家內分別存留當錢均
 分花用二月十九日柴文次子柴林奎起意行劫
 趙五尹二王二李二王太等允從卽於是夜同夥
 六人各持器械用布包頭由柴文家起身更餘時
 分潛赴南皮縣事主陳胡氏家門首豎梯上房趙
 五王太柴林奎在房上把風王二尹二李二下房
 進院挖窟入室適遇下雨王二開啟屋門趙五等
 亦下房進屋事主陳胡氏知覺喊嚷李二將其按
 住用刀嚇禁以致劃傷胡氏項後胡氏不敢聲喊
 趙五王二卽在箱內搜劫衣服等物正欲攜贓逃
 逸經事主家佃戶知覺出捕王太擲棄包袱仍從
 原路而逸將贓攜回柴文家內分別存留當錢花
 用二月二十六日尹二起意行劫趙五李二王二
 柴泳太柴世傑郭五允從卽於是夜同夥七人各
 執器械用布包頭由柴文家起身更餘時分潛至
 南皮縣事主沙汝瑛家牆外豎梯上房又從房上
 豎梯登樓撬開樓門由梯下房郭五柴泳太在外
 把風尹二等撥門進內時事主沙汝瑛在東屋內

刑部彙編卷之九

卷四十九

三

聞響喊捕尹二趕往推倒用刀嚇禁趙五等即在箱內搜劫衣服等物仍從原路逃至房上經事主家工人馮義聞喊出捕王二用磚將其打回攜賊逃回柴文家內至二十八日柴文相邀同村之趙幅來用驢馱載所劫沙汝壞家贓物令柴泳太柴世傑王太同赴滄州城內典當即被該州捕役李亮德等並該州吏目楊泳寧原任德州知州徐霖家人蕭德協同拏獲查起原贓送州審訊據柴泳太等供認夥同逸盜李二等行劫交河縣事主傅占鰲南皮縣事主陳胡氏沙汝壞等家衣服屬實

該署州彭希曾復向追究又據柴泳太等供認上年八月間與在逃之李二等會行劫德州停泊官船銀衣等物送交東光縣屈家莊劉廷柱當錢分用該署州移提當贓之劉廷柱到案審訊堅不承認隨將獲犯緣由錄供通稟經臣以案關重大犯供游移必須派委幹員前往會同該州悉心研鞫庶得實情而免枉縱當即檄司飭委候補知縣張德謙前往該州會同審辦一面據稟具

奏嗣據該州會同該縣張德謙訪獲盜首趙五到案究出尚有行劫南皮縣事主張席懷何其仁家兩案

關案起贓給主認領錄供通稟又經臣檄司提督飭發首府督同張德謙審辦並據該州將起獲眼鏡等物稟請委弁賫送錢樾查認旋又據該州會同候補知縣張德謙訪明盜犯尹二在東光縣郭道士家窩藏關獲到案解省歸案審辦屢提劉廷柱審訊實無代當船案贓物情事當將劉廷柱遞籍安插研鞫趙五等將夥同疊劫沙汝壞等家五案供認不諱而行劫錢樾銀物一案全不承認究詰至再則又供吐如前詰其贓物下落該犯等或稱係埋藏素識之家或稱當錢花用將票存於家內或稱送人及經委員前往查起惟尹二所供埋藏郭道士之銀兩業已起出其餘盡屬妄供一無所獲臣復接准錢樾札覆查認眼鏡等物並非原贓檄司督審解勘逐加究鞫據各供認前情不諱恐另有窩夥行劫別案矢口不移案無遁飾查律載強盜已行而但得財者不分首從皆斬又例載盜劫之案該督撫嚴行究審將法所難宥及情有可原者一一分晰於疏後聲明大學士會同三法司詳議將法所難宥者正法情有可原者發遣又辦理竊盜等案若案內人數眾多僅獲一二名無

事主証佐指認者將現獲之犯按律擬罪監禁俟
逸犯就獲後質訊明確定地起解各等語此案盜
犯趙五等夥同逸盜李二等疊劫事主沙汝塽等
家五案賊有起獲經主認領且所供行劫月日賊
數情形悉與各事主報案相等其為各案正盜無
疑至所供行劫錢櫃船內銀衣等物一案上盜情
形既核與原報稍異且賊無起獲未便據該犯等
節次供認即定為此案正盜惟此外疊劫沙汝塽
等家五案已屬賊真事實自應按律問擬趙五尹
二柴世傑王太柴泳太五犯均各依強盜已行而

那文毅公初任直隸總督奏議

卷四十九

七

但得財者不分首從皆斬律擬斬立決照例刺字
趙五尹二為首為從疊劫六案柴世傑王太聽從
行劫四案均經入室搜賊柴泳太據供連錢櫃船
案係聽從行劫二次俱在外把風接賊均屬法無
可貸惟查趙五等行劫錢櫃一案起獲眼鏡並破
舊衣物據柴泳太等供係王二所給船案賊物第
現經認明並非原贓即如尹二所埋郭道士家銀
兩據供係船案贓銀但銀兩係民間常用之物最
難辨認亦未可信以為實且細查錢櫃在德州呈
報並無塗臉字樣今趙五等供有四人用墨塗面

上盜情形亦有未符盜憑贓據設係趙五等妄行
供認轉使正盜漏網所關匪細查趙五尹二柴世
傑王太疊劫多次即無行劫官船之案亦罪應駢
首未便因此案賊未起獲久稽顯誅應請先行正
法惟柴泳太一犯若無行劫官船之案該犯僅止
行劫一次且係在外把風罪止發遣應請照例監
禁俟緝獲逸盜柴明奎李二等到案質訊明確再
行辦理相應照例聲明聽候部議趙幅來即趙廷
幅訊無同夥竊劫情事但知情代當贓物殊屬不
合應照不應重律杖八十折責三十板已據清苑

那文毅公初任直隸總督奏議

卷四十九

七

縣驗報在店病故應毋庸議已獲之贓經主認領
未獲各贓同當本錢文在於各犯名下著追分別
給主當商張三梁四均訊無同夥竊劫情事但與
盜犯往來張三又復寄存贓物俱非善類應飭令
各該縣訊明有無為匪不法情事另行擬結逸盜
李二等並高主柴文及窩留尹二之郭道士嚴飭
勒緝獲日另結王二分給柴泳太等眼鏡衣服等
物發回該州俟緝獲王二到案再行追究來歷傳
主給領起獲銀兩發州貯庫俟緝獲逸盜李二等
審明實係船案原贓再行關送事主具領至前署

滄州知州彭希曾拏獲隣境疊劫多案并拒傷事
主之巨盜五名實屬勤於緝捕查該員在滄州任
內有疎防該州貢生張鐘家被竊驪頭並毆傷更
夫李三一一案又民人蔣維城家被賊嚇禁竊去驪
頭一案業經照例分別詳請
題參疎防在案惟該州現已卸事已離滄州之任其承
緝二案處分將來應照離任官例議結可否即照
離任官例議結者仍准引
見之例將該州彭希曾送部引
見出自

那文毅公初任直隸總督奏議

卷四九

五

皇上天恩候補知縣張德謙能究出疊劫重情又能躡訪
盜首趙五尹二踪跡使該犯等均就弋獲不致遠
颺稽誅且該縣前在涑水縣任內曾盤獲行劫清
死縣事主何濤家布疋案內夥盜張均會等二名
部議從優議敘實屬始終奮勉該縣張德謙係在
省候補之員應請
恩施准其儘先補用以示獎勵供招咨部並飭取各案疎
防職名另行咨參謹

奏奉

硃批刑部速議具奏

嘉慶二十年十二月十六日
奏為遵

旨查訊定擬具奏事竊照天津縣民人王信億即王廷鏜
赴都察院呈控王青雲等因私煎土硝被控挾嫌
率眾打搶並串通把總張天成陷害等情一案奉
旨此案著交那彥成親提人証卷宗秉公查訊定擬具奏
原告王信億該部照例解往備質欽此當經 檄司行
提人証卷宗來省飭發首府審辦茲據保定府知
府阿霖審擬由司覆勘前來 臣親提查訊緣王信
億籍隸天津縣王文廣王青雲王文通王文運係
王信億胞姪王佐王惠封王恩榮係同祖姪孫王
信億無子過繼王文運為嗣與王文通同居夥開
信億字號爆竹舖即以信億舖號出名該縣各營
需用硝磺向係營員領照委員採辦其各匠舖需
用硝磺由舖戶公保一人赴縣給票具領文批分
赴布政司及霸昌道衙門驗明給照前往昌平州
採買運回分售嘉慶十一年間舖戶公保王信億
領照採辦硝磺十八年十月間王信億以硝觔出
售甚少查有營兵私煎之人呈控遊擊李達成移
縣委員查明營兵王青雲官旺山並民戶燕太然

那文毅公初任直隸總督奏議

卷四九

五

潘老張起順李克甲舖戶王惠封等七人私煎傳
 案訊明該處地屆海濱多有城上王青雲等掃土
 煎硝圖利售賣並無確切勛數當經責處取結出
 示禁止王青雲因被王信億控告被責是年十二
 月初九日一更時分飲醉赴王信億爆竹舖前辱
 罵王文通出而理論彼此爭毆經王文運勸散王
 信億代姪王文通出頭架砌王青雲率領官可旺
 王文廣王佐王恩榮王得燕太然等打搶硝磺衣
 服等詞赴遊擊衙門具控經遊擊李達成派委把
 總張天成查勘詢明王青雲僅與王文通爭毆王

那文毅公初任直隸總督奏議 卷四十九 奏

信億情虛囑張天成扶同捏稟張天成未允據實
 稟營移縣訊明正在分別責懲間有蔣國鈺調處
 令王青雲與王信億服禮具呈息案王信億以把
 總張天成不肯飾稟自此挾嫌王信億運回硝磺
 前係京錢二百六十文近年賣至京錢三百五六
 十文十九年二月間長至四百文衆舖周海山等
 不依赴縣具呈將王信億報退公保王惠封領照
 採辦王信億疑係張天成勾串所致是年九月間
 王信億因思王惠封係曾經煎硝犯案之人即自
 行更名王廷鏗控經天津府道批縣訊詳該縣查

明案據將王惠封斥退衆舖戶公保周保山領買
 王信億又以周保山設鍋私煎在縣呈告該縣查
 起鍋稱並非私煎適周保山領文後自念年老并
 被呈控當即告退衆舖戶又公保王文廣具認領
 買二十年二月初十日王信億與梁郁虎在舖喫
 茶梁郁虎遺忘馬褂走回攜取見王信億穿於身
 上向索未給致相爭吵王信億與之毆詈經燕大
 本邱老勸走梁郁虎呈縣傳訊時有縣役張四村
 斥王信億之非王信億將張四并燕大本之堂弟
 燕老一併牽控經縣訊明責處王信億因衆舖戶

那文毅公初任直隸總督奏議 卷四十九 奏

先後舉保王惠封周保山王文廣領照將其報退
 并與張天俊梁郁虎爭吵控縣被責均疑張天成
 串通唆使懷恨益深是年四月二十五日王信億
 飲醉至張天俊米舖門首提及張天成名字辱罵
 有張天成胞姪張五張六并舖鄰白君盛勸解適
 張天成經過聽聞將王信億交與地方高玉自行
 赴縣具稟王信億趕至縣署儀門首與張天成揪
 扭時該縣程正培公出目覩張天成遊稟該縣將
 王信億枷責王信億益懷不甘并將平日有嫌之
 人一併赴都察院砌詞呈控奏奉

諭旨解直審辦當即行司檄提被証來省提集犯証逐款

究訊據王信億供認實伊一人出頭挾嫌誣告王

文通並無主唆扛幫逐加質訊矢供不移案無道

佈查例載竊越赴京告重事不實並全誣十人以

上者發邊遠充軍各等語此案王信億即王廷鏗

以把總張天成不允扶同捏稟打搶由此挾嫌懷

忿輒赴京架詞捏控牽累多人實屬刁健王信億

即王廷鏗應依竊越赴京告重事不實並全誣十

人以上者發邊遠充軍例發邊遠充軍至配所杖

一百折責四十板營兵王青雲宮丁旺民戶燕太

那文毅公初任直隸總督奏議

卷四十九

三

然潘老張起順李克甲舖戶王惠封私煎土硝售

賣圖利訊無確切劬數且現經訊明王青雲宮可

旺燕太然等均無打搶情事應與潘老張起順李

克甲王惠封均照違制律杖一百先經該縣杖責

應免重科王青雲宮可旺仍均革除營兵名糧把

總張天成奉委查勘據實回稟既無懷嫌陷害應

與被控訊無喝令行兇之張天俊等均毋庸議把

總張天成飭令回營供職再查該縣各匠舖需用

硝磺向出眾舖戶公保一人由縣給照領支分赴

布政司並霸昌道衙門驗明給照並出產處所採

買回縣銷照自應仍遵定例辦理惟例載銀匠藥

舖等需用硝磺每次不許過十觔津邑地居衝途

舖戶雖多亦何至每歲春夏秋冬各季採買二千

五百觔暨三千觔之多難保非承買舖戶有私圖

漁利以為壟斷居奇地步臣現已飭縣查明地方

實在情形如何可以杜絕奸徒網利貽害並將掃

土私煎如何可以禁絕之處妥擬章程由該管府

道確核另行詳明立案以除弊端而清訟源並供

招咨部仍飭取私煎土硝職名另行咨參謹

奏奉

那文毅公初任直隸總督奏議

卷四十九

三

硃批該部議奏

嘉慶二十年二月初二日

奏為審擬具奏事竊據寧津縣當商吳晉赴步軍統領

衙門呈控伊當舖被劫獲賊陳輩兒等山東委員

不為究辦等情一案咨送刑部訊供

奏明發交直省審辦將原告吳晉咨解來直臣遵查案

內之石連城石八石連富三名先准山東撫臣陳

預奏解直省審辦在案隨即檄飭藩司錢臻泉司

盛泰提齊犯証卷宗來省督同保定府知府阿靈

秉公研審去後茲據該府審訊明確由司覆審招

恐夫婿當賣同所置嫁衣攜回母家存放先經張世勳之妻張氏當錢使用甫經贖回尙存當號字簽孫樹芳查與失單內藍細相仿遂爾認領數件餘俱貯庫該前縣移關滄州韓大等質訊仍飭臧秀升張大智協同地方周鳳鳴查拘張世勳究追周鳳鳴并不知情張世勳回歸張氏向告痛恨交加是月十七日臧秀升等往捕張世勳情急自用剃刀抹傷咽喉經臧秀升等奪刀擡送驗訖張世勳並未承認該縣飭醫調治臧秀升又見劉富貴劉洛四形跡可疑並慮及張世勳被誣自勿

那文毅公初任直隸總督奏議

卷四十九

三

勢難干休復將劉富貴劉洛四帶縣并申囑滄州回民張愷捏稱張文彪卽張彪曾經欸待賊人冀圖抵賴延宕旋經關到張文彪訊不知情劉富貴等素未爲匪分別遞籍保釋詎張世勳因傷處抽風醫治不痊延至三月初三日身死經前任吳橋縣馬同書代驗通詳前臬司錢臻以張世勳並無輸服生供情節可疑移道督飭河間府提郡審辦前府景慶接據該縣先後詳報亦因供情未確先經行提陳輩張燒餅三及一千人証并據韓四韓五赴府投審該府隔別研訊究出捕投私拷教供

誣扳各情隨提原摺之捕役辛盛宜臧秀升等先期逃逸認領贓物之當夥孫樹芳業已回籍屍妻張張氏亦已赴省僅獲夥役張大智狡供不認該府當將究出實情先行稟明一面將被誣之張文通等及陳輩張燒餅三飭縣分別保押嚴拏臧秀升等務獲究辦旋據屍妻張氏事主吳晉赴司互控批飭河間府覆審時有該縣民人周宜太等赴京呈控德平縣民石謹等窩竊勒贖吳晉疑係陳輩等有意狡賴亦赴京具控奏蒙

諭旨發往山東審辦行提人証劉洛四冀免拖累央懇鄉

那文毅公初任直隸總督奏議

卷四十九

三

長薛均重等代報病故薛均重等稔知劉洛四本係良民曾經本縣訊釋遂爾捏稟未經解質經濟南府研訊陳輩張燒餅三李三張愷張文通張文彪韓四等各不承認張愷張文通先後在店在押病故并查明石連城所住之石家莊並無馬連鐸其人經山東撫臣陳預奏明解直質審仍發河間府勒緝臧秀升等究辦旋因疎防限滿犯無戈獲開具應議各職名咨參在案吳晉因贓賊無獲回至寧津縣瞥見劉洛四疑其情虛畏避賄串薛君重捏報病故復赴步軍統領衙門具控奏奉

諭旨咨解來直經臣飭提人卷轉發臬司督同保定府審辦嗣據該府提訊陳輩張燒餅三委係捕役辛盛宜臧秀升等私拷逼認妄扳劉富貴亦係臧秀升妄拏並據李三供稱十九年正月伊在德平縣犯竊被押焉有同夥行劫之事屍妻張張氏亦稱起出衣物實係自置只求提驗質訊復經咨查山東德平縣查明李三犯竊被獲案據一而行提張世勳家起出衣物及認贓之當夥質訊劉富貴旋在店病故並據山東臬司行據德平縣查明李三於十九年正月犯竊被獲屬實又據寧津縣獲解臧

那文毅公初任直隸總督奏議

卷四十九

三

秀升同原起衣物隨將衣物飭令張張氏當堂查驗服色件數悉屬相符質之事主吳晉據稱究係是否被劫原物不能指實復督同委員提集犯証逐細研審據臧秀升等供認前情不諱由司擬議審解前來臣恐有不實不盡情事嚴詰至再矢口不移案無遁飾查例載捕役誣良為盜因而致死照誣告致死律擬絞監候又誣指良民為強盜有拷詐等情俱發極邊烟瘴充軍各等語此案寧津縣捕役臧秀升因承緝吳晉當舖被劫銀物案內贓盜無獲恐干比責膽敢起意商同夥役張大智

申囑張燒餅三妄指張世勳窩盜張燒餅三不允遂肆意私拷嚇逼妄扳臧官搜拏希圖塞責免比以致被誣之張世勳負屈無伸情急自盡實屬不法現已審明張世勳實係平人自應按例問擬臧秀升除妄拏張文通劉富貴劉洛四並申囑張愷誣扳張文彪等各輕罪不議外合依捕役誣良為盜因而致死照誣告致死律擬絞監候例擬絞監候秋後處決張大智聽從臧秀升指使將張燒餅三私拷逼復妄拏無辜之張文通逼令誣扳韓四等為盜亦屬不法張大智合依誣指良民為強

那文毅公初任直隸總督奏議

卷四十九

三

盜有拷詐等情發極邊烟瘴充軍例發極邊烟瘴充軍仍以足四千里為限面刺烟瘴改發四字陳輩張燒餅三誣無為匪情事其誣認妄扳係被辛盛宜臧秀升等私拷教逼無奈混供應與被誣之韓四韓五張文彪等均免置議辛盛宜夏澤普嚴拏務獲究辦事主吳晉訊無串捕誣良情弊惟因贓盜無獲疊次懷疑妄控以致犯証輾轉拖累亦有不合應與冒認贓物之孫樹芳及不知私拷冒昧協拏之地方周鳳鳴均照不應重律杖八十折責發落周鳳鳴仍革役鄉地薛均重牌頭張清才

代劉洛四捏報病故本有合惟劉洛四本係良民因屢受拖累是以串囑捏報並無情實應免置議起出衣物給張張氏當堂具領張張囑妄扳業已病故應毋庸議李三卽李勝先曾在德平縣犯竊被獲業已行查明確其非行劫吳晉案內正盜毫無疑義石功先經山東審明竊案擬絞石八石連富擬軍該犯等於吳晉當備被劫一案現已質審明確並不知情應與李三均解回德平縣照案分別辦理前任寧津縣知縣陳鴻猷典史沈椿固非授意捕役妄擊刑逼供招冀圖銷

那文毅公初任直隸總督奏議

卷四十九

完

案惟於地方被劫之案逸盜未獲並不慎重致差委役查拏以致失察捕役辛盛宜等誣拏無辜私拷教供逼認妄扳率行搜贓拘拏致釀人命實屬溺職查陳鴻猷沈椿均已另案革職相應聲明聽候部議至前任河間府知府景慶一經該縣先後詳報到府卽將全案提郡究出實情前任天津道李鑾宣前任按察司錢臻均因案情疑竇駁仿提審所有失察處分應請免議並供招咨部謹

奏奉

硃批刑部議奏

嘉慶二十一年六月初八日

奏爲據稟拏獲假差嚇拏逞兇各犯儆飭就近嚴訊先行具奏事竊臣接據長垣縣知縣王殿傑稟據該縣快役楊得魁等稟稱四月二十七日夜三更時該役同營兵部國良府役閻興等在樊相集路旁高舖內藏匿探訪東來夜行車輛查緝逆匪忽聞集內聲喊拏賊該役等趕往賊已出村卽趕至五里許之吳屯莊同追賊之地方鄉民姜清標等一同圍裏捆獲送究等情該事主趙榮一同投訊前來訊據趙榮供四月二十七日三更時有人跳小

那文毅公初任直隸總督奏議

卷四十九

半

的東牆進院開啟街門放進多人擁開堂屋門哥子趙振出喊被賊刀砍鼻梁脚趾打傷右臂脊背倒地云係拏賊小的卽由暗地潛出街中喊救鄉鄰保甲齊來查拏賊卽出門逃跑小的與街鄰在後喊追適有差役楊得魁等一同趕至吳屯莊圍住捆獲並將賊執刀棒鐵錮奪下解送等語當卽提齊各犯驗無刺字拷痕訊明申全范得功李守信李湖程記義俱係河南封邱縣人黃文彩尙法禹黃申陳九河張報俱係河南滑縣人飭令當堂認明各人所執刀棒鐵錮繩鞭各器械標封貯庫

據供均係各該縣差役來拏賊犯並買賊贓之趙榮等語將各犯嚴行鎖押該縣隨馳往趙振家勘得該屋東牆上有踏損腳跡堂屋門門推摧折斷勘畢飭令作驗報趙振鼻梁連及左額骨刀傷一處斜長一寸一分濶一分血汚右臂鐵器傷一處長一寸五分濶七分青腫脊骨木器傷一處長四分濶一分青腫左脚大趾刀傷一處斜長五分血汚驗畢錄單附卷訊據趙振供稱宰猪度日兄弟趙榮羊行經紀從無為匪窩賊之事餘供與趙榮供同驗明趙振面臂並無刺字疤痕訊明地鄰

那文毅公初任直隸總督奏議

卷四十九

圭

人等僉供趙振實係良民屠猪買賣為業並無為匪窩賊不法情事具有各甘結附卷該縣當即關知封邱滑縣查明各該縣各班卯簿並無申全黃文彩等十名亦無差遣拏賊等情移覆前來提犯熬訊據黃文彩供認均非差役因貧苦難度四月二十二日在封邱縣城內茶舖與申全相遇談及羊牙子趙榮曾於十八年買過人羊隻可以訛錢使用小的允從約同陳九河尚法禹黃申張報同申全走至新鄉鄧家莊適遇趙榮當向查問買賊贓的事趙榮不認申全說將他鎖住送官有本莊

鄧自新來說合許小的十千大錢把趙榮放走了到四月二十五日尚不見鄧自新送錢來小的與申全商量邀人往拏趙榮訛錢申全說他拾有縣裏拘趙二的小票可以借此去拏趙榮小的恐人少不能拏他就替申全再邀了李守信李潤范得功程記義共十人於二十七日三更同去趙榮家牆外陳九河黃中程記義三人跳東牆進院開啟街門大家進去擁開堂屋門趙振赤身出來喊叫拏賊張報上前砍了趙振鼻梁一刀即將趙振拉出街門因趙振喊嚷不休申全又打趙振脊骨一

那文毅公初任直隸總督奏議

卷四十九

圭

木棒黃文彩打趙振右臂一鐵尺李守信刀砍趙振左脚大指一下趙榮先在街門外喊叫拏賊地鄰們一齊應聲喊拏申全等各拏器械往西南跑走適遇差役兵丁一同追來圍住小的們跑走不脫都被拏獲送案了等供質之趙榮供亦無異語訊該犯等均不認識視現劉第五劉成章等亦不知逃匿何所復將最要次要各犯年貌口音核對均不相符暨供並無習教為匪情事當在申全身上搜出無印硃標小票一紙係封邱縣差兵快帶趙二赴縣質訊之票據供前曾在兵快寓處

工在於桌上偷來等語當將該犯等收禁稟請核
示前來臣查申全先因趙榮曾買羊隻起意假差
訛索輒邀同黃文彩陳九河向法禹黃申張報等
六人向趙榮查問嚇稱鎖住送官經鄧自新說合
許給大錢十千尚未交付申全復起意將偷拾封
邱縣無印硃票糾同黃文彩等指往嚇詐並添邀
李守信等一共十人黃夜跳牆進院開門蜂擁齊
入追趙振赤身起抽申全等四人膽敢將趙振拉
出街門刀棒鐵尺毆砍交加核其起衅係屬自差
嚇詐因賊未入手是以黃夜逞兇查現在欽奉

那文毅公初任直隸總督奏議

卷四十九

七

諭旨飭將各省躡緝員弁概行撤回原恐不法匪徒藉躡
訪之名肆擾詐之惡不肖無裨緝捕轉致為害聞
聞

唐畫精詳至明至遠今申全等十犯竟敢於直東豫三省
交界毗連地方結夥影射詭詐逞兇仰見

聖明洞燭幾先無微不照臣實深欽佩此等曠悍之徒若
僅照兇惡棍徒搜害地方例擬辦尙不足以示刑

戒現已飛檄大名道程卓樑率同大名府知府
劉寶第迅將申全等一千人犯就近提郡嚴行鞠
究一面飭令趙振依限養傷并關商賈人証送

細研審有無另有不法重情錄取確供仍驗明趙
振傷痕是否平復稟報到日另行查核例案從重
定擬示懲謹

奏奉

硃批是審定擬具奏

容旨案此奏具奏後旋即革任交卸移後任
結案

那文毅公初任直隸總督奏議

七

七

那文毅公初任直隸總督奏議卷四十九

那文毅公初任直隸總督奏議卷五十一目錄

卷二十

訓練武備

籌議換防

言罷表兵

勅察馬政

那文毅公初任直隸總督奏議

目錄

十一

那文毅公初任直隸總督奏議卷五十一

上海市歷史文獻圖書館藏

男容安恭輯

訓練武備

嘉慶十九年十一月初二日

奏為敬陳校閱督標營伍情形事竊照督標官兵例於

每年冬間校閱一次以覘優劣臣自京回省後於

十月二十七口暨二十九等日將左右前後四營

並保定城守營官兵次第考校先令配隊走陣步

伐進止俱屬整齊合度施放連環鎗礮均能齊整

籐牌械跳舞便利馬上雜技及演扒雲梯亦極

那文毅公初任直隸總督奏議

卷五十一

十一

趨捷鎗中靶多在七分以上弓箭尙欠講究弓

力臣自六力至十四力不等惟拉弓撒放仍多綠

營樣式未能改正尙須嚴加教演查督標各營兵

丁並未演習長矛似於制勝之具尙未周備臣春

間到任後諭飭各營於教演弓箭鎗礮之外令各

兵丁演習扎桿臣仍率同中軍副將舒凌阿隨時

教演此次考校各兵於扎桿進步撥刺之法少自

可觀臣將技藝較優者當場獎賞人材超眾當

奮勉者另行存記遇缺拔補其技藝軟弱者分別

責革並嚴諭各營將備等及嚴飭提鎮各營一律

督率弁兵認真訓練務使技藝益臻精熟通省悉成勁旅以仰副

聖主整飭戎行修明武備之至意謹

奏奉

硃批實心操練務成勁旅

嘉慶二十年十月十八日

奏為查閱天津鎮標營伍情形事竊照本年輪應查閱直隸等省營伍經部

奏奉

諭旨著各該撫就近查閱欽此由永定河北七工驗

那文毅公初任直隸總督奏議

卷五十

二

收工竣即於十三日馳抵天津該鎮祥啟已將津鎮左右城守並河間通州二協及務關路碑河葛沽霸州靜海武清豐潤玉田舊州張灣采育三河寶坻四黨口各營路官兵先期調集於十三日到來於十五日校閱完竣所有將弁各員年力俱屬壯盛騎射較優者十之四五餘亦合式其鎮標及營路兵丁配隊演陣向屬整齊施放連環亦俱聯絡烏鎗中靶在十五鎗以上例應列為二等弓箭亦屬合式惟演習長矛尚覺稍軟軍裝器械俱尚鮮明查驗馬匹亦屬應壯當將弁兵技藝嫻熟

者當場獎賞其生疎者分別降伍責卑查天津一帶沿海要區兵力必宜精壯

聖主武備修嚴之至意謹

奏奉

硃批知道了

嘉慶二十年十一月初三日

奏為敬陳校閱督標營伍情形事竊照督標官兵例於每年冬間校閱一次以覘優劣今歲輪應校閱營

那文毅公初任直隸總督奏議

卷五十

三

伍之年欽奉

諭旨著就近查閱尤應認真考核自天津回省後於十月二十七暨二十九等日將左右前後四營並保定城守營官兵逐一考校先令配隊走陣步伐進止俱屬整齊合度施放連環鎗礮均能齊整藤牌對械跳舞便利馬上裸技及演扒雲梯亦極趨捷烏鎗中靶多在七分以上弓力自六力至十四力不等步箭每人五矢中至三矢以上者十之六七拉弓撒放較前少知講究各營演習長矛此次考校於扎桿進步撥刺之法較臻熟練將技藝

較優者當場獎賞人材超眾當差奮勉者另行存
記遇缺拔補其技藝軟弱者分別責革並嚴諭各
營將備等及嚴飭提鎮各營一律督率弁兵認真
訓練務使技藝益臻精熟通省悉成勁旅仰副
聖主整飭戎行修明武備之至意謹

奏奉

硃批覽

嘉慶二十一年二月十九日

奏為敬陳查閱馬蘭鎮屬營伍情形事竊臣於上年欽
奉

那文毅公初任直隸總督奏議

卷五十一

四

諭旨派令查閱直隸省營伍所有閱過天津鎮標情形業

經具奏在案茲臣於本年二月十七日抵馬蘭鎮

經兼署鎮臣徐錕將各營官兵先期抽調齊集

即將鎮屬左右二營並遵化薊州黃花山曹家路

墻子路等營將弁逐員考驗年力壯健騎射可觀

者十之七分餘亦合式隨將各營兵丁配隊演陣

進止步伐均屬整齊施放連環亦能連貫鳥鎗中

靶堪列一等弓箭及長矛亦屬合式軍裝器械鮮

明馬匹臆壯當將技藝優嫻將備弁兵當場獎賞

其兵丁內生疎遲鈍者分別責革以示勸懲該鎮

係

陵寢重地守衛尤應嚴肅復諄切嚴飭將備等務須勤

加訓練俾技藝益臻嫻熟仰副

聖主整飭戎行之至意謹

奏奉

硃批知道了

嘉慶二十一年三月二十一日

奏為查閱泰寧鎮屬營伍情形事竊臣於上年欽奉
諭旨派令查閱直隸省營伍所有查閱過天津馬蘭鎮營

伍情形

那文毅公初任直隸總督奏議

卷五十一

五

奏蒙

聖鑒茲臣於三月初十日抵泰寧鎮當經鎮臣成書將各

營官兵先期調集即將該鎮標左右水東三營

暨易州紫荆馬水沿河白石廣昌等營將弁逐員

考驗年力俱屬壯健騎射亦多可觀各營合操配

隊演陣步伐均屬整嚴施放連環亦能聯絡鳥鎗

弓矢中靶均堪列為一等演習長矛亦皆漸次嫻

熟藤牌跳舞一切雜技皆便捷趨健查驗軍裝器

械銳利鮮明馬匹臆壯足額當將材技出色弁兵

分別獎賞存記以昭勸勵復諄囑該鎮嚴飭將

備等倍勤訓練務使益砥精純以仰副

聖主修嚴武備之至意謹

奏奉

硃批知道了

那文毅公初任直隸總督奏議

卷五

六

籌議換防

嘉慶二十年二月二十八日

奏為辦理換防官兵恭摺奏明事竊查烏里雅蘇台科

布多二處向於直隸山西二省派官十一員兵四

百名前往駐防五年期滿更換嗣於乾隆四十六

年經定邊將軍奏請裁減回營兵一百名又經科

布多辦事大臣奏請添留屯田把總一員兵二十

名嘉慶四年定邊將軍又奏添烏里雅蘇台兵八

十名於換班時一併派往共應派官十二員兵四

百名內除山西省派官二員兵三十八名外直隸

那文毅公初任直隸總督奏議

卷五

七

應派官十員兵三百六十二名所有上次派往官

兵自嘉慶十五年三月換防以來今又五年期滿

前接准定邊將軍咨會即先後行據宣化鎮總兵

音登額查明添派並由布政使錢臻會同臣標下

中軍副將舒凌阿議詳前來臣查直隸省應派官

十員內除軍營告留把總三員毋庸另派外現應

於通省旗員內派出參將一員宣化鎮所屬派守

備一員千總一員把總三員外委一員以敷七員

之數又應派兵三百六十二名內除上屆派往此

次告留軍營馬步兵二百八十六名外實應派馬

步匠藝兵七十六名照例馬兵各帶木身營馬所需軍裝鍋帳等件於各營內撥給帶往應需裝載軍器火藥等項馳隻鞍馬俱照土弱之例核明給發口外應需三個月口糧亦仍在於大同府分別支給裹帶其官兵跟役應需裝束等銀均遵照乾隆四十三年欽奉

諭旨照舊賞給至官兵借項除官員遵

旨借俸一年外其養廉餉乾等銀亦按照節次換防成例酌量借給總計一年之數有減無淨仍分季核扣

還項一面撥飭口北道先於軍需項下動支給發

那文毅公初任直隸總督奏議 卷五 八

事竣由藩司核明於司庫內撥還歸款並分咨戶

兵二部謹

奏奉

硃批該部知道

議覆裁兵

嘉慶十九年八月初七日

奏為欽奉裁兵

諭旨恭摺覆奏事竊照本年四月間准兵部咨開三月二

十六日奉

上諭從來兵制與國賦相權而行我朝建設各省營兵久有定額其小有損益亦皆就地方情形隨時酌定惟乾隆四十六年添補名糧額缺案內一時各省驟添兵六萬六千餘名為數較多迄今三十餘年於武備甚無裨益而帑項已多用至四千餘萬前曾降旨令大學士軍

那文毅公初任直隸總督奏議 卷五 九

機大臣會同兵部將增設名糧額數酌量汰減詳議具

奏本日議上朕披覽摺內現在各省額兵六十二萬四

千餘名較之雍正年間及乾隆四十六年以前所增實

多自應酌加裁減惟各該省情形有今昔不同者亦當

熟思審慮各就現在經制參考先後所設兵數泚防控

制情形將應汰應留通盤籌畫庶餉不虛糜而兵皆足

用著各省總督山東山西河南巡撫成都將軍河道漕

運總督各將所屬標下及該提撫鎮協等營兵內每省

可以汰減若干據實具奏彙交原議大臣再行核議欽

此仰見

皇上循名責實因時制宜

睿慮淵深實為經國久遠之計臣踴誦之下曷勝欽服伏

查乾隆四十六年查辦各省名糧其時部臣遵

旨議准添給武職養廉將向扣名糧虛額議令添募實兵

計直隸省共添兵四千七百五名分撥各標營汛

募補足數以資差操迄今三十餘年其間每遇地

方河工先後情形不同節經奏明抽撥嘉慶七年

因永定河南北兩岸巡防乏人經前督臣陳大文

奏明在於督提二標並宣化天津二鎮標撥兵四

百名又嘉慶十六年前督臣溫承惠因承德府地

那文毅公初任直隸總督奏議

卷五十一

十

方遼瀾奏請添設營汛在於督提兩標及宣化鎮

等五鎮標撥兵一千零九十名分別安置本年大

名府又經臣奏明在於督提兩標及天津宣化兩

鎮共抽撥兵一千名分置各處現在督標共兵四

千五百八十九名提標共兵九千二百九十三名

馬蘭鎮標共兵二千六百七十四名泰寧鎮標共

兵三千七十三名正定鎮標共兵五千六百八十

九名宣化鎮標共兵七千一百七十五名天津鎮

標共兵六千一百一名承德府屬捕盜營共兵一

百五十六名順天府屬東西南北四路捕盜營共

兵三百七十二名張家口獨石口二廳捕盜營共

兵八十名統計通省額設馬步守臺墩各兵共三

萬九千二百二名臣伏思設兵固不可以冗濫而

今昔情形不同裁兵亦應加以慎重直隸一省保

障

京畿扼守關塞地利形勢最為衝要向設額兵何處可

以裁減何處應照舊存留必須詳查情形熟籌辦

理方可以昭完備而垂久遠臣到任甫經半載直

隸通省營制雖東南兩路已經親歷而西北兩路

尚未親至其地於地勢山川情形未能周知難於

那文毅公初任直隸總督奏議

卷五十一

十一

懸議裁汰容俟查明全省情形將應汰應留之處

再行悉心妥議陸續奏請

訓示謹

奏奉

硃批知道了

勅察馬政

嘉慶十九年二月初七日會同直隸提督文公憲
奏為查明古北口營馬虧短旗馬未能照例拴養情形
分別擬議事竊臣奉

旨查辦署古北口提督臣文憲所奏馬政廢弛一案遵於
二月初四日馳抵古北口傳集營中軍參將盧銘
中及各營將備暨經營庫項之把總馬清龍等詳
加訊問據將備等僉稱四營例養營馬六百九十
匹歷年陸續虧缺截至十八年十月月底共缺馬二
百四十一匹俱經扣存領到馬乾收貯提督庫內

那文毅公初任直隸總督奏議

卷五十一

十一

計銀二千四百一十兩十八年十一月初旬用銀
二千兩買補馬一百六十一匹尚缺馬八十四匹未
及買補是實等語隨飭委員點驗馬匹數目並存
用馬乾賬目尚屬相符此營馬虧短扣馬乾為馬
價並已補未補之實在情形也又訊旗馬全不喂
養一款據將備等僉稱歷年旗馬俱係提督於領
馬交馬時現派員弁承辦四營將備未曾經手只
求向經營賬目之把總馬清龍訊問就得明白訊
據馬清龍供稱嘉慶十三年以前提督色克通阿
任內辦理營旗馬匹動用銀兩款項業經提督薛

那文毅公初任直隸總督奏議

卷五十一

十二

大烈參辦結案自十三年至十七年古北口應領
旗馬一項俱係折存馬價積存馬乾每年春季買
馬交差交牧所餘銀俱經歷任提督辦公動用至
十八年秋季應領旗馬四百一十四匹亦係循照歷
年辦法折變價銀同冬季領到旗馬乾銀現俱存
庫並未動用等語隨飭開單呈閱與文憲所奏各
款無異弔查歷年底賬總數散數亦屬相符應即
就此定案查定例營馬未滿五年例缺者按年分
多少賠補今古北口營馬虧缺歷年遞積至二百
四十一匹之多雖經買補皆係動用扣存馬乾並
未賠償殊屬不合應將未經買補馬八十四匹並動
用馬乾買馬銀兩均著落歷任提督將備等照數
賠補容臣文憲查明著追辦竣後仍分別報部至
該員等相沿陋習未諳定例既經著賠應請免其
置議至旗馬一項自嘉慶十三年至十七年折變
馬價支領馬乾共計銀四萬九千一百二十四兩
四錢五分七釐內除秋季領馬春季買馬交差一
切費用銀三萬一千五百六十一兩九錢三分又
除貼補各營喂養營馬共銀八千六百五十三兩
八錢一分八釐二共四萬零二百一十五兩七錢

四分八釐雖非本款應動之項究因辦理馬匹事件動用應請免其著賠餘銀八千九百零八兩七錢零九釐內除已經補還銀兩不計外署提督福長安辦公賞兵等項用過銀四百七十兩四錢五分六釐提督薛大烈辦公賞兵等項用過銀二千七百三十兩零九錢六分八釐署提督積拉堪辦公賞兵等項用過銀二百兩提督喜明辦公賞兵等項用過銀四千八百零二兩二錢八分五釐共銀八千二百零八兩七錢零九釐請按各任所用銀兩數目著落賠繳不准請限其馬瑜任內業經

那文毅公初任直隸總督奏議 卷五十一 五

補還銀七百兩仍飭貯庫俟歷任賠繳全完之日歸入旗馬乾項下作正支用至歷任正署提督福長安薛大烈積拉堪喜明均有動用細查卷賬各該員所私自借用者不過十餘兩至數十兩不等為數無多然究係動用公項未便因其以公濟公業經著賠遂免置議仍請

旨分別將用銀較少之福長安積拉堪交部察議薛大烈喜明二人用數過多雖均非私侵入已究有不合應請將該二員交部議處至十八年應領旗馬未經查養本年一屆立夏例應交察哈爾放青臣文

宜現即飭各營將備先將積存馬價馬乾銀兩上緊購辦所有銀兩著落馬瑜賠繳作為喂養旗馬之用至上年秋季領馬之際正值馬瑜奉

命出差未能兼顧業經著賠應請

旨免其交部議處再 臣 那彥成拜摺後即於初七日起程

回京覆

命謹

奏

嘉慶十九年二月初八日奉

上諭那彥成等奏查明古北口營馬虧短旗馬未能照例

那文毅公初任直隸總督奏議 卷五十一 五

查養情形分別擬議一摺古北口營馬歷年虧短扣存馬乾買補並未賠償所有未經買補馬八十四匹並動用馬乾買馬銀兩著歷年提督將備等照數分賠其旗馬一項自嘉慶十三年至十七年折變馬價支領馬乾銀兩除辦理馬匹事件動用各款免其著賠外歷任正署提督辦公賞兵各有動用之項殊屬不合積拉堪用過銀二百兩著交部察議福長安用過銀四百七十餘兩伊係棄瑕錄用之人又私行挪用公項著交部議處薛大烈用過銀二千七百餘兩喜明用過銀四千八百餘兩均著交部嚴加議處伊四人所用銀兩仍著照數賠

繳不准分限餘俱照所議完結該部知道

那文毅公初任直隸總督奏議

卷五

夫

那文毅公初任直隸總督奏議卷五十

那文毅公初任直隸總督奏議卷五十一目錄

卷五十一

推薦賢能

議改定告病人員題咨出缺日期

那文毅公初任直隸總督奏議

目錄

一

那文毅公初任直隸總督奏議卷五十一

男容安恭輯

推薦賢能

嘉慶十九年三月初四日

奏為查明承辦兵差尤為出力各員遵

旨保奏恭懇

聖恩事竊臣承准軍機大臣字寄欽奉

上諭自上年剿捕逆匪以來直隸承辦兵差及馳遞軍報

文武各員均能妥協經理並無貽誤著那彥成詳悉查

明擇其尤為出力者秉公保奏給予議敘欽此

那文毅公初任直隸總督奏議

卷五十一

之下仰見

皇上獎勵微勞

施恩優渥不勝欽佩伏查上年滑縣逆匪滋事延及直隸

邊境地方經前督督臣章煦督率各員設立軍需

總局調度一切並飭委員安設臺站派調車馬運

送軍裝糧餉承辦文移稿件均能認真出力不辭

勞瘁今遵

旨詳悉查明擇其尤為出力者開單保奏仰懇

皇上

天恩加以鼓勵各員深荷

鴻慈自必倍深感激至沿途州縣馳遞軍報迅速無悞容

查明造冊另行咨部議敘謹

奏

嘉慶十九年三月初六日奉

上諭那彥成奏遵旨保奏承辦兵差出力各員一摺加恩

著照所請清河道魯銓交部議敘候補知府李蕃候補

同知管文愷候補縣丞包駿著儘先補用清苑縣知縣

金洙著以應陞之缺儘先陞用順德府同知姚嗣懋務

關同知田宏猷河工候補同知姚麟綬候補同知陳世

相漕運通判沈旺生候補通判顧汝壽河工候補通判

那文毅公初任直隸總督奏議

卷五十一

孫宜衷候補知縣陳華祝布政司經歷王綬布政司庫

大使方九錫候補州判楊思華吳橋縣縣丞胡奉恩候

補縣丞唐淳周維嘉余萬清任邱縣主簿竇炳廷磁州

吏目宋廣僕候補未入流殷璋杜占春沈元文著交部

從優議敘揀發知州劉用和顏樾揀發知縣何茶趙州

州判施溥長蘆候補經歷徐本厚濠縣縣丞張曦午束

鹿縣縣丞萬文選候補縣丞胡繁澍俞大勳候補吏目

包駸鹽山縣巡檢宋邦進唐縣巡檢練夔候補從九品

李師伊張欽祖邵騏候補未入流黃麟書念懷祖著交

部議敘該部知道摺單併發

嘉慶十九年三月初四日

奏上年滑縣逆匪滋擾之時藩司素納先因查災出省

行抵順德接聞此信值高杞署理河南巡撫卸事

進京彼此晤面相商高杞奏明回至河南帶兵剿

捕該司隨即馳至大名一面調集兵丁僱募壯勇

分投布置防堵開州東明長垣迤北州縣不致被

賊蹂躪生靈得以保全實係該司之功迨各路大

兵齊集該司駐劄大名總辦省南軍需督率委員

辦理軍火糧餉均皆妥速且無糜費該司曾在軍

機章京上領班行走臣深知其辦事敏捷居心大

那文毅公初任直隸總督奏議

卷五十一

三

方此次受

恩身任藩司益加小心勤練洵為可靠惟該司係屬大員

臣未敢保奏但既有此微勞亦不敢壅於上

聞應如何施

恩之處伏候

聖裁謹

奏

嘉慶十九年三月初六日奉

上諭素納在直隸藩司任內為日本淺失察逆案其咎尚

輕上年在大名府城防堵總辦軍需均屬妥協著加恩

交部議敘

嘉慶十九年三月初九日

奏原任陝西軍標遊擊劉英魁前在開州軍營出力經

托津奏蒙

恩旨以守備卽用例應給咨赴部候補惟該員向來緝捕

熟悉現經臣委令查拏各要犯可否留於直隸差

遣遇有守備缺出照例補用出自

皇上

天恩謹

奏奉

那文毅公初任直隸總督奏議

卷五十一

四

硃批依議兵部知道

嘉慶十九年三月二十二日

奏為守令因公革職奏懇

聖恩俯准捐復原官留直補用以重人材而資治理事竊

照直省幅輿遼濶政務殷繁平時治理匪易首在

守令得人而大名一帶地方賊氛平定之後辦理

一切善後事宜以及緝拏要犯亦須在直年久熟

悉地方情形之員差委方可得力臣與兩司留心

察看有原任永平府知府薛學詩由大名府經歷

游陞知府在直三十餘年於地方情形極為熟悉

歷任衡途州縣頗得民心辦理要差俱能妥協無
悞實為老成結實可靠之員前因山東曲阜縣管
勾官王肇興等赴京呈控孔傳標家旗借用銀兩
案內奉

旨交部革職嗣經查明具奏該參員雖止會審二次但

未悉心研鞠業經革職免其置議又原任保定縣
知縣傅德臨浙江進士分發直隸補授保定縣知
縣在任三年留心民事輿情貼服官聲甚好因羊
販在境踐食麥苗鄉民聚眾驅逐該員未能妥為
彈壓又且具稟遲延經前任督臣溫承惠奏參革

那文毅公初任直隸總督奏議

卷五十一

五

職以上二員係可用之材核其革職處分皆屬因
公若聽其終身廢棄未免可惜且薛學詩同案革
職之保定府知府沈華旭同知俞英世經溫承惠
奏請捐復欽奉

上諭著毋庸捐復沈華旭加恩以同知通判用俞英世加
恩留於直隸以知縣用欽此茲據薛學詩等呈請捐復
由司具詳前來可否仰懇

皇上天恩俯念人材難得

准令薛學詩傳德臨照例捐復原官留於直隸差委遇有
相當缺出酌量補用如蒙

俞允所有該員等捐復銀兩即在直隸藩庫交納遇便搭
解部庫謹將各該員革職原案事由開具清單恭

呈

御覽謹

奏

嘉慶十九年三月二十四日奉

上諭那彥成奏已革知府薛學詩已革知縣傅德臨懇請
捐復原官留直補用一摺薛學詩現已年老其同案革
職之知府沈華旭前經降旨以同知等官補用薛學詩
著毋庸捐復加恩以同知通判用傅德臨著准其捐復

那文毅公初任直隸總督奏議

卷五十一

六

原官俱著留於直隸差委遇有相當缺出酌量補用該
部知道

嘉慶十九年四月初三日

奏為直隸州知州要缺需員揀選奏懇

聖恩俯准陞署以資治理事竊查易州直隸州知州趙錫
蒲出缺查有清苑縣知縣金洙居心謹慎辦事勤
練先經委署易州印務辦理無悞以之陞署易州
直隸州知州實堪勝任惟該員歷俸未滿三年與
例稍有未符第人地實在相需且係欽奉
特旨應陞之員謹遵例專摺奏請合無仰懇

聖恩俯准以金洙陞署易州直隸州知州於要缺實有裨益謹

奏奉

硃批吏部議奏

嘉慶十九年五月初七日

奏為副將員缺奏懇

聖恩俯准揀補以重營伍事竊照直隸河間協副將張國

楹因病告休經臣另疏

題報所遺員缺例應歸部推補但查奉

旨簡發人員遇有部推缺出人地相宜亦例得請補茲查

那文毅公初任直隸總督奏議

卷五十一

七

有候補副將克什德由健銳營前鋒出師石峰堡

打仗出力得頭等功牌洵陞護軍參領嘉慶十八

年九月經

欽派大臣揀選由兵部帶領引

見奉

旨著發往直隸以副將差遣委用十八年十月二十五日

至河南軍營在濬縣道口滑縣等處節次打仗出

力該員年力正壯弓馬可觀先經委署河間協副

將數月以來於操防催趨各事宜頗能認真整飭

經理洵屬人地相宜理合循例奏懇

天恩俯准以候補副將克什德補授河間協副將實於營伍漕務均有裨益謹會同直隸提督臣徐錕合詞具奏謹

奏

嘉慶十九年五月初九日奉

上諭那彥成奏揀補副將一摺著照所請克什德准其補

授直隸河間協副將該部知道

嘉慶十九年五月初十日

奏為首道員缺繁要揀選奏懇

聖恩俯准陞署以裨治理事竊照清河道魯銓病故遺缺

那文毅公初任直隸總督奏議

卷五十一

八

現經臣恭疏

題報所遺員缺例應在外題補該道駐劄省城管轄兩

府五直隸州兼有河防之責事繁任重非勤幹有

為之員弗克勝任臣與藩臬兩司於通省道府內

詳加遴選查有永平府知府韓文綺年四十八歲

才具幹練老成居心誠謹以之補授清河道實堪

勝任惟歷俸未滿五年與陞補之例稍有未符而

通查現任各知府均無合例之員今謹虛公慎選

遵人地相需之例專摺奏請合無仰懇

皇上天恩俯准以永平府知府韓文綺陞署清河道實於

要缺有裨謹

奏

嘉慶十九年五月十二日奉

上諭那彥成奏首道員缺緊要循例揀選一摺韓文綺准其陞署清河道該部知道

嘉慶十九年五月二十二日

奏為欽奉

上諭恭摺覆奏事竊臣承准軍機大臣字寄欽奉

上諭本日那彥成奏揀員陞署道缺一摺已照所請准其

以韓文綺陞署清河道矣其所遺永平府知府本係請

那文毅公初任直隸總督奏議 卷五十一 九

旨之缺據稱該省現有應補人員另行開單請簡昨有

發往直隸之前任陞署通永道祝慶承曾任永平府知

府如該員於此缺合例堪補即將祝慶承奏請補授倘

與例未符另行揀員請補可也欽此伏惟

皇上日理萬幾

宵旰憂勤乃於大小臣工

召見數旬之後猶能記及仰見

聖明天縱

留意人材內外諸臣無不同深感激欽佩之至惟查祝慶

承前由永平府知府陞署通永道業經引

見欽奉

諭旨准其陞署已屬實任道員今若補授永平府係屬降

補該員才具精詳辦事勤敏察其前在永平府任

內十年官聲甚好祝慶承應請遇有相當道員缺

出再行奏補現經臣委令該員馳赴故城一帶催

趙漕船回省尙需時日所有永平府員缺緊要謹

將直隸候補道府開單恭呈

御覽伏祈

皇上簡放一員以便即令接印任事謹

奏

那文毅公初任直隸總督奏議 卷五十一 十

嘉慶十九年五月二十四日奉

上諭那彥成奏永平府知府員缺開單請簡一摺永平府

知府著景慶調補所遺河間府知府員缺著張翔補授

該部知道

嘉慶十九年五月二十九日

奏為辦理賑務編查保甲等事宜認真出力各員奏懇

聖恩事竊照大名府屬開州東明長垣三州縣地方上年

被賊滋擾仰蒙

聖主派兵勦捕迅速肅清所有隨營差委出力文職各員

業經托津並臣先後保奏均已仰邀

允渥沐

恩施凡在 臣 工無不同深感激惟該州縣等軍務告竣之

後應須散放

恩賞口糧經理粥廠編查保甲及支放留防官兵餉糈在

在需員差委前據大名道屠之申大名府劉寶第

稟請將前在軍營投効並派在糧臺當差各員投

効知縣蔚音芳等十餘員酌留在彼幫同地方官

辦理經 臣 批准在案茲查數月以來該員等辦理

散賑煮粥及查辦保甲等事均極認真出力始終

不懈現已次第竣事據該道府核定各員勞績開

那文毅公初任直隸總督奏議

卷五十一

十一

單稟請核辦前來查該員蔚音芳等委辦事件均

能實心經理毫無貽誤洵屬奮勉可嘉理合開具

清單恭呈

御覽合無仰懇

聖慈分別

施恩以示鼓勵謹

奏

嘉慶十九年六月初二日奉

上諭那彥成奏辦理賑務編查保甲出力各員懇恩分別

鼓勵一摺上年直隸開州東明長垣三州縣被賊滋擾

居民失業經那彥成派員經理粥廠編查保甲及支放

防兵餉糈等事茲據該督查明該員等數月以來均極

認真出力加恩著照所請候選知縣蔚音芳試用知縣

陳珪開復知縣陳池養石梁俱准其留於直隸照例補

用其蔚音芳一員仍令捐足分發銀兩在直隸藩庫交

納遇便解部候補知縣呂國珍准其儘先補用候補從

九品張欽祖未入流杜占春俱准其以應陞之缺陞用

至大名府同知謝賜翰等九員該督既稱其辦事奮勉

現在逆犯未獲者尙多著即將該員等分派各路躡緝

如能將祝現等要犯訪獲必施恩立予超擢卽緝獲次

那文毅公初任直隸總督奏議

卷五十一

十一

要之犯亦可量與甄敘其此次請給議敘之處著毋庸

議

嘉慶十九年六月二十四日

奏為知縣丁憂遺缺遴員奏懇

聖恩俯准署理以示鼓勵事竊查博野縣知縣韓奕均丁

憂出缺業經另疏

題報在案伏查例載各省知縣所出選缺內丁憂叅効

二項遺缺除辦理軍務出力欽奉

特旨儘先補用人員准該督撫扣留題補外其餘概不准

扣留等語又嘉慶十八年十一月內欽奉

上諭御史陳用光奏察吏之方宜責成大吏苟其有私雖循例保舉未嘗不可市恩苟其無私雖破格超擢不必疑其逾例等語國家牧民之官首重州縣州縣得人何利不興何害不除嗣後各直省州縣要缺該督撫遴選賢能之員專摺保奏除該員現有私罪處分仍奏明飭駁外其任內一切因公處分均可毋庸核計以收推賢舉能實效欽此仰見

皇上獎勵人才之至意今博野縣雖係專疲簡缺應歸部選第該縣經管堤工催徵匪易近年民情不盡淳良治理頗為不易恐部選初任人員未能得力

那文毅公初任直隸總督奏議

卷五十一

十三

與藩臬兩司公同商酌查有捐復原官之大挑試用知縣畢裕曾才具開展年力正壯以之署理博野縣專疲簡缺實堪勝任惟係捐復試用之員並非軍功先補卽補亦例不准補丁憂之缺第究係軍營出力與尋常試用捐復人員有間合無仰懇聖恩俯准以畢裕曾署理博野縣知縣如蒙俞允給咨送部引見仍照例試看期滿如果稱職另請實授謹

奏奉

硃批吏部議奏

嘉慶十九年六月二十四日

奏查永定河南北兩岸工段綿長險工林立每遇伏秋盛漲拍岸盈堤搶護巡防在在需員經理本年入伏之初卽經派委地方候補人員交永定河道李逢亨差遣委用茲據該道稟稱永定河連次漲水埽段堤工間有墊陷刷塌之處均經晝夜趕緊加鑿下埽立時搶護穩固查有地方候補通判朱綸光章慶淇軍功儘先補用縣丞包駿候補縣丞陳嘉謨四員幫同搶護最爲出力懇請留於河工學習等情前來查本年永定河入伏之後節次

那文毅公初任直隸總督奏議

卷五十一

十四

漲水埽段堤工間有墊陷仰賴聖主洪福立時搶護平穩得保安瀾實深慶幸所有隨同幫搶出力之地方候補通判朱綸光章慶淇縣丞包駿陳嘉謨四員既肯學習出力且該道亦稱實屬奮勉合無仰懇聖恩卽以對品改撥河工以資差委伏候

睿裁謹

奏

嘉慶十九年六月二十六日奉

上諭那彥成奏地方候補通判朱綸光等四員派在永定

河防汎搶護出力懇請改撥河工等語著照所請候補
通判宋綸光章慶洪縣丞包駿陳嘉謨俱准其以對品
改撥河工委用

嘉慶十九年九月初一日

奏為道府員缺緊要揀選奏懇

聖恩俯准陞補以裨治理事竊查通永道李鑾宣蒙

恩補授直隸按察使所遺員缺係衝繁疲難四項相兼在

外題補要缺該道管轄通州等處及永平遵化二

府州兼管北運薊運等河經理修防並催漕漕運

等務責重事繁非幹練之員弗克勝任臣於通省

那文毅公初任直隸總督奏議 卷五十一 五

道員知府中詳加遴選查有保定府知府盛泰精

明幹練心地質樸可信實堪勝通永道要缺之任

惟歷俸未滿五年與陞補之例稍有未符但人地

實在相需且經奉

旨賞加道銜即係應陞之員合無仰懇

聖恩俯准以保定府知府盛泰陞署通永道實於

畿輔地方並河工漕務可期得力所遺保定府員缺係

附省首郡四項相兼最要之缺政務殷繁常有發

審案件歷次出缺均奉

特旨揀員調補臣於通省知府中遴選皆非台例堪副之

員查現在省垣藩臬兩司並清河道均係漢員似

應補一旗員首府以符體制現在之承德府知府

嵩齡永平府知府景慶順德府知府岱齡雖均係

旗員第承德府亦係要缺景慶岱齡係屬初任均

未便調補惟查有揀發候補知府阿霖由繙繹生

員考取中書揀發雲南補授順寧府通判推陞湖

北興國州知州因帶兵勦捕教匪出力奉

旨賞戴花翎游陞郎陽府知府調補武昌府知府緣事革

職捐復原官十八年十月揀選引

見奉

那文毅公初任直隸總督奏議 卷五十一 六

旨發往直隸差遣委用該員才具老成精細幹練歷署順

德河間府印務辦理裕如該員曾任湖北首府合

無仰懇

天恩俯准以阿霖補授保定府知府於省會要缺洵有裨

益謹

奏

嘉慶十九年九月初三日奉

上諭那彥成奏道府員缺緊要揀選陞補一摺盛泰著准

其陞署通永道所遺保定府知府員缺即著阿霖補授

該部知道

嘉慶十九年九月十一日

奏為請留熟悉營伍之推陞遊擊以資整飭並因攜帶幼孩部議降調之都司奏懇

聖恩俯准捐復原官留直差委事竊臣接准兵部咨直隸

大名協杜勝營都司陳夢熊推陞江西撫標右營

遊擊繕給劄付限票行令轉飭赴任等因臣查陳

夢熊正白旗包衣漢軍由粘竿處拜唐阿歷陞三

等侍衛嘉慶十四年蒙

恩補放直隸獨石口協赤城營都司十七年調補大名協

杜勝營都司駐劄大名府屬東明縣地方迄今兩

那文毅公初任直隸總督奏議

卷五十一

七

年於該處情形極為熟悉上年豫東匪徒滋事擾

及東明該員督率兵勇剿堵甚為出力已蒙

聖恩賞戴藍翎迨軍務告竣查拏土獲緝捕餘匪尤能不

辭勞瘁現在該處添募新兵巡防操演均關緊要

似非熟諳之員不可勝任合無仰懇

天恩俯准將陳夢熊以陞銜暫留本任俾資整飭仍俟直

隸遇有遊擊缺出再行奏請補用又泰寧鎮標馬

水口都司馬起龍雲南昆明縣人由行伍出師黔

楚等省遞陞把總奉

旨賞戴藍翎洊陞今職上年派赴滑縣剿賊出力蒙

恩賞換花翎因該員於凱撤時攜帶男孩四名將兩名交

與伊弟馬起祥帶回原籍經泰寧鎮總兵成書查

明奏奏部議降三級調用本應飭令回籍候補但

念該員年壯力強平日操防勤慎實屬直省得力

之員核其降調處分係因不諳法律所致今據該

員呈請捐復前來合並仰懇

聖恩俯准馬起龍捐復原官留於直隸差遣補用如蒙

俞允應繳捐項飭令在於直隸藩庫就近完繳遇便解部

謹

奏奉

那文毅公初任直隸總督奏議

卷五十一

六

硃批依議准留准捐復該部知道

嘉慶十九年十月十四日

奏為恭懇

聖恩事竊查山東候補縣丞捐陞通判陳建前在軍營出

力經臣奏蒙

恩准留於直隸儘先補用嗣接吏部咨該員寄籍直隸祖

籍浙江於嘉慶十六年改歸祖籍尚在定例三十

年以內行令迴避臣因查該員現在委令查核報

銷其從前寄籍直隸實係浮居並無田產墳墓奏

請仍留直隸補用欽奉

上諭陳建准其暫留直隸承辦報銷俟事竣後赴部迴避

欽此臣自應欽遵何敢再事竇奏惟查定例寄籍

人員改歸祖籍三十年後原准在寄籍出任今該

員前此寄籍直隸實因遊幕浮居並無墳墓出廬

亦非在直生長既據改歸祖籍留直服官似無妨

礙該員自去歲軍營隨溫承惠前往嗣又臣隨辦

事人頗端正深悉刑名洵為直隸得力之人查直

省缺苦差繁久邀

聖明洞鑒臣為直隸得人起見亦不能盡洽其私情不揣

冒昧謹再專摺奏懇

那文毅公初任直隸總督奏議 卷五十一 九

聖恩俯准免其迴避仍留直隸差委遇有地方河工通判

缺出酌量補用俾臣得收指臂之助仍俟該員得

缺後送部引

見又開復知縣吳寶裕浙江進士前在元城縣任內緣事

草職十六年五臺差次恭迎

聖駕欽奉

恩旨賞給縣丞銜上年投効軍營審辦搜獲零匪多名究

出傳教大頭目經大學士托津保奏奉

旨開復原官該員在直多年於地方差務情形極為熟悉

合無仰懇

天恩留直差委俟有相當缺出奏請補用謹
奏

嘉慶十九年十月十五日奉

上諭據那彥成奏請留直差委人員一摺捐陞通判陳建

著照所請免其迴避寄籍仍留直隸遇有地方河工缺

出酌量補用開復知縣吳寶裕亦著留直差委俟出有

相當之缺奏請補用該部知道

嘉慶十九年十一月初五日

奏查提標參將伊昌阿將提督發交收管草職都司哲

克東額派撥額外委張鐸目兵趙忠劉德在店

那文毅公初任直隸總督奏議 卷五十一 十

看守不期哲克東額乘間自刎身死該營本無監

獄外委亦非獄卒哲克東額又未帶有刑具較失

防獄囚自盡之案情節為輕查獄囚失於檢點防

範致囚自盡獄卒杖六十司獄官典史笞五十提

牢官笞四十今伊昌阿派委不愼致哲克東額自

戕殞命將看守之弁兵照司獄官典史及獄卒之

律分別科以笞杖該員伊昌阿應照提牢官律擬

笞四十係公罪例止罰俸六箇月提督徐錕請奏

將該員嚴加議處似屬過重嗣兵部因原奏係嚴

加議處是以議以降二級調用惟查該員伊昌阿

由藍翎長派赴湖北出師節次打仗出力經額爾

登保奏陞直隸霸州營遊擊蒙

恩賞戴花翎旋陞直隸提標中軍參將該員弓馬漢仗均

極去得且在直年久熟悉營伍上年派赴開州等

處勦辦賊匪頗著勞績洵為可用之材惟有仰懇

聖主逾格

鴻慈俯念該員伊昌阿因公過誤提督原奏過重仍請照

例給予議處發直隸差遣以原官補用降調之案

帶於新任可否之處出自

皇上

那文毅公初任直隸總督奏議

卷五十一

三

天恩謹

奏

嘉慶十九年十一月初七日奉

上諭那彥成奏參將伊昌阿因派委不慎致哲克東額自

戕殞命提督徐錕原奏過重請仍照例給予議處以原

官補用等語伊昌阿曾在軍營出力其派委不慎係屬

公過加恩著以原官發往直隸差遣委用前部議降二

級調用之處改為降二級留任帶於新任

嘉慶十九年十二月十四日

奏為查明急公勉力捐辦協濟兵差車輛之各縣令奏

懇

聖恩俯加鼓勵以昭激勸事竊照上年三省軍需京營吉

林索倫各路官兵經由各州縣應用車輛因兵行

迅速車數較多急切未能僱備經總局司道飭令

偏僻州縣代為僱覓趕赴派定站所供應協濟始

克無悞事竣之後各州縣應需車價例應彙入大

道州縣按站報銷內有固安縣知縣何貞於奉文

派調之初即首倡捐辦又有文安縣知縣陳彥保

定縣知縣楊維謚昌黎縣知縣湯承恩廣平縣知

縣鄭長年本年報銷之時亦請捐廉辦理又據威

那文毅公初任直隸總督奏議

卷五十一

三

縣知縣陳念祖具稟該縣派調協濟車輛係前任

已故知縣于學宗捐辦亦請毋庸報銷經 臣 批令

總局司道俟報銷完竣時彙核詳請奏請

恩施茲據該司道查明軍需報銷業已核竣將何貞等詳

請獎勵並將查出違例開銷之唐縣知縣李涌詳

揭請參前來除昌黎縣知縣湯承恩現已卓薦已

足示之鼓勵廣平縣知縣鄭長年因才力不及已

於

大計案內劾參前任威縣知縣于學宗業已物故唐縣

知縣李涌另揭參奏均毋庸置議外內惟固安縣

知縣何貞首先捐僱協濟兵車已堪嘉尚且該員上年緝拏匪犯頗為出力平日居官聲名亦好民事甚屬認真實為出色之員臣前次在京與劉鏞之議及亦稱該員誠實可靠因核與卓薦年例未符是以未經列入查此次軍需用項將及百萬總核結案功過必須嚴明方足以示懲勸今劣員李涵既已叅處則素有實蹟賢員亦不可墜於

上聞合無仰懇

皇上天恩俯准將固安縣知縣何貞

賞加知州職銜至文安縣知縣陳彥保定縣知縣楊維謐

那文毅公初任直隸總督奏議

卷五十一

三

捐僱兵車並不請銷銀兩亦屬急公合無仰懇

聖恩各賞給軍功加二級其餘兵行經由各州縣均能辦

理無悞照例請

旨賞給軍功加一級內中如有舞弊者一經查出再行嚴

叅具奏至辦理軍需局各員總司出入核計賬目

夙夜在公亦不無微勞可錄咨俟臣督同司道秉

公查明具奏謹

奏

嘉慶十九年十二月十六日奉

上諭那彥成奏捐辦協濟兵差車輛之知縣懇加鼓勵一

摺上年官兵經由各州縣應用車輛較多該縣令等捐廉僱覓供應協濟尚屬急公固安縣知縣何貞首先捐辦著加恩賞加知州銜該員前經拏獲逆賊多名仍責令認真緝捕文安縣知縣陳彥保定縣知縣楊維謐著加恩各賞給軍功加二級其餘兵行經由各州縣辦理無悞者著各賞給軍功加一級該部知道

嘉慶十九年十二月二十一日

奏為軍需報銷辦理完竣查明實在始終出力各員奏

懇

聖恩以示鼓勵事竊查直隸軍需用項為數幾及百萬頭

那文毅公初任直隸總督奏議

卷五十一

三

緒紛繁款項不一辦理報銷之員必須破除情面

一秉至公方能實用實銷不致稍有冒濫節經臣

諄飭局員認真稽核茲直隸軍需報銷業已全案

核竣由司道具詳臣覆核奏蒙

聖鑒所有辦理報銷各員自二月設局至今或總司賬目

或分任鈎稽均能條款肅清始終不懈至局中各

書吏承辦文移檔案繕寫冊籍亦能罷勉急公似

應核其勞績奏懇

恩施臣與總局司道秉公確核分別等差繕具清單敬呈

御覽可否

俯允臣所請出自

聖主逾格鴻慈謹

奏

謹將辦理軍需報銷實在始終出力各員及急公勉力之書吏開列清單恭呈

御覽

順德府同知姚嗣懋該員人本明白居心端正此次辦理報銷總司賬目頗能秉公洵屬認真出力請

旨賞加知府銜

那文毅公初任直隸總督奏議

卷五十一

五

卽陞同知蓋縣知縣俞英世該員鈎稽賬目核減淨溢頗能實力細心請

旨以同知卽補

候補道府葉紹本該員先在大名一帶督查保甲

甚為詳細迨派入軍需局催辦報銷亦極認真

候補河工通判孫宜衷候補未入流黃麟書核算

賬目攢造冊籍均極出力

以上三員請

旨儘先補用

鹽山縣巡檢宋邦選隨同姚嗣懋等核算賬目攢

造冊籍甚為出力請

旨以應陞之缺陞用

原任博野縣知縣韓奕均原任望都縣知縣白明

義該員等核算報銷款目不辭勞瘁可否仰懇

聖恩俟該二員服闋後仍留直隸以原官補用投効不論

雙單月候選從九品何兆蘭該員隨同姚嗣懋等

查核報銷款目晝夜辛勤甚為奮勉可否仰懇

聖恩准其捐足分發留於直隸補用所捐銀兩卽在直隸

藩庫就近完繳解部書吏吳江朱堂朱步雲沈汝

梅李裊辦理文案繕寫冊籍臣督催嚴緊晝夜趕

那文毅公初任直隸總督奏議

卷五十一

五

繕此五人極為奮勉查吳江遵川楚例捐不論雙

單月從九品復道工賑衡工事例加捐過班懇

恩交部遇缺卽選朱堂朱步雲沈汝梅李裊懇

恩賞給從九品職銜

嘉慶十九年十二月二十一日

奏臣上年在滑縣軍營所有溫承惠帶去直隸總督衙

門候選吏員沈隆隨營辦理一切文移稿案晝夜

辛勤不辭勞瘁事竣之後經臣將沈隆咨部議敘

嗣准吏部咨因臣未經奏明不便照咨給予議敘

等因查沈隆係考取從九品選用吏員前在軍營

辦事實為出力相應奏明請
旨給予議敘以示鼓勵謹

奏

嘉慶十九年十二月二十三日奉

上諭那彥成奏軍需報銷辦理完竣查明出力各員開單
懇請鼓勵一摺本年直隸辦理軍需報銷該官吏等能
勉急公加恩著照所請將順德府同知姚嗣懋賞加知
府銜蠶縣知縣俞英世以同知即補候補道府葉紹本
候補河工通判孫益衷候補未入流黃麟書俱儘先補
用鹽山縣巡檢宋邦暹以應陞之缺陞用原任博野縣

那文毅公初任直隸總督奏議

卷五十一

三

知縣韓奕均原任望都縣知縣白明義俱俟服闋後仍
留直隸以原官補用投効從九品何兆蘭准其在直隸
藩庫捐足分發留於直隸補用從九品吳江交部遇缺
即選書吏朱堂朱步雲沈汝梅李裊俱賞給從九品職
銜其另片奏前在滑縣軍營辦事之考取從九品候選
吏員沈隆並著給予議敘該部知道摺單併發

嘉慶二十年正月十四日

奏為揀員請補遊擊以資整飭事竊照直隸督標後營
遊擊圖勒畢善參革遺缺接准兵部咨行令於應
陞應補人員內揀員題補臣遵即逐一揀選查有

正定鎮標大名協屬杜勝營都司陳夢熊由粘竿
處拜唐阿歷陞都司經前督臣溫承惠卓薦引

見奉

旨著回原任候陞遊擊欽此嗣因豫東教匪滋事擾及東

明長垣該員督率兵勇打仗勇往出力經臣奏蒙

恩旨賞戴藍翎十九年經兵部推陞江西撫標右營遊擊

臣因大名協屬添募新兵巡防操演均關緊要非

熟練之員不克勝任奏請將陳夢熊以陞銜暫留

本任俾資整飭俟直隸遇有遊擊缺出再行奏請

補用奉

那文毅公初任直隸總督奏議

卷五十一

天

旨允准該員漢仗好在省情形熟悉本係推陞遊擊以之
補授督標後營遊擊實屬與例相符至杜勝營地
方甫經平定仍令該員在彼暫署該處都司事務
俟題補得人再行飭令到營任事謹

奏奉

硃批准其補授兵部知道

嘉慶二十年二月初一日

奏為知縣人地未宜揀員奏懇

聖恩俯准對調以資治理事竊查深州所屬饒陽縣向定
疲難中缺近年以來民俗刁健訟獄繁興兼之糧

多積欠較前日見難治必須精明幹練之員方足以資整飭現任知縣王子音年力尚健辦事謹慎在任六年尙無廢弛劣蹟惟才具未能幹練近日辦理公事稍形竭蹶於饒陽縣地方現在情形不甚相宜與其日後貽誤不若另行揀員調補臣與藩臬兩司公同遴選查有趙州屬隆平縣知縣陳晉例案熟悉才具精勤以之調補饒陽縣知縣堪以勝任其所遺隆平縣無字簡缺幅幘僻小政務亦簡如以王子音調補可期辦理無悞惟查陳晉因丁憂起復遲延有部議降一級調用奉

那文毅公初任直隸總督奏議

卷五十一

三

旨改為降二級留任處分且以簡缺請調疲難中缺王子音亦有承緝盜案降級留任處分與例均有未符臣為饒陽地方難治必需得人起見謹遵例專摺奏請合無仰懇

聖恩俯准以隆平縣知縣陳晉調補饒陽縣知縣所有該員呈報丁憂起復遲延部議降級處分仍請帶於新任俟扣滿年限另請開復所遺隆平縣簡缺卽以王子音調補如此一轉移間於饒陽難治之區既可收得人之效而隆平偏僻小邑王子音亦得勉供厥職實屬兩有裨益謹

奏奉

硃批吏部議奏

嘉慶二十年二月初七日

奏為委署道篆並將候補人員開單請

旨簡放以重地方事竊照通永道盛泰蒙

恩補授直隸按察使所遺員缺係衝繁疲難四項相兼要

缺兼有管理北運蘄運等河現值春融冰泮之際

有督辦歲修工程及預籌南漕抵壩交兌事宜且

轉瞬恭逢

聖駕展謁

那文毅公初任直隸總督奏議

卷五十一

三

東陵臨幸盤山經由蘄州三河通州一帶地方均係該道

管轄緝捕彈壓尤為緊要必須委員接署查有候

補道祝慶承曾任通永道於該處情形最為熟悉

堪以委令署理至此缺例應在外

題補茲將直隸候補道三員並奉

旨揀發以道府差遣委用之葉紹本一員開具清單敬呈

御覽恭懇

聖恩俯賜簡放一員以重地方謹

奏

嘉慶二十年二月初九日奉

彥成奏開單請揀道員一摺直隸通永道員缺卽
著祝慶承實授

嘉慶二十年二月二十八日

奏爲仰懇

聖恩事竊臣接准兵部咨開直隸提標前營遊擊滿德坤

推補湖南臨武營參將行令臣出具考語送部引

見等因自應遵照辦理第查直隸營伍現當整飭之際首

在出色將領大員督飭教演方可期有起色滿德

坤由武進士二等侍衛補授直隸提標前營遊擊

嘉慶十一年四月十九日到任經前任督臣溫承

那文毅公初任直隸總督奏議

卷五十一

三

惠兩次卓異嘉慶十八年九月間派赴開州一帶

勦捕賊匪奮勇出力經

欽差協辦大學士托津保奏蒙

恩賞戴花翎該員漢仗好技藝嫻熟且在直年久於地方

營伍情形均極熟諳實爲出色之員伏查直隸武

職各缺向因部推居多年陳賚深而其人已老往

往難收得人之效現在臣與提督各鎮將衰軟之

員均斥革勒休從嚴甄別今滿德坤一員可否仰

懇

皇上天恩俯准仍留直隸補用以裨戎政如蒙

俞允直隸現出有務關路參將一缺係例應在外揀選題

補之缺請卽以滿德坤補授仍給咨送部引

見其湖南臨武營參將員缺請照例仍歸部推臣與徐錕

面商意見相同不揣冒昧奏懇

皇上天恩謹

奏

嘉慶二十年二月三十日奉

上諭那彥成奏請將部推參將留直補用一摺著照所請

滿德坤准其補授直隸務關路參將其原推湖南臨武

營參將員缺著該部另行推補

那文毅公初任直隸總督奏議

卷五十一

三

嘉慶二十年五月十七日

奏爲恭摺奏

聞事竊候補道李于培欽奉

上諭補授永定河道現飭該員前往接印任事惟查李

于培平日辦事細心結實可靠而於河工機宜尙

少歷練今永定河工險隄長溜勢趨向靡常轉瞬

伏汎屆期巡防搶護最關緊要李于培係初任河

道恐各汎員因其工務不熟或有偷減草率致滋

貽悞據該員亦自知不諳河工實深兢惕亦以

該道係屬生手正當汎期緊要之際一人照料難

周亦不放心再四籌酌擬添委員協防以昭嚴密查有河間府河捕同知王履泰在直年久熟悉情形又有地方候補同知管文愷曾在南河投効尙曉工程均堪委令協防臣現卽分飭王履泰等馳赴永定河將應防大汛事宜隨同李于培妥協預備分段嚴查協同南北兩岸廳汛各員實力防護務慶安瀾俟伏汛過後再令各回本任謹

奏

嘉慶二十年五月二十五日

奏爲恭摺覆奏事竊臣承准軍機大臣字寄欽奉

那文毅公初任直隸總督奏議

卷五十一

三

上諭那彥成奏新任永定河道李于培未諳河工機宜請派委員協防一摺李于培係由刑部司員出身諳悉刑名於河工本未歷練朕所素知因其在直候補一時未能得缺適有永定河道缺出將伊簡放今那彥成既稱該道係屬生手現屆汛期巡防搶護不能放心著該督於通省道員內遴選知曉河工可冀修防得力者一員卽行奏明與李于培對調欽此仰見

皇上體卹臣工無微不至臣跪誦之下實深欽佩遵查直隸道員除永定河道之外尙有七缺臣與兩司逐一遴選並無河工出身熟悉修防堪以對調之員

若奏懇

聖主在於河南山東等省

簡員調補或尙可得其人但六月初六日卽交大汛爲期太近查該道李于培平日辦事結實細心原可望其學習今前往永定河任事業經臣飭令務與李逢亨交代時將何處緊要現在情形細心問明勤歷周查加謹防守所有防汛事宜亦有在工各員專司責成又經派委同知王履泰管文愷前往協防事可無悞臣又專劄各工文武各人員均有考成如因該道係生手有偷減致悞要工之人務卽加倍治罪至大汛期內臣本應前往察看水勢茲擬早去數日督同該道等加意防護俟該道經歷今年大汛之後該處河道情形及修防事宜自可熟悉諳練毋庸另行更調永定河道一缺現在無員可調應請仍以李于培補授謹

奏奉

硃批知道了

嘉慶二十年六月十八日

奏爲因公被議縣令奏懇

聖恩

俯准捐復原官留直差委事竊照原任直隸武清縣知縣孫成褒浙江監生捐職主簿投効東河承辦繕道工竣赴部分發籤掣直隸河工咨補武清縣主簿海陞武清縣知縣嘉慶十七年因縣民高六毒斃韓貴興一案該革員審驗不明以致作受賄殘毀屍身復於門丁刑書通同舞弊得贓未能覺察部議革職發往新羅嗣據縣民姚翰青等一百餘人臚舉該革員事蹟公同具呈代為贖罪經前任順天府尹鄒炳泰等據情具奏欽奉

上諭孫成褒獲罪遣戍並無貪酷情弊其詳請覆檢亦尚那文毅公初任直隸總督奏議 卷五十一 聖

有慎重民命之心將來到戍三年期滿該管大臣奏請朕核其案情亦必降旨釋回茲念其平日居官尚好著加恩於到戍一年半即予釋放回籍欽此欽遵在案該革員於上年期滿釋回遊幕來直 臣接見之下見其人尚誠實明白又復細訪該革員當日居官果好民情愛戴若令終身閒廢未免可惜今據該革員呈請捐復由兩司具詳前來謹專摺奏懇 皇上天恩俯准孫成褒捐復原官留於直隸差遣遇有相當缺出酌量補用如蒙 俞允不特該革員益加感激奮勉即 臣辦理地方公事亦

可收得人之效所有捐復銀兩飭令就近措交直隸藩庫兌收遇便解部謹

奏

嘉慶二十年六月二十日奉

上諭那彥成奏因公被議縣令懇予捐復一摺孫成褒著准其捐復原官留於直省差委遇有相當缺出酌量補用其捐復銀兩就近交納藩庫遇便解部

嘉慶二十年九月十四日

奏為恭摺請

旨事竊永定河道李于培自本年五月間蒙

那文毅公初任直隸總督奏議

卷五十一

美

恩補授以來事事留心學習經手錢糧亦甚撙節此次 臣赴北七工督辦漫口察看該員辦理堵築事宜雖認真勉力而從未經歷河工諸事總覺竭蹶並據該員面稟蒙

皇上天恩

持授永定河道因不諳修防以致六七月間兩次漫口復

荷

鴻慈逾格

寬免處分感激悚惶難以名狀該員雖勉力學習而素未

經歷難以驟臻熟悉誠恐貽誤公事率負

聖恩等語臣查李于培人甚端正辦事頗能實力實心茲以不諳河工據實回稟係屬出於真誠並非意存規避查該員本係直隸候補道員可否仰懇

皇上天恩准令李于培仍回省城候補其永定河情形非東河南河可比該道總理全河並無河督專管一切修防疏濬皆賴該道主持責任甚重查東河候補道葉觀潮前任南河淮揚道曾隨臣辦理河務甚為熟悉可否仰懇

聖恩以葉觀潮補授永定河道俾收得人之效為河工緊要起見業已面陳

那文毅公初任直隸總督奏議
卷五十一
聖鑒謹
奏

容安謹按此奏在

行在呈遞向不奉
硃批永定河道一缺旋奉
旨以葉觀潮補授

嘉慶二十年十月二十三日

奏據河間府知府彭應杰飭令獻縣知縣李汝廉等拏獲截劫官銀之盜犯王四等七名並起獲張驢子家當票一百餘張是張驢子等實為積慣巨窩現

飭該府嚴緝務獲歸案究追查該府彭應杰經臣奏請由廣平調補河間到任甫及半年先因在永定河工次幫辦出力臣奏奉

恩旨交部從優議敘該府由工次甫經回署即能訪獲積窩重案飭屬迅速拏獲尚屬能事除先經訪稟此案之獻縣知縣李汝廉容於結案時照例奏請送部引

見外仰懇

聖恩俯准將河間府知府彭應杰交部議敘以示鼓勵現仍飭該府如果再能將逆案各要犯密速訪

那文毅公初任直隸總督奏議
卷五十一
獲必當奏請
奏

逾格施恩為勸勵緝捕起見謹

嘉慶二十年十月二十五日奉

上諭河間府知府彭應杰訪獲積窩究出搶劫官銀盜匪拏獲多名尚屬能事著賞加一級其先經訪稟之獻縣知縣李汝廉著該督送部引見

嘉慶二十年九月二十五日

奏為遵
旨保舉現任知府事於九月二十三日欽奉

上諭現在記名應用道缺人員將次用完著各督撫於所屬現任知府內每省密保堪勝道員者一二人迅速具奏候朕簡用毋庸送部引見欽此遵查直隸所屬十府

平日因公接見於其居心行政處處留心查驗

內惟保定府知府阿霖正紅旗滿洲由中書揀發

雲南題補通判軍營出力歷陞湖北武昌府知府

緣案革職捐復原官發往直隸候補於十九年奏

補保定府知府該員才幹老成心地深穩足勝繁

劇之任大名府知府劉寶第山西洪洞縣人由直

隸州判歷陞大名府知府該員才具開展諸事認

那文毅公初任直隸總督奏議 卷五十一 三

真差務地方均為熟悉以上二員可勝道員之任

其餘各府知府容再查看謹

奏奉

硃批覽

嘉慶二十年十月二十五日

奏查灤州石佛口村及盧龍縣安家樓村王姓分住該

處世傳邪教歷年久遠均以清茶會即清淨等名

目遠至江南湖北安徽山西等省四出傳教或聚

斂錢雖屢經犯案懲辦而該族人迷溺既深流傳

仍眾今將該犯拏獲正可由此澈底懲辦冀絕根

株所有臣派往查拏之保定府同知汪洞候補未

入流喻振恒會同該州縣詳細訪查王殿魁王三

樂等獲案研訊得以究出王書魯等輾轉傳教端

倪分別咨緝尚屬認真除保定府同知汪洞業於

永定河辦工出力案內奏奉

諭旨賞加知府銜外所有候補未入流喻振恒一員仰懇

聖慈俯准儘先補用以示鼓勵謹

奏

嘉慶二十年十月二十七日奉

上諭那彥成奏拏獲傳教匪徒委員懇恩鼓勵等語著照

那文毅公初任直隸總督奏議 卷五十一 四

所請候補未入流喻振恒准其儘先補用該部知道

嘉慶二十一年正月二十二日

奏 於嘉慶二十一年正月初八日承准軍機大臣字

寄正月初六日奉

上諭本日那彥成奏義倉勸捐各員摺內於捐穀五百餘

石之饒陽縣已革捐職從九品索崑齡祇稱其曾經緣

事發配援減釋回懇恩賞還原捐頂戴索崑齡原犯案

由該督未經敘明其情節重輕朕何由知悉又係朦混

具奏是誠何心必欲激朕之怒乎那彥成著傳旨申飭

即將索崑齡緣事原案查明開單覆奏朕核其情節重

輕再降諭旨欽此欽遵查索崑齡係饒陽縣民人原捐
 從九品職銜嘉慶元年五月初十日早索崑齡因
 赴地查看麥子失少憶及張秋何大頭劉二小均
 在村求乞疑係伊等所竊當令工人索虎王大頭
 將張秋何大頭喚至場內迫問不認索崑齡即將
 張秋等自用藤鞭毆傷何大頭左右臂膊張秋脊
 背張秋等堅不承認索崑齡復將劉二小喚至追
 問因其不認又將劉二小拴住嚇唬欲毆劉二小
 畏懼妄認竊麥捏稱賣與村人李見名索崑齡往
 向李見名查詢原賊搜看無獲隨將李見名拉至
 場內用藤鞭將李見名左右臂膊右肩甲毆傷地
 方索性隴踵至勸釋李見名控縣審詳將索崑齡
 從九品職銜斥革依將良民誣指為竊稱係寄賣
 賊賊捉拏拷打例發邊遠充軍事犯到官雖在嘉
 慶二年四月二十二日清刑

恩旨以前不准援減照例發配浙江嚴州府壽昌縣充軍
 嗣索崑齡在配恭逢嘉慶十四年正月初一日
 恩詔經配所造冊咨准部覆改為杖一百徒三年就配充
 徒復逢十六年閏三月二十二日
 恩旨經部核與累減援免之例相符咨會浙江撫臣即由

那文毅公初任直隸總督奏議 卷五十一 聖

那文毅公奏議 卷五一

配所地方速行釋放索崑齡領文於十七年六月
 同籍經饒陽縣飭屬領回安業各在案此次通省
 勸捐義穀據饒陽縣稟報索崑齡案止喝毆並無
 人命在配已逾十年罪名業經累減援免彙入紳
 民樂輸摺內一體懇
 恩賞給原捐從九品頂戴以昭獎勵惟未經敘明原犯案
 由實屬含混欽奉
 諭旨申飭臣不勝惶悚謹查明索崑齡緣事原案並累減
 援免各緣由附摺覆奏可否將索崑齡
 賞給原捐從九品頂戴之處伏乞
 那文毅公初任直隸總督奏議 卷五十一 聖

睿鑒訓示謹
 奏
 嘉慶二十一年正月二十四日奉
 上諭那彥成查明直隸饒陽縣捐輸義穀之已革從九品
 職銜索崑齡原犯案由覆奏請旨索崑齡以失少田麥
 疑竊私拷平民斥革充軍累次援減釋回核其案情尚
 無致斃人命之事索崑齡捐輸義穀在五百石以上著
 照該督所請賞還從九品頂戴
 嘉慶二十一年正月二十二日
 奏為據實陳明籲懇

六四五

是奉軍吏部咨開嘉慶二十一年正月初六日奉

上諭那彥成覆奏查明伯克入直境後係委同知瑞慶通

判福克金布接護頭起伯克自并陞至其鄉行走七日

二三四起伯克行走六日等語此次喀什噶爾等處伯

克入直境後行走迅速該省驛站應付車馬尚無貽悞

惟派出之同知瑞慶等並未沿途隨同照料朕特派常

福阿布都爾滿前往迎探途次傳喚該委員未經接見

詢之該伯克等亦稱沿途未見護送官員殊屬疎玩瑞

慶福克金布俱著交部議處那彥成不遵照舊例派委

道府大員僅派丞倅二人亦屬不合那彥成著交部議

處欽此欽遵將派出未經護送之直隸正定府同知瑞

慶易州理事通判福克金布均照例降一級調用

不遵舊例派委道府大員護送之直隸總督那彥

成照例降一級留任係奉

特旨交議之件俱毋庸查級議抵等因具奏奉

旨依議欽此知照前來 臣查此次年班伯克入直境後驛

站尚無貽悞業經遵

旨覆奏仰蒙

聖鑒惟未經派委道府護送奉

旨將 臣交部照例議處實屬咎所應得至委員同知瑞慶

那文毅公初任直隸總督奏議 卷五十一 聖

通判福克金布一路接護照料情形 臣覆奏摺內

尚未聲敘明晰不敢不據實再行縷陳緣護送年

班伯克及年班喇嘛均應照例在於旗員道府中

派委上年喇嘛包物業經劄派口北道克蒙額順

德府岱齡護送其伯克包物因旗員道府就近止

有霸昌道齡住宣化府珠隆阿保定府阿霖三員

而齡住因奉順天府尹劄委訪拏劉第五正在喫

緊宣化府又因口北道已有喇嘛差使保定府案

件紛繁更難分身是以 臣酌派同知瑞慶通判福

克金布會同接護因該丞倅等雖非道府大員究

以兩員照料一差先後呼應均可不致疎悞並因

十二月初間尚未探有伯克入直之信 臣又嚴諭

瑞慶福克金布以伯克等向於包物中攜帶玉石

皮貨沿途偷賣往往零星落後行走參差 臣深知

其弊恐係因此遲延是以飭令入直隸後福克金

布護送頭二起伯克瑞慶護送三四起伯克並令

該二員於每站起身時先儘伯克行走並將落後

之人搜查催齊方許押後行走以防參差遲延該

二員遵照護送迨來省銷差又經 臣面詢據福克

金布稟稱伊於十二月二十六日亥刻將頭二起

那文毅公初任直隸總督奏議 卷五十一 聖

包物一齊押抵良鄉是日申刻先到之頭起伯克業經

欽使常福帶領進京而亥刻續到之二起伯克又經阿布

都爾滿正在催帶趨行該通判福克金布在後點

押包物是以於常福阿布都爾滿傳喚均未接見

其護送三四起伯克之同知瑞廣據稱伊沿途與

伯克見面內有阿克蘇伯克向伊告知伊父福昂

在阿克蘇辦事囑其順帶口信令瑞廣好好當差

等語臣又核據自井陘起至良鄉止沿途州縣營

汛均各按日按起陸續稟報所稱行走催趨情形

那文毅公初任直隸總督奏議

卷五十一

聖

均與瑞廣福克金布面稟相符臣伏思此次未派

道府護送仰蒙

皇上天恩不加嚴譴僅予降留處分已

逾格鴻施該委員瑞廣福克金布究於

欽使傳喚之時均未接見經吏部遵

旨議以降一級調用毋庸查級議抵亦屬無可置喙唯查

瑞廣福克金布實因遵照臣劄飭在後押送包物

毫無捏飾其沿途晝夜兼程催趨迅速尚與疎玩

並未接護者有問臣受

思深重萬不敢為屬員朦飾自蹈咎戾凡直省各項差務

需派旗員之處甚多瑞廣福克金布俱在直有年

學習尚為熟嫻人亦去得若不據實陳明竟予降

調不特人才可惜且係遵奉臣劄令在後分起押

送包物以致因此獲咎不無稍有可原合無仰懇

聖主格外

成全俯念該委員等沿途護送尚非疎玩貽誤傳喚究出

有因可否將部議降一級調用之同知瑞廣理事

通判福克金布俱送部引

見應如何酌量

施恩之處出自

那文毅公初任直隸總督奏議

卷五十一

聖

皇上鴻慈謹

奏

嘉慶二十一年正月二十四日奉

上諭那彥成奏護送伯克之降調同知等員懇恩送部引

見一摺同知瑞廣理事通判福克金布此次護送伯克

途間即與阿克蘇伯克面晤其行走落後未與常福等

相見係那彥成飭令在後催押包物均屬有因沿途趨

行亦未有逾程限所有前此部議降一級調用之處加

恩改為降一級留任毋庸送部引見

嘉慶二十一年二月初二日

奏查最要各逆犯日久稽誅臣派出員弁四路設法上緊偵緝節次檄催如有弋獲必當顯懇

恩施此次拏獲次要逆犯劉玉隆即劉遇隆一名係河間

協右營守備劉英魁四黨口守備李士剛同購訪

村民杜連城宋宗祥前往拜投劉玉隆學拳誘醉

擒獲查劉英魁由行伍歷任陝西西安右營遊擊

因委護西安本標中軍副將失察兵丁借虧銀兩

短缺馬匹被參革職嗣因滑縣匪徒滋事投効省

南軍營打仗出力

奏明留直以守備即用旋補今職該備於本年八月內

那文毅公初任直隸總督奏議 卷五十一 聖

拏獲次要逆犯葛立業一名經臣

奏請解部此次訪獲劉玉隆該員出力最多李士剛由

行伍洊陞四黨口營守備此次會同劉英魁妥協

商辦合無仰懇

天恩俯准將河間右營守備劉英魁開復遊擊原官四黨

口營守備李士剛以都司陞補均先換頂戴以示

勸勵之處出自

聖主鴻慈宣津縣村民杜連城邀同宋宗祥往從劉玉隆

為徒學拳設法拏獲甚屬急公該氏人等漢仗膂

力均堪造就應請

旨賞給杜連城把總宋宗祥額外外委即派令隨標學習
派委偵緝要犯宣津縣知縣傅德臨於該員等會
拏之時派役前往協緝請
旨交部議敘臣為鼓勵緝捕起見謹

奏

嘉慶二十一年二月十三日奉

上諭昨據那彥成奏拏獲次要逆犯劉玉隆解京審訊茲
據刑部審明劉玉隆實係飭緝正犯那彥成督緝認真
所有伊任內奏事時不將緝捕情形聲敘降三級留任
遲孫氏控案並未親提審訊又不附奏緝匪情形併案

那文毅公初任直隸總督奏議 卷五十一 聖

降三級留任回子伯克過境未派道府大員護送降二

級留任三案處分俱著加恩開復其訪明劉玉隆蹤跡

設法擒拏之河間協右營守備劉英魁著開復遊擊原

官四黨口守備李士剛著以都司陞補均先換頂戴協

同獲犯之宣津縣知縣傅德臨著交部議敘民人杜連

城邀同宋宗祥拜投劉玉隆為師學習拳棒誘醉擒獲

杜連城著賞給把總並加賞藍翎宋宗祥著賞給額外

外委均令隨標學習以示獎勵該部知道

嘉慶二十一年二月十四日

奏為知州要缺需員揀選奏懇

聖恩俯准陞署以禪治理事竊查開州知州朱煒丁憂所遺開州一缺賦重事繁甲於一郡兼之壤接東豫盜賊易於出沒巡緝稽查尤為緊要非明幹之員不足以資治理向定為繁疲難三項要缺例應在外調補臣與兩司於現任州縣內逐加遴選查有儀陽縣知縣陳晉精明強幹辦理教案最熟以之陞署開州知州實堪勝要缺之任惟該員歷俸未滿五年又有降級留任處分與請陞之例未符但人地實在相需謹遵例專摺奏請合無仰懇

皇上

那文毅公初任直隸總督奏議

卷五十一

吳

天恩俯准以陳晉陞署開州知州不特該員益加奮勉而於地方要缺實有裨益謹

奏奉

硃批吏部議奏

嘉慶二十一年二月十四日

奏查靜海縣四黨營口守備李士剛因拏獲次要逆犯

劉玉滙經臣奏請以都司陞補先換頂戴仰蒙

恩准在案茲查李士剛於署舊州營都司任內有失察逆

匪林清之案部議降二級調用處分例應降補把總臣前此奏請陞補都司因赴差查道不及檢核

案卷致有錯誤相應據實奏明請

旨將李士剛降二級調用處分開復仍以守備補用臣前

請以都司陞補先換頂戴之處實屬舛錯仰懇

聖恩將臣交部察議謹

奏

嘉慶二十一年四月初五日奉

上諭那彥成奏前因靜海縣四黨營口守備李士剛拏獲次要逆犯劉玉滙奏請以都司陞補先換頂戴茲查明該弁任內有降二級調用處分前奏實屬舛錯據實奏明並自請交部察議等語李士剛本係降二級調用之

那文毅公初任直隸總督奏議

卷五十一

率

員茲拏獲要犯著加恩開復降二級調用處分仍以守備補用其准陞都司先換頂戴之處著即註銷那彥成因差次未及詳查其自請察議著加恩寬免該部知道

嘉慶二十年四月初三日

奏臣接閱邸抄奉

上諭陳預奏運使患病懇請解任一摺運司劉清者准其

開缺調理俟病痊之日另候簡用欽此伏查劉清前在

由東曹單一帶勦辦教匪各處邪徒畏避良民受

戴久在

聖明洞鑒之中惟該員賦性勇往長於武畧聞於

前於經過山東時與該員接見該員曾向稟稱平素核辦文書檔案每多厭倦談及騎射技藝馳驟搜捕等事輒即眉飛色舞神氣百倍仰蒙

擢賞藩司頂戴無可報効情願改用總兵武職等語臣察其詞意極為樸直曾經奏蒙

聖鑒茲荷

天恩准令該員開缺調理另候

簡用

聖主權衡精當臣何敢冒昧干預隣省之事惟該員一經離任所有山東沂曹等處地方民氣剽悍恐無

那文毅公初任直隸總督奏議 卷五十一 至

以資彈壓查該員平日辦理稿件看至兩案即已頭昏是其辦理礙務及一切公事未必事事得宜臣撫臣不能不據理駁斥故意見每多柄鑿是該員之懇請解任或未不由於此臣屢蒙

訓諭多寄耳目遇有緊要事件准令具陳今劉清之告病頗有於地方關係且其年力尙未衰頹人才亦覺

可惜臣不敢避越職之嫌致同膜視合無仰懇

聖恩俯准將劉清改補總兵武職

簡在直隸或山東補用在該員感激

格外鴻慈自益力圖報効臣等藉得收彈壓地方之功

於

聖主因材器使立賢無方之道均有裨益謹

奏

容安謹按劉公清旋蒙

擢授曹州鎮總兵

嘉慶二十一年四月二十日

奏為試用知縣辦事實心恭摺奏懇

聖恩俯准拔補以示鼓勵事竊查饒陽縣知縣陳晉經臣

奏陞開州知州欽奉

俞允所遺饒陽縣選缺例應揀員請補查該縣地方即係

那文毅公初任直隸總督奏議 卷五十一 至

逆犯劉玉隴本籍民俗刁悍良莠不齊治理頗為不易必須強幹之員方堪勝任臣與蒲泉兩司公

同遴選查有試用知縣汪本前經委署樂城縣知

縣地當孔道差務殷繁該員在任幾及一年辦理

裕如經手倉庫錢糧並無絲毫虧短上年又委署

遷安縣知縣勸捐義穀五百餘石經臣奏請議敘

欽奉

上諭該督自行存記於計典保舉章疏內將勸捐義穀一

事一併敘入政績尙屬可行此時毋庸給予議敘欽此

欽遵在案該員知重民事才具老成以之補授饒

陽縣知縣實堪勝任惟饒陽縣一缺按班應用大挑舉班人員今以捐班試用知縣越次請補與例未符第人地實在相宜且該員平日辦事實心似應示以鼓勵合無仰懇

皇上格外天恩俯准以汪本拔補饒陽縣知縣不特該員感激

聖恩益加奮勉而於地方公事實有裨益謹

奏奉

硃批吏部議奏

嘉慶二十一年五月十七日

那文毅公初任直隸總督奏議

卷五十一

聖

奏為試用知縣歷署縣篆才守兼優再行恭懇

聖恩俯准拔補以示鼓勵事竊查饒陽縣知縣陳晉陞署

開州知州遺缺按班應用大挑人員前因該處民

刁俗悍治理非易查有進士出身之捐班知縣汪

本才具老成奏請拔補以裨治理接准部覆以直

省知縣一項上次捐納後用至候補委用止今饒

陽縣一缺按班應用試用大挑直省大挑人數眾

多並不將應補之員按班補用乃以尙未到班之

捐納人員越次撥補與例不符應毋庸議其饒陽

縣知縣員缺應俟陳晉引

見在陞開州知州後照例歸於月分銓選奉

旨依議欽此知照前來臣伏查饒陽縣一缺本係疲難中

缺幅頓廣濶訟獄繁多素稱難治逆犯劉玉隴即

籍隸該縣近日民俗不淳焉知不尙有餘黨應行

查辦之事正多試用大挑舉人初膺民社難期勝

任惟查有捐納知縣汪本前經委署樂城縣知縣

地當孔道差務殷繁該員在任幾及一年辦理裕

如經手倉庫錢糧並無絲毫虧短上年委署遷安

縣知縣勸捐義穀五百餘石經臣奏請議敘欽奉

上諭該督自行存記於計典保舉章疏內將勸捐義穀一

那文毅公初任直隸總督奏議

卷五十一

聖

事一併敘入政績尙屬可行此時毋庸給予議敘嗣於

彙奏義倉穀石案內復奉

諭旨知縣汪本令該督存記隨時鼓勵欽此又查鞏灤州

王殿魁案內教犯出力奏奉

諭旨交部議敘現准部議給予加一級各在案該員才具

老成知重民事兩署縣篆頗著循聲且潔已自愛

經手倉庫錢糧絲毫並無虧短實為知縣中才守

兼優之員以之補授饒陽縣知縣可期整頓况該

員係欽奉

諭旨應行存記獎勵之員並非無故越次撥補可比又係

進士出身例應選用知縣因親老就教選補教授
嗣因六年俸滿復經保舉引

見奉

旨以知縣用遵例加捐分發亦與別項捐納人員不同

為鼓勵羣材地方緊要起見不揣冒昧謹再專摺

叩懇

皇上格外天恩俯准仍以汪本拔補饒陽縣知縣不特該

員感激

聖恩益加奮勉而於地方公事實屬大有裨益謹

奏

那文毅公初任直隸總督奏議

卷五十一

五

嘉慶二十一年五月十九日奉

上諭那彥成奏試用知縣懇恩拔補一摺前那彥成奏請

將試用知縣汪本拔補饒陽縣知縣經吏部議駁茲據

該督奏該員才守兼優且曾經奉旨存記鼓勵並非無

故越次撥補加恩著照所請汪本准其補授饒陽縣知

縣該部知道

嘉慶二十一年六月初八日

奏為遵

旨覆

奏事竊臣於六月初八日承准軍機大臣字寄嘉慶二

十一年六月初七日奉

上諭新授西寧鎮總兵慶廉來京陛見朕看其人尚明白

現在直隸總兵內除馬蘭泰三鎮外其天津鎮祥啟

宣化鎮音登額正定鎮張大振三員居官情形那彥成

自所稔悉如該三員均能稱職即無庸議倘於該地方

有不甚相宜者那彥成即據實由驛奏聞候朕裁酌將

慶廉與之更調將此由四百里諭令知之欽此

查天津鎮總兵祥啟宣化鎮總兵音登額均係由直隸

督標中軍出身於直隸差務地方情形均極熟悉

該鎮等整飭營伍辦理各差俱屬歷練勸幹結實

那文毅公初任直隸總督奏議

卷五十一

五

可靠正定鎮總兵張大振雖係由甘肅營官陞任

但該鎮辦事認真於所屬錢糧交代操防緝捕少

有疎失者實能不徇情面立予揭稟教練兵丁亦

能嚴肅足資整頓三員均能稱職據

不甚相宜之處似可無庸更調謹

奏奉

硃批知道了

嘉慶二十一年六月十八日

奏查投効緝捕之已草知縣儲斗南先經臬司盛泰派

委在直東豫交界一帶訪緝要犯嗣據該革員先

後拏獲畢祿畢闕一起麻星辰及王相弼二起均經提省審明畢祿供認被教匪朱誠貫逼脅從逆隨眾同往各處搶掠多次並曾聽從畢幅禮代楊大學報仇殺死宋學詩一家三命又另傷二人畢闕亦認係朱誠貫逼脅從逆隨眾搶掠並於軍務告竣後有聽從已獲正法之畢大喜糾搶奪犯之事麻星辰據認係隨徐安憫入教助逆抗拒官兵受傷有據王相弼據認係從聞起隴習教從逆當經臣彙摺

奏明大概供情仍飭該草員飛赴河澤等處密緝畢幅

那文毅公初任直隸總督奏議

卷五十一

奏

禮等務獲此次又據該草員訪得畢幅禮在河南考城縣楊橋地方藏躲隨馳赴該處將畢幅禮拏獲供認係伊妻弟楊大學央令糾人報仇殺死一家三命屬實該草員又赴長垣縣將起意糾邀之家楊大學及楊一學一併拏獲是該草員陸續訪拏畢祿畢闕麻星辰王相弼畢幅禮五犯或助逆搶掠抗拒或仇斃一家三命俱經供認明確法無可貸查該草員儲斗南先由舉人大挑揀發直隸候補知縣因隨同審訊大乘教孔傳標誣扳王肇興等分用銀兩一案聽從長官指使專事刑求故入

張協中等滿徒之罪擬徒發配嗣奉清刑

恩旨不准減等該草員於徒配限滿呈請承挑永定河北七工引河完竣先經奏准捐復知縣原官留直隸用續奉

諭旨以儲斗南審訊孔傳標一案任意刑求故入人罪罰

嚴酷吏情節甚重不准捐復所繳銀兩均著擲還欽此

臣曷敢冒昧再行陳竇惟查該草員儲斗南自投効緝捕以來設法購線不遺餘力雖未弋獲單開

要犯而節次拏獲之畢祿等五犯實屬逆兇罪不

容誅該草員悔懼出力認真奮勉現當緝捕喫緊

那文毅公初任直隸總督奏議

卷五十一

奏

之時自且仰體

聖主逾格獎勵微勞必錄至意俾得一綫自新之路不致終身廢棄庶各該地方官益知聞風奮勉於緝捕倍有起色但此時遽請開復知縣未免過優合無

籲懇

天恩俯准將該草員儲斗南

賞准開復縣丞留於直隸差委如果能再獲要犯彼時

再行聲明奏請開復原銜謹

奏

嘉慶二十一年六月十八日奉

上諭那彥成奏緝捕出力之革員懇請開復等語已草知縣儲斗南著准其開復縣丞留於直隸差委該部知道

嘉慶二十一年六月十八日

奏查蔡明山張添棟二犯均係新雄營都司余國炳新

城縣知縣陳景登原任遊擊劉乾忠候補縣丞包

駁會同拏獲蔡明山係聽從李五入役功逆已到

西華門之犯現經審認明確毫無疑議張添棟又名張

起華是否即係單開又次要之犯現請解部提同

劉興庭質訊惟張起華已經供認伊次子張齡兒

進京助逆係律應緣坐之犯該員等奮勉羅緝疊

那文毅公初任直隸總督奏議 卷五十一 奏

獲要犯均宜仰體

聖主勸勵緝匪至意分別籲懇

恩施查新雄營都司余國炳前在滑縣軍營於賊匪黑夜

撲劫蘇雲龍營卡時蜂擁圍裹該員抄出後路帶

兵奮勇直入將賊匪冲突斃殺多名勞績最著彼

時因該員已於攻破滑縣案內奉

旨賞給三品頂戴是以未敢請迨在新雄營都司任內

先後會同知縣陳景登拏獲逆案內杜有兒張鳳

于城兒李幅祿辛王氏分別解省解部擬斬擬遣

此次又拏獲蔡明山及張起華張拴兒三名實屬

認真出力應請將該都司余國炳

賞戴藍翎俟再有弋獲最要之犯請換花翎新城縣知縣

陳景登前由知縣游陞薊州知州因失察書吏金

墨林詐贓斃命在公出期內檢驗屍傷復有錯誤

屍子控告又不能審出實情迅速詳報被系革職

經前督 溫承惠

奏准在於豐潤營田効力限滿引

見奉

旨仍發直隸以知縣用嗣經題補新城縣知縣該員在新

城縣任內先後拏獲窩留逆犯張小猴之錢老咨

那文毅公初任直隸總督奏議 卷五十一 奏

及從逆未行之李添受李文元又會同余國炳拏

獲杜有兒張鳳于城兒李幅祿辛王氏等此次又

連獲蔡明山及張起華張拴兒三名該員勤樸結

實認真出力應請將該知縣陳景登

賞准開復知州以知州補用已革遊擊劉乾忠先因教演

長矛不肯學習當眾頂撞經 奏

革職嗣投効緝捕極知悔奮各處梭查不辭勞瘁此

次會同拏獲蔡明山及張起華張拴兒三名尙屬

奮勉該員年力正壯猶堪造就 不敢因恭草在

先稍有迴護致令終身廢棄應請將該員劉乾忠

暫

賞給守備職銜俾得隨標効力以觀後効候補縣丞包駁

現在輪補實缺照例另行咨補該員當差勤幹派

委躡緝實力偵探此次會同拏獲蔡明山及張起

華張拴兒三名亦屬奮往應請將縣丞包駁

賞准於補缺後以應陞之缺先儘陞用以上各員臣冒昧

陳懇實緣直省派委緝捕員弁自拏獲劉玉隴以

來均各奮勉不遺餘力嗣因委員周邦憲張景龍

於會拏王萬林一案張大其詞致奉解部究訊未

免稍存疑畏臣疊荷

那文毅公初任直隸總督奏議

論旨諄拳訓勉責成地方文武各官此次該員等實力訪

緝得獲次要人犯如得仰荷

鴻慈俯准鼓勵臣得收指臂之效緝捕更有起色是否可

行出自

聖主格外天恩謹

奏

嘉慶二十一年六月二十一日奉

上諭那彥成奏請將拏獲次要人犯各員懇恩鼓勵等語

加恩著照所請新雄營都司余國柄賞給藍翎新城縣

知縣陳景登開復知州補用已革遊擊劉乾忠賞給守

備職銜候補縣丞包駁於補缺後以應陞之缺儘先陞
用該部知道

那文毅公初任直隸總督奏議

卷五十一

空

議改定告病人員題咨出缺日期

嘉慶二十年十二月初八日

奏為正佐告病人員應請先行題咨以本員出詳之期

即為開缺之日以杜趨避事據布政使錢臻呈稱

向例外省正佐各官遇有降調所遺及丁憂告病

病故員缺督撫具

題後即准揀員請補不計出缺日期即出缺在先候補

人員到省在後亦准酌量題補嗣於嘉慶十九年

奉部奏准定例嗣後一切陞補調補告病病故丁

憂奏草等項總以該督撫具題具奏出咨之日作

那文毅公初任直隸總督奏議

卷五十一

查

為開缺日期並於補缺陞調題咨者補文內將出

缺日期詳細聲敘以便核對以杜規避擇缺之弊

等因遵照在案伏查外省陞調員缺如本人遇有

事故本已題咨出缺在先所遺之缺應補何人題

咨例有定限其病故員缺藩司接到報文亦應於

十日內詳請題咨出缺至丁憂奏草之缺本應歸

部選如該省有軍營保奏人員亦准留補隨案聲

扣是陞調所遺以及丁憂病故奏草等項一經具

奏具題出咨開缺即可按班序補斷不能高下其

手定例已極周密惟告病人員一項或由本員徑

自請或由本管道府州縣詳轉外省辦理本不

畫一因定例必須委驗取結方准詳請題咨開缺

而應補之員隨得乘間擇缺之善惡從中舞弊捺

摺驗病委員每視為無關考成非任意延緩即徇

情摺壓甚或補員串通房科摘供結內小疵須行

駁換往往有告病之缺本員出詳多時懸缺未補

並有先出之缺病結未到尚未題咨開缺不能序

補後出之缺病結已到業經題咨開缺即可撥補

以致吏胥得以夤緣為奸種種弊竇不可枚舉凡

此積弊各省均所不免伏思該員既已告病如果

那文毅公初任直隸總督奏議

卷五十一

查

委驗屬實自應准其解任調理若有規避捏飾情

弊亦即應奏草治罪是本員一經告病斷不能復

留本任自應先行題咨出缺以杜趨避况該員既

經告病已存五日京兆之見書吏亦多呼應不靈

若日久懸缺未補更恐公事漸致因循貽誤刑名

摺壓錢糧弊混勢不能免應請嗣後丞倅收令教

課等官患病即令本員自行詳請並令出具並無

捏病詭避印結隨詳同送藩司接到報文於五日

內轉詳督撫督撫亦於五日內先行題咨開缺一

而委員驗病如果該員患病屬實即取具供結由

本管道府加結詳請咨部若係捏病詭避亦即詳請參革將所出之缺循例按班序補或歸部選分別辦理至委員驗病並咨上司結轉日期除程限外應請各予分限十日於咨送供結內分晰扣明如有遲逾查明係由何處衙門遲延取具職名隨咨開送附咨如此酌定題咨出缺日期庶告病之缺不致輪補之員有所趨避舞弊捺結顛倒出缺日期即委驗病結之員亦必自顧考成不致徇情任意稽延似亦澄敘官方之一道再道府告病向例亦係委驗取結後由督撫具奏開缺應否准其

那文毅公初任直隸總督奏議

卷五十一

奎

同籍調治仍請

旨定奪今丞倅以下等官告病既請先行題咨開缺所有現任道府告病亦請於接到本員詳稟先由督撫奏明開缺仍委員驗病取結照例查辦以上各情節先經面稟商定意見相同臣飭令查明具詳謹奏奉

硃批吏部議奏

那文毅公初任直隸總督奏議卷五十一

那文毅公初任直隸總督奏議卷五十二目錄

卷五十二

糾彈庸劣

清釐交代

陳明度支

請餉充費

因事獲咎

那文毅公初任直隸總督奏議

目錄

一

那文毅公初任直隸總督奏議卷五十二

男容安恭輯

糾彈庸劣

謹按嘉慶十九年二月初八日廷寄內奉

上諭章煦奏查驗省南州縣分別降補勒休各遺缺揀員補授一摺發交那彥成閱看該督於抵任後再行確加查驗是否均各允協覆奏到日再降諭旨

謹按嘉慶十九年二月初八日

奏欽奉

諭旨內章煦所奏查驗省南州縣分別降補勒休各遺缺

那文毅公初任直隸總督奏議

卷五十二

一

一摺發交臣閱看是否允協等因臣細加查看章

煦摺內所劾所保之人均係臣在軍營曾經差委

熟悉之人在開州時藩司素納亦曾將各該員不

能勝任及章煦所保之各員擬補等情向臣面稟

今章煦為地方緊要起見懇

恩辦理所劾所保均屬允協但可否

允准之處應請

旨飭遵謹

奏

嘉慶十九年二月初九日奉

上諭章煦奏大名府屬各州縣連歲荒歉又值兵燹之後

亟須加意拊循非衰庸之員所能勝任請將年老才庸

各員分別降補勒休所遺各缺揀員補授俾資整飭交

那彥成覆加查覈據奏均各允協著照所請開州知州

于曉即令開缺留直以簡缺知州補用所遺員缺著朱

煒陞補其所遺東明縣知縣員缺著淡廷棻補授清豐

縣知縣趙文光著勒令休致所遺員缺著狄觀光補授

大名縣知縣員缺著張菊調補長垣縣知縣員缺著王

殿傑補授該部知道

嘉慶十九年六月初六日

那文毅公初任直隸總督奏議

卷五十二

二

奏為奏請

旨事竊照遷安縣捐納衛千總方元奎赴順天府尹衙門

呈控該署縣孫熙藉差派折銀三千七百兩入已

等情一案行文臬司提省審辦方元奎又以孫熙

派折銀六千一百兩等詞寫列款單在省城散布

經臬司行提應訊人等並飭調孫熙來省檄委保

定府知府盛泰率同候補知州顏樾候補知縣陳

晉審訊據孫熙回稱該員辦理塾道差務協濟馬

匹及驛站喂馬草束均係循照舊章辦理並無浮

派折收入已情事該員因聞方元奎係由該縣書

吏捐納衛千總素不安分把持地方公事曾在內署談及欲訪拏究辦不料被方元徑聞知遂挾嫌誣控并勾結多人扶同滋訟及散布款單為先發制人之計等語訊之書役人等供亦相同質之隨同方元徑控告之武舉李壇英生員高鑑均不能指出浮派確據惟提訊方元徑堅稱所告各款均屬實情孫知縣派折銀兩只求追出充公詰其有何憑証如何知悉則稱何用証據無人不曉并稱起初李壇英等本欲控告經伊攔勸中止今孫知縣將伊詳府是以李壇英等俱各具控孫知縣既

那文毅公初任直隸總督奏議 卷五十二 三

欲將伊究辦叫孫知縣辦伊就是了等語由兩司稟揭前來 臣查該署縣孫熙辦理差務如果循照舊章並無浮派折收情事何至被人訐控其中保無別情現當整頓之際必當嚴切究辦以儆藉差婪索之漸至方元徑當李壇英等欲控之時竟能一言阻止迨該縣將其詳府李壇英等即紛紛具控其為聽從指使事已顯然此外尙有扶同具控之尹景文等均未來省提到之徐文龍又被方元徑縱令潛回且於具控之後膽敢將案內應訊之人私自縱放甚屬藐法又不候訊究輒在省城散

布款單似此行為其平日不安本分特符把持亦可概見均應徹底研究以儆官邪而懲刁健應請旨將署遷安縣候補知縣孫熙捐納衛千總方元徑一併革職以便提同應訊人等嚴審定擬具奏並委員摘印署理查明孫熙經手倉庫錢糧有無未清另辦謹

奏

嘉慶十九年六月初七日奉

旨這所參被控藉差派折之署遷安縣知縣孫熙及散布款單之捐職衛千總方元徑著一併革職交該督提同

那文毅公初任直隸總督奏議 卷五十二 四

案內人証秉公嚴審定擬具奏

嘉慶十九年六月十八日

奏為遊擊年力就衰難期振作請

旨勒休以重營伍事竊照遊擊一官有表率營伍訓練弁兵之責必須年力富強方可以資整頓茲督標拱極營遊擊袁大章 臣此次查永定河工之便在盧溝橋接見該員履歷雖開六十二歲實年約有七旬精神步履頗形衰老詢其營務情形亦未明晰似此年力就衰之員未便姑容戀棧查該員自服官以來並無軍營勞績相應據實奏請

旨將拱極營遊擊袁大章勒令休致以重營伍謹

奏奉

硃批照所請行兵部知道

嘉慶十九年十月三十日

奏為參奏請

旨事竊臣自到任後見直隸官兵弓馬率多軟弱不堪得

力欽遵節奉

諭旨實力整頓於教演兵丁弓馬鎗箭之外演習長矛并

於各營參遊都守內擇其年輕者亦令學習以期

官既熟習兵丁自易教演半載以來各營官兵鎗

那文毅公初任直隸總督奏議

卷五十二

五

箭稍有起色於扎桿進步撥刺之法漸臻熟練惟

督標右營遊擊劉乾忠雲南人年二十八歲捐納

出身性本驕脆復耽安逸並不演習節經臣訓飭

總置罔聞本月二十七日臣在教場看兵對眾向

其詢問近日扎桿曾否習熟據該員回稱不能臣

當卽申飭次日傳同副將舒凌阿參將珠勒亨遊

擊那蘇圖因公進見復好言勸導該員復稱現在

有病斷難學習臣察看該員年正精壯毫無病容

當卽呵斥如再捏病偷安定卽責處詎該員益肆

謬妄口稱不學長矛不至責打出言頂撞臣傳巡

捕官令其責打詎該員將巡捕臂搥手走出副

將舒凌阿等見其太不成事始親身拉揪棍責伏

查直隸營伍情形實緣不知營規操演遂不認真

而益不教演益不知體制至臣自來接見官員從

無急言厲色惟教演官兵勢不能不加督責况營

制副將以下原可棍責茲為整頓營伍因見該員

年力正好諭令學習長矛並告以臣之子二人亦

均學習並非卑賤之事乃該員以捐納驕脆之習

並無勞績逞其氣質竟以整頓為非且以此次頂

撞得過便可倡率官兵不加操演以遂其偷安之

那文毅公初任直隸總督奏議

卷五十二

六

心並可取悅於眾似此逞刁首先梗令之人居心

實屬可恨若不加嚴懲遂至令約不行闖玩如昔

營伍萬難整頓相應據實參奏請

旨將該員劉乾忠革職以為倡眾梗令怠玩者戒謹

奏奉

硃批依議兵部知道

嘉慶二十年六月二十二日

奏為參奏請

旨事竊據馬蘭鎮總兵支孚呈據牆子路都司郎懷信稟

稱千總王朝臣到任以來罷軟無能貪婪不堪廢

弛營汎屢誠不悛又有外委王餘王朝勲疎脫賊犯請一併訊革等情該鎮當調王朝臣等嚴訊據王餘王朝勲供稱看守賊犯派兵不慎以致疎脫屬實惟王朝臣於被揭各款堅不承認該鎮因查即懷信稟揭王朝臣貪婪一款最為緊要自應查有確據方可揭奏究辦隨劄飭即懷信將賊証據實指出以憑質訊旋據即懷信將二三年前王朝臣價買殘廢馬匹當差等事撫拾多款含混稟覆仍無賊証飭調即懷信與王朝臣面質各執一詞互不相下該鎮諭俟覆訊詎即懷信並不遵照即起身回營除王餘等疎脫賊犯一案另辦外所有即懷信稟揭王朝臣一案呈請核辦前來臣查都司即懷信稟揭千總王朝臣貪婪一款並無賊証迨經該鎮劄查即懷信率將二三年前之事撫拾稟覆又不聽候覆訊實屬謬妄膽大至千總王朝臣平日果無貪婪實蹟該都司何致憑空稟揭其中必有別情相應稟奏請旨將牆子路都司即懷信千總王朝臣一併革職審訊以便徹底根究分別虛實按擬辦理並委員摘印署理謹

那文毅公初任直隸總督奏議

卷五十二

七

奏
嘉慶二十年六月二十四日奉
旨這所奏都司即懷信千總王朝臣均著革職交那彥成秉公審訊定擬具奏
嘉慶二十年九月二十五日
奏為遵
旨審擬具奏事竊臣前據馬蘭鎮總兵文孚呈報牆子路都司即懷信稟揭千總王朝臣貪婪等情一案奏奉
諭旨令臣秉公審訊定擬具奏欽此當經委員將即懷信等解省行據藩司錢臻臬司盛泰詳委因公在省之大名道屠之申并候補道程卓樑督同保定府知府阿霖審擬由司解勘前來臣親提覆鞫緣即懷信籍隸雲南由武舉投効湖南軍營存陞馬蘭鎮牆子路都司王朝臣籍隸密雲由行伍遞陞牆子路千總嘉慶十八年七月間王朝臣價買營馬六匹經即懷信查驗挑出瘦馬二匹至九月間即懷信調赴滑縣軍營王朝臣護理都司印務維時軍需差繁營馬不敷應用王朝臣將原買挑出之瘦馬支應尋常差務即懷信回任查知瘦馬支差

那文毅公初任直隸總督奏議

卷五十二

八

責令王朝臣調換又將子路管轄之青椿以外居民修造房屋向由干總回明都司勘驗預防私砍禁木十九年春間張必俊等自備木料修整窩棚適即懷信公出王朝臣未經回明迨即懷信回營瞥見張必俊等修整窩棚因王朝臣並不同明訓斥其非并欲稟知總鎮嗣查明所用木植並非禁木亦即中止二十年二月間王朝臣差兵丁馬成功赴平谷縣領運料荳向有開銷腳價王朝臣探知平谷縣荳價與糶子路本集價值相等圖省腳價囑令馬成功將原領料荳即在平谷縣糶賣摺

那文毅公初任直隸總督奏議

卷五十二

九

回荳價錢文在本集買荳如數完交所有腳價銀數兩交存充公即懷信以王朝臣雖係節省充公究屬貪圖小利時相訓誡是年三月即懷信飭委王朝臣押解京馬領回公費銀一百兩除開銷馬乾盤費等項外下剩銀兩王朝臣自行買馬二匹欲圖轉賣漁利即懷信查知令其將馬入營作抵尙應找補銀五兩四錢六分四月二十日王朝臣與字識劉公環領取鎖鑰面同即懷信開櫃交銀王朝臣入銀一錠計重八兩四錢一分尙應找銀二兩九錢五分劉公環將櫃內舊存碎銀取出二

兩九錢即懷信斥其自取之非劉公環出言頂撞即懷信諭令王朝臣將劉公環革除移縣究辦王朝臣因劉公環跪求亦未移送即懷信噴其庇護五月初八日兵丁鄧國慶等拏獲偷竊櫟木之張順徐大稟知王朝臣因是日天晚發交外委王餘等看守諭俟次日備文送縣詎張順等即於是夜乘間脫逃即懷信查知疎脫賊犯當向王朝臣訓斥王朝臣以外委王餘等派兵不慎之言分割即懷信噴其不服訓誡憶及王朝臣曾將殘馬當差庇護字識以及買馬轉賣貪省運荳腳價等事即

那文毅公初任直隸總督奏議

卷五十二

十

懷信不諳字義并不知句語輕重即指稱王朝臣罷軟無能廢弛營汛貪婪不堪等詞赴鎮稟揭使之警懼當經該鎮查訊令其指出賊証即懷信始知貪婪二字係指貪贓而言悔悟無及嗣據馬蘭鎮總兵文字呈由

臣奏奉

諭旨草審飭提來省查照稟揭情節逐一研鞫據供前情不諱臣恐尙有不實不盡復向即懷信詰訊令其將王朝臣贓款逐一指出以憑據實究辦據即懷信供稱伊既經稟揭如果另有劣蹟斷不肯反爲諱匿詰其因何將貪婪二字形諸稟牘又稱實因

不諳字義自認糊塗情詞極爲悚迫質之王朝臣
堅世委無貪婪不法情事查已草都司郎懷信因
外委王餘疎脫賊犯向千總王朝臣訓誡不服憶
彼從前以殘馬當差圖省運腳底護字識又因不
諳字義輒以貪婪罷軟等詞冒昧稟揭殊屬不合
郎懷信應照不應重律杖八十王朝臣將殘馬當
差訊係軍需差繁隨時權宜其居民修葺房間查
非砍取禁木卽圖省運腳銀兩業已充公並未入
已至疎脫賊犯係由該管外委王餘派兵不慎所
致但該員庇護字識不卽移送有司已有不合且

那文毅公初任直隸總督奏議 卷五十二 十一

不遵訓誡致釀事端亦屬違令王朝臣應照違令
律笞五十均業已革職應毋庸議惟查該員等究
係武職處陋罔識體制郎懷信前又投効軍營出
力曾受鎗傷王朝臣年力富強尙有出息現在被
叅之案究非貪婪剋扣兵餉廢弛營務者可比合
無仰懇

聖恩可否將已草都司郎懷信降等以千總留直補用已
革千總王朝臣降等以外委補用之處出自

皇上天恩字識劉公環因王朝臣抽取多餘銀兩輒向郎
懷信出言頂撞雖事屬從公究有不合劉公環應

照不應重律杖八十折責三十板革去字識飭縣
傳案折責發落並供招咨部謹

奏

嘉慶二十年九月二十六日奉

上諭那彥成奏審擬都司郎懷信稟揭千總王朝臣一案
請將該二員留直降補辦理殊屬輕縱王朝臣被揭多
款郎懷信所供不諳字義亦屬避就之詞所奏不准行
郎懷信王朝臣俱仍著革職餘照所擬完結

嘉慶二十年九月二十八日

奏爲特叅承辦差務不力之平泉州知州恭摺具奏請

那文毅公初任直隸總督奏議 卷五十二 十二

旨事竊照本年恭逢

聖駕巡幸熱河經由承德府及灤平豐盛等縣地方向以
平泉建昌赤峯朝陽四州縣幫辦道段一切差使
係平泉州率同各縣辦理先經臣派令清河道韓
文綺敬謹隨扈檄飭督催各州縣等實力遵辦不
容稍有貽悞並令該道於差竣分別優劣據實稟
報茲據韓文綺稟稱本年熱河差務除承辦常山
峪一帶道段泥渰之赤峯縣強謙業經叅奏交部
議處該員兼署灤平並灤平接署之常久朝陽代
辦之那斯璉承辦橋道均尙妥協外惟平泉州知

州興廉所辦道段雖無貽悞惟遇事巧避正當

大差經臨藉稱緝匪回州意圖推諉差使未免取巧至建

昌縣恒慶豐盜縣西林承辦橋道一律堅實平坦

辦理諸事亦極奮勉洵屬妥速理合區分功過稟

請查核前來 臣 伏查熱河各州縣每歲承值

巡幸大差理應實力敬謹勤辦豈容稍存諉卸今平泉州

知州興廉於

蹕路經臨差務緊要之時輒藉詞回州實屬取巧推諉未

便因其所辦道段尚無貽悞稍事姑容相應參

奏請

邵文毅公初任直隸總督奏議

卷五十二

七

旨將平泉州知州興廉降補知縣以示懲儆建昌縣知縣

恒慶豐盜縣知縣西林承辦差務均妥速認真 臣

業已飭司記功另行鼓勵謹

奏

嘉慶二十年十月初一日奉

上諭那彥成奏平泉州知州興廉承辦秋巡差務於蹕路

經臨時藉稱緝匪回州實屬取巧請降補知縣等語現

在直隸地方官皆有緝匪之責如本境內訪有逸犯踪

跡馳回本任緝獲尚可聲言不能兼顧今興廉並未報

有獲犯乃於蹕路經臨時藉詞擅回本任明係規避差

使僅令降補尚屬寬縱與廉著卽革職該部知道

嘉慶二十一年三月二十五日

奏為知縣難勝民社請

旨改用教職以肅吏治事竊查現任宛平縣知縣張馨由

浙江舉人大挑一等分發直隸補授衡水縣知縣

大計卓異嘉慶二十年奏陞今職該員到任之初尙知

勉力急公近則漸涉因循遇事延緩如本年恭逢

皇上祇謁

西陵

回鑾

邵文毅公初任直隸總督奏議

卷五十二

七

駐蹕北惠濟廟經由該縣境內所有橋梁等項早經給發

銀兩飭令備辦該員一味因循並不預備及差期

臨邇經 臣 派北路同知陳世相等幫同辦理始

得趕搭完竣而長新店一帶往返道路辦理亦未

堅實並屢經府尹向 臣 言及該員平日辦公不力

審理案件亦未明晰節經 臣 訓飭無如該員罔知

振作疲延如故實不勝知縣之任查上屆

大計 臣 原因該員辦事小心是以列入薦牘初不料其

始勤終怠如此現當整飭吏治 臣 不敢因保舉在

前稍存迴護相應據實具奏請

旨將宛平縣知縣張啓改用教職以肅吏治謹

奏奉

硃批依議吏部知道

那文毅公初任直隸總督奏議

卷五十一

五

清釐交代

嘉慶二十年十一月十三日

奏為立限清釐州縣交代以肅功令而杜流弊事竊查州縣交代例限兩月將應接倉庫錢糧等項會同監盤委員盤收造冊結報如有逾限即應開參再限兩箇月倘違二參之限仍未接收結報者即應參革如有虧空嚴治其罪例限本極周詳結報斷難遲逾臣於到任卷查直隸節次清查各案屢飭藩司實力催追並再四講求以直隸舊虧情形久在

那文毅公初任直隸總督奏議

卷五十一

六

聖明洞鑒之中舊虧固宜嚴追而續虧尤須早杜欲絕續虧之源必嚴交代之限遇有州縣交代未清應到任者停其到任應陞用者停其陞用應委署者停其委署誠以交代早清則續虧自絕節經遵飭在案今據藩司錢臻詳稱直隸各州縣交代出結雖未有逾違二參之限惟一經出結多有不即造冊隨結呈送咨部或因冊結款目未協駁令復核或咨部駁查之後經年累月不查不覆雖劄檄嚴提仍多視為具文推原其故皆由州縣於嘉慶十四年以前原止出結報部迨至十五年始奉部飭造

款冊因而逾加遲延似此玩忽本應參辦無如相
沿年久罰不及眾若再陳陳相因則交代款目必
致膠轕不清從此藉起虧挪之弊所關甚鉅輾轉
籌策惟有寬其已往懲其將來應請將各州縣交
代凡有駁令復核暨奉部駁查未經登覆以及未
經收清造冊結報者派委明幹之員分往會同各
府廳州督同監盤委員暨先後各任統限五箇月
內駁查者查明登覆未經接收者勒令造具冊結
申送報部倘其中有因虧挪未清不行出結者立
卽據實詳請參奏治罪此次清釐之後遇有交代

那文毅公初任直隸總督奏議 卷五十二 七

均須遵照定例依限盤收清楚造冊結報咨部如
再仍循舊習敢違例限者立卽詳參以儆玩悞等
情詳請具

奏前來 臣伏查各州縣交代出結雖尙未逾二叅但既
經駁飭查造款冊自應迅速分別造送登覆以符
定制該司詳請分別清釐係因未結交代可勒限
完結日後交代不致再有拖延起見 臣覆核無異
相應

奏明仰懇

皇上天恩俯准將前項造送款冊遲延各州縣勒限五箇

月分別清釐如實有虧挪等弊立卽嚴行參辦不
惟交代可期迅速並於續虧亦可永杜謹

奏奉

硃批該部查核具奏

那文毅公初任直隸總督奏議 卷五十二 六

陳明度支

嘉慶二十一年五月十七日

奏為查明直隸藩庫歷任借墊候歸銀款已未還各數

恭摺具

奏事竊查嘉慶二十年十月初五日准戶部咨開欽奉

上諭御史葉申萬奏各省藩庫借款易滋弊混請旨嚴飭

清釐一摺所奏是直省藩庫錢糧國帑攸關絲毫不容

擅動乃向來各藩司因州縣有急須支給之項本款銀

兩未到令將別款借給迨日久未歸又輾轉挪抵以致

借款繁多奸胥滑吏影射朦混弊端百出不可不嚴行

那文毅公初任直隸總督奏議 卷五十二 九

查禁著各督撫查明從前已經借出各款督令現任藩

司上緊清釐催追還款毋許遷延時日希圖陸續調護之

後任嗣後概不許擅行挪借如有藩司私准州縣借動

挪移者該督撫一經查出即將該藩司及該州縣一體

嚴參毋稍徇縱欽此 臣查直隸藩庫自前任藩司觀音

保任內起至襄行簡任內止因無本款可動借用

別款共墊借未歸銀二百一十二萬三千五百三

兩一錢七分四釐於嘉慶十二年間經前任藩司

慶格查明有著無著專摺具奏並造款冊咨部嗣

准部議前項借墊未歸銀兩內借墊無款歸補銀

一十萬三千八百二十一兩六錢五分議令在於

原借歷任藩司名下著賠完繳歸款又應動耗羨

不敷歸還銀八萬八千二十六兩四錢八分四釐

議准在於原借本款項下開除其餘未歸銀一百

九十三萬一千六百五十五兩四分內除初二三

次清查并交代虧空咨追分賠作正開銷及虛收

虛抵銀九十二萬一千九百八十四兩七錢七分

六釐外各州縣並營員欠解以及應動地糧耗羨

等款歸還銀一百萬九千六百七十兩二錢六分

四釐議令催提完解歸款並令嗣後遇有暫行借

那文毅公初任直隸總督奏議 卷五十二 十

墊之項應隨時記明檔案報部欽奉

諭旨准行在案自上次清釐以後已歸未歸銀兩雖按年

造冊送部惟迄今又屆十年之久且直隸自十二

年以來災歉頻仍地糧耗羨多有蠲緩帶徵而例

准開銷急需支給之項本款銀兩未到不得不暫

借別款墊發如日久未歸輾轉挪抵借款繁多恐

啟奸胥滑吏影射朦混之弊凡有借墊未歸各款

自應急行清釐以歸核實而杜弊竇 臣於未奉

諭旨以前督飭藩司酌議清釐嗣後欽遵轉行遵照去後

茲據藩司錢臻率同委員檢齊冊檔悉心查對按

款開單呈送前來臣逐細查核前次原辦自觀音保起至裘行簡離任止原查墊借六萬二千一百一十二萬三千五百三兩一錢七分四釐除借墊無款歸補銀一十萬三千八百二十一兩六錢五分在於原借歷任藩司名下著賠外實共計未歸銀二百一萬九千六百八十一兩五錢二分四釐內已陸續歸還并就本款開除銀六十一萬五千五百六兩一錢四分五釐尚有二三次清查並交代虧空者追分賠作正開銷及虛收虛抵未歸銀六十二萬四千五百三十五兩八錢九分一釐各州

那文毅公初任直隸總督奏議

卷五十二

三

縣營員欠解及應交地糧耗羨等款未歸銀七十七萬九千六百三十九兩四錢八分八釐共計尙未歸銀一百四十萬四千一百七十五兩三錢七分九釐又前藩司慶格任內起至前藩司素納任內止共借墊各款銀五十六萬二千四百二十五兩六錢一分八釐內已歸還銀二十四萬九千八百五十四兩四錢五分一釐尙有交代虧欠咨追未歸銀五萬二千六兩二錢四分又應交耗羨雜稅并提解各款未歸銀二十六萬五百六十四兩九錢二分七釐實尙計未歸銀三十一萬二千五

百七十一兩一錢六分七釐臣逐款查核俱係例在開銷急需之項均有檔案可稽並無私行濫借無著之款其中有應在外省咨追者俱經分案咨追應在本省徵收并提解者嚴飭催追一俟追解到日卽行歸款如查有本款不敷歸補者隨時咨部卽在原借本款項下開除仍將歸過數目按季報部庶款目明晰不使輾轉挪抵以杜影射朦混之弊臣將已未歸借墊銀兩飭司造具細款清冊詳送咨部查核謹

奏奉

那文毅公初任直隸總督奏議

卷五十二

三

硃批戶部議奏

請餉充費

嘉慶十九年六月初三日

奏為藩庫經費不敷恭懇

聖恩俯准

賞撥銀兩以備支放事竊照直隸司庫度支繁多每年額

徵地糧卽全數徵完向不敷歲支之用設遇水旱

偏災錢糧蠲緩停徵則經費愈形支絀歷經奏請

賞撥以資備用今查上年秋禾被水被旱被雹之四十五

州縣及被賊滋擾之開州東明長垣三州縣又獲

鹿安平大城等三十六州縣因冬雪稀少本年春

那文毅公初任直隸總督奏議

卷五十二

三

夏雨澤未沾麥收歉薄所有應徵十九年并十八

年以前新舊錢糧節奉

恩旨分別蠲豁帶徵并緩至本年秋後啟徵在案茲據藩

司素納詳稱直省本年應支

陵工俸餉驛站工料採買銅劬借支緩徵俸工及一切歲

需支放等項約共需地糧銀一百四十餘萬兩又

本年夏秋冬及二十年春季兵餉動用協撥餉銀

七十萬兩外尚須奏動地糧銀五十餘萬兩實共

需銀一百九十餘萬兩而司庫現在各屬徵解十

九年并十八年以前地糧除支放外僅存地糧銀

一萬餘兩所有本年應徵新舊錢糧除緩徵四百

七十餘萬兩外其不緩徵州縣雖俱照常徵納但

係省北一帶徵租旗地居多糧賦無幾約計僅可

抵用銀四十餘萬兩至如邢臺等八十四州縣緩

徵錢糧雖秋後可以啟徵而現在尚未普得透雨

秋成豐歉未定至期尚須察看難以遽行計數抵

用所需

陵工俸餉驛站工料并借支緩徵俸工及文武官養廉等

項必須按季支放恐致臨期短絀自應預為籌撥

備用等情詳請具

那文毅公初任直隸總督奏議

卷五十二

四

奏前來 臣伏查司庫一切支放銀兩均係亟需動給之

款現在各屬地糧多因被歉緩徵未能按期徵解

司庫存銀無幾不敷抵用該司所詳係屬實在情

形合無仰懇

聖恩勅部在於長蘆及附近省分地丁鹽課關稅項下

賞撥銀八十萬兩解交直隸藩庫兌收以備支放謹

奏奉

硃批戶部速議具奏

因事獲咎

嘉慶二十一年六月十九日

奏為遵

旨明白迴奏並懇陳感悚下忱事竊臣承准

廷寄欽奉

上諭景安等奏據已革靈臺縣知縣戴椿齡稟請我領嘉慶十五年賑案及十六年展賑案內未發銀兩以抵新虧訊明戴椿齡原報靈臺縣十五年初賑加賑展賑共需銀四萬一千五百餘兩經德克精阿發給銀一萬五千兩散放初賑嗣藩司陳祁劄令酌量節省該草員於

那文毅公初任直隸總督奏議

卷五十二

三

初賑放完後即未散放加賑至十六年展賑又在道庫領銀四千兩按戶散給共節省賑銀二萬餘兩於四月間印造實散銀一萬八千餘兩清冊詳司迨九月內藩司陳祁用該縣空白冊結照原報戶口開造浮銷銀二萬兩並經阜蘭縣知縣丁閩洲向該草員告知係陳祁以各州縣運送賑糧採買兵糧津貼銀兩無款可籌與總督商酌將靈臺等處節省賑餘銀兩通融籌辦津貼景安等提查賑案全卷又查出固原州浮銷銀三萬六千七百餘兩靜寧州浮銷銀一萬七千六百餘兩隆德縣浮銷銀一萬五千五百餘兩鹽茶廳浮銷銀五萬四

百餘兩連靈臺共浮銷銀十四萬一千一十餘兩提訊藩司衙門辦賑書吏俱供實係陳祁提用各州縣空白冊結捏造浮銷以為各州縣運糧腳價並採買兵糧津貼之用曾與總督商允檢查各州縣所領津貼印領共六十九張領過銀十二萬一千餘兩與浮銷之銀十四萬一千餘兩數尚未符容查實再奏等語辦理賑務實用實銷不容分釐浮冒乃那彥成因藩司陳祁籌酌各州縣撥運糧石腳價等項津貼輒許該藩司任意捏銷賑銀至十四萬餘兩之多如此膽大妄為已屬罪無可辭現經景安等查明各州縣印領共有著銀十二萬一

那文毅公初任直隸總督奏議

卷五十二

二

千餘兩尚有銀二萬兩無人承領其為私飽囊橐更顯而易見著那彥成明白迴奏並即自行議罪欽此

讀之下曷勝悚懼感激伏查嘉慶十五年

前在 旨撥帑給賑是年秋冬初賑加賑完竣十六年正月又蒙

恩加賑一月

聖慈優渥 身任封圻民事至重刻刻凜遵

諭旨以災黎亟應撫綏

帑項尤宜樽節是以督飭藩司及道府廳縣各員嚴杜浮冒實力查辦並派委營員學官分別散票發銀

互相稽察以絕冒領冒銷諸弊臣誠恐各屬不能實力奉行節經諄飭藩司各道認真督率毋許絲毫弊混所有節次辦理情形及條議各款均經奏蒙

聖鑒迨初加展賑辦竣由司查出逃亡病故各戶共存剩銀四萬九千五百三兩六錢共存剩糧二百六十五石七斗四升復經臣據實奏

聞將餘銀提還司庫餘糧歸還各倉嗣據司詳復將全案題銷亦在案今已革靈臺縣知縣戴椿齡稟控已革臬司前任平慶涇道德克精阿有短發賑銀二萬餘

那文毅公初任直隸總督奏議

卷五十二

二十七

兩經

欽差尚書景安等查出靈臺及固原鹽茶各屬共浮銷銀十四萬一千兩零係藩司陳祁與總督商酌為運送賑糧採買兵糧津貼之用奏奉

諭旨飭令臣明白迴奏臣受

恩深重稍有天良萬不敢於

聖主之前重蹈欺罔之罪竊思臣於賑卹重務任聽藩司

浮混開造率據司詳數目

題銷已屬罪無可逭百喙難辭惟藩司為錢糧總漕當日各屬承領賑銀均係陳祁經手支發其各省解

到餉銀截留東路均係德克精阿經手支發總督衙門僅憑司詳掛領實不知有短發各屬情事即陳祁當日亦實無稟商臣短發賑銀以為津貼運脚及採買兵糧不敷之事如果陳祁以此面稟臣

方且據實嚴叅又何敢扶同徇隱輒行私許現在前任臬蘭縣知縣丁閻洲業已身故丁閻洲面告戴椿齡之言既無憑據臣亦斷不敢因陳祁丁閻

洲二員已故無從質對稍存避就之見至甘省各州縣採買兵糧例價不敷實形賠累臣曾於十六年奏請調劑加增嗣因奉駁中止有案可查並非

那文毅公初任直隸總督奏議

卷五十二

二十八

敢擅扣賑餘津貼採買且臣如果私與藩司商酌

扣貼何以復將存剩賑餘銀糧約計五萬之數

奏明繳還此中情形難逃

聖明洞鑒惟是此案原報

題銷各檔冊均在陝甘總督衙門臣今既離任不及抄錄攜帶僅憑錄存摺稿查悉大概此時陳祁雖故

而經手支發之德克精阿現在蘭州合無仰懇天恩飭令景安等再行嚴訊虛實同查出無著銀二萬兩

係何人私飽囊橐一併普追究辦如果臣私許陳祁短發浮銷及稍有染指情弊應請

旨加等治罪臣不勝殷懃待命之至再臣渥蒙

皇上天高地厚之恩日懼無可報効今於辦理甘省賑務

任聽藩司短發浮銷漫無覺察實屬形同聾瞶辜

負

鴻慈惟有仰懇

天恩將臣交部從重治罪並請罰繳養廉銀一萬兩稍示

清懲謹

奏

容安謹案此奏未奉

那文毅公初任直隸總督奏議

卷五十五

三

諭旨

嘉慶二十一年六月三十日

命草直隸總督三等子並草子容照容恩職

欽差戶部尚書景公安等奏參甘肅前任總督那彥成商

同藩司浮銷賑銀並運送糧石脚價朦混具奏各

情弊奉

旨著托津禮恩馳驛前赴保定傳旨將那彥成革職擊問

解京交大學士戶部刑部會同嚴審定擬具奏那彥成

之子容照容恩俱著革職

嘉慶二十一年閏六月二十二日奉

上諭那彥成前在陝甘總督任內與已故藩司陳祁商同

挪移賑銀並捏奏捐廉等情前經大學士等會訊俱已

供認惟陳祁提入內署銀二萬四千兩尚無著落現在

降旨確查將那彥成監禁聽候擬罪惟聞伊母到京患

病沉篤那彥成係大學士阿桂之孫十八年勦辦滑城

賊匪亦有微勞伊係獨子經伊母守節撫孤至於成立

朕不忍令其母子兩地惟心特破格施恩給那彥成十

日之假令其回家省視伊母如十日期內伊母病已痊

愈仍令進監待罪倘伊母病有不測准其在家穿孝數

日再赴刑部監禁著刑部侍郎成格將此旨宣諭那彥

那文毅公初任直隸總督奏議

卷五十五

三

成即帶伊回家另派刑部滿漢司員各一人在伊家住

宿看守其住宅前後著步軍統領衙門派兵十名加意

巡邏不准那彥成出門與外人相見亦不准外人前往

看視

嘉慶二十一年七月初三日奉

旨朕於二十二日降旨令那彥成回家省視伊母不准外

人前往看視那彥成慶效於二十三日前往看門兵丁

會向攔阻伊自稱本家仍欲進門若謂看視那彥成之

母其母於二十日到京何以不於二十三日以前往看

慶收捏詞掩飾顯係違旨且年力衰頹著即照部議革

職

嘉慶二十一年八月二十一日刑部

奏擬定案奉

上諭那彥成著依議斬監候其應賠銀三萬九千八百三十四兩勒限一年完繳如那彥成於限內交完著刑部奏明將伊釋放寧家再候諭旨其陳和家屬應賠銀三萬九千八百三十四兩亦勒限一年著楊蔭在陳和家屬名下儘數追繳如限內不能全完所餘銀兩亦著落那彥成賠繳餘依議

嘉慶二十一年九月初六日奉

那文毅公初任直隸總督奏議

卷五十二

三

旨那彥成從前屢獲咎愆經朕棄瑕錄用復畀任陝甘總督自當竭盡忱悃力圖報効即地方遇有格礙難辦之事亦應據實陳奏請旨遵行乃聽信陳和之言挪移賑銀十九萬餘兩以為津貼採買脚價等項之用實屬膽大妄為經刑部問擬斬監候將應賠銀三萬九千八百兩勒限一年全完請旨應否免罪茲已於一月內繳完惟那彥成係屬大員雖有滑縣勦賊微勞不能即予免罪當發往伊犁姑念伊母年老病篤那彥成著加恩暫免發遣即行釋寧令其在家終養伊子容照容恩前以那彥成獲咎黜革茲那彥成既經釋放伊子並無他

咎著各降一等容照賞給三等侍衛在大門上行走容

恩以上虞備用處拜唐阿用

嘉慶二十一年九月二十一日戶部

誥封一品太夫人那拉太夫人憂

嘉慶二十一年十月二十日奉

旨這三等子爵係那彥成前在滑縣勦賊逆賊所賞與那彥成現獲之咎無涉著加恩將那彥成子孫揀選年終進譜帶領引見承襲

嘉慶二十一年十二月十六日長子容安蒙

恩承襲三等子爵

那文毅公初任直隸總督奏議

卷五十二

三

嘉慶二十一年十二月十九日奉

旨那彥成之子容安著加恩賞給二等侍衛在大門上行走

嘉慶二十二年五月十八日奉

上諭那彥成獲罪應發伊犁因伊母年老病篤暫免發遣茲以養事畢仍應發往伊犁念其前在滑縣勦賊著有勞績那彥成著加恩免其發遣在家閉門思過

那文毅公初任直隸總督奏議卷五十二

官階

嘉慶二十三年二月二十三日

上海市歷史文獻圖書館藏

恩授翰林院侍講

嘉慶二十三年四月十二日

擢

翰林院侍讀

嘉慶二十四年正月二十九日

擢授翰林院侍講學士充

日講起居注官

嘉慶二十四年三月初二日

擢授詹事府詹事充己卯科會試副總裁

聖鑒公總覽詹事府詹事

卷五十五上 官階一

嘉慶二十四年五月十二日

擢授倉場侍郎

嘉慶二十五年九月初九日

擢授理藩院尚書

嘉慶二十五年十月初五日

擢調吏部尚書

嘉慶二十五年十月十三日

擢兼鐵黃旗蒙古都統

嘉慶二十五年十二月二十九日

命在紫禁城騎馬

道光元年三月初七日

命署都察院左都御史

道光元年三月初八日

命署翰林院掌院學士

命兼理樂部

道光元年五月初六日

命署正藍旗漢軍都統

道光元年五月十四日

命署總理工程處

道光元年五月二十一日

聖鑒公總覽詹事府詹事

卷五十五上 官階二

命兼翰林院掌院學士充

日講起居注官

那文毅公總督倉場戶部侍郎奏議卷五十三目錄附官階

卷五十三上

倉場疏奏

那文毅公總督倉場戶部侍郎奏議

目錄

那文毅公奏議 卷五十三上

那文毅公總督倉場戶部侍郎奏議卷五十三上

男容安恭輯

倉場疏奏

容安謹按 先公自丙子獲咎罷斥至戊寅春

恩擢翰林院侍講迨己卯夏歷陞至倉場侍郎今

上皇帝御極蒙

恩擢任吏部刑部尚書京部奏章雖多類皆循例之事

今謹擇例外數事恭載如左

嘉慶二十四年五月會同莫公晉

奏為恭摺奏

那文毅公總督倉場戶部侍郎奏議

卷五十三

聞事五月二十二日奉

上諭孫玉庭等奏叅縱容幫丁索費指勒米結之運弁並

違例濫結之知縣請分別革職解任究辦一摺所有該

幫米石著飭令糧道斌良督押各運弁迅速挽運抵通

沿途嚴查攬和等弊交兌後著倉場侍郎傳旨將運弁

胡泉高峯雲王復一楊經士柯鵬翥錢佐六員先行革

職同頭伍人等一併鎖拏解往江蘇交該督等嚴審定

擬具奏欽此於本月二十四日抄出到臣衙門臣等查

泗州後幫於五月二十二日挽抵通壩業經交卸

全完隨即飛飭該糧道斌良督押在後之蘇州白

六七五

糧等五幫嚴查沿途攪和等弊一面將現已交卸全完之泗州後幫運弁楊經士先行傳到訊據供稱該幫兌運常熟縣漕糧內有代押泗州前幫撥兌崑山縣漕船五隻遵例完竣該縣已出具運官並無縱丁需索印結等語其在後之蘇州白糧等五幫現俱挽過津關若俟到通交卸時再行查拏恐伍丁等或致聞風逃逸臣等當即專派通州協副將七十一前往北運河一帶迎拏茲於五月十八日業已全行提傳到案臣等當即訊據蘇州白糧幫運弁錢佐太倉後幫運弁胡泉蘇州後幫

那文毅公總督倉場部侍郎奏議

卷五十三

二

運弁王復一鎮海後幫運弁高峯雲江淮頭幫運弁柯鵬翥等供稱該幫或兌運崑山縣漕糧或兌運新陽縣漕糧或兌運崑山新陽二縣漕糧因糧船開行限緊不敢遲延不得不聽留伍丁南守候領取存公銀兩是以一面前進一面前稟明糧道在南嚴催伍丁趕緊前來至今尚未到幫至於通關米結向例交兌廳員並不交給伍丁之手其在南需索運弁實不知情如有串運情事將來旗丁對質豈肯代為容隱伍丁如果在幫運弁亦豈肯隱匿致干罪戾等語惟旗丁毛六藝一名本係泗州

前幫旗丁撥兌崑山縣漕船五隻現在泗州後幫充當頭丁又旗丁周大森係蘇州後幫頭丁周三栢之子據供僅止照料船中家務南漕兌米素不與知等語查該二丁一係兌運崑山縣漕糧一係頭丁之子代其父在船照料均未便置之不問自應一併解往其餘應訊頭伍並未來通應由該省就近查拏至現在蘇州白糧等五幫日內亦可到通業經臣檄委各該幫副弁暫行管押又現有糧道總運照料自不致有攪和遲悞所有該六幫運弁楊經士錢佐胡泉王復一高峯雲柯鵬翥等六

那文毅公總督倉場部侍郎奏議

卷五十三

三

員遵旨先行革職同應行質訊之旗丁毛六藝周大森二名一併鎖拏當即飭知通永河道任銜蕙通州協副將七十一派撥弁役押解起程並知會前途文武員弁一體遵照嚴密管押解往江蘇歸案審辦咨送兩江總督等查辦謹奏奉旨知道了
嘉慶二十四年八月十一日會同莫公晉奏為役力疲乏酌議調劑以裨運務叩懇

天恩事據大通橋監督富斌等呈稱大通橋車戶承運漕糧所領脚價扣項頗多辦運實屬不敷本年自六月以來疊次大雨各處道路俱積水窪陷泥濘難行所有此項車一百二十輛因拉運日久牲畜疲乏不敷轉運必須添車加價修墊道路方能無悞第一切費用浩繁並無別款可支該役等恐悞運獲咎等語職等在橋目擊情形車戶疲乏屬實懇請將該役等應扣津貼各倉筒兒銀二千六百兩本年暫免坐扣並應交十六年逾額掣欠銀二千八十四兩緩扣一年俾紓心力若不稍為調劑誠

那文毅公總督倉場侍郎奏議

卷五十三

四

恐貽悞運務等情前來臣等查大通橋車戶轉運漕糧只有應領脚價此外別無應得款項經費有常亦斷不能另議加增當經飭駁仍即嚴催運辦後因七月間連次大雨泥濘糧車難行修墊道路並添車加價一切用度過多該車戶等極力趕運不敢遲延未免疲累等再四籌酌查向來車戶津貼各倉收米筒兒錢一項在於大通橋應領脚價內照數扣出例為橋壩辦公之用每年約得銀二千數百餘兩嘉慶十一年大通橋車戶辦運維艱所領脚價銀兩不敷支用經前任倉場侍郎廣

寅等奏請將應扣筒兒錢銀免其扣存暫行添補車戶脚價在案今歲該役誠屬貽累但若照所稟筒兒錢掣欠銀兩項均免扣交未免過多今擬照十一年之例將此項筒兒錢銀本年暫免坐扣一年俾可稍為貼補仰懇

聖慈格外施恩

俯准通融辦理則該車戶等運費有資僱車輛無虞拮据等加緊督催監督等趕緊轉運糧石迅速趕進各倉不任稍有遲悞謹

奏

那文毅公總督倉場侍郎奏議

卷五十三

五

嘉慶二十四年八月十二日奉

上諭那彥成等奏役力疲乏懇恩調劑一摺大通橋車戶承運漕糧所領脚價向應扣出津貼各倉筒兒錢以為橋壩公用本年連次大雨道途泥濘該車戶等添備車輛修墊道路所領運脚不敷辦公係屬實在情形加恩著照所請准其將本年應扣津貼各倉筒兒錢計銀二千六百兩暫免坐扣以紓役力

嘉慶二十四年八月十一日會同莫公晉漕運總督成公憲

奏為恭摺覆奏事八月初九日承准軍機大臣字寄奉

上諭現在永定河漫水下注各州縣被淹辦理賑卹需用米石不少著那彥成等會同成宜查明江廣尾幫各軍船已過揚村者概令寄剝運通其尙在揚村以南各幫船著與方受疇會商約計應需米若干即將該軍船所載米石截卸北倉交延豐幫同料理派員看守其軍船卽由彼回空方受疇核計何州縣需米若干飭令徑由北倉分晰領運可也特此諭知那彥成莫晉方受疇並傳諭延豐知之欽此臣等跪讀之下伏查在後江廣各幫應由揚村寄剝到通米石臣前奉

諭旨如屆時起剝不及卽在北倉截卸二十萬石亦無不那文毅公總督倉場部侍郎奏議 卷五十三 六

可欽此臣等連日親赴河干察看水勢情形並與調任漕臣李奕疇鹽政臣延豐往返札商似可毋庸截卸意見相同業由前任漕臣具

奏在案今復欽奉

諭旨以永定河漫水下注各州縣被淹辦理賑卹需用米石著與方受疇會商約計應需米石若干截卸北倉交延豐幫同料理欽此臣成宜適抵通州臣等三人彼此熟商此時軍船均已到天津若俟咨明方受疇應需米數再商截卸則船已挽抵揚村截卸不及今仍欽遵前降

諭旨截留北倉二十萬石咨明方受疇屆時差官領取所餘之米俟明春再為運送歸倉臣等卽一而知會延豐先須預備北倉廩座欽遵

諭旨料理截卸事宜再查江廣應行寄剝到通起卸軍船共十一幫其最後之九江鉛山湖南頭二三等五幫共計洪斛米十八萬餘石除應撥滄州駐防兵平斛米一萬餘石外仍應存洪斛米十七萬餘石卽將此五幫照數截卸北倉似已足敷應用不必拘泥二十萬之數現已咨明督臣方受疇鹽政臣延豐謹

奏 嘉慶二十四年八月十二日奉

上諭那彥成等奏料理截卸北倉米石以備賑需一摺江廣在後各幫船現在均已行抵天津那彥成等會商將最後九江前鉛山湖南頭二三等五幫共洪斛米十八萬石除給撥滄州駐防兵平斛米一萬餘石其餘十七萬餘石截卸北倉已足敷用著卽照所請如數截卸妥為存貯一面知會方受疇查明某州縣應需賑米若干派員分領運往可也

嘉慶二十五年正月二十四日會同莫公晉

奏為請

旨事竊照大通橋監督滿漢各一各係二年差滿時另於
各倉監督內揀選調補今查該橋漢監督張秉桓
係於上年十二月十一日甫經到任而滿監督富
斌又於本年二月初六日即應差滿該二員更換
之期相距僅及月餘查大通橋與坐糧廳專司起
卸轉運事務既繁而各項車戶人役五方襍處一
切彈壓役使均關緊要本年新糧轉瞬即至所有
先漕一切事宜皆應預為籌備必須熟手經理方
可無悞伏查乾隆二十八及四十九等年會因該

那文毅公總督倉場部侍郎奏議

卷五十三

八

橋監督同時任滿節經 衙門奏留一員以資熟
手又於嘉慶二十年因坐糧廳員更換之期相距
僅及兩月經 衙門將漢廳員任蘭祐再留半年
以資熟手均蒙

允准辦有成案廳橋事同一律合無仰懇

聖恩准將大通橋滿監督富斌留至今年漕竣之後再行
更換得有熟手經理實於運務有裨謹

奏奉

旨依議

嘉慶二十五年三月初四日會同莫公晉

奏為停解部庫額稅銀兩備留支用事據坐糧廳玉英

沈蘭生呈稱職廳等自嘉慶二十三年十二月起
至二十四年連閏至十一月初八日止一年期滿
共收商糧稅銀一萬二千三百四十五兩八錢五
分六釐業經摺奏所收之項於嘉慶二十五年通
惠河歲修工程等項之用除將收稅冊檔於關期
屆滿題報考核之期先行呈送并動支經費應歸
於本年考核案內呈送所有正額銀六千三百三
十九兩二錢六分盈餘銀六千六兩五錢九分六
釐因所收火耗不敷經費動支盈餘添補銀一千

那文毅公總督倉場部侍郎奏議

卷五十三

九

三百九兩七錢五分六釐應存盈餘銀四千六百
九十六兩八錢四分通共存銀一萬一千三十六
兩一錢應支放嘉慶二十五年通惠河歲修工程
銀三千九百五十八兩四錢二分又通惠河平下
平上慶豐等閘北岸滾水石壩工程銀七千八百
八十七兩零通流慶豐等閘開板麻繩銀八百一
十五兩五錢二分外河八汛弁備造刮板麻繩銀
一百八十四兩七錢九分一釐各汛存季俸薪等
銀一百九十八兩六錢六分六釐各閘開夫工食
銀六十二兩通共應放銀一萬三千一百六兩三

錢九分七釐除存銀兩全數給發外尚不敷各項
 支放銀二千七十兩二錢九分七釐且現在所收
 首季錢糧僅止本地土產為數無幾現在按月應
 支放經費及各役工食等項之用其不敷銀兩實
 無應動之項而工程又不能刻緩惟查嘉慶二十
 二年十二月初九日起至嘉慶二十三年十二月
 初八日止一年徵收稅課於嘉慶二十四年業經
 支放清楚現在本年造冊奏銷除支用外尚有應
 解戶部額稅銀三千一百三十六兩五錢二分六
 釐又收通永道移解扣存各員分賠核減等錢五
 百九十五兩八錢五釐通共銀三千七百三十二
 兩三錢三分一釐應請將此項銀兩留支前項不
 敷銀二千七十兩二錢九分七釐尚存銀一千六
 百六十二兩三分四釐以備支發本年加鑲工程
 及各關備板各汛俸薪閘夫工食等項之用以濟
 公務所有本年留支銀兩應請歸於下年稅課奏
 銷收存項下造冊報銷理合呈明據情轉
 奏等情到臣該臣等覆核無異所有坐糧廳呈請停解
 留支該年應存額稅銀兩原係照例通融辦理伏
 乞

聖毅公總督督部侍郎奏議 卷五十三 十

皇上勅部查核施行謹
 奏奉
 旨戶部查核具奏
 容安謹按此奏經戶部核議除動用不敷外餘
 剩銀兩例應解部不准留支奉
 旨依議
 嘉慶二十五年七月十五日
 賞戴單眼花翎
 嘉慶二十五年七月十五日奉
 上諭向例各省重運漕船抵通於七月十五日前後即全
 聖毅公總督督部侍郎奏議 卷五十三 十一

數回空嗣因沿途阻滯抵通較遲不能如期歸次迄今
 已三十餘年未符定制本年南糧重運北來行走過速
 甫屆七月中旬即已全數回空從此歸次日早冬兌冬
 開年年可復舊規此皆上年飭令各督撫嚴催交兌押
 令依限開行該漕督等沿途催趨認真且本年各幫米
 色俱皆乾圓潔淨倉場侍郎等尅期驗收毫無留滯是
 以漕政大有起色著傳諭有漕省分各督撫及漕運總
 督一切交兌催趨事宜均照此次辦理不可稍生懈弛
 除督運各員前經施恩外那彥成莫晉及坐糧廳司員
 玉英沈蘭生俱著加恩交部議敘那彥成從前曾戴雙

眼花翎著加恩賞戴單眼花翎以示獎勵

嘉慶二十五年七月二十日會同莫公晉

奏為據實聲明事據富新倉滿監督瑞慶呈稱本月十

四日辰刻奉委飭令就近催趨富新等倉一帶進

倉及回空車輛遊卽於是日午刻出倉催趨與平

南新舊太等倉車輛行至朝陽門水關適有倉役

來稟查倉御史到倉隨卽趕回因徧身灰土礙難

卽見暫趨值宿公所淨面更衣甫出公所門首御

史業已出倉雖經覲面未及接見茲於本月十六

日經御史以擅離職守叅

那文毅公總督倉場部侍郎奏議

卷五十三

三

奏奉

旨交部議處欽此謹將十四日出倉情形呈明察核等

情當經臣等據情移咨吏部查核辦理在案旋准

吏部覆稱查富新倉監督瑞慶經查倉御史王家

相奏參奉

旨交部議處本部業已定議今據該監督是日公出緣由

本部查該監督既經奉委公出卽當移會漢監督

在倉監收亦不應將鑰匙遽交家丁收管未便據

咨辦理咨覆前來臣等查該監督實係臣等票委

幫同大通橋監督就近催趨一帶進倉及回空車

輛以速運務其因公出倉之處有原發票文可憑

並非擅離職守惟未知會漢監督在倉照料并不

應將鑰匙遽交家丁收管是其錯謬殊屬違

令相應據實參奏請

旨交部議處謹

奏

嘉慶二十五年七月二十二日奉

旨監督瑞慶奉委出倉自應將鑰匙移交漢監督收管乃

擅付家丁收執殊屬錯謬仍著交部議處

那文毅公總督倉場部侍郎奏議

卷五十三

三

那文毅公總督倉場戶部侍郎奏議卷五十三上

官階

道光元年七月初三日

擢調刑部尚書兼署吏部尚書管理宗人府銀庫

道光元年七月初十日

命兼閱兵大臣

擢調正藍旗滿洲都統

道光元年八月初六日

命署兵部尚書

道光元年十月二十九日

命署正黃旗滿洲都統

那文毅公刑部尚書奏議

卷五十三下

官階一

道光二年正月二十七日

命署吏部尚書

道光二年三月十一日

命署吏部尚書

道光二年四月十三日

擢兼內大臣

那文毅公刑部尚書奏議總目 官階附

卷五十三下

總匯定讞 附另奏事件

總匯定讞

卷五十四

總匯定讞 附請改罪名條例

卷五十五

總匯定讞 附請改罪名條例

那文毅公刑部尚書奏議

總目

一

那文毅公刑部尚書奏議卷五十三目錄 官階附

卷五十三下

總滙定讞 附另奏事件

總滙定讞

那文毅公刑部尚書奏議

目錄

一

那文毅公刑部尚書奏議卷五十三下

男容安恭輯

總滙定讞

容安謹案 先公受

三朝恩遇官周六部京職奏章惟秋曹為繁重 先高祖

文勤公 先曾祖文成公均曾綜理秋曹 先

公秉 兩代彝訓持平折獄準以中正嘗示 安

日案者案也如几案之有面四圍展布取其平

正平正則置器於上不偏不倚則案之能事畢

矣倘預有先見必至縱枉不平則非案也 先

那文毅公刑部尚書奏議

卷五十三下

一

公掌斯職者年餘鞠讞盈千件不及全載茲謹

擇載四十件皆 先人手製創稿會同入奏大

抵以扶教化正人心破邪奸伸法令刑期無刑

而不致死者含冤辟以止辟而不使草菅人命

造就後學甄陶秋曹僚屬今之蒸蒸日上者正

不乏人上宣

聖德下承家學一時白雲亭上稱盛事焉

道光元年十一月二十三日會同總理部務大學

士戴公均元尚書韓公鈞及諸侍郎

奏為掌印司員承審命案訊辦不公顯有聽受賄囑

情弊並司員代案犯賄囑書吏請

旨一併革職審訊以成信諫事准都察院咨送宛平縣民婦李劉氏呈控民人傅大喝令武三將伊夫李大毆斃該縣不為究辦一案臣等查閱李劉氏原呈內稱本年二月二十八日傅大強令伊夫李大看墳李大不允傅大喝令武三將其毆斃檢查宛平縣卷原驗李大屍身係內損身死訊據武三供認因向李大索欠起衅趕揪李大致李大掙脫失跌身死傅大並未在場等語與屍親各執一詞當經簽分直隸司審辦臣等屢向掌印郎中舒通阿

那文毅公刑部尚書奏議

卷五十三

二

查詢現訊情節舒通阿聲稱傅大是日委未在场有要証王劉氏供詞可憑臣等復諭令悉心研鞫七月初二日臣韓封進署舒通阿一人上堂手持片簿呈請標畫內開行令順天府轉飭大興縣壓令屍親領棺埋葬等語臣韓封查辦理命案例於擬結後飭屬領棺埋葬斷無案情未定先行壓令屍親領棺之理且屍親既不肯領棺自必心未輸服而該司滿漢司員甚多何以只舒通阿一人上堂尤屬可疑隨以所辦與例不符駁令再行秉公詳審旋據該司漢主稿主事梁恩照面稟舒通阿

那文毅公刑部尚書奏議

卷五十三

三

辦理此案獨斷獨行傅大到案並未收禁亦不深加訊究所辦實未公允因此同司各員俱與舒通阿意見不同請另派員審訊等語臣韓封隨商之臣戴均元那彥成等將此案改調貴州司並派員會同審訊節據該司員等審出傅大開菓子行生理因新造墳塋與已死之李大鄰近令舖夥武三屢邀李大看墳李大不允與武三口角揪扭傅大聲言與李大打場官司武三卽拾磚自行砸傷額顛圖向詐賴李大跑走傅大喝令武三將李大揪回武三趕上李大將其棉袄揪住李大用力往前一掙武三鬆手李大撲跌內損身死傅大當令村鄰王四向屍親李劉氏賄和許給京錢五百弔地三十畝李劉氏不允傅大復賄囑見証王劉氏到官代為隱瞞臣部傳到王四供認代傅大賄和屍親王劉氏亦供認曾受傅大賄囑是以將傅大喝令實情匿不供吐等情維時屍妻李劉氏仍以伊夫耳後及兩腿有傷懇請檢驗臣等隨復派員前詣停棺處所如法檢出李大屍骨左耳竅近上

有青色一處係拳傷兩腿有栽磕傷三處其原驗內損情形皮肉消化無憑復檢連日審訊武三據

供傳大喝令趕揪李大之時伊曾用拳毆其左耳邊一下並據宛平縣作范志供認該縣未相驗之先傳大會以京錢三百弔向伊等打點伊與在逃之刑書張庭榮及已故原差劉祥各分錢一百弔即係劉祥過付伊隨該縣相驗見李大屍身鼻竅有食物穀道糞出與洗冤錄所載內損情形相符是以喝報內損其餘傷痕因聽囑匿未申報質之傳大供俱照合傳訊屍妻李劉氏亦稱伊夫穀道糞出伊會親見等語是宛平縣原驗內損身死之處尙無錯誤而刑件受賄隱匿傷痕已屬確據

那文毅公刑部尙書奏議

卷五十三

四

至現訊傳大主使武三趕揪李大致令跌斃按律應以傳大擬抵而部直隸司原審傳大並未在場竟以正兇爲無干之人案情出入甚大該司掌印郎中舒通阿既經屍親指告傳大係喝令正兇何以傳大到案並不收禁承審累月又不認真研訊幾使正兇漏網復欲壓令屍親領棺獨持片簿上堂希冀朦混結案現據主稿漢司員梁恩照面稟舒通阿獨斷獨行並不商之同司各員是其種種紕繆迥出情理之外至傳大以市僧之徒致斃人命賄和屍親不允旋復賄囑刑件贓數疊疊而

臣部承審之掌印司員於應抵正兇不爲收禁嚴究轉欲勒令屍親領棺顯有聽受賄囑有心顛倒情弊連日督同司員晝夜熬審乃傳大恃無質証茹刑不吐嚴訊該司承辦經承王黼榮供認傳大到案時有兵部侍郎哈豐阿之子部雲南司額外主事與貴會託照應傳大許給該吏京錢一百弔復訊傳大無可狡賴始稱伊與與貴係屬世交託其在部照應嗣與貴告知業已囑托書吏許給京錢一百弔等語而於如何賄囑舒通阿之處仍堅不吐實等查與貴以本部司員代人賄囑書

那文毅公刑部尙書奏議

卷五十三

五

吏實屬執法營私而舒通阿審辦不公是否即係與貴代向賄求抑或別有請託之人並恐與貴亦有從中染指情事必須徹底根究務須水落石出以儆貪邪而昭憲典相應請旨將部直隸司掌印郎中舒通阿雲南司額外主事與貴一併革職審訊並傳該員等家人提同該司書役人等與傳大隔別嚴訊確情仍一面行文順天府及步軍統領衙門五城勒緝宛平縣書吏張庭榮歸案審辦至前署宛平縣知縣周衡相驗不實亦有應得之咎統俟等審明有無別情再行

附奏謹

奏

道光元年十一月二十三日奉

上諭此案刑部郎中舒通阿承審命案於應抵正兇不收禁嚴究實出情理之外可惡之至轉欲勒令屍親領棺主事與貴代犯人賄囑書吏實屬執法營私刑部堂官於未經定案之先查明據實奏不稍徇庇甚屬可嘉刑部堂官俱著先行交部議敘舒通阿與貴俱著革職交軍機大臣會同刑部提集人証秉公嚴審徹底根究定擬具奏在逃之書吏張廷榮著步

那文毅公刑部尚書奏議

卷五十三

六

軍統領衙門順天府五城迅速緝獲歸案審辦

道光元年十二月初八日奉

旨兵部郎中慶恩員外郎慶志俱著革職歸案審訊

道光元年十二月十六日會同軍機大臣刑部尚

書侍郎

奏為會同嚴審定擬具奏事據刑部奏參司員承審

命案辦理不公等情一案奉

旨刑部郎中舒通阿主事典貴俱著革職交軍機大臣

會同刑部提集人証秉公嚴審徹底根究定擬具奏

欽此節經_臣等究出典貴之父兵部侍郎哈豐阿

託兵部員外郎慶志告知慶志之兄兵部郎中慶

恩向舒通阿囑託先後奏奉

諭旨將哈豐阿慶志慶恩俱著革職審訊前據順天府衙門將在逃之書吏張廷榮等緝獲送部審辦_臣等提齊犯証詳加研鞫緣傳大籍隸宛平開設菓子行生理武三係傳大舖夥與已死李大素識無嫌傳大有墳塋一座坐落縣屬北旺村地方先係李大堂弟李秋兒看管道光元年正月間李秋兒身故傳大因墳地與李大住屋毗連欲其就近看管令舖夥武三向說並允給地五畝房屋三間居

那文毅公刑部尚書奏議

卷五十三

七

住看墳李大含糊應允二月二十八日傳大武三與李大在村口路遇武三詢問李大何時移居傳大墳上李大聲稱五畝地不敷用度須添五畝方去看墳武三以李大復行翻悔當向村斥揪扭傳大聲言他不看墳先與他打場喧鬧官司武三隨放開李大拾取碎石自將額顛砸破冀向圖賴李大跑走傳大喝令武三將李大揪回與李大打場官司維時武三正在低頭流血一聞傳大之言即趕至村鄰王劉氏門口適王劉氏在門口站立武三當用右手將李大身後棉襖揪住左手順毆李

大左耳近上一下李大用力往前一掙武三鬆手李大撲跌倒地內損傅大等趕向攔救無及移時殞命傅大慮干重罪當囑武三到官一人承認不必言伊在場許其照應家眷武三亦因傅大相待素優且李大係伊揪跌致斃遂即應允傅大復託該村民人王四轉邀樊世達等前往屍妻李劉氏家賄和許給京錢五百弔地三十畝令其到官不必供出傅大李劉氏不允經地保報知宛平縣適該縣公出申請候補知縣甯雲鵬代驗傅大隨託宛平縣已故原差劉祥轉託刑書件作共給京錢

那文毅公刑部尚書奏議

卷五十三

八

三百弔劉祥得錢一百弔件作范志得錢一百弔刑書張庭榮得錢五十五弔貼寫書吏朱斌得錢四十五弔傅大又商見証王劉氏到官將囑令實情匿不供吐所有王劉氏涉訟盤費均係傅大代出三月初一日甯雲鵬詣驗件作范志驗明李大屍身鼻竅有食物穀道糞出囑報內損身死並因先已受賄即將致命左耳近上拳傷並左右腿磕碰傷四處匿不申報屍妻李劉氏不服甯雲鵬諭令俟宛平縣親來復驗次日署宛平縣周衡詣驗范志仍前囑報周衡因所驗鼻竅有食物穀道糞

出與洗冤錄內所載內損情形相符定為內損身死其左耳等處未及詳驗即令棺殮李劉氏旋於三月十二日以傅大囑令武三毆斃其夫等情在都察院呈控咨回順天府改委大興縣審辦王劉氏在城候訊時向傅大埋怨該縣原差馬亮與傅大係屬至戚慮王劉氏供吐實情隨商同夥役劉泳捏稱王劉氏懷孕臨盆稟准取保致未審結李劉氏復以前情在都察院呈控咨送刑部簽分直隸司審辦五月中旬傅大思欲在部打點因兵部侍郎哈豐阿與伊世好其子與貴係刑部雲南司

那文毅公刑部尚書奏議

卷五十三

九

額外主事遂面見哈豐阿求與貴在部照應哈豐阿諭令與貴俟傅大到部時照應茶水五月底傅大故父傅有為又至哈豐阿家懇向直隸司承審司員囑託哈豐阿應允因與直隸司掌印郎中舒通阿素不認識憶及前任刑部郎中調任兵部郎中慶恩在刑部年久與舒通阿自必相好又因慶恩到兵部未久未便遽向囑託公事隨向慶恩之弟兵部員外郎慶志告知伊有素好之傅大因武三命案被屍親誑告其實傅大並未在場現在刑部直隸司審辦令其告知慶恩轉託舒通阿照應

早為完結以省拖累等語慶志回家向慶恩述知慶恩應允旋遇舒通阿將傅大案由告知囑其照應速結舒通阿以提取文卷尚未到部之言答覆迨傅大到案舒通阿因武三供認揪跌李大致斃傅大狡供並未在場見証王劉氏亦代傅大供剖又因曾受慶恩囑託未將傅大收禁仍交縣看押嗣與慶恩路遇告知文卷已來現在審訊可以速給六月底傅大武三等俱已畫供惟屍妻李劉氏仍稱其夫屍身有傷原驗不實舒通阿諭令具結開檢屍胞弟李二不肯具結舒通阿以屍親既不

那文毅公刑部尚書奏議

卷五十三

十

具結即繕片回堂劄行順天府轉飭大興縣飭令屍親領棺經刑部尚書韓對以辦理命案例於擬結後飭屬領棺埋葬斷無案情未定先令屍親領棺之理駁未標蓋諭令秉公覆審惟時與貴先於五月底令雲南司皂役胡泳興代傅大向直隸司書役囑託並令傅大給胡泳興京錢二百弔胡泳興轉給經承王黼棠京錢五十弔皂役段坤京錢五十弔餘剩京錢一百弔胡泳興私自侵用六月初十日與貴告知傅大業已託過舒通阿當即乘機向傅大借用京錢二百弔二十日與貴復向傅

大探知並未收禁舒通阿並不向其苛求想係伊父曾經囑託之故起意撞騙隨向傅大聲稱舒通阿必須酬謝酌定京錢四百弔傅大於二十一日如數交給與貴自行陸續花用而直隸司主稿司員梁恩照因舒通阿所繕劄行順天府片文業經堂駁未畫即以舒通阿審辦不公同司各員意見不合等情回堂調司派審訊出傅大喝令賄和實情派員檢明李大屍身左耳竅骨近上拳傷一處骨色微青左右腿裁磕傷四處其原驗內損情形無憑覆檢訊據傅大及屍親等僉供原驗時鼻竅

那文毅公刑部尚書奏議

卷五十三

十一

有食物穀道糞出屬實且復檢左耳竅骨近上一傷雖係致命部位傷甚輕微不致於死其為死於內損無疑並究出與貴代傅大賄囑書役等情奏奉

旨令 臣等會同審訊俱各供認前情不諱 臣等以舒道阿於屍親指告正兇應禁不禁又未究出喝令實情復於未經定案之先即欲飭令屍親領棺若非得受重賄何至違例謬妄如此之甚隨將傅大與貴舒通阿隔別研訊據傅大供稱伊祇交給與貴京錢八百弔此外並未另行花用錢文至與貴會

否給與舒通阿錢文祇求向興貴推問據興貴供稱傅大先給京錢二百弔原係開發書役嗣因伊父與伊代為上下囑託是以索借京錢二百弔迨後傅大告知舒通阿未向苛求始行起意撞騙京錢四百弔如果轉給舒通阿錢文撞騙之罪並不輕於過付且尙須追贓入官何肯自任重罪復代人完贓祇求詳情訊之舒通阿據供伊因慶恩囑托已有先入之言又因武三王劉氏均代傅大供剖誤以傅大係屬無干以致種種謬誤實無得受賄賂情事祇求向傅大等嚴訊各等語隨提傅大

那文毅公刑部尙書奏議

卷五十三

十一

哈豐阿興貴跟隨家人那丹等隔別嚴訊僉供實無向舒通阿行賄情事實之舒通阿家人李二等供亦相符加以搯耳跪練熬審多日仍各矢口不移查傅大自在刑部涉訟先後交付興貴京錢八百弔現據興貴胡泳興等供稱已均有著落連日復嚴訊舒通阿堅供伊與慶恩本屬相好並未得受贓私實因聽其先入之言以致違例錯誤咎無可辭等語是其所供並未得贓之處尙屬可信應卽按律定擬查律載凡鬪毆殺人者不問手足他物金刃並絞監候又以威力主使他人毆打而致

死傷者並以主使之人為首下手之人為從論減主使一等又証佐不言實情減罪人罪二等又詐欺官司取財計贓准竊盜論免刺竊盜贓五十兩杖六十徒一年一百二十兩以上絞監候又名例律載稱准者罪只杖一百流三千里又官司故出入人罪全出全入者以全罪論若囚未決放及放而還獲各聽減一等又吏件受財故檢驗不以實計贓以枉法從重論又枉法贓五十兩杖一百流二千五百里二十五兩杖七十徒一年半二十兩杖六十徒一年不枉法贓折半科罪一十兩杖七十無祿人各減一等又例載有事以財行求及說事過錢者計所與之贓與受財人同科各等語此案傅大因令舖夥武三轉邀李大看墳不允該犯聲稱與李大打場官司武三趕至李大身後用右手揪住李大棉襖順用左手毆其左耳近上一下李大用力一掙撲跌倒地內傷身死查李大之掙跌由於武三之趕揪而武三之趕揪由於傅大之主使應以傅大當其重罪論傅大除節次賄求係屬輕罪不議外合依威力主使他人毆打而致死者以主使人為首律擬絞監候秋後處決武三合

那文毅公刑部尙書奏議

卷五十三

十二

十無祿人各減一等又例載有事以財行求及說事過錢者計所與之贓與受財人同科各等語此案傅大因令舖夥武三轉邀李大看墳不允該犯聲稱與李大打場官司武三趕至李大身後用右手揪住李大棉襖順用左手毆其左耳近上一下李大用力一掙撲跌倒地內傷身死查李大之掙跌由於武三之趕揪而武三之趕揪由於傅大之主使應以傅大當其重罪論傅大除節次賄求係屬輕罪不議外合依威力主使他人毆打而致死者以主使人為首律擬絞監候秋後處決武三合

依下手之人為從論減主使一等律擬杖一百流
三千里已革侍郎哈豐阿位列卿貳乃與市僧傅
大結交並令伊子與貴在部代為照應已屬有忝
厥職復因傅大故父傅有為向其懇求輒令該管
兵部司員慶恩輾轉向刑部承審司員請托致伊
子與貴撞騙多贓實屬辜

恩負職哈豐阿應請

旨發往烏魯木齊効力贖罪已革刑部雲南司額外主
事與貴代傅大賄囑書役付京錢二百兩又向傅
大因事索借京錢二百兩嗣因探知舒通阿審訊

那文毅公刑部尚書奏議

卷五十三

十四

傅大跡涉狗情即指舒通阿之名向傅大撞騙使
用京錢四百兩與貴合依詐欺官司取財計贓准
竊盜論免刺罪只杖一百流三千里該員以大員
子弟身任法曹輒代犯人賄囑書役復指官撞騙
多贓情罪較重應請

旨一併發往烏魯木齊効力贖罪已革刑部掌印郎中
舒通阿因聽受慶恩囑托於屍親指令喝告正兇
並未收禁審訊時又不細心推鞠復欲飭令屍親
領棺雖訊無受賄重情第既聽囑在先即屬狗情
故出按官司故出人罪全出者以全罪論放而還

獲減一等律應於傅大絞罪上減一等杖一百流
三千里該革員僅只訊取供詞究未成招定案應
再量減一等杖一百徒三年惟該革員以刑部承
審命案輒敢瞻徇別部大員情面幾至正兇漏網
應請

旨發往伊犁効力贖罪已革兵部員外郎慶志聽從兵
部堂官哈豐阿指使告知伊兄已革兵部郎中慶
恩轉向舒通阿囑托均有不合慶志慶恩均照不
應重律杖八十查慶恩向舒通阿囑托致舒通阿
狗情誤辦業經革職應毋庸議慶志只代堂官傳

那文毅公刑部尚書奏議

卷五十三

十五

與伊兄究未向舒通阿覲面囑托較慶恩情節少
輕應否開復原官交部議處恭候

欽定王劉氏聽受賄囑所用傅大錢文並無確數惟經
官傳訊將傅大喝令實情匿不供吐幾致罪名出
入應照不實情減罪人罪二等律於傅大絞罪上
減二等擬杖一百徒三年係婦人照例收贖死平
縣刑書張庭榮得受傅大京錢五十五兩朱斌得
錢四十五兩作伴范志得受京錢一百兩於檢驗
屍傷匿報傷痕雖罪無增減仍應計贓以枉法分
別定擬范志合依枉法贓五十兩杖一百流二千

五百里無祿人減一等律杖一百徒三年張庭榮	等合依枉法贓二十兩以上杖七十徒一年半無	祿人減一等杖六十徒一年朱斌合依枉法贓二	十兩杖六十徒一年無祿人減一等律杖一百刑	部雲南司皂隸胡永興聽從典貴打點直隸司書	役從中侵用京錢一百兩合依詐欺官司取財計	贓准竊盜論竊盜贓五十兩杖七十徒一年半律	杖七十徒一年半直隸司書吏王黼棠皂役段焜	各得受傅大京錢五十兩訊只照應茶水於法尙	無所枉均照不枉法贓折半科罪十兩以上杖七	那文毅公刑部尚書奏議	卷五三	六
十無祿人減一等律擬杖六十大興縣差役馬亮	因與傅大戚好嗣見要証王劉氏抱怨傅大恐其	當官供出實情商同夥役劉泳代為捏稟取保雖	訊無受賄情事究屬玩法均照不應重律杖八十	馬亮仍與王黼棠段焜胡永興各加枷號一箇月	均革役王四樊士達王文學劉富貴張三代傅大	賄和屍親不允亦應均照不應重律杖八十武三	事犯到官在本年四月初七日	恩詔以前前既聽從傅大喝令趕揪致斃人命到官後	復承認正兇匪不吐實應與到官在後之范志張			

那文毅公奏議 卷五三下

庭榮朱斌王四等均不准其減免分別定地發配	折責發落餘屬無干概行省釋典貴等所得贓錢	照追入官署宛平縣知縣周衡檢驗屍傷失察吏	件受賄匿報傷痕雖於罪無所增減究屬相驗不	實應請	旨交部議處謹	奏	道光元年十二月十六日奉	上諭軍機大臣會同刑部審擬司員承辦命案不公分	別治罪一摺此案傅大喝令武三將李大揪毆致斃	那文毅公刑部尚書奏議	卷五三	七
刑部直隸司掌印郎中舒通阿聽受囑托不將傅大	收禁嚴審經該堂官參奏當派軍機大臣會同審訊	將哈豐阿等輾轉囑托情弊一一訊明將傅大按律	問擬絞監候餘犯分別治罪哈豐阿以二品大員結	交市僧囑托該管司員代為關說刑部官司實屬卑	鄙不堪哈豐阿著即照擬發往烏魯木齊効力贖罪	以示懲儆各滿漢大員身居高位即當教品自重不	得與市井之徒往來交接如不知檢束執法營私不	惟身罹罪愆亦且置顏面於何地皆當以哈豐阿為	戒至與貴身任司員且係大員之子輒代傅大賄囑			

六九一

書役復乘機撞騙多贓入己情殊可惡改發伊犁効力贖罪舒通阿以刑部司員承審命案聽情狗庇幾至正兇漏網著照擬發往伊犁効力贖罪已革兵部員外郎慶志僅只代哈豐阿傳話慶恩並未向舒通阿面托著准其開復原官交部議處前署宛平縣知縣周衡相驗不實亦著交部議處武三等犯罪名均不准其援免餘依議

道光元年十二月二十日會同總理部務大學士戴公均元尙書韓公封及諸侍郎

奏為遵

那文毅公刑部尙書奏議

卷五十三

六

旨議奏事內閣抄出直隸總督方受疇奏曲周縣民人倪憲章聽信父言赴京混控審明定擬一摺道光元年十二月初二日奉

硃批刑部議奏欽此該_臣等議得據直隸總督方受疇奏稱竊據曲周縣民人倪憲章赴京呈控伊叔倪添祥商同倪幅祥等將伊出嫁姑母宋倪氏轉賣因被伊父倪呈祥控告倪添祥挾嫌設計將祖母張氏細縛與地方劉幅捏稟伊母馬氏細毆致伊母被押身死項頸有傷復串通縣書反將伊父問成徒罪等情經步軍統領訊供具奏奉

旨著交方受疇親提人証卷宗秉公審擬具奏欽此並

准兵部將原告倪憲章咨解到省_臣查此案先因

倪憲章之父倪呈祥呈控繼母張氏等將伊妹宋

倪氏主婚改嫁並伊妻馬氏細扭張氏致傷在押

畏罪自戕經該府驗訊明確擬議由司核轉咨准

部覆將倪呈祥定發充徒在案隨飭提研鞫緣倪

憲章故祖倪有禮在日續娶再醮之婦張氏生女

倪氏嫁與宋之瑾為妻倪呈祥倪添祥均係倪有

禮前妻所生經張氏撫養成立嗣倪有禮物故倪

呈祥弟兄與倪張氏分居各度倪呈祥之子倪憲

那文毅公刑部尙書奏議

卷五十三

十九

章在外貿易嘉慶二十一年倪添祥之子倪煥成偷賣家存棉花被倪添祥查知毆辱倪煥成捏稱棉花賣給倪呈祥之妻倪馬氏倪添祥往向倪馬氏討要倪馬氏斥其誣賴互相爭毆倪馬氏將倪添祥手指咬傷倪添祥亦將倪馬氏毆折一齒控縣驗訊將倪添祥責處結案二十三年間倪添祥與倪馬氏口角爭吵倪馬氏肆罵不休倪添祥被鬧忿迫用刀自將額門破傷控縣訊明將倪添祥照律責懲倪呈祥不能管教其妻發學戒飭完案是年五月間倪呈祥等之妹宋倪氏因不守婦道

被夫宋之瑾休棄倪呈祥意欲央人勸處仍令宋之瑾領回倪張氏因宋倪氏係屬已出理得主婚未向倪呈祥告知即商同倪添祥於二十四年正月間將宋倪氏改嫁與喬覺教為妻倪呈祥聞知氣忿即以伊妹被夫休棄繼母張氏等並不告知將妹改嫁等情控縣審訊因宋之瑾不願將妻領回又係伊母主婚改嫁將倪氏仍斷與後夫喬覺教完娶倪呈祥氣猶未釋復以伊妹被弟倪添祥私自改嫁赴府呈告批縣傳訊五月十二日倪張氏因倪呈祥屢次呈告攜帶鐵鐮往找不依行至

那文毅公刑部尚書奏議

卷五十三

二十

倪呈祥門首即用鐵鐮砸門嚷罵時倪呈祥趕集外出倪馬氏理論倪張氏進院倪馬氏將倪張氏推倒用繩細縛致傷左右手腕右腳踝並抓傷其額顛左右腮頰右手食指倪呈祥回歸瞥見將倪張氏解放嗣經地方劉幅問明情由報縣驗傷訊供將倪馬氏等飭交官媒看管倪馬氏畏罪在押自行抹傷咽喉身死稟驗訊詳將倪呈祥依子告父母得實律擬以杖一百徒三年咨准部覆定發完縣充徒倪憲章於道光元年四月間貿易回歸查知母死在押父亦問徒即赴倪呈祥配所查訊

情由倪呈祥因伊控告母弟自起禍端恐被倪憲章抱怨不欲告以真情並因地方劉幅據實報縣劉幅不為勸阻縣書件作亦無照應遂捏稱宋之瑾係與倪氏口角送回被倪添祥與堂弟倪幅祥鄰人牛驢子等同謀價賣並串通喬覺教等乘夜搶娶倪添祥因被告挾嫌持斧劈門設計將繼母網縛與地方劉幅捏稟伊妻網毆復賄囑縣書件作鎖押縣案將妻毒害身死向倪憲章告知倪憲章信以為實起意翻控並未告知其父即起步軍統領衙門呈控奉

那文毅公刑部尚書奏議

卷五十三

三十

旨交 臣 審辦當經飭提來省督同府司逐加研訊據各供悉前情不諱覆詰倪憲章委因聽信父言未察虛實冒昧具控並非有心誣陷實訊全案人証供悉如前案無遁飾將倪憲章照不應重律擬杖八十加枷號一箇月具
奏前來查律載子毆父母者斬又例載獄卒得受囑家賄囑謀死本犯者依謀殺人者從律治罪又謀殺人造意者斬監候從而加功者絞監候又例載驚越赴京告重事不實並誣十人以上者發邊遠充軍又例載卑幼告期親尊長離得實杖一百

如誣照所誣加凡人罪三等又誣告人死罪未決杖一百流三千里加徒役三年又凡不應為而為事理重者杖八十又名例內載本條自有罪名依本條科斷各等語詳釋誣告律例立法恭嚴原以刁訟之徒肆其誣張之幻挾嫌捏控率陷多人或慮恐審虛不敢在本省申訴即赴京控告迨事經昭雪而被控者拖累公庭已遂其傾陷之私故律有加等之文例有驀越擬軍之罪所以正人心而懲刁詐况子於父母同氣異息期親伯叔與父同尊是以律內誣告期親尊長照所誣加凡人罪三等即所告得實為其干名犯義仍律以滿杖此尊卑長幼之分更不得與尋常誣告平人之律相提並論至事不應為而為擬以笞杖之律原以律無罪名故各量情而坐若所犯例有本條自應依名例本條自有罪名照本條科斷不得舍本罪於不議牽引比附而曲為開脫此案倪憲章外出貿易伊母倪馬氏先於二十一年與伊叔倪添祥口角互毆成傷涉訟二十三年倪馬氏又與倪添祥爭鬧控官將伊父倪呈祥發學戒飭是年五月間該犯之姑母宋倪氏被夫休棄伊祖母倪張氏未向

那文毅公刑部尚書奏議

卷五十三

三

倪呈祥告知即商同倪添祥改嫁與喬覺教為妻倪呈祥聞知即以繼母將妹改嫁並不告知並倪添祥將妹改嫁等情赴縣府具控倪張氏聞知不依往向吵鬧被倪馬氏推倒細縛致傷又抓傷其額顱等處經地方報縣將倪馬氏看管倪馬氏畏罪自戕身死維時倪呈祥並未在場將倪呈祥照子告父母得實律發縣充徒倪憲章回歸赴伊父倪呈祥配所查詢情由倪呈祥以地方據實報縣倪幅祥不為勸阻縣書作亦無照應欲節已非遂捏稱宋倪氏與夫口角送回被倪添祥與堂弟倪幅祥鄰人牛驢子等同謀串通將宋倪氏嫁賣倪添祥被控挾嫌將繼母倪張氏細縛與地方劉幅捏稟係倪馬氏細毆賄囑縣書作鎖押懸案將倪馬氏毒斃該犯倪憲章誤聽父言起意翻控該督以倪憲章誤聽父言不察虛實冒昧具摺並非有心誣陷擬杖加枷倪呈祥並無主使捏控情事仍照原擬流徒等因查倪憲章自外回歸前赴伊父配所流離乍見至性根心倪呈祥豈有以捏飾虛詞而欺其子之理况倪馬氏以子婦毆姑倪呈祥以子告母此等逆倫傷化之事里巷驚傳倪

那文毅公刑部尚書奏議

卷五十三

三

倪呈祥告知即商同倪添祥改嫁與喬覺教為妻倪呈祥聞知即以繼母將妹改嫁並不告知並倪添祥將妹改嫁等情赴縣府具控倪張氏聞知不依往向吵鬧被倪馬氏推倒細縛致傷又抓傷其額顱等處經地方報縣將倪馬氏看管倪馬氏畏罪自戕身死維時倪呈祥並未在場將倪呈祥照子告父母得實律發縣充徒倪憲章回歸赴伊父倪呈祥配所查詢情由倪呈祥以地方據實報縣倪幅祥不為勸阻縣書作亦無照應欲節已非遂捏稱宋倪氏與夫口角送回被倪添祥與堂弟倪幅祥鄰人牛驢子等同謀串通將宋倪氏嫁賣倪添祥被控挾嫌將繼母倪張氏細縛與地方劉幅捏稟係倪馬氏細毆賄囑縣書作鎖押懸案將倪馬氏毒斃該犯倪憲章誤聽父言起意翻控該督以倪憲章誤聽父言不察虛實冒昧具摺並非有心誣陷擬杖加枷倪呈祥並無主使捏控情事仍照原擬流徒等因查倪憲章自外回歸前赴伊父配所流離乍見至性根心倪呈祥豈有以捏飾虛詞而欺其子之理况倪馬氏以子婦毆姑倪呈祥以子告母此等逆倫傷化之事里巷驚傳倪

呈祥縱欲欺其子於一時豈能終掩其非於眾口
在該犯倪憲章外出甫歸驚聞家變屬毛離裏豈
有不創鉅痛深奔問鄰里確訪其致禍之由何待
趨赴伊父配所始得詢悉原委情節已多捏飾且
查閱原案倪憲章之母與倪添祥兩經構訟嫌隙
已成迨後倪呈祥疊控母弟身罹法網其向倪憲
章虛捏之詞卽其欲行翻控之意尤屬顯然如係
伊父主使控告照一家人共犯則應罪坐伊父該
犯尙可原宥今既稱該犯倪憲章起意翻控又稱
誤聽父言不察虛實倪呈祥亦並無主使情事是

那文毅公刑部尙書奏議

卷五三

五

欲爲父子互相推卸以致自相矛盾設使所告得
實則伊叔倪添祥罪干重辟受賄謀命之吏忤罪
應論死一經審虛在平人尙不得寬其誣告重事
之條况誣告期親尊長羅織多人豈可信其避就
之詞遽寬其誣告之罪若如該督所擬是使誣訐
尊長者較之誣告平人及誣告尊長得實之罪反
輕適足以啟干犯而長刁風臣部未便率覆應令
該督再行研訊確情按律擬到日再議謹

奏

容安謹案此案旋據直督遵駁更正將倪憲章

照誣告期親尊長例擬軍奏結

道光元年十二月二十五日會同總理部務大學
士戴公均尙書韓公封及諸侍郎

奏爲遵

旨核議具奏事內閣抄出貴州巡撫明山奏審明赴京
逞刁捏控之原告緝獲命案正兇質審定擬一摺

道光元年九月初三日奉

硃批刑部議奏欽此該臣等議得據貴州巡撫明山奏

稱竊照婺川縣民會至宦於七年四月間赴都察
院呈控伊堂姊馮會氏與程昌言口角致斃又程

那文毅公刑部尙書奏議

卷五三

五

昌言攔搶牛隻將伊毆打率領程元士等搶擄家
財毆傷伊叔五人因縣民田太梅命案程昌言唆
使屍子誣告伊姪會勝林伊子會勝方作爲一命
兩兇查正兇實係王東山被程昌言隱瞞包庇又
龔揆等糾黨抄擄伊家財物傷人龔揆與田宗順
等賄買包三死屍訛詐及原差田大椿等屢次詐
去銀錢等情奏奉

諭旨交督臣伯麟審辦伯麟交卸進京經督臣慶保查

案提到人証審係會勝方截斃田太梅被縣差將
會勝方拏獲會至宦會勝林等前往奪犯會勝林

將差役包貴戮死同會勝方脫逃王東山並非兇犯會至宦因差拏嚴緊希圖脫罪捏情赴京具控其控詞已自認虛誣至奪犯拒殺差役一節因會勝林等在逃未獲會至宦忽自認用鏢杆戮傷包貴咽喉身死復狡供非伊殺死情詞爛熳難定爰書將會至宦與會勝品會勝科監候待質俟緝獲正兇質審辦理奏奉

御批刑部知道欽此隨經嚴飭勒緝正兇會勝林等務獲據報緝獲會勝方會勝林等解省委府審擬由司審解前來逐一研訊緣會勝方係會至宦

那文毅公刑部尚書奏議

卷五十三

美

之子與已死田太梅素識無嫌會至再係會至宦胞兄會勝林係會至再之子會至再會至宦鄰近居住程昌言籍隸四川彭水縣住處與夔州縣運近會至宦堂姊會氏因夫故再嫁馮允遠為妻嘉慶十九年四月初七日馮允遠令會氏割草喂羊并令縫補布衫會氏不允馮允遠向其斥罵會氏頂撞回罵馮允遠將會氏推跌欲毆當經勸散詎會氏氣忿潛赴馮允遠地內在桐樹上自縊身死馮允遠趕往看明解下屍身正欲棺殮適會至宦路過該處問知會氏自縊情由藉馮允遠與程昌

那文毅公刑部尚書奏議

卷五十三

老

言會因糧涉訟之嫌唆使馮允遠移屍圖誣馮允遠將會氏屍身背至程昌言地內欲向圖賴程昌言赴縣具控該縣將馮允遠管押候審馮允遠情虛畏罪出具悔結將會氏屍身棺殮馮允遠回家與會姓商議欲將會氏埋葬會氏胞兄會至由與會至宦令馮允遠出錢為埋葬超薦之費馮允遠出錢十二千勸程昌言幫出錢八千後因馮允遠程昌言俱未交出錢文會至宦不依於十一月二十八日邀同會至由等八人強拉馮允遠耕牛兩隻程昌言耕牛一隻二十年二月初九日又將程昌言牧放牛一隻強行拉回程昌言等赴縣報搶會至宦牽拉會氏命案在巡撫臬司各衙門控告批府提審四月二十九日會至宦向程偉仕借得牛一隻與甯萬先同行經過程昌言門首程昌言之妻程蘇氏以會至宦不應強搶伊家牛隻向其嚷罵會至宦回言當經甯萬先勸散會至宦胞姪會勝寬因程蘇氏將伊叔斥罵心感不甘邀約會占敖等尋程蘇氏毆打將其院內曬晾衫褲乘便取回會至宦料想程昌言必欲告官當與程昌言言搶伊牛隻囑令蘇毛狗程紹士將其毆傷赴縣

喊稟維時程昌言在府候審聞信趕回亦捏告曾至宦搶劫銀錢衣物曾至宦又誣告程昌言於五月十四日率領程元士等搶伊家財將伊叔姪二人毆傷思南府提齊人証訊明曾氏委係夫妻口角氣忿自縊究出曾至宦教唆馮允遠移屍圖詐強拉牛隻各情將曾至宦程昌言分別枷責追出牛隻給馮允遠程昌言具領結案至程昌言與程至宦互告搶案發縣另審行至乾魚橋地方曾至宦堂叔曾大士等將曾至宦奪回出外避匿總未到案二十三年七月十二日夜縣民萬玉昆家被

那文毅公刑部尚書奏議

卷五十三

三

竊耕牛一隻天亮時胡德周往看田水見一人趕牛走過馮允升門首疑係偷來之牛喊叫馮允升出看其人棄牛而逃胡德周以偷牛之賊像係羅二蠻馮允升將牛收留事主萬玉昆查出錢二千向馮允升將牛贖回馮允升以胡德周之言向羅昌遂告逃羅昌遂轉向羅二蠻告知羅二蠻不依以馮允升不應賴伊為賊於二十七日邀約田太梅等向馮允升理論馮允升亦邀曾勝方寧亨磬等往質幫護行至羅二蠻屋後坡上彼此相遇嚷罵爭毆寧亨磬拏木棍幫護田太梅拾石擲傷

那文毅公奏議 卷五十三下

會勝方左額骨會勝方趕攏用刀回截傷田太梅心坎右倒地身死報縣驗訊差拏會勝方逃逸曾至宦許給寧亨磬錢十串寫立字據誘令頂認正兇寧亨磬到官供認用木棒毆傷田太梅身死該縣審出頂兇情由飭緝曾至宦等究辦是年十一月初九日原差田大椿將會至宦胞兄曾至冉查獲押令將兇犯會勝方交出曾至宦聞知邀同會勝林等將會至冉奪回田大椿稟官改差翼揆馮喜包貴緝拏二十四年九月初七日該差馮喜等訪得會勝方逃回家中邀同鄉約馮洪義前往將

那文毅公刑部尚書奏議

卷五十三

三

會勝方拏獲用鎖鍊擒住拉走適曾至冉等在彼會至冉起意令曾至宦等將會勝方奪回曾至宦即與曾至冉會占敖會勝寬會勝林五人趕出維時包貴執住鍊頭押帶會勝方由屋後坡上行走會至宦失跌溝內曾至冉與會勝林各帶木棍鐵鏢杆由小路追趕迎面截住曾至冉走至包貴身旁用棍向包貴毆打包貴側身閃避並未毆及會勝林用鏢杆戳傷包貴咽喉左倒地身死馮喜上前救護被會占敖棍毆左手腕右腳踝餘差畏懼跑走曾至宦會占敖等將馮喜拏住細至伊家拷

六九七

打問出龔揆姓名捏稱該差等糾搶家財等情控告思南府審出前情將曾勝科發縣與隨從曾至宦質訊之曾勝品一併收禁曾勝林殺死包貴後曾至宦起意棄屍滅跡令曾占救曾爻將包貴屍身丟棄龍潭嗣屍身浮起曾至宦復將屍網擡至四川蘇家壩龜池藏匿石槽洞內希圖無屍抵賴當經鄉約田宗順問出藏屍處所報縣驗報曾至宦因婺川縣會同鄰封查拏嚴緊恐被拏獲問罪捏砌程昌言毆搶牛隻復率眾搶擄家財唆使誣告毆斃人命並龔揆等糾眾抄搶傷人及屢次訛

那文毅公刑部尚書奏議

卷五十三

三

索等情赴京在都察院具控奏奉

諭旨將會至宦解回審辦因該犯供詞狡展將會至宦與曾勝科曾勝品監候待質俟緝獲曾勝林等質訊明確照例辦理嗣據婺川縣將曾勝方曾至冉曾勝林先後拏獲解省質審成招後曾至冉於道光元年六月二十一日在貴筑縣病故將現犯解審臣提集曾至宦等逐加研鞫各供前情不諱曾勝方殺傷田太梅身死委因爭鬧被毆回毆適斃並非有心欲殺曾勝林係隨從伊父曾至冉奪犯將差役包貴殺死曾至宦因聽從胞兄曾至冉奪

犯與子姪曾勝方曾勝林俱被拏嚴禁圖脫罪名起意赴京捏告上年解回審問所控情節已自認虛誣惟奪犯拒殺差役前因曾勝林等在逃未獲供詞狡展今三面質証無可置辨實係曾至冉率領打奪以致曾勝林殺傷包貴斃命曾至宦只隨同奪犯委無殺差情事其赴京呈控各情亦據供明係圖准任意捏砌再四嚴詰矢口不移將會至冉依例擬斬立決曾勝方擬絞監候曾至宦曾勝林擬發伊犁為奴聲明曾至冉業已在監病故會勝方等援

那文毅公刑部尚書奏議

卷五十三

三

赦分別准免不准免罪具

奏前來查律載鬪毆殺人者不問手足他物金刃俱絞監候又例載有關人命應擬斬絞各犯脫逃二三年後就獲尋常命案仍照本律本例擬以監候又驀越赴京告重事不實發邊遠充軍又律載官司差人捕獲罪人因而傷差人者絞監候殺人為首者斬監候下手致命者絞監候為從各減一等其率領家人隨從打奪者只坐尊長若家人亦會傷人者仍以凡人首從論註云家長坐斬為從坐流不言殺人者舉輕以該重又例載官司差人捕

獲罪人如有尊長率領卑幼及家長率領奴僕僱工毆差奪犯並殺死差人案內為從之卑幼奴僕僱工雖未傷人但經在場助勢者即照凡人為從論分別科罪又例載官司差人捕獲罪人有聚眾中途打奪毆差致死為首者斬立決為從下手致命傷重者絞決幫毆有傷者絞監候隨同拒捕未經毆人成傷之犯俱改發伊犁給官兵為奴各等語又嘉慶二十二年四月_臣部議覆陞任伊犁將軍長齡奏調劑遣犯案內將奪犯殺差隨同拒捕未經毆人成傷之犯改發極邊足四千里安置奏

那文毅公刑部尚書奏議

卷五十三

三

准通行在案此案會勝方因田太梅向馮允升理論誣賴羅二蠻作賊之非馮允升邀該犯前往爭質行至中途彼此相遇曠罵爭毆該犯會勝方用刀戳傷田太梅心坎身死脫逃二年之後被獲係尋常命案應仍照本律問擬應如該撫所奏會勝方合依鬪毆殺人者不問手足他物金刃並絞監候律擬絞監候事犯在嘉慶二十五年八月二十七日
恩詔以前係鬪毆殺人應准免罪照例追埋葬銀二十兩給付屍親具領倘釋免後再犯加一等治罪該

那文毅公奏議 卷五十三下

撫奏稱會至再因縣差包賁將兇犯會勝方拏獲起意率領會至官等奪犯致伊子會勝林戳傷包賁身死自應按律定擬會至再合依官司差人捕獲罪人聚眾中途打奪毆差致死為首者斬立決例擬斬立決業經監斃應毋庸議會至官唆使馮允遠移屍圖詐需索起薦之費不遂強拉馮允遠程昌言牛隻已經思南府審結柳責該犯因縣差田太梅將會至再拏獲邀人奪回查會勝方戳死田太梅與會至再本無干涉並非應捕罪人不得謂之奪犯其赴京告重事不實罪只擬軍應歸聽

那文毅公刑部尚書奏議

卷五十三

三

從會至再打奪會勝方案內從重問擬會至官合依聚眾中途打奪毆差致死未經毆人成傷之犯改發伊犁為奴例發給伊犁兵丁為奴會勝林聽從伊父會至再奪犯將差役包賁殺死罪只滿流惟該犯逞兇下手斃命較之會至官在場未經幫毆情節尤重擬流情淨於法亦應改發伊犁給兵丁為奴程昌言於會勝寬等與伊妻口角爭毆順取衣褲捏報搶劫銀物合依以人命鬪毆等事報盜者杖一百例杖一百馮允升收留萬玉昆被竊牛隻勒令出錢取贖殊屬不合寧享聲聽邀同往

六九九

於會勝方等爭毆時擊木棍在場幫護係屬案內之人其聽從會至宦賄囑項認毆死田太梅正兇旋即據實供明與已經成招定罪者不同應與馮允升各照不應重律杖八十事犯在

恩詔以前會至宦會勝林係奪犯毆斃差役為從情節較重俱不准援免程昌言等所擬杖罪均予釋免會勝科係伊父會至宦主使捏告搶劫會勝品係隨從會至宦上控律應罪坐尊長馮允遠聽從會至宦移屍圖詐業經訊明責處均毋庸議會勝科在監病故會勝品馮允升應行釋放逸犯會大士

那文毅公刑部尚書奏議

卷五十三

書

會勝寬等飭緝獲日另結會至再會勝科在監病故據貴筑縣驗訊刑禁人等均無凌虐情弊亦毋庸議馮會氏死由自縊與人無尤會至宦等強拉馮允遠程昌言牛隻均已追繳給領會至宦應許甯亨馨頂兇錢文係口許虛贓免其追繳會勝寬等所取程昌言衣服照追給領無干省釋等語臣等查常人糾眾奪犯殺差律言為首斬監候下手致死絞監候為從減等擬流至尊長率領家人奪犯殺傷差役律言只坐尊長則未傷人之卑幼律得不坐其傷人之卑幼律以凡人首從論註內復

聲明為首坐斬為從坐流原以子弟迫於父兄之命情非得已故傷人之犯無論致死與否僅擬滿流以別於常人迨歷次修改條例將律內常人奪犯殺差首從斬絞各犯應監候者加重改擬立決為從未傷人之犯應擬滿流者亦加發伊犁而於尊長率領家人之案並未議及例內卑幼聽從尊長奪犯殺傷差役雖未傷人亦以凡人為從論一條只因未傷人之卑幼律得勿坐故加重以凡人為從論與傷人者同擬滿流而於為首及傷人之犯別無加重之文可知常人糾眾打奪之案與尊

那文毅公刑部尚書奏議

卷五十三

書

長率領家人打奪之案律例各有專條輕重懸殊非可牽引此案會至再率領伊弟會至宦伊子會勝林等中途奪犯致會勝林殺傷縣差包貴身死按率領家人隨同打奪本律以凡人首從論會至再應擬斬候會勝林應擬滿流會至宦雖未傷人惟既在場助勢亦應依例以凡人為從論與會勝林一併擬流今該撫將率領家人奪犯殺差為首之會至再與聽從尊長奪犯未經傷人之會至宦率引常人奪犯殺差例文分別擬以斬決外遣而於傷差致死之會勝林照率領家人隨同打奪本

律問擬滿流聲明加重擬遣不獨一事兩引並使下手致死之犯轉輕於未傷人之犯輕重失倫殊未允協且本條發往伊犁之犯業經奏准改發極邊足四千里充軍通行各省在案該撫援引舊例亦屬舛錯除會至再應依律改擬斬監候業經病故不議外會勝林會至官應各依本律例更正惟查率領家人隨從打奪律內只坐尊長其未經傷人之卑幼律得不坐而現行例內隨從之卑幼雖未傷人即照為從科斷查卑幼聽從尊長奪犯抗差雖未傷人第既在場助勢即屬藐法自未便照

那文毅公刑部尚書奏議 卷五十三 美

律予以不坐惟聽從打奪曾經傷人之卑幼無論致死與否律只坐流其未經傷人之犯若照例一併擬流是未傷人之犯與傷人之犯毫無區別似亦不足以昭情法之平應請嗣後凡尊長率領卑幼及家長率領奴僕僱工毆差奪犯並殺死差役案內隨從之卑幼奴僕僱工除曾經殺傷人者仍照律為從擬流外其未經傷人之犯於為從流罪上再減一等擬以杖一百徒三年以示區別而昭平允如蒙

俞允 臣部俟下屆纂修律例之時即於例冊內修改明

那文毅公奏議 卷五三下

晰以資引用並通行各省一體遵照所有此案聽從殺人之會勝林應改依率領家人隨同打奪家人亦會傷人者以凡人首從論律仍照尊長坐斬為從坐流律註擬杖一百流三千里會至官應即改照未經傷人者於曾經傷人之家人罪上減一等杖一百徒三年新例杖一百徒三年惟查會至官赴京所控各情現據該撫審屬全虛其誣告之罪例應擬軍應從其重者論會至官除未經傷人為從新例再減一等滿徒輕罪不議外合依舊越赴京告重事不實發邊遠充軍例發邊遠充軍該

那文毅公刑部尚書奏議 卷五十三 美

犯會至官會勝林事犯在

恩詔以前會至官聽糾奪犯並未傷人其赴京控告亦非罪王不赦所得軍罪應准援免後再有犯加一等治罪會勝林下手毆斃差役情節較重所得流罪不准援免餘均應如該撫所奏完結逸犯會大士等仍令該撫飭緝務獲照例辦理謹

奏奉 旨依議

道光元年十二月二十五日會同總理部務大學士戴公均元尚書韓公封及諸侍郎

奏為遵

旨議奏事內閣抄出直隸總督方受疇奏由周縣地保李廷傑於牌頭袁錦等毆傷張起家之後幫同揪跌致傷赴縣稟控以致張起家氣忿輕生分別審明定擬一摺道光元年十二月初二日奉

硃批刑部議奏欽此該 臣 等議得據直隸總督方受疇奏稱竊據由周縣民張發家赴步軍統領衙門呈控地方李廷傑因向伊弟張起家索詐差錢與牌頭袁浩等將伊弟毆傷身死歷控委員不為究辦訊供奏奉

那文毅公刑部尚書奏議

卷五十三

美

論旨此案著交方受疇親提人証卷宗秉公審擬具奏欽此並准兵部將原告張發家咨解到直當經飭提人卷來省督同研鞠緣李廷傑充當曲周縣袁家莊地保與張起家同村無嫌該縣遇有派辦差務向係借用民力按地攤派每地按畝派錢歷有舊章從無更易該村牌保因催徵錢糧與派辦差徭賦役皆從地出恐地戶影射脫漏致有偏枯故於每年春初開徵時清查開村地畝造冊備查由來已久道光元年二月間該縣奉文派辦春差仍照舊章每畝攤派大錢十文村民按畝完交大錢

那文毅公刑部尚書奏議

卷五十三

美

三四文及六七文不等亦間有全數未交之戶張發家名下應出錢文早經交給地保李廷傑等轉繳二月十一日李廷傑與牌頭袁浩袁錦因時值開徵邀同甲長楊明往各花戶開造地畝數目張發家之弟張起家將已地三十三畝零開入冊內李廷傑因錯記張發家尚有祖遺地五畝並未開入往令張發家補開張發家以伊家祖遺地畝即在三十畝零之內噴李廷傑賴其隱匿當向村斥李廷傑不服致相爭吵時張起家趨至幫護袁錦不依混罵張起家回言袁錦氣忿用拳毆傷張起家左腮李廷傑揪住張起家髮辮拉跌倒地墊傷右後肋張起家益肆辱罵袁浩亦用脚踢傷其左後肋經甲長楊明勸散十二日李廷傑因張起家等地未真確復向逞兇欲將張起家稟官究治張發家聞知往向袁奎告述情由央令勸阻李廷傑不允即邀同袁浩袁錦赴縣稟控張起家聞知心懷不甘聲言欲與李廷傑等拚命張發家當向勸慰詎張起家氣忿莫遏乘袁浩家內無人即於是日潛往自縊身死經袁浩之妻袁王氏回歸瞥見喊同張起家之妻張張氏卸救無及報驗訊

詳飭審而張發家因李廷傑等既將伊弟毆傷復行稟控以致伊弟氣忿自盡心懷痛忿先後赴府道衙門呈控批飭究辦張發家復捏稱李廷傑向伊弟張起家多索派差使費錢文與牌頭袁浩等將伊弟毆傷身死赴臬司衙門呈控批經廣平府飭委肥鄉縣會審因屍妻張氏患病未到尙未審結張發家又以前情赴步軍統領衙門呈控奉旨交臣審辦當經先後飭提人卷來省督同司府審訊前情不諱臣以該縣如果查照舊章每畝派大錢十文何以張發家捏稱每畝派京錢二十八文誠

那文毅公刑部尙書奏議

卷五十三

罕

恐該縣藉差浮派及李廷傑等實有索詐毆斃情事復加詰訊不特李廷傑堅稱該縣實只每畝派大錢十文並無京錢二十八文之多張起家應出差錢早經交完後因查造地畝清冊爭毆赴縣稟控以致張起家氣忿自縊並非多索差錢起衅亦非被毆身死即張發家亦自認因弟張起家被李廷傑等毆傷稟控致令自盡心懷痛忿是以牽砌混控覆詰不移案無通節將李廷傑等分別擬以杖徒具奏前來查例載誣告人因而致死者絞監候又律載

因事威逼人致死者杖一百各等語查威逼致死例內毆至殘廢則罪應擬軍毆有重傷則罪應擬徒僅只向毆則罪應擬杖是威逼之案雖輕重各有不同而在死者必因受其毆辱畏其強暴以致抱忿捐軀者始可律以威逼致死之條至被人誣告氣忿自縊是死者之自盡由於被其誣告負屈莫伸並非因被毆而自盡自有誣告致死本例在憑空誣陷者固例應擬首即控出有因亦只可於本律本例量減不得比附牽混蓋誣告致死與威逼致死情事既相懸殊罪名亦輕重互異此案據

那文毅公刑部尙書奏議

卷五十三

罕

該督奏稱地保李廷傑因查造各花戶清冊有張發家之弟張起家將地三十三畝零開入冊內李廷傑因錯記張姓尙有祖遺地五畝未開令張發家補入張發家嘆李廷傑賴其隱匿村斥致相爭吵張起家趨至幫護被牌頭袁錦袁浩毆傷李廷傑亦幫同將其毆傷次日李廷傑欲將張起家稟究張發家央人勸阻李廷傑不允隨邀同袁錦等赴縣以匿地逞兇等詞稟控以致張起家心懷不甘氣忿自縊身死將李廷傑依威逼人致死律擬以滿杖加等擬徒具奏臣等查閱原咨該村民派

辦差徭照地攤錢由來已久現在張起家等應出錢文已各按地照數交給李廷傑收繳且經張起家之兄張發家向李廷傑當面對明伊家祖遺地五畝卽在所開三十三畝零之內是張起家之並無隱匿地畝李廷傑早已詳知乃復捏詞誣稟以致張起家氣忿自縊查李廷傑揪跌張起家致傷時若張起家因被毆當時氣忿自盡自應照威逼致死律問擬今張起家當被李廷傑毆傷時並無忿不欲生之心迨被李廷傑赴縣捏控始行忿迫自縊是張起家非因被李廷傑毆打威逼而死按

那文毅公刑部尙書奏議

卷五十三

聖

例李廷傑應照誣告人因而致死擬以絞候卽以李廷傑之誣稟尙與平空捏控者有間亦只可量減擬流乃該督舍誣告本例於不議援引威逼擬杖之條案關地保捏控鄉愚致斃人命罪名出入攸關臣部礙難率覆應令該督詳核例案覆訊確情另議具奏謹

奏奉

旨依議

容安謹案此案旋據直督遵駁更正將李廷傑照誣告人因而致死絞罪上量減一等擬流奏

結

容安謹按嘉慶二十五年秋

皇上御極 先公仰承

聖明垂詢時政 先公據所知者無不剴切詳明上陳

天聽用答

殊恩其慎密諸件向不存稿茲所載數條皆有關於時

務者緣奏時並無引摺具奏月日亦未經錄存

今不敢妄擬所載數件俱荷

聖鑒未蒙

硃批

那文毅公吏部尙書奏議

卷五十三

聖

一行政須持以靜也我

朝定鼎以來

聖

聖相承二百年來

世祖開創經綸十有七年

聖祖深仁厚澤培養生成六十一年丕基大定

世宗法令制度綱目畢張定百世昭垂之業

高宗恢張

皇度拓宇開疆

十全大武恩威所加

國家遂得永無邊患

福備功崇我

朝之盛莫極於此

大行皇帝整綱飭紀宵旰兢業二十五年有如一曰伏見

皇上御極以來

淵默涵宏朝官不輕予易置法令一遵舊章抑倖躁之

風斥虛言之妄在廷臣僚無從揣測既畏

明罰之威又惕

沉深之度正以永極盛之

統業承大成之盛軌惟守之以靜持之以恒則培養元氣

那文毅公刑部尚書奏議

卷五十三

四

萬萬年鴻基大業益得延洪無既矣

一刑名不可急於求供也命案重情或有疑實當

平情虛心審訊先將各供問定歸結時自有一

定罪名總以供勘律以律定罪近年刑部遇有

重大案件往往未經取供將案卷畧查遂有如

何定結之見於是探試堂官主意偏寬偏嚴執

一偏之見問去雖有至寬之情最利之口百喙

亦不能辯夫愚民犯法竊竊相加刑具在前威

尊命賤兼之誘供取證設法務入於網古人所

謂三木之下何求不得者也

仁宗皇帝勤政恤民首重人命故於刑名尤為留意常有

奉

旨會審之案即日必須取供具奏供具時

召見刑部與之論說乃刑部藉此揣摩重畸輕不免成

見且當日取供兩三時之內豈能磨得實情乃

一經具奏則是否冤抑不可再易照此問去遂

至成招所謂冷心當理者十案中未必不舛錯

一二又有堂官中以得情為見長一時具奏後

雖更改名為急公而於案情愈失之矣應請此

後遇有疑重案件或交部或會軍機不必限以

那文毅公刑部尚書奏議

卷五十三

四

時日先令明白司官妥細錄供何時供合再行

具奏

召見堂官時聽其具述不置斷語則無從揣摩並可

諭令倘有審訊未真之處不妨奏明另審不責以急切

定案不責其一時之誤庶實情可得而冤抑者

少矣

一直隸行營兵丁宜裁也查嘉慶十九年臣在直

隸總督任內經兵部行知總理行營王大臣編

課等會議

變駕出入扈衛事宜內開直隸例站燈城站道管段所需

員弁兵丁擬令加倍增添等因先經署督章
 煦議添兵六百三十餘名嗣又令臣酌議加添
 因於例派一千四百五十名之外添派兵丁二
 千名將備干把外委八十員分兩日輪流稽查
 宿衛仍奏明將來酌量裁撤臣又面奉
 大行皇帝諭旨此係伊等議添若不加添則隨從人等必
 致瞻慮疑畏倘時常夜間聲氣轉不成事此後存記過
 三四年後必須裁撤欽此臣隨於二十一年緣事
 離任未經辦理查

聖駕巡幸隨扈官兵原有定額嗣後增添旋即奉

那文毅公刑部尚書奏議

卷五十三

聖

旨存記裁撤刻下未知已未裁撤應請

旨飭下直隸總督查明仍照舊章所有續添官兵悉行

裁撤以昭

聖武而節糜費至

鑾輿出入京營滿兵後添者似亦宜一體裁撤應請

飭下各該處查明辦理

一刁風宜先懲也尊卑有等上下有分故彛倫敘

而天下和平近時風氣內而司員外而州縣專

能挾制上司初時逢迎趨附惟恐不得其門繼

或得其權心則望其提拔照應既已同氣則一

切賊私詭秘無不備知此日之交情即日後之
 挾制更有貪鄙上官受其賂賂或收受別屬餽
 送為其所知亦是挾制之要亦有廉謹大員趨
 奉之不可餽賂之不得而事又能明白在本署
 本有莫可如何則搜剔其別支小節或委婉免
 人叅劾或布揚謠言或倩人報告或匿名揭帖
 此事不行他術又起賊私難誣因公干議不去
 之不已其不肖者同流合污一任屬員驅遣政
 事遂不可問其不為所挾持者既經誣誣誣反
 卽事已大白而已驚心短氣不敢再有振作夫

那文毅公刑部尚書奏議

卷五十三

聖

官階品級卽是等威近日民不畏小官小官不

畏大官大官則不知盡職卽不敬

君

召對時但以唯諾碰頭卽可敷衍思之誠為痛心是刁告

可致因循疲玩極之卽是致亂之階惟求

皇上慎重用人任則必專倘有辜

恩重子懲處任人專而持法嚴人分邪正事判公私大

公至正譏懲不行人心可定矣

一直隸兵糧有可裁也現奉

諭旨飭議御史條奏裁撤名糧一事臣前在直督接辦

前督溫承惠奏准熱河口外添設營汛官兵共一千餘名又嘉慶二十一年臣離任以後添設天津水師兵丁一千餘名查此二項兵丁均屬無用如口外地方寬濶以千餘兵丁散布於數千里內稽查巡邏勢不能周而且兵丁居住皆係人煙稀少之處一切居家常用米鹽之類甚有在數十里之外方能貨買苦累非止一端當時招募既已艱難日久空缺空糧但有虛名若果能整練精健則令口外蒙古生疑似此荒寒廢弛亦徒增可笑至天津水師自二十一年臣咭喇貢使去後乃議添設查映咭喇國即係紅毛國去廣東粵門洋面路途遙遠程行須至一年有餘若遭風守水則二三年後方能到廣其國專以賣買爲重出洋大船一隻資本總值二百餘萬每船所載多不過千人米糧亦止載至二三年紅毛並非大國傾其國之所有萬不能有二十隻大船即便欲來滋事多不到二萬人且須載數年之糧行不識沙線數年之路而且大船至天津不能進口須換小船即至進口前後無人上岸更不識路只剩孤軍一旅又何能

那文毅公刑部尚書奏議

卷五十三

三

爲此二項兵丁似可裁撤無疑請旨飭下直隸總督查辦

一火器健銳兩營宜加簡練也查自乾隆年間建立兩營以來錢糧優厚操練亦精當西北兩路用兵之時京營極稱勇健迨乾隆三十九年臨清王倫之案亦極得力至川楚教匪滋事之時又屢在川陝失事派去之兵所餘無幾在開州閒住經經畧奏送回京彼時

那文毅公刑部尚書奏議

卷五十三

三

仁宗皇帝即以不能振作八旗深加懲飭嘉慶十八年河南軍務交臣帶領雖加鼓勵振作然爲日甚暫接仗無多而留心察看本營官員章京但知給使當差求其漢仗技藝出衆強於兵丁者甚少推原其故良由乾隆年間帶領得人而平日管理教練亦皆曾歷戎行素有聲望之人得以勇健

上聞是以

高宗皇帝御製詩文內屢稱八旗勁旅嗣後管理大臣均不免漸行疎懈又兼更事舊人漸少雖派多人該班操演竟成具文往往遇有本營陞調多簡趨奉奔走之人此外非情面即賄囑官員如此

兵丁可知八旗勁旅日漸廢弛實為可惜臣愚昧之見請用更事舊人既能深知舊制又悉該

營利弊請

旨令其總理兩營俾得專司操練將近日惡習查明嚴

禁務使一兵有一兵之效責成既嚴既專於營

制必當有益

一求直言當分別款類以期實效也伏見

大行皇帝二十五年屢

詔求賢而諸臣負

恩言大政多不能辦不可行建一策非紛更即窒礙此其

那文毅公刑部尚書奏議

卷五十三

五

無識迂遠情尚可原至有攻訐陰私毛舉細故

或事係便其私利或藉公報其私忿因而通同

朋比賄囑增營甚有求人代倩貨買摺底更屬

可笑明為直言封奏其實尚且營私毫無為公

之意方今

皇上沈幾御事開誠布公奏章可採者必俟斟酌萬當

方肯施行其不可者亦僅予發還不加譴責

聖不自聖虛衷求治舉朝欽仰欽服均非虛詞頌祝仍

求

皇上降旨令九卿御史分別款類如軍務河工漕務鹽

務邊政賑務以及某省民風吏治地方情形之類

諭旨先指明一事令知者各舉所知明陳利弊如何興

利如何去弊明白暢言不許諱飾其不知者不

必勉強備經

面詢或廷試非本人自出者即請示罰如此逐件講求

既不至於眩聽而諸臣中某可某事用某可某

處用則事歸覈實而人才亦見矣

一匿名揭帖宜永遠禁止也查誣告有反坐之條

越訴有妄控之罪如果情真理直方且指證確

那文毅公刑部尚書奏議

卷五十三

至

鑿唯恐無名至於匿名則何事不可誣不必身

與質對而所誣之人業已被問何仇不可洩且

事只常人或僅係官員亦尚無所關重倘所指

竟係不可問之事大有關係之人又當何以處

之且從前匿名之案甚多而皆係細故至嘉慶

十八年賊逆大亂轉無一人知發亦無匿名揭

帖則匿名揭帖只為私而反足亂公矣查例載

匿名揭帖原係重辟拾得者例不查辦用意深

遠之至

大行皇帝明鑒其非降

旨不准查辦誠為

至理至明仍求

皇上遇事再降

特旨申明永禁

一明歲漕船宜及時先催也夫歲冬間臣在倉場

侍郎任內仰蒙

召見因黃水穿運面奏明歲漕船請

旨嚴飭有漕督撫此時黃水泛入運河須及早冬兌冬開

於春間三四月內趕駛渡黃前進務於秋間起

卸完竣不得遲悞仰蒙

那文毅公刑部尚書奏議

卷五十三

至

仁宗皇帝允行屢降

諭旨嚴催而事機順利竟得於七月半前全行起卸回空

計去年漕船九月方得掃數回空而浙江幫於

年前尚未歸次因奉

嚴旨特催竟趕至今年七月半前全行回空比之去年早

至兩月有餘得以復七月半前完竣舊限是漕

船早回一日則早來一日遲回一日則遲來一

日一年趕早則此後年年可復七月完竣舊規

恐有漕督撫下經催飭少形踈懈則至度時日

又任遲延且經

特旨嚴催地方官員急於限期不暇刁難詐索於清漕

亦未必無益應請即於此時降

旨嚴催毋任遲延以符舊限

一法例宜從刪減也法原持天下之平例乃畫前

後之一

國家承平幾二百年法制律令業已大備例已足比

獎已周防近見六部常請修例尚書侍郎未必

皆本部出身之員司官中有出色者早已保送

陞遷其不出色者或懶惰平庸雖行走數十年

仍舊毫無知識於是委之於書吏書吏轉係熟

那文毅公刑部尚書奏議

卷五十三

至

手何者便於作弊則存之例之本無者則婉轉

增之其不便作弊者則改之或去之是例愈修

愈多而書吏愈得高下其手更兼堂官遇事不

敢作主以避專擅之名司官亦如此顧忌因而

聽之於書吏書吏則呈用新修之例堂官且避

專擅之名而書吏之權愈重所以外尚文武處

分以及帑項銷算工程報銷未有不先通融而

能辦理者查從前各部俱有一堂官坐辦看稿

又呼之為當家司官則有主稿原因久任熟悉

專門承辦故堂官能查司官之弊司官能查書

吏之弊雖不能弊絕風清而亦不能聽書吏作主後因避專擅之名遂至六部之權全在書吏

臣曾蒙

大行皇帝諭及六部堂官不及司官司官不及書吏之旨誠為

至聖至明洞悉情偽方今

聖明在上凡事無不精益求精務求至當此後各處奏

章照例者飭部施行其事待奏請者必於例少

有未符應請於該部堂官中

召見一二人細加垂詢其不能答者即係曠官其能答

那文毅公刑部尚書奏議

卷五十三

五

者令其陳奏准駁斷自

宸衷不假手部胥而書吏之弊可以少減至律例一遵

舊例為是即請

勅下各部院衙門刪改查辦

一小過宜加赦宥也立法宜嚴持法則宜於寬立

法嚴則人知大廷之可畏持法寬則人能措手

足下可盡其才於事可收使過之效且臣下雖

有才能常

天威咫尺之地無不震懾况又生質不同新進者舉止

質野樸訥者拙於言語或管理事多而精神不

周或自知有過而中懷恐懼一節有失遂致事

上雖無疑下之心而下懷不自信之意有事不敢陳有

言不敢盡但求苟免於一時之罰不顧公事之

誤其去進忠補過之念逾遠而因循唯諾之風

所由起也甚且

恩賞不敢為榮爵位不敢自信庸愚轉可幸藏其拙智

巧因以遂其保身夫任事乃能有是非建白乃

能有得失是與得未必見功而非與失必見勅

罰轉以過大反可倖免而小過斷不可道在本

那文毅公刑部尚書奏議

卷五十三

五

事原可直截了當而旁見曲解有慮之不可及

防之不可盡於是能者束手忠者卷舌冗闕相

沿江河日下矣惟求

皇上開誠布公大過必不可免若小過或諒其偶然或

矜其不能亦先明白

指示而後赦宥則人知感畏事可見功而下情上達

君臣相與以誠而人心可得人才可見矣

一方今人才宜急也伏見

皇上御政以來不肯輕於易置大員寬仁待下禮大臣

體羣臣臣時時留心察聽在廷諸臣人人洗心

滌慮風氣頓然改觀惟大半限於才智或尙在
觀望不能奮興伏念

大行皇帝求賢望治待旰惟殷又豈肯以名位爵祿官此

庸人實由風氣偷薄臣下辜

恩或傲衣囚首矯飭清廉或順承緘默支其庸陋或讒訐

以示無私或曲小以明謹飭其他情偽百端一

時不能罄敘惟請於

召對之次令陳說其所見果有可採給以筆札卽於

禁門之內指一靜處或滿或漢令其書寫卽日進

呈可者採之能者賞之其不可不能者立予懲斥庶

那文毅公刑部尙書奏議

卷五十三

奏

乎其中人才可見至外省人才前已奉有

諭旨令本省督撫據實保

奏仍請於廷臣中擇其公正可靠者一二人

面令密保立時令其書寫切實考語所保不實其所

犯厥罪惟均然密保祇可行之一二人用之一

二次多則流弊必生私門大啓亦非細故

一軍機章京請無迴避也查軍機處總理機務事

務最繁非有才具優長滿漢皆通者不能充此

要差從前軍機章京皆係軍機大臣自行挑選

亦有大員子弟奉

特旨令其在軍機處學習事務者乾隆年間軍機章京內

極有人才迄今大員不少經改爲各部咨送軍

機處帶領引

見記名後挨次補用後又經人條奏不許大員子弟挑

送其父兄但陞至支三品至武二品卽不准其

子弟在軍機處行走昨奉明降

諭旨稽查軍機處御史業已裁撤是待親信以至誠存

大體於不言大小臣工無不感服至軍機章京

雖上供書寫而儲養人才不爲無益帶領引

見挨次補用或可仍舊至迴避一節但用至大員卽不

那文毅公刑部尙書奏議

卷五十三

奏

可信非所以昭至誠也夫作弊與否視乎其人

大員得其人方且教訓其子弟立品學事將來

報

國若大員非其人則探聽機密又何必專用其子弟

是全在軍機大臣公正嚴密能教育人才正非

必大員子弟作弊而非大員子弟者卽不作弊

也此事應否改舊之處應請

旨勅議施行

奏爲敬陳管見事竊臣白蒙

恩簡任以來勉力篤躬毫無報稱我

皇上不以爲愚鈍所有簡選武職官員驗看兵丁軍政等事屢蒙

欽派舉京營官兵等步射騎射半經日觀伏思

國朝自開創以來八旗軍應所指克敵制勝未嘗少

有挫折自設立營伍以後閒暇則講武以備不虞

遇有緊要事件朝傳夕至聲息相通碩法良規實

爲盡善盡美伏觀乾隆年間西陲底定兩金川蕩

平八旗勁旅所向無前第承平日久營則猶是營

也未必營營皆堅銳之營兵則猶是兵也未必人

人皆精練之士推原其故皆管理者不能實心挑

那文毅公刑部尚書奏議

卷五十三

奏

選教練又不能各盡其長卽如嘉慶初年教匪滋

事之時八旗兵丁前赴軍營其打仗出力者固不

乏人而未能全數收其實効蓋由平日習練鎗箭

刀矛管兵者俱視爲具文官丁等亦祇知照例以

致臨敵制勝之時勇悍者不過十之一二退避畏

縮者比比皆然從來常勝之兵其中有一二畏縮

者尙令全軍氣索况又有大謬不然者夫兵所持

者技藝而矢石交攻之際無膽氣以乘之與無技

藝等口下各營兵丁技藝何嘗不按月按日操演

而技藝如何爲精癡如何爲虛實平素不講未見

可收指臂之效也應請

旨飭下管京營大臣令其各抒己見於本營內挑揀勇

敢精悍之士可得若干人此等兵丁鎗箭刀矛何

者爲其所長其或宜於平坦或宜於山澤或宜於

步或宜於騎皆令其極盡精微不許以照例操演

遂爾含混具奏卽綠營兵丁亦應設法練習以期

形勢堅牢有不可動搖之勢向來綠旗各營俱設

常操至臨事可用者不過幾營如楊遇春楊芳等

熟習情形會應行間之人伊等於本營之內俱另

選有備戰之兵三五百名隨時簡練向年豫東教

那文毅公刑部尚書奏議

卷五十三

奏

匪竊發之時此項兵丁爲一時諸營之最亦應請

旨嚴飭各省督撫提鎮各路兵丁如何操演所恃何技

實可備戰兵丁若干相度本省人情地勢如何操

演爲得法

令其詳悉具陳不得朦混敷衍將來訓練熟習之時遇

有

欽差滿漢大臣等過境亦可就近閱看不職者嚴參懲

辦庶京外營伍一體整齊且不徒滿漢兵丁可收

實力藉此亦可以廣獲人材於現在養兵情形似

有裨益臣愚昧之見是否有當伏祈

皇上聖裁謹

奏

那文毅公刑部尙書奏議卷五十三下

那文毅公刑部尙書奏議

卷五十三

卒

那文毅公刑部尙書奏議卷五十四目錄

卷五十四

總匯定讞

附請改罪名條例

那文毅公刑部尙書奏議

目錄

一

那文毅公刑部尚書奏議卷五十四

男容安恭輯

總滙定讞 附請改罪名條例

道光二年正月十一日會同總理部務大學士戴

公均元尚書韓公封及諸侍郎都察院大理寺

奏為酌核情罪改題為奏請另立科條事刑科抄出

湖南巡撫左輔題湘鄉縣賊犯曾三行竊拒捕刃

傷事主周明疇一案道光元年十月十四日題十

二月初九日奉

旨三法司核擬具奏欽此該 臣等議得據湖南巡撫左

那文毅公刑部尚書奏議 卷五十四

輔疏稱緣會三籍隸邵陽素未為匪道光元年三

月初二日曾三與未獲之朱七至王如昇家閒坐

各道貧難朱七起意行竊會三王如昇允從是夜

朱七攜鐵鑿會三攜尖刀王如昇徒手抵事主周明

疇屋外會三王如昇在外接賊朱七用鑿挖孔進

內竊得錢衣物走出事主周明疇聞犬吠驚起

喊捕朱七攜賊逃跑會三王如昇分路逃逸會三

至路口被周明疇追及扭住髮辮認係會三會三

情急順拔尖刀將髮辮割斷周明疇奪刀被刀尖

割傷周明疇右手心會三逃逸周明疇報縣官督

勘驗獲犯訊詳飭審逸犯朱七屢緝無獲事主傷

已平復提審供認不諱將會三依後逃之賊被追

拒捕刃傷例擬絞監候具

題前來查例載竊盜棄財逃走與未經得財逃走被

事主追逐拒捕或夥賊攜賊先遁後逃之賊被追

拒捕及已經逃走因見夥犯被獲幫護拒捕刃傷

者首犯擬絞監候從犯減等擬流等語詳核例意

竊盜僅被事主追逐未經獲住或見夥犯被獲不

即奔逃輒敢反身拒捕實屬愍不畏法是以例內

分別首從科罪一經刃傷即因圖脫起見而既已

那文毅公刑部尚書奏議

卷五十四

二

有心抵拒首犯即擬絞候所以警兇暴而嚴首惡

也如竊賊業被事主扭獲情急拔刀自割髮辮或

自割衣服襟帶本無拒捕之心偶致割傷事主揆

其情狀迥非逞兇拒捕若一律擬以纒首未免無

所區別此案會三聽從朱七行竊事主周明疇家

該犯在外接賊朱七竊得衣物走出被周明疇聽

聞起捕朱七攜賊先逃該犯亦即逃逸跑走路口

被周明疇追及扭住髮辮該犯情急拔刀將髮辮

割斷周明疇用手奪刀致被刀尖割傷右手心平

復報案獲犯查驗會三髮辮割斷屬實該撫將會

三依竊盜拒捕刃傷事主例擬絞監候等詳核案情曾三於已經逃跑之後被事主追及扯住髮辮是業經被獲該犯欲圖逃走將自己髮辮割斷並不敢向事主抵拒周明時手心一傷係昏夜之中該事主奪刀自行帶割亦非該犯格抵所致是該犯不但無拒捕之形并無拒捕之心若與拒捕刃傷同擬絞罪實覺情輕法重查各省辦理竊盜刃傷事主之案只以臨時盜所及逃走破道分別定擬斬絞而於拒捕致傷情形往往未及確究其是否有心無心以致概予縲首總因例無明文易

那文毅公刑部尚書奏議 卷五十四 三

滋含混臣等公同悉心酌議應請嗣後凡竊賊刃傷事主之案除僅只被追並未獲住賊犯因自圖脫身或夥犯被獲有心逞兇刃傷事主者仍照定例擬絞監候外如有被事主扭獲情急圖脫用刀自割髮辮衣服襟帶以致誤行割傷事主本無拒捕之心者於拒捕刃傷擬絞監候例上量減為極邊烟瘴充軍如此庶足以示區別而昭矜恤如蒙俞允部將此案存記俟下屆修例之年纂入例冊永遠遵行並先通行各直省一體遵照辦理所有會三一犯應請即照新例減發極邊烟瘴充軍事犯

在道光元年四月初七日
恩詔以前係因竊擬軍在臣部奏定不准援減之例應不准援減行令該撫將該犯照擬發配折責安置餘均應如所題完結謹

奏

道光二年正月十一日會同總理部務大學士戴公均元尚書韓公封及諸侍郎

奏臣等通查各例除竊盜拒捕刃傷人未死為首應擬絞候一案此外有竊盜拒捕殺人為從幫毆刃傷應擬絞候者有臨時拒捕殺人為從幫毆刃傷

那文毅公刑部尚書奏議 卷五十四 四

應擬絞候者有臨時拒捕傷人未死為首應擬斬候者有搶奪殺人為從刃傷應擬絞候者有搶奪刃傷人未死首犯應擬斬候者有姦夫拒捕刃傷捉姦之人應擬絞候者有罪人事發在逃被獲時拒捕本罪已至滿流而拒捕在折傷以上應擬絞候者以上各項拒捕罪犯誠恐有與會三之案相類者各該省拘泥例文辦理不能盡一應俟恭奉諭旨後行知各該省如以上各項罪犯有實係被應捕之人扭獲情急圖脫用刀自割髮辮衣服襟帶以致將應捕之人誤行割傷總以有心無心為斷究

明該犯實係本無拒捕之心者均於死罪上酌減一等仍按原例罪名如係應擬斬候者減發新疆給官兵為奴應擬絞候者減發極邊烟瘴充軍臣部於修例時一併添纂明晰以便引用謹

奏

道光二年正月十一日奉

上諭刑部等衙門核擬會三行竊刃傷事主一案請酌改科條等語此案湖南湘鄉縣賊犯曾三於已經脫逃後被事主追獲情急圖脫自割髮辮誤行割傷事主核其情節本無拒捕之心若依拒捕刃傷例問擬

那文毅公刑部尚書奏議

卷五十四

五

絞候未免情輕法重曾三一犯著照擬於絞罪例上量減為極邊烟瘴充軍定地發配折責安置餘俱照所擬行並著刑部於修例時纂入例冊永遠遵行以昭平允

道光二年二月初三日會同總理部務大學士戴

公均元尚書韓公封及諸侍郎

奏為遵

旨審擬具奏事准步軍統領衙門參奏中營樹村汛守備韓德元拏獲賭博人犯安二鞭責身死請將該守備韓德元解任交部審辦一案道光二年正月

初七日奉

旨楊明姚豹兒著交刑部審辦其拏獲案犯不即呈解致斃人命之守備韓德元著解任歸案質訊欽此旋據該衙門將韓德元並楊明等及該守備另起拏獲賭犯温二喜等四名同安捨子即係安二屍親一併解送到部歸案審辦並據北城兵馬司指揮阮文燮呈報帶領伴作曹興相得已死安二左耳輪近下連耳垂前後紅赤手指搥傷牙齒緊咬左邊上下牙根微有紅色腎囊偏右紅色傷一處量長一寸二分濶四分似擠墊傷右腎子腫脹台面

那文毅公刑部尚書奏議

卷五十四

六

右肱肘近上紅色浮皮破傷二處右後肋紅赤浮皮破傷二處俱裁掙傷左右腿青赤傷各一片俱重疊藤鞭傷委係因傷致死聲明腎囊一傷形似擠墊等因臣等以腎囊係屬虛怯之處安二伏地時兩腿交互腎囊空懸何致遽能墊傷痕俱係方圓一片何以該指揮原驗覆驗均稱橫長情形殊不近理隨派承辦司員親詣屍所詳細覆驗據該司員等稱該指揮所驗安二屍傷餘處俱屬相符惟腎囊一傷因日久模糊即用酒糟熱醋如法攤審并以安二屍衣苫蓋移時將熱酒衝出糟醋

又驗出右膀有紅赤傷一處斜長八分寬五分籐鞭傷左腿紅赤傷一處長一寸四分寬三分他物傷用原毆籐鞭比對係由右腿膝前面斜下鞭打一下以致帶傷腎囊隨監提犯証隔別嚴鞫緣已死安二係山東德州回民來京傭工度日與宛平縣民人姚豹兒及在逃之王鎖兒周有兒屠七等均在樹村汛充當守備衙門捕役楊明歇店住宿溫二喜王黑兒賀喜兒及安二堂兒安捨子並在逃之張五張六賈五均係山東回民來京在樹村前河沿地方居住街鄰認識上年冬間溫二喜在

那文毅公刑部尙書奏議

卷五十四

七

不識姓名打鼓擔上買得紙牌一付於臘月二十七日開場賭博因來往人多姓名不能記憶迨本年正月初二日起更時安捨子王黑兒賀喜兒走至該處見溫二喜正與在逃之張五張六賈五四人在炕鬪牌安捨子與王黑兒賀喜兒立地觀看並未同賭適該守備韓德元帶領兵丁魏顯宗朱貴王勇幅巡夜至彼聽聞查拏將門堵住張五張六賈五從坑上站起踢窗跳出逃跑該守備卽將溫二喜連紙牌拏獲安捨子不能走出亦被拏獲帶回署中管押該守備復帶兵丁魏顯宗朱貴張

起瀧上街巡查時楊明店內安二起意賭博自向懷內取出骰子六顆邀允姚豹兒王鎖兒周有兒屠七等一共五人擲骰賭博各輸贏京錢數百文及數十文不等楊明在旁抽得頭錢六十餘文該守備進內查拏王鎖兒周有兒屠七等棄空逃逸僅獲安二姚豹兒楊明三犯楊明畏罪囑令姚豹兒等不要認賭該守備回署訊問安二姚豹兒聽囑狡不承認該守備飭令兵丁周德王德順先將姚豹兒按倒令馬兵張得升張起瀧先後鞭責數十下該守備斥其太輕奪過馬鞭親自責打十數

那文毅公刑部尙書奏議

卷五十四

八

下住手又令周德王德順將安二按倒張得升倒持鞭杆在安二腿上責打甫至七八下安二身子左右滾動以致毆及右膀致傷腎囊偏右及右腎子并帶傷左腿安二大聲喊叫卽不言語該守備喝令住手張得升收手不及復責兩鞭該守備親自持燈照看見安二頭上出有汗珠口吐白沫卽令盤腿救無及經步軍統領衙門奏送到部審悉前情不諱案無遁飾查例載監臨有司管軍之官因公事主令下手者於人虛怯去處非法毆打致死者杖一百徒三年追埋葬銀十兩下手之人

減一等又例載賭博人犯不將造賣之人供出印將出有賭具之人照販賣為從例杖一百徒三年又賭博不分兵民枷號兩箇月杖一百仍照聚賭抽頭無多者枷號三箇月杖一百又律載官司檢驗屍傷不為用心移易增減不實致死根由不明者杖六十件作杖八十各等語此案守備韓德元拏獲賭犯温二喜安二等不即呈解究辦輒令兵丁張得升等用馬鞭將安二責打致斃查安二出有賭具例應擬徒係屬罪人該守備尚非故勘平人惟因安二等狡賴輒主令兵丁毆打以致毆及

那文毅公刑部尚書奏議

卷五十四

九

安二右膀並致傷腎囊腎子虛怯去處身死自應按例罪坐主使韓德元應革去守備照監臨管軍官因公事於人虛怯去處非法毆打致死者杖一百徒三年律杖一百徒三年仍追理葬銀十兩給付屍親具領馬兵張得升合依下手之人減一等律於韓德元滿徒罪上減一等杖九十徒二年半安二擲骰賭博出有賭具並未供出造賣之人應照販賣為從論温二喜開場聚賭復隨同賭博旋被拏獲訊係偶然聚賭並未經旬累月惟該犯亦出有賭具應與安二均以販賣為從論除安二業

那文毅公刑部尚書奏議

卷五十四

十

被毆斃毋庸議外温二喜偶爾聚賭係輕罪不議合依賭博人犯出有賭具不將造賣之人供出照販賣為從杖一百徒三年例杖一百徒三年仍盡賭博本法加枷號兩箇月滿日與韓德元張得升均劄發順天府定地充徒折責發落捕役楊明開設歇店聚賭抽頭合依偶然聚賭抽頭無多者枷號三箇月杖一百例枷號三箇月杖一百仍革役姚豹兒合依賭博不分兵民枷號兩箇月杖一百例枷號兩箇月杖一百均俟枷滿之日折責發落指揮阮文變於委驗安二屍傷未將致死根由據

實詳報雖訊無聽囑受賄情事第檢驗屍傷不為用心殊屬草率阮文變應依官司檢驗屍傷不為用心移易增減不實致死根由不明杖六十律杖六十恭候
命下 臣部移咨吏部照例議處任作曹興劉清慎將安二腎囊一傷喝報墊磕又漏報右膀左腿二傷以致該指揮含混詳報殊屬不合曹興劉清慎均照檢驗屍傷增減不實者件作杖八十律杖八十馬兵張起瀧僅只聽從本官責打姚豹兒尚無不合應與訊未同賭之安捨子王黑兒賀喜兒等均毋

庸議無干省釋屍棺飭屬領埋賄具案結銷燬逸
犯張五王鎖兒等獲日另結謹

奏奉

旨依議

道光二年二月十一日會同總理部務大學士戴
公均元尙書韓公封及諸侍郎

奏爲服制罪干斬決各罪分別應否夾籤請立定限
制以昭畫一事查例載毆死本宗期功尊長罪干
斬決之案如係情輕該督撫按律例定擬止於案
內敘明法司會同核覆亦照本條擬罪若核其所

那文毅公刑部尙書奏議

卷五十四

七

犯情節實可矜憫者夾籤聲明恭候

欽定等語 臣部向來辦理毆死期功尊長之案如卑幼
與尊長互相爭鬪卑幼有心毆打致傷並無可矜
情節者卽按律擬以斬決若被尊長毆打情急抵
格無心適傷致斃尙非有心逞兇干犯者卽照例
夾籤聲明恭候

欽定是毆死期功尊長之案應否夾籤聲明總以有心
無心爲斷 臣部歷來辦理並無兩歧惟是例內只
言情輕及核其情節實可矜憫並未載明是否有
心干犯各省辦理此等案件有將不應夾籤之案

遽行聲請 臣部聲明係有心干犯毋庸夾籤仍按
律擬以斬決者亦有將應行夾籤之案不行聲敘

經 臣部聲明係無心干犯照例夾籤聲明者且有
並未訊明是否有心干犯或僅稱抵格卽以情輕
聲請或稱抵格卽不爲之聲請且往往有抵格情
形轉重而爲之聲請者抵格情形轉輕而不爲聲
請者辦理總未畫一僅憑抵格抵斃一字之分別
未便卽定其出入 臣部每以案情未能畫一應否
夾籤礙難核斷隨案駁令覆審總緣例無明文以
致各省辦理紛歧致多駁查 臣等公同酌議與其

那文毅公刑部尙書奏議

卷五十四

七

逐案臨時駁改莫若明定限制通行遵照俾免辦
理互異應請嗣後凡毆死期功尊長之案應否夾
籤總以是否有心干犯爲斷如卑幼實係被毆情
急抵格無心適傷者承審各官務須研訊明確詳
敘供招該督撫於案內敘明係抵格無心致傷並
非有心干犯字樣 臣部卽行核擬夾籤聲請若與
尊長互相爭鬪卑幼係有心毆打以致斃命者亦
於供招內將爭鬪情形並有心干犯之處詳細敘
明經 臣部卽仍按律擬以斬決總不得以抵格抵
斃一字之歧含混聲敘致啟高下之弊如此庶足

以昭畫一而免歧誤如蒙

俞允所有臣部現在未經題覆各件即照此分別核辦

仍通行各省一體遵照辦理並於下屆修例時於

例冊內修改明晰以便遵守謹

奏奉

旨依議

道光二年二月二十七日會同總理部務大學士

戴公均元尙書韓公對及諸侍郎

奏為審訊定擬具奏事准北城御史等奏拏獲鄰境

臨時行強賊犯張三一案道光元年十二月初六

那文毅公刑部尙書奏議

卷五十四

三

日奉

旨張三著交刑部審擬欽此旋據該城將張三解送到

部臣等查張三籍隸山東嘉慶十八年來京在樹

村地方居住負苦與在逃之保定府人徐大認識

道光元年二月二十九日路遇徐大言及窮苦徐

大起意行竊該犯允從行至廣渠門外大井地方

因天時尙早徐大邀伊同到墳院臥歇徐大潛在

墳地內刨出繩鞭一根小刀一把告知係伊埋藏

賊具即將繩鞭交給該犯拽入腰間徐大掖帶小

刀三更時同抵事主苗大門首將秫秸院牆籬笆

門推開其院內西房一間係苗大啞吧兒子允兒

年甫十七歲與伊兒媳楊氏居住徐大推開屋門

因門門插入牆內將牆上土坯掉落允兒夫婦驚

醒允兒係啞吧不能喊嚷楊氏亦畏懼不敢聲張

徐大開門竊出被褥棉袄銀簪等物該犯在門外

接賊維時苗大在北屋內聽聞門响知係有賊隨

即起來因黑夜一人不敢出捕又恐伊子年幼受

驚在屋內聲懇不要嚇唬伊子如果缺少盤纏伊

尙有賣慈錢文可以相助等語隨開門擲出京錢

兩弔徐大因事主膽怯復向添借盤纏苗大指稱

那文毅公刑部尙書奏議

卷五十四

四

已屋櫃下尙有錢數千文令徐大等自取徐大當

令該犯點火照亮入屋取得京錢四弔隨即出屋

與徐大攜走次早俵分錢文當典衣物每人分得

錢三弔五百文而散十一月間該犯回家看望即

被捕役拏獲奏送到部審悉前情臣等以該犯等

黑夜推開苗允兒房門致將土坯推掉入室竊得

衣物經事主苗大畏懼擲給京錢兩弔該犯膽敢

用言答應添借錢誠恐實有臨時行強入室搜

賊情事且既執有繩鞭小刀顯係用強嚇禁事主

其所供聽從徐大圖竊及事主開門令伊取錢等

情殊不足信當卽傳同事主苗大令其當堂指証據苗大供稱伊因住處並無鄰佑黑夜害怕不敢賊拏又恐伊子年幼受驚是以向其央懇借給盤纏其實賊人並未向伊懇嚇迫伊擲錢兩弔賊人復向索添伊怕賊人驚嚇伊子指稱錢在櫃下令其自取隨見一賊進屋拏錢走出伊屋尚有衣物賊人並未搜取伊亦未見所執繩鞭等物詰以如何開門入室情形據供係伊自開屋門擲錢並非賊人打開其伊子屋內門門係插入土牆內因賊人推門將土坯掉落門門並無損折亦並無端門

那文毅公刑部尚書奏議

卷五十四

五

入室情事反覆究詰矢口不移復片催各衙門飭緝徐大弋獲無期應就現犯先行擬結此案張三聽從在逃之徐大起意行竊事主苗允兒屋內衣物因允兒之父苗大畏懼向其央懇開門擲給京錢兩千徐大復向索添苗大指稱錢在櫃下聽伊自取徐大輒令該犯張三入室持火照亮取錢跑走研訊該犯實係聽從徐大入室取錢並無搜贓情事查徐大等先推門竊取苗允兒衣物迨允兒之父畏懼向懇輒敢索添錢文該犯張三並敢聽從徐大入室取錢雖由事主開門令其自取實已

迹近行強惟該犯等入室之後僅將事主指稱櫃下之錢取出並未搜劫贓物尙屬情有可原若律以臨時行強概擬駢首未免與夥衆行強入室搜贓者無所區別自應依律量減定擬張三應照共謀爲竊臨時爲強盜不分首從斬罪律上量減一等杖一百流三千里劄發順天府定地發配到配折責安置無干省釋逸犯徐大仍行文直隸總督步軍統領都察院順天府各衙門一體飭屬嚴拏務獲究辦謹

奏奉

那文毅公刑部尚書奏議

卷五十四

六

旨依議

道光二年三月二十日會同總理部務大學士戴公均元尚書韓公對及諸侍郎

奏爲案關斬絞出入請

旨勅令覆核另行妥議事內閣抄出吏部尚書醫直隸總督松筠奏審明獻縣民人陳明用刀扎傷金添柱身死分別定擬一摺道光二年二月十七日奉硃批刑部議奏欽此查該醫督奏稱竊獻縣屯居旗人金添柱赴京呈控民人陳明糾衆將伊長兄金添柱毆扎致死伊與次兄金添順往護亦被毆扎致

傷縣書劉廷甲將故殺捏報關殺歷控不為究辦等情控經步軍統領衙門訊供於道光元年二月十四日具奏奉

旨此案著交方受疇親提人証卷宗秉公審訊定擬具

奏原告金添桂該部照例解往備質欽此當經前督

臣方受疇飭提來省因各供狡展未及審奏由署

督長齡移交前來隨督司研鞫緣陳明與金添

柱素識無嫌陳明堂兄陳忠向種金添柱堂叔金

落五家地畝嘉慶二十五年六月初四日金添柱

之弟金添桂欲僱陳忠之子陳猪工作許以日給

那文毅公刑部尚書奏議 卷五十四 七

工錢一百文陳猪嫌少未允致相爭詈陳猪歸向

伊祖陳大告知同往理論金添桂不服爭吵並與

金添順趕至陳大門首嚷罵欲將陳猪兩腿毆折

適陳明之父陳四聞知以陳猪係伊姪孫金添桂

等不應欺侮往向理講走至金添桂學房門外與

金添柱撞遇陳四告以前情聲言金添桂等太覺

強橫金添柱未理走進學房陳四跟同進內復以

前言相激金添柱不依斥罵陳四氣忿撲向撞頭

金添柱順拾木扁擔毆傷陳四頂心右腿肚陳明

聞伊父與金添柱爭毆順攜割繩小刀趕往因見

伊父受傷欲與金添柱不依金添柱出向毆打陳

明畏懼逃走金添柱隨後追及與陳明揪扭陳明

用刀扎傷金添柱左肋左腋肌適金添柱金添順

聞鬧趕至陳明慮恐一人難敵又被金添柱揪住

不放一時忿急起意先行下手將金添柱扎死遂

用刀狠扎其左腋肌一下金添柱鬆手倒地時陳

四陳忠陳春先後趨護陳猪見金添柱合撲在地

即用棍毆其左右臂左後肋金添柱因傷殞命陳

猪用棍毆傷金添順陳四亦用鐵鋤砍傷金添順

陳忠用鐮刀砍傷金添桂並砍傷金添順陳春用

那文毅公刑部尚書奏議 卷五十四 六

鐮刀砍傷金添順各散赴縣報驗將陳明依鬪殺

律擬絞陳四陳忠陳猪擬以徒杖一併援

赦免罪等情招解金添桂即赴京控告奏奉

諭旨解赴直省審辦查明金添桂等各傷俱已平復逐

加研訊據各供晰前情不諱將陳明依律擬斬監

候陳忠等擬以徒杖具奏前來查律載鬪毆殺人

者不問手足他物金刃並絞監候又故殺者斬監

候各等語推原律意鬪與故同一殺人而罪之斬

絞迥別誠以鬪者意只欲毆並無致死之心罪止

擬絞故者一時逞忿必實有殺人之意故坐以重

辟向來辦理此等案件總以兇犯之有心致死與無心致死分別罪名輕重如果積有嫌怨一時忿恨頓起殺機或他物亂毆金刃疊砍傷多且重或只一二傷而狠扎致命之處期在必死情真事實傷格可憫者方可坐以故殺之罪其餘尋常爭毆之案無論人之眾寡傷之多少但係邂逅致死並非出於有意者總以鬪殺科斷不得以附會近似之詞遠擬駢首此案陳明因金添柱之弟金添桂欲僱伊堂姪陳猪工作陳猪嫌其錢少未允致相爭詈金添桂同兄金添順趕向嚷罵並稱欲將陳猪兩腿毆折適陳明之父陳四聞知往向金添柱理講被金添柱拾取扁擔毆傷頂心等處維時陳明聽聞順攜割繩小刀趕往見父受傷欲與金添柱不依金添柱出向毆打陳明畏懼逃走金添柱追及揪扭陳明情急先後用刀扎傷金添柱左肋左腋臍身死經該縣審明將陳明依鬪殺律擬絞招解金添桂即來京翻控奏奉

諭旨解往直隸審辦茲據該署督奏稱陳明被金添柱追及揪扭用刀扎傷金添柱左肋左腋臍適金添桂金添順趕至陳明慮恐一人難敵起意先行下

那文毅公刑部尙書奏議

卷五十四

九

那文毅公奏議 卷五四

手將金添柱扎死遂用刀狠扎其左腋臍倒地將陳明改依故殺律擬以斬候臣等詳核案情金添柱等以陳明堂姪陳猪不肯受僱微嫌登門嚷罵并欲毆折陳猪兩腿及陳明之父陳四往諭復用扁擔將陳四毆傷其為倚勢欺凌已可概見陳明因伊父受傷攜刀趕往救護及見金添柱勢兇即行逃走是陳明尙知畏法並非好勇鬪狠之徒迨被金添柱追及揪扭其用刀向扎意只在於嚇退金添柱仍揪不放其弟金添桂金添順復趕攏幫護陳明力不能禦窘迫之間冀其鬆手復用刀嚇

那文毅公刑部尙書奏議

卷五十四

三

扎其為情急圖脫尤屬顯然至金添柱一經鬆手陳明當即跑開並未用刀疊扎尤難科以有心致死之罪且檢查傷格陳明先扎左肋左腋臍兩處深僅一二分後扎左腋臍一處深雖透膜均非致命較之洞胸貫脅者迥不相侔衡情定讞陳明之始而攜刀趕往由於護父情切繼而用刀嚇扎由於被揪圖脫似此金刃三傷均非致命且衅由護父確有急情可原之案歷年秋審均入緩決今該署督以起意狠扎之虛詞為故殺重情實據選擬重辟不特法重情輕且與臣部歷辦秋審例案多

七二二

有歧異轉故將來畸重畸輕之弊案關罪名斬絞

出入臣部礙難率覆相應請

旨勅下直隸總督覆加詳核務得確情按律妥擬具奏

到日再議謹

奏

道光二年三月二十日奉

旨刑部議駁直隸縣民人陳明扎斃金添柱一案著

交顏檢覆加詳訊務得確情按律妥擬具奏

容安謹按此案旋據直督遵駁更正將陳明依

鬪殺律擬絞監候奏結

那文毅公刑部尚書奏議

卷五十四

三

道光二年三月二十日會同總理部務大學士戴

公均元尚書韓公鈞及諸侍郎

奏為遵

旨速議具奏事軍機處交出福建臺灣鎮總兵觀喜等

奏拏獲因姦謀殺本夫之劉阿四等審明治罪一

摺道光二年三月十五日奉

硃批刑部速議具奏欽此該臣等議得據福建臺灣鎮

總兵觀喜等奏稱劉阿四現住鳳山縣與已死姜

興觀隨伊母姜陳氏探親外出劉阿四遂與姜鍾

氏調戲成姦嗣後乘便續姦姜興觀母子均不知

情五月間劉阿四與姜鍾氏在房戲謔被姜陳氏

撞見劉阿四當即逃跑姜陳氏向姜鍾氏問出姦

情告知姜興觀將姜鍾氏訓責並聲言欲尋劉阿

四送官究治經姜陳氏以事關顏面勸止禁絕姜

鍾氏與劉阿四往來九月二十八日姜鍾氏赴莊

外採取野菜路過劉阿四約姜鍾氏續舊該氏即

將被伊夫禁絕欲送官之言向劉阿四告知囑其

不必再來而散詎劉阿四戀姦情密起意將姜興

觀致死以便往來十月初五日該犯知素好之邛

阿四曾在姜興觀家幫工與姜興觀不合辭出有

那文毅公刑部尚書奏議

卷五十四

三

嫌遂往邛阿四家商令將姜興觀謀斃先給番銀

四圓許以事成之日酬給埔地十畝邛阿四貪利

允從將銀收受初七日邛阿四買得毒鼠信末一

包藏於身邊初九日早間探知姜陳氏帶同姜鍾

氏往隣莊田間檢拾穀穗姜興觀獨在廚房煮飯

邛阿四進內伴為坐談適姜興觀走出中堂取火

燃薪邛阿四乘間將信毒私放鍋內即自走回姜

興觀將飯煮食至午後毒發倒地喊叫經隣人聞

聲趕至查問姜興觀即將啖飯中毒並邛阿四曾

至廚房之言告知灌救無及旋即殞命報知姜陳

氏姜鍾氏趕回劉阿四卽給與卹阿四番銀二元令其走避探知姜陳氏往報地保卽潛至姜興觀家將謀斃情由私向姜鍾氏告知囑勿聲張該氏畏懼隱忍經縣驗明拘卹阿四到案究出實情將劉阿四姜鍾氏獲審一併詳解訊據供認前情不諱詰係姦夫劉阿四商謀卹阿四毒死本夫姦婦姜鍾氏委無預知謀情卹阿四亦無與姜鍾氏通姦情事嚴鞫不移案無遁飾將劉阿四依例擬斬立決照例刺字姜鍾氏卹阿四俱擬絞監候請旨卽行正法具

那文毅公刑部尚書奏議

卷五十四

三

奏前來此案劉阿四因與姜鍾氏通姦經氏姑撞見告知伊夫姜興觀禁止劉阿四往來劉阿四戀姦情密起意將姜興觀致死商令卹阿四買藥將姜興觀謀毒斃命應如該鎮道等所奏劉阿四合依姦夫起意殺死親夫擬斬立決例擬斬立決姜鍾氏與劉阿四通姦以致夫死非命卹阿四曾在姜興觀家幫工並無主僕名分其同謀加功應同凡論亦均應如該鎮道等所奏姜鍾氏依姦夫自殺其夫姦婦雖不知情絞監候律擬絞監候卹阿四依謀殺人從而加功者絞監候律擬絞監候至該

鎮道等奏稱臺灣民情淫悍罔顧廉耻每多因姦釀命海外重地宜從嚴懲辦以昭炯戒劉阿四姜鍾氏卹阿四三犯應請

旨卽行正法以懲淫兇而維風化等語臣等檢查嘉慶二十年四月內有臺灣鎮總兵武隆阿會同臺灣道廉奇瑜審奏林柔與謝蔡氏通姦謀殺本夫請旨卽行正法經臣部覆准有案今該鎮道等審辦此案自係援照林柔成案辦理惟查海疆地方民風兇悍若遇洋匪會匪結拜關係人衆案件自應立予誅戮以示懲儆前案謝蔡氏係同謀加功殺死縱姦

那文毅公刑部尚書奏議

卷五十四

三

本夫按例本應斬決林柔係起意謀殺本夫又致姦婦於重辟例應斬候是以從嚴懲辦此案卹阿四祇係一人一事尋常謀殺加功又並無同姦情事例只絞候向來臺灣地方斬絞監候之犯均係入於秋審辦理若如該鎮道等所議將卹阿四卽行正法已屬過當至姜鍾氏於劉阿四謀殺伊夫先不知情係劉阿四於事後向伊告知該氏只係畏懼隱忍未經首告到官究無隨同逃走及續姦情事與戀姦忘仇者不同臣部辦理此等姦夫自殺其夫姦婦畏懼隱忍之案秋審時如並非戀姦

忘仇者向俱入於緩決辦理今將該犯婦一併請
旨正法尤關生死出入臺灣雖界海外久隸版圖辦理
人命案件與內地無殊若將監候之犯不論情節
輕重俱立正典刑是該處秋審之典幾廢殊非慎
重民命之意臣等公同商酌除劉阿四係例應斬
決之犯應即行正法外姜鍾氏邱阿四二名應請
均仍照各本律擬絞監候入於秋審分別辦理該
鎮道等聲請即行正法之處毋庸置議餘均應如
所奏完結謹

奏

那文毅公刑部尚書奏議

卷五十四

五

道光二年三月二十日奉

旨劉阿四著即處斬姜鍾氏邱阿四俱依議應絞著監
候秋後處決餘依議

道光二年正月二十三日會同總理部務大學士
戴公均元尚書韓公鈞及諸侍郎
奏為回疆審辦要案未盡允協請

旨飭交覆審事竊據喀喇沙爾辦事大臣明緒奏印房
章京主事職銜塔青額與吐爾扈特罕之母喀屯
拉什丕爾通姦審明定擬一摺道光二年三月初
六日奉

硃批刑部速議具奏欽此臣等竊查此案據明緒原奏
內稱塔青額於嘉慶二十一年間當印房筆帖式
時即被該喀屯遣人請至帳房和同姦宿迨本年
正月經明緒風聞其事設法查訊始行破案查定
例職官姦職官妻姦夫姦婦各絞監候即或從重
懲辦亦不過加以絞決今明緒援引乾隆三十七
年庫爾喀喇烏蘇軍臺守備吳坦等喚令吐爾扈
特婦女歌唱留宿請

旨即行正法成案將塔青額擬斬請

旨即行正法犯姦之喀屯奏請免其審訊查邊徼機務

那文毅公刑部尚書奏議

卷五十四

五

不得不思其未然此時其喀屯既難於質訊將來
塔青額正法後喀屯若有翻控不認或羞忿自盡
彼時當如何辦理又或其屬下辦事人等恃無質
證徑赴明緒衙門請其明示甚至語言之間小有
不遜關繫邊疆不為不重臣那彥成曾任喀喇沙
爾辦事大臣知吐爾扈特心性在蒙古中最不可
信外夷原難繩以禮教此等案件非當日烏什素
誠之案可比塔青額固應從嚴辦理以儆邊徼官
兵而投鼠之忌亦難拘於成法查回疆八城總統
於伊犁將軍向來尋常事件該辦事大臣等原得

專達若事關重大例應會同該將軍具奏此案以內地不肖劣員姦通外藩喀屯實屬邊陲希有之事竊恐明緒未能詳察深思有乖大體轉失撫馭機宜臣等公同商酌合無仰懇

皇上將此案飭交伊犁將軍慶祥提集人證復加審訊必能悉心斟酌盡善再松筠素悉新疆情形現在隨扈

聖駕仍請

皇上俯加垂訓伊自當詳細陳奏謹

奏

那文毅公刑部尚書奏議

卷五十四

三

道光二年正月二十三日奉

上諭喀喇沙爾辦事大臣明緒夷務處章京常與俱著解任交慶祥提同明緒家人王姓一併歸案質訊

道光二年三月二十三日奉

上諭前據明緒奏辦喀喇沙爾印房章京主事職銜塔青額與吐爾扈特罕之母拉什丕爾通姦一案當經諭令慶祥覆訊旋據該喀屯及策伯克扎普等先後呈訴並牽控喀喇沙爾夷務章京常與教供辦事大臣明緒家人索借各款復降旨將明緒及常與解交慶祥提同人證歸案質訊茲據慶祥審明已革主事

職銜塔青額實無與喀屯通姦情事惟以新疆辦事司員私赴游牧不避嫌疑致滋物議且屢次往民人李鉞處與謝林周際昌胡存禮等聚賭均經慶祥等提訊各犯供認不諱該革員不自檢束行同市僧致污人名節實屬有玷官箴又於到案後以明緒挾嫌刑逼為詞情殊狡黠塔青額著發往黑龍江充當苦差於到配後枷號半年以示懲儆明緒於家人索借所部財物毫無覺察迨查出張秀一案追還原錢僅止遞解未能參辦其辦理塔青額之案並不悉心推究僅據風聞草率定案殊屬溺職明緒著革職發往

那文毅公刑部尚書奏議

卷五十四

三

熱河充當苦差解任夷務處章京常與訊無教供情事惟派赴游牧查訊事件不戴頂帽殊屬不合著交部議處飭令回任聽候部議餘著照所擬完結

道光二年三月二十七日會同總理部務大學士

戴公均元尚書韓公鈞及諸侍郎

奏為閩粵等省情有可原免死擬遣盜犯脫逃被獲

恭逢

恩詔請

旨按照尋常逃遣分別辦理以昭平允事恭照嘉慶二十五年八月二十七日欽奉

恩詔查辦死罪及軍流以下人犯當經 部酌擬准免
不准免條款分別奏咨通行各省遵照其各直省
情有可原免死發遣盜犯原擬一概准其援免嗣
據廣東廣西福建三省督撫以閩粵等省係海疆
重地民情犷悍內河陸路土匪甚多若將擬遣盜
犯概行釋回難保其不故智復萌先後奏明不准
援免其餘各省擬遣盜犯凡事在

赦前者 臣 部仍遵照奏定章程概予援免倘於赦後在
配脫逃所犯既在應行援釋之列即屬無罪之人
是以准其免緝歷經分別奏咨有案茲據烏魯木

那文毅公刑部尚書奏議

卷五十四

五

齊都統貢楚克札布咨稱有廣西省免死發遣盜
犯周老木一名於嘉慶十九年十二月初七日到
配道光元年八月十二日在配脫逃九月初二日
被獲例內免死盜犯脫逃已逾五日被獲即應正
法惟查上年秋審情實人犯欽奉

諭旨停止勾決是凡謀殺殺人重犯尚邀

曠典而該犯脫逃逾期逃後訊無行兇為匪不法情事

可否暫免正法入於下年秋審辦理咨候部示並

據伊犁將軍慶祥咨稱有福建省免死發遣盜犯

黃老鮮一名於嘉慶二十二年七月到配二十四

年閏四月在配脫逃旋即自行投回照例免罪茲
於道光元年二月十五日二次在配脫逃至十一
月二十七日復畏罪自行投回按例內免死盜犯
二次脫逃無論拏獲投回俱應即行正法惟該犯
初次脫逃係在嘉慶二十五年八月二十七日
恩詔以前如前犯得免併計則此次脫逃自行投回似
應仍照初次投回例免罪因例無明文應否將該
犯正法之處咨部核示各等因 臣 等查例載免死
發遣盜犯在配脫逃已逾五日拏獲者無論有無
行兇為匪請

那文毅公刑部尚書奏議

卷五十四

三

旨即行正法又由死罪減為發遣盜犯在配脫逃被獲
例應即行正法者如畏罪投回准其從寬免死仍
發原配若准免一次之後復敢脫逃雖自行投回
不准寬免又平常發遣人犯在配脫逃並無行兇
為匪亦無拒捕情事被獲者五次以內遞回發遣
處枷號一個月投回者免罪脫逃至五次以外被
獲者枷號三個月投回者枷號一個月十次以外
被獲者枷號六個月投回者枷號三個月均鞭一
百各等語今周老木係廣西省免死擬遣盜犯黃
老先係福建省免死擬遣盜犯既經該省奏明在

不准援免之列而該二犯一則初次脫逃被獲一則二次脫逃投回按例均應正法惟該犯等所犯究在

恩詔以前該三省督撫所以將擬遣盜犯奏明不准援免釋回者係爲慎重海疆慮其回籍後故智復萌貽害良民是以不准援釋冀熄盜風並非謂犯盜之情重於他省獨予不赦之條現在各省免死擬遣盜犯均准援免釋回其在配脫逃並予免緝獨該三省擬遣盜犯非惟不能援免釋回且一經脫逃仍應按例立予駢首未免輕重懸殊有失平

那文毅公刑部尚書奏議

卷五十四

三

允之義卽該都統等所請免其立決歸入下年秋審辦理及免其併計之處亦未平允臣等公同酌議應請將廣東廣西福建三省免死擬遣盜犯凡事犯在嘉慶二十五年八月二十七日

恩詔以前者仍照該省原奏不准援免釋回如於赦後在配脫逃被獲俱照尋常發遣人犯脫逃之例免其正法仍發原配分別次數照例枷責其改發內地各犯亦照此辦理如在配另犯他罪亦照尋常發遣人犯一律核辦其赦前脫逃及投回者仍准免其逃罪發原配安置如此酌定章程既可慎重

地方不失戢暴安良之義而該犯等仍得仰沐

皇仁俸全軀命庶幾情法兩得其平如蒙

俞允臣部行令該將軍都統卽將脫逃被獲之周老木

一犯免其正法照平常發遣人犯脫逃被獲例在發遣處枷號一個月黃老鮮一犯卽照脫逃投回例免其逃罪仍令該將軍都統等將周老木黃老鮮於配所嚴加管束並飛行直省各督撫將軍都統府尹一體遵照辦理謹

奏

道光二年三月二十七日奉

那文毅公刑部尚書奏議

卷五十四

三

旨烏魯木齊遣犯周老木脫逃被獲事在赦前著免其正法卽照尋常發遣人犯脫逃被獲例在配枷號一個月伊犁遣犯黃老鮮在配脫逃旋卽自行投回著照例免其逃罪仍著該將軍都統等將該犯嚴加管束餘依議

道光二年三月二十七日會同總理部務大學士

戴公均元尚書韓公鈞及諸侍郎

奏爲請定誤殺並誤傷祖父母父母分別辦理章程以昭畫一事竊查律載子孫毆祖父母父母及妻妾毆夫之祖父母父母者皆斬殺者皆凌遲處死

又例載子孫毆祖父母父母審無別情無論傷之輕重即奏明斬決各等語又於嘉慶十八年三月

內臣部議覆原任山西巡撫銜齡奏白鵬鶴誤傷

伊母白王氏身死一案奉

旨此案白鵬鶴因向伊嫂白葛氏借取燈油不給嚷罵白葛氏起出門首理論白鵬鶴拾取土坯向白葛氏擲毆不期伊母白王氏出勸以致誤傷殞命刑部引子毆父母殺者凌遲處死律又引鬪毆誤殺旁人以鬪殺論律比擬問以凌遲處死核其情節白鵬鶴遙擲土坯誤殺其母非其思慮所及與鬪毆誤殺者究屬有間白鵬鶴

那文毅公刑部尚書奏議 卷五十四 三

著改為斬立決嗣後有案情似此者即照此問擬餘依議欽此當經臣部通行各省嗣後有誤傷父母致死情

節甚輕者仍照本律定罪援引白鵬鶴之案恭候

欽定遵照在案又於嘉慶二十一年六月內臣部審奏樊

魁用刀向伊弟樊沅嚇砍經伊母樊王氏奪刀自

行割傷一案將樊魁依子毆父母斬律擬斬立決

具奏奉

旨此案樊魁因伊弟樊沅竊取銅壺爭吵經伊母王氏向樊沅訓斥不服該犯聽聞斥罵樊沅趕出嚷罵該犯順用菜刀嚇砍其母用右手將刀奪去因刀刃向左自行

割傷左肱肘據伊母供稱樊魁平日孝順其傷由自割該犯並無忤逆情形樊魁著改為斬監候餘依議欽此

又道光二年三月初二日奉

上諭明山奏審擬誤傷祖母重犯一摺此案隴阿候與余茂勝口角爭毆誤傷祖母阿湖奶身死該撫因例無專條請依孫毆祖父母殺者律凌遲處死倫紀攸關固當加重定擬但誤傷究與毆殺者有間朕準情酌理隴阿候著改為斬立決嗣後遇有誤傷祖父母致死之案即照此問擬餘均著照所擬完結欽此欽遵各在案查子孫之與父母祖父母天倫攸關非

那文毅公刑部尚書奏議 卷五十四 三

期功尊長可比故向來誤殺誤傷之案臣部未敢遽議輕減仍均照各本律例定擬其白鵬鶴案內

原奉

諭旨係此後照此問擬業經臣部遵

旨通行各省將來似此誤殺祖父母父母之案援引白鵬

鶴案內

諭旨聲請恭候

欽定現因貴州省審辦隴阿候誤傷祖母身死一案奉

旨後復經臣部通行各省遵照至誤傷祖父母父母之

案因樊魁案內原奉

諭旨僅將樊魁改為斬候將來似此案件如何辦理未蒙
指示各省因未奉明文辦理未能畫一現在即查有山東

省題翟小良誤傷伊父翟玉培一案該撫係援引

白鵬鶴誤殺之案聲明請

旨又湖北省題趙才鼎誤傷伊母張氏一案廣西省題

葛莫氏誤傷伊姑葛鄧氏一案各該省未經援引

成案祇於本內聲明並非有心忤逆逞兇干犯等

語查誤殺罪干凌遲之犯既得法外從寬援案聲

請以昭平允等公同酌議應請嗣後誤傷祖父

母父母致死律應凌遲處死者援引白鵬鶴案內

那文毅公刑部尚書奏議

卷五十四

三

欽奉

諭旨及隴阿候案內現奉

諭旨恭候

欽定其誤傷祖父母父母律應斬決者援引樊魁案內

欽奉

諭旨恭候

欽定至誤殺誤傷夫之祖父母父母者亦即照此辦理

如蒙

俞允 臣部通行各省一體遵照所有現在山東湖北廣

西三省題到各案 臣部即照此核辦謹

奏奉

旨依議

道光二年三月二十八日會同總理部務大學士

戴公均元尚書韓公封及諸侍郎

奏為遵

旨議奏事內閣抄出江蘇巡撫魏元煜奏清河縣民人

胡順截傷親父胡瞎子身死圖賴倪相勳審明定

擬一摺道光二年二月初一日奉

硃批刑部議奏欽此該 臣等議得據江蘇巡撫魏元煜

奏稱竊照署清河縣知縣李正鼎稟報民人胡順

那文毅公刑部尚書奏議

卷五十四

美

截傷親父胡瞎子身死圖賴倪相勳一案驗明屍

傷錄供通詳押解犯證來蘇聽候審辦 臣因案關

重大當即批司飭府督縣審明定擬由司招解前

來 臣提証研鞫緣胡順籍隸清河縣係胡瞎子親

子胡瞎子兩目雙瞽道光元年九月間有桃源縣

民夏一昌之妻鄭氏被滿如剛拐賣與將士奎為

妻嗣因復圖轉賣鄭氏聞知潛逃於十月初五日

走至汪庭輝家告知情由懇其收留住歇至十一

月初十日胡順前往看見因知汪庭輝無力養活

鄭氏情願改嫁並因伊妻汪氏姦陋欲娶鄭氏為

妻當與汪庭輝說定身價錢三千文於十二日過門成婚二十九日有倪相勳因妻故無子聞知胡順買有鄭氏價甚便宜即以胡順本有妻室何必續娶起意前往說買是夜邀同素好之陳懷餘張大喜張小喜張小勝子偕至胡順家勒逼轉賣胡順因見倪相勳等人多勢橫無奈依允當以伊曾出錢三千文買得令其照數還錢倪相勳允俟次日送交胡順遂將鄭氏送至倪相勳家成婚嗣胡順向索原價無還倪相勳意圖昧賴胡順因倪相勳將鄭氏騙去身價無著一時忿恨起意裝傷圖

那文毅公刑部尙書奏議

卷五十四

三

賴妄冀藉此涉訟是夜二更時分胡順見伊妻汪氏就寢隨即攜取小刀至伊父胡瞎子牀前即用刀戳傷胡瞎子右腿胡瞎子喊叫疼痛胡順又用刀自劃右腿兩下欲誣賴倪相勳搶妻兇毆維時胡順之妻汪氏聞聲趕至驚見哭喊胡順即棄刀跑出捏情投保並赴縣喊稟汪氏在家哭喊鄰婦胡陳氏聞知查看汪氏告知真情獲犯稟解問胡瞎子即於初四日早因傷殞命經縣驗明屍傷審供不諱將胡順依律凌遲處死恭請王命先行正法梟首示衆夏鄭氏等擬以杖徒具

奏前來查律載子毆父母死者凌遲處死收留在逃子女買為妻妾者杖八十徒二年買者知情減犯人罪一等又例載聚眾夥謀搶奪曾經犯姦婦女已成首犯發雲貴兩廣極邊烟瘴充軍和誘知情被誘之人減等滿徒各等語此案除戳傷伊父圖賴倪相勳致伊父因傷斃命之胡順業據該撫於審明後恭請

那文毅公刑部尙書奏議

卷五十四

三

王命照例凌遲處死應毋庸議外倪相勳因聞胡順用錢三千文價買逃婦鄭氏為妻該犯因其價甚便宜起意圖買乘夜邀同陳懷餘等四人偕至胡順家中逼勒胡順將鄭氏轉賣胡順見其人多勢橫無奈依允囑令倪相勳償還原價當將鄭氏賣給倪相勳成婚嗣胡順屢向倪相勳索還原價不給倪相勳恃無票據意圖昧賴胡順忿恨起意裝傷圖賴乘伊父胡瞎子睡臥在床用刀戳傷胡瞎子右腿又自用刀劃傷左腿冀圖涉訟洩忿胡瞎子次日因傷殞命該撫將倪相勳依知情轉買在逃子女為妻律擬杖七十徒一年半具奏 部查已正法之胡順固屬情同鳥獲而檢閱供招其價買鄭氏時祇知逃荒婦女不自知其買娶之非迨被

倪相勳逼勒強買昧賴身價意圖裝傷控告制勝致成逆倫巨案是倪相勳本係此案禍首且該犯敢於晝夜率眾強買他人婦女不給身價並非本人甘心欲賣令人不敢不從其恃強肆橫實與起意夥謀強搶者無異惟鄭氏本係被拐改嫁之婦衡情定讞自應將該犯倪相勳照強搶犯姦婦女本例定擬方足以懲兇暴該撫祇將該犯依知情買娶在逃子女律擬以杖七十徒一年半引律既未允當罪名亦屬輕縱臣部未便率覆至聽糾同行之陳懷餘等四人檢閱供招僅止陳懷餘一人

那文毅公刑部尚書奏議

卷五十四

五

領回聽其去留汪庭輝訊非誘拐惟明知鄭氏係在逃婦女輒敢收留轉賣應照收留在逃子女賣為妻妾者杖八十徒二年餘均應如該撫所奏完結逸犯飭緝務獲照例辦理謹

奏奉

旨依議

容安謹按此案旋據江撫遵駁更正將倪相勳依強搶犯姦婦女已成例擬發雲貴兩廣極邊煙瘴充軍奏結

道光二年閏三月二十六日會同總理部務大學

那文毅公刑部尚書奏議

卷五十四

四

士戴公均元尚書韓公對及諸侍郎都察院大理寺

奏為道

旨議奏事內閣抄出吏部尚書署直隸總督松筠奏部駁交河縣賊犯田九聽從張存貴行竊謀死事主審明更正併將原擬錯誤各員核實查參一摺道光二年三月二十六日奉

硃批刑部議奏欽此該臣等會議得據署直隸總督松筠奏稱竊查前督臣方受時題覆部駁交河縣賊犯張存貴等因行竊敗露商同致死事主僧人洪

振滅口一案將張存貴等仍照原題分別擬以斬決充軍復經刑部以罪名未協奏奉

諭旨此案交河縣賊犯張存貴等謀斃事主經方受疇審明將張存貴問擬斬決其聽從謀令下手加功之田九張冬二犯照竊盜拒捕幫毆例擬軍刑部以田九等罪名未協駁令覆審方受疇仍照原擬具題案關竊盜謀殺事主於罪名大有出入著交松筠覆加審訊詳核案情細心按律妥擬如原擬實有錯誤之處著卽據實奏具奏到日再交刑部核議欽此臣接准部咨當經行司委員審明改擬前來臣提犯

那文毅公刑部尚書奏議

卷五十四

罕一

嚴訊據張存貴供認糾邀田九張冬張老行竊事主僧人洪振菴內糧食袍襖出院被洪振醒覺看見聲喊送究該犯慮恐到官治罪商允田九等致死洪振滅口該犯將洪振推到揪住田九張冬各用磚塊土坯並用拳將其毆傷殞命張老並未幫毆張冬於到案後病故等語訊據田九張老供悉相同核與原招無異隨復檢查全卷此案前督臣方受疇因查嘉慶十二年廣東陽江縣賊犯周亞敬聽從在逃之陳德用搶奪徐亞燦牛隻因被徐亞燦認識陳德用起意致死滅口卽向周亞敬商

那文毅公刑部尚書奏議

卷五十四

罕一

允將徐亞燦推倒揪住周亞敬用刀戳其咽喉斃命該省將周亞敬依圖財害命例問擬斬決經部改照搶奪殺人爲從幫毆刃傷例擬絞通行各省凡遇搶奪得財致死事主之案悉照拒捕殺人本例辦理等因查此係刑部通行以斬決改擬絞罪之案前督臣方受疇誤引是以將田九張冬照依竊盜拒捕殺人爲從幫毆傷非金刃又非折傷例擬發烟瘴充軍本未脗合茲臣覆加確核平人謀殺爲從加功尙應問擬絞候自未便以竊賊謀斃事主爲從加功之犯僅擬軍罪致滋輕縱除爲首之張存貴原擬斬決從而不加功之張老原擬充軍情罪相符張冬業經病故毋庸議外將田九依律改擬絞候聲明援赦不准免罪具奏前來查律載謀殺人造意者斬監候從而加功者絞監候等語此案先據前督方受疇疏稱田九聽從張存貴等行竊僧人洪振衣物毆斃致死事主滅口將張存貴依竊盜拒捕殺人例擬斬立決田九等依幫毆傷非金刃又非折傷例定擬軍具題經臣部以張存貴謀殺造意罪只斬候該督依竊

盜臨時拒捕殺人為首擬以斬決與例相符惟聽從下手致死事主之田九等較之尋常謀殺之案情罪尤重未便將謀殺事主下手加功之犯僅照竊盜拒捕為從幫毆擬軍駁令覆審妥擬旋據該督方受疇覆審該犯等委因竊情敗露致死事主滅口並無圖財害命情事並援引嘉慶十二年臣部題覆廣東省周亞敬等搶奪致死事主工人改擬絞候之案與此案情事相同仍照原擬具題復經臣部以周亞敬聽從搶奪拒捕殺人為從刃傷本例應擬絞候與尋常謀殺加功擬絞之犯罪無出入此案田九雖只他物幫毆其聽從謀命加功之罪重於拒捕傷非金刃又非折傷之條前臣部通行內悉照拒捕殺人本例之語原以別於圖財害命非謂因竊謀殺事主下手加功之犯未至折傷即可曲從寬典且謀殺加功在平人已應擬絞豈有竊盜謀殺事主轉得從輕之理當經據題改奏欽奉

諭旨勅交署督臣松筠詳核妥議今據該署督奏稱覆加確核平人謀殺為從加功尚應問擬絞候自未便以竊賊謀斃事主為從加功之犯僅擬軍罪致

那文毅公刑部尚書奏議 卷五十四 臣

那文毅公奏議 卷五十四

滋輕縱原擬本未昭合應行更正將田九依律改擬絞候具奏臣部核其情罪與例相符除原擬斬決之張存貴事犯在嘉慶二十五年八月二十七日

恩詔以前係竊盜謀死事主不准援免行令該督將該犯即行正法其病故之張冬應毋庸議外應如該署督所奏田九合依謀殺人從而加功者絞監候律擬絞監候秋後處決事犯在

恩詔以前係竊賊加功致死事主應不推其援免該前督方受疇原疏內稱張老聽從同行偷竊雖未入室幫毆亦應按例問擬張老合依為從未經幫毆成傷者發極邊足四千里充軍例擬發極邊足四千里充軍事犯在

恩詔以前所得軍罪應請援回釋免後再犯加一等治罪餘均應如原擬完結再該署督奏稱此案現經部駁仍將絞罪錯擬軍罪具題之前督臣等均應請

旨交部分別議處等語恭候

命下臣部移咨吏部照例辦理謹會同都察院大理寺合詞謹

那文毅公刑部尚書奏議 卷五十四 臣

七三五

奏

道光二年閏三月二十六日奉

旨張存貴著卽處斬田九依擬應絞著監候秋後處決
餘依議

道光二年四月二十日會同總理部務大學士戴

公均元尙書韓公鈞及諸侍郎

奏爲命案審定正兇擬議具奏事據步軍統領衙門

奏送劉三呈控伊弟劉勇被在煤窰開設水工屋之

朱四率衆毆斃巡檢相驗受賄捏報病故一案道

光二年正月二十二日奉

那文毅公刑部尙書奏議

卷五十四

罪

旨此案著交刑部提集案証嚴審定擬具奏欽此當訊

據劉三供稱伊弟劉勇於上年十一月外出日久

未回伊恐劉勇往煤窰傭工常到各處窰上找尋

本年正月初七日聞王平司倪巡檢赴朱四水工

屋內驗屍前往觀看被官人攔阻風聞屍身有傷

朱四賄囑捏報病故伊疑係伊弟是以呈控弔查

宛平縣卷本年正月初三日據鄉約馬正啟呈報

朱四水工屋內有深州人李二於上年十二月三

十日病死該縣因在請假期內劄委王平司巡檢

於初七日往驗係屬病死等因臣等以該屍姓名

雖與劉三所控不符而案關人命若係被毆受傷
身死該巡檢受賄捏報亦應詳加覆驗徹底根究

隨一面票傳應訊人証一面飭提屍棺派委司員

督同宛平縣帶領仵作劉清慎及該縣仵作郭鎮

眼同劉三開棺檢驗該屍因死甫月餘尙未腐化

據劉三辨認並非伊弟屍身隨驗得該屍額顛當

正青黑色傷一處鐵物戳傷偏右皮焦黃色傷一

處鐵物烙傷右眼胞皮焦黃色傷一處鐵物烙傷

左右肩甲連兩胎膊兩肘肘青赤相連重疊他物

傷臍肚偏左連近下紅赤傷二處他物傷兩勝近

那文毅公刑部尙書奏議

卷五十四

罪

下至兩膝赤紅相連重疊他物傷左腿青黑色傷

二處鐵物戳傷右臙肌皮焦黃色傷一處鐵物烙

傷腦後左紅赤傷二處擦磕傷右臂膊近下並兩

後肋青赤相連重疊他物傷脊背脊連偏左右

各浮皮破傷二十餘處俱係直長拉擦傷左臂近

上紅赤皮破傷一處擦磕傷左腿肚青赤傷二處

他物傷委係因傷身死取結存卷旋據該縣將案

內應訊之窰內巡水人石春及朱四之伴朱六十

兒並在窰上管事人馬德川水工屋內管事人張

二及一千人証先後送部提訊朱四據供伊上年

十二月二十九日早飯時因李二不肯進窰工作
當喝令張二朱六十兒將其毆打李二進窰後仍
不打水夜間又被石春打傷三十日早用筐拉出
至下晚身死質之石春等各供認前情屬實並審
問已革王平司巡檢倪繩有得賄捏報傷痕情事
臣等隨將倪繩咨革會同都察院大理寺提同犯
証逐一詳鞠緣石春係香河縣人嘉慶二十三年
間有宛平縣民人張孝及內務府開散旗人曾充
宛平縣差役緣事斥革更名復充之張王安在西
山夥開煤窰一座託馬德川在窰管事石春於上

那文毅公刑部尚書奏議

卷五十四

聖

年九月受僱在窰傭工與深州人李二同窰工作
無嫌朱四係在該窰開設水工屋窰內打水處所
分四十八壩每窰水工三名每十二壩有一人執
持木板巡查謂之巡水如水工做活懶惰窰內有
積水巡水人即用木板責打其水工及巡水人皆
係朱四承攬竟僱上年十二月二十九日早飯後
李二輪應上窰打水李二答稱有病不能工作朱
四聽聞斥其懶惰令其長跪院內李二分辦朱四
喝令張二及朱六十兒毆打朱六十兒將李二按
倒張二隨取火把打傷李二右肩甲及兩胎膊兩

那文毅公刑部尚書奏議

卷五十四

聖

肱肘李二仍不願進窰張二又將其按住朱六十
兒在屋內取出爐坑木棍打傷李二左右後肋張
二復用火把打傷其左腿肚李二掙扎翻身朱六
十兒復用木棍打傷其左右兩膝經李二求饒欵
手李二無奈即進窰與李貴分在第八壩打水是
夜頭壩至十二壩係石春巡水李二打水至一千
八百斗後因乏歇手石春向其查問李二答稱身
上作痛不能打水石春不允李二欲令石春代替
石春生氣用木板毆其左膀七八下李二向石春
央懇石春允俟再打六百斗後即行替代旋往各
壩巡水李二仍不能打水令人將石春喚至央其
代打水石春忿將李二按倒又用木板毆其左膀
十數下並用左手拉住李二右手將其拖出壩口
外復用插木毆傷其左肩甲李二仰身掙起石春
復毆傷其臍肚偏左當即歇手石春因見李二始
終不能打水令李二自行出窰詎李二傷重行不
多遠即在窰道上暈臥三十日早經石春李賢等
在窰道內看見僱人用筐將其拉至地近窰口之
八達舖因窰道高低不平致被荆條擦傷腦後左
脊背脊骨連偏左右及兩臂等處從筐內扶出背

至朱四水工屋內至起更時因傷殞命朱四因石
 春卽係伊所僱巡水之人且伊曾囑令朱六十兒
 張二等先將李二毆傷恐報官受累起意賄囑息
 事隨於正月初一日一面向馬德川告知一面投
 知鄉約馬正改捏稱病故令其赴縣呈報並往見
 張孝告知李二被打身死情由朱四復向馬德川
 告述央其相驗時設法情託如有應用錢文卽懇
 代墊於伊應領木工錢文內扣除馬德川應允初
 四日馬德川寫信令在密幫工之李弼進京送交
 張王安探聽相驗消息張王安轉煩與縣衙門熟
 那文毅公刑部尚書奏議 卷五十四 癸

識之龔二探明縣官委王平司巡檢相驗當卽告
 知李弼令向馬德川轉述並令馬德川卽至王平
 司打點馬德川因家住南港村該巡檢倪繩因公
 上審常在伊家坐歇並與弓兵張玉童才等熟識
 隨找見張玉等告知李二帶傷因病身死託其回
 明本官相驗時不要挑斥許事後謝給京錢一百
 千張玉應允馬德川又知已革縣役陳章與件作
 認識找見陳章懇其轉託陳章向索京錢五十弔
 文馬德川照數付給陳章兩次送給件作萬長清
 錢十二弔其餘二十八弔陳章自行收用初六日

倪繩前至南港村在馬德川家歇息以待次日往
 驗張玉照馬德川所囑向倪繩懇允次日倪繩上
 審至朱四水工屋內相驗萬長清當場囑報因病
 身死倪繩亦扶同申報將屍掩埋次日馬德川按
 照換錢時價兌京平紋銀四十一兩六錢五分交
 張玉接收張玉換錢七十弔送交倪繩餘錢三十
 弔與童才兩人分用旋經劉三風聞疑係伊弟劉
 勇被毆身死在步軍統領衙門呈控奏送到部審
 悉前情 臣 等以此案馬德川既代朱四行賄囑託
 其各處打點銀錢數目必不止此復向各犯証詳
 那文毅公刑部尚書奏議 卷五十四 辛

加詰訊據件作劉清慎供出二月十三日驗屍時
 宛平縣件作郭慎曾令其將傷痕隱匿報作病故
 許給京錢六十弔伊未敢應允當場將傷痕逐一
 報出既蒙審訊不敢不據實供明隨傳到郭慎嚴
 訊據供係宛平縣已革書役章永安託令轉向劉
 清慎許賄囑托劉清慎未經應許屬實復稟傳章
 永安據該縣申稱章永安已於正月告退閏三月
 間往江蘇探親俟傳到卽行申送至屍身所受各
 傷審據石春供係用木板毆打張二係用火把朱
 六十兒係用爐坑木棍均核與原驗傷痕相符惟

原驗額顛左腿鐵物截傷右腿肚臙鐵物傷屢
次將該犯等熬審均堅不承認復向在水工屋內
幫工之趙全及水工李賢等細加研訊據供凡進
窰工作皆用小瓦瓶貯油將綿繩自罐口燃火紮
縛頭上照亮如初做水工不善紮縛油瓶搖動卽
被油火燒燙又據李賢供稱伊曾因烤火經人推
擠被火燙傷左臙肋至今癢痕猶存再伊等進窰
工作皮膚本黑往往煤塊掉落擦傷皮肉煤氣侵
入卽成青黑疤跡等語並據趙全張二等各指出
身上青黑疤跡及李賢左腿燙癢俱與所供相符

那文毅公刑部尙書奏議

卷五十四

五

是原驗額顛鐵物烙傷其爲李二生前自行受傷
作劉清等辨視不真誤行喝報似無疑義嚴詰
不移案無遁飾應卽按例擬結查律載鬪毆殺人
者不問手足他物金刃並絞監候又官吏作受
財故檢驗不以實者以故出入人罪論全出者以
全罪論囚未放減一等又枉法贓三十五兩杖九
十徒二年半無祿人減一等又所枉重者從重論
又例載旗人寡廉鮮恥有玷旗籍者均削去本身
戶籍依律發遣又凡以財行求及說事過錢者皆
計所與之贓與受財人同科無祿人減一等其說

事過錢爲從無祿人聽減二等又律載詐欺取財
計贓准竊盜論竊盜贓一兩至十兩杖七十二十
兩杖八十又知人謀害他人不首告者杖一百又
他物毆人成傷者笞四十各等語此案李二先被
朱四喝令朱六十兒毆打致傷石春並不在場
其因李二進窰後不能打水石春復用木板毆傷
其臙肚等處先後毆不同時自應各科各罪李二
先被朱四喝令朱六十兒等毆打後尙能進窰工
作迨是夜被石春毆打卽不能自行出窰用筐拉
出身死且石春所毆臙肚係屬致命應以石春擬

那文毅公刑部尙書奏議

卷五十四

五

抵石春合依鬪毆殺人者不論手足他物金刃並
絞律擬絞監候秋後處決已革巡檢倪繩於作
驗報李二係屬病故該革員因已聽賄喝報扶同
申報其得受京錢七十兩應折銀三十五兩按枉
法贓律只擬徒從重以故出入人罪論倪繩應與得
受京錢十二兩隱匿傷痕捏報病故之件作萬長
清均依受財故檢驗不實以故出入人罪論囚未
放減一等律杖一百流三千里查倪繩身係職官
於人命案件輒敢貪賄扶同捏報病故幾致正兇
漏網情節較重應請

旨發往伊犁効力贖罪張王安於馬德川寫信探聽時
 因該縣已批交王平司巡檢相驗即囑令在王平
 司打點係屬賄囑為從按贓罪只擬徒該犯內務
 府旗人甘充賤役被革後又改名復充實屬寡廉
 鮮恥張王安除賄囑為從輕罪不議外應銷除旗
 檔照例發往吉林營差朱四因李二不肯進密即
 喝令朱六十兒等毆打迨李二被石春復毆傷重
 身死朱四復商令馬德川代為賄囑捏報病故查
 朱四喝令毆打李二罪只擬笞應從其重者論照
 以財行求與受財人同科無祿人減一等律於倪

那文毅公刑部尚書奏議 卷五十四 五

繩得受枉法贓三十五兩杖九十徒二年半罪上
 減一等杖八十徒二年馬德川聽從朱四說事過
 錢應以為從論於朱四徒二年罪上減一等杖七
 十徒一年半張王安即送交兵部發遣倪繩俟完
 贓後交兵部起解萬長清年逾七十完贓後照律
 收贖馬德川交順天府定地發配張二朱六十兒
 因朱四喝令毆打即將李二迭毆多傷情亦兇狠
 未便僅照他物毆人成傷律擬笞張二朱六十兒
 應照不應重律杖八十加枷號一個月示懲張孝
 誠不知朱四商同馬德川行賄情事惟明知李二

被石春毆斃隱匿不報張孝照知人謀害他人不
 首告律杖一百陳章因馬德川向伴作托情該犯
 乘機索得錢五十兩自行使用三十八兩弓兵張
 玉童才於馬德川所送巡檢錢文均各分用京錢
 十五千均係詐欺取財應准竊盜論陳章合依詐
 欺取財計贓准竊盜論二十兩律杖八十張玉依
 詐欺取財一兩至十兩律杖七十宛平縣伴作劉
 鎮向劉清慎賄囑未成應與失察之地保馬玉殿
 俱照不應重律杖八十龔二代張王安赴縣探聽
 信息應照不應輕律笞四十以上枷杖笞責人犯

那文毅公刑部尚書奏議 卷五十四 五

應分別枷號折責發落應追各贓追繳入官伴作
 劉清慎將李二生前自受傷痕誤報為鐵器戳烙
 尚非有心混報且於郭鎮賄囑時不肯依允據實
 將屍傷報出向知長法應從寬免議已死李二據
 該縣申稱關隄深州查覆並無親屬應飭該縣將
 屍掩埋仍插標記認劉三之弟劉勇應令劉三自
 行訪尋宛平縣知縣失察巡檢婪贓舞弊並失察
 張王安革役復充應令吏部查取職名議處謹
 奏
 道光二年四月二十日奉

旨已革王平司巡檢倪繩著發往伊犁効力贖罪餘依議

道光二年四月二十四日會同總理部務大學士戴公均元尙書韓公鈞及諸侍郎

奏爲現屆辦理秋審查出廣東等省已經題結情近械關之案奏明請

旨暫行扣除一併發交覆勘以重民命事竊

等前奏廣東省咨報命案內有潮州府所屬火器殺人及

鬪毆斃命共三十七案皆審係頂兇經

等以該省咨報頂兇之案同時咨部至三十餘件顯係將

那文毅公刑部尙書奏議

卷五十四

奏

械關案件分案辦理而下手之犯不能確切審出

故頂兇之案至如此之多當即公同商酌此等案

件應嚴究主謀稍寬下手之犯以昭核實專摺奏

請

飭令該省將所報三十餘案再行覆審并請

旨飭下廣東福建浙江江西湖南廣西等省各督撫速

卽酌量情形凡械關之案如何將原謀加重懲辦

其下手之犯如何稍予從寬之處妥議章程具奏

在案現屆辦理秋審之期各該省業經題結之案

應入本年秋審或題結在秋審截止期後應入下

年秋審各案其中多有與前三十七案情形相同

似近械關而原謀未經審出現犯難保非賄買頂

兇查

部每年辦理秋審凡致斃多命之案如只

鬪毆致斃二三命尙可衡情酌入緩決如火器殺

人及毆死四命以上例應列入情實分繕

黃冊奏請

勾到所有各該省已經題結各案若不逐一查出卽

入於秋審辦理其中如係原謀未經審出而現犯

係屬頂兇者一經

勾到則首惡永逃法網而無辜卽日受誅

部爲刑

名總滙人命至重斷不敢因案已題結心存拘泥

或致稍滋枉縱

等公同商酌連日督飭司員將

廣東等省嘉慶二十五年及道光元年二年應入

秋審各件逐案稽核內有各斃一命而兩三案係

同一地保者又有先後具題而兩造姓氏相同犯

事月日相近者並有因口角細故互斃二三命至


二十餘命不等者

等查出廣東省四十九案福

建省七案浙江省一案江西省三案均係情近械

鬪共計六十案此外廣東等省火器致斃一命之

案雖逐加查核其鬪毆月日相距較遠兩造姓氏



ZW 21101000584642

續修四庫全書 史部 詔令奏議類

七四二

又不相同不能指定係屬械鬪惟此等火器殺人
之案秋審時應列入情實恭候

勾到惟廣東省賄買頂兇既相習成風若火器雖致
斃一命是否係將一衅相因械鬪之案改易情節
分案辦理其中卽難保無受賄頂認正兇之人
等當將廣東等省火器致斃一命少有可疑之案
亦飭司員逐一檢查廣東省二十一案廣西省四
案福建省七案湖南省二案浙江省二案江西省
四案共計四十案謹將情近械鬪六十案列爲一
單火器致一命四十案列爲一單恭呈

那文毅公刑部尙書奏議

卷五十四

奏

御覽詩

旨將單開各案於秋審內暫行分別扣除仍飛行廣東
福建浙江江西湖南廣西各督撫照單開各案再
行派員細心研鞫如實係將械鬪之案分案辦理
其案內未經審有原謀者卽行嚴究主謀卽有原
謀而下手斃命之犯是否實係正兇亦卽逐案訊
問明確據實覆
奏不得迴護原奏稍涉含糊俟奏到時臣等卽按照
章程酌核辦理其致斃一命之案亦俟覆到隨時
陸續請

旨遵辦刑名案件少涉疑實不得不加詳慎此等覆行

查審各案犯稽遲不過數月其中尙能審出賄囑
頂認正兇之人卽全活一二命亦足以仰副

皇上大德好生之至意至現在各省業經具題到部

部尙未題覆及續行題到之案有情形相類者容

臣等隨案查核聲明請

旨定奪謹

奏奉

旨依議

容安謹按茲奏內議駁詳查各案各省覆到日

那文毅公刑部尙書奏議

卷五十四

奏

立公已出署陝甘督篆不詳其何以結案故

無憑查載

文毅公刑部尙書奏議卷五十四